


যিনি আমার জীবনসর্বস্ব,  
যিনি আমার সুখে সুখী, দুঃখে দুঃখী,  
অহেতুক রূপা স্বাঁহার স্বরূপ,  
তাঁহার শ্রীচরণকমলে এই পুস্তিকা  
অর্পণ করিলাম।

ইতি  
শ্ৰী-মণী-বিদ্যা-দীপিকা  
শ্রী-মণী

# সূচী।

বিবরণ	পৃষ্ঠা
অন্ন ও শৈশব	১
কলিকাতার আগমন ও বিবাহ	৩৩
ত্রিপুরায়কাল দর্শন	৭২
কথা	৯৭
যেখানে অবস্থান	১৪৯
শেষ	৪২৯
ভংগর	৪৯৪
পূজা	৫৪১
নাগমহাশয় কি জীব ?	৫৬৯
উপদেশ	৫৮২
পরিশিষ্ট	৬০০

ডাঃ ...  
 ... 22/02/20  
 ...  
 ... ২২/০২/২০২০



## ভূমিকা ।

ঢাকা জিলাব অধীনে নাবাষণগঞ্জ নামে এক বন্দব আছে । নাবাষণগঞ্জ হইতে আধক্রোশ দূবে পশ্চিমদিকে দেওভোগ গ্রামে শ্রীদুর্গাচরণ নাগমহাশয় জন্মগ্রহণ করেন । তাঁহার পিতার নাম ৩দীনদয়াল নাগ, মাতার নাম ৩ত্রিপুরাসুন্দরী । দীনদয়ালের পিতার নাম ৩প্রাণরক্ষ নাগ । দীনদয়ালের দুই সহোদরা ছিলেন, ভগবতী ও ভাবতী । ভগবতী শিশুকালে বিধবা হইয়া চিরজীবন পিতৃভবনে কাটান । ভাবতী পিত্রালায়ে বড় আসিতেন না, স্বামী বাড়ীতেই থাকিতেন । নাগমহাশয়ের আদিনিবাস করাপুর । বরিশাল জেলাব অন্তর্গত কবাপুর গ্রামে তাঁহাদের আদিপুরুষগণ বাস করিতেন । যখন মুসলমানদিগেব গবিমাববি অস্তমিতপ্রায়, ইহাৰা সে সময় প্রতাপশালী জমিদার ছিলেন । একশিশু সেই বিশাল জমিদারীর এক অংশ পাইত । তাহার জন্মবার কিছুকাল পবে শিশুব পিতা ও মাতা পরলোক গমন করেন । এক পরিচারিকা তাহাকে প্রতিপালন করিত । অর্থলুকে, নীচাশয় অংশিগণ তাহাকে বিনাশ করিয়া, তাহার অংশ আত্মসাৎ করার মানসে ষাতক নিযুক্ত কবে । পরিচারিকা তাহা জানিতে পাবিয়া শিশুকে লইয়া রাত্রিযোগে বাড়ীর বাহির হয়, জানা নাই সে কোথায় যাইবে । তাহার একান্ত ইচ্ছা যে কপেই হউক শিশুর প্রাণ বক্ষা করা । গ্রামের পাশ দিয়া এক নদী প্রবাহিত ছিল । সেই নদীত্যাগে নদীর পার আসিল এবং একটি নোংরা দেধিতে

পাইল। সে জানিত না নৌকা কোথায় বাইতেছে, কোন এক নির্দিষ্ট স্থানে গাওয়াবও তাহাব ইচ্ছাছিল না। সে চাহিয়াছিল, যে কোন প্রকাবে হউক এই ধমপুরী হইতে শিশুক লইয়া চলিয়া যাইবে ও তাহাব প্রাণ র চাইবে সুকুরাং সে নৌকাব মাঝিকে সকাভাবে ডাকিতে লাগিল। মাঝি গভীববজনীতে রমণাব স্বব গুনিয়া, কৌতূহলপববশ হইয়া, পারে নৌকা লাগাইল এবং ডাকাব উদ্দেশ্য জিজ্ঞাসা কবিল। বমণী কাহাকেও কোন কথা না বলিয়া, শিশুক কোল কবিয়া নৌকায় উঠিল এবং মাঝিব সন্মুখে শিশুক বাধিয়া তাহাব চরণতলে পড়িয়া কাঁদিত্বে কাঁদিত্বে বলিল, বাবা, আমাদিগকে বক্ষা কব।

মাঝিব বাড়ী ঢাকা জিলায় ছিন। ধান্ত ক্রয় কবিবাব জন্ম ববিশালে গিয়াছিল। ববিশাল চিবকাল শশ্বেব জন্ম বিখ্যাত। ঢাকাব জিলা হইত সগানে লোক যাইয়া চিবকাল ধান্ত ক্রয় কবিয়া আনিত এবং এখনও আনে। ধান্ত ক্রয় কবি। আসার সময় পরিচাবিকা ও শিশু তাহাব নৌকায় উঠিয়াছিল। পরিচাবিকাব ক্রন্দনে এবং তাহাব সহিত এক সুকুমাব শিশুক দেখিতে পাইয়া, মাঝি বিপদেব আশঙ্কা কবিয়া সম্ভব নৌকা ছাড়িয়া দিল। পরিচাবিকা কাহাকে সমস্ত বিববণ বলিল। সে বত দুব সম্ভব আত্মসংমত কবিয়া শিশুব বংশমর্গাদা ও ধন সম্পত্তিব কথা বলিল এবং সঙ্গে সঙ্গে তাহাব প্রাণনাশের কথাও বাক্ত কবিল। মাঝির আন্তঃকরণে দমাব সঞ্চাব হইল। সে পরিচাবিকাকে অনেক আশ্বাস দিল। নৌকা চলিয়া আসিল।

আমি নে সময়ব কথা লিগিতেছি, তখন ঢাকা জিলাব মধ্যে তিলাদি নামে একটা গণ্ডগ্রাম ছিল। তিলাদির নিকটে একটা

বড় হাট বসিত । তথায় ধাতু বিক্রয় করিতে নৌকা লাগান হইল । তিলার্দি গ্রামে ভৌমিক উপাধিদানী কয়েক ঘর কারস্থ বাস করিতেন । পরিচারিকা লোকমুখে তাহা শুনিতে পাইয়া, তাঁহাদের আশ্রয় নিবে বণিয়া মাঝির নিকট নোভাব ব্যক্ত করিল । মাঝিও সেই কথায় মত দিল । পরিচারিকা শিশুকে কোলে করিয়া ভৌমিক-দিগের বাড়ীতে গেল । যিনি তিলার্দির মালিক ছিলেন, তিনি শিশুর পরিচয় পাইয়া, তাহাদিগকে আপনার ঘরে স্থান দিলেন । যথা সময়ে তিনি এই নাগমহাশয়ের নিকটে তাহার একটা কন্যার বিবাহ দিয়া, ষোড়শ স্বরূপ এই তিলার্দি গ্রাম তাঁহাকে দিলেন । কালক্রমে তিলার্দি নদীগর্ভে বিনুপ্ত হইলে, কাশীরাম নাগ দেওভোগ চলিয়া যান । আত্মারাম নাগও সেখানে বাড়ী করিবার জন্য কতক ভূমি রাখেন, এখনও সেইস্থান “আত্মারাম নাগের বাড়ী” বলিয়া পরিচিত আছে । দেওভোগ বিক্রমপুর নহে, এই সামাজিক আপত্তি উত্থাপিত হইলে, আত্মারাম নাগ আর সেখানে যান নাই ।

তিনি পঞ্চমসার গ্রামে যাইয়া, তালুক গ্রহণ করিয়া সেখানে বাস করিতে থাকেন । তাঁহার উত্তরাধিকারিগণ এখনও সেই গ্রামে বাস করিতেছেন ।

কাশীরাম নাগমহাশয়ের পুত্র রামমানিক্য নাগ । তাঁহার পুত্র প্রাণকৃষ্ণ । প্রাণকৃষ্ণের পুত্র দীনদয়াল । কাশীরামের অপর পুত্র রামমোহন নাগের বংশধরগণ বেতকা গ্রামে বাস করিতেছেন ।

শ্রীরামকৃষ্ণজগতে শ্রীদুর্গাচরণ নাগমহাশয় “নাগমহাশয়” বলিয়া পরিচিত, সুতরাং আমি তাহাকে নাগমহাশয় বলিয়াই লিখিব । যাহা আমি স্বচক্ষে দেখিয়াছি এবং যাহা আমি তাঁহার আত্মীর

॥•

ভূমিকা ।

মুখে শুনিয়াছি, তাহা যথাযথ লিপিক্ক করিব । যদি কোন ক্রটি  
পরিলক্ষিত হয়, পাঠকবর্গ মার্জনা করিবেন । আশা তাঁহার পত্র  
চরিত্র আলোচনা করা, ভরসা তাঁহার রাতুল, শ্রীচরণকমল ।

১লা বৈশাখ, ১৩৩০ ।

গ্রন্থকর্তা ।

---





Handwritten text in a script, possibly Devanagari, located on the right side of the image. The text is oriented vertically and appears to be a name or a title.



# শ্রীশ্রীনাগ মহাশয় ।

## জন্ম ও শৈশব ।

১২৫৩ সালের ৬ই ভাদ্র বেলা একপ্রহরের পূর্বে নাগমহাশয় ভূমিঃ হন । সেদিন শুক্রা প্রতিপদ তিথি, চন্দ্র সিংহ ভবনে । দীনদয়াল নাগ মহাশয়েবব অনেক বয়স পর্যন্ত কোন সন্তান না হওয়ায় তাঁহার মাতা ও ভগ্নি বড় দুঃখিতা ছিলেন । তাঁহার ছেলে হওয়ায় সকলেই অতিশয় সুখী হইলেন । প্রতিবেশীদিগকে সঙ্গে কবিয়া নবজাত শিশুকে দেখিতে গেলেন । শিশুকে দেখিয়া সকলেই সন্তোষ লাভ করিলেন । অগ্গাশ্র শিশুব মত তাহাকে লাগিল না । তাহাকে তাহাদের ভাল বাসিতে ইচ্ছা হইল, কোন কাবণ কথনঃ তাহাকে আপন বলিয়া মনে হইতে লাগিল । তাঁহাদের ইচ্ছা হইল, শিশুকে একবার কোলে নেন, হৃদয়ে ধারণ করেন, এবং তাহার মুখকমল চুম্বন কবেন । ভূতলে আসিয়াই শিশু লোকের মন আকর্ষণ করিল । সে অতিশয় শান্ত ছিল, কদাচিত্ কঁাদিত । শিশু আপন মনে গুইয়া থাকিত, তাহার খাওয়ার তত প্রবৃত্তি ছিল না । জননী অনেকবার কোলে কবিয়া শুন্ম মুখে ধরিলে, এক-আধবাব শুন্ম পান করিত । অন্ত সন্ধ্য

মাতার মুখের দিকে তাকাইয়া থাকিত এবং মৃদু-মন্দ হাসিত । যে শিশু পরের মন হরণ করিতে পারে, সে যে মাতার মনপ্রাণ হরণ করিয়াছিল, তাহা সহজেই বুঝিতে পারা যায় । জননী তাহাকে কোলে নিয়া আত্মহারা হইয়া যাইতেন, লোকে অনেক বার ডাকিলে তিনি শুনিতে পাইতেন । তিনি শিশুকে মাটিতে রাখিতে চাহিতেন না, অনেক সময় তাহাকে কোলেই রাখিতেন এবং তাহার মুখের দিকে তাকাইয়া থাকিতেন । তাহার মুখে যে কি সৌন্দর্য লাগিয়াছিল, তিনিই জানিতেন, তাহার মুখ হইতে যেন নয়ন তুলিয়া আনিতে পারিতেন না । জননী বসিয়া থাকিয়া তৃষিত চকোরের মত তাঁহার মুখ-চন্দ্রিমা পান করিতেন ।

অগ্রাণ্ড শিশু যেমন ঘন ঘন মল-মূত্র ত্যাগ করে, এই শিশু তাহা করিত না । সমস্ত রাত্রি ঘুমাইয়া কাটাইত, কাঁদিয়া একবার মাতাকে বিরক্ত করিত না । শিশুর কষ্ট হইবে বলিয়া জননী অনেকবার উঠিয়া, শিশুকে তুলিয়া দেখিতেন, সে কোন ভিন্ন স্থানে শুইয়া আছে কি না । যদিও তিনি জানিতেন শিশু সচ্ছন্দে নিদ্রা যাইতেছে, তবু ভালবাসার তাড়নায় তাহাকে নাড়িয়া-চাড়িয়া দেখিতেন, অতৃপ্ত বাসনা পূরণ করিতেন । দীনদয়াল তখন কলিকাতায় ছিলেন । তিনি পুত্রের জন্ম-বিবরণ-লিখিত চিঠি পাইয়া জানন্দে অধীর হইলেন, দিন গণিতে লাগিলেন, কবে পুত্রের মুখ দেখিয়া প্রাণ শীতল করিবেন । তাঁহার ইচ্ছা তখনই চলিয়া আসিয়া কুল-নন্দনকে কোলে নেন, কি করিবেন, পরের চাকুরী করেন । ইচ্ছামত কাজ করাত আর চলে না । স্মৃতরাং তিনি সময়ের অপেক্ষা করিতে লাগিলেন । পাঁচ মাস চলিয়া গেল, আর ধৈর্য ধরিতে পারিলেন না । তিনি ভোজের পালবাবুদের কাজ

করিতেন। তাঁহাদিগকে বলিয়া ছুটি গইয়া বাড়ী অভিমুখে যাত্রা করিলেন। বাড়ী আসিয়া পুত্রকে হৃদয়ে ধারণ করিয়া জীবনের সাফল্য লাভ করিলেন। শিশু তখন আধ-আধ কথা বলিতে পারে।

দীনদয়াল শিশুর প্রতি অতিশয় আকৃষ্ট হইলেন। তিনি তাহার ভাঙ্গা-ভাঙ্গা কথা শুনিতে সর্বদাই উৎকর্ষ থাকিতেন। শিশু চন্দ্রকলাব মত দিন দিন বাড়িতে লাগিল; সে ছয় মাসে পড়িল। দীনদয়াল পুত্রের অন্নপ্রাসনের যোগাড় করিতে আরম্ভ করিলেন। দেবতাদির অর্চনা করিয়া, নিয়মমত তাহার মুখে ভাত দিলেন এবং শ্রীভূর্গাচরণ নাম রাখিলেন। শিশু বসিতে শিখিল। হেলিয়া হুলিয়া পিতা-মাতার আনন্দবর্দ্ধন করিতে লাগিল। তাঁহার শিশু ছাড়া আর কিছু জানিতেন না। সোহাগ করিয়া কোলে কাঁখে করিয়া, দিন কাটাইতে লাগিলেন।

৭।৮ মাসে শিশু হামাগুড়ি দিতে শিখিল। দীনদয়ালের একটা কাজ বাড়িল। এখন তাহাকে চোখে চোখে রাখিতে হইত। শিশু এক স্থান হইতে অল্পস্থানে হামাগুড়ি দিয়া যাইত, এবং মধ্যে মধ্যে তাঁহার দিকে ফিরিয়া চাহিয়া আবার হাসিতে হাসিতে হামাগুড়ি দিত। তাহা দেখিয়া দীনদয়াল এককণ্ঠে ভুলিয়া গেলেন। শিশুকে ফেলিয়া কোথায়ও যাইতে তাঁহার ইচ্ছা হইত না, সর্বদা তাহাকে নিয়া থাকিতে মনে নিত। হামাগুড়ি দিতে শিখিয়া শিশু অতিশয় চঞ্চল হইল। সে কেবল এক আরগা হইতে অল্প আরগা বাইতে থাকিত। দীনদয়াল অস্থির হইয়া পড়িলেন, তর, শিশু আঁঘাত পায়। কখন কখন তাঁহাকে তাড়াতাড়ি চলিতে হইত, তাহা দেখিয়া শিশু আরও বেগে চলিত ও হাসিত।

মাস এইরূপে খেলা করিয়া কাটাইলেন । ছুটি ফুরাইয়া আসিল, কলিকাতা ঘাইতে হইবে । তিনি অতিশয় বিষম হইলেন, শিশুকে ছাড়িয়া আসিতে হইবে ভাবিয়া মনে কষ্ট হইল । দিন চলিয়া গেল, দীনদয়াল হুঃখিত অন্তঃকরণ লইয়া রওমা হইলেন ।

কলিকাতা আসিয়া দীনদয়াল পুত্রের বিবহ জালায় বড়ই অস্থির হইয়া পড়িলেন । শুইতে বসিতে কেবলই পুত্রের কথা তাঁহাব মনে হইতে লাগিল । পুত্রের মুখ-চন্দ্রিমা, হাসিমাখা কমল-নয়ন, ভাবভঙ্গি, জড়িত কথা ও হামাগুড়ি তাঁহাকে দগ্ধ করিতে লাগিল । মনিবের চাকুরী তাহা ভুলাইতে পারিল না । যাহা কিছু করিতেন, তাতেই পুত্রের কথা মনে পড়িত । তিনি ভাবিতেন, এখন কি করি ? কয়েক দিন এই ভাবেই কাটাইলেন । বাড়ী হইতে ঘাইবার সময় পুত্রের একটি ঠিকুজি করিয়া নিয়াছিলেন । মনে করিয়াছিলেন, সেই ঠিকুজি দেখাইয়া কুণ্ডি তৈয়ার করাইবেন । দীনদয়াল একজন জ্যোতিষীর অনুসন্ধান কবিত্তে লাগিলেন । অনেক তন্মাসের পর একজন জ্যোতিষী পাইলেন । যাহারা তাহাকে জানিত, সকলেই তাহার প্রশংসা করিয়াছিল । জ্যোতিষীকে ঠিকুজি না দেখাইয়া, পরীক্ষা করুত ইচ্ছা কবিয়া দীনদয়াল বলিলেন, অযুকদিন অত ঘটিকার সময় আমার একটা পুত্র জন্মিয়াছে, তাহার কুণ্ডি করাইতে চাই । তাহা শুনিয়া জ্যোতিষী বলিলেন, আমি কোন ঠিকুজি না দেখিয়াই আপনার পুত্রের রূপ ও স্বভাব বলিব । ইহাতে সম্বোধনাত করিলে, আপনি আমাকে তাহার কুণ্ডি প্রদত্ত করিতে বলিতে পারেন । আপনার পুত্র বড় মনোরম, শ্রামকায়, পলাশ-  
যেহে । তাহার বামপদেব কনিষ্ঠ অঙ্গুলি জোড়াও বলা যায়,

কিন্তু তাহার পায়ে একটা অঙ্গুলি বেশী আছে । তাহার হাসি মনমুগ্ধকর, স্বভাব চঞ্চল অথচ সে অতিশয় শাস্ত । সে এক মুহূর্ত্ত স্থির থাকে না, আধ-আধ কথা বলিয়া হাসিয়া হামাগুড়ি দিয়া অথবা হাত পা নাড়িয়া সকল দিন খেলা করে, কিন্তু কোন জিনিষ ধরে না, কাঁদিয়া কাঁহাকেও বিরক্ত করে না । বেরূপ চঞ্চল যদি সেরূপ অশান্ত হইত এবং জিনিষ-পত্র ফেলিত, এই অশান্ত শিশুকে লইয়া আপনাদিগকে খুব বেগ পাইতে হইত ; তাহাকে অত্যন্ত সাবধানে রাখিতে হইত এবং জিনিষপত্রও যেখানে সেখানে রাখিতে পারিতেন না । শিশু হাসিয়া হাসিয়া নিজের মনে নিজে খেলা করে, কোন অনিষ্টে যায় না । তজ্জন্ত সে অশান্ত হইয়াও অতিশয় শাস্ত । সে এমন সময়ে জন্মগ্রহণ করিয়াছে, তাহার সমস্তগুলি লক্ষণ ভাল । এ রকম শুভলগ্নে কদাচিত্ কাহার জন্ম হয় । এই লগ্নে জন্মিয়াছে বলিয়া তাহার বামপদের কনিষ্ঠ অঙ্গুলি জোড়া । আপনার পুত্র সুশীল, সচ্চরিত্র, সুমিষ্টভাবী, সত্যবাদী হইবে । এ জগতে সে বিশিষ্ট লোকের মধ্যে পবিগণিত হইবে । সকলে তাহাকে ভালবাসিবে এবং আপন বলিয়া মনে করিবে । আপনার পুত্র প্রাণান্তেও কোন দোষের কাজ করিবে না । যাহা সে অন্টার ভাবিবে, সে কাজ আপনি বলিয়াও করাইতে পারিবেন না । তাহাকে কেহ পর বলিয়া ভয় করিবে না । দীনদয়াল জ্যোতিষী কথায় শুনিয়া অতিশয় সুখী হইলেন, তাঁহার প্রত্যেকটা কথা সত্য বলিয়া মনে করিলেন । যখন তিনি পুত্রের রূপ বর্ণনা করিয়া, তাঁহার বামপদের কনিষ্ঠ অঙ্গুলিটী জোড়া বলিলেন, তাঁহার কথায় দীনদয়ালের সম্পূর্ণ বিশ্বাস হইল । তিনি দুর্গাকে বেরূপ খেলা করিতে দেখিয়াছেন, জ্যোতিষী ঠাঁহাঁই

বলিলেন । তাঁহার ভবিষ্যৎ বাণী নিভুল মনে করিয়া ঠিকুড়ী দেখাইয়া পুত্রের কুষ্ঠি তৈয়ার করাইলেন । \*

জ্যোতিষীর মুখে দুর্গার রূপ ও গুণ শুনিয়া দীনদয়াল মহানন্দে দুর্গার কুষ্ঠি তৈয়ার করাইয়া দিন গণিতে লাগিলেন, কবে দুর্গার মুখ দেখিতে পাইবেন । তিনি ভাবিতেন, দুর্গা ইয়ত এখন হাঁটিয়া সকল বাড়ী বেড়াইয়া খেলা করিতেছে, আমার কি ছরদৃষ্ট, আমি তাহা দেখিতে পাইতেছি না । দীনদয়াল দূরে বসিয়া পুত্রের সকল কথা কল্পনা করিতেছেন । এক বৎসরের শিশু মায়ের সাথে ঘুরিতে লাগিল । পিসী-মা ও ঠাকুর-মা আদর করিয়া কোলে নিতেন, কিন্তু সে কাহারও কোলে বেশী সময় থাকিত না, সকল দিন হাঁটিয়া বেড়াইয়া, হাসিয়া নাচিয়া, কখন তরুলতার দিকে তাকাইয়া, কখন বা পশুপক্ষী দেখিয়া খেলা করিত । অনেক সময় জননীর নিকট থাকিত । জননী হাতে কাজ করিতেন সত্য, মনপ্রাণ শিশুতে পড়িয়া রহিত । তিনি সর্বদা লক্ষ্য করিতেন, শিশু যেন কোন মতে ব্যথা না পায় । তাহাকে হাঁটিতে দেখিয়া, তাহার হাসিমাখা আধ-আধ কথা শুনিয়া, সকলেই মুগ্ধ হইত ।

শিশুর বয়স দুই বৎসর হইল । সারদামণি জন্মগ্রহণ করিলে ত্রিপুরাসুন্দরীর মনে বড় কষ্ট হইল । তিনি ভাবিতে লাগিলেন,

---

\* একদিন নাগমহাশয় বাজারে গিয়াছেন । দীনদয়াল আফ্লাদিত হইয়া আমার পিতার নিকট জ্যোতিষীর কথা বলিতেছিলেন, আমি তাঁহাদের কাছে ছিলাম । দীনদয়াল পিতাকে ৩৪ বার বুঝাইয়া বলিলেন, দুর্গার বামপদের কনিষ্ঠ আঙুলি ছোড়া দেখ না, জ্যোতিষী দুর্গাকে না দেখিয়াই তাহা বলিয়াছিল । সে আরও বলিয়াছে, রূপে গুণে দুর্গার মত কেহ হইবে না । এই সব কথা বলিতে বলিতে দীনদয়ালের চক্ষু স্থির হইয়াছিল, তাঁহার সে বৃষ্টি এখনও আমার চক্ষে আসিতেছে । নাগমহাশয় বাড়ীতে আসিলে দীনদয়াল চূপ করিয়া বসিয়া রাখিলেন ।

## জন্ম ও শৈশব ।

আর ছেলের যত্ন করিতে পারিব না, আর তাহাকে বুকে নিয়া শুইতে পারিব না, কি করিব সকলই বিধাতার ইচ্ছা । যখন সারদামণি হয়, শিশু একবার মা কোথায় গেল বলিয়া কঁাদিয়া উঠিল । পিসীমা বলিলেন, তোমার বোন হইয়াছে, মা তাহাকে নিয়া আছে, তুমি আমার কাছে থাক । শাস্তস্বভাব শিশু আর কোন কথা বলিল না, কাহাকে আব বিরক্ত করিল না, পিসীমাতার কথা শুনিয়া চুপ করিয়া রহিল । এদিকে ত্রিপুরাসুন্দরীর প্রাণ ছটফট করিতে লাগিল, তাঁহার বুকখালি বোধ হইল । শিশু ভোরে উঠিয়া, হাঁটিয়া গিয়া জননীর সামনে দাঁড়াইল । ত্রিপুরাসুন্দরী তাহাকে দেখিয়া পরমানন্দ অনুভব করিলেন । শিশু দূর হইতে মাতার দিকে একদৃষ্টে তাকাইয়া রহিল । তাহা দেখিয়া মাতার মনে বড় কষ্ট হইল । তিনি মেয়েকে রীতিমত লালন-পালন করিতেন, লক্ষ্য থাকিত ছেলে যেন কোথায় চলিয়া না যায়, কোথায় যেন ব্যথা না পায় । শিশু দূরে থাকিয়া ঘুরিয়া ফিরিয়া জননীকে দেখিতে লাগিল । সে কোনরূপ বিরক্ত কিম্বা ভয় সাথে হিংসা প্রকাশ করিত না । দেবতা চিরকালই দেবতা । যিনি বিষধর সাপকে আপন করিয়াছিলেন, তিনি কি কখন ভয় প্রতী হিংসা করিতে পারেন ?

ভয় জন্মিলে শিশু হুর্গা পূর্বের মত মাতার নিকট থাকিতে পারিত না । সে সকল দিন মাকে দেখিয়া, হাঁটিয়া নাচিয়া আপন মনে খেলা করিয়া বেড়াইত । ভয় হাঁটিতে শিখিলে, সে সময় সময় তাহাকে লইয়া খেলা করিত । তাহা দেখিয়া মাতা অতিশয় সুখী হইতেন । তিনি বলিতেন, দেখিও, তোমার ভয় যেন কোথায় চলিয়া না যায় । শিশু ভয় একটা রক্ষক হইল দেখিয়া, ঠাকুর

মা ও পিসী মা আপন মনে কাজ করিতেন । মা সকল দিন সংসারের কাজ করিয়া, সন্ধ্যা হইলে, ছেলে ও মেয়েকে নিয়া, নিশ্চিন্ত মনে বসিয়া, ছেলের মুখপানে চাহিয়া, আদর করিতেন । শিশু মাকে পাইলেই সুখী হইত, মায়ের আদর পাইয়া, সে আকাশ পানে তাকাইয়া তারা দেখাইয়া বলিত, মা, মা, ও কি ? মাতা স্বরল স্বভাবা ছিলেন । তিনি বলিতেন, ঐ স্বর্গ । উহাতে মাহা দেখিতে পাও তাহা তারা । শিশু বলিত, তুমি আমাকে উহা দাও ; আমি উহাদের সাথে খেলা করিব । মাতা বলিতেন, উহা কি ধরা যায় ? উহা স্বর্গের সৌন্দর্য্য । শিশু মায়ের কথা শুনিয়া কি বুঝিল, সেই তাহা জানিত । আকাশ পানে এক মনে তাকাইয়া থাকিত । তাহাকে আকাশের দিকে চাহিতে দেখিয়া, মাতা জিজ্ঞাসা করিতেন, ওখানে কি দেখিতেছ ? শিশু বলিত, স্বর্গে কেমন সুন্দর ফুল ফুটিয়াছে । এখানে উহা নাই । তাহা শুনিয়া মা কোন কথা বলিতে পারিলেন না । আকাশে চাঁদ উঠিলে শিশুর আনন্দের সীমা থাকিত না । সে চাঁদের দিকে তাকাইয়া মাকে জিজ্ঞাসা করিত, মা, ও কি ? মাতা বলিতেন, ও চাঁদ তোর চাঁদ-যুগ দেখিতেছে । শিশু চাঁদের দিকে চাহিয়া, হেলিয়া হুলিঙ্গ নৃত্য করিয়া আত্মহারা হইয়া পড়িত । সে বলিত, মা, চল, আমরা ও দেশে চলিয়া যাই । এখানে আমার ভাল লাগে না । শিশুর কথা শুনিয়া, তাহার মুখপানে চাহিয়া, স্বর্গের সৌন্দর্য্য দেখিয়া, মা মনে ভয় পাইতেন । তিনি জানিতেন, এই চাঁদ কি তাহার কুটার ঘরে শোভা পায় ? এ দরিদ্রের ঘরে, তাহার বুক জুড়িয়া, চির দিন থাকিবে কেন ? এই কথা ভাবিতে ভাবিতে তাহার চক্ষে জল আসিত । তিনি ভগবানকে স্বরণ করিয়া মনে



মনে বলিতেন, ভগবন্, যে ধন আমাকে দিয়াছ, আমা হইতে তাহা কাড়িয়া লইও না । আমি অনেক দুঃখের পর ইহাকে পাইয়াছি, ইহাকে রাখিয়া যেন চলিয়া যাইতে পারি । বধূর তাদৃশ ভাবব্যঞ্জক মুখ দেখিয়া স্বশ্রা ও ননদিনী মনে ব্যথা পাইতেন । সকলেই ভগবানের নিকট প্রার্থনা করিতেন, শিশু যেন দীর্ঘজীবী হয় ।

ত্রিপুরাসুন্দী স্বর্গে গেলে, ঠাকুর-মা ও পিসী-মা কাঁদিতে কাঁদিতে বলিয়াছেন, এদেশ ভাল লাগে না বলিবা, মাঁকে সুখময় স্বর্গে পাঠাইয়া দিলে । এখন তুমি বাঁচিয়া থাকিলেই বহুভাগ্য মনে করিব । আহা কি সুন্দর বধু ছিল ? গর্ভে কি রত্ন হইয়াছে ! এমন বোঁ আর পাইব না । বিধাতা তাহার চিত্র স্বরূপ এই বহুটী বাঁচাইয়া রাখুন ।

সারদামণির দুই বৎসর পর আর একটা কন্যা হইয়া মারা গেল । আবার দুই বৎসর পর একটা ছেলে হইয়াছিল । শেষোক্ত পুত্রের এক মাস বয়সের সময় ত্রিপুরাসুন্দরী হৃতিকা রোগে আক্রান্ত হন এবং ননদিনীর কোলে হৃদয়ের ধন দুর্গাচরণ ও অন্ত দুইটি সন্তান রাখিয়া বিধাতার লিপি অনুসারে নয়ন মুদিলেন । দীনদয়ালের মন হাহাকার করিয়া উঠিল, হৃদয় দমিয়া গেল । এমন অভুলনীর মণিকে শিশু বয়সে মাতৃহীন করিয়া কোথায় প্রস্থান করিল ? যে দুর্গাকে না দেখিলে মুহূর্তে মণিহারী ফণীর স্তায় ইতস্ততঃ ধাবিতা হইত, সে নয়নের মণি দুর্গাকে ফেলিয়া এখন কি করিয়া থাকিবে ? দুর্গার মুখের কথা মনে হইলে কি তাহার হৃদয়ে একবার বাধা লাগিবে না ? বৎস দুর্গা শিশু বয়সে মাতৃহীন হইল । ভুগবন্, তোমার কাজ তুমি করিলে, এখন আমি যেন আমার কাজ করিতে পারি । যে কাজে দুর্গার কষ্ট আসে, সে কাজ ভ্রমেও যেন না

করি। জ্ঞানী দীনদয়াল আগম ও নিগম ভগবানের নিয়ম মানিয়া, হুর্গাকে হৃদয়ে ধরিয়া, জীবিয়োগজনিত হুঃখ দূর করিলেন। জননীকে চক্ষে রাখিয়া, সুখী হইয়া হুর্গা সকল দিন খেলা করিত, লেখাপড়া করিত। সে জননীকে এভাবে শুইয়া থাকিতে দেখিয়া, সকলের মুখের দিকে তাকাইতে লাগিল, সুধর্ময় হইয়া, জীবের হুঃখ মোচন করিতে আসিয়া, নিজে হুঃখে পড়িলেন। শত লোক শত বহু করুক না কেন, মাতার বহুর তুলনা হয় না। সংসারে হুর্গার কোন সুখ ছিল না, শুধু দুইটা খাওয়া ছিল, ৬ বৎসর বয়সে মাতা হারাইয়া সে খাওয়াও হারাইল। জননীর তুল্য যত্ন অগতে কে করে? তবে পিতা দেবতুল্য ছিলেন, সাধ্যমত কতক যত্ন করিয়াছেন। সারাদিন মাতাকে দেখিয়া, খাওয়ার সময় খাইত, খেলার সময় খেলিত, কখন কখন পড়িত, শিশু হুর্গা ৬ বৎসর সুখেই ছিল। আজ জননীকে মৃত্যুশয্যায় শুইতে দেখিয়া, কাল মুখ নিয়া তাঁহার মৃতদেহের পাশে বসিয়া কাঁদিয়া সকলকে কাঁদাইল। ঠাকুর মা শিশুকে কোলে নিলেন, কিন্তু তাহার কান্না থামাইতে পারিলেন না। এদৃশ্য দেখিয়া দীন দয়ালের হৃদয় কাটিয়া গেল। পুত্রকে শাস্ত করিতে হৃদয়ে ধরিলেন, হৃদয় দাউ দাউ করিয়া জলিয়া উঠিল। তিনি ভাবিলেন, বোধ হয় চিতার বহি ইহা হইতে শীতল।

ত্রিপুরাসুন্দরী ভাগ্যবতী, ৬ বৎসরের ছেলে রাখিয়া স্বর্গে গেলেন। দীনদয়াল ধর্ম সঙ্গত মনে করিয়া বালক হুর্গা ধারা মাতার মুখাধি করাইলেন। মায়ের সংকার করিয়া বাড়ীতে আসিয়া, বালক মলিন মুখে বেখানে মাতা থাকিতেন, সে-সব স্থান দেখিতে লাগিল। দীনদয়াল তাহার ভাব বুঝিতে পারিয়া,

তাহাকে ডাড়াইয়া বৃকে রাখিলেন । ঠাকুরমা ও পিসীমা বিশেষ যত্ন করিলেন, বাহাতে সে সহজে মাকে ভুলিয়া যাইতে পারে । ধর্মভীরু দীনদয়াল তাহাকে আতপু অন্ন ও সৌন্ধব লবণ খাওয়াইয়া নিয়ম মত মাতার জলপিণ্ড দেওয়াইলেন । তিনি স্বীয় অননী ও ভগ্নিকে বলিলেন, আমাদের কন্দম্বোষে আমরা কষ্টে পড়িলাম, কিন্তু সে ভাগ্যবতী পতি ও পুত্র রাখিয়া গমন করিয়াছে । ভাগ্যবতীর উপযুক্ত কাজ করিব । দীনদয়াল মনে অশেষ কষ্ট লইয়া, পুত্র দ্বারা স্ত্রীর প্রেতকার্য্য সব করাইলেন । বহু ব্রাহ্মণের ভোজন হইল, অন্যান্য অনেক লোক খাইল । যিনি এমন বড় প্রসব করিয়াছিলেন, যদি তিনি ভাগ্যবতী না হন, একগতে আর কে ভাগ্যবতী হইবে ? সতী ত্রিপুরাসুন্দরীর মত পূণ্যবতী ভাগ্যবতী কোথায় ? পতি সামনে দাঁড়াইয়া সতী ত্রিপুরার প্রেত কাজ শিশু পুত্রের হাতে সমাপন করাইলেন । যে এই দৃশ্য দেখিয়াছিল, সে অমঙ্গল দৃশ্যেও ত্রিপুরাসুন্দরীকে ভাগ্যবতী বলিয়া মঙ্গল দৃশ্য মনে করিল । তাহারা বলিল, বধু কি ভাগ্যবতী ছিল ? স্বামী ও শিশু পুত্রকে দিয়া নিয়ম-মত সব কাজ করাইল । সকলকেই ত মরিতে হইবে, ভাগ্যবতী সুসময়ে মরিল । দীনদয়ালকে বহু ধন্যবাদ দিল । অসময়ে স্ত্রী সংসার ফেলিয়া চলিয়া গেলে, কেহ এমত নিখুত ভাবে শ্রদ্ধাদি করায় না । ধন্য দীন দয়াল ! ধন্য ত্রিপুরাসুন্দরী !

মাতৃহীন বালক পিতার স্নেহে ও বাৎসল্যে দিন দিন বাড়িতে লাগিল এবং পিতার মন আকর্ষণ করিতে লাগিল । স্বভাব সুন্দর বালক স্নেহের প্রতিমূর্তি ছিল । তাহাকে সকলেই ভাল বাসিত । কেহ তাহাকে স্নেহ না করিয়া থাকিতে পারিত না । যে তাহাকে

দেখিত, সেই তাহার ভালবাসামাণা মুক্তি অবলোকন করিয়া মোহিত হইত এবং একবার তাহাকে কোলে নিত ।• বালক ও সকলের কোলে ষাইত । সে বাৎসল্য স্নেহ জাগাইয়া সকলের চিত্ত অধিকার করিত । অধিক সময় না হউক, অল্প সময়ের জ্ঞান সকলে তাহাকে কোলে নিয়া হৃদয় শাতল করিত । বালক কোলে উঠিয়া সকলের মুখের দিকে তাকাইত । তাহার দৃষ্টি সকলের হৃদয়ে মাতৃস্নেহ উদ্বেলিত করিত, যেন সে মাতৃহীন হইয়া জগতের মাতৃভাব জাগাইতেছে । প্রতিবেশী রমণীগণ বলিত, অল্প শিশুকে এরূপ করিতে কখন দেখা যায় না । এক মাসের শিশু নিজ জননীকে চিনিতে পারে । শিশু মায়ের মুখের দিকে যেভাবে তাকায়, অল্প কাহার মুখের দিকে সেভাবে তাকায় না । বধু তাহাকে আমাদের কোলে দিলে দেখিয়াছি, শিশুর দৃষ্টি ভিন্ন মত ছিল । ষতদিন সে মায়ের কোলে ছিল, ততদিন আমরা লক্ষ্য করি নাই । এখন তাহাকে কোলে নিয়া মনে করি, বালক মাতৃহীন, কিন্তু তাহার দৃষ্টি বুঝাইয়া দেয়, সে এখনও মাতার কোলে উঠিয়াছে । বালক পরের মাকে মা বলিয়া দেখিতে পারে 'বলিয়াই বোধ হয় বিধাতা তাহাকে মাতৃহীন করিয়াছেন । যদি সে এখন 'নিজের জননীর কোলে থাকিত, আমরা তাহাকে এত কোলে নিতাম না, সে যে পরের মাতাকে নিজের মাতার মত দেখে, তাহা বুঝিতে পারিতাম না । জগতে উহার গুণ প্রচার করার জন্তই যেন বিধাতা উহাকে মাতৃহীন করিয়াছেন । তাহা না হইলে কোন দেবতা এমন স্নেহের প্রতিমূর্ত্তিকে কষ্ট দিতে পারেন না ।

বালকের স্বভাব ভিন্ন-মত ছিল । কেহ আদর করিয়া কোলে

নিলে সে তাহার কোলে বাইত, কিন্তু কোন জিনিষ খাইতে দিলে, সে ভুলেও তাহা মুখে দিত না । যখন সকলেই তাহার মধুর মুরতি দেখিয়া মোহিত হইত এবং আদর করিত, ঠাকুরমা ও পিসীমা যে তাহাকে বিশেষ আদর করিতেন, ইহা আর বেণী কি ? ঠাকুরমা ও পিসীমা সর্বদা মনে রাখিতেন, দুর্গাগত প্রাণ দীনদয়াল যেন কোনমতে মনে না করিতে পারে, ঘরে মাতা না থাকায় আমার দুর্গার অযত্ন হইতেছে । যত্ন ও অবত্ন উভয়ই শ্বালকের পক্ষে সমান, কারণ যে যত্ন চায়, তাহাকে যত্ন না করিলে সে মনে কষ্ট পায়, নানামত উৎপাত করে । এই বালক জন্মগ্রহণ করিয়াই সুখ ও দুঃখ বর্জিত ছিল । যখন জীব জন্মগ্রহণ করে, তখনই সে খাওয়ার অভাব বোধ করে । বড় হইলে, খাওয়ার সময় আসিলে এবং খাইতে না পাইলে, সে কাঁদিতে থাকে, খাইতে পাইলে শান্ত হয় । যখন কথা বলিতে পারে, তখন সে কথামত খাওয়ার জিনিষ না পাইলে নানারকম উৎপাত করে । ৫৬ বৎসর বয়সের সময় ক্ষুধা পাইলে, যদি মাতা কোন কারণ বশতঃ সময় মত খাইতে না দেন, সে নিজহাতে খাওয়া দ্রব্য নিয়া খায় কিম্বা উপদ্রব জন্মায় । এই মাতৃহীন বালক কখনও বলে নাই, আমাকে খাইতে দাও, সময় হইয়াছে স্নান করাইয়া দাও । সে কখন নিজের সুখ চাহিত না । পিসীমা স্নান করাইয়া দিলে, সে স্নান করিত, খাওয়াইয়া দিলে খাইত । তাহার কোন ব্যথাটি ছিল না । সে ভুলেও নিজের সুখের জন্য কাহাকে সামান্ত কষ্ট দিত না । বালক সাময়িক চাকল্য হেতু এখানে সেখানে বাইত, কিন্তু কাহাকেও যত্ন দিত না । ঠাকুরমা ও পিসীমা তাহাকে যে ভাবে রাখিতেন, সে বিনা আশঙ্কিতে সে ভাবে থাকিত । বালকের ভালবাসার মূর্তি দেখিয়া

সকলে তাহাকে ভিন্ন মত স্নেহ করিত । তাহার আচার ব্যবহার লোকের মনোমত ছিল । সে সকলের মনোরঞ্জন হইল । মাতৃহীন বালকের জন্ত কাহার একচুল অশ্রুবিধা হয় নাই ।

বালক ছুঁর্গার মধুর মুক্তি দেখিয়া পশু পাখি সকলেই তাহাকে আপন মনে করিত । বিড়ালের খাইতে ইচ্ছা হইলে তাহার কাছে আসিয়া মিউ মিউ করিয়া তাহার ক্ষুধা জানাইত । বালক পিসীমাতে বলিত, পিসীমা তাহাকে কিছু খাইতে দাও, তাহার ক্ষুধা পাইয়াছে । সে এমন ভাবে বলিত, অনিচ্ছা সত্যেও পিসীমা তাহার মুখপানে চাহিয়া বিড়ালকে কিছু খাইতে না দিয়া পারিতেন না । তাহার মুখ দেখিলে মনে হইত জ্বাবের ক্ষুধায় যেন সে নিজের ক্ষুধা বোধ করিতেছে । যদি পিসীমা কখন বালককে মুড়ি খাইতে দিতেন, এবং পশু পক্ষী মুড়ি খাইতে তাহার কাছে আসিত, সে সকলকেই খাইতে দিত, সে সকলকে সমান ভাবে স্নেহী করিত । সকলকে খাওয়াইয়া যাহা কিছু থাকিত সে তাহা খাইয়া স্নেহী হইত । কোন কোন দিন এমন হইত যে, তাহার খাইবার জন্ত কিছুই নাই । সে পশু পক্ষীকে স্নেহী দেখিয়া, সন্তোষ লাভ করিয়া উহাদের সাথে খেলা করিতে থাকিত । পিসীমা কিছুই জানিতেন না । ৭৮ বৎসরের বালক ১টা, কিম্বা ২টা পর্য্যন্ত না খাইয়া থাকিত । রান্না হইলে পিসীমা তাহাকে স্নান করাইয়া ভাত খাওয়াইয়া দিতেন । একদিন মুড়ি খাওয়ার সময় অতীত হইয়া গিয়াছে । বিড়াল, কুকুর, পক্ষী তাহার কাছে আসিয়া ডাকিতেছে । তাহাদিগকে ডাকিতে দেখিয়া পিসীমার মনে হইল তিনি ছুঁর্গাকে খাইতে দেন নাই । সকল দিন চলিয়া গেলেও ছুঁর্গা বলিবে না তাহার ক্ষুধা পেয়েছে । পিসীমা মনে কষ্ট পাইয়া বালককে মুড়ি খাইতে দিয়া চলিয়া

আসিলেন। সে সেই মুড়ি পণ্ড পক্ষীকে খাইতে দিতে লাগিল । পিসীমা ফিরিবা তাকাইয়া দেখিলেন, সে সামান্য বাখিয়া প্রায় সমস্ত মুড়ি উহাদিগকে দিয়া ফেলিল । তিনি বিরক্ত হইয়া বাঁলককে গালি দিবেন ভাবিয়া তাহাব কাছে গেলেন । সে এমন ভাবে পিসীমার দিকে তাকাইল, তিনি তাহাতে ভুলিয়া গেলেন, তাহাকে আর কিছু বলিতে পারিলেন না । তিনি ভাবিতে লাগিলেন, দুর্গা প্রত্যেক দিন এইরূপ না খাইয়া থাকে ? কোথা হইতে উহাব অন্তরে এমন দয়া আসিল ? পণ্ড পক্ষী ডাকিলে, তাহাদের ক্ষুধা বোধ করিয়া নিজেব ক্ষুধা ভুলিয়া, নিজের খাণ্ডদ্রব্য তাহাদিগকে দেয় এবং তাহাদের মুখে সুখী হইয়া, কিছু না খাইয়া বসিয়া থাকে । এমন শিশু কোথায় দেখি নাই বা শুনি নাই । পরত দুবের কথা, কোন শিশু আপন ভাই ও ভগ্নিকে ক্ষুধাব সময় নিজের খাওয়ার জিনিষ দেয় না । পণ্ডপক্ষী খাইবে বলিয়া সে তাহাদিগকে তাড়াইয়া দেয়, কিম্বা অন্তরে তাহা তাড়াইতে বলে, আব এই শিশু পণ্ডপক্ষীর ক্ষুধা বুঝিয়া ডাকিয়া সামনের দ্রব্য খাইতে দেয় । এ মানুষ না দেবতা ? জগতে কাহারও অন্তরে এমন দয়া দেখা যায় না যে, ক্ষুধার সময় মুখের গ্রাস পরকে দিয়া সুখী হয় । জননী সন্তানকে ভালবাসেন, নিজে না খাইয়া সন্তানকে সুখান্য খাওয়াইয়া সুখী হন । তিনি সুখান্য জিনিষ খাওয়াইয়া সুখী হন সত্য, কিন্তু ক্ষুধার সময় খাইতে বসিলে, যদি সন্তান তাহার সম্মুখের খাণ্ড খাইয়া ফেলে, মাতাও সব খাওয়াইয়া সন্তানের মুখ দেখিয়া নিজের ক্ষুধা ভুলিয়া যান না, কিম্বা সন্তানের মুখে সুখী হইতে পারেন না । জগতে মাতৃস্নেহের এত কাহারও মেহ হয় না । সে মাতাও যখন সন্তানকে সামনের

খাওয়াইয়া, ক্ষুধা ভুলিতে পারেন না, এমন শিশুর এভাবে কোথা হইতে আসিল? শিশুর জীবনে এক সময় যায়, তখন সে ভাল মন্দ কিছু জানে না। সে সমস্তও যদি সে দেখে যে তাহার সামনের পাদ্য দ্রব্য অত্রে খাইয়া যার, নিজে তাড়াইতে না পারিলেও কাঁদিয়া অপবকে জানায়। অপর লোক আসিয়া তাহাকে তাড়াইয়া দিলে শিশু শান্ত হয়। আর এই শিশু জানিয়া শুনিয়া সামনের জিনিষ পশুপক্ষীকে খাওয়াইয়া সুখী হয়। অত্ৰ শিশু জিনিষেব মূল্য না বুঝিয়া, পশুপক্ষীকে তাহা খাওয়াইয়া, নিজের খাওয়ার ক্ষমতা নিকট আবার সেই জিনিষ চায়, কিন্তু এই শিশু তাহা কখনও করে না। সে অপরকে সামনের জিনিষ খাওয়াইয়া, আপরের মুখ দেখিয়া, নিজের ক্ষুধা ভুলিয়া যায়। এ কোথা হইতে আসিল? উহার সহিষ্ণুতা দেখিয়া পৃথিবী দেবীও হার মানেন। বালকের ব্যবহার বুঝিতে পারিয়া পিসীমা অবসর মত নিজেই তাহাকে খাওয়াইয়া দিতেন। তাহার অলৌকিক আচরণে সকলেই নিশ্চিত হইল।

বালক দুর্গার সুমিষ্ট স্বরে ও বিনয় বচনে সকলে তাহার প্রতি আরও আরুণ্ড হইল। দীনদয়ালের মন বাৎসল্য স্নেহ হেতু দুর্গাতে একত্বাবে ডুবিয়া গেল। দীনদয়াল বড় নিষ্ঠাবান ছিলেন। যখন তাঁহার বয়স ১২ বৎসর, তিনি মন্ত্র গ্রহণ করেন। মন্ত্র গ্রহণ করিয়া দিবসে দুইবার মন্ত্র গ্রহণ করেন নাই। ১২ বৎসর বয়স হইতেই তিনি সদাচারী। পঞ্চম বৎসরে হাতে খড়ি দেওয়ার নিয়ম। সুতরাং দুর্গার বয়স ৫ বৎসর হইলে বিদ্যারম্ভ হইল। দীনদয়াল ৫ বৎসরেই তাহাকে পড়াইতে আরম্ভ করিলেন। দুর্গার পাওয়ার খেয়াল কোন দিনই ছিল না, কিন্তু পড়ার বেশ



আগ্রহ হইল । পিতা একবার বলিয়া দিলে, সে সব মনে রাখিতে পারিত এবং নূতন পাঠ পিতাকে জিজ্ঞাসা করিত । তাহার আগ্রহ দেখিয়া পিতা অতিশয় যত্নের সহিত তাহাকে লেখা পড়া শিখাইতে লাগিলেন । সে ৬ বৎসর বয়সে মাতৃহীন হইল । পিতার মনে বড় আঘাত লাগিল; তিনি কয়েক দিনের জন্ত লেখা পড়া বন্ধ রাখিয়া দিলেন ।

- বালক দুর্গার পড়ায় এত আগ্রহ ছিল যে, সে স্নানাহারের মত
- লেখা পড়া একটা কাজ মনে করিয়া পিতার নিকট পুস্তক নিয়া বসিত । তিনি তাহার আগ্রহ দেখিয়া, অল্পদিন বাড়ীতে পড়াইয়া, নারায়ণগঞ্জে এক বিদ্যালয়ে ভর্তি করাইয়া দিলেন । তখন বালকের বয়স ৮ বৎসর । সে তথায় সকলের মনোরঞ্জন হইয়া উঠিল ।
  - সমবয়সী বালকগণ তাহাকে যেমন ভাল বাসিত, শিক্ষকও তেমন স্নেহ করিতেন । সে সকল দিন লেখাপড়া করিয়া রাত্রে শোয়ার সময় গল্প শুনিতে চাহিত ।

শিশু সময়ে দুর্গ নিজের খাওয়ার জিনিষ অপরকে খাওয়াইয়া, তাহার সুখে সুখী হইয়া, তাহার সহিত খেলা করিয়াছে । কখনও ক্ষুধায় কাতর হয় নাই, যেন খাওয়া ও না খাওয়া উভয় তাহার সমান ছিল । বালককালে দেহের সুখ ও দুঃখ বোধ ছিল না, কিন্তু জায় জ্ঞায় কাজের প্রতি বিশেষ লক্ষ্য ছিল । পড়ার আগ্রহ দেখিয়া তাহার ঠাকুরমা ও পিসীমা বলিতেন, দুর্গার খাওয়ার খেয়াল নাই, কোথা হইতে পড়ায় এত মনোযোগ আসিল ? পড়ার প্রতি ঔৎসুক্য দেখিয়া, তাঁহারা তাহার কাজের উপর লক্ষ্য রাখিলেন । সে গল্প কথা শুনিতে অতিশয় ভাল বাসিত, পিসীমার গল্পহলে রামায়ণের কথা বলিতে বিশেষ পারদর্শিনী ছিলেন । পিসী-

মা যে দিন যে গল্প বলিতেন, বালক সেই রাতে সেই চিত্র স্বপ্নে  
 দেখিত । স্বপ্ন ভাঙ্গিয়া ঘাইত, জাগ্রত হইয়া সে কখন রামের  
 সৌর্য্য বীৰ্য্য দেখিয়া হাসিত, কখন বা রামের কষ্ট দেখিয়া কাঁদিত ।  
 প্রাতে ঘুম হইতে উঠিয়া পিসীমার 'নির্কট' স্বপ্নের সমস্ত বিবরণ  
 বলিতে বলিতে রামের মুখে মুখী হইত, এবং রামের দুঃখের কথা  
 বলিয়া মুখ মলিন করিত । রাম রাবণের যুদ্ধ দেখিয়া, সে ভয়  
 পাইত । ইহা শুনিয়া, পিসীমা বলিতেন, বাবা, তুমি কখনও  
 মানুষ নও । কোন্ পাপে মানবের ঘরে জন্মিয়াছ । এত বয়স  
 হইয়া গেল, কত কাল যাবত রামায়ণ বলিতেছি, এক দিনও ত  
 রামকে স্বপ্নে দেখিলাম না । কত বালক ও বালিকাকে রামায়ণ  
 বলিয়াছি, কেহ ত বলে নাই, সে রামকে স্বপ্নে দেখিয়াছে । অধিক  
 কি, সারদাও তোমার সঙ্গে রামায়ণের কথা শুনে, সে এক  
 দিনও বলিল না, সে রামকে দেখিয়াছে । বালকের স্বপ্ন বিবরণ  
 শুনিয়া, ঠাকুর-মা ও পিসী-মা অবাক হইলেন । পিসী-মা বালককে  
 জিজ্ঞাসা করিলেন, রাম-রাবণের যুদ্ধ দেখিয়া, ভয় পাইয়া একাকী  
 জাগিয়া কাঁদিয়াছ, আমাকে ডাক নাই কেন ? সে বলিল, ঘুম  
 ভাঙ্গিলে আপনার কষ্ট হইবে মনে করিয়া আপনাকে জাগাই নাই ।  
 ঠাকুর-মা বলিলেন, এমন বয়সে তোমার এত জ্ঞান কোথা হইতে  
 হইল ? দীনদয়ালের ঘরে তুমি কে আসিলে ? সারদামণি  
 সেই স্থানে ছিল, ঠাকুর-মা তাহাকে জিজ্ঞাসা করিলেন, দুর্গার কথা  
 শুনিয়াছ ? তুমি কি কখন রামকে স্বপ্নে দেখিয়াছ ? সারদামণি  
 বলিল, না, আমি কোন দিনও রামকে স্বপ্নে দেখি নাই । ঠাকুর  
 ভাই কি রকমে দেখেন জানি না । ঠাকুর-মা বলিলেন, তোমার  
 ভাই মানুষ নয় । কোন্ পাপের ফলে আমাদের কাছে আসিয়াছে ।

বালক দুর্গা পিসী-মার নিকট অনেক কথা বলিত । ঠাকুর-মা অতিশয় বৃদ্ধা ছিলেন । পিসীমা ছোট সময় হইতে তাহার অলৌকিক ভাবগুলি লক্ষ্য করিয়া দেখিয়াছিলেন ।

দুর্গা কখনও অশ্রায় কাজ ও কলহ করিত না, মিথ্যা কথা মুখে আনিত না । এমন কি অশ্রকেও তাহা করিতে বারণ করিত । তাহার তাদৃশ ভাব দেখিয়া ঠাকুর-মা ও পিসী-মা বলিয়াছেন, দুর্গার খাওয়ার খেয়াল নাই, আপন পর জ্ঞান নাই, কিন্তু সে মিথ্যা কথায়, অশ্রায় কাজে ও কলহে অতিশয় বিরক্ত হয় । দুর্গার গুণ সকলেই তাহাকে ভালবাসে । খেলার সাথীরা দুর্গাকে ডাকিয়া নেয়, তাহা দেখিলে মনে হয়, দুর্গা যেন তাহাদের আপন । সকলেই দুর্গার সঙ্গে খেলা করিয়া সুখী ।

একদিন অশ্র পাড়ায় ছেলেরা দুর্গা ও অশ্রা ছেলোদের সাথে জুটিল । তাহাকে পাইয়া সকলেই মনের আনন্দে খেলা করিতে লাগিল । ছোট সময় হইতেই তাহার এমন শক্তি ছিল, যে তাহাকে একবার দেখিত, সেই তাহাকে আপন মনে করিত । অশ্রা বালকেরা দুর্গাকে এত বিশ্বাস করিত, কোন বিষয়ে বন্দ লাগিলে, তাহা বালক দুর্গাকে জিজ্ঞাসা করিত, এবং তাহার কথা অনুসারে মীমাংসা হইত । যে কাজে তাহার সঙ্গীদের হার হয়, সঙ্গীদের হার হইলে নিজেরও হার হয়, এমন কাজেও অশ্রপক্ষ তাহাকে জিজ্ঞাসা করিত । দুর্গা সত্য কথা বলিত । একবার সঙ্গীরা খেলায় পরাজিত হইয়া ক্রোধে উন্মত্ত হইল । সকলে মিলিত হইয়া তাহাকে ধান ক্ষেতের উপর দিয়া টানিল, এবং তাহার কোমল অঙ্গ ক্ষত-বিক্ষত করিল । তাহারা আরও বলিল, যদি তোমার সত্য কথায় আবার আমাদের হার হয়, তোমাকে

ইহা অপেক্ষা অধিক কষ্ট দিব। বালক অগ্নানবদনে সমস্ত সহ করিল। সে কেবল বলিল, ইহা অপেক্ষা অধিক দণ্ড দিলেও আমি মিথ্যা কথা বলিব না। তাহার সত্যের আঁট দেখিয়া সঙ্গীরা কি ভাবিতে লাগিল। অন্তদিন খেলা শেষ হইলে সে বাড়ীতে আসিত। এইদিন সে সন্ধ্যার পূর্বে বাড়ীতে দিহিল না। সঙ্গীরা বাড়ীতে গিয়াছে। রাত্র হইয়াছে। পিসী-মা চিহ্নিতা হইয়া সকল বাড়ীতে তাহাকে খুঁজিতে লাগিলেন। চারিদণ্ড রাত্রির পর বালক বাড়ীতে গেল। পিসী-মা জিজ্ঞাসা করিলেন, এত রাত্রিতে কোথায় ছিলে? সে তাঁহাকে বিশেষ কিছু বলিল না। তাহাকে নিরুত্তর দেখিয়া পিসী-মা মনে করিলেন, দেরি করিয়া আসিয়াছে বলিয়া ভয়ে চুপ করিয়াছে। তাহার মুখ দেখিয়া পিসী-মার মনে দয়া হইল। তিনি বলিলেন, আর এত দেরি করিও না। পিসী-মা আদর করিয়া খাইতে দিলেন। বালক অন্ত দিনের মত খাইল, কতক সময় পড়িয়া শুইয়া রহিল। বাড়ীর লোক কোন কথা জানিতে পারিলেন না।

পরদিন প্রাতঃকালে বালক ছুর্গা উঠিয়া পড়িতে বসিল। তাহার নির্দয় কাজ করিয়াছিল, তাহার ভাবিতে লাগিল, ছুর্গা নিশ্চয়ই পিসী-মাকে এই বিষয়ে বলিয়াছে। তাহার দেখিতেছে পিসী-মা তাহাদিগকে কিছু বলেন কি না। অনেক বেলা হইল। এখনও যখন পিসী-মা কোন কথা বলিলেন না। তাহার বুঝিতে পারিল, ছুর্গ তাহাদের নামে কিছু বলে নাই। পিসী-মা গায় রক্ত দেখিবে বলিয়া বোধ হয় সে রাত্রে বাড়ীতে গিয়াছিল। তাহাদের প্রাণ কেমন করিতে লাগিল। তাহাকে না দেখিয়া আর থাকিতে পারে না, কিন্তু নিজদের অন্তায় ব্যবহারের কথা মনে



জী - ১০  
১০/১০/২০২০  
১১/১১/২০২০

জন্ম ও শৈশব।

২১

করিয়া, তাহার নিকটেও বাইতে পারিতেছে না। অনেক চিন্তা করিয়া তাহাদের একজন আসিয়া ছুর্গার সম্মুখে দাঁড়াইল। সে অল্প দিনের মত তাহাদের সহিত কথা বলিতে লাগিল, যেন তাহাদের মধ্যে বিশেষ কিছু হয় নাই। তাহা দেখিয়া অশান্ত সঙ্গীরা তাহার নিকট আসিয়া নিজদের দোষ স্বীকার করিয়া ক্ষমা চাহিল। ছুর্গা মধুর ভাবে সকলের সাথে মিশিতে লাগিল।

পিসী-মা আড়ালে থাকিয়া তাহাদের সকল কথা শুনিতে পাইলেন। তিনি ছুর্গাকে জিজ্ঞাসা করিলেন, সে এইসব কথা তাঁহাকে কেন বলে নাই। ছুর্গা কোন জবাব দিল না। পিসী-মা তাহার গায়ের কাপড় ফেলিয়া দেখিলেন, তাহার অঙ্গ কত-বিকৃত হইয়াছে। তিনি বলিলেন, এই জন্তই বোধ হয় তুমি রাত্রিতে আসিয়াছিলে? সে আর কোন কথা গোপন করিতে পারিল না, সমস্ত কথা পিসী-মাকে বলিল। ঠাকুর-মা ও পিসী-মা সঙ্গীদিগকে বিস্তর গালাগালি দিলেন। ছুর্গা বিনয় বচনে তাহা-দিগকে শাস্তনা করিয়া বলিল, কলহ করিলে আমি যে কষ্ট পাইয়াছি, তাহা না পাওয়া হইবে না। কলহ করা বড় দোষ, আমার কোন কষ্ট হয় নাই। আপনারা ঝগড়া করিবেন বলিয়া আমি আপনাদিগকে কোন কথা বলি নাই। আমার কষ্ট হইয়াছে বলিয়াত আপনাদের কষ্ট হইয়াছে। আমার কষ্ট না হইলে ত আপনাদের কোন কষ্ট হইত না। আমার কষ্ট হয় নাই, আপনারা কষ্ট করিবেন না। বাগকের নব্র স্বভাবে ও বিনয় বচনে তাঁহারা আর কোন কথা না বলিয়া নিবৃত্ত হিলেন। সত্য, বাগকের দেহে আঁচড়ের চিহ্ন দেখিয়া, তাঁহাদের হৃদয়ে

অতিশয় ব্যথা লাগিল। তাহার গায়ের কাপড়ে রক্তের দাগ দেখিয়া বলিলেন, যাহু আমার কি কষ্টই না পাইয়াছে! এত কষ্ট পাইয়াও অস্ত্রের দোষ গোপন করিয়া, কাপড়ে রক্ত পুছিয়া সরাইয়া রাখিয়াছে, যেন আমরা তাহা দেখিতে না পাই। উহারা আমাদের বাড়ীতে না আসিলে কোন মতেই জানিতে পারিতাম না যে, তাহারা তোমাকে এত কষ্ট দিয়াছে। অমন ছুঁষ্ট ছেলেরদের সাথে আর খেলা করিও না। ৮।১০ বৎসর এই ভাবেই চলিয়া গেল।

বালক দুর্গা বিদ্যালয়ে ভর্তি হইয়া পড়ায় আরও মমোযোগ-দিল। সে সর্বদা সকলের উপরে থাকিত। সেই বিদ্যালয়ে তৃতীয় শ্রেণী অবধি পড়া যাইত। সুতরাং সে আর বেশী দিন পড়িতে পারিল না। ১৩ বৎসর বয়সে তাহার সেই বিদ্যালয়ের পড়া শেষ হইল। বালক অত্র বিদ্যালয়ে পড়িবে মনস্থ করিল। কলিকাতায় পিতার নিকট চিঠি লিখিল। পিতার অল্প আয়। তিনি তাহাকে কলিকাতা রাখিয়া পড়ান অসম্ভব মনে করিলেন। দুর্গা দেশেই স্কুল খুঁজিতে লাগিল। দেশে তখন বেশী স্কুল ছিল না। সে ঢাকায় যাইয়া পড়িবে স্থির করিল। সে কখন নিজের সুখের জন্য অস্ত্রের অসুবিধা করিত না। দুইটা বাসি ভাত খাইয়া স্কুল দেখিতে ঢাকা গেল। সকল দিন ঘুরিয়া-ফিরিয়া, নশ্র্যাল স্কুলে পড়িবে ঠিক করিয়া, সন্ধ্যার সময় বাড়ী গিয়া ভাত খাইল। ১৩ বৎসরের বালক সারা দিন একপ্রকার উপবাসী থাকিলেও, তাহার কষ্ট কেহ বুঝিতে পারিল না। আপনাদের সুখ ও দুঃখ জীবনাত্রেই অনুভব করে, কেহই পরের অসুবিধা হইবে বলিয়া নিজে কষ্টের বোঝা মাথায় করে না। বিশেষতঃ ১৩ বৎসরের

বালক স্বীয় সুখ ও দুঃখ বিনা অণু কিছুই জানে না, কিন্তু এই বালকের শিশুকাল হইতেই দেহাশ্রবুদ্ধি ছিল না। সে নিজের সুখের অণু কাহাকেও কষ্ট দিতে চাহিত না, বরং সে অপরের সুখের অণু আপনি কষ্ট স্বীকার করিয়া সুখী হইত।

বালক দুর্গা পিসী-মাকে চিন্তিতা দেখিয়া বলিল, ঢাকা যাইয়া আসিতে আমার কোন কষ্ট হয় নাই। আপনাকে বলিয়া গেলে, আপনি আমাকে বাসিতাত খাইয়া যাইতে দিতেন না, তজ্জন্ত আপনাকে বলিয়া যাই নাই। পিসী-মা বলিলেন, তুমি অত করিয়া ঢাকা যাইয়া আসিতে পারিলে, আর আমি বাড়ী বসিয়া রান্না করিয়া দিতে পারিতাম না। ঢাকায় পড়াই স্থির হইল। সমবয়সীরা তাহা শুনিয়া তাহাকে বলিল, তুমি কি করিয়া দেওভোগ হইতে রোজ যাইয়া ও আসিয়া ঢাকা পড়িবে? ইহাতে তোমার বড় কষ্ট হইবে। তাহাদের কথা শুনিয়া পিসী-মাও বলিতে লাগিলেন, কেবল ইঁটিয়া আসা-যাওয়া নয়, প্রাতঃকালে চটার সময় এবং সন্ধ্যার পর তাহাকে খাইতে হইবে। ১৩ বৎসরের বালক কি করিয়া যে এত কষ্ট সহ করিবে, তাহা বুঝিতে পারি না। চটার সময় ছেলেদের খাওয়া জলখাওয়ার মত হয়। সমস্ত দিনের অণু সে খাওয়া না খাওয়ার সমান। এ বয়সে দিনে ৩৪ বার খায়। দুর্গা বুড়া মানুষের মত ছইবার খাইবে। প্রতিবাসী বালকদের ভিতর এমন কেহ ছিল না, যে তাহাকে ভাল বাসিত না। সকলেই তাহাকে আপন মনে করিয়া ভাল বাসিত। তাহাকে ছাড়িতে সকলের মনে কষ্ট হইয়াছিল।

• তাহার পিসী-মার কথা যুক্তিস্কৃত মনে করিয়া বলিল, আপনি

ঠিক কথাই বলিয়াছেন । ঢাকা কি কম দূর ? যেদিন বৃষ্টি হইবে, সেই দিন নারায়ণগঞ্জ যাইতেই কত কষ্ট পাইবে । নারায়ণগঞ্জ গেলে ঢাকার পথ ধরিচ্ছে পারিবে । দেওভোগ হইতে ৮টার সময় খাইয়া নারায়ণগঞ্জ যাইতে না যাইতে তাহা হজম হইয়া যাইবে । বালক উভয় পক্ষের কথা শুনিয়া, পিসী-মাকে প্রবোধ দিয়া বলিলেন, আমি ঢাকা যাইয়া পড়িব, ইহাতে আমাব কোন কষ্ট হইবে না । অত্রে কষ্ট ভাবিলে আমার কি ? তুমি ভোরে আলু সিদ্ধ ভাত রাঁধিয়া দিও, আমি তাহা খাইয়া চলিয়া যাইব । তুমি আমার খাওয়ার জন্ত অধিক কষ্ট করিও না । আমি বৈকালে বাড়ী আসিয়া আবার খাইব । পথে ক্ষুধা বোধ করিলে ২।১ পয়সার মুড়ি কিনিয়া লইব । পিসী-মা বলিলেন, কোন দিনই তোমার ক্ষুধার বোধ দেখিলাম না । শিশু সময়ে সামনের মুড়ি বিড়াল কুকুরকে খাওয়াইয়া নিজে ১টা ২টা পর্যন্ত না খাইয়া রহিয়াছ, এক দিনও বল নাই যে, তোমার ক্ষুধা পাইরাছে । লোকে ছেলেকে তাড়না করিয়া পড়াইতে পারে না, আর আমরা তাড়না করিয়া তোমাকে না পড়াইয়া রাখিতে পারিতেছি না । বামজী তোমার বিদ্যাশিক্ষার প্রবল ইচ্ছা পূরণ করিবেন । দুর্গাচরণ তাহাদিগকে ছাড়িয়া চলিল মনে করিয়া অন্যান্য বালকগণ মলিন মুখে তাহার নিকট বিদায় লইল । সে তাহাদিগকে সাঙ্গনা করিয়া বলিল, ভাই, সকালে ও বিকালে, দুখন হয়, তোমাদের সাথে থাকিব এবং খেলা করিব । তোমবাও মনোযোগ দিয়া লেখাপড়া করিও, ভবিষ্যতে সুখী হইতে পারিবে । আমাদিগকে সুখী দেখিলে আমাদের পিতামাতা, বন্ধু বান্ধব, সকলেই সুখী হইবেন । তাহারা পিতার স্তায় স্নেহমাথা উপদেশ



শুনিয়া সন্তোষের সহিত চলিয়া গেল। সকলেই মনে মনে ভাবিল দুর্গার কি কর্তব্যজ্ঞান। নিজের দেহের মমতা ত্যাগ করিয়া ভাল শিক্ষা পাইবে ভাবিয়া ঢাকায় পড়িতে গেল এবং আমাদিগকেও মনোযোগের সহিত লেখাপড়া করিতে বলিল। কাহার সহিত দুর্গার হিংসা নাই, কাহার সহিত তাহার ঘেব নাই। কাহার সহিত সে ঝগড়া করে নাই। দুর্গার মত ভাল ছেলে কোথায়ও দেখিতে পাই না। তাহার সহিত থাকিলে ভাল হওয়া যায়। আমাদের ছরদৃষ্ট, তাই দুর্গা আমাদিগকে ছাড়িয়া গেল। আব কি পূর্বের মত তাহাকে দেখিতে পাইব ? প্রাতঃকালে ও সন্ধ্যার সময় অল্প সময়ের জন্য দেখা হইতে পারে, কিন্তু দুর্গা লেখাপড়া ভাল মত শেষ না করিয়া কি আর আমাদের কাছে আসিবে ?

দুর্গাচরণ ঢাকায় পড়িতে লাগিল। সমপাঠিগণ তাহার গুণস্বরণ করিয়া তাহার আদর্শনে হুঃখিত হইল। শিক্ষকগণও তাহার সৌম্যমূর্তি, নম্রস্বভাব, মিষ্টকথা, উত্তম ও উৎসাহ স্বরণ করিয়া ভূয়ঃ ভূয়ঃ প্রশংসা করিতে লাগিলেন এবং তাহার আদর্শনে হুঃখিত হইলেন। বালকের এমন মোহন মূর্তি ছিল, এমন আকর্ষণ শক্তি ছিল, যে তাহাকে একবার দেখিত, একবার তাহার অমিয়মাথা কথা শুনিত, সেই তাহাকে আপন মনে করিত। সেই তাহাব অসাক্ষাতে তাহাকে স্মরণ করিত। শিক্ষকগণ কতক সময় তাহাকে পড়াইয়া, তাহার গুণে মোহিত হইয়াছিলেন। তাহার গুণ স্বরণ করিয়া সকলেই তাহার মঙ্গল কামনা করিলেন। বাহারা তাহাকে কোলে কাছে করিয়া বাহুব করিয়াছিলেন, তাহারা বালকের অদম্য উৎসাহ

দেখিয়া তাহার মঙ্গল কামনা করিলেন, কিন্তু তাহার কষ্ট মনে করিয়া সকলেই দুঃখিত হইলেন । বালকের স্বভাবে সকলেই যেন তাহাকে আপন মনে করিয়া ভালবাসিত । তাঁহার নিজেদের ভিতর বলিতে লাগিলেন, দুর্গা চটার সময় খাইয়া সারা দিন কষ্ট পাইবে । ১৩ বৎসরের বালক দেওভোগ হইতে ঢাকা হাঁটিয়া গিয়া পড়িবে এবং রাত্রে ফিরিয়া আসিয়া খাইবে । কোন বালক বিদ্যা উপার্জন করার জন্ত এত কষ্ট স্বীকার করে না । দুর্গা সময়ে না জানি কি হইবে ? ১৩ বৎসরের ছেলেকে পিতা বকিয়া মারিয়া পড়াইতে পারে না, আর দুর্গা ভাল পড়ার জন্ত দেহের দিকে চাহিল না । এমন ছেলে লোকের হয় না । বালকের গুণে সকলেই তাহার যশ গাহিতে লাগিল । সে বাড়ী আসিলে কেহ কেহ তাহাকে একবার দেখিয়া যাইত । বালকও সুবিধা পাইলে তাহাদিগকে একবার দেখা দিয়া আসিত । দুর্গাচরণ জন্ম গ্রহণ করিয়াই ভালবাসায় জগতকে আপন করিল ।

দুর্গাচরণ দেহের সুখ ও দুঃখ ত্যাগ করিয়া প্রত্যহ চটার সময় খাইয়া দেওভোগ হইতে হাঁটিয়া, ঢাকা গিয়া পড়িতেছে । একদিন খুঁধ ঝড় বৃষ্টি মাথায় করিয়া সে ঢাকা হইতে রওনা হইল । পথে একটা খাল পার হইতে হইত । বর্ষার সময় ব্যতীত সেই খালে জল থাকিত না । হাঁটিয়া পার হওয়া যাইত । খালের দুই ধারে অগাধ জঙ্গল ছিল । তাহার মধ্য দিয়া একটা সরু পথে যাওয়া আসা করিতে হইত । এত ঝড় ও বৃষ্টি হইতেছিল যে, সামান্য দূরে অবস্থিত কোন জিনিস দেখা যাইত না । দুর্গাচরণ বৃষ্টিতে ভিজিয়া, সুধু পথ দেখিয়া চলিতেছে ।

সে খালের পারে গিয়া দেখিতে পাইল, খালের ধারে এক পদ এবং একটা অশ্বখগাছের উপর অন্তপদ রাখিয়া একটা ভীষণ কাল প্রাণী পথ জুড়িয়া দাঁড়াইয়া আছে। তাহা দেখিয়া সে ভাবিতে লাগিল, এখন কি করে। বড় বৃষ্টি হইতেছে। দূরে কিছু দেখা যায় না। যে পথে যাইব, সেই পথেব দুই দিকে দুই পা দিয়া ভয়ঙ্কর ভূত দাঁড়াইয়া আছে, তাহাকে এড়াইয়া যাওয়া অসম্ভব। পাশ্চাত্ দিকেই বা কোথায় যাইবে? ঢাকা অনেক দূবে ফেলিয়া আসিয়াছি। সে একটু সময় দাঁড়াইয়া, ভূতের দুই পাযের ভিতর দিয়া চলিয়া আসিল। তাহাকে চোরের মত চলিয়া যাইতে দেখিয়া, ভূত খন্ খন্ করিয়া হাসিয়া উঠিল। খাল পার হইয়া চলিয়া আসিয়াও পিছনে অটু হাসিব রোল গুনিতে লাগিল।

বৃষ্টিতে বালকের কাপড় ও জামা ভিজিয়া গিয়াছিল। বই গুলি ভিজিয়া যাওয়ার পাতা খুলিয়া পড়িয়া যাওয়ার মত হইল। খালের নিকট এক মুসলমানের বাড়ী ছিল। সে বই রাখিয়া নেওয়ার জন্য এক খণ্ড নেকড়া চাহিতে সেই বাড়ী গেল। মুসলমানগণ জানিত খালের পারে একটু ভূত থাকিত। তাহারা বালকের শব্দ পাইয়া তাহাকে ভূত মনে করিল। এক জন অপরকে বলিল, এই বড় বৃষ্টিতে কি মানুষ আসিতে পারে? দরজা বন্ধ কর। এ নিশ্চয়ই ভূত। বালক পিতার নামের সহিত আপনার নাম বলিয়া পরিচয় দিল। তখন এক বৃদ্ধ মুসলমান বাহির হইয়া তাহাকে দেখিল এবং তাহার অন্তরে দয়ার সঞ্চার হইল। সে জিজ্ঞাসা করিল, তুমি দীনদয়াল নাগমহাশয়ের ছেলে? বাবা, তুমি এ বড় ও বৃষ্টিতে একাকী এ পথ দিয়া যে প্রাণে বাঁচিয়া আসিয়াছ, তাহা খোদার ইচ্ছা। তুমি কি কষ্ট না করিয়াছ! তুমি

ঢাকা হইতে ভিজিয়া ভিজিয়া একাকী আসিয়াছ, পথে কোন ভয় পাওনাই ত ? বালক তাহাকে সকল কথা বলিল । বৃদ্ধ মুসলমান তাহা শুনিয়া বলিল, বাবা, তুমি প্রাণ লইয়া যে আসিয়াছ, তোমার পিতার বহুভাগ্য । বালক তাহাব পুস্তকগুলি বাধার জন্ত এক খণ্ড নেকড়া চাহিল । বৃদ্ধ তাহাকে এক খানা ভাল কাপড় দিল । সে কাপড় গ্রহণ না করিয়া বলিল, আমাদের বাড়ীর নিকটে আসিয়াছি । আমার শরাব জন্ত কাপড় চাহি নাই । পুস্তকগুলি ভিজিয়া ছিড়িয়া যাইতেছে, তাই একটুকুবা নেকড়া চাহিয়া ছিলাম । আরও দেখুন, বৃষ্টিতে শুষ্ক কাপড় পবিলে, এখনই তাহা ভিজিয়া যাইবে । শেষে আমাকে দুইটা ভিজা কাপড় লইয়া চলিতে কষ্ট হইবে । বৃদ্ধ মুসলমান তাহাব বুদ্ধি দেখিয়া বড়ই সন্তুষ্ট হইল । তাহার সহিষ্ণুতা দেখিয়া তাহাকে অনেক ধন্যবাদ দিয়া বলিল, বাবা, এস, আমি তোমাকে বাড়ী পৌছাইয়া দিয়া আসিব । বালক বৃদ্ধের কষ্ট হইবে ভাবিয়া তাহাব সহিত যাইতে নিষেধ করিল । বৃদ্ধ বালকেবর সৌম্যমূর্তি দেখিয়া, এবং সে একবার ভয় পাইয়াছে চিন্তা করিয়া, কোন মতেই তাহাকে একাকী ছাড়িয়া দিল না । সে তাহাকে বাড়ীতে রাখিয়া গেল ।

হুর্গাচরণের সেদিনকার হুর্দিশা দেখিয়া ঠাকুর-মা ও পিসী-মার মনে বড় কষ্ট হইল । তাঁহারা তাহাকে শুষ্ক কাপড় দিলেন এবং অতিশয় যত্নের সহিত খাওয়াইলেন । সে সুস্থ হইলে, তাঁহারা বলিতে লাগিলেন, এত কষ্ট করিয়া তোমার পড়া হইবে না । বরং তোমার লেখাপড়া কম হউক, তাহাও ভাল । তুমি একবংশের একটা ছেলে, তোমার দিন কি এক ভাবে যাইবে । এভাবে লেখা পড়া না করিলে যে তুমি খাইতে পাইবে না, তাহা হইতে পারে না ।

ঝড় বৃষ্টি ঝাঁপায় করিয়া তোমাকে আর ঢাকা ঘাইতে দিব না ।  
 ছুর্গাচরণ তাঁহাদিগকে ছুঃখিতা দেখিবা অনেক সাধনা করিল ।  
 সে বলিল, ঢাকায় ঘাইতে তাহার কোন কষ্ট হয় না এবং  
 ঝড় বৃষ্টিও প্রত্যেক দিন হয় না । সে কোন মতেই পড়া ছাড়িতে  
 পাবিবে না । যত শীঘ্র সম্ভব সে ঢাকা হইতে আসিবে, তাহার  
 অন্ত তাঁহাদের আর এত চিন্তা কবিতো হইবে না । এই রূপ  
 অনেক কথা বার্তা হইল । সে ঢাকা ঘাইয়া পড়িতে লাগিল ।  
 সে আবেগ করেক দিন রাস্তায় ভূত দেখিয়াছিল । তাহা দেখিয়া  
 তাহার মনে আবে ভয় হয় নাই । পথে লোক দাঁড়াইয়া থাকিলে,  
 যেমন অন্তলোক তাহার কথা ভাবে না, সেও সেইরূপ আপন মনে  
 পথ চলিত ।

আর একদিন অতিশয় ঝড় ও বৃষ্টি হইতেছিল । ঢাকা  
 হইতে আসিবাব সময় ছুর্গাচরণ পা হবকাইয়া এক পুকুরে পড়িয়া  
 গেল । বৃষ্টির জল ষাটপথ ভাসাইয়া দিয়াছে । পুকুরের পার  
 ডুবিয়া গিয়াছে । সে পারে উঠিতে পারিতেছে না । মাটি ধরিয়া  
 উপরে উঠিতে চেষ্টা করিতেছে, কিন্তু প্রবল ঝড় ও বৃষ্টির গতিকে  
 উঠিতে পারিতেছে না । অবশেষে পুকুরের পারের ঘাস ধরিয়া,  
 গলা পর্যন্ত জলে ডুবাইয়া বসিয়া রহিল । তাহার মনে হইতে  
 লাগিল, বাড়ীতে ফিবিয়া ঘাইতে দেরি দেখিয়া, পিসী মা কতই না  
 ভাবিতেছেন । সে যে জলে বসিয়া কাঁপিতেছে, তাহার প্রতি  
 ক্রক্ষেপ নাই ; পিসীমার মানসিক কষ্ট ভাবিয়া আকুল হইল ।  
 ঝড় ও বৃষ্টি থামিয়া গেলে, অনেক কষ্টে পুকুরের পারে উঠিল ।  
 তখন তাহার দাঁতে দাঁত লাগিতেছিল, সমস্ত শরীর বাতাহত  
 কুমলী পত্রের মত কাঁপিতে ছিল । বাড়ীতে আসিয়া দেখিতে

পাইল, পিসী-মা পথের পানে চাহিয়া বসিয়া আছেন । তাঁহাকে তদবস্থায় বসিয়া থাকিতে দেখিয়া, দুর্গাচরণ বলিল, আমি পুকুরে পড়িয়াই মনে করিয়াছিলাম, পিসী-মা আমার অন্ম ভাবিতেছেন । নিজের যে এত কষ্ট হইয়াছে, তাহার বিন্দু বিসর্গও বলিল না । তাহাকে বাড়ীতে আসিতে দেখিয়া পিসীর দেহে প্রাণ আসিল । তিনি তাহাকে যত্নের সহিত ঘরে গিয়া শুষ্ক কাপড় পরিতে দিলেন । তাহাকে খাইতে দিয়া বাস্তার দুর্গতির কথা জিজ্ঞাসা করিলেন । সে অসে পড়িয়াও যে নিজের কষ্ট না ভাবিয়া তাঁহার ক্লেশের কথা ভাবিয়াছিল, ইচ্ছাতে পিসীমা বড়ই আশ্চর্যান্বিতা হইলেন । তিনি বলিলেন, এমন ছেলে লোকের হয় না । তিনি দুর্গাকে কোলে তুলিয়া লইলেন এবং আশীর্বাদ করিলেন, রামজী তোমাকে সুখে রাখুন । ১৪ বৎসরের বালক কেন, যদি ৮০ বৎসরের বৃদ্ধ এই রকম অবস্থায় পড়ে, দেহ লইয়া উঠিতে ভার হয়, তবে সে ভয়ে ত্রাহিত্রাহি করে । কি উপায়ে দেহ রক্ষা করিবে তাহার ভাবনাতে অস্থির হয় । সে নিজের প্রাণ রক্ষা ব্যতীত অন্ম কোন কথা মনে করিতে পারে না । ১৪ বৎসরের বালকের প্রাণে কোন ভয় নাই, দেহে কোন কষ্ট নাই, পিসী-মা মনে কষ্ট পাইয়া চিন্তা করিবেন, তাহা মনে করিয়া অস্থির হইল । এই বালক কি কখন আমাদের মত মানুষ হইতে পারে ?

একবৎসর এই ভাবে ঢাকায় যাইয়া এবং তথা হইতে পদব্রজে ফিরিয়া আসিয়া দুর্গাচরণ পড়িতে লাগিল । বর্ষাকালে বাধান রাস্তা দিয়া ঢাকা যাইত এবং অন্ম সময় বনের ভিতর দিয়া চলিত । এবার বর্ষাকালে অত্যন্ত ঝড় ও বৃষ্টি হইতে লাগিল । প্রত্যহ ঢাকা যাইয়া আসিতে তাহাকে বেগ পাইতে হইল । সে স্থির

করিল, এখার বর্ষার কয়েক মাস ঢাকায় থাকিয়া অধ্যয়ন করিবে। বাড়ী হইতে ঘটা বাটা লইয়া রওনা হইল। কোন কারণ বশতঃ সেই দিন সে জিনিষপত্র এক দোকানে রাখিয়া, নারায়ণগঞ্জ হইতে ফিরিয়া আসিল। পরদিন দোকানে যাইয়া দেখিল, তাহার সমস্ত জিনিষ চুরি গিয়াছে। সে আর ঢাকায় থাকিতে পারিল না। প্রতিদিন ঢাকায় যাওয়া কষ্টকর হইয়া উঠিল। ঢাকায় যাওয়া বন্ধ করিয়া বাড়ীতেই পড়িতে লাগিল। ৪।৫ মাস পরে টুনদয়াল দেশে গেলেন।

অশ্রমশ্রম স্কুলের শিক্ষকগণ দুর্গাচরণকে অতিশয় ভালবাসিতেন। তাহার বিনয় বচন ও নম্রস্বভাব সকলের মন হরণ করিয়াছিল, সকলে তাহাকে পুত্র নির্বিশেষে স্নেহ করিতেন। তাহার কর্তব্য-পরায়ণতা, অদম্য সাহস ও অসীম সহিষ্ণুতা, তাহার হাসিমাখা মুখ, পাঠে একান্ত নিষ্ঠা দেখিয়া সকলে তাহার প্রতি সহানুভূতি প্রকাশ না করিয়া পারিতেন না। সে প্রত্যহ ৪ ক্রোশ রাস্তা হাঁটিয়া আসিত ও যাইত, বাড়-বৃষ্টিতে তাহার অতিশয় কষ্ট হইত মনে করিয়া, এক শিক্ষক তাহাকে বলিলেন, বাছা, তুমি প্রত্যেক দিন এতদূর পথ চলিয়া আস, তোমার কতই না কষ্ট হয়। তোমাকে আর এত কষ্ট করিতে হইবে না। তুমি আমুর বাসায় থাকিয়া পড়। যেক্রমে হউক আমাদের খাওয়া-দাওয়া চলিয়া যাইবে। দুর্গাচরণ তাহার চির অভ্যস্ত নম্রস্বরে বলিল, আসিতে ও যাইতে তাহার কোন কষ্ট হয় না। সে কোন মতেই শিক্ষক মহাশয়কে তাহার অল্প বেগ পাইতে দিবে না। সে রোজ রোজ আসিয়া অধ্যয়ন করিবে। শিক্ষক তাহাকে অনেক বলিলেন, বালক তাহার কোন কথাতেই ঢাকায় থাকিতে স্বীকার করিল না। যে

মাতৃস্থানীয়া পিসীমাকে নিজের সুখের জন্তু কষ্ট দিতে চায় নাই,  
সে কি শিক্ষকের কথায় তাঁহাকে যত্ন দিতে পারে ? \*

---

\* দুর্গাচরণ ১৫ মাস নন্দালস্কুলে পড়িয়াছিলেন । যদিও তিনি অল্প সময়  
তথায় পাঠ করেছিলেন, অতুলনীয় অধ্যবসায় ও অপরিমিত মনোযোগ হেতু, বাঙ্গালী  
ভাষায় তাহার বেশ বুৎপত্তি জন্মিয়াছিল । তাহার রচনা কৌশল অতিশয় যুদ্ধকর ও  
ভাষা অত্যন্ত সরল ও হৃদয়গ্রাহী ছিল । তিনি কলিকাতা আসিয়া “বালকদের  
প্রতি উপদেশ নামক” এক পুস্তক প্রণয়ন করেন, তাহা পাঠ করিলে দেখা যায়  
তিনি বাঙ্গালী ভাষা আয়ত্ত করিয়াছিলেন । প্রত্যেকটি উপদেশ ধর্মভাবোদ্দীপক ।  
আত্মগোপন তাঁহার জীবনের একটী প্রধান উদ্দেশ্য এবং ধর্মভাব তাঁহার সহজাত  
ছিল । সমস্ত কাজেই তিনি আপনাকে লুক্কাইত রাখিতে চাহিতেন । পবনহংস  
দেবের স্তম্ভ সুরেশবারু তাহার বন্ধু ছিলেন । কলিকাতার আসিয়া সুরেশবারুর  
সহিত তাহার বন্ধুতা হয় । চিরজীবন তিনি তাহার বন্ধু ছিলেন, কিন্তু এই পুস্তক  
প্রণয়ন করিবার সময় কিম্বা তাহা মুদ্রিত করিবার কালে, সুরেশবারু ঘুগাকরেও  
তাঁহা জানিতে পারেন নাই । পুস্তক ছাপা হইলে, সুরেশবারুকে একখণ্ড পুস্তক  
উপহার দিলে, তিনি জানিতে পারিলেন, নাগমহাশয় তাহা লিখিয়াছেন ।



## কলিকাতায়, আগমন ও বিবাহ ।

দীনদয়াল দেশ হইতে কিরিয়া আসিবার সময় নাগমহাশয়কে সঙ্গে করিয়া কলিকাতা আনিলেন । নাগমহাশয় কয়েক মাস কোন স্কুলে ভর্তি না হইয়া বাসায় বসিয়া যাহা মনে নিত তাহা পড়িতেন । তৎপর তিনি ক্যাম্পবেল মেডিকেল স্কুলে ভর্তি হইলেন । তাঁহাদের বাসা কুমারটুলি বনমালি সরকারের গেনে ছিল । প্রত্যহ তথা হইতে আসিয়া ক্যাম্পবেলে পড়িতেন । ১৮ মাস এইভাবে পাঠ করিয়া সেই স্কুল ছাড়িয়া দেন । তিনি কেন যে এলোপ্যাথি ডাক্তারী পড়া ছাড়িলেন, কেহ জানে না । অনেকের নিকট অনুসন্ধান করিয়াছি, কেহ এই বিষয় বলিতে পারেন নাই ।

শিশুকালে নাগমহাশয়ের মাতৃবিয়োগ হয় । তাহার পিসী-ঠাকুরাণীর ইচ্ছা দুর্গাচরণকে বিবাহ করাইয়া আবার নূতন করিয়া সংসার পত্তন করেন । এখন তাঁহার বয়স ১৫ বৎসর । তিনি ক্যাম্পবেল মেডিকেল স্কুলে ডাক্তারী পড়েন । অনেকেই তাঁহাকে আগ্রহ করিয়া কল্যাণকাম করিবে । পিসী-মা আত্মীয়স্বজনকে তাঁহার অন্ত একটা পাত্রী দেখিতে বলিতে লাগিলেন । পঞ্চসার নিবাসী, তাহার মর ভ্রাতা, ৬য়ঘুনাথ নাগ পাত্রী খুজিতে খুজিতে রাইজদানিবাঙ্গী ৬য়ঘুনাথ দাসের প্রথম কন্যা প্রসন্নকুমারীর সহিত সন্ধ হির করিলেন । ৬য়ঘুনাথ দাস অবস্থাপন্ন তালুকদার ছিলেন, মেয়েটীও সুসুন্দর । নাগমহাশয় ডাক্তারী পড়েন শুনিয়া,

অগ্নাথ এ সম্বন্ধ করিতে অতিশয় আগ্রহ প্রকাশ করিলেন । বিবাহের দিন ধার্য হইল । নাগমহাশয়ের ভগিনী সারদামণির বিবাহও সেই দিন হইবে । সমস্ত বন্দোবস্ত হইল । বিবাহের দিন আসিতেছে, সকলেই মনের আনন্দে আমোদ করিতে লাগিল । নাগমহাশয়ের বিবাহ হইবে, তাঁহার কত আনন্দ করা উচিত । অল্প ছেলে হইলে কত কি করিত, কিন্তু নাগমহাশয়ের কোন মানসিক বিকার প্রকাশ পায় নাই, যেন কোন বিশেষ ঘটনা ঘটতেছে না । তিনি অল্প সময় যেরূপ ছিলেন, এখন সেই ভাবেই আছেন । স্নান করিতে হয় স্নান করেন, খাইতে হয় খান, অগ্নাথ ছেলেদেব সহিত মিশিতে হয় মিশেন । কোন বিষয়ে তাহার আপত্তি নাই, কোন বিষয়ে বিবাগও নাই । বিবাহের দিন উপস্থিত হইল । মাদলিক ক্রীয়া আরম্ভ হইল । নাগমহাশয়েব গায়ে হরিদ্রা মাখিতে হইবে, নিজ শরীর ছাড়িয়া দিলেন ; তাঁহাকে নূতন কাপড় পরিতে হইবে, পরিলেন । কাহাকে কোন কাজ করিতে মানা করিতেছেন না, কিন্তু তিনি কোন কাজে আনন্দও প্রকাশ করিতেছেন না । সকলে যাহা করিতে বলিতেছে, তিনি তাহা অবিচলিতচিত্তে করিতেছেন । আমার এক স্ত্রী পিসী এখনও জীবিত আছেন, তিনি এই বিবাহে উপস্থিত ছিলেন । তিনি বলেন, কোন বিষয়ে ঠাকুর ভাইয়ের একবারেই ক্ষুণ্ণ ছিল না । কেবল কাষ্ঠপুত্তলিকার মত অশ্বে যাহা করাইত, তিনি তাহা করিতেন । তিনি চিরকালই সাধারণ লোক হইতে পৃথক ছিলেন ।

গোধূলি লগ্নে নাগমহাশয়ের বিবাহ হইল এবং শেষরাত্রে সারদামণির উদ্বাহ ক্রিয়া সম্পন্ন হইল । চূর্ণাচরণ পুতিগহময়

সংসার সাগরে অবগাহন করিতে চলিলেন । আবিলা ফেন বাপি কি তাঁহার দেহ স্পর্শ করিবে ? নরকেব তীব্র গন্ধ কি তাঁহার দিগন্তব্যাপী সৌরভ নাশ করিবে ? দিক্দেশবিষোষিত সাগর কল্লোল কি তাঁহার হৃদয়স্পর্শী ক্ষীণস্বর ডুবাইয়া ফেলিতে পারিবে ?

বিবাহ হইয়া গেল । নাগমহাশয় কলিকাতা আসিলেন । ক্যাম্পবেল মেডিকেল স্কুলে কয়েক মাস পড়িয়া তাহা ছাড়িয়া দিলেন এবং ডাঃ বিহারীলাল ভাট্টবীর নিকট হুইবেলা যাইয়া হোমিওপ্যাথী পড়িতে লাগিলেন । প্রাতে ও বৈকালে ডাঃ ভাট্টবীর নিকট হইতে পাঠ লইতেন এবং মধ্যাহ্ন সময়ে বাসায় বসিয়া তাহার আলোচনা করিতেন । অল্পকাল মধ্যে হোমিওপ্যাথি চিকিৎসায় তাহার বেশ জ্ঞান জন্মিল, ঔষধ নির্ণয়ে তাঁহার অতিশয় বিচক্ষণতা দেখা যাইত । ডাঃ ভাট্টবী বলিয়াছিলেন, তিনি দুর্গাচরণের নির্ঝাচিত ঔষধে অনেক বহুকালের রোগ আরোগ্য করিয়াছেন । তাহা না হইবে কেন ? যখন আমরা তাঁহাকে দেখিয়াছি, তিনি বলিতেন, কাঁচ লাগান আলমারির ভিতর জিনিষ রাখিলে যেমন বাহির হইতে দেখা যায়, সেই রূপ আমি লোকের ভিতর দেখিতে পাই ।

দেড় বৎসর হোমিওপ্যাথি চিকিৎসা আলোচনা করিয়া নাগমহাশয় দেশে আসিলেন । দীনদয়াল নূতন করিয়া ঘর তৈয়ার করিতে ইচ্ছা করিয়া একটু বড় দেখিয়া পুত্র বধু আনিয়াছিলেন । তখন নাগমহাশয়ের বয়স ১৭ বৎসর এবং বধুর বয়স ১৫ বৎসর । বিবাহের অনেক দিন পর বধু একদিন সারদামণিকে বলিয়াছিলেন, ঠাকুরখি গো, আপনার ভাই কি রকম মানুষ ? এই যে তিনি শুইয়া থাকেন, কোন জ্ঞান নাই । মনের মত কোন কথা

বলিতে গেলে কিছুই শোনেন না । এতদিন গেল, একদিনও তাহার ভাবের পরিবর্তন দেখিলাম না । নাগমহাশয়ের এক জ্ঞাতি ভগ্নিও এই কথার সময় তথায় উপস্থিত ছিলেন । সারদামণি বলিলেন, সময়ে সব হইবে । তিনি লজ্জা বোধ কবিয়া আর কিছু বলিতে পারিলেন না । বধুও চুপ করিলেন । বধু মনে বড় কষ্ট পাইলেন ।

নাগমহাশয়ের ঠাকুরমার আমাশয়-রোগ হইল । অল্পদিনের মধ্যে তিনি শয্যাশায়ী হইলেন । বাহিরে আসিয়া মলমূত্র ত্যাগ করিতে পারিতেন না, বিছানায়ই তাহা ত্যাগ করিতেন । নাগমহাশয় নিজ হাতে মল ও মূত্র ফেলিতে লাগিলেন । তাহা দেখিয়া তাহার জ্ঞাতি ভগ্নি হুঃখিতা হইয়া বলিলেন, হুর্গা, যদি আমাদের সামনে তুমি নিজে ঠাকুরমার মল ও মূত্র ফেলিবে, আমরা চলিয়া যাইব, এখানে থাকিয়া আমাদের দরকার কি ? নাগমহাশয় বলিলেন, দিদি, পিতামাতার বিষ্টা চন্দন জ্ঞানে ফেলিতে হয় । আমি আমার মাতার সেবা করিতে পারি নাই । ঠাকুরমা জননীর মত আমাকে পালন করিয়াছেন, আমি মাতৃজ্ঞানে ঠাকুরমার সেবা করিব । আপনারা অন্ত কাজ করুন । আমি কাহাকেও তাঁহার মল মূত্র ফেলিতে দিব না । তিনি এমন সরল ভাবে এই কথাগুলি বলিলেন, কেহ আর প্রত্যন্তর দিতে পারিলেন না ।

নাগমহাশয়কে হাসিমুখে ঠাকুরমার সেবা করিতে দেখিয়া বধু সারদামণির নিকট বলিলেন, ঠাকুর ঝি, তিনি সংসারের সকল কাজই জানেন, তাঁহার সকল জ্ঞানই আছে । তিনি লজ্জার আর বেশি কিছু বলিতে পারিলেন না । সারদামণি এই কথা পিসীমাকে বলিলেন । তাঁহারা বুঝিতে পারিলেন, বধুর সাথে

নাগমহাশয় কোন শারীরিক সম্বন্ধ নাই । পিসী-মা বলিনেন শিশু সময় হইতেই ছুর্গার দেহে সুখ বোধ নাই । সময়ে সমস্তই হইতে পারে । বধুর ব্যবহারে সকলেই সেই কথা বুঝিতে পাবিল । ঠাকুর-মাব মৃত্যুর দিন আসিল । তিনি দেহত্যাগ কবিত্তে করিত্তে নাগমহাশয়কে দেখিত্তে লাগিলেন এবং ইষ্টনাম জপ করিলেন । নাগমহাশয় অনিমেষ লোচনে তাঁহাব প্রতি তাকাইয়া বহিলেন । তাঁহাকে সেইরূপ তাকাইতে দেখিয়া, বৃদ্ধা যেক-অপর বাড়ী বেড়াইতে যাইতেছেন, এই ভাবে বলিলেন, ছুর্গা, এখন তোমরা সকলে আহাৰ কব । আমার সময় হইলে, আমি বলিব । নাগমহাশয় বলিলেন, আপনি আপনার ইষ্ট চিন্তা করুন । এখন এই সব ভাবিবার কোন দরকার নাই । বৃদ্ধা বলিলেন, ভগবান্কে স্মরণ করিত্তেছি । আমি মারা গেলেত আব আজ তোমরা খাইতে পাবিবে না, কেন অনর্থক উপবাস করিবে ? নাগমহাশয় দেখিলেন, না খাইলে বৃদ্ধা তাঁহাব খাওয়ার জন্য চিন্তা কবিবেন, তাই তিনি স্থানান্তরে গেলেন । বৃদ্ধা একমনে জপ করিত্তে লাগিলেন । দেহত্যাগের অল্প আগে জপ ছাড়িয়া করজোরে ভগবান্কে নমস্কার করিয়া, ডাকিয়া বলিলেন, ছুর্গা, ছুর্গা, এখন আমাকে বাহির কর । অমনি সকলে মিলিয়া তাঁহাকে বাহির করিয়া, বৈতরণী পার করাইলেন । বাম রাম বলিয়া তাঁহার প্রাণ বাহির হইয়াগেল । বৃদ্ধা যতক্ষণ জীবিতা ছিলেন, নাগমহাশয় কেবল তাঁহাকে ভগবান্কে স্মরণ করিত্তে বলিয়াছিলেন । তিনি অসময়ে মাতৃহীন, ঠাকুরমাকে মাতৃস্থানিয়া মনে কবিতেন । তাঁহার জন্য কাঁড়িত্তে লাগিলেন । তাঁহার করা দেখিয়া সকলেই বলিলেন, ছুর্গার দয়ার প্রাণ, সকলের জন্যই কাঁদে । এখনকার ছেলে মেরে পিতা

মাতার অন্ত কাঁদে না, ঠাকুর-মা দুয়ের কথা । দীনদয়াল মাতা সংকার করিয়া সকলকে চিঠি লিখিয়া জানাইলেন । নাগমহাশয়ে খণ্ডর ৬জগন্নাথ দাস চিঠি পাইয়া মনে করিলেন, এ শ্রাদ্ধের সময় ছেলেকে পাঠাইয়া আপন বাড়ীর কাজের মত সমস্ত সম্পন্ন করিবেন

নাগমহাশয়কে জামাতা পাইয়া খণ্ডর বাটীর লোক বড়ই সুখী ছিলেন । তাঁহার রূপ ও গুণ খণ্ডর ও শ্রাদ্ধকে মুগ্ধ করিয়াছিল । উহার সময় খুঁজিতেছিলেন, কি করিয়া জামাতার আপন বলিয়া দেখাইতে পারিবেন, কি করিয়া তাঁহার সহিত মিশা মিশি করিবেন । তাঁহার শালক মান অপমান সমান জ্ঞান করিয়া, আপন বাড়ীর কাজের মত শ্রাদ্ধের কাজ করিতে লাগিলেন । তাহা দেখিয়া সকলেই বলিল, যেন তিনি ও নাগমহাশয় ছই সহোদর ভাই । খণ্ডর জামাতার ও ছেলের ভাব দেখিয়া অত্যন্ত সুখী হইলেন । শ্রাদ্ধ সম্পন্ন হইলে তিনি দীনদয়ালকে বলিয়া কস্তা ও জামাতাকে লইয়া বাটী গেলেন । দীনদয়াল বৈবাহিকের ব্যবহারে বড়ই অহ্লাদিত হইয়াছিলেন । তিনি মনে করিলেন, দুর্গাকে বড়লোকের মেয়ে বিবাহ করাইয়াছি, সে বেশ আদর পাইতেছে । এখন বধুর সহিত ভাব হয়, তাহা হইলেই আমার উদ্বেগ চলিয়া যায় । নাগমহাশয় ৬৭ দিন খণ্ডর বাড়ীতে ছিলেন । বাড়ীতে কিরিয়া আসিলে, বধুর কথা মনে করিয়া সকলেই নাগমহাশয়কে স্নান করিয়া দেখিলেন । কেহই তাঁহার ভাবের পরিবর্তন বুঝিতে পারিলেন না । নাগমহাশয় যে বালক ছিলেন, সেই বালকই আছেন । দীনদয়াল সময়ের দিকে তাকাইয়া রহিলেন ।

নাগমহাশয় কলিকাতা চলিয়া আসিলেন । দীনদয়াল আরও কয়েক দিন বাড়ীতে থাকিয়া কলিকাতা অভিমুখে যাত্রা করিলেন ।

ছেলেকে মন দিয়া ডাক্তারী পড়িতে দেখিয়া অতিশয় সুখী হইলেন । ৫।৬ মাস পরে বাড়ীতে পাঠাইয়া দিলেন । তিনি মনে করিলেন, নাগমহাশয় ক্যাম্পবেল ছাড়িয়া, যখন নিজে আগ্রহ করিয়া হোমিওপ্যাথি পড়িতেছেন, এইবার সংসারে মন দিবেন । নাগমহাশয় বাড়ীতে আসিলেন দেখিয়া সকলেই হর্ষান্বিত হইলেন । স্বপ্নব জানিতে পারিয়া ছেলের সাথে মেয়ে পাঠাইয়া দিলেন ।

নাগমহাশয় লোক দেখাইয়া কিছু করেন নাই । তিনিকি বধুর সাথে এক বিছানায় শুইতেছেন দেখিয়া পিসী-মা ও ভগ্নি সুখী হইলেন । কিন্তু তাঁহার ভাবের কোন পরিবর্তন পরিলক্ষিত হইল না । দ্বীর প্রতি আসক্তি জন্মিলে, লোক একমত ব্যবহার করে, আর লোক দেখান কাজ ভিন্নমত । মনের সন্দেহ নিরাশনের জন্য সারদামণি একদিন ভাতৃবধুকে তাঁহার প্রতি ভ্রাতার ব্যবহারের কথা জিজ্ঞাসা করিলেন । বধু দীর্ঘনিশ্বাস ফেলিয়া বলিলেন, আপনার ভাই সংসার করিবেন না । তাঁহার কথা শুনিয়া সারদামণি পিসীমাকে তাহা বলিলেন । পিসীমা কহিলেন, ১৬ বৎসরের বধু ও ১৮ বৎসর বয়সের ছেলে এক সঙ্গে শুইয়া নির্ঝিঁয়ে ঘুমায়, কে কোথায় দেখিয়াছে ? ভগবান্ জামেন, কি হইবে । এই বলিয়া পিসী চুপ করিলেন । নাগমহাশয়কে কোন কথা বলিতে কেহ সাহস পাইলেন না । বধু গোপনে ননদিনীকে যাহা বলিয়াছিলেন, তাহা নাগমহাশয়ের জানার বাকি রহিল না । তিনি সেইদিন রাত্রিতে বলিলেন, আমি আজ পিসীমার কাছে শুইব । পিসীমা তাঁহাকে জিজ্ঞাসা করিলেন, উপযুক্ত বধু ফেলিয়া তুমি আমার কাছে শুইবে কেন ? নাগমহাশয় গাছে উঠিয়া বসিয়া রহিলেন । যোগমায়া হাসিতে হাসিতে চুপি চুপি বধুকে

বলিতে লাগিল তুমি দাদার নামে ননদিনীর কাছে কি বলিয়াছ, দাদা তোমাকে আর ঘরে নিবেন না। নাগমহাশয়কে গাছে উঠিয়া বসিয়া থাকিতে দেখিয়া বধুব হৃদয় জলিয়া যাইতে লাগিল। কি করিবেন, কোন উপায় নাই! সংসারে অপর লোক কষ্ট দিলে, স্বামীকে বলিয়া, স্বামীর কাছে থাকিয়া সব ছুলিয়া যাওয়া যায়, কিন্তু স্বামী কষ্ট দিলে, তাহা রাখিবার স্থান থাকে না। সে কষ্ট কেহ দূর করিতে পারে না, কেহ শান্তিও দিতে পারে না। স্বামীই যখন মর্নে কষ্ট দিতেছেন, কে রক্ষা কবে? যোগমায়া পরিহাস ছলে বধুকে সেই কথা বলিয়াছিল। যখন সে দেখিল, নাগমহাশয় সত্যসত্যই বধুব সঙ্গে শুইবেন না, লজ্জায় মরিয়া গেল এবং নাগমহাশয়ের অলৌকিকতাব দেখিতে লাগিল। \*

পিসীমা নাগমহাশয়কে গাছ হইতে নামিয়া আসিতে অনেক বলিলেন, তিনি কোন কথাই শুনিলেন না। অবশেষে পিসীমা নিকপায় হইয়া তাঁহাকে বলিলেন, তুমি গাছ হইতে নামিয়া আস, আমার কাছে শুইতে দিব। নাগমহাশয় নামিয়া আসিলেন। বধু সকল সুখ হইতে বঞ্চিত হইয়াও নাগমহাশয়কে নিয়া এক

\* যোগমায়া নামে দীনদয়ালের এক পরিচরিকা ছিল। যোগমায়া কারেছের মেয়ে। অদ্ভুত দোষে পরেব বাড়ীতে চাকুরী করিয়া জীবিকা নির্বাহ করিতে হইত। পশ্চিম বঙ্গে তাহার স্বামীর লাড়ী ছিল। সামস্ত ঋণ রাখিয়া স্বামী পরলোক গমন করিলে যোগমায়া বিপদ সাগরে পড়িল। ঋণ আদায়ের পীড়াপীড়িতে এবং গ্রাসাচ্ছাদনের বন্দোবস্ত না থাকায়, অনশ্রোপায় হইয়া পরের বাড়ীতে চাকুরী লইল। বেতন হইতে জীবিকা নির্বাহ ও ঋণ পরিশোধ করিত। কালের আবর্তনে ঘুড়িবা কিরিয়া যোগমায়া দীনদয়ালের আশ্রয় গ্রহণ করিয়াছিল এবং জীবনের অবশিষ্ট দিন তাহারই ছায়ার কাটাইয়া ছিল। দীনদয়াল কারু : জানিয়াও তাহার হাতে ধাইতেন না। সে তাঁহার রান্নার যোগ্য করিয়া দিত। দীনদয়াল দেশে গেলে যোগমায়াও দেও-ভোগে যাইত।



বিছানায শুইয়া নিদ্রা ঘাইতেন, তাহাও আজ হইতে বন্ধ হইল ।  
 যাহাতে তাঁহার কোন লাভ হইল না এমন একটা কথায় সামান্য  
 সুখটুও রহিল না । নাগমহাশয় পিসীমার একপাশে শুইলেন, বধু  
 অন্যপাশে ভিন্ন বিছানা করিলেন । তখন বধুব বয়স :৬ বৎসর  
 ছিল । তিনি একাকী একঘবে শুইতে পারিলেন না । পিসীমা  
 তাঁহাকে অনেক প্রবোধ দিলেন । এইভাবে কয়েকদিন চলিতে  
 লাগিল । হঠাৎ বধুর আমাশয় রোগ হইল । তিনি স্বামীর  
 মতিগতি দেখিয়া, দেহের অবহেলা করিয়া, রোগ বাড়াইলেন,  
 কাঁহাকে কিছুই বলিলেন না । যখন তিনি শয্যাশায়ী হইলেন,  
 লোকে জানিতে পারিল, তিনি এত পীড়িতা । নাগমহাশয় ঔষধ  
 দিয়া এ যাত্রায় তাঁহাকে ভাল করিলেন । বধু আবার রান্না  
 করিয়া স্বামীকে খাইতে দিতে লাগিলেন । নাগমহাশয় বিবেচ্যভাব  
 দেখাইয়া একত্র শোয়া ছাড়িয়া দিলেন পর, বধু তাঁহার সম্মুখে  
 নাইতে ভয় পাইতেন । অসুখের সময় নাগমহাশয় তাঁহাকে ঔষধ  
 দিয়াছিলেন, সেবাসুশ্রদ্ধা করিয়াছিলেন, তাহাতে তাঁহার ভয় চলিয়া  
 গেল । নাগমহাশয়ের যাহা দরকার, তাহা তিনি আদরের সহিত  
 তাঁহাকে দিতে লাগিলেন । নাগমহাশয় বিনা আপত্তিতে তাহা  
 গ্রহণ করিতেন দেখিয়া সকলেই সম্ভ্রাম লাভ করিলেন । তাঁহার  
 আবার একত্র শুইতেন । অসুখের সময় স্বামীর ব্যবহার দেখিয়া  
 বধু বড় আশা পাইয়াছিলেন । তিনি মনে করিয়াছিলেন, লোকে যে  
 বলে সময়ে সব হইবে, তাহা ঠিক । স্বামী সমস্ত সুখই দিবেন ।  
 একত্র শুইয়া তিনি একবারে নিরাশ হইলেন না । ভয়ে স্বামীকে  
 কিছু বলিতেন না । স্বামীর মতামুসারেই আছেন । সারদামণি  
 স্বামীর বাড়ী চলিয়া যাইবেন । বধু অতিশয় গোপনে তাঁহাকে

বলিলেন, আপনার ভাই আগেও যে ভাবে ছিলেন, এখনও সেই ভাবেই আছেন। ভাবের কোন পরিবর্তন হয় নাই। সারদামণি বলিলেন, তাহা আমরা বুঝিতে পারিয়াছি। তুমি কতকদিন সহ করিয়া নেও। দেখেছত এমাম্বুস কাহার কথায কিছু কবিবে না। তোমার কপালে সুখ থাকিলে, ভগবান ইহার মতি বুদ্ধি ঘুরাইয়া দিবেন। ননদিনী ও ভাতৃবধু উভয়ই দুঃখিতা হইয়া সকল কথা চাপিয়া রাখিলেন। সারদামণি বধুকে প্রবোধ দিয়া স্বামী বাড়ী চলিয়া গেলেন।

বধুর আবার আশায় হইল। এবার তাঁহার মাথায় 'বড় বন্দনা হইয়াছে। কতকদিন ভুগিয়া অবসন্ন হইয়া পড়িলেন। প্রতিবাসীরা বধুকে ঘরের বাহির করিল। বধু পিসী-খশ্রকে ডাকিয়া বলিলেন, আপনার ভাইয়ের ছেলেকে ডাকুন। তিনি তাড়াতাড়ি নাগমহাশয়কে ডাকিয়া বধুর অস্তিমশয়ার পাশে লইয়া গেলেন। নাগমহাশয় বধুর পাশে দাঁড়াইলেন। তাঁহাকে নিকটে পাইয়া, বধু নিজ কর চিরবাঞ্ছিত স্বামীর চরণে জনমের মত স্পর্শ করিয়া মস্তকে স্থাপন করিতে লাগিলেন। যতক্ষণ বাহুতে সমর্থ ছিল, নাগমহাশয়ের পদযুগল ধরিয়া, ধূলি নিয়া কেবল কপালে দিলেন। 'নাগমহাশয় স্থানুর মত দাঁড়াইয়া রহিলেন। তাঁহাকে দেখিতে দেখিতে প্রসন্নকুমারী প্রসন্ন মনে চলিয়া গেলেন। পিসীমা বধুর ভাব দেখিয়া মহা অমঙ্গলের সময়ে মঙ্গল চিহ্ন দেখিতে পাইলেন এবং কাঁদিতে কাঁদিতে বলিলেন, বধু, তুমি দুর্গার ভক্ত ছিলে। দুর্গাকে নমস্কার করিয়া, দুর্গাকে দেখিতে দেখিতে, সতী-লক্ষ্মী মহা আনন্দে চলিয়া গেলে। দুর্গা তোমাকে সমস্ত সুখ হইতে বঞ্চিত রাখিয়া, এসময় লজ্জা ত্যাগ করিয়া, তোমার মনে হইয়া

মাত্র তোমার সামনে দাঁড়াইল, দেহে যতক্ষণ প্রাণ ছিল, ততক্ষণ নয়ন ভরিয়া তাহাকে দেখিলে, মনের মত স্বামীর পদধূলি লইয়া এই সংসার ত্যাগ করিলে । শেষ সময় ছুর্গা তোমার বাসনা পূর্ণ করিল । তুমি সমস্ত সুখে বঞ্চিত হইয়া ও আনন্দমনে স্বামীকে নিয়া ঘর করিতেছিলে, আজ আনন্দের বাজর পূর্ণ রাখিয়া, স্বামীর মুখ দেখিয়া, তাহার পদধূলি লইয়া পরমানন্দে গমন করিলে । আমি ছুর্গতি ভোগ করিতে তোমাদের সংসারে রহিলাম । মৃত্যুর সময় নাগমহাশয়ের প্রতি বধুর ভাব দেখিয়া পিসীর হৃদয়ে ধারণা হইল, ছুর্গা মানুষ নয় । ছুর্গা বধুর ভক্তি জানিয়া, লজ্জাত্যাগ করিয়া, সকলের সাক্ষাতে এভাবে দাঁড়াইয়া রহিল, বধুকে নমস্কার করিতে দিল । বধুর সাথে তাহার এমন কোন আসক্তি ছিল না যে, সেই আসক্তি হেতু মৃত্যু সময়ে সে সামনে দাঁড়াইবে । সারদামণি এই ঘটনা আমার কাছে বলিয়াছেন ও কাঁদিয়াছেন । তিনি আরও বলিয়াছেন, আমার ভাই লোকের কাছে গোপনে থাকিবেন, ইহা তাঁহার চিরকালের ইচ্ছা । বধু মনে কষ্ট পাইয়া আমাকে একটা কথা বলিয়া ছিলেন, তাই ভাই কয়েক দিন তাঁহার সাথে শুইলেন না । পিসীমা তাঁহার দিকে তাকাইয়া কাঁদিয়া বলিলেন, ছুর্গা, তুমি কখনও সুখ চাও না । বিধাতা তোমার মন জানিয়া তোমাকে সকল সুখের বাহিরে রাখিয়াছেন । শিশুকালে মাতৃহীন হওয়ায় তোমার কষ্ট হইবে বলিয়া দাদা আর বিবাহ করিলেন না । পুনর্ব্বার সংসার পাতার জন্ত অল্প বয়সে তোমাকে বিবাহ করাইলেন । বধু সংসার বুঝিয়া লইয়া তোমার ঘর করিতে লাগিল । তোমার মতি গতি দেখিয়া, বধুর কষ্ট বুঝিয়া, ভগবান্ তাহাকে সরাইয়া দিলেন । যে বয়সে তোমার গৃহশুভ হইল,

অনেক লোক এ বয়সে বিবাহ কবে না । কৰ্মদোষ হেতু আমি তোমার সকল ছুঃখ দেখিতেছি ও কষ্ট ভোগ করিতেছে । তোমার সুখ ছুঃখ নাই, কিন্তু ইহা দেখিয়া আমার কষ্ট হইতেছে । পিসী-মাতার কথা শুনিয়া নাগমহাশয় বলিলেন, আপনিই ত कहিলেন, সমস্তই ভগবান্ করিতেছেন । জীবের আগম ও নিগম ভগবানের নিয়ম অনুসারে হইয়া থাকে, তবে কেন এত আক্ষেপ কবিতোছেন ? তাঁহার ইচ্ছার উপর কাহার হাত নাই । পিসিমাতা চুপ করিয়া রহিলেন । তাহাকে আব কোন কথা বলিতে সাহস হইল না । নাগমহাশয় প্রতিবাসীদেব কথা অনুসাবে নিয়মমত বধুর সংকার করিলেন ।

দীনদয়াল পুত্র-বধুর মৃত্যু সংবাদ পাইয়া একবাবে দমিয়া গেলেন । নিজের স্ত্রীবিয়োগে হইয়াছিল, দুর্গাচরণের কষ্ট হইবে ভাবিয়া আর বিবাহ কবেন নাই । তিনি দুর্গাচরণের দিকে তাকাইয়া ভাবিয়াছিলেন, বড় হইলে তাহাকে বিবাহ করাইয়া ভাঙ্গা ঘরে খুঁটি দিবেন । ১৫ বৎসর বয়সে তাহার বিবাহ কবাইলেন । বধু ভালমত সংসার করিতে লাগিল । এসময় -বিধাতা বিমুখ হইলেন, গৃহশূন্য হইল । শূন্যগৃহ শূন্যই রহিল । দীনদয়াল ভাবিতে লাগিলেন, এখন কি করা যায় ? দুর্গাচরণকে আবার বিবাহ করান সম্ভব নয় । ১৬ বৎসর বয়স্কা বধুর পাশে শুইয়া রহিয়াছে, কোন বিকার নাই । সে নিৰ্বিকার চিত্তে ঘুমাইয়াছে । বধু কোন কথা বলিলে সংসারের অসারত্ব ব্যাখ্যা করিয়াছে । যুবকের এমন ভাব কে কোথায় দেখিয়াছে বা শুনিয়াছে ? সংসারের কাজের স্রষ্টা অপরের একটা মেয়ে আনিয়া কষ্টে ফেলা যুক্তি যুক্ত নয় । ভীক দীনদয়াল মনে মনে নানা মত

যুক্তি করিতে লাগিলেন । বাড়ীতে আসিয়া ভগ্নির মুখে বধুর মৃত্যুর বিবরণ শুনিয়া এবং পুত্রের মনেরভাব জানিয়া, তাহার আর বিবাহ না কবানই ভাল মনে করিলেন ; কিন্তু তাঁহার হৃদয়ে বিষম অনল জলিয়া উঠিল । দুর্গা একবংশে একটি মাত্র পুত্র । দুর্গা আবার বিবাহ না করিলে এবং তাহার একটি পুত্র না হইলে, বংশ লোপ পাইবে, পিতৃপুরুষের জলপিণ্ড রহিত হইবে । কি করিবেন, কোন উপায় নাই । দুর্গাকে একবার বিবাহ করাইলে, বধু বাঁচিয়া থাকিলে কি হইত, কে জানে ! মনের আগুন মনে চাপিয়া রাখিয়া, আভাসে বন্ধু বান্ধবকে পুত্রের আচার ব্যবহার জানাইলেন । তাঁহার দীনদয়ালের দুখে দুঃখিত হইলেন এবং তাঁহাকে বলিলেন, তোমরা আর কতক কাল অপেক্ষা করিয়া দেখ কিসে কি দাঁড়ায় । বয়সের সঙ্গে লোকের মনের ভাবের পরিবর্তন ঘটে । দুইদিন পরে কি হইবে কে জানে ? যাহা হউক এ বিষয়ে একবারে গোপনে রাখিও, ভুলেও যেন আলোচনা না হয় । দীনদয়াল তাহাদের কথা শুনিয়া, ছেলেকে সঙ্গে লইয়া কলিকাতার আসিবেন স্থির করিলেন । তাঁহার ভগ্নি বধুর কথা মনে করিয়া কাঁদিয়া বলিলেন, ভাই বংশ লোপ হইল । যদি দুর্গার ছোট ভাইটী বাঁচিয়া থাকিত, তোমার বংশ রক্ষা হইত । দুইটী ছেলে ছিল, দুর্গা যাহা ইচ্ছা তাহা করিত, তাহাতে কোন ক্ষতি ছিল না । দীনদয়াল ভগ্নিকে শাস্তনা দিয়া বলিলেন, তোমরা এই কথা একবারে মুখে আনিও না । ভবিষ্যতগর্ভে কি আছে আমরা জানি না ।

নাগমহাশয় কলিকাতা আসিয়া হোমিওপ্যাথি চিকিৎসার মন দিলেন । পিতা তাঁহাকে ডাক্তারী করিতে দেখিয়া খুশী হইলেন সত্য, কিন্তু তিনি সর্বদা লক্ষ্য রাখিতেন, পুত্রের ভাবের কোন পরিবর্তন

হয় কি না । নাগমহাশয় পিতার জন্ম সংসারে আছেন । কাজ করিতে হইবে, তাই তিনি ডাক্তারী করেন । অধিক সময় ধর্ম আলোচনা করেন । শাস্ত্র আলোচনা করিতে করিতে তাঁহার প্রাণ ভগবানেব জন্ম আকুল হইয়া উঠিল । তিনি দিন রাত ভাবিতে লাগিলেন, কি করিলে ভগবান্কে পাওয়া যায় ? কে ভগবানের পথ বলিয়া দিতে পারিবেন ? তিনি কখন শ্মশানে বসিয়া ভগবানের ধ্যান করিতেন, কখন বা গঙ্গার পাৰে উন্মাদের মত নাচিতেন । স্মৃতরাং ডাক্তারী করার সময় খুব কমিয়া গেল । তিনি রাত্রে শ্মশানে বসিয়া ধ্যান কবেন শুনিয়া দীনদয়াল মনে করিলেন, এতদিন পুত্র গৃহ শূন্য অনুভব করিয়াছে । এসময় তাহাকে বিবাহ করাইলে ভাল হইবে । সে উন্মাদের মত শ্মশানে রাত্রি যাপন করে, এসময় বধু জীবিত থাকিলে ঘরে রাখিতে পারিত । তিনি দেখিতেন, ছেলে দিনের বেলায় বেশ মন দিয়া ডাক্তারী করে, রাত্রি হইলে শ্মশানে যায়, কারণ তাহাকে শাস্তি দেওয়ার জন্ম ঘরে কেহ নাই । ঘরে শুইয়া থাকা না থাকা উভয় সমান, তাই সে শ্মশানে রাত্রি কাটায় । দীনদয়াল মনে মনে এইরূপ যুক্তি করিতে লাগিলেন । অবশেষে তিনি এক দিন পুত্রকে আবার বিবাহ করিতে বলিলেন । নাগমহাশয়ের বিশ্বাসের সীমা রহিল না । তিনি পিতাকে অনেক বুঝাইলেন । এমন কি প্রথম বিবাহ করিয়া বধুর সাথে তিনি যে ব্যবহার করিয়াছেন, তাহাও প্রকারান্তরে পিতাকে বলিলেন । নাগমহাশয় বলিলেন, একবার আমাকে বিবাহ করাইয়াছিলেন, সে স্ত্রী মারা গেল । আপনি আবার কাহার মেয়ে আনিয়া মারিতে চান ? দীনদয়াল তাঁহার কথা বুঝিতে পারিলেন না । তিনি ভাবিলেন, জন্ম ও মৃত্যু

বিধাতার লিপি । এবার ভালভাবে পুত্রকে বিবাহ করাইবেন । এই সুযোগ হারাইলে ইহা আর পাইবেন না । নাগ মহাশয় সহজে স্বীকার করিলেন না । তাঁহার ইচ্ছা তিনি এজগতে গোপনে থাকিবেন । বিবাহ করিলে সমস্ত প্রকাশ হইয়া পড়িবে । প্রথম স্ত্রী অল্প কয়েক দিন স্বামীর সঙ্গে ছিলেন, তাহাতে পিতা, পিসী, ভগ্নি ও আত্মীয় সকলেই বুঝিতে পারিলেন, উনি মানুষের কাজ করিতেছেন না । এই স্ত্রী অল্পদিনেই পরলোক গমন করিলেন । এখন ইচ্ছামত আত্মগোপন করিয়া থাকিবেন । আবার বিবাহ করিলে তাহা চালিবে না । ষত দিন থাকিবেন, লোকে তাঁহার চরিত্র অলৌকিক দেখিবে । তিনি ভাবিলেন, বিবাহ করিলে আবার সংসারের বন্ধন হইবে, ডাক্তারী করিয়া রীতিমত টাকা উপার্জন করিতে হইবে । কামিনী ও কাঞ্চন দুইজনই ঈশ্বরের পথের কাঁটা । সারাজীবন ছাই মেয়ে মানুষ, ছাই টাকা নিয়া থাকিতে হইবে । ইচ্ছামত শ্মশানে বসিয়া ভগবানের ধ্যান করিতে পারিব না । হায় হায় ইহার নাম সংসার ! পিতা কি বুঝিলেন জানি না । যাহাতে আমি ভগবানকে ভুলিয়া সংসারে বন্দী হইয়া থাকি, সেই কাজ করিতে পিতার প্রাণপণে চেষ্টা । তিনি একবার ভাবিতেছেন না, সংসার কত দিনের জন্ত । আজ বা কাল ইহা ছাড়িয়া যাইতে হইবে । যাহাকে ধরিলে, যিনি জীবনে ও মরণে সঙ্গে থাকিবেন, তাঁহাকে ভুলাইয়া বন্ধন দেখিয়া পিতা সুখী হইবেন, কি পরিতাপের বিষয় ? ভগবান্ বিনা কেহ কাহার হৃদয়ের ব্যথা বুঝে না । যে যাহা বোঝে, সে তাহা করিবেই । সংসারে আর আত্মগোপন করিয়া থাকিতে পারিব না ।

নাগমহাশয়ের ইচ্ছা ছিল, তিনি আত্মগোপন করিয়া সংসারে

থাকিবেন । বিবাহ করিলে সম্পূর্ণরূপে আত্মগোপন কবিতো পারিবেন না । নাগমহাশয় যে নিকাম ছিলেন তাহা তাঁহার উপলক্ষি ছিল । এক স্ত্রী কেন, শতস্রী থাকিলেও তিনি যে নিকাম ছিলেন, সেই নিকাম থাকিতেন । বিবাহ তাঁহার কোন প্রকার বন্ধন বা ধর্ম্মেব ক্তিকারক হইতে পাবিত না, ইহা নাগমহাশয়ের বিশেষরূপে জ্ঞানা ছিল । যখন লোকে দেখিবে যুবকের বুকে যুবতী স্ত্রী শুইয়া আছে, অথচ যুবক শিশুর মত সুখে নিদ্রা যাইতেছে, তাহার কোন ভাবনা নাই, কোন চিন্তা নাই, কোন সুখ নাই কোন দুঃখ নাই অভাব নাই, সে নিশ্চয় ভাবিবে, এই কি ! দুর্গাচরণ কি আমাদের মত মানুষ ? কলিকালে কাম মহাঅশুর, কামই জীবের প্রধান রিপু । জীব কামাসুরের বশবর্তী হইয়া কি অন্টার কাজ না করে ? জীব সমস্ত ভুলিয়া যায়, ভগবানের অস্তিত্ব অস্বীকার কবে । যিনি যুবতী কামিনীর কাছে শুইয়া তাহা জয় করিতে পারেন, তিনি কি আর মানুষ ! কলিকালে কেন, কোন কালেই যুবতী স্ত্রীর কাছে শুইয়া কেহ নির্বিকার চিন্তে নিদ্রা যাইতে পারে নাই । অন্তর্যমের কথা কি, দেবতাগণও তাহা পারেন নাই । এই নাগমহাশয় কি ছিলেন ? c

পিতার মুখে পুনর্ব্বার বিবাহ করার কথা শুনিয়া নাগমহাশয় মনে করিলেন, বিনা মেঘে বজ্রপাত হইল । তিনি পিতাকে অনেক কাকুতি মিনতি করিয়া বলিলেন, বাবা, বিবাহ হইতে জীবের নানা মত বজ্রণা আসে । এ বিবাহ হইতে জীবের কতই না ভোগ হয় ? আপনি ইহা জানিয়া আমাকে সেই বিবাহ করিতে বলিতেছেন, বজ্রনার হাতে কেহিয়া দিতে চাহিতেছেন ? আপনি আমাকে এ পাপ



হইতে অব্যাহতি দিন । আমি আপনাকে কোন কষ্ট দিব না ।  
 ঘরে বধু আসিয়া যাহা করিবে, আমি কাষমনোবাক্যে আপনার  
 সেইরূপ সেবা করিব । আপনি আমাকে মায়াবন্ধনে ফেলিবেন  
 না । পুত্রের মর্শ্বস্পর্শী 'বাক্য' শুনিয়া এবং তাঁহার মুখপানে  
 তাকাইয়া, পিতার হৃদয়ে দয়ার সঞ্চার হইল । তখনই আবার  
 মনে হইল, দুর্গা আমার একমাত্র পুত্র । দুর্গা বিবাহ না করিলে,  
 বংশলোপ, জলপিণ্ড লোপ হইবে । পিতার মন হুঃখে আত্মভূত  
 হইল । পুত্র ঘরের বাহির হইয়া গেলে, পিতা ঘবে বসিয়া-কাঁদিত্তে  
 লাগিলেন । পুত্র ফিরিয়া আসিয়া দেখিলেন, পিতা কাঁদিত্তেছেন ।  
 তাঁহার মনে হইল, আমার সুখের জন্য পিতা সংসারের সব সুখ  
 ত্যাগ করিয়াছেন । সেই পিতা আমার জন্য চক্ষের জল ফেলিবেন ?  
 থাক আমার ধর্ম কর্ম, পিতা বাহাতে সুখী হন, আমি তাহা করিব ।  
 তিনি পিতাকে বলিলেন, আমি বিবাহ করিব । আপনি সম্বন্ধ  
 স্থির করুন । তাহা শুনিয়া পিতার কি বকম বোধ হইল । পুত্র  
 আবার বলিলেন, তিনি বিবাহ করিবেন । এবার পিতা পুত্রের  
 কথা হৃদয়ঙ্গম করিতে পারিলেন । পুত্র বিবাহ করিবে, পিতার  
 আনন্দের সীমা রুহিল না । এদিকে পুত্রের মনে হুঃখের শেষ  
 নাই ।

পিতা ও পুত্রের এমন ভাব ছিল, পিতা সামান্য কষ্ট করিলে,  
 পুত্রের প্রাণে তাহা লাগিত । পুত্র সামান্য অসুবিধা ভোগ  
 করিলে, পিতা তাহা অসহ্য বোধ করিতেন । তিনি যেদিন  
 পুত্রকে রান্না করিতে দেখিতেন, সেদিন তাহার কষ্ট রাখিবাব  
 স্থান থাকিত না । তাঁহার মনে হইত, দুর্গা নিজে কষ্ট করিয়া  
 রান্না করিবে, আর আমি সুখে খাইব । এমন সুখে খাওয়ার

চেয়ে না খাওয়া ভাল । পিতা রান্না করিলে, পুত্র মনে করিতেন, আমার সাক্ষাতে পিতা কষ্ট করিয়া রান্না করিবেন, আর আমি মুখে খাইব, তাহা হইবে না । দুইজনাই খেয়াল রাখিতেন, তিনি কি করিয়া রান্না করিবেন । সময় সময় ইহা লইয়া ঝগড়া হইত । কোন কোন দিন রান্না হইয়া বাইত, কাহারও খাওয়া হইত না । পিতা জানিতেন, দুর্গা কায়মনোবাক্যে তাঁহার সেবা করিলে । দুর্গা হইতে তাহার শুক্রবার কোন ক্রটি হইবে না ; কিন্তু সে বিবাহ না করিলে বংশলোপ হইবে, তজ্জন্ত যে ভাবেই হউক, তাহাকে বিবাহ করাইতেই হইবে । কেহ কাহার হৃদয়ের ব্যথা বুঝিলেন না । নাগমহাশয় ভাবিলেন, আর আত্মগোপন করিতে পারিব না । সংসারে ছাই টাকা, ছাই মেয়ে মানুষ লইয়া থাকিতে হইবে । সংসারে মুক্তির উপায় একটাও নাই, বন্ধনের উপায় পত সহস্র । যখন নাগমহাশয়কে দ্বিতীয়বার বিবাহ করান হয়, তখন তিনি ভগবান্ লাভের জন্ত উন্মাদ । শ্মশানে বসিয়া ধ্যান করেন, কখন কখন সমাধি হওয়ায় পড়িয়া থাকিতেন । যদি নাগমহাশয় আত্মগোপন না করিতেন, তাহা হইলে অগতে এক নুতন ছবি দৃষ্ট হইত ।

নাগমহাশয়ের মনের ব্যথা কেহ জানিলেন না । পিতা মনে করিলেন, উন্মাদ ছেলেকে বিবাহ করাইলে, বধু তাহাকে বেশে আনিয়া ভাল করিতে পারিবে । একটা বয়স্হা বধু আনিব, শীঘ্রই তাহার উন্মত্ততা কাটিয়া যাইবে । পিতার আজ্ঞায় কলের পুতুলের মত বিবাহ করিতে দেশে আসিলেন । বাটতে আসিয়াই নাগমহাশয় বলিলেন, তিনি কলিকাতায় বাইবেন । দীনদয়াল অনেক কহিয়া তাঁহাকে বাইতে দিলেন না । তাঁহাকে দেখিয়া

অনেকে বলিলেন, দুর্গা কি লোকের মত সংসার করিবে ? সে একবার বিবাহ করিয়াছিল, তখন তাহাকে এইরূপ দেখা যাইত না, সাধারণ মানুষের মত আহার হাবভাব ছিল । সে সময় ও বধুর সহিত তাহার শারীরিক কোন সম্বন্ধ ছিল না । এখন দুর্গাকে অপরূপ দেখা যায় । তাহাকে দেখিলে মনে হয়, যেন সংসারে কোন বিষয়ে তাহার মন নাই । পিতা যাহা করিতে বলেন, কাষ্ঠপুত্রলিকার মত তাহাই করিতেছে । এমন ছেলেকে দীনদয়াল কেন জোর করিয়া বিবাহ করাইতেছে বুঝিতে পারি না । যদি বিবাহ করিয়া ছেলে সংসার না করে, আর একটা মেয়েকে হাতে ধরিয়া আনিয়া বধ করা হইবে ।

যাহারা নাগমহাশয়কে দ্বিতীয়বার বিবাহ করিতে দেখিয়াছেন, তাঁদের মধ্যে ২।১ জন লোক এখনও জীবিত আছেন । তাঁহারা বলেন, বিবাহ করা নাগমহাশয়ের একেবারেই মত ছিল না । এমন কি বিবাহের আনুসঙ্গিক ক্রিয়া পিতার আদেশ অনুসারে করিয়াছিলেন । বিবাহের দিবস তাঁহাকে স্নান করাইবে, তিনি যাইতে চাহেন না । পিতা তাঁহার সামনে আসিয়া বলিলেন, স্নান করিতে চল, তিনি কলের পুতুলের মত চলিলেন । স্নান করিতে গিয়া গায় হলুদ দিবেন না । একজন আসিয়া পিতাকে ডাকিয়া বলিলেন, দুর্গা গায় হলুদ দিবে না । পিতা তাঁহার নিকটে বাইয়া বলিলেন, গায় হলুদ দেও । তিনি একটু হলুদ কপালে ছোঁয়াইতে দিলেন । সমস্ত কাজই এইরূপ পিতার আজ্ঞায় করিতেছেন । স্নান করাইয়া চন্দন দিয়া সাজাইয়া দিবে, তিনি চন্দন দিতে দিবেন না । পিতা গিয়া কহিলেন, দুর্গা, শুভকাজে এমন করিতে হয় না । চন্দন পরিতে হয়, পিতার আদেশে কপালে একটু চন্দন

লাগাইতে দিলেন । পটুবস্ত্র পরাইতে হইবে, পিতা সম্মুখে দাঁড়াইয়া আছেন, অত্যন্ত অনিচ্ছার সহিত তাহা পরিধান করিলেন । পিতা দাঁড়াইয়া থাকিয়া পুত্রের সব ভাব দেখিতেছেন এবং বন্ধু-বান্ধবের কথা মনে করিতেছেন । তিনি ভাবিতে লাগিলেন, দুর্গাকে বিবাহ করাইতেছি, কিম্বা কষ্ট দিবার পণ করিয়া কৰ্ম্মভোগ করিতেছি । দীনদয়ালের যুগপৎ হর্ষ বিষাদ উপস্থিত হইল । বিবাহের সময় হইল, পিতা বলিলেন, দুর্গা, নিয়ম মত বিবাহ করিতে হয়, পিতার আজ্ঞায় নাগমহাশয় বিবাহ করিলেন । যিনি বিধিমত কন্যাদান করিলেন, তিনি জামাতার ভাব দেখিয়া বলিয়াছিলেন, শবৎকামিনীকে নিয়া উহার মাতা কাঁদিয়া খাইবে । নাগমহাশয় পিতার কথায় যজ্ঞার্পিত জড়পদার্থের মত সমস্ত কাজ সমাধা করিলেন । তাঁহার নিজ গ্রামবাসী ৩রামদয়াল ভৌমিক মহাশয়ের প্রথমা কন্যা শ্রীযুতা শরৎকামিনীকে বিবাহ করিলেন । বিবাহের পূর্বরাত্রিতে সঘনক স্থির হইয়াছিল, স্তুরাং তাঁহাদের অধিবাস হইতে পারে নাই । নাগমহাশয়ের ঋক্ষ তাঁহার উন্মাদ অবস্থা জানিয়াও তাঁহার করে নিজকন্যাকে অর্পণ করিলেন । নাগমহাশয়ের স্বপ্তর অনেক দিন পূর্বে ভবলীলা সঞ্চার করিয়াছিলেন ।

নাগমহাশয় লোক দেখাইয়া কোন ধর্ম কৰ্ম্ম করিতেন না । যখন পিতা বন্ধন করিলেন, তিনি বন্দীভাবেই থাকিতে লাগিলেন । অন্তিমবার ভগবান্ দুইদিনের জন্ত বন্ধন দিয়াছিলেন, অল্পদিনেই তাহা ফুটাইয়া গেল । এবার পিতার বন্ধনে চিরজীবন বাঁধা থাকিতে হইবে । নাগমহাশয় বধুর সাথে একঘরে একবিছানায় শুইয়া থাকিতেন । বধুর সঙ্গে কোন ভাবই, কোন আলাপ

নাই । তাঁহার সেভাব দেখিয়া আত্মীয়েরা মনে করিলেন, ১৮ বৎসর বয়সে ১৬ বৎসব বয়সের স্ত্রীর কাছে শুইয়া যে অনাবিল চিত্তে স্নুখে নিদ্রা গিয়ছে, সে কি আর ধর্ম্মভাবে উন্নত থাকিয়া বালিকা স্ত্রীর সহিত সংসার করিবে ? কেহ কিছু বলিলেন না, সকলেই বিষম হইলেন । তাঁহাদের ভয়, কিছু বলিলে যদি নাগমহাশয় কলিকাতা চলিয়া যান । নাগমহাশয়ের যে সংসারে একবারে মন নাই, সকলেই তাহা বুঝিতে পাবিলেন ।

নাগমহাশয় আষাঢ় মাসে বিবাহ করিলেন; ভাদ্র মাসে তাঁহাব পিসীমী পিঠা খাওয়ার বন্দোবস্ত করিলেন, এবং তাঁহাকে বাজার হইতে জিনিষ ক্রয় করিয়া আনিতে পাঠাইলেন । বাজারে আসিয়া নাগমহাশয়েব কি মনে হইল, এক দোকানে যাইয়া, তৈলের পাত্র বাথিয়া, দোকানদাবকে বলিলেন, আমার বিশেষ দবকার হইয়াছে, আমাকে ৩ টাকা ধার দিন । আপনি পিতা-মহাশয়েব নিকট হইতে তাহা চাহিয়া লইবেন । দোকানদার নাগমহাশয়ের সবল স্বভাবে, বিনয় বচনে বাধ্য হইয়া টাকা ধার না দিয়া পারিল না । হাতে টাকা পাইয়া তিনি বলিলেন, এখন আমি কলিকাতা চলিলাম, আপনি আমাদের বাড়ীতে থবর দিবেন । দোকানদার বলিল—তুমি বাজার করিতে আসিয়া, টাকা ধার করিয়া, কলিকাতা চলিলে, দীনদয়াল নাগমহাশয় আমাকে কি বলিবেন । নাগমহাশয় বলিলেন, ইহাতে আপনার কি দোষ ? আমি টাকা ধার চাহিয়াছি, আপনি দিয়াছেন । আমি কলিকাতা যাইব বলিয়া আপনার নিকট টাকা ধার চাহিয়াছিলাম না ।

দোকানদার অনেক বাদাশুবাদ করিল । নাগমহাশয় ঘিট

কথায় তাহাকে বুঝাইয়া চলিয়া আসিলেন । এদিকে বাজারের সময় অতীত হইল । পিসীমা চিন্তাধিতা হইয়া, ঘরে সব ফেলিয়া রাখিয়া, প্রতিবাসীর ভিতর যাহাকে দেখিতে পান, তাহাকে বলিতে লাগিলেন, ছুর্গা সকালবেলা নারায়ণগঞ্জ বাজারে গেল, এখনও আসিতেছে না কেন ? সকলেই বলিল, আজ্ঞত ছুর্গাকে বাজারে দেখি নাই । তাহা শুনিয়া পিসীমা আকুলা হইয়া পথে ও বাড়ীতে ছুটাছুটি করিতে লাগিলেন । বিকালবেলা তিনি কাঁদিতে কাঁদিতে একজন লোককে বাজারের দোকানে খবর লইতে পাঠাইয়া দিলেন । সে বাজারে গিয়া সমস্ত দোকানে খোঁজ করিল । নাগমহাশয় যে দোকানে তৈলের পাত্র রাখিয়া; টাকা ধার করিয়া, কলিকাতা গিয়াছেন, সেই দোকানদার হইতে তাহার সমস্ত সংবাদ লইয়া আসিয়া বাড়ীতে বলিলেন । পিসীমা নিশ্চিন্তা হইলেন এবং বলিতে লাগিলেন, এমন উন্মাদ নিয়া কি আর সংসার করা চলিবে ? পরসূ দিয়া তাহাকে বাজারে পাঠাইলে, পথে ছোট ছেলে পাইলে, তাহাদিগকে সমস্ত পরসূ দিয়া ফেলে । গরীব লোক দেখিলে তাহাকে জিনিষ কিনিয়া দেয় । যদি সকলকে দিতে পরসূ না কুলার, যাহাদিগকে পরসূ দিতে পারে নাই, তাহাদিগকে বলে, আপনারা কাল এখানে আবার আসিবেন, আজ্ঞ আর পরসূ নেই । পরকে পরসূ দিয়া, জিনিষ কিনিয়া দিয়া, শূন্য হাতে ঘরে ফিরিয়া আসে । তথাপি ভয়ে তাহাকে একটা কথা বলি না, যদি সে একদিকে চলিয়া যায় । কেহ কাহার মন বাঁধিতে পারে না । তাহার মোটেই মন নাই যে, সে বধু নিয়া সংসার করে কিম্বা সংসারে থাকে । এমন মানুষ কোথায়ও দেখা যায় না । বধু এখন ব্রহ্মচারী

হইলে দীনদয়াল পুত্রকে সঙ্গে করিয়া বাড়ী আসিলেন । নাগ-মহাশয়কে একাকী পাঠাইতে তাঁহার সাহস হইল না । যদি নাগমহাশয় কোনদিকে চলিয়া যান ! বাড়ীতে আসিয়া পিতার কথা মত সব কাজ করিলেন । বধুর সঙ্গে একত্র শুইতেন সত্য, ভাবের কোন পরিবর্তন হইল না । তিনি যে দেবতা ছিলেন, এখনও সেই দেবতাই রহিলেন । বধুর হৃদয়ে দারুণ হতাশন জলিয়া উঠিল ।

বধু যুবতী হইয়াছে দেখিয়া দীনদয়ালের ভরসা হইল, এবার ছেলে সংসারী হইবে, বধু ছেলেকে দৃঢ়ভাবে বাঁধিতে পারিবে । তিনি বধুকে অনেক উপদেশ দিতেন । বধু মনে মনে বলিতেন, এ গৃহী সন্ন্যাসীকে যে বাঁধিতে পারে, এমন মানুষ জন্মে নাই । স্ত্রী স্বামীর কাছে শুইয়া থাকেন, কিন্তু স্ত্রীর উপর তাহার একে-বারেই মন নাই । নাগমহাশয় স্ত্রীর মঙ্গলের অশ্রু ধর্ম উপদেশ দিতে লাগিলেন । তিনি বলিতেন, দৈহিক সম্বন্ধ চিরদিনের অশ্রু স্থায়ী নয় । (আমাকে ভুলিয়া ভগবানে মন দেও, তাহাতে তোমার মঙ্গল হইবে । স্বামী ও স্ত্রীর সম্বন্ধ দুই দিনের অশ্রু, তাহার পর দেহ পড়িয়া রহিবে, সম্পর্ক ফুরাইয়া যাইবে । ভগবানকে ধর, তাঁহার আর নাশ নাই । তিনি জীবনে মরণে সঙ্গে থাকিবেন । নাগমহাশয়ের উপদেশে বধুর মনে আঘাত লাগিত ) তিনি সমবয়সীর নিকট নাগমহাশয়ের ব্যবহার বলিয়া কাঁদিতেন । তাহারাও তাঁহার কষ্ট দেখিয়া মনে নিদারুণ ব্যথা পাইত এবং বলিত, নাগ মহাশয়ের বিবাহ করা ঠিক হয় নাই । তিনি এত জান রাখেন, বিবাহ করিয়া একটা বধের ভাগী হইলেন কেন ? এখন শুধু ও হুঃখ নাই, তাঁহার বিবাহ করার কি দরকার ছিল ?

যাহাকে বিবাহ করিলেন, তাহার ত সুখ দুঃখ বোধ আছে । সে তাহার জীবন কি ভাবে কাটাইবে, তাহা তাঁহার একবার ভাবা উচিত ছিল । যে যেমন বৃষিত, নাগমহাশয়ের অসাক্ষাতে সে তেমন বলিত । বধুব বিষম অবস্থা, তাঁহার কান্না দেখিয়া সকলেই মনে কষ্ট পাইত এবং বলিত, সে এ বিষম অবস্থা কি করিয়া কাটাইবে । স্বামী সন্ন্যাসী হইয়া যায়, ভিন্ন কথা । এক সঙ্গে এক বালিশে শুইবেন, সকল রাত ভগবানের কথা বলিবেন কিম্বা ভাগবত পাঠ করিবেন, স্ত্রীর কি কখন স্বামীর এ ভাব ভাল লাগে ?

পিসীমার আমাশয় রোগ হইল । নাগমহাশয় সেই সময় দেশে ছিলেন । তিনি কায়মনে তাঁহার গুশ্রবা করিতে লাগিলেন । পিসীমা অনেক সময় বলিতেন, দুর্গা, তুমি মেয়েদের মত এ ভাবে দুই হাতে আমার মলমূত্র ধরিও না । তোমার মুখের দিকে তাকাইতে আমার বড় কষ্ট হয় । ঘৃণা ত্যাগ করিয়া, আহাব নিজে ছাড়িয়া, তুমি কেবল আমার সেবা করিতেছ, যাহাতে আমি ভাল হইতে পারি । তুমি ছেলে মানুষ, ছেলের মত আমার সাক্ষাতে বসিয়া থাক । আমি তোমাকে দেখি । সারদা মেয়ে, ও আমার মলমূত্র পরিষ্কার করিবে । মেয়েদের ছেলে ও মেয়ের মল ষাট্টিয়া ঘৃণা থাকে না । ইহা মেয়েদের কাজ । ছেলে মানুষ দূর হইতে মল দেখিলে ঘৃণা পায় ; আর তুমি দুই হাতে তাহা ফেলিতেছ । নাগমহাশয় বলিলেন, পিসীমা আপনি আমাকে মাঘের মত লালন পালন করিয়াছেন । আমি মাঘের কোন সেবা করিতে পারি নাই । আপনাকে মাতৃজ্ঞান করিয়া আপনার সেবা করিতেছি । মা শিশুসন্তানের মল ও মূত্রে ঘৃণা করেন না, সেই-



রূপ যা শক্তিশীল হইলে, সম্ভানেরও তাঁহার মলমূত্রে স্বণা করা উচিত নয় । আপনি আমার কথা ভাবিয়া মনে কষ্ট করিবেন না । আপনার ইষ্ট চিন্তা কখন । আব কত দিনই বা বাকি আছে ? তাহা শুনিয়া পিসীমা তাঁহার মুখেব পানে চাহিয়া রহিলেন, কোন কথা বলিতে পারিলেন না । যতদিন তাঁহার অসুখ ছিল, নাগ মহাশয়ই তাঁহার সেবাপুঞ্জনা করিয়াছেন ।

পিসীমা ছোট সময় হইতেই নাগমহাশয়কে অতিশয় ভাল বাসিতেন । কথনকথন শুইয়া তাঁহার কিএক ভাব হইল, নাগ মহাশয় চক্ষের আড়াল হইলেই তিনি ছট ফট কবিতেন । সমস্ত দিন শুঞ্জনা করিয়া নাগমহাশয় অন্ত্র এ শুইতে গেলে, কতটুকু সময় পর তাঁহাকে ডাকিতে আবশ্য কবিতেন । তিনি বলিতেন, দুর্গা, তুমি কোথায় ? আমার বড় ভয় হইতেছে । আমায় অতিশয় যাতনা হইয়াছে । আমার কাছে আস । নাগমহাশয় অনতিবিলম্বে পিসীর পাশে আসিতেন । পিসীমা তাঁহাকে দেখিলেই শান্ত হইতেন, আব বহুনার কথা বলিতেন না । পিসীমার এই ভাব দেখিয়া সাবদামণি ও মা ঠাকুবানী বিবক্ত হইতেন । তাঁহারা কহিতেন, সমস্ত দিন পরিশ্রম করিয়া বাত্রে একটু শুইয়াছেন, - অমনি ডাকাডাকি আরম্ভ হইল । বাত্রি দিন এই ভাবে কে বসিয়া থাকিতে পাবে ? একরাত্রি না ঘুমাইলে লোক অসুস্থ হইয়া পড়ে, আর তিনি এত রাত্রি জাগিতেছেন, শীঘ্রই তাঁহার অসুখ হইবে । নাগমহাশয় তাহাদিগকে বলিতেন, তোমরা তাহার অসুখের সময় এই সমস্ত কথা বলিও না । এখন পুত্র কন্যার শুঞ্জনা করা উচিত । তাঁহাদের কথা শুনিয়া পিসীমা ভিজাসা করিতেন, দুর্গা, আমার কাছে থাকিতে তোমার কষ্ট হয় ? নাগমহাশয়

বলিতেন, না । আমি আপনার সাক্ষাতে আছি । আপনি ইষ্ট চিন্তা করুন । কাহার কথায় মন দিবেন না । প্রায় একমাস এই ভাবে রোগে ভুগিয়া, মৃত্যু সময়ে নাগমহাশয়ের মুখপানে এক দৃষ্টিতে<sup>\*</sup> চাহিয়া, রাম রাম বলিয়া পিসীমা দেহ ত্যাগ করিলেন ।

পিসীকে মরিতে দেখিয়া, দেহাত্মাভাববর্জিত নাগমহাশয় উন্মত্তের মত ভগ্নী সারদামণিকে বলিলেন, সকলকেই এইভাবে যাইতে হইবে । ভগবান্ ব্যতীত সংসারে কেহ কাহার আপন নয় । তবে কেন তাঁহাকে 'ভুলিয়া এই সংসারে থাকিব ? ইহা দেখিয়া ভগবান্কে ধর, মঙ্গল হইবে । যখন পিসীমা জীবিতা ছিলেন, আমরাও দেখিতে পাইলাম না । চলিয়া যাওয়ার সময় তিনি ফিরিয়াও তাকাইলেন না । তিনি কোথায় চলিয়া গেলেন, আমরাও দেখিতে পাইলাম না । যখন মরিলেই সব সম্পর্ক শেষ হইয়া যায়, দুই দিনের জন্ত কেন পরকে আপন ভাবিয়া আপনকে ভুলিয়া থাকিব ? যদি জীব ভগবান্কে আপন বলিয়া এইভাবে ধরে, তিনি তাহার জাবনে মরণে সঙ্গে থাকেন । হায়, হায়, জীবের কি লইয়া সংসার ? এইরূপ দৃশ্য দেখিয়াও জীব পরকে - আপন মনে করিয়া নির্বিষয়ে সংসার-যাত্রা নির্বাহ করে ।

সারদামণি মনে করিলেন, পিসীমা মায়ের মত আমরাও দেখিতে পাইলাম না । যখন মরিলেই সব সম্পর্ক শেষ হইয়া যায়, দুই দিনের জন্ত কেন পরকে আপন ভাবিয়া আপনকে ভুলিয়া থাকিব ? যদি জীব ভগবান্কে আপন বলিয়া এইভাবে ধরে, তিনি তাহার জাবনে মরণে সঙ্গে থাকেন । হায়, হায়, জীবের কি লইয়া সংসার ? এইরূপ দৃশ্য দেখিয়াও জীব পরকে - আপন মনে করিয়া নির্বিষয়ে সংসার-যাত্রা নির্বাহ করে ।

সারদামণি মনে করিলেন, পিসীমা মায়ের মত আমরাও দেখিতে পাইলাম না । যখন মরিলেই সব সম্পর্ক শেষ হইয়া যায়, দুই দিনের জন্ত কেন পরকে আপন ভাবিয়া আপনকে ভুলিয়া থাকিব ? যদি জীব ভগবান্কে আপন বলিয়া এইভাবে ধরে, তিনি তাহার জাবনে মরণে সঙ্গে থাকেন । হায়, হায়, জীবের কি লইয়া সংসার ? এইরূপ দৃশ্য দেখিয়াও জীব পরকে - আপন মনে করিয়া নির্বিষয়ে সংসার-যাত্রা নির্বাহ করে ।

সারদামণি মনে করিলেন, পিসীমা মায়ের মত আমরাও দেখিতে পাইলাম না । যখন মরিলেই সব সম্পর্ক শেষ হইয়া যায়, দুই দিনের জন্ত কেন পরকে আপন ভাবিয়া আপনকে ভুলিয়া থাকিব ? যদি জীব ভগবান্কে আপন বলিয়া এইভাবে ধরে, তিনি তাহার জাবনে মরণে সঙ্গে থাকেন । হায়, হায়, জীবের কি লইয়া সংসার ? এইরূপ দৃশ্য দেখিয়াও জীব পরকে - আপন মনে করিয়া নির্বিষয়ে সংসার-যাত্রা নির্বাহ করে ।

এরূপ করেন, আমরা কি করিয়া ধৈর্য্য ধরিব ? অনেক ক্ষণ পর নাগমহাশয় বলিলেন, কাহার জন্ত কাঁদিতেছি ? সংসারে কেহ কাহার নয় । সময়ে সকলকেই এই ভাবে যাইতে হইবে । কেহ কাহার সঙ্গে যাইবে না । কেহ কাহার জন্ত বসিয়াও থাকিবে না । সারদি, আর মায়া বাড়াস্ না । যিনি জীবনে ও মরণে সঙ্গে থাকিবেন, তাঁহাকে ধর । ভাইয়ের কথা শুনিয়া, সারদাপিসী কাঁদিতে কাঁদিতে আসিয়া বধুকে বলিলেন, আমরা মনে করিয়াছিলাম, ঠাকুর ভাই পিসীমার শোকে এইরূপ করিতেছেন, তাহা নয় । তিনি বোধহয় আর সংসারে থাকিবেন না । জানি না, তিনি কখন বাহির হইয়া চলিয়া যাইবেন । হায়, হায়, কি উপায় হইবে ? তিনি কেবল বলেন, ভগবান্কে ধর ! ভগবান্ আপন, আপনকে পর ভাবিয়া, পরকে আপন বলিয়া আপনকে ভুলিয়া, কেন পর লইয়া সংসারে থাকিব ? এই মানুষকে কে বুঝাইয়া আনিবে ? মা ঠাকুরাণী ও সারদাপিসী ভয় পাইলেন । সারদাপিসী আবার বলিলেন, ঠাকুর ভাই আর সংসারে ফিরিবেন না । হায়, হায়, কি হইবে ? সমস্ত স্মৃতি বঞ্চিত হইয়া, তাঁহাকে সংসারে দেখিয়া, বধু সংসার করিতেছেন । আমরা স্পষ্টই দেখিতেছি, এবার তাঁহার সব আশা শেষ হইল । সারদাপিসী ঠাকুরদাদার নিকট চিঠি লিখিলেন ।

এদিকে নাগ মহাশয় ৭ দিন পর্য্যন্ত অনাহারে অনিবার্য পিসীর চিতায় বসিয়া ধ্যানমগ্ন রহিলেন । দিনের বেলায় সারদাপিসী তাহার সান্নিধ্য হইয়া বসেন ও কাঁদেন । রাত্ৰিতে কেহ তাঁহার নিকট যাইত না । প্রতিবেশীরা বলিত, এ মানুষ আর সংসারে থাকিবে না । আহার নিত্যত্যাগ করিয়া, এভাবে কাহারো

থাকিতে দেখি না । ছেলে মরিলে মা কাঁদিয়া আকুল হয় সত্য, ২।৪ দিনের পর শোক অনেক কমিয়া যায় । ছুর্গা ভাবিয়াছে, সংসার অসার, কেহ কাহার নয় ।

ঠাকুরদাদা পত্র পাইয়া শশব্যস্তে বাড়ী অভিমুখে রওনা হইলেন । মনিবের সকল কাজ ফেলিয়া রাখিয়া, বাড়ীতে যাইয়া, বাহা দেখিলেন, তাহাতে তাঁহার হৃদয় বিদীর্ণ হইতে লাগিল । শ্মশানে দাঁড়াইয়া, তিনি বলিলেন, ছুর্গা, ছুর্গা ! এ বুড়ো পিতাকে ফেলিয়া কোথায় যাইবি ? পিতার সম্বোধন শুনিয়া, শ্মশান হইতে উঠিয়া আসিয়া, তাঁহাকে নমস্কার করিলেন । পিতা তাঁহাকে ধরিয়া বাড়ীতে আনিলেন, অনেক বুঝাইলেন । ( পিতাকে বলিলেন, জীব কেবল দুই দিনেব জন্ম ভগবান্কে ভুলিয়া, আসা যাওয়ার যন্ত্রণা পায় কেন ? ) যখন মরিলেই সমস্ত শেষ হয়, দুই দিনের জন্ম কেন পরকে আপন করিয়া, আপনাকে ভুলিয়া থাকে ? পিতা বলিলেন, চারিগুণই এইভাবে চলিতেছে । ভগবান্কে আপন বলিয়া কত জন ধরিতে পারে ? নাগমহাশয় বলিলেন, অন্তের কথায় আমার দরকার কি ? আমি আর তাঁহাকে ভুলিয়া থাকিব না ।

যখন পিতা তাঁহাকে অনেক বুঝাইয়াও নিজ বশে আনিতে পারিলেন না, নিরুপায় হইয়া ভাবিতে লাগিলেন, বৃদ্ধবয়সে কি উপায় হইবে ? পিতা অনেকবার বলার পর নাগমহাশয় অতিশয় অনিচ্ছার সহিত খাইলেন, ঠাকুরদাদা বাড়ীতে গিয়াছিলেন পুর আর অনাহারে থাকিতে পারিতেন না । সমস্ত দিনে এক বার খাইলেও খাইতেন । সর্বদা পিতার আজ্ঞা পালন করিতেন, কিন্তু সুবিধা পাইলেই শ্মশানে বসিয়া থাকিতেন ঠাকুরদাদা

নাগমহাশয়ের ভাব দেখিয়া, কয়েক দিন বাড়ীতে থাকিয়া, তাঁহাকে সঙ্গে লইয়া কলিকাতা আসিলেন । এই নাগমহাশয় কি ছিলেন ? লোকজ, সর্বদা মরিতেছে । সাধু, সন্ন্যাসী, গৃহী সকলেই তাহা দেখিতে পাইতেছে । অল্প লোক মরিতে দেখিলে, কেহত ভগবান্কে আপন বলিয়া ধরার জন্য এ ভাবে পাগল হয় না । শুনিয়াছি, বুদ্ধদেব রোগ, জরা ও মৃত্যু দেখিয়া, সকল ছাড়িয়া, সন্ন্যাসী হইয়াছিলেন, আর নাগমহাশয় সব ছাড়িয়া কেবল ভগবান্কে ধবিতে বসিলেন, আহার, নিদ্রাভয় ত্যাগ করিয়া ভগবান্কে হৃদয়ে নিয়া রহিলেন ।

আমার পিতা বলেন, আমি সময় সময় ঠাকুর ভাইয়ের নিকট গিয়াছি । ঢাকা যাওয়ার সময় তাহাকে সঙ্গে করিয়া তাহাদের বাড়ী হইতে রওনা হইয়াছি । তিনি অর্ধেক পথ পর্যন্ত আমাকে এগিয়ে দিয়াছেন । কোনদিন তিনি আমার সঙ্গে ঢাকাও গিয়াছেন, আবার চলিয়া আসিয়াছেন । সময় সময় অকারণ তাঁহাকে এভাবে যাওয়া ও আসার কষ্ট দিয়াছি ; এক দিনের তরেও মনে করি নাই কেন তাহাকে অযথা কষ্ট দেই । কিন্তু কখনও তাঁহার মলিন মুখ দেখি নাই । যখনই ঢাকা যাইতে দেখিয়াছেন, হাসিমুখে আমার সঙ্গে আসিতেন । সাধারণ লোকের মত তাঁহার সুখ দুঃখ বোধ ছিল না । তাঁহার একটা নিয়ম ছিল, তিনি সকলের সঙ্গে আপনার লোকের মত মিশিতেন, কিন্তু কখনও কাহার বাড়ীতে খাইতেন না । একবার পঞ্চসার আসিয়া ভারত বন্দোপাধ্যায়ের বাড়ীতে গিয়াছিলেন । লক্ষ্মীপুজার লাড়ু খাইতে দিবে ডারিয়া সমস্ত ঠিক করিল । তাঁহাকে ডাকিতে বাইরা দেখিতে পাইল, ঠাকুর ভাই ডখান নাই । কোন সময়ে

যে তিনি চলিয়া আসিলেন, কেহ জানিতে পারিল না । ভারত আমাকে জিজ্ঞাসা করিল, তিনি চলিয়া গিয়াছেন কেন ? আমি বলিলাম, ছোট সময় হইতেই তিনি কাহাব বাড়ীতে খান না । ভারত বলিল, এত আত্মীয়তা দেখাইয়া, তিনি এই রূপ কাজ করিলেন ? কি কবির উপায় নাই । তাঁহাব ইচ্ছা ব্যতীত কে তাঁহাকে খাওয়াইবে । তৎপর তাঁহাব সহিত ভারতের দেখা হইলে, তিনি এমন ভাবে কথা বলিলেন, ভাবত তাঁহাকে আব পর ভাবিতে পারিল না । সে ভাবিল, তিনি কোন বিশেষ কারণে তাহাদের বাড়ীতে খান নাই ।

আমাব পিতা অনেক সময় দেওভোগ থাকিতেন । তিনি জীব প্রতি ব্যবহার সম্বন্ধে নাগমহাশয়কে অনেক বুঝাইয়াছেন । নাগমহাশয় হাসিতে হাসিতে বলিতেন, বাজুকুমাব, তুমি কিছু বোঝ না । আমাব পিতা বলিতেন, বিডমনার উপব বিডমনা । যদি আপনি সংসাবে নির্লিপ্ত ভাবেই থাকিবেন, তবে একটা মেয়েকে হাতে ধরিয়া আনিয়া অনন্ত জাগায় কেন ফেলিলেন ? একবারত বিবাহ করিয়াছিলেন, স্ত্রী কি চায়, তাহা বেশ টের পাইয়াছিলেন । সব জানিয়া গুনিয়া, আবার কেন, আব এক জনের সর্বনাশ করিতে এখন বসিলেন ? স্পষ্টই দেখিতে পাই জ্যেষ্ঠা মহাশয়ের অদৃষ্টে স্নেহ নাই । স্ত্রীব সহিত নাগমহাশয়ের কি ভাব, তাহা কাহারও জানার বাকি রহিল না । তিনি আর সম্পূর্ণ আত্মগোপন করিতে পারিলেন না । সংসারের জীব স্ত্রীর সাথে তাহার ভাব দেখিয়া অবাক হইল । দীনদয়াল পুত্রের ভাব জানিতে পারিয়া মনস্তাপ করিতে করিতে বলিলেন, কেন পরেব মেয়ে আনিয়া কষ্টে ফেলিলাম । ছুর্গা ত বিবাহ করিতে চাহিয়াছিল না । আমি মেয়েটার কষ্টের কারণ

হইলাম । বিধাতা আমার পাপের ফল দিলেন । যদি কেহ সন্ন্যাসী হইয়া বাহির হইয়া যায়, তাহা এক ভাবে সহ করা যায় । সংসারে থাকিয়া, দ্বীর সূত্রে শুইয়া, কে কোথায় এরূপ করিয়াছে ? কোন দিন কাহার মুখে শুনি নাই, যুবক যুবতীর আলিঙ্গনে বিচলিত হয় নাই । আমি দুর্গীকে বিবাহ করাইয়া পাপের ভাগী হইলাম ।

বৃদ্ধ দীনদয়াল এইরূপ মনস্তাপ করিয়া যাহাতে বধু খাইতে পরিতে কোন কষ্ট না পায়, সর্বদা সে চেষ্টা করিতেন । একই সময় সুমিষ্ট কথা বলিতেন । এমন কি যদি পিতী শুনিত পাইতেন, নাগমহাশয় বধুর সহিত রাগ করিতেছেন, পুত্রকে ডাকিয়া বলিতেন, ও সংসারে আসিয়া কি সুখ না করিল ! একদিনের তরেও স্বামীর সুখ ভোগ করিল না । উহার দিকে তাকাইতে আমার বুক ফাটিয়া যায় । তুমি বিবাহ করিয়া স্বামীর কাজ সবই করিলে । আমি উহাকে হাতে ধরিয়া আনিয়াছি, যদি আমি উহাকে ছাই করিয়া যাইতে পারি, তবে শান্তিতে মরিতে পারিব । তুমি বে স্বামী, আমি তাহা বেশ জানি । আমি মরিলে, তুমি নিজেও ভাত খাইবে না, উহাকেও ভাত খাইতে দিবে না । নাগমহাশয় বলিতেন, যাহার যেমন কর্ম, ভগবান্ তাহাকে তেমন ফল দিয়া থাকেন । আপনি আমাকে বিবাহ করিতে বলিয়াছিলেন কেন ? আমি ত বিবাহ করতে চাই নাই । পুত্রের উত্তর শুনিয়া, পিতা মনের হুঃখে একবারে চুপ করিয়া যাইতেন ।

নাগমহাশয় কলিকাতা চলিয়া আসিলেন । বধু নাগমহাশয়ের সাক্ষাতে প্রথমে বিশেষ কিছু বলিতেন না । কারমনোরাক্যে তাঁহার সেবা করিতেন । অনেক সময় মনের হুঃখে তাঁহার কাছে কাঁদিয়াছেন । নাগমহাশয় কেবল ভগবানের কথা বলিয়াছেন ।

কলিকাতা আসিয়া বধুর মঙ্গলের অল্প ভগবান্ বিষয়ক উপদেশ পূর্ণ চিঠি লিখিয়াছেন, চিঠি পাঠ করিয়া বধু অনবরত কাঁদিতেন । তিনি বুঝিতে পারিয়াছিলেন, স্বামীকে মায়াজ্বালে বাঁধা যাইবে না । তিনি প্রতিষেটে ভগবানের সত্তা অনুভব করেন, তিনি কখনও তাহাকে স্ত্রীভাবে গ্রহণ করিবেন না । বধু মধ্যে মধ্যে 'আমার পিতাকে চিঠি দেখাইতেন ও এক দিন আমার পিতা একখানা চিঠি বিশেষ লক্ষ্য করিয়া পাঠ করিলেন । প্রথম হইতে শেষ পর্য্যন্ত উহা কেবল ভগবানের কথা, ভগবানের ভাব পূর্ণ । স্বামী জীর সঙ্কে কিম্বা অল্প কোন কথা একবারেই লিখা ছিল না । আশ্চর্য্যান্বিত হইয়া কতটুকু সময় চিন্তা করিয়া তিনি বলিলেন, মানুষ কি করিয়া এমন দেবতা হয় ? ঠাকুর ভাই সংসারে আছেন, সব কাজই ঠিকমত করিতেছেন, অথচ হৃদয়ে মায়ার একটু দাগ পর্য্যন্তও লাগিল না । আমার পিতা বধুকে ঠাট্টা করিয়া বলিলেন, আপনি কিরূপে, একটা মানুষকে বাঁধিতে পারিলেন না । বধু কাঁদিতে কাঁদিতে বলিলেন, আমার ভয়, যদি আমি তাহাকে একবারেই হারাই । পিতা হুঃখিত হইয়া চলিয়া আসিবেন, এমন সময় বধু বলিলেন, আপনি তাহার কাছে একখানা চিঠি লিখুন । পিতা বলিলেন, স্বামী জীর ভাব গোপনীয়, আমি তাহাকে কি লিখিব ? যদি আপনি একান্তই লিখিতে বলেন, আমি লিখিতে পারি, কিন্তু তাহাতে কোন ফল হইবে না । তাহার সবই চিঠিতেই প্রথম হইতে শেষ পর্য্যন্ত ভগবানের কথা, ভগবানের ভাব, এ অবস্থায় আমাদের কথায় কোন কাজ হইবে না । যদি মন ফিরে, আপনার চেষ্টাতেই হইবে ।

কয়েক দিন পব আমার পিতা পরীক্ষা দিতে কলিকাতা



আসিলেন \* মাঠাকুরাণীর কষ্টের কথা মনে করিয়া, নাগ মহাশয়কে অনেক বুঝাইলেন । কিছুতেই তাঁহাকে কোন কথা বুঝাইতে পারিলেন না । অবশেষে তিনি বলিলেন, বিবাহ করিয়া এ ভাবে ছাড়িয়া থাকিলে, লোকে মন্দ বলিবে, আপনার নিন্দা করিবে । নাগমহাশয় কেবল হাসিলেন, কোন উত্তর দিলেন না । আমার পিতা বুঝিতে পারিলেন, এ গৃহী সন্ন্যাসীকে কেহ বাধিতে পারিবে না ।

প্রাণ না দিলে প্রাণ পাওয়া যায় না । রক্তমাংসের দেহ ধারণ করিয়া, মন্থের শরাঘাত হইতে অব্যাহতি পাওয়া সকলের সম্ভবে না । সময়ানুসারে মনের ভাব বিকাশ পায় । সময় হইলে ইন্দ্রিয়গ্রাম নিজ নিজ অভিলাষ পূরণ করিতে উন্মত্তগ করে । ভৌতিক দেহ উত্তেজিত মনের তাড়নায় নানাবিধ কাজ কবে ।) মাঠাকুরাণীর বয়স এখন ১৬ বৎসর । নাগমহাশয়ের সহিত একত্র থাকিয়া বিষয়ানন্দ ভোগ করিতে বলবতী ইচ্ছা হইল । দূরে থাকিলে এক কথা ছিল, তাঁহারা সাধারণ লোকেব মত এক বিছানায় শুইয়া থাকিতেন । নাগমহাশয় চিরজীবন শিশুব মত কাটাইলেন । কোন সময়ই তাঁহার কোন রূপ ভাবের পরিবর্তন পরিলক্ষিত হয় নাই । মাঠাকুরাণী অনেক রকম চেষ্টা করিলেন, কিছুতেই তাঁহাকে বশে আনিতে পারিলেন না । মাঠাকুরাণী তিন দিন পর্যন্ত উপবাস করিয়া রাখিলেন, নাগমহাশয় তাঁহাকে অনেক বুঝাইলেন, সকলই বুঝা হইল । নাগমহাশয় বলিলেন, আমি দেখি যেন, তুমি আমার সচিবানন্দময়ী মা, মা আমাকে কোলে নিয়া থাকেন । আর কত কথা বলিলেন । মাঠাকুরাণী কোন মতেই মন্থের ভাব দূর করিতে পারিলেন না । নাগমহাশয়

তাঁহাকে কত উপদেশ দিলেন, তিনি কোন মতেই প্রবোধ মানিতে পারিলেন না। নাগমহাশয় মাথা খুড়িয়া রক্তপাত কবিলেন, তাহাতেও তাঁহার ভাবে কোন পরিবর্তন হইল না। অবশেষে রান্নাঘরের পিছনে যে আমগাছ আছে, তাহাতে মাঠাকুরাণী ফাঁস দিলেন। নাগমহাশয় মাঠাকুরাণীকে ছাড়াইয়া আনিলেন এবং আশীর্বাদ কবিলেন। হৃদয় হইতে কামভাব একবারে চলিয়া গেল। আত্মোৎসর্গ করিলে ভগবানের দয়া পাওয়া যায়। বাবণ যখন স্বীয় দশমুণ্ড আহতি দিয়াছিলেন, ভগবানের দর্শন পাইলেন। নাগমহাশয়ের আশীর্বাদে জীব অনতিবিলম্বে মুক্ত হয়। এবার তিনি বিধি অনুসারে কাজ করিলেন। যে পর্য্যন্ত মাঠাকুরাণী আত্মবিসর্জন কবিয়া ছিলেন না, সে পর্য্যন্ত তাঁহার আশীর্বাদ পান নাই। আত্মোৎসর্গ করিয়া নাগমহাশয়ের আশীর্বাদ পাইলেন, কামজালা দূরে পালাইয়া গেল।

মোহিনী দর্শনে মহেশের মোহপ্রাপ্তি হইয়াছিল। আর নাগমহাশয় কামার্ভা মোহিনীর আলিঙ্গনে সচ্চিদানন্দময়ীর সখা অনুভব করিলেন, মহাভাবে মগ্ন হইলেন। রমণীর সঙ্গে একত্র থাকিয়া, রমণীব সঙ্গে না করা জীবের দুয়েব কথা শিবেরও অসাধ্য। আমি জ্ঞেয় করিয়া এক ঘেরে কথা লিখিতেছি না, যাহা সত্য ঘটনা, তাহা দেখাইতেছি। মোহিনী দর্শন করিয়া মহাদেব অর্ধৈর্ধ্য হইয়াছিলেন, নিজ কল্পা দেখিয়া ব্রহ্মার মন বিচলিত হইয়াছিল, কিন্তু নাগমহাশয় কামাতুরা রমণীর আলিঙ্গনে সচ্চিদানন্দময়ী মাকে অনুভব করিলেন, শিবের মত অবিচলিত রহিলেন। যদি নাগমহাশয় সমাধির অন্তর্ভুক্ত হইয়া থাকিতেন, যদি তাঁহার মন বাহ্যিক জগতে না থাকিত, তবে মনে করা যাইতে

পারিত, মন্দির উপর খাড়া ধরিলে কোন ভাব অভিব্যক্ত হয় না । আরও এক কথা বলা যাইতে পারে, কোন সময় কোন লোকে ঈদৃশ ভাব প্রকাশ পায়, তাহা সাময়িক, বহু কাল স্থায়ী নয় । এক সময় নয়, বহু সময়—চিরকালই নাগমহাশয় শিশুর মত ছিলেন । সহজেই বুঝিতে পারা যায়, স্ত্রী কামার্তা হইয়া স্বামীকে নিঃস্বপ্নে পাইলে কিরূপ ব্যবহার করে । নাগমহাশয় কখনও ভিন্ন বিছানায় শুইতেন না, দ্বিতীয় বার বিবাহ করিয়া তিনি কামার্তা স্ত্রীর সহিত এক বাগিশে শয়ন করিতেন । কোন সময়ে তাঁহার কোন ভাব হয় নাই, কোন বিকার লক্ষিত হইত না । মাঠাকুরাণী শত চেষ্টায় তাঁহাকে টলাইতে পারেন নাই ।

স্বামী শুনিয়াছেন, একবার নাগমহাশয়ের একভক্তের মনে সন্দেহ হইয়াছিল । তিনি ভাবিয়া ছিলেন, সুন্দরী যুবতী রমণী বুকে লইয়া শুইয়া নাগমহাশয় কি করিয়া বিকারশূন্য হইয়া থাকেন । তবে কি তাঁহার কোন অঙ্গ নাই ? একদিন নাগমহাশয় তামাক খাইতে বসিয়াছেন । বস্ত্র একধারে সড়িয়া গিয়াছিল । ভক্ত তাঁহার সম্মুখে বসিয়া যাহা দেখিলেন, তাহাতে তাঁহার ভ্রম দূর হইল । তিনি নাগমহাশয়ের সমস্ত অঙ্গ সজীব দেখিতে পাইলেন । নাগমহাশয় কখনও মর্কট বৈরাগ্য দেখান নাই । তাঁহার প্রত্যেক কাজে ঐশীশক্তি প্রতিকলিত হইত ।

একবার পিতার আদেশে নাগমহাশয় স্ত্রীকে কলিকাতা আনিলেন । ধর্মোন্মাদ নাগমহাশয় স্ত্রীকে কলিকাতা লইয়া আসিলেন শুনিয়া তাহার আশ্চর্যগণ অতিশয় আশ্চর্য্যান্বিত হইলেন । সকলেই বলিতে লাগিলেন, ছুর্গা হঠাৎ বধুকে লইয়া কলিকাতা গেল কেন ? এমত উদাসীন ছুর্গা কি সংসার করিবে ?

অনেকের নিকট তাহা নিশার স্বপনের মত প্রতিপন্ন হইল । আমার পিতা বলিলেন, ঠাকুরভাই যে সংসার কবিবেন, আমার বিশ্বাস হয় না । বোধ হয় যেঠা মহাশয়ের উৎপীড়নে তিনি বধুঠাকুরাণীকে নিয়া গেলেন । তাহা না হইলে, অমন মানুষ এত সহজে ভুলে না । অনেক সময় মা ঠাকুরাণী কাঁদিয়া আমার পিতার নিকট নাগমহাশয়ের বিষয়ে বহু কথা বলিয়াছেন । তিনি আবার সেই অনুসারে নাগমহাশয়কে অনেক কথা বলিতেন । যখন নাগমহাশয় বাড়ীতে ছিলেন, তিনি মাঠাকুরাণীর সাথে একত্র শুইতেন । পিতা বিশেষ লক্ষ্য করিয়া দেখিয়াছিলেন, কিন্তু নাগমহাশয়ের ভাবের পরিবর্তন দেখিতে পান নাই । তাই তিনি বুঝিতে পারিয়াছিলেন, নাগমহাশয় পিতার কথার বধু লইয়া কলিকাতা গিয়াছিলেন ।

একদিন মা ঠাকুরাণী নাগমহাশয়ের সম্বন্ধে নানা কথা বলিতেছেন । আমার মা জিজ্ঞাসা করিলেন, তিনি ত আপনাকে কলিকাতা লইয়া গিয়াছিলেন । তখন তিনি আপনাব সহিত কি রকম ব্যবহার করিতেন ? মা ঠাকুরাণী বলিলেন, সব সময়ে স্নেহে রাখিয়াছেন । আমাদের খাওয়া দাওয়ার কোন কষ্ট হইত না । তিনি যত্নের কোন ক্রটি করিতেন না । কিন্তু রাজি হইলে, পিতাকে দেখাইয়া আমার কাছে শুইতেন । পিতা ঘুমাইয়া পড়িলে, তিনি বাসার বাহির হইয়া কোথায় চলিয়া যাইতেন । ভোর ৪।৫টার সময় উন্মাদের মত আসিয়া উপস্থিত হইতেন । তাহা দেখিয়া আমার ভয় হইত । আমি মনে করিতাম, তিনি কোন দিন আমাদের একবারে ছাড়িয়া চলিয়া যাইবেন । তাহার শরীর ও মাথার মাটি মাথা থাকিত । তাহা দেখিলে

মনে হইত, তিনি কোথায় মাটিতে গড়াগড়ি দিয়াছেন । কোন কথা বলিতে সাহস করিতাম না । তিনি রাতে এইরূপ কাজ করিয়াছেন, ভোর হইলে মানুষের স্বাক্ষাতে এমন ভাব দেখাইয়াছেন, যেন রাতে ঘরেই ছিলেন ; সকালবেলা পিতা উঠিলে, ঘর হইতে বাহির হইয়া তাঁহার স্বাক্ষাতে বাইতেন । সংসারের যে কাজ থাকিত, তাহা করিতেন । রোগী আসিলে, তাহাদিগকে ঔষধ দিতেন । পিতা মনে করিতেন, পুত্র সকল রাত্রে ঘরেই ছিল । ভগবানের ইচ্ছায়, এখন বধু তাহাকে দৃঢ়ভাবে বাঁধিতে পারিবে । কিন্তু ঠাকুরদাদা ভুলিয়া বাইতেন, যশোমতি কুককে বাঁধিতে অনেক চেষ্টা করিয়াছিল, কোনমতেই বাঁধিতে পারেন নাই ।

দ্বিতীয়বার বিবাহ করিয়া, নাগমহাশয় কতক দিন একবারেই বাড়ীতে বাইতেন না ; যদি কখন বাড়ীতে বাইতেন, অধিক দিন থাকিতেন না । বধুর উপর আশক্তি হওয়ার কোন সুযোগ হয় নাই । পিসী মারা গেলে, সংসার অসার বলিয়া দূরে ফেলিয়া দিতে চাহিয়া ছিলেন । ভগবান্ লাভের জন্য উন্মাদ হইয়াছিলেন । বধুকে কলিকাতায় আনিবার পূর্বে তিনি সকল দিন ঘরে থাকিতেন না । এখন তাঁহাকে সমস্ত রাত্রি ঘরে থাকিতে দেখিয়া, আশার হৃদয় বাঁধিয়া, শশুর বধুকে নানা মত উপদেশ দিতেন । ঠাকুরদাদা নাগমহাশয়কে ঘরে থাকিতে দেখিয়া সুখী হইতেন সত্য, তাঁহার ভাব দেখিয়া, সন্তোষে মরমে ব্যুজিতে পারিতেন, বধুর প্রতি তাঁহার একচুল আশক্তি হয় নাই । প্রথম বিবাহ করিয়া যেমন তিনি বধুর সহিত একত্র হইয়া রহিয়াছেন, এই দ্বিতীয় সাথের সেই ভাবে দেখিলেন । বধু শশুরকে কোন কথা বলিতেন না । তাঁহাকে কোন কথা বলিতে

লজ্জা পাইতেন । আর বলিবেন বা কি, স্বামী কিরকম গৃহী, বধু বিশেষরূপে তাহা জানিয়া ছিলেন । তিনি জানিতেন যে কাজে স্বামীর অনিচ্ছা, অগ্রে প্রাণ দিলেও স্বামী তাহা করিবেন না ।

ঠাকুরদাদা ক্রমশঃ নিবাস হইয়া পড়িলেন । তিনি মনে বড় কষ্ট পাইলেন । সময় সময় আত্মীয়দিগকে বলিতেন, আমি উহাকে ( বধুকে ) ভাত রাঁধার অল্প কলিকাতা আনিয়াছি । সে ভাতই রাঁধিবে । হা ভগবন্ ! আমার কর্মে এই ছিল । ঠাকুরদাদাব ভাব দেখিয়া, একদিন নাগমহাশয় গোপনে তাঁহাকে বলিলেন, যদি আপনি আমাকে রান্না করিতে দিতেন, কখনও উহাকে এখানে আনিতাম না । ❖ আমি দেখিতে পাই সে আমার সচ্চিদানন্দময়ী মা । আপনি কি আমাকে মাতৃগমন করিতে বলেন । আমি পশুপক্ষী-ষোণীকে মাতৃ-ষোণীর মত দেখি, নারী মাত্রেই ব্রহ্মময়ী মা বলিয়া জানি । যখন সে আমাকে খাইতে দেয়, আমি মনে করি মা অন্নপূর্ণা আসিয়া আমাকে খাইতে দিতেছেন । ❖ সে আমার কাছে শুইলে, আমি দেখিতে পাই, আমার জননী আমাকে বুকে কবিয়া শুইয়া আছেন । এমত অবস্থায় আপনি আমাকে কি করিতে বলেন ? পুত্রের কথা শুনিয়া ঠাকুরদাদা তাঁহার মুখেব দিকে তাকাইয়া রহিলেন, কোন কথা বলিতে পারিলেন না । তিনি ভাবিতে লাগিলেন, এই ছুর্গা কি মানুষ ? তিনি দীর্ঘ নিশ্বাস ছাড়িয়া বলিলেন, হা ছুর্গা, অগতকে মা দেখ বলিয়া বিবাহ করিতে চাও নাই । আমি প্রথমে তাহা বুঝিতে পারি নাই । কেন তোমাকে বিবাহ করাইলাম ? আমার বুদ্ধির ক্রটিতে পরের মেয়েকে কষ্টে ফেলিলাম । সেই দিন হইতে ঠাকুর-

দাদা একবারে নিরাশ হইলেন । কি এক ভাব হইল, তিনি ভাবিতে লাগিলেন, দুর্গা কি মানুষ ? পিতা ও পুত্র আর কোন কথা বলিলেন না । দিন একতাবে কাটিয়া গেল ।

একদিন মাঠাকুরাণী রজন্বলা হইয়া বসিয়া আছেন । আমার মা রান্না করিতেছেন । তিনি মাকে বলিলেন, আমার জীবনে কি সুখ হইল ? শিয়াল কুকুরও নিজেদের সন্তান লইয়া একত্র থাকে, একে অগ্ৰে দেখিয়া সুখী হয় । ইহা বলিয়া মাঠাকুরাণী খুব কাঁদিলেন । আমাদের বাড়ীর লোকের বিশ্বাস ছিল, তিনি পিতার কথামত সমস্ত কাজ করেন । আমার এক পিসী প্রকারান্তরে বধুর কার্যের কথা ঠাকুরদাদাকে বলিয়াছিলেন । তখন তিনি অতিশয় দুঃখিত হইয়া, এই সমস্ত কথা বলিলেন । তিনি আরও বলিলেন, বধু কি দুর্গার নিকট কোন সুখের আশা করিতে পারে ? যে কয়েক দিন সংসারে থাকিবে, কেবল চক্ষে দেখিতে পাইবে । আমি মরিলে, বধুর উপায় কি হইবে, তাহা ভগবান্ জানেন । বধুর কষ্ট দেখিয়া আমার বুক ফাটিয়া যায় । তাহা শুনিয়া পিসী অবাক হইলেন । আমি ছোট ছিলাম, বিশেষ কিছু বুঝিতে পারিলাম না । বাড়ী আসিয়া পিসীকে বলিলাম, ঠাকুরদাদা কি বলিলেন ? জ্যেষ্ঠ মহাশয় কলিকাতার কি করিয়াছিলেন ? পিসী আমাকে বুঝাইয়া বলিলেন, তোমার জ্যেষ্ঠমহাশয় জীকে মা বলেন, ভগবতী মার মত তাঁহাকে দেখেন । সে সকল জীলোককেই ভগবতী বলিয়া দেখে । তোমার জ্যেষ্ঠমহাশয় কি মানুষ ? সাক্ষাৎ নারায়ণ । ঠাকুর কাকা না বুঝিয়া তাহাকে বিবাহ করাইয়া ছিলেন ।

## শ্রীশ্রীরামকৃষ্ণদর্শন ।

ভগবান্ রামকৃষ্ণদেবেব নিকট নাগমহাশয় বাইরা কি কবিরাজে, আমাদেব দেশের লোক তাহা জানে না । নাগমহাশয়ের মুখে ছই একটা কথা শুনিয়াছি সত্য, কিন্তু শবৎ বাবুর লিখিত নাগমহাশয়ের জীবনীতে অনেক ঘটনা আছে । শ্রীরামকৃষ্ণদর্শন সম্বন্ধে শবৎ বাবু যাহা লিখিয়াছেন, পাঠকবর্গেব কোর্ডুহল নিবারণার্থ তাহার অবিকল নকল কবিলাম । শবৎ বাবু দয়া করিয়া দোষ ক্ষমা করিবেন ।

সুরেশ বাবু নাগমহাশয়ের নিকট নিত্য আসেন, আর ছই জনে নিবন্ধাটে বসিয়া ধর্ম কথার আলোচনা করেন । কিন্তু কেবল আলোচনার আব নাগমহাশয়েব তৃপ্তি হইতেছে না । বলিতে লাগিলেন, কেবল কথার কথায় জীবনতো চলিয়া যাইতেছে, কিছু প্রত্যক্ষ না দেখিলে, জীবন ধারণ করা নিষ্ফল । ঠিক সেই সময় সুরেশ একদিন কেশব বাবুর সমাজে গিয়া শুনিলাম যে, দক্ষিণেশ্বরে একজন সাধু আছেন—তিনি কাষিনীকাঞ্চনত্যাগী, ভগবৎ প্রসঙ্গে সর্বদা তন্ময় হইয়া থাকেন এবং মুহূর্হঃ ভাব সমাধি হয় । সুরেশেব ইচ্ছা হইল, নাগমহাশয়কে সঙ্গে লইয়া একদিন সাধুকে দেখিতে যাইবেন । কিন্তু নানা কারণে সে কথা নাগমহাশয়কে বলা হইল না । এইরূপে ছইমাস কাটিয়া গেল । তারপর সুরেশ এক দিন নাগমহাশয়কে বলিলেন, ওহে দক্ষিণেশ্বরে একজন খুব ভাল সাধু আছেন, প্রার্থ্তে



যাবে ? নাগমহাশয়ের আর বিলম্ব মহিল না, বলিলেন আজই চল । সেই দিনই ছই জনে আহারাদি করিয়া বাহির হইলেন । অনিয়াছিলাম, দক্ষিণেশ্বর কলিকাতার উত্তরে, সেই মুখেই চলিলেন । তখন চৈত্র মাস । মাথার উপর অগ্নি বর্ষণ হইতেছে । আকাশ, অন্তবীক্ষ, পৃথিবী সব অগ্নিময় । গ্রাহ নাই, ছইজনে যেন মাতারী হইয়া চলিতেছেন, কি এক অদৃশ্য শক্তি তাঁহাদিগকে টানিয়া লইয়া নাইতেছে । দক্ষিণেশ্বর কতদূর জানা নাই, উভয়ে একাগ্রমনে উত্তর মুখে চলিতে লাগিলেন । বহু দূর যাইয়া একজন পথিককে জিজ্ঞাসা করিলেন । পথিক বলিল, আপনারা দক্ষিণেশ্বর ছাড়িয়া আসিয়াছেন । সে পথ বলিয়া দিল । ছইজনে প্রায় ছইটাব সময় দক্ষিণেশ্বরে রানী বাসমণিব কালী বাড়ীতে প্রবেশ কাবলেন ।

কি মনোরম স্থান । যেন দেবগণের নিভৃত লীলাভূমি । সংসারের কোলাহল নাই । নিশির পুষ্প সৌরভে সমস্ত উদ্ভান ধানি যেন বিভোর হইয়া রহিয়াছে । কি স্নিগ্ধ বাতাস । কি স্তম্ভর সর্বোষব ! কোথাও উচ্চশির দেব মন্দির, কোথাও নবপল্লবীত বৃক্ষরাজি যেন শাখা আন্দোলন করিয়া ধীর স্বরে ডাকিতেছে, এস, এস, সংসার সমস্ত পথিক, এই তোমার জুড়াইবার স্থান ।

দেখিতে দেখিতে ছই জনে ভগবান্ শ্রীরামকৃষ্ণ যে প্রকোষ্ঠে থাকিতেন, তাহার পূর্বদিকের দ্বারে আসিয়া উপস্থিত হইলেন । দ্বার পার্শ্বে এক জন ক্ষত্রধারী পুরুষ বসিয়া ছিলেন । নাগমহাশয় তাঁহাকে জিজ্ঞাসা করিলেন, মহাশয়, এখানে যে একজন ব্রহ্মচারী থাকেন, তিনি কোথায় ? ভক্তলোকটা বলিলেন, হাঁ একজন

আছেন । তিনি আজ চন্দন নগরে গিয়াছেন । তোমরা আব  
একদিন আসিও ।

এত কষ্ট করিয়া আসিয়াছেন, উত্তর শুনিয়া ছ'জনের মর্মান্তিক  
কষ্ট হইল । হতাশে যেন অবসন্ন হইয়া পড়িলেন । কি আর  
উপায় ! ভদ্রতাব খাতিরে ভদ্রলোকটিকে একটা কথা বলিয়া  
বিদায় লইবার উদ্যোগ করিতেছেন, নাগমহাশয় দেখিলেন, দ্বারের  
অঁষ্টবাল হইতে অঙ্গুলী সঙ্কেত করিয়া কে যেন তাঁহাদিগকে  
আহ্বান করিতেছেন । " নাগমহাশয়কে কে যেন বলিয়া দিল ইনিই  
সেই সাধু । শ্রুত্বার্থীর বাক্য উপেক্ষা করিয়া ছইজনে কক্ষমধ্যে  
প্রবেশ করিলেন ।

শ্রুত্বার্থী ভদ্র লোকটীর নাম, প্রতাপচন্দ্র হাজরা । নাগ-  
মহাশয় বলিতেন হায়, হায়, ভগবানের কি আশ্চর্য্য মায়ী । বারো  
বৎসর কাল নিকটে অবস্থান করিবাও হাজরা মহাশয় ঠাকুরকে  
চিনিতে পাবেন নাই । ফুট তাঁর হাতে, তিনি কৃপা করিয়া  
জানাইয়া দিলে, জীব তাঁহাকে জানিতে পারে । শত বৎসর অগ  
ধ্যান করিলেও, তাঁর কৃপা না হলে, কেহই তাঁহাকে জানিতে সক্ষম  
হয় না ।

শ্রীরামকৃষ্ণের নিজ জীবনের ঘটনা হইতে স্বামী সুবোধানন্দ  
একটা উদাহরণ দেন :—ভাগিনেয় হৃদয় যুথোপাধ্যায়ের সহিত  
রামকৃষ্ণ একদিন কালীঘাটে গমন করেন । শ্রীমন্দিরের পূর্ব-  
দিকে যে পুষ্করিণী আছে, তাহার উত্তর পাশে তখন বিস্তর কচু-  
গাছের বন ছিল । রামকৃষ্ণ দেখিলেন, সেইখানে শ্রীশ্রীজগন্নাথ  
একখানি লাল পেড়ে কাপড় পরিয়া কুমারী বেশে কতকগুলি  
কুমারীর সহিত ফড়িং ধরিয়া খেলা করিতেছেন । দেখিয়াই

ঠাকুর মা, মা বলিয়া সমাধিস্থ হইলেন এবং সমাধি ভঙ্গের পর শ্রীমন্দিরে গিয়া দেখিলেন, যে কাপড় পরিয়া মা কুমারীবশে খেলা করিতেছিলেন, শ্রীবিগ্রহের অঙ্গে সেই শাটী শোভা পাইতেছে । ঠাকুরের মুখে সমস্ত বৃত্তান্ত শুনিয়া হৃদয় বলিলেন, মামা, তখনই ত বলিতে হয়, মাকে গিয়া দৌড়ে ধরে ফেলতুম্ । ঠাকুর হাসিয়া বলিলেন, তাকি হযরে ! মা না ধরা দিলে কার সাধ্য যে তাঁরে ধরতে পারে ! তাঁর কৃপা না হলে কেউ তাঁর দর্শন পায় না ।

প্রথম দিন হইতেই হাজরামহাশয়ের উপর নাগমহাশয়ের কেমন বিরূপভাব হইয়াছিল । বলিতেন, ঠাকুরের কাছে থাকিয়াও তাঁর সত্যের আঁট ছিল না । মিথ্যাকথা বলিয়া প্রথম দিনই তিনি আমাদিগকে তাড়াইয়া দিতে চাহিয়াছিলেন, কিন্তু দয়াময় রামকৃষ্ণ নিজগুণে পাদপদ্মে আশ্রয় দিলেন ।

নাগমহাশয় ও সুরেশ কক্ষে প্রবেশ করিয়া দেখিলেন, ভগবান্ রামকৃষ্ণ উত্তরাশ্র হইয়া একখানি ছোট তক্তপোষের উপর পা ছড়াইয়া বসিয়া আছেন, মুহু হাস্ত । সুরেশ করজোড়ে প্রণাম করিয়া মেজতে পাতা মাত্রের উপর বসিলেন । নাগমহাশয় ভূমিষ্ঠ হইয়া প্রণাম করিলেন, কিন্তু পদধূলি লইবার চেষ্টা করিলে, রামকৃষ্ণ চরণ স্পর্শ করিতে দিলেন না, পা গুটাইয়া লইলেন । নাগমহাশয় বুঝিলেন, তিনি এখনও এ পবিত্র সাধুর চরণ স্পর্শ করিবার যোগ্য হন নাই । উঠিয়া ঘরের একপাশে বসিলেন ।

ঠাকুর উভয়ের পরিচয় জিজ্ঞাসা করিলেন, কি নাম, কোথ বাড়ী, কি করা হয়, সংসারে আর কে কে আছে, বিবাহ করিয়াছে কিনা, ইত্যাদি । তার পর কথা কহিতে কহিতে শ্রীরামকৃষ্ণ বলিতে লাগিলেন, সংসারে থাকবে ঠিক পাঁকাল মাছের মত । গৃহে

ধাকা আর দোষ কি ? পাঁকাল মাছ পাঁকে থাকে কিন্তু গায় লাগেনা । তেমনি গৃহে থাকবে, কিন্তু সংসারের ময়লা মনে লাগবে না । নাগমহাশয় একদৃষ্টে ঠাকুরের মুখপানে চাহিয়া-  
ছিলেন । ঠাকুর জিজ্ঞাসা করিলেন, অমন করে কি দেখছ ?

নাগমহাশয়—আপনাকে দেখতে এসেছি, তাই দেখছি ।

কিছুক্ষণ কথা বার্তা কহিবার পর শ্রীরামকৃষ্ণ বলিলেন, ঐ দিকে পঞ্চ বটীতে গিয়ে একটু ধ্যান করে এস ।

প্রায় অধঘণ্টা ধ্যান করিয়া সুরেশ ও নাগ মহাশয় আবার ঠাকুরের ঘরে ফিরিয়া আসিলেন । তারপর ঠাকুর তাঁদের সঙ্গে লইয়া দেব মন্দির সকল দেখাইতে গেলেন ।

ঠাকুর অগ্রে অগ্রে চলিতে লাগিলেন, সুরেশ ও নাগমহাশয় গশ্চাতে । ঠাকুরের ঘরের সংলগ্ন প্রথমেই ছাদশ শিব মন্দির । রামকৃষ্ণ প্রত্যেক মন্দিরে প্রবেশ করিয়া যেমন ভাবে শিবলিঙ্গ প্রদক্ষিণ ও প্রণাম করিতে লাগিলেন, সঙ্গে সঙ্গে নাগমহাশয়ও তেমন করিয়া প্রণাম ও প্রদক্ষিণ করিলেন । সুরেশ ব্রহ্মজ্ঞানী ঠাকুর দেবতা মানে না, নিস্তব্ধ হইয়া দেখিতে লাগিলেন । তারপর বিষ্ণুমন্দির । এখানেও পূর্ববৎ প্রণাম প্রদক্ষিণাদি করিয়া, রামকৃষ্ণ শ্রীশ্রীভবতারিণীর মন্দিরাভিমুখে অগ্রসর হইতে লাগিলেন ।

নাগমহাশয় ও সুরেশ বিস্মিত হইয়া দেখিলেন শ্রীশ্রীভবতারি-  
ণীর মন্দিরে প্রবেশ করিবার মাত্র রামকৃষ্ণের ভাবান্তর হইল । আশান্ত বালক যেমন জননীর অঞ্চল ধরিয়া তাঁহার চারিদিকে ঘুরিতে থাকে, শ্রীশ্রীভবতারিণীকে রামকৃষ্ণ তেমনি করিয়া প্রদ-  
ক্ষিণ করিতে লাগিলেন । তারপর শ্রীশ্রীমহাদেব ও শ্রীশ্রীমায়ের

পাদপদ্মে ঈশ্বর স্পর্শ করিয়া প্রণাম করিয়া ঠাকুর নিজ কক্ষে আসিয়া বসিলেন ।

বেলা প্রায় ৫টার সময় সুরেশ ও নাগমহাশয় রামকৃষ্ণ সকাশে বিদায় চাহিলেন । ঠাকুর বলিলেন, আবার এস, এলে গেলে তো তবে পরিচয় হবে ।

পথে আসিতে আসিতে নাগমহাশয়ের কেবলই মনে হইতে লাগিল, কে ইনি ? সাধু, সিদ্ধ মহাপুরুষ না আরও কিছু ?

সুরেশ বলেন, সেদিনকার সে ভাব ভক্তির ছবি তাঁহার হৃদয়ে চিরাক্তিত হইয়া রহিয়াছে । অনল আহুতি পাইলে যেমন জ্বলিয়া উঠে, নাগমহাশয়ের হৃদয়ে তেমনি তীব্র পিপাসা জ্বলিয়া উঠিল ; ঈশ্বর লাভ লাগায় তিনি পাগল হইয়া উঠিলেন । আহার নিদ্রা এক প্রকার ত্যাগ, লোকের সঙ্গেও কথাবার্তা বন্ধ হইল । কেবল সুরেশের সঙ্গে রামকৃষ্ণ প্রসঙ্গ করিতেন ।

প্রায় সপ্তাহ পরে আবার দুইজনে ঠাকুরকে দেখিতে গেলেন । উদ্গাদপ্রায় নাগমহাশয়কে দেখিবা মাত্র রামকৃষ্ণের ভাবাবেশ হইল, তিনি বলিয়া উঠিলেন, এসেছি, তা বেশ করেছি, আমি যে তোদের জন্ত এতদিন হেথায় বসে রয়েছি । তারপর নাগমহাশয়কে কাছে বসাইয়া বলিলেন, ভয় কি ? তোমার ত খুব উচ্চ ঐবস্থা । সেদিনও রামকৃষ্ণ নাগমহাশয় ও সুরেশকে পঞ্চবটীতে গিয়া ধ্যান করিতে বলিলেন । তাঁহার ধ্যান করিতে গেলে, কিছুকণ পরে ঠাকুর সেখানে আসিয়া নাগমহাশয়কে তামাক সাজিয়া আনিতে আদেশ করিলেন । নাগমহাশয় তামাক সাজিতে বাইলে, রামকৃষ্ণ সুরেশকে বলিলেন, দেখছি, এ লোকটা কেন আশুন—জলন্ত আশুন । বলিতে বলিতে নাগমহাশয় তামাক সাজিয়া আনিলেন ।

## শ্রীশ্রীনাগমহাশয় ।

তামাক সাজিবার পর, ঠাকুর তাঁহাকে ব্রহ্মাঘ্নে আদেশ করিতে লাগিলেন, গামছা ও বেটুয়াটা আনো ; এবার গিয়ে জলের গাকটা নিয়ে এস, জল ভক্তি কবে নিয়ে এস, ইত্যাদি । শ্রীরামকৃষ্ণকে সেবা করিতে পাইয়া নাগমহাশয়ের আনন্দেব অবধি রহিল না । কেবল মনে এক ক্ষোভ ঠাকুর পদবলি দেন নাই ।

ইহাব পব নাগমহাশয় যেদিন দক্ষিণেশ্বর গেলেন, সেদিন একা । সুরেশ কার্যাস্তরে ব্যস্ত ছিলেন, যাইতে পারেন নাই । সেদিনও নাগমহাশয়কে দেখিয়া শ্রীরামকৃষ্ণেব ভাবাবেশ হইল । বসিয়াছিলেন, বিড়্ বিড়্ করিয়া কি বলিতে বলিতে উঠিয়া দাড়াইলেন । ঠাকুরকে তদবস্থায় দেখিয়া নাগমহাশয়েব বিষম ভয় হইল । শ্রীরামকৃষ্ণ তাঁহাকে বলিলেন, ওগো, তুমি না ডাক্তারী কর, দেখদেখি আমার পায় কি হইয়াছে । ঠাকুরের স্বাভাবিক কথা শুনিয়া নাগমহাশয় কথঞ্চিৎ আশ্বস্ত হইলেন ; পাষে হাত বুলাইতে বুলাইতে উত্তমরূপে পরীক্ষা করিয়া বলিলেন, কই কোথাও তো কিছু দেখ্ছি না । ব্রহ্মকৃষ্ণ বলিলেন, ভাল করে দেখ না কি হয়েছে ? নাগমহাশয়ের হৃদয়েব ক্ষোভ আজ দূর হইল, চরণ স্পর্শের অধিকার পাইয়া আপনাকে ধন্য মনে করিয়া অশ্রু-জলে ভাসিতে ভাসিতে বারম্বার সেই বাঞ্ছিত চরণ হৃদয়ে মস্তকে ধারণ করিতে লাগিলেন । তিনি বলিতেন, তাঁহার ( ঠাকুরের ) নিকট কিছুই চাহিবাব প্রয়োজন ছিল না ; তিনি মনের ভাব বুঝিয়া তৎক্ষণাৎ অভিষ্ট পূর্ণ করিয়া দিতেন । ভগবান্ শ্রীরামকৃষ্ণ কল্পতরু, যে যাহা প্রার্থনা করিয়াছে, সে তৎক্ষণাৎ তাহা লাভ করিয়াছে ।

১. এখন হইতে নাগমহাশয়ের ক্রম ধারণা হইল, শ্রীরামকৃষ্ণ

সাক্ষাৎ নারায়ণ । তিনি বলিতেন, ঠাকুরের নিকট কয়েক দিন যাতায়াতের পরই জানিতে পারিলাম, ইনিই সাক্ষাৎ নারায়ণ, গোপনে দক্ষিণেশ্বরে বসিয়া লীলা করিতেছেন । কেমন করিয়া জানিলেন, জিজ্ঞাসা করিলে তিনি বলিতেন, তিনিই ( ঠাকুরই ) যে নিজ গুণে কৃপা করে জানিয়ে দিলেন তিনি কে । তাঁর কৃপা না হইলে কি কেহ তাঁকে জানতে পারে, না বুঝতে পারে । সহস্র বর্ষ কঠোর তপশ্চর্যা করিলেও যদি ভগবানের কৃপা না হয়, তবে কেহই তাঁহাকে বুঝিতে সক্ষম হয় না ।

• ইহার পব রামকৃষ্ণ একদিন তাঁহাকে নিজ দেহ দেখাইয়া জিজ্ঞাসা করেন, তোমাব এটা কি বোধ হয় ? নাগমহাশয় কর-জোড়ে বলিলেন, ঠাকুর, আর আমার বলিতে হবে না । আমি আপনারই কৃপায় জানতে পেবেছি, আপনি সেই । ঠাকুর অমনি সমাধিস্থ হইয়া নাগমহাশয়ের বক্ষে দক্ষিণ চরণ অর্পণ করিলেন । মহা নাগমহাশয়ের যেন কি একরূপ ভাবান্তর হইল, তিনি দেখিলেন, সমস্ত স্থাবর জগৎ চরাচরে কি এক দিব্য জ্যোতি জ্বলিতেছে ।

তিনি বলিতেন, ঠাকুরের আগমন অবধি জগতে বস্তু এসেছে, সব ভেসে যাবে, সব ভেসে যাবে । রামকৃষ্ণ পূর্ণব্রহ্ম নারায়ণ, এমন সর্ব ভাবের সমন্বয় আজ পর্য্যন্ত কোন অবতारे হয় নাই ।

কিছুকাল এই ভাবে যাতায়াত করার পর, একদিন নাগমহাশয় দক্ষিণেশ্বর গিয়া দেখেন, রামকৃষ্ণ আহাৰাস্ত্রে বিশ্রাম করিতেছেন । তখন জ্যৈষ্ঠ মাস, আর সেই দিন ভারি গ্রীষ্ম । নাগমহাশয়ের হাতে পাখাখানা দিয়া ঠাকুর ঘুমাইলেন, কিছুক্ষণ বাতাস করিতে করিতে নাগমহাশয়ের হাত অত্যন্ত ভারি হইয়া উঠিল, কিঞ্চ

ঠাকুরের আদেশ ব্যতীত তিনি বাতাস বন্ধ করিতে পারিলেন না।  
ক্রমে হাত এতই ভারি হইয়া উঠিল যে আর চলে না। রামকৃষ্ণ  
অমনি তাঁহার হাত ধরিয়া বাতাস বন্ধ করিলেন। নাগমহাশয়  
বলিতেন, ভগবান রামকৃষ্ণদেবের সাধারণের স্থায় নিজাবস্থা নহে।  
তিনি সদাসর্বদা আগ্রত থাকিতেন। এক ভগবান্ ভিন্ন, সাধক  
বা সিদ্ধ পুরুষে এ অবস্থা কদাপি সম্ভবপর হইতে পারে না।

একদিন নাগমহাশয় শ্রীরামকৃষ্ণের কক্ষে বসিয়াছিলেন, চিদা-  
নন্দরূপে শিবোহম্ শিবোহম্ বলিতে বলিতে স্বামী বিবেকানন্দ  
( তখন নরেন্দ্র ) প্রবেশ করিলেন। ঠাকুর নাগমহাশয়কে  
দেখাইয়া। নরেন্দ্রকে বলিলেন, এরই ঠিক ঠিক দীনতা একটুও ভাণ  
নাই। নরেন্দ্র বলিলেন, তা আপনি যখন বলছেন, তা হবে। ছুই  
জনে আলাপ হইতে লাগিল।

কথায় কথায় নাগমহাশয় বলিলেন, সকলি তোমার ইচ্ছা  
ইচ্ছাময়ী তারা তুমি, তোমার কৰ্ম তুমি কর মা, লোকে বলে করি  
আমি।

নরেন্দ্র—আমি তিনি-মিনি বুঝি না। আমিই প্রত্যক্ষ  
পরমাত্মা। আমার ভিতর নিখিল ব্রহ্মাণ্ড উঠছে, ভাসছে,  
ডুবছে।

নাগমহাশয়—আপনার কি সাধ্য যে একটি চুল সোজা করেন,  
তা বিশ্ব ব্রহ্মাণ্ড ত দূরের কথা। তাঁর ইচ্ছা না হলে, গাছের  
পাতাও নড়ে না।

নরেন্দ্র—আমি ইচ্ছা না করিলে চন্দ্র সূর্যের গতি রোধ হয়।  
আমার ইচ্ছায় এই বিরাট ব্রহ্মাণ্ড বস্তুবৎ পরিচালিত হচ্ছে।

রামকৃষ্ণ ছোট তন্ত্রপোষে বসিয়া উত্তরের কথা শুনিতে



প্রয়োজন নাই। সেই দিন বাসায় আসিয়া ঔষধের বাসল ও চিকিৎসার পুস্তকাদি লইয়া গিয়া গঙ্গাপার্শ্বে নিক্ষেপ করিলেন। তারপর গঙ্গাস্নান করিয়া বাসায় ফিরিয়া আসিলেন। কুতের কার্যই এখন তাঁহার একমাত্র জীবিকা হইল।

দীনদয়াল পরম্পরায় শুনিতে পাইলেন, 'নাগমহাশয় ডাক্তারী ছাড়িয়া দিয়াছেন। তিনি মহা উদ্বিগ্ন হইয়া কলিকাতায় আসিলেন। পিতার প্রতিনিধি স্বরূপ নাগমহাশয় এত দিন কুতের কাৰ্য্য চালাইতেছেন। পালবাবুদের অনুরোধ করিয়া আপনার স্থলে পুত্রকে বহাল করাইয়া দীনদয়াল দেশে চলিয়া গেলেন। কলিকাতায় এই তাঁহার শেষ আসা।

কুতের কার্য্যে নাগমহাশয়কে বেশী পরিশ্রম করিতে হইত না ; কেবল কখন কখন বাগবাজার বা খিদিরপুরের খালে যাইতে হইত। ডাক্তারি ছাড়িয়া এখন জপতপের যেমন সুবিধা হইল, দক্ষিণেশ্বর যাইবারও তেমন অবসর পাইলেন। বাসায় গঙ্গাজল বাধিবার একটা বেশ পরিষ্কার পরিচ্ছন্ন স্থান ছিল, সেই স্থানে জলার পাশে বসিয়া, তিনি ধ্যান করিতেন। যে দিন কুতের কার্য্যের জন্ত বাগবাজার যাইতেন, সে দিন খাল পার হইয়া বন বাগানি অঞ্চলে, একটা নির্জন স্থান খুঁজিয়া লইতেন এবং সেই খানে বসিয়া ধ্যান করিতেন। এক দিন এই রূপ ধ্যান করিতে করিতে তাঁহার কি অদ্ভুত দর্শনাদি হইয়াছিল, বাসায় আসিয়া সুরেশকে বলিলেন, ধ্যানে আর কখন তাঁহার তেমন আনন্দ হয় নাই।

ক্রমে রামকৃষ্ণের নিকট ঘন ঘন যাইতে যাইতে নাগমহাশয়ের অন্তরে তীব্র বৈরাগ্যের সঞ্চার হইল, সংসার ত্যাগ করিবেন স্থির করিয়া অনুমতি লইতে দক্ষিণেশ্বরে গেলেন। কিন্তু ঘরে

প্রবেশ করিয়াই তিনি শুনিতে পাইলেন, ঠাকুর ভাবাবেশে বলিতেছেন, তা, সংসার মাশ্রমে দোষ কি ? তাঁতে মন থাকিলেই হলো । গৃহস্থাশ্রম কিরূপে জানো ? যেমন কেল্লার ভিতর থেকে লড়াই করা । কি বিড়ম্বনা । যিনি ফুলিঙ্গে ফুৎকার দিয়া এই দাবানল জ্বালাইয়া তুলিয়াছেন, তিনি বলিতেছেন, তুমি গৃহস্থাশ্রমে থাকবে । তোমায় দেখে গৃহীরা যথার্থ গৃহস্থের ধর্ম শিখবে । আর উপায় কি নাগমহাশয় বলিতেন, ঠাকুরের শ্রীমুখ থেকে যাহা একবার বাহির হইত, তাহার অগ্রথা করিতে কাহারও শক্তি-সামর্থ্য ছিল না । যাহার যে পস্থা, ছ'কথায় তিনি তাহা বলিয়া দিতেন ।

শ্রীরামকৃষ্ণের আদেশ শিরোধার্য্য করিয়া নাগমহাশয় বাসায় ফিরিলেন, কিন্তু মন বড় আকুল হইল । মুখে দিন রাত কেবল হা ভগবান, হা ভগবান, কখন ধূলায় আছড়াইয়া পড়েন, কখন কণ্টকে পড়িয়া শরীর ক্ষত বিক্ষত করেন । আহারে লক্ষ্য নাই, যে দিন সুরেশ যত্ন করিয়া কিছু খাওয়ান, সেই দিন খাওয়া হয়, নহিলে নয় । দিন কোথা দিয়া চলিয়া যায়, কখন কোথায় থাকেন, কিছুই স্থিরতা নাই । বাসায় ফিরিতে কোন দিন স্নানি বিপ্রহর, কোন দিন ছুইটা বাজে । সামান্য কুতের কার্য্য করাও নাগমহাশয়ের পক্ষে এখন দুষ্কর হইয়া উঠিল । কিছু পূর্বে রণজিৎ হাজরা বলিয়া এক ব্যক্তির সহিত তাঁহার পরিচয় হইয়াছিল । রণজিৎ দরিদ্র সন্তান, কিন্তু ধর্ম্মভীরু ; নাগমহাশয় যে দিন অক্ষম হইতেন, সেই তাঁহার হইয়া কুতের কার্য্য চালাইয়া দিত ।

ইতিমধ্যে নাগমহাশয়কে দেশে বাইতে হইল । মাতাঠাকুরাণী

তাঁহার অবস্থা দেখিয়া শঙ্কিত হইলেন... বলিলেন, গৃহস্থাত্মমে স্বামীর আর তিলমাত্র আস্থা নাই। নাগমহাশয়ও তাঁহাকে বুঝাইলেন, শ্রীরামকৃষ্ণচরণে অর্পিত দেহ দ্বারা তাঁহার আর সংসারের কোন কার্য হইবে না।

দেশ হইতে আসিয়া নাগমহাশয় এক দিন শ্রীরামকৃষ্ণকে বলিলেন, তাঁর উপর নির্ভর হলো কই? এখনও তো নিজের ভেঁট্টা রহিয়াছে। ঠাকুর নিজের শরীর দেখাইয়া বলিলেন, এখানকার টান থাকলে সব ঠিক ঠিক হয়ে যাবে। নাগমহাশয় বলিলেন, (রামকৃষ্ণ) যাকে দিয়া যা ইচ্ছা করাইয়া নেন, জীবের কোন কিছু সাধ্য নাই, মানুষের মনকে ঠাকুর যেমন ইচ্ছা গড়তে ভাঙতে পারতেন; একি মানুষের ধর্ম?

নাগমহাশয়ের তীব্র বৈরাগ্য দেখিয়া শ্রীরামকৃষ্ণ আবার একদিন তাঁহাকে বলিলেন, গৃহেই থেকে, যেন তেন করে মোটা ভাত মোটা কাপড় চলে যাবে।

নাগমহাশয়—গৃহে কিরূপে থাকা যায়; পরের চুখ কষ্ট দেখে কিরূপে স্থির থাকা যায়?

রামকৃষ্ণ—ওগো, আমি বলছি, মাইরি বলছি, ঘরে থাকলে তোমার কোন দোষ হবে না। তোমার দেখে লোকে অস্বাক হবে।

নাগমহাশয়—কি করে গৃহস্থাত্মমে দিন কাটবে?

রামকৃষ্ণ—তোমার আর কিছু করতে হবে না, কেবল সাধু-সঙ্গ করবে।

নাগমহাশয়—সাধু চিন্তো কি করে, আমি যে হাঁদা লোক।

রামকৃষ্ণ—ওগো, তোমার সাধু খুঁজে নিতে হবে না। তুমি

ঘরে বসে থাকবে, যে সকল বথার্থ সাধু আছেন, তারা এসে ।  
নিজেরাই তোমার সঙ্গে দেখা করবেন ।

দিন যাইতে লাগিল, নাগমহাশয় ভাবিতে লাগিলেন, যতদিন  
সংসার ধান্দার ঘুরতে হইবে, ততদিন শান্তির আশা দূরাশা ।  
স্থির করিলেন, রণজিৎকে কুতের কার্য ছাড়িয়া দিয়া নিশ্চিত  
হইয়া ভগবচ্ছিত্তা করিবেন । সুযোগমত একদিন পালবাবুদের  
কাছে কথাটা পাড়িলেন । বাবুরা জিজ্ঞাসা করিলেন, আপনার  
তাহলে কি করে চলবে ? নাগমহাশয় বলিলেন তিনি ( রণজিৎ )  
দয়া করে যাহা দিবেন, তাহাতে একপ্রকার চলিয়া যাইবে ।

পালবাবুরা দেখিলেন, নাগমহাশয়ের দ্বারা সংসারের কাজকর্ম  
চলা অসম্ভব । তবে যাহাতে এই প্রতিপালিত পরিবারের অন্ন  
কষ্ট না হয়, তাহার একটা উপায় করিতে হইবে । তাহারা  
রণজিৎকে ডাকাইলেন, এবং লাভের অর্দ্ধাংশ নাগমহাশয়কে দিতে  
স্বীকার করাইয়া কুতের কর্যের বন্দোবস্ত করিয়া দিলেন ।  
রণজিৎ নাগমহাশয়ের স্বভাব জানিত, পাছে খরচ করিয়া ফেলেন,  
এজন্য সমস্ত টাকা তাঁহাকে একবারে দিত না, নাগমহাশয়ের বাসা  
খরচ চালাইয়া বাকি টাকা ডাগঘোগে দীনওয়ালকে পাঠাইয়া  
দিত ।

বন্দোবস্তের কথা শুনিয়া রামকৃষ্ণ বলিলেন, তা বেশ হয়েছে,  
তা বেশ হয়েছে ।

নিশ্চেষ্ট হইয়া নাগমহাশয় উগ্রতর তপস্যায় নিমগ্ন হইলেন  
এবং সর্বদাই শ্রীরামকৃষ্ণ সকাশে যাতায়াত করিতে আরম্ভ  
করিলেন । ইতিপূর্বে রবিবারে, ছুটির দিনে তিনি কখন  
দক্ষিণে গিয়ে যাইতেন না ; বলিতেন বুকত বিদ্যান, দ্বিমান, গণ্যমান্ত

লোক ববিবারে ঠাকুরের কাছে যান, আমি মুখ লোক, তাদের কথা কি বুঝব ? এ অল্প অল্প রামকৃষ্ণ ভক্তগণের সঙ্গে তাহার দেখা সাক্ষাৎ হয় নাই । এখন সর্বদা যাতায়াতের কারণ, কারুব কারুব সঙ্গে পরিচয় হইতে লাগিল ।

এক রাতে গিরিশ দুইটা বন্ধুর সহিত দক্ষিণেখরে গমন করেন । তিনি রামকৃষ্ণের কক্ষে প্রবেশ করিয়া দেখিলেন, ঘরের কোণে, কুঁতাজলি হইয়া অতিদীন হীন ভাবে একটা লোক বসিয়া আছেন । লোকটির আকার অতি শুষ্ক, কিন্তু চক্ষু দুইটা তারার মত জ্বলিতেছে । ঠাকুর তাহার সহিত গিরিশের আলাপ করাইয়া দিলেন । কি শুভক্ষণে দেখা, সেই প্রথম পরিচয়েই গিবেশেব সহিত নাগমহাশয়ের সৌহৃদ্য জন্মিল ।

নাগমহাশয় প্রায় অপরাহ্নে নদীতীরে বেড়াইতেন । একদিন বেড়াইতে বেড়াইতে দেখিলেন, একটা তরুণ রয়স্ক সোম্যমূর্তি পদচারণ করিতেছে । নাগমহাশয়ের মনে হইল, বোধ হয় ইনি একজন রামকৃষ্ণ ভক্ত । যুবার সহিত পবিচয় করিয়া জানিলেন, তাহার অনুমান সত্য । ইনি স্বামী তুরীয়ানন্দ তখন হরিরাজ । তুরীয়ানন্দের কঠোর ব্রহ্মচার্য্যেব কথা বলিতে বলিতে নাগমহাশয় বলিতেন, এমন না হলে কি আর ঠাকুরের রূপাপাত্র হইয়াছেন ।

নাগমহাশয় এখন হইতে জামা জুতার ব্যবহার একবারে ছাড়িয়া দিলেন । বাসমাস এক খানি ভাগলপুরী খেস গারে দিয়া থাকিতেন । আহার সম্বন্ধে রামকৃষ্ণ তাঁহাকে বলিয়া ছিলেন, ইন্দের ইচ্ছায় যখন যেমন আহার পাবে, তাই খাবে ; তোমার এতে কিছু বিধি-নিষেধ নাই ; তাতে কোন দোষ হ্বেক নি ।

এজন্তু আহার সম্বন্ধে নাগমহাশয় কোন বাঁধা-বাঁধি নিয়ম রাখিতেন না । যখন যেমন পাইতেন, তেমনি খাইতেন । সাধারণতঃ তাঁহার আহার অতি অল্প ছিল, দিনান্তে গ্রাস দুই অন খাইতেন ; বলিতেন, যত দিন দেহ আছে, কিছু কিছু টেকস দিতেই হবে । বসনার ভাল-মন্দ আশ্বাদের লালসাকে জয় করিবার জন্ত তিনি খাদ্য দ্রব্যের সহিত লবণ বা মিষ্ট ব্যবহার করিতেন না । বলিতেন, জিহ্বার সুখেচ্ছা হবে ।

নাগমহাশয়ের অর্ধেক বাসা ভাড়া দেওয়া ছিল । কীর্তিবাস নামে একটা মেদিনীপুরের লোক সপরিবারের তাহাতে থাকিত এবং চালের ব্যবসা করিত । বাসায় সেজন্তু সময়ে সময়ে অনেক কুঁড়ো জমা হইত । নাগমহাশয়ের একদিন মনে হইল, সেই কুঁড়ো খাইয়া জীবন ধারণ করিলেই হইল, ভালমন্দ আশ্বাদের অত প্রয়োজন কি ? লবণ বা মিষ্ট না দিয়া কেবল গঙ্গাজলে মাখিয়া সেই কুঁড়ো খাইলেন । তিনি দুইদিন এই রূপ আহার করিবার পর কীর্তিবাস জানিতে পারায়, সমস্ত কুঁড়ো বেচিয়া কেলে । সেই অবধি সে আর বাসায় কুঁড়ো জমিতে দিত না । নাগমহাশয় বলিতেন, কুঁড়ো খাইয়া তাঁহার কোন কষ্ট হয় নাই ; বরং শরীর বেশ হালকা বোধ হতো । দিন রাত আহারের বিচার করিতে গেলে, কখনই বা ভগবান্কে ডাকিব কখনই বা তাঁর স্মরণ মনন করিবে । নিয়ত ভালমন্দ খাদ্যের বাচ-বিচার করিতে গেলে, সূচীবাণু হয় । সাধু সজ্জন জানে কীর্তিবাস নাগমহাশয়কে বিশেষ শ্রদ্ধা ভক্তি করিত । বাসায় ভিখারী আসিলে, নাগমহাশয় যদি ভিক্ষাদানে অসমর্থ হইতেন, কীর্তিবাস তাঁহার সহায়তা করিত । সুরেশ বলেন, আমার বাসা বড় রাস্তার উপর ছিল

বলিয়া নিত্য অনেক ভিখারী আসিত, কিন্তু কেহ শূন্য হস্তে ফিৰিত না। এক দিন একবৃদ্ধ বৈষ্ণব নাগমহাশয়ের বাসায় ভিক্ষা করিতে আসে। আহারোপযোগী চারটা আলো, চাল ব্যতীত নাগ মহাশয়ের সে দিন আব কিছুই ছিল না। কীর্তিবাসও তখন বাসায় উপস্থিত নাই। নাগমহাশয় ভিখারীর নিকটে আসিয়া অতিবিনীতভাবে বলিলেন, আজ আব আমার অন্য কিছু নাই, কেবল চারটা আলো চাল আছে, নিবেন কি? বৃদ্ধ বৈষ্ণব তাঁহার শ্রদ্ধা দর্শনে পরম প্রীত হইয়া আলোচাল লইয়া চলিয়া গেলেন।

স্ববেশ বলেন, আমার সহিত নাগমহাশয়েব ত্রিশ পরিত্রিশ বৎসরের আলাপ, কিন্তু আমি কখন তাঁহকে জল খাবাব খাইতে দেখি নাই। দেবতার প্রসাদী এবং ঠাকুরের মহোৎসবের প্রসাদী সন্দেশ ব্যতীত তিনি অন্য সন্দেশ খাইতেন না, বলিতেন, জিহ্বার স্বেচ্ছা হইবে। তিনি নিজের ভাল জিনিস কখনও খাইতেন না, কিন্তু অপবকে খাওয়াইতে তিনি মুক্তহস্ত ছিলেন।

বয়স প্রসঙ্গে নাগমহাশয় একেবাবেই কবিতেন না, অপরে করিলে, কৌশলে বন্ধ করাইয়া দিতেন। জয় রামকৃষ্ণ, আজ কি কথা তুলিয়াছেন। ঠাকুরের নাম করুন। কোন কারণে কাহার উপর ক্রোধ বা অশ্রদ্ধাব উদয় হইলে, তিনি নিকটে যাহা পাইতেন, তাহাবই দ্বাবা আপনার শবীবে অতি নিঃস্বভাবে আঘাত করিতেন। তিনি কখন কাহারও নিন্দাবাদ করিতেন না, বা কাহারও বিপক্ষে কোন কথা বলিতেন না। একবার ব্যক্তিবিশেষের সম্বন্ধে তাঁহার মুখ দিয়া একটা বিরুদ্ধ কথা বাহির হইয়া পড়ে। নিকটে একখণ্ড প্রস্তর পড়িয়াছিল, তিনি তদ্বারা আপনার মস্তকে বারবার আঘাত করিতে লাগিলেন। মাথা ফাটিয়া অনর্গল রক্ত পড়িতে

লাগিল । প্রায় মাসাবধি সে বা শুকার নাই । বলিতেন, বেশ হইয়াছে, যে যেমন পারি, তাহাব সেইরূপ শাস্তি হওয়া দরকার ।

সময় সময় তিনি দীর্ঘ লজ্জনে দিতেন । এমন কি পাঁচ ছয় দিন পর্যন্ত নিবন্ধ উপবাস থাকিতেন । একবার এইরূপ দীর্ঘ-লজ্জনেব পব নাগমহাশয় রুক্ম কবিত্তে বসিয়াছেন, সেই সময় সুবেশচন্দ্র তাঁহাব কাছে উপস্থিত হন । বোধ হয় সুবেশকে দেখিয়া নাগমহাশয়েব মনে কোনরূপ বিষদৃশ ভাবেব উদয় হইয়া থাকিবে, আমাব অপবাধ দূব হইল না বলিয়া তিনি বন্ধনেব হাডি ভাঙ্গিয়া ফেলিলেন । আক্ষেপ কবিত্তে কবিত্তে সুবেশকে প্রণাম কবিত্তে লাগিলেন । সেদিন আব তাঁহার অনাহাব হইল না । আধপয়সার মুড়ি ও আধপয়সাব বাতাসা খাইয়া পড়িয়া বহিলেন ।

শীর-পীড়া বশত নাগমহাশকে স্নান ছাড়িয়া দিতে হইয়াছিল । এখন হইতে জীবনেব শেষ বিংশতি বর্ষ তিনি আব স্নান কবেন নাই । সেজন্য তাহার শরীর অতিশয় রুক্ষ দেখাইত । তার উপর কঠোব সাধনায় তাঁহাব অন্তরেব দীনতা অঙ্গে অঙ্গে ফুটিয়া উঠিত্তে লাগিল । গিরিশ বলেন, অহংশালাকে ঠেঙিয়ে ঠেঙিয়ে নাগমহাশয় তাহার মাথা ভেঙ্গ ফেলে দিয়ৈছিলেন, তার আর মাথা তোলবাব যো ছিল না । পথ চলিবাব সময় তিনি কখনও কাহারও অঙ্গে যাইতে পাবিতেন না । কেহ তামাক সাজিয়া দিলে তাঁহার খাওয়া হইত না, কিন্তু তিনি সকলকে তামাক সাজিয়া খাওয়াইতেন । মনেব মত লোক পাইলে, ছিলিমের পব ছিলিম সাজিয়া খাওয়াইতেন এবং আপনিও খাইতেন । এমন কি যখন সে লোক বিদায় চাহিত, নাগমহাশয় ছাড়িতেন না, আব এক ছিলিম খাইয়া যান বলিয়া তাঁহাকে



বসাইতেন, তারপব কত এক ছিলাম চলিত । তিনি বলিতেন, আমি অধম কীটধম, ভূতোলোক, আমার দ্বারা কোন কার্য হইবার নহে ; তবে যদি আপনাদের, তামাক সাজিয়া কুপালাভ করিতে পারি, তবেই এই জন্ম সফল হইবে ।

নাগমহাশয় রাগমার্গের সাধক হইলেও বৈধ ভক্তির বিশেষ পক্ষপাতী ছিলেন । তিনি আপনি যে রূপ উগ্র সাধন করিতেন, -অপরকেও তদ্রূপ করিতে উপদেশ দিতেন । এই লইয়া সুরেশের সঙ্গে একদিন তর্ক বিডর্ক হইয়াছিল । নাগমহাশয়ের সঙ্গে আট নয়-দিন দক্ষিণেশ্বর যাচায়াতের পব সুবেশকে কাষ্যোপলক্ষে কোথাটে যাইতে হয় । যাইবার পূর্বে রামকৃষ্ণের নিকট হইতে দীক্ষা ও সাধনা উপদেশ লইবার জন্ত নাগমহাশয় সুরেশকে নিতান্ত পীড়া-পীড়ি করিয়া বলেন । মস্ত্রে তখন সুরেশের বিশ্বাস ছিল না বলিয়া তিনি নাগমহাশয়ের সহিত বিস্তর বাদ-প্রতিবাদ করিতে লাগিলেন । অবশেষে স্থির হইল, রামকৃষ্ণ যেনন উপদেশ দিবেন, সেইরূপ কার্য হইবে । পরদিন দুইজনে দক্ষিণেশ্বর গেলেন এবং উপস্থিত হইয়াই নাগমহাশয় সুরেশের দীক্ষার কথা উত্থাপন করিলেন । রামকৃষ্ণ বলিলেন, ওগো, এতো ঠিক কথা বলছে । দীক্ষা নিয়ে সাধন ভজন করতে হয়, তুমি এর কথা মানুছ না কেন ? সুরেশ বলিলেন, মস্ত্রে আমার বিশ্বাস নাই । রামকৃষ্ণ নাগমহাশয়কে বলিলেন, তা এখন ওর দরকার নাই, হবে হবে পরে হবে ।

কিছুদিন কোয়াটা বাস করিবার পর সুরেশের মন দীক্ষার জন্ত লালায়িত হইয়া উঠিল । স্থির করিলেন, কলিকাতার আসিয়া ঠাকুরের নিকট দীক্ষা লইবেন । কিন্তু যখন তিনি কলিকাতায় আসিলেন তখন শ্রীরামকৃষ্ণের লীলা অবসান প্রায় ।

দিন থাকিতে নাগমহাশয়ের কথা শুনে নাই ভাবিয়া সুরেশের মনে বড় দিকার হইল । 'রামকৃষ্ণ যখন স্বস্বরূপ সঘরণ করিলেন, সুরেশের তখন বিষম আত্মগ্ৰাণি উপস্থিত হইল । রাত্রে নিত্য গিয়া গঙ্গাতীরে বসিয়া থাকিতেন আব মনের দুঃখে পতিতপাবনী জাহ্নবীকে বলিতেন । একদিন ধবণা দিয়া গঙ্গাকূলে পড়িয়া আছেন । রাত্রিশেষে দেখিলেন ভগবান রামকৃষ্ণ গঙ্গাগর্ভ হইতে উঠিয়া আসিতেছেন ! সুরেশের আর বিশ্বয়ের সীমা রহিল না । ঠাকুর কাছে আসিয়া তাঁর কানে বীজ মন্ত্র দিলেন । সুরেশ যেমন তাঁহার পদধূলি লইতে যাইবেন, অমনি শ্রীমূর্তি অন্তর্হিত হইল ।

এইরূপে প্রায় চারিবৎসর কাটিয়া গেল । ক্রমে ভগবান্ রামকৃষ্ণের লীলাবাসনের সময় সন্নিকট হইয়া আসিতেছে ! দক্ষিণেশ্বরের সে আনন্দের হাট ভাঙ্গিয়া গিয়াছে । কলিকাতার উত্তরে কাশীপুরে রানী কাত্যায়ানীর জামাতা গোপালবাবুর বাগান বাটীতে রামকৃষ্ণ কথশয্যায় পড়িয়া আছেন । নাগমহাশয় বুঝিলেন, রামকৃষ্ণের স্বস্বরূপ সঘরণের আর বেশী বিলম্ব নাই । এখন আর সর্বদা ঠাকুরের কাছে যাইতে পারিতেন না, বলিতেন, ঠাকুরের রোগে যজ্ঞা দেখা দূরের কথা সুরণ করিতেও হুঁপিও বিদৌর্গ হইয়া যাইত । যখন ঠাকুর স্বৈচ্ছায় নিজ শরীরে রোগ রাখিতে দিলেন, তখন কোন রূপেই তার যজ্ঞনার লাঘব করিতে পারিলাম না, তখন তাঁহার সমীপে না যাওয়াই স্থির করিয়া ঘরে বসিয়া রহিলাম । কেবল কদাচ কখন যাইয়া তাঁহাকে দর্শন করিয়া আসিতাম । রামকৃষ্ণের দেহে যখন অহরহ অন্তর্দাহ হইতেছে, সেই সময় এক দিন নাগমহাশয়কে দেখিয়া তিনি

বলিয়াছিলেন, ওগো, এগিয়ে এস, এগিয়ে এস, আমার গা ঘেঁসে বসো। তোমার ঠাণ্ডা শরীর স্পর্শ করিবা আমার শরীর শীতল হবে বলিয়া রামকৃষ্ণ অনেকক্ষণ নাগমহাশয়কে আলিঙ্গন করিয়া বসিয়া রহিলেন।

সুরেশ কোয়েটা হইতে আসিয়া ঠাকুরকে দেখিতে গেলে, রামকৃষ্ণ তাঁহাকে বলিবা ছিলেন, সেই ডাক্তার কোথায়? সে নাকি খুব ডাক্তারি জানে? তাকে একবার আসতে বোলো ত। সুরেশ আসিয়া নাগমহাশয়কে জানাইলেন। নাগমহাশয় কাশীপুরে উপস্থিত হইলে রামকৃষ্ণ বলিলেন, ওগো, এসেছ, তা বেশ হয়েছে। এই দেখনা ডাক্তার কবিনাজেরা তো সব হার মেনে গেছে। তুমি কিছু ঝাড়ুক জানো? জানত দেখেদেখি যদি কিছু উপকার করিতে পারো। নাগমহাশয় নতমুখে একটু চিন্তা করিয়া স্থির করিলেন, রামকৃষ্ণের সাংঘাতিক ব্যাধি, মানসিক শক্তিবলে নিজ দেহে আকর্ষণ করিয়া লইবেন। সহসা তাঁহার শরীরে এক অপূর্ব উত্তেজনা দেখা দিল, বলিলেন, হাঁ, হাঁ, জানি, আপনার কৃপায় সব জানি, এখনি ষোগ সেরে দিব। বলিয়া ঠাকুরের অভিমুখে অগ্রসর হইতে লাগিলেন। ভগবান্ রামকৃষ্ণ তাঁহার অভিপ্রায় বুঝিতে পারিয়া তাঁহাকে আপনার নিকট হইতে দূরে ঠেলিয়া দিয়া বলিলেন, তা তুমি পারো, রোগ সারাতে পারো।

ঠাকুর অপ্রকট হইবার পাঁচ সাত দিন পূর্বে নাগমহাশয় আর একদিন তাঁহাকে দেখিতে যান। ঘরে প্রবেশ করিয়াই শুনিলেন, ঠাকুর বলিতেছেন, এসময় কি কোথাও আমলকী পাওয়া যায়? মুখটা কেমন বিস্বাদ হয়েছে, আমলকী চিবুলে বোধহয় পরিষ্কার

হতো । উপস্থিত ভক্তগণের মধ্যে একজন বলিলেন মহাশয়, এখন তো আমলকীর সময় নয়, কোথায় পাওয়া যাবে ? নাগ-মহাশয় ভাবিতে লাগিলেন, ঠাকুরের শ্রীমুখ হইতে যখন আমলকীর কথা বাহির হইয়াছে, তখন নিশ্চয় কোথাও না কোথাও পাওয়া যাবে । তিনি জানিতেন, ঠাকুরের যখন তাহা অভিলাষ হইত, যে কোন প্রকারে হোক তাহা আসিত । একদিন রামকৃষ্ণের কমলালেবু খাইবার প্রয়াস হয় । ঠাকুর লেবুর কথা স্বামী অঙ্কুরানন্দ ( তখন লাটুকে ) বলিয়া ছিলেন । কিছুক্ষণ পরে “নাগমহাশয় কমলালেবু লইয়া দক্ষিণেশ্বরে উপস্থিত হন । ঠাকুর অতি আগ্রহে সেই লেবু খাইয়াছিলেন । এই ঘটনাটী ভাবিতে ভাবিতে নাগমহাশয় কাহাকে কিছু না বলিয়া আমলকী অন্বেষণ করিতে বাহির হইয়া গেলেন । ক্রমে দুই দিন আড়াই দিন অতিবাহিত হইয়া গেল নাগ-মহাশয়ের দেখা নাই । এই সময় তিনি কেবল বাগানে বাগানে আমলকা অন্বেষণে বেড়াইয়াছেন । তিন দিনের দিন আমলকী লইয়া রামকৃষ্ণ সমীপে উপস্থিত হইলেন । আমলকী পাইয়া ঠাকুর বালকের ছায় আনন্দ করিতে করিতে বলিলেন, আহা, এমন সুন্দর আমলকী তুমি এই অসময়ে কোথা থেকে জোগাড় করলে ? তার পর ঠাকুর রামকৃষ্ণানন্দকে ( তখন শশী বাবুকে ) নাগমহাশয়ের জন্ত আহার প্রস্তুত করিতে বলিলেন । নাগমহাশয় ঠাকুরের নিকট বসিয়া তাঁহাকে বাতাস করিতে লাগিলেন । আহার প্রস্তুত হইলে রামকৃষ্ণানন্দ সংবাদ দিলেন, কিন্তু নাগমহাশয় উঠিলেন না । অবশেষে শ্রীরামকৃষ্ণ তাঁহাকে আহার করিবার জন্ত নীচে বাইতে আদেশ করিলেন । নাগমহাশয় নীচে আসিয়া আসনে বসিলেন, কিন্তু ভক্ত্যভ্যব্য স্পর্শ করিলেন না । আহার করিবার

অন্য সকলে তাঁহাকে অনুরোধ করিতে লগ্নেগেলেন, কিন্তু নাগমহাশয় স্থির হইয়া বসিয়া রহিলেন । সেদিন একাদশীর উপবাস ; নাগমহাশয়ের মনোভাব, ঠাকুর যদি দয়া করিয়া প্রসাদ দেন, তবেই ব্রতভঙ্গ করিবেন, নচেৎ নয় । কিন্তু সে কথা কাহাকে বলেন নাই । নাগমহাশয় যখন কিছুতেই আহাৰ করিলেন না, তখন রামকৃষ্ণানন্দ ঠাকুরকে গিয়া সেকথা জানাইলেন । রামকৃষ্ণ বলিলেন, ওর খাবারপাতাটা এখানে নিয়ে আয় । তাহাই হইল । রামকৃষ্ণানন্দ পাতাশুক খাণ্ডদ্রব্য আনিয়া রামকৃষ্ণের সম্মুখে ধরিলে, তিনি সকল সামগ্রীর অগ্রভাগ জিহ্বায় স্পর্শ করিয়া দিয়া বলিলেন, এইবার দেগে, খাবে এখন । রামকৃষ্ণানন্দ সেই পাতা পুনরায় নাগমহাশয়কে আনিয়া দিলে, নাগমহাশয় প্রসাদ, প্রসাদ, মহাপ্রসাদ বলিয়া ভূমিষ্ট হইয়া প্রণাম করিতে লাগিলেন ও পরে খাইতে আরম্ভ করিলেন । খাইতে খাইতে পাতাখানি পয্যন্ত তার উদরস্থ হইয়া গেল । প্রসাদ বলিয়া দিলে, নাগমহাশয় কিছুই পরিত্যাগ করিতেন না । রামকৃষ্ণানন্দ বলেন. আহা সেই দিন নাগমহাশয়ের কি ভাবই দেখা গিয়াছিল । এই ঘটনার পর রামকৃষ্ণ ভক্তগণ নাগমহাশয়কে আর পাতায় করিয়া প্রসাদ দিতেন না । যদি কখন পাতায় প্রসাদ দেওয়া হইত, সকলে সতর্ক থাকিতেন, নাগমহাশয়ের খাওয়া শেষ হইলেই, পাতাখানি কাড়িয়া লইতেন । যে ফলে বিচি আছে, তাহার বিচি অন্তরিত করিয়া তাঁহাকে খাইতে দেওয়া হইত । ১৯২৩ সালে, ৩১শে শ্রাবণ রবিবার সংক্রান্তি দিনে, ভগবান্ রামকৃষ্ণ লীলা সম্বরণ করিলেন । সংবাদ পাইয়া নাগমহাশয় গুণানে গমন করেন । পরে গৃহে আসিয়া নিরম্ব উপবাস করিয়া রহিলেন ।

ঠাকুরের অপ্রকটের পর স্বামী বিবেকানন্দ সকল ভক্তের আশ্রয় স্বরূপ হইয়াছিলেন । তিনি তাঁহাদের তত্ত্বাবধান করিতেন । স্বামিজী শুনিলেন, নাগমহাশয় একখানি লেপমুড়ি দিয়ে অনাহারে পড়িয়া আছেন । এমন কি স্নান শৌচাদির জন্তও উঠেন না । স্বামী অখণ্ডানন্দ ( তখন গঙ্গাধর ) ও স্বামী তুরীয়ানন্দকে সঙ্গে লইয়া নরেন্দ্রনাথ নাগমহাশয়ের বাসায় গেলেন । অনেক ডাকাডাকির পর নাগমহাশয় উঠিয়া বসিলেন, নরেন্দ্রনাথ বলিলেন ওগো আজ আমরা আপনার এখানে ভিক্ষার জন্ত এসেছি । নাগমহাশয় তৎক্ষণাৎ বাজারে গিয়া নানাবিধ দ্রব্যাদি কিনিয়া আনিলেন । ইতিমধ্যে অতিথিত্রয় স্নান করিয়া আসিয়াছেন এবং নাগমহাশয় ভাঙ্গা তক্তা-পোষের উপর বসিয়া রামকৃষ্ণ-প্রসঙ্গ করিতেছেন । তিনখানি পাতা করিয়া আহায্য দেওয়া হইল । স্বামিজী আর একখানি পাতা করাইয়া তাহাতে খাবাব দেওয়াইলেন । পরে সেই পাতায় বসিবার জন্ত নাগমহাশয়কে বিস্তর অনুরোধ করিলেন, তিনি কিছুতেই বসিলেন না । স্বামিজী বলিলেন, আচ্ছা থাক, উনি পরেই খাবেন । আহায়াস্তে বিশ্রাম করিতে বসিয়া নরেন্দ্রনাথ নাগমহাশয়কে আবার অনুরোধ করিলেন । নাগমহাশয় বলিলেন হায়, হায়, আজিও এ দেহে ভগবানের কৃপা হইল না, ওকে আবার, আহায্য দিব, আমা হতে তা আর হবে না । স্বামিজী বলিলেন, আপনাকে খেতেই হবে, নইলে আমরা যাচ্ছি না । অনেক বুঝাইবার পর নাগমহাশয় সেদিন আহায্য করেন ।

রামকৃষ্ণের লীলাবসানের পর বাগজার নিবাসী সুপ্রসিদ্ধ ভক্ত শ্রীযুক্ত বলরাম বসু পুরীধামে বাস করিবার জন্ত নাগমহাশয়কে বিশেষ জেদ করেন । নবদ্বীপ বাস করিবার জন্ত পালবাবুরা

ঠাহাকে অনেক অনুরোধ করিয়াছিলেন । ঠাহাব সম্পূর্ণ ব্যয় ভার বহন করিতে উভয়ই স্বীকৃত হন । নাগমহাশয় বলিলেন, ঠাকুব গৃহে থাকিতে বলিয়া গিয়াছেন, ঠাহার বাক্য একচুল লজ্বন করিতে আমার তিলমাত্র সাধ্য নাই । সকলের অনুরোধ লজ্বন করিয়া, রামকৃষ্ণের আদেশ মাথায় ধবিয়া নাগমহাশয় দেশে গিয়া বাস করিলেন ।

---

## • দয়া ।

এক বর্ষার সময় আমি প্রথম নাগমহাশয়কে দেখিতে যাই । তখন আমার বয়স ১১ বৎসর । ঘাটে নৌকা লাগিয়াছে, আমরা সকলে নাগমহাশয়কে দেখিতে উঠিলাম । নাগমহাশয় তাহা জানিতে পারিয়া এগিয়ে আসিয়া পথে দাঁড়াইলেন । আমরা সকলেই তাঁহাকে দেখিয়া বাড়ীর ভিতর যাঠতে লুগলাম । নাগমহাশয় আমার দিকে এমন স্নেহের সহিত তাকাইলেন, তাহা দেখিয়া আমার মনে হইল, আমি তাঁহাকে আর কোথায়ও দেখিয়াছি । আমি বড় ঘরে গেলাম, নাগমহাশয় আমার পিছনে পিছনে যাইয়া ঘরের সিঁরির পাশে দাঁড়াইলেন । ঠাকুরদাদা ( দীনদয়াল নাগমহাশয় ) বলিলেন, দুর্গা, তুমি ইহাকে চেন ? এ রাজকুমারের মেজ মেয়ে । নাগমহাশয় শিশুর মত গদগদ স্বরে বলিলেন, আমিও কখন ইহাকে দেখি নাই, মেয়েটি বেশ লক্ষ্মী । এই কথা বলিয়া তিনি আমার দিকে তাকাইয়া রহিলেন । আমিও তাঁহার পানে চাহিয়া থাকিলাম । তাঁহার স্নেহদৃষ্টিতে আমার হৃদয়ে একটা কেমন ভাব হইল, মনে হইল যেন তিনি কত দিনের চেনা, কত আপন । তিনি যে আমার পিতার বড় ভাই, তাহা ভুলিয়া গেলাম । কেবল আমার মনে হইতে লাগিল, ইনি কে ? ইহাকে কোথায় দেখিয়াছি ? ইনি যে আমার মহা আপন ।

ছোট বেলায় আমার বড় ভয় ছিল । দিনে একাকী ঘরে যাইতে ভয় হইত । মা বলিয়াছিলেন, রাম নাম নিলে ভয় থাকে



না। রাত্রিতে শুইয়াছি, সকলে ঘুমাইয়া পড়িয়াছে। অন্ধকার দেখিয়া আমার ভয় হইত, তখন রাম রাম বলিতাম এবং এক জ্যোতির্শ্রয় মূর্তি দেখিতে পাইতাম। নাগমহাশয়কে দেখিয়া আমার মনে হইতে লাগিল, এইত 'সেই মূর্তি, সেই খেত জবার আভা নিয়া বুকের রং, পরণে ধুতি, গায় চাদর। তাঁহা হইতেও যেন সাদা জ্যোতি বাহির হইতেছে। একেই কি তবে দেখিয়াছি? ছোট সময়ে ভয়ের কথা মনে করিয়া এবং নাগমহাশয়ের জ্যোতির্শ্রয় মূর্তি মনে পরান, প্রাণ মন খুলিয়া তাঁহাকে দেখিতে লাগিলাম। তিনি যেখানে যাইতেন, আমিও তাঁহার পশ্চাতে সেই স্থানে যাইতে লাগিলাম। তিনি হাসিতে হাসিতে অনেক কথা জিজ্ঞাসা করিলেন। জামাতা মুঙ্গীগঞ্জ পড়ে, বাড়ীতে তাহার কে আছে, আমি উত্তর দিতে লজ্জা পাইলাম। তিনি আমার দিকে তাকাইয়া হাসিতে লাগিলেন। আমার সঙ্গে আমাব এক পিসী ছিলেন, তিনি আমার খস্তুর বাড়ীর সকল কথা বলিলেন। নাগমহাশয় তাহা শুনিয়া কেবল হাসিতে লাগিলেন। সাধু দেখিলে সংসারের লোক হাত দেখায়, অদৃষ্ট গণনা করায়। আমার মন জানিত তিনি সকল জানেন, তবু আমার বাসনা হইল যদি তিনি আমার হাত দেখিতেন, বড় ভাল হয়। নিজে বলিতে লজ্জা হইল, সেই পিসীকে তাহা বলিতে বলিলাম। পিসী বলিলেন হুর্গা, খুকী তোমাকে হাত দেখিতে বলে। নাগমহাশয় আমার দিকে তাকাইয়া হাসিতে হাসিতে বলিলেন, তিনি হাত দেখতে জানেন না। আমি আরও লজ্জা পাইলাম, মাথা হেঁট করিয়া রহিলাম। প্রথম দেখাতেই, আমার উপর ভিন্নমত স্নেহ দেখিতে পাইলাম।

আমাদের সঙ্গে অনেক লোক নাগমহাশয়কে দেখিতে

গিয়াছিলে । বাজিতে ৫৬টা বিছানা হইল । ৫৬টা মশারি  
 টাঙ্গান হইল । এক এক বিছানায় ৫৬ জন লোক শুইল । মশাবির  
 ভিতর মশা গিয়াছিল । সকলেরই ঘুম ভাল হয় নাই, ভোরে  
 উঠিয়া নাগমহাশয়ের কাছে আসিয়া বসিলাম । তিনি বলিলেন,  
 মা, তুমিকাল বাজিতে ভাল ঘুমাইতে পাব নাই । আমি বলিলাম,  
 আমাব কোন কষ্ট হয় নাই, আমাদের মশাবি ছিল । নাগমহাশয়  
 বলিলেন, মশাবি ছিল সত্য, তোমাকে যে মশায় কষ্ট দিয়াছে,  
 আমি এখানে থাকিনাই জানিয়াছিলাম । তুমি সমস্ত বাত্র হাত  
 পা নাড়িয়াছ । আমি বলিলাম, আপনিও ত ভাঙ্গা ঘরে শুইয়া  
 ছিলেন । নাগমহাশয় বলিলেন আমি জানিতাম, বাত্রে পিড়া  
 পড়িবে না । বর্ষাব সময় নাগমহাশয়ের বাড়ীতে জল উঠিত, জলে  
 অনেক ঘরের পিড়া পড়িয়া যাইত । মণ্ডপ ঘরের বাবান্দার  
 পিড়া এমত ফাটিয়াছিল, দেখিলে মনে হইত, তাহা এখনই পড়িয়া  
 যাইবে । নাগমহাশয় সেই বাবান্দায় শোয়ার অন্ত বিছানা  
 করিলেন । সকলে তাঁহাকে তথায় শুইতে মানা করিলেন ।  
 ঠাকুর দাদা বলিলেন, দুর্গা, তুমি ভাঙ্গা পিড়াব সঙ্গে জলে পড়িয়া  
 যাইবে, ঘরে শুইয়া থাক । নাগমহাশয় বলিলেন আমি এখানেই  
 শুইব । এই পিড়া ভাঙ্গিবে না । আপনি নিশ্চিন্ত হইয়া ঘুমান ।  
 তাঁহার কথার উপর কাহার কথা চলিল না । সকলেই ভাবিল,  
 পতনোন্মুখ পিড়া মানুষের ভরে এক বারেই পড়িয়া যাইবে ।  
 নাগমহাশয়ের শরীরস্পর্শে অচেতন মাটিও যেন শান্তিবোধ  
 করিয়া স্থির হইবা রহিল । পরদিন প্রাতঃকালে সেই পিড়া পড়ে  
 নাই দেখিয়া সকলেই বলিতে লাগিল, তাঁহার ইচ্ছায় এসব ফাটা  
 মাটি মানুষের ভার বহন করিল । তিনি একাকী শুইয়া

ছিলেন। ভোর হইতে না হইতেই নাগমহাশয় মণ্ডপ ঘরের মধ্যে গিয়া বসিলেন। ধীরে ধীরে লোক আসিতে লাগিল। বাজারের সময় হইল। নাগমহাশয় বাজর করিতে গেলেন। আমাদের মনে হইতে লাগিল, কতক্ষণ তিনি বাড়ীতে ফিরিয়া আসিবেন। আমি কখন বাড়ীতে জল উঠিতে দেখিবা ছিলাম না। নাগমহাশয়ের বাড়ীতে জল দেখিয়া মনের আনন্দে বড় ঘরের সিঁরির উপর বসিয়া, ঘটি দিয়া স্নান করিতে আরম্ভ করিলাম। স্নান করিবার সময় আমি ভাবিতে ছিলাম, নাগমহাশয় সকল কথা জানেন, আমি জল দেখিয়া স্নান করিতে বসিলাম, তিনি দেখিলে লজ্জা পাইব। অমনি তাকাইয়া দেখি, তিনি হাসিতে হাসিতে আমার পানে তাকাইয়া বলিতেছেন, বাড়ীতে ত কখন জল দেখে নাই, তাই মনেব আনন্দে ঘরের সিঁরিতে বসিয়া স্নান করিতেছে। আমি অতিশয় লজ্জা পাইয়া পুকুরে গিয়া স্নান করিলাম এবং তাঁহার নিকটে আসিয়া বসিলাম। জীব কি করিয়া ভগবান্‌লাভ করিতে পারে এবং ভগবানে বিশ্বাস থাকিলে কি হয়, তিনি তাহা উপদেশের ছলে বলিতে লাগিলেন।

নাগমহাশয় বলিলেন, একটা মেয়ে শিশুকালে একটা শিলা পাইয়াছিল, সে তাহা পূজা করিত এবং তাহাকে শিলা পিলা বলিত। সে শিলাকে নারায়ণ জ্ঞানে পূজা করিত, এবং অন্তস্থানে থাকিয়া মনে করিলে শিলা পিলা তাহাকে দেখা দিত। মেয়েটির বিবাহের বয়স হইল। পিতা তাহার বিবাহ দিলেন। খণ্ডর বাড়ী যাওয়ার সময় পিতা মনে করিলেন, শিলা নিয়া কি করা যায়। মেয়েটি শিলা পিলা সঙ্গে নিয়ে গেল। পথে নৌকার শিলা পিলা দেখিতে পাইয়া খণ্ডর তাহা জলে ফেলিয়া

দিলেন । মেয়েটা নৌকায় বসিয়া মনে মনে শিলাপিলাকে ডাকিতে লাগিল । শিলাপিলা আসিয়া দেখা দিলেন । বাড়ী যাইয়া সে এক নির্জন স্থানে তাঁহাকে পূজা কবিত্তে লাগিল । স্বামী তাহা জানিতে পাবিয়া শিলাপিলাকে জঙ্গলে ফেলিয়া দিল । মেয়েটা আবার ডাকিলে শিলাপিলা আসিয়া দেখা দিলেন । সে আবার নির্জনে বসিয়া তাঁহাব পূজা কবিত্তে লাগিল । কয়েকদিন এই ভাবে গেলে পব স্বামী জিজ্ঞাসা কবিল, তুমি নির্জনে জঙ্গলে বসিয়া কি কব ? মেয়েটা উত্তর দিল, আমি শিলাপিলাব পূজা কবি । স্বামী জিজ্ঞাসা কবিল, তোমাব শিলাপিলা কোথায় ? মেয়ে বলিল, যখন আমি তাঁহাকে ডাকি, তিনি আসিয়া আমাকে দেখা দেন । স্বামী বলিল দেখাও দেখি তোমাব শিলাপিলা কেমন ? মেয়েটা স্বামীকে তাহা দেখাইল । স্বামীব মনে বিশ্বাস হইল, মেয়েটা দেবতা, শিলাপিলা নাবারণ । যখন সে ডাকে, তখনই শিলাপিলা পায় । স্বামী বলিল, আমি তোমাকে পূজার ঘর কবিয়া দিব । তুমি সে ঘবে বসিয়া শিলাপিলাব পূজা কবিবে । পূজাব স্থান ঠিক কবিয়া দিয়া পিতাকে সমস্ত কথা বলিল । আব কোন গোলমাল হইল না । মেয়েটা শিলাপিলাব পূজা করিয়া মুক্ত হইয়া গেল ।

নাগমহাশয় বলিতেন, ভগবান্ সকল স্থানেই আছেন । ইহা বিশ্বাস কবিয়া ভগবান্কে ডাকিলে, তিনি সকল সময় সকল স্থানে দেখা দেন । মনে প্রাণে না ডাকিলে তাঁহার দেখা পাওয়া যায় না । মন বিষয় ছাড়িয়া শুদ্ধ না হইলে তাঁহাব ছবি হৃদয় প্রতিফলিত হয় না । একটা সাধবী মেয়ে ছিল । তাহাব স্বামী অতিশয় ধনী । সে কেবল ভোগবাসনাব রত ছিল । নানাধত

সুখ ভোগ করিতে লাগিল । এই ভাবে দিন চলিতেছে, মেয়েটাব মনে বড় কষ্ট হইল । সে ভাবিল, স্বামী বিষয়ে একবারে আসক্ত হইয়া বিষয়ভোগেই দিন কাটাইতেছে, কত শত অত্যাচাব, কত শত পাপ কবিতোছে ; কিছুতেই তাহার বিষয়ের নিশা কাটে না, একবারও ভগবানের কথা স্মরণ করে না । অবশেষে স্বামীকে বলিল, তুমি কি কখন ভাব, তোমার কি দুর্গতি হইবে ? তুমি একবারও ভগবানকে মনে কর না, বিষয়ভোগবাসনাতেই মত্ত আছ । এ জীবন কত দিনের ? অনন্ত কালের তুলনায় ইহা চক্ষের পলক পড়িতে যে সময় লাগে, তাহা অপেক্ষা কম । ইহা জানিয়াও কি তোমার সময় বৃথা নাশ কবিতো ইচ্ছা হয় ? যে সংসারে তুমি মত্ত আছ, যে বিষয় ভোগ জীবনের একমাত্র লক্ষ্য মনে কবিতোছ, তাহা তুমি কতদিন নিজবশে রাখিতে পাবিবে ? যখন তোমার শরীর অবশ হইয়া আসিবে, যখন তোমার ইন্দ্রিয় সকল আর বিষয় সুখ ভোগ করিতে পারিবে না, তখন তোমার কি অবস্থা হইবে ? তখন তোমাকে কে এই আপাতঃমধুর হলাহলপূর্ণ মায়াময়সংসার হইতে যাইবার সময় তোমার সঙ্গী হইবে ? ভোগবাসনা পূর্ণ মন ত ? এখন এসব ছাড়িয়া দেও । যথেষ্ট সংসার ভোগ করিয়াছ । এখন ভগবানের বাতুলচরণে মন দাও । যে মন তোমাকে পঞ্চভূতের ফাঁদে কেলিয়া বিষয় হইতে বিষয়াস্তর লইয়া যাইতেছে, তাহাকে তুমি তাঁহারই চরণে উৎসর্গ কর । কাতর প্রাণে তাঁহার নিকট নিজকর্ম্মফলের জন্ত প্রার্থনা কর, তিনি নিজগুণে দয়া করিয়া তোমার একুল ও ওকুল রক্ষা করিবেন । তিনি বড় দয়াল, দুর্বল মানব আকুল প্রাণে তাঁহার নিকট আশ্রয় চাহিলেন. তিনি তাঁহাকে আশ্রয় দেন ; পথ ভ্রাস্ত

জীব জীহার মনোবম, সদাসুখপূর্ণ, অনন্তকাল স্থায়ী-পথ ভুলিয়া, আপাতমধুব, সদাবিপদসঙ্কুল, পিচ্ছল, শোকতাপপূর্ণ, পুতিগন্ধময়, অন্ধকাব পথে চলিতে চুৰিতে, যখন শ্রান্ত, ক্লান্ত, বিহ্বল হইয়া, ছুই হাত ভুলিয়া বলে, প্রভো, দীনদাল, পতিত বন্ধো, আমাষ ধব, তিনি সমস্ত ভুলিয়া যান, সযতনে, আদব কবিয়া বলেন, সন্তান, এস, আমি তোমাবহ জগ্ৰ বসিয়া আছি। বল দেখি এমন দয়াল, এমন আপন কি আব আছে? এই আপন ভুলিয়া, যাহা তোমাব কেহ নয়, যাহা তোমাকে চিরকাল স্থায়ী আনন্দের বাজাব হইতে দুবে নিয়া যায, চক্ষু বাঁধিয়া দিয়া, যাহা তাহা দেখিতে দেয় না, তাহাব পিছনে পিছনে ছুটিয়াছ?

স্বামী তাহার কথা শুনিয়া কোন কথা বলিল না। মেয়েটীও সহজে ছাড়িবাব পাত্রী ছিল না। সে যখনই স্বামীকে দেখিত, তখনই বলিত, তুমি কি কবিতেছ? ঘরে আসিয়া স্বামী একই কথা শুনিতে লাগিল। অনেক দিন এই সব কথা শুনিয়া স্বামীর ঘুম ভাঙ্গিল। তাহাব এতকালের নেশা একদিন ছুটিল। সে ভাবিল, সত্যইত স্ত্রী যাহা বলিতেছে, তাহা বর্ণে বর্ণে সত্য। আমি এই সংসারে মত্ত আছি, একদিনও ভাবি না, ইহার পর কি হইবে, এ জীবন শেক্স হইলে, এই বিষয় সম্পত্তি কোথায় থাকিবে, আব আমিই বা কোথায় থাকিব। বাহাকে পাইলে আর ছাড়া-ছাড়ি নাই, তাঁহাতে নিশ্চয়ই মত্ত থাকা ভাল। তৎপর স্বামী স্থির করিল, সে বিষয় ছাড়িয়া দিয়া ভগবানে মন দিবে, এবং স্ত্রীকে বলিল, সে সংসার ছাড়িয়া ভগবান্কে ডাকিবার জগ্ৰ বনে চলিল। স্বামী বনে চলিয়া গেল। কতকদিন পরে স্বামী ফিরিয়া আসিয়া স্ত্রীকে জিজ্ঞাসা করিল, সে ভাল হইয়াছে কি না।

মেয়েটি বলিল, এখন হয় নাই । স্বামী ভাবিল, সে সমস্ত ছাড়িল, তবুও ভাল হইতে পারিল না । সঙ্গে বিছানা ছিল, তাহাও ত্যাগ করিয়া আবার বনে গেল । কতকাল পর আবার বাড়ীতে আসিয়া স্ত্রীকে জিজ্ঞাসা করিল, বল দেখি, আমি ভাল হইয়াছি কি ? স্ত্রী একই উত্তর দিল । স্বামী এবার অন্যত্র বস্ত্র ত্যাগ করিয়া, একখানা ধুতি পরিয়া, গলায় রুদ্রাক্ষের মালা রাখিয়া বনে চলিয়া গেল । অনেক সময় পর, আবার আসিয়া, স্বামী জিজ্ঞাসা করিল, বলদেখি, এবার ভাল হইয়াছি কি ? মেয়েটি বলিল, না । স্বামী বলিল, দেখ, প্রথমে সকল কাজ ছাড়িয়া বনে গেলাম, পরে সঙ্গে যে বিছানা ছিল, তাহাও ছাড়িলাম, অবশেষে বসন ব্যতীত সকল বস্ত্র ত্যাগ করিলাম, তাহাতেও তুমি বল, আমার কিছুই হয় নাই । এখন আমার সঙ্গে একটা রুদ্রাক্ষের মালা ও একখানা কাপড় আছে । আমি ইহাও ছাড়িলাম । সাধবী বলিল, তুমি ভগবানের জগ্ন কিছুই ছাড় নাই । তুমি বিধয় ছাড়িয়া বনে গেলে, তোমার মনে যে ভোগবাসনা ছিল, তাহা এখনও আছে । শরীরের উপরের কাপড় ত্যাগ করিলে কি হইবে ? রুদ্রাক্ষের মালায় ও কাপড়ে মন ধরিয়া রাখে নাই । যেমন বিষয় ও বস্তাদি ছাড়িয়াছ, সেই রকম মনের বাসনা সকল ত্যাগ কর, তবে ভগবানে মন যাইবে । মনে বাসনা থাকিতে বনে গেলে কিছু হয় না । মনের বাসনা ত্যাগ হইলে, বাড়ীতে বসিয়াই ভগবান্ লাভ হয় । তুমি বাসনা ছাড়, সমস্ত ছাড়া হইবে । সাধবীর কথায় স্বামী প্রকৃত তত্ত্ব বুঝিতে পারিল । যখন আমি নাগমহারকে প্রথম বার দেখি, তিনি আমাকে এই দুইটা উপদেশ দিয়াছিলেন ।

নাগমহাশয় ভগবান্ কিনা আমি জানিতাম না । বিপদে পড়িলেই তাঁহার স্নেহ মনে পড়িত । সেই সুধামাথা হাসিমুখে মনে করিয়া যখন যে বিপদে পড়িতাম, সেই বিপদ হইতে রক্ষা পাইতাম । বিপদ আর কি ? যখন যে বিষয়ে মনে কষ্ট পাইতাম, সে কষ্ট দূর হইয়া গাইত । আমি ছোট সময়ে মাকে বড় ভাল বাসিতাম । মা বিনা এক বাত্রও অগ্র কাছাব কাছে থাকিতে পারিতাম না । ৯ বৎসর বয়সে আমার বিবাহ হয় । ১০ বৎসর বয়সে স্বশ্রু মাঝা যান । স্বশ্রুরেব এক পা অবশ ছিল, স্নানের জল পয্যন্ত আনিয়া দিতে হইত । অনেক সময় স্বশ্রুরের সেবার জন্ত স্বামীবাড়ী থাকিতে হইত । মার জন্ত প্রাণ ছটকট করিত । মনে হইত কত দিনে মার কাছে যাইব । যখন আমার বয়স ১১ বৎসর, তখন আমি নাগমহাশয়কে প্রথম দেখি । নাগমহাশয়কে দেখার পর, স্বামীবাড়ী গেলে, মার জন্ত প্রাণ কাঁদিত সত্য, কিন্তু নাগমহাশয়কে মনে করিলে মাতার জন্ত আর সেরূপ লাগিত না । কোন বিষয়ে মনে কষ্ট হইলে, নাগমহাশয়কে মনে মনে ডাকিতাম । আমার মনে হইত যেন নাগমহাশয় আমাকে দেখিতেছেন । আমি ইহাতে অতিশয় শান্তি পাইতাম ।

একটা ঘটনা মনে পড়িলে এখনও আমার শরীর শিহরিয়া উঠে । আমি স্বামীবাড়ীতে আছি । একদিন অনর্থক অনেক গালাগালি শুনলাম । ছোট ছিলাম, অনেক রকম কষ্ট হইত । সকল কথা মনে পড়িতে লাগিল । ঘবে একটা অত্যন্ত ধারাল দা ছিল । রাত্রে ঘরে যাইয়া সেই দা গলায় বসাইয়া দিব মনে করিয়া হাতে নিয়াছি, অমনি যেন কেহ বলিয়া উঠিলেন, এ কাজ করিও না । তোমাকে ভগবান্ দেখা দিবেন । বেলা দুপ্রহর, সকলে



ঘুমাইতেছে, আমি রাত্রা ঘর হইতে অগ্র ঘরে গিয়া নাগমহাশয়কে স্মরণ করিলাম । আমার মনে হইতে লাগিল, আমি বড় অগ্রায় কাজ করিয়াছি । এখন আর কি করিব, ? তাঁহাকেই মনে মনে ডাকিতে লাগিলাম । তৎপর মনে হইল যেন নাগমহাশয় বলিতেছেন, এ কষ্ট বেশি দিন থাকিবে না । কোন কথা কানে শুনিলাম না, কিম্বা কাহাকেও দেখিলাম না ; হৃদয়ে এই কথা বুঝিলাম । ছায়ার মত নাগমহাশয়কে দেখিতে পাইলাম ।

পূজার সময় পঞ্চসার আসিলাম । নাগমহাশয়ের দেব চরিত্র স্বামীকে বলিলাম । তিনি তাহা শুনিয়া শ্বশুরের অনুমতি লইয়া, নাগমহাশয়কে দেখিতে গেলেন । স্বামী দেখিয়াই ভাবিলেন, ইনি আমাদের মত মানুষ নন । তাঁহাকে দেখিতে শিশুর মত চঞ্চল, অথচ ভিতরে যেন এক মহান্ ভাব । স্বামী প্রথমবাব নাগমহাশয়কে দেখিয়া ভগবান্ বলিয়া মনে করিলেন । তখন তাঁহার বয়স ১৬ বৎসব । সংসারের কোন কথা তাঁহাকে বলি নাই । আমরা দুইজনই ছোট, তবে আমাদের মধ্যে নাগমহাশয়ের কথা হইত । ইহার পর এক বৎসরের মধ্যে আমার শ্বশুর দেহত্যাগ করিলেন । এক বৎসরের মধ্যেই আমি ভয় পাইয়া নাগমহাশয়ের কাছে গেলাম । তিনি দয়া করিয়া আমাকে তাঁহার শ্রীচরণে স্থান দিলেন । আমি সংসার ভুলিয়া গেলাম ।

নাগমহাশয় আমাকে দয়া করিয়া তাঁহার যে সব গীতা দেখাইয়াছেন, সেই কথা মনে পড়িলে এখনও আমার রোমাঞ্চিত হয় । মনে হয় কেমন, ভগবান্ লইয়া আমি কি খেলাই না করিয়াছি । আমি যখন ছোট ছিলাম, ভগবান্ কি জানি নাই, জীব কি

তাঁহাও বুঝি নাই, তখন তিনি দয়া করিয়া আমাকে তাঁহার লীলা দেখাইতে লাগিলেন । আমার বয়স ১২ বৎসর । তাঁহার লীলা দেখিয়া তাঁহার ক্ষমতা হৃদয়ে অনুভব হইল না ; তাঁহার অলৌকিক গুণ বুঝিতে পারিলাম না । লীলা দেখিয়া কেবল মনে করিতাম, তিনি আমাকে খুব ভালবাসেন, অতিশয় স্নেহ করেন । তাই তিনি দিনরাত সব সময় হাসিয়া হাসিয়া আমাকে দেখা দিতেছেন । আমি তাঁহাকে দেখিয়া সুখী, তাঁহাব স্নেহে তাঁহাতেই ভুলিয়া রহিয়াছি । এমন আশ্চর্য্যের বিষয় একবার মনে কবি নাই, তিনি কি ভাবে দেওভোগ হইতে দিন রাত্র পঞ্চসারি আসিয়া দেখা দিতেছেন । আমি এত নির্বোধ ছিলাম । যখন ভয় পাইয়া ফিট হইতে লাগিল, যন্ত্রণায় শরীর অবসন্ন হইয়া পড়িল, তাঁহাকে দেখিলাম, যন্ত্রণা কমিয়া গেল, দেহ সুস্থ হইল । তিনি লুকাইয়া গেলেন । আমি নিবাময় হইয়া ভাবিতেছি, কি দেখিলাম ? জ্যেষ্ঠামহাশয় আসিয়াছিলেন, না স্বপ্ন দেখিলাম ? এমন সময় দেখি তিনি যেন আমার কণ্ঠ দেখিয়া, আমাকে ভয় হইতে রক্ষা করিতে আসিয়াছেন । আমার কাছে দাঁড়াইয়া হাতখানা নাড়িয়া যেন বলিতেন, কোন ভয় নাই । আমি তখন জিজ্ঞাসা করিলাম, জ্যেষ্ঠামহাশয়, আপনি বাটী কি কলিকাতা হইতে এখানে আসিয়াছেন ? তিনি মুখে শব্দ করিয়া কোন কথা বলিলেন না । আমি তাঁহার মুখের দিকে তাকাইয়া আছি, তিনি কি ভাবে—জানি জানাইলেন, তিনি বাড়ী হইতে আসিয়াছেন । কথার কোন শব্দ পাইলাম না । তখন আমার বিশ্বাস হইল, তিনি আমার কাছে আসিয়াছেন, ইহা স্বপ্ন নয় । শুইয়া থাকিয়া চক্ষু বুজিয়া তাঁহাকে দেখিতে লাগিলাম । আমার দেহ একবারে

অবশ হইয়া পড়িয়াছে । ৫।৬ দিন পর্য্যন্ত অনববত ফিট হইয়াছিল । দিন ও রাত্ৰিতে একভাবেই ফিট লাগিয়া ছিল । আমি সহজাবস্থায় দুর্ব্বলা ছিলাম, তাহার উপর জ্ঞান হইলেই ভীষণ অন্ধকাবের মত কানমূৰ্ত্তি দেখিতাম । সে সময় নাগমহাশয় দেখা না দিলে ভয়ে প্রাণ বাহির হইয়া যাইত । দয়াময় দয়া কবিয়া মাথার কাছে বসিয়া আছেন । আমার ইচ্ছা হইল উঠিয়া তাঁহাকে দেখি । উঠিব মনে কবিয়া এক পাশ হইলাম । উঠিব যে এমন শক্তি ছিল না । আমি বলি শ হইতে মাথা উঠাইয়া আনিয়া পাটিতে বাধিয়া তাঁহাকে নমস্কাব কবিলাম, স্পর্শ কবিতে পাবিলাম না । অসুস্থদেহে, আবাব চক্ষু বজিয়া শুইয়া বহিলাম । কতটুক সময় পবে তিনি আমাকে বলিলেন, তুমি একটা যজ্ঞ কর । আমি বলিলাম, আপনাব বাডীতে কি পূজা হইতেছে ? আমি কি দিয়া যজ্ঞ করিব ? তিনি যেন বলিলেন, ১১০টা বেলপাতা ছাবা যজ্ঞ কব, শোমার মঙ্গল হইবে । তিনি কথা বলিলেন, কিন্তু তাঁহার কথাব শব্দ শুনিতে পাইলাম না, কি ভাবে জানি তিনি কথা বুঝাইয়া দিয়া, আমার সামনে বসিয়া যজ্ঞ দেখিতে লাগিলেন । আমি তাঁহাব মুখের দিকে তাকাইয়া একটা একটা কবিয়া বেলপাতা সংগ্রহ দিলাম । ১০০টা পাতা দেওয়া হইয়া গেল । তিনি আমাকে ঐ যজ্ঞেব ফোটা কপালে দিতে বলিলেন । আমি কপালে যজ্ঞেব ফোটা দিলাম । হঠাৎ তিনি লুকাইয়া গেলেন । আমি যেন পুনজীবন লাভ কবিয়া জাগিয়া উঠিলাম ।

গভীর রাত্ৰিতে তিনি দেখা দিয়াছিলেন । ভোর পর্য্যন্ত এই সব দেখিলাম । আমি চক্ষু মেলিয়া তাকাইলাম । বাবা ও আমার এক পিসী মলিন মুখে আমাকে নিয়া বসিয়া আছেন ।

কখন কি হই তাঁহারা জানেন না । আমাকে তাকাইতে দেখিয়া, বাবা জিজ্ঞাসা করিলেন মাগো, তুমি কি তোমার জ্যেষ্ঠা মহাশয়কে দেখিয়াছিলে ? একবার যেন বলিল, জ্যেষ্ঠা মহাশয়, আপনি বাড়ী কি কলিকাতা হইতে আসিয়াছেন ? কতক্ষণ পর তুমি যজ্ঞ কুণ্ডলি আঁকিয়া, হাত তুলিয়া যে ভাবে বেল পাত দেষ, সে রূপ অনেকবাব হাত তুলিয়া যেন কিছু ছাড়িয়া দিয়া আবার আনিয়াছ । বাবাব কথা শুনিয়া আমার মনে হইল জ্যেষ্ঠা মহাশয় আসিয়া, আমাকে দেখা দিয়া, ১১০টা বেল পাত দিয়া যজ্ঞ করাইয়া গেলেন । তাঁহাকে আর কেহ দেখিতে পান নাই । আমার কি এক ভাব হইল, বাকশক্তি একবারে রহিত হইল, কোন কথা বলিতে পারিলাম না । আবার চক্ষু বুজিলাম. কতক্ষণ পর পিতাকে জিজ্ঞাসা করিলাম, বাবা, যজ্ঞকুণ্ডলি কোথায় ?

পিতা বলিলেন, তোমার শিষরে রহিয়াছে । আমি বলিলাম— হা, আমার মনে হয় যেন তিনি ১১০টা বেল পাতা দ্বারা আমাকে যজ্ঞ করাইলেন ।

ইহা বলিয়া আমি আবার অজ্ঞান হইলাম । কতক্ষণ পর দেখিলাম, মা কাঁদিতেছেন । বাবা বলিতেছেন, তুমি কাঁদ কেন ? এতদিন ঠাকুর ভাইকে সাধু বলিয়া জানিতাম, মনে করিতাম, ঠাকুর ভাইয়ের মত মহান্ লোক হয় নাই, এই সংসারে এমন সাধু নাই । আজ ও অজ্ঞান বস্থায় ঠাকুরভাইকে বলিল, আপনি কোথা হইতে আসিয়াছেন ? আপনি নারায়ণ । অজ্ঞান-বস্থায় এসমস্ত কথা বলিয়াছেন । ঠাকুর ভাই যখন আসিয়া উহাকে দেখা দিয়াছেন, ঠাকুর ভাই মানুষ নন । সাক্ষাৎ নারায়ণ । মেয়েটার কৰ্ম্ম ভাল ছিল, শেষ সময় নারায়ণ রূপে দেখা

দিয়া উহাকে নিয়া যাইবেন, এতো সুখের কথা । এই মেয়ের জন্ত কাঁদা শোভা পায় না । যাহার মেয়ে তিনি নিয়া যাইবেন । এখন হইতে জানিও ঠাকুর ভাই নারায়ণ । আমাদের উপর কি ঠাকুর ভাইয়ের দয়া হইবে ! সন্তান হইয়া' তাঁহাকে চিনিল, আর আমরা পড়িয়া রহিলাম । আমার এক পিসী বলিলেন, ভাই, ছোট বড় বলিয়া কিছু আসে যায় না । শিশুর উপর ঠাকুরের অধিক দয়া । লোকে বলেন, পঞ্চম বৎসরের শিশু পদ্মপলাশলোচনকে পাইল । অজ্ঞান, নির্বোধ প্রাণীর উপর দুর্গার দয়া হইল । যদিও তোমাব মেয়ে হইয়া থাকে, দুর্গা ভাল করিয়া লাখি মাঝিয়া ফেলিয়া যাইবে । তোমাব এমেয়ে ত নারায়ণের আশ্রয় পাইল । কি করিবে ? অজ্ঞানিল মৃত্যুশয্যায় শুইয়া একবার নারায়ণ বলিয়া বৈকুণ্ঠে চলিয়া গেল । সকলকেই মরিতে হইবে । দুর্গা দেখা দিয়া, উহাকে এই কষ্টের হাত হইতে রক্ষা করিয়া লইয়া যায়, ও মহাসুখে গেল । ৫।৬ দিন যাবত উহার কম যন্ত্রণা হইতেছে না । ও দোম ছাড়িতে পারে না । উহাব কষ্ট দেখিতে শত্রুর বুক ফাটিয়া যায় । যে যাহার আগে যায়, সে তার মা । মনে করিও ও তোমার মা । বয়সে পিসী পিতাব অনেক বড় ছিলেন । বাবাকে বুঝাইতেছেন, আমি সমস্ত শুনিতেছি । আমার বিশেষ কিছু বোধ হইল না । আমি কেবল মনে করিতেছি, দেওভোগ গিয়া নাগমহাশয়কে দেখিব ।

আমি চক্ষু মেলিলাম এবং পিতাকে বলিলাম, বাবা, এখন আমার শরীর খুব ভাল বোধ হইতেছে, আমি দেওভোগ যাইব । জ্যেষ্ঠামহাশয়কে দেখিলে আমি সম্পূর্ণ ভাল হইব । পিতা বলিলেন তুমি হাটিয়া যাইতে পারিবে কি ? আমি বলিলাম

হাঁ পারিবে । আমার আর ফিট হইবে না । এখন দেওভোগ গেলেই বাঁচিব । আমাকে এখনই দেওভোগ লইয়া চলুন । পিতা বলিলেন, যখন তুমি অজ্ঞানাবস্থায় বলিলে, জ্যেষ্ঠা মহাশয়, আপনি কোথা হইতে আসিলেন ? বাহারা সাক্ষাতে ছিল, তাহারা মনে করিল, তুমি ঠাকুর ভাইকে দেখিয়াছ । আমার মনে হইল, তুমি স্বপ্ন দেখিতেছ, কিম্বা রোগে প্রলাপ বকিতেছ । যখন তুমি যজ্ঞ কুণ্ডলি আঁকিয়া, লোকে সেরূপ যজ্ঞে আহুতি দেয়, সেরূপ করিলা, তখন ঐ কুণ্ডলিতে একটা পিপীলিকা -গেল । তুমি তাহা না মাড়িয়া, মাটিতে হাত পাতিয়া রাখিলা । পিপীলিকাটা তোমার হাতে উঠিল । তুমি হাতখানা কুণ্ডলির বাহিরে আনিয়া পিপীলিকা ছাড়িয়া দিলা, তখন আমার প্রকৃত বিশ্বাস হইল, তুমি সত্যসত্যই ঠাকুর ভাইকে দেখিতেছ, তিনি তোমা দ্বারা যজ্ঞকুণ্ডলি করাইয়া যজ্ঞ করিতেছেন, পিপীলিকা না মাড়িয়া সড়াইয়া দিলেন । ঠাকুরভাই শিশুকাল হইতেই কোন প্রাণী হত্যা করেন না, গাছে কষ্ট পাইবে বলিয়া একটা গাছের পাতাও ছিড়েন না । স্বপ্নে কথা বলা যায়, জাগ্রত অবস্থায়ও পিপীলিকা না মাড়িয়া সড়াইয়া দেওয়া তোমার কাজ নয় । তোমাব এত বুদ্ধি হয় নাই । এই কাজটা আমার নিকটবর্তী লোকদিগকে দেখাইয়া বলিলাম, ও ঠাকুর ভাইকে নিশ্চয়ই দেখিয়াছে, রোগের বিকারে কিম্বা স্বপ্নে হইলে, এমন ভাবে পিপীলিকা সড়াইয়া দিতে পারিত না । তুমি ঠাকুর ভাইকে দেখিবার পর আর কিছু হয় নাই । তুমি একটু সুস্থ হও, পরে দেওভোগ যাইবে । তুমি বাহাকে দেখিতে দেওভোগ যাইবে, তিনিও এখানে আসিয়া তোমাকে দেখা দিতেছেন এবং ভাল করিলেন । খুব ভাল দেখাই পাইয়াছ ।

আমি বলিলাম, না, এখনই যাইব । আমি ভাল হইয়াছি । এখন আমাব সেই ভয় নাই । পূর্বে খাস বন্ধ হইয়া আসিত, এখন সে ভাব নাই । এখন আমি উঠিয়া একাকী বাহিরে যাইতে পারিব । হাঁটলে আব অসুখ বাড়িবে না । পিতা বলিলেন, হাঁ, আজই তোমাকে নিয়া দেওভোগ যাইব এবং তোমার জ্যেষ্ঠা মহাশয়কে দেখাইব । যাহাবা সেস্থানে উপস্থিত ছিলেন, তাহাবা আমার দিকে চাহিয়া পিতাকে বলিলেন, তাহাব জ্যেষ্ঠামহাশয়কে দেখিয়াই ভাণ হইয়া গিয়াছে । চক্ষু মথ কেমন পবিষ্কাব হইয়া গিয়াছে । কসেক দিনেব কষ্টে, উহাব মূণ একেবাবে কাল হইয়া গিয়াছিল, চক্ষু কোথায় চলিয়া গিয়াছিল । এখন কি পবিবর্তন হইয়াছে । ভূর্গার কাছে নিয়া যাও, কোন ভয় নাই । পিতা বলিলেন, যখন সে বড ঘর হইতে বলিল মণ্ডপ ঘরে যাইবে, তখন চিন্তা করিয়াছিলাম, কি করিয়া তাহাকে তথায় লইয়া যাইব, কোলে করিয়া নিয়া আসিলেও যদি ঘবে যাওয়ার পূর্বে ফিট হয়, তখন কি করিব ? এখন সে চিন্তা নাই, তবে ঠাকুর ভাইয়ের বাড়ী হইতে অনেক দূরে নোকা লাগিবে, যদিও এতদূর হাটয়া যাইতে না পাবে ? পিসী বলিলেন, আমবা উহাকে কোলে করিয়া লইয়া যাইব । ছোট মেয়ে, ও আব কত ভান হইবে ? পিতা বলিলেন, কোলে করিয়া লইয়া যাওয়া সোজা কথা নয় । পিসী বলিলেন, ধীরে ধীবে উহাকে লইয়া যাইব । বিশেষ কোন কষ্ট হইবে না । পিতা বলিলেন, তাহাই হইবে । সেরূপ নেওয়া অসম্ভব হইলে, পালকি ভাড়া করিব ।

পিতা নোকা ভাড়া করিয়া আসিলেন । তাহা শুনিয়া আমার যেন হাতীর বল হইল । মণ্ডপ ঘর নমস্কার করিয়া বলিলাম, যা

ভগবতী, জ্যেষ্ঠা মহাশয়ের যেন দেখা পাই। হাঁটিয়া নৌকায় উঠিলাম। আমি মনে মনে বলিতে লাগিলাম জ্যেষ্ঠামহাশয়, আপনি যেন বাড়ীতে থাকেন, কোথায়ও যেন লুকাইয়া যান না। আমি যেন বাড়ীতে গিয়া আপনাকে দেখিতে পাই। নৌকা নারায়ণ-গঞ্জের নিকট লাগিল। পিতা জিজ্ঞাসা করিলেন, আমি হাটিয়া দেওভোগ যাইতে পারিব কিনা। আমি নৌকা হইতে উঠিয়া তাড়াতাড়ি হাটিয়া যাইতে লাগিলাম, আশা নাগমহাশয়কে শীঘ্র দেখিতে পাইব। গিয়া দেখিলাম তিনি দক্ষিণের ঘরে অনেক লোকের সাথে বসিয়া আছেন। আমার মনে হইল, আপনি এই স্থান হইতে আমার কাছে আসুন, আমি আপনাকে ধরিব, পায় পড়িয়া নমস্কার করিব। মনে মনে এই কথা বলিতে বলিতে আমার বুক কাঁপিতে লাগিল, শবীর অবসন্ন হইয়া আসিল। তিনি উঠিয়া দাঁড়াইলেন। আমি মনে প্রাণে তাঁহাকে দেখিতে লাগিলাম। তিনি সামনে আসিলেন, আমি মনের আবেগে পড়িয়া গেলাম। দয়াময় দয়া কবিতা আমাকে ধরিলেন। তিনি আমার মাথায় হাত বুলাইয়া, পিঠে হাত বুলাইলেন। তিনি আমার কষ্ট দেখিয়া বলিলেন, এমন শিশুর এমন ব্যাবাস দেখি নাই। আমি সুখময়ের শ্রুতিসুখকর স্বর শুনিয়া তাঁহার মুখের দিকে তাকাইলাম। তিনি আমার মুখপানে চাহিয়া বলিলেন, মাগো ভয় কি? কোন ভয় নাই। আমি বলিলাম, আপনি কাল রাত্রিতে আমাদের বাড়ীতে যাইয়া, দেখা দিয়া, আমার কষ্ট দূর করিয়াছেন। নাগমহাশয় বলিলেন, ক্ষেপা মা, একথা বলে না। আমি চূপ করিলাম। তিনি চূপ করিয়া, স্নেহের সহিত তাকাইয়া, আমাকে ধরিয়া বসিয়া রহিলেন। আমার সকল যজ্ঞনা দূর করিয়া, সকল



ভুলাইয়া, এক তাঁহাতে ডুবাইয়া বাধিলেন । আনন্দে ছই চক্ষুর বাহির দিক হইতে আনন্দনীর গগুঙ্কল বাহিয়া পড়িতে লাগিল । দয়াময় পাখা দিয়া আমাব মাথায়, বাতাস করিতে লাগিলেন । আমার পিসী তাহা দেখিয়া মাথায় হাওয়া দিতে গেলেন । নাগমহাশয় বলিলেন, ও এখন খুব সুস্থ আছে, মহা আনন্দ ভোগ করিতেছে, এখন হাওয়া দেবেন না ।

পিসী বলিলেন, দুর্গা, শিশু তোমাকে চিনিল, আব আমবা কি করিলাম । নাগমহাশয় বলিলেন, আমি কি ? আমি কি ? উহাকে দেখুন । কে উহাকে এই সমস্ত শিখাইল ? এখন ও সুস্থভাবে থাকুক । তাঁহাব কথা শুনিয়া সকলেই চুপ করিলেন । তিনি আমাকে ধবিয়া বসিয়া বহিলেন । সুখময়কে স্পর্শ করিয়া আমি মহা সুখে ঘুমাইয়া পড়িলাম । তিনি উঠিয়া গেলেন । তিনি উঠিয়া যাওয়া মাত্র আমার ঘুম ভাঙ্গিয়া গেল । তাকাইয়া দেখিলাম, নাগমহাশয় আমাব কাছে নাই । অমনি উঠিয়া বাহিরে আসিলাম । তিনি কোথায় ? কোন ঘরে তাঁহাকে দেখিতে না পাইয়া, দক্ষিণদিকের পথে যাইতেছি, তাঁহাকে আমার পিতার সহিত দাড়ান দেখিলাম । পিতা কি বলিতেছেন, তিনি তাঁহার সম্মুখে থাকিয়া শুনিতেন । আমি নাগমহাশয়ের সম্মুখে দাঁড়াইয়া তাঁহার মুখপদ্ম দেখিতে লাগিলাম । তাঁহাকে দেখিয়া মনে হইল, তিনি গোপনে ছিলেন, আমাব প্রতি দয়া প্রকাশ করিয়া আর প্রচ্ছন্ন থাকিতে পারিলেন না । তাঁহার ছইটা চক্ষু তুলু তুলু করিতে ছিল । তিনি পিতার কথার কোন উত্তর দিতেছেন না । পিতা তাঁহার নিকট সমস্ত কথা বলিয়া সুখী হইলেন । তিনি আমাকে সঙ্গে করিয়া চলিয়া আসিলেন,

এবং বলিলেন, মা, সন্ধ্যাব সময় এখানে কেন ? আমি বলিলাম, আপনাকে অনেক কথা বলিব, আপনাকে দেখিব । নাগমহাশয় বলিলেন, মা, তুমি ঘবে যাও । আমি আসি । অনেক লোক কীর্তন কবিতেছিল । তিনি বোধ হয় তাহাদিগকে তামাক দিতে গেলেন । নাগমহাশয় আমাকে নিষা যে বিছানায় বসিয়াছিলেন, তাহাতে তাঁহার পিতা শুইতেন । তিনি ঘবে আসিয়া সাবদাপিসীকে বলিলেন, খুকীৰ জন্তু একটা বিছানা কবিয়া দেও । আমি ঘবে গিয়া শুইয়া রহিলাম । সুখময়ের বাতাসে সুখে ঘুমাইয়া পড়িলাম । কিছুকাল পর নাগমহাশয় আসিয়া পিসীকে জিজ্ঞাসা কবিলেন, খুকী কোথায় ? তিনি আমাকে বড হইলে পরও খুকী বলিতেন ।

পিসী বলিলেন, সে ঘুমাইয়া আছে । তিনি চলিয়া গেলেন । তিনি ধীবে ধীবে কথা বলিয়াছিলেন, তাহা আমি শুনিতে পাঠিলাম । আমার ঘুম ভাঙ্গিয়া গেল । তিনি ঘব হইতে চলিয়া যাওয়া মাত্র, আমার মনে হইল, আমার হৃদয় হইতে খেন কিছু চলিয়া গেল । দেহ শূন্য বোধ হইতে লাগিল । আমি অমনি ঘবেব বাহিব হইলাম । যেখানে কীর্তন হইতেছিল, সেই স্থানে অন্ধকাবে তিনি দাঁড়াইয়াছিলেন । আমি উর্দ্ধ্বাসে গিয়া তাঁহাকে জড়াইয়া ধরিলাম । নাগমহাশয় স্নেহ কবিয়া, আমার হাতে ধরিয়া নিয়া আসিয়া, পিসীকে বলিলেন, বইন দিদি, আপনি কোথায় ? মা অন্ধকাবে কাঁপিতে কাঁপিতে আমাকে ধরিল । পিসী বলিলেন, কখন উঠিয়া গেল, তাহা দেখিতে পাই নাই । তিনি হাসিতে হাসিতে আমাকে ঘবে রাখিয়া গেলেন । আমি দয়াময়ের রূপ চক্ৰ করিতে লাগিলাম । মনে হইতে লাগিল,

তিনি কতক্ষণে আবার আমার কাছে আসিবেন । আমি কখন তাহাকে আমার সব কথা বলিব । এমন সময় আমাকে খাইতে ডাকা হইল ।

আমি বাহির হইয়া দেখিলাম, নাগমহাশয় দাঁড়াইয়া আছেন । তাঁহাকে জিজ্ঞাসা করিলাম, খাইতে যাইব কি ? তিনি হাসিতে হাসিতে বলিলেন, এখন খাইয়া গিয়া শুইয়া থাক, কাল সকালে কথা শুনিব । আমাব মনে হইল, তিনি কি করিয়া আমার মনের কথা জানিলেন । তাড়াতাড়ি খাইয়া আবার তাঁহার কাছে গেলাম । পলকহীন নয়নে মনের মত রূপ দেখিতে লাগিলাম, কিন্তু মনের তৃপ্তি হইল না । তিনি হাসিতে হাসিতে বলিলেন, মাগো আনন্দময়ী ! এখন তুমি শুইয়া থাক, কাল সকালে উঠিবে । এমন স্নেহে, এমন মধুর ভাবে কথা বলিলেন, আমার মনে হইল তিনি যেন আমার কত আপন, সেই ভাব ব্যক্ত করা যায় না । পিতা-মাতা, আত্মীয়-স্বজন, যাহা কিছু আছে, তিনি যেন সকলের চেয়ে আমার বেশি আপন । তিনি আমার এত আপন যে তাঁহাকে দেখিলে, তাঁহাতেই ডুবিয়া থাকিতে ইচ্ছা হয় । ঐ রূপ ছাড়িয়া অগ্ৰস্থানে বাইতে ইচ্ছা হয় না । তাঁহার অমিয়মাথা হাসিতে, স্নেহমাথা কথায়, তিনি সমস্ত ভুলাইয়া আমার আপন হইলেন । আমি শুইয়া থাকিয়া কেবল তাঁহার পীযুষ কান্তি ও মধুর কথা ভাবিতে ভাবিতে ঘুমাইয়া পড়িলাম । তাঁহার কথার এমন মাহাত্ম্য যেই ভোর হইল, আমার ঘুম ভাঙ্গিল । চক্ষুমেলিয়া দেখি, সামান্য অন্ধকার আছে । ভাবিতে লাগিলাম, তিনি কখন উঠিবেন । এমন সময় আমার কিতাব হইল, মনে হইতে লাগিল, সকল ঘরটী যেন তাঁহার ভাবে

পরিপূর্ণ, তাঁহাকে স্পষ্ট দেখিতে পাই নাই । অন্ধকারের মধ্যে যেন সকল দিকেই তাঁহার রূপ এবং সেইরূপ হইতে যেন জ্যোতি বাহির হইতেছে । যে দিকেই তাকাই সেই দিকেই তাঁহার জ্যোতির্ময় রূপ দেখিতে পাই । তখন তাঁহার অভাব আর আমার মনে রহিল না । মনের আনন্দে কেবল তাঁহাকে দেখিতে লাগিলাম । কতক সময় পর হঠাৎ তিনি লুকাইয়া গেলেন । আমি ভাবিলাম, আমি কোথায় আছি ? কি দেখিলাম ? কি হইল ?

এখন খুব পরিস্কার হইয়া গিয়াছে । নাগমহাশয় মঙ্গল-উঠিয়া তাঁহার কাছে বাইতে বলিয়াছেন । এই স্নেহ মাখা কথা মনে করিয়া, তাড়াতাড়ি উঠিয়া বাহিরে গেলাম । তিনি হাত-মুখ ধুইয়া হুঁকা ভড়িতেছেন । আমাকে দেখিয়া হাসিতে হাসিতে আদর করিয়া বলিলেন, তুমি শীতের সময় এত ভোরে উঠিয়াছ ? আমি মনে মনে বলিলাম, আপনার কাছে আসিয়াছি । তিনি হাসিতে হাসিতে মগ্নপ ধরে বাইয়া বসিলেন । আমি তাঁহার সঙ্গে বাইয়া তাঁহার সামনে বসিলাম । তিনি আমাকে জিজ্ঞাসা করিলেন, মা, কি বলিবে ? এমন ভাবে আমার দিকে তাকাইয়া রহিলেন, আমি কথা বলিতে একটু লজ্জা পাইলাম । তিনি সরল ভাবে হাসিতে লাগিলেন দেখিয়া তাঁহাকে আমার মহা আপন বলিয়া মনে হইল । লজ্জা ভাঙ্গিল । প্রাণ খুলিয়া তাঁহাকে কি ভাবে দেখিয়াছি, কি রকম বক্ত করিয়াছি, সমস্ত কথা বলিলাম । তিনি শুনিয়া মহাভাবে মগ্ন হইয়া, আমার পানে চাহিয়া রহিলেন, এবং বলিলেন, মাগো, কে বক্ত করাইল ? আমি বলিলাম, আপনাকেই বক্ত করাইতে দেখিলাম । তাহা শুনিয়া, আদর

করিয়া আমার মাথায় ও পিঠে হাত বুলাইতে লাগিলেন । এমন সময় অন্য লোক আসিল । তিনি তাহার সহিত কথা বলিতে বলিতে তামাক খাইতে লাগিলেন । আমি মনের মত রূপ নিরীক্ষণ করিতে লাগিলাম । তিনি আমার সহিত হাসিতে হাসিতে কথা বলিতেছেন, পিতা যাইয়া বলিলেন, ঠাকুর ভাই, আজ আমার কাচারি খুলিবে, এখন বণ্ডনা হইতে চাই । এই কথা শুনিয়া, আমি অতিশয় দুঃখিতা হইলাম এবং নাগমহাশয়ের দিকে তাকাইয়া রহিলাম । আমার ইচ্ছা ছিল, কয়েক দিন দেওভাগে থাকিয়া তাঁহার শান্তিপ্রদ রূপ দেখি, অমিয় মাথা কথা শুনি । এমন সুখময়কে, শান্তিময়কে ছাড়িয়া কোথায় যাইব ? দয়াময় মনের ভাব বুঝিয়া আমাকে লইয়া দক্ষিণের ঘরে গেলেন । মুখখানা ঈষৎ মলিন করিয়া আমাকে বলিলেন, মঙ্গলবার জগদ্ধাত্রী পূজা হইবে । তাঁহার কথার ভাবে আমি বুঝিলাম, দয়াময় দয়া করিয়া এই কয়েক দিন আমাকে সেখানে রাখিবেন । আমি সুখী হইয়া তাঁহার দিকে তাকাইয়া রহিলাম ।

নাগমহাশয় আমাব সহিত কি বলিতেছেন, আমাকে আসিতে দিবেন কিনা, এই প্রকার ভাবিতে ভাবিতে পিতা তাঁহার সম্মুখে দাঁড়াইলেন । তিনি পিতাকে দেখিয়া আমার পানে চাহিয়া বলিলেন, আগামী মঙ্গলবার জগদ্ধাত্রী পূজা হইবে । তাহা শুনিয়া পিতা বুঝিতে পারিলেন, তিনি এই কয়েক দিনের জন্ত আমাকে তথায় রাখিতে চান । পিতা নম্রভাবে বলিলেন, ঠাকুরভাই, আপনি বাহা ভাল বুঝেন, তাহা করুন । উহাকে এখানে রাখিয়া গেলে, বাড়ীতে বড় চিন্তা করিবে । এখন নিয়া যাই, পূজার দিন আবার আসিবে । পিতার কথা শুনিয়া, আমার মনের ভাব দেখিয়া,

নাগমহাশয় ঈশ্বর বিষয়মুখে আমাকে সাঙ্ঘনা দিতে লাগিলেন, জগদ্ধাত্রী পূজার মোটে ৫ দিন বাকি আছে । যখন আমি বুঝিতে পারিলাম, তাঁহাকে সত্য সত্যই ছাড়িয়া আসিতে হইবে, তাঁহার নিকট হইতে দূরে আসিলে কি ভাবে থাকিব, তিনি কি আবার দয়া করিয়া দেখা দিবেন, আমি কি করিয়া তাঁহাকে মনে রাখিব, এই সব ভাবিয়া তাঁহার মুখেরপানে চাহিয়া রহিলাম । তিনি স্নেহ করিয়া আমাকে ধরিলেন, গায় হাত বুলাইয়া বলিলেন, মা, ভগবান্ সকল স্থানেই আছেন । তাঁহার কথা শুনিয়া কি এক ভাব হইল, তাঁহাকে ভগবান্ মনে করিয়া দেওভোগ হইতে চলিয়া আসিতে বিশেষ কষ্ট বোধ হইল না । আসার সময় তিনি আমাদের সঙ্গে কতক দূর আসিলেন এবং পিতাকে বলিলেন, ধন্য মেয়ে, এমন শিশুর এমন ভাব কোথা হইতে আসিল । পিতা বলিলেন, আপনার দয়া । তিনি আমার দিকে তাকাইয়া দাঁড়াইয়া রহিলেন । আমরা চলিয়া আসিলাম । তাঁহাকে আর দেখা গেল না । আমি ভাবিতে লাগিলাম, বাড়ী গিয়া কি করিব ? দেওভোগ হইতে যতই দূরে যাইতে লাগিলাম, ততই এই কথা মনে পড়িতে লাগিল । বিবর্ণ মুখ দেখিয়া পিতা আমাকে জিজ্ঞাসা করিলেন, শরীর অসুস্থ লাগে কি ? আমি কিছু বলিলাম না । তিনি বুঝিতে পারিলেন, নাগমহাশয়কে ছাড়িয়া আসার আমার কষ্ট হইয়াছে । তিনি সাঙ্ঘনা দিয়া আমাকে বলিলেন, তোমার জ্যেষ্ঠা মহাশয় সাধু মানুষ, কোন কাজ করেন না, কোন লোক হইতে কিছু নেন না । সময় সময় লোকজন হয় । টাকার অভাবে তাঁহার কষ্ট হয় । কোথা হইতে এত খরচ চালাইবেন ? ইহা শুনিয়া মন কতক শান্ত হইল । আমি বুঝিতে পারিলাম, টাকার জন্ত সময় সময়

ঠাঁহার কষ্ট হয় । আমি চিন্তা করিলাম, বাড়ীতে গিয়া ঠাঁহার নাম করিব । সৰ্বদা মনে মনে ঠাঁহাকে ডাকিব । ৫ দিন গব আবার দেওভোগ যাইব । সকল পথ এই মত ভাবিয়া বাড়ীতে আসিলাম । সমস্ত যেন শূণ্যময় দেখিতে লাগিলাম । যেদি ক তাকাইলাম, সেদিক যেন খালি বোধ হইতে লাগিল । তখন মনে হইল, জ্যোষ্ঠামহাশয় কোথায় ?

মণ্ডপঘবে বসিয়া নাগমহাশয়কে প্রথম দেখিয়াছিলাম । মণ্ডপ ঘবটী যেন ঠাঁহার ভাবে পূর্ণ বোধ হইতে লাগিল । মণ্ডপ ঘরের পাটের একটা তুলসী গাছ ছিল । সেই তুলসী গাছের পাতা লইয়া, অসুস্থ অবস্থায় ঠাঁহাকে দেখিয়া, কি ভাবিয়া ঠাঁহার পায় দিয়াছিলাম, তাঁহাকে ছাড়িয়া আসিয়া ঐ তুলসী গাছ যেন ঠাঁহার চিহ্ন মনে হইল । কতটুকু সময় মণ্ডপে দাঁড়াইয়া মার নিকট যাইয়া বলিলাম, মা, আমাকে খাইতে বলিও না । যখন ইচ্ছা হইবে, আমি খাইব । তৎপর আমি স্নান করিয়া তুলসীতলায় বসিলাম । চক্ষু বুজিয়া নাগমহাশয়ের জ্যোতির্ময়রূপ দেখিতে লাগিলাম । তখন ঠাঁহার অদর্শনজনিত ছঃখ দূর হইল ।

প্রতিদিন এইরূপ অনেক সময় তুলসীতলা বসিয়া নাগমহাশয়কে দেখিতাম । গভীর রাত্রি পর্যন্ত সেখানে বসিয়া থাকিতে দেখিয়া তুলসীতলায় একটা ছোট ঘব উঠান হইল । যখন ইচ্ছা তুলসীতলায় ও মণ্ডপ ঘরে থাকিতাম । এই দুইটা স্থান যেন ঠাঁহার বাড়ী বলিয়া বোধ হইতে লাগিল । ৫ দিন এই ভাবে গেল । অগস্ত্যপূজার দিন দেওভোগ গেলাম । তথায় যাইয়া দেখি, নাগমহাশয় পথের দিকে তাকাইয়া আছেন । ঠাঁহাকে দেখিবাত্র ডাড়াডাড়া যাইয়া ধরিলাম । তিনি আমার হাত ধরিয়া বলিলেন,

কেপা মা, ভাল আছ ত? আমি কিছু বলিতে পারিলাম না। কেবল তাঁহাকে দেখিতে লাগিলাম। শরীর অবসন্ন হইল। তিনি আমাকে কোলে কুরিয়া নিয়া বারান্দায় গেলেন এবং শোয়াইয়া রাখিলেন। কতটুক সময় আমার কাছে থাকিয়া চলিয়া আসিলেন। পূজার বাড়ী, একা সমস্ত কাজ করিতেছেন। আমার জ্ঞান হইলে দেখিলাম, তিনি আমার নিকট হইতে চলিয়া গিয়াছেন। উঠিয়া বসিলাম। তাঁহাকে দেখিব মনে করিয়া উঠানের দিকে তাকাইয়াছি তিনি হাসিতে হাসিতে আসিয়া আমার সামনে দাড়াইলেন। আমি বলিলাম— আপনি এখন কোথায় যাইবেন? তিনি বলিলেন, তুমি শুইয়া থাক, আমি বাজার হইতে আসি। আমি তাঁহাকে জিজ্ঞাসা করিলাম, বাজার হইতে ফিরিয়া আসিতে আপনার কত সময় লাগিবে? তিনি বলিলেন, মা, এখনই আসিব।

নাগমহাশয় বাজার গেলেন। আমি শুইয়া রহিলাম। কতক সময় পর তাঁহার কথা শুনিতে পাইয়া যেখানে তিনি ছিলেন, তথায় গিয়া দাড়াইলাম। আমাকে দেখিয়া তিনি স্নেহের সহিত হাসিতে লাগিলেন। হাসির সাথে বেন জ্যোতি বাহির হইতেছে। কি জ্যোতির্নয় রূপ! কতটুক সময় দেখিলে পর মনে হইল, বেন তাঁহার রূপ ব্যতীত অন্য কিছু দেখিতে পাইতেছি না। অল্প সময় এ ভাবে তাঁহাকে দেখিয়া পরে দেখিলাম, তিনি হঁকা হাতে নিয়া তামাক ধাইতেছেন। একটু দাড়াইয়া অন্তলোকের হাতে হঁকা দিতে গেলেন। তখন আমার মনে হইল, সেদিন তিনি অনেক সময় আমার কাছে ছিলেন, আজ কেবল এখানে সেখানে যাইতেছেন। কি করি? এক মনে অগত্যা প্রীতিমা দেখিতে



লাগিলাম । পূজা হইতেছে । ঢাক বাজিতেছে । ঢাকের তালে মন বিহ্বল হইল । কি এক জ্যোতির্শরয় মূর্তি হৃদয়ঙ্গম হইল । সেই জ্যোতির্শরয় রূপ যেন হৃদয় পূর্ণ করিয়া স্ফুট পরিপূর্ণ করিতেছে । অবশেষে কি ভাব হইল জানি না । যখন চক্ষু মেলিলাম, দেখিতে পাইলাম, নাগমহাশয় আমাকে ধরিয়া বসিয়া আছেন । আমি তাঁহার পা ধরিব বলিয়া, তিনি তাঁহার পা দুখানি অগ্র দিকে রাখিয়া হাঁটু ভর দিয়া বসিয়াছেন । আমি তাঁহার মুখের দিকে তাকাইয়া বলিলাম, যদি আপনি আমাকে আপনার পা ধরিতে না দেন, রামকৃষ্ণ দোহাই । মহাভাবে তাহার চক্ষু নিম্নিত হইতে লাগিল । তিনি বলিলেন, ক্ষেপা মা, ঠাকুরের দোহাই দিতে হয় না । রামকৃষ্ণ বলিয়া, ভূমিষ্ট হইয়া, তিনি নমস্কার করিলেন । আমি তাঁহার হাত হইতে একখানা হাত ছাড়াইয়া আনিয়া তাঁহার বামপদ খানা ধরিলাম । পা ধরিয়া যে কি আনন্দ পাইলাম, বলিতে পারি না । তাঁহার জ্যোতির্শরয় পাদপদ্ম দেখিতে লাগিলাম । মহাভাবহেতু আনন্দনীর পড়িতে লাগিল । তাঁহার নয়ন কমলের জ্যোতিতে কি এক ভাব হইল । আর তাকাইতে পারিলাম না । জ্যোতির্শরয় রূপ হৃদয়ে ধারণ করিয়া চক্ষু বুজিলাম । তিনি কোলে করিয়া নিয়া শোয়াইয়া রাখিলেন ।

সময় কি ভাবে গেল জানি না । সংজ্ঞা হইলে নাগমহাশয়ের চরণ খানা যেন হাতে অনুভব হইতে লাগিল । তাঁহাকে না দেখিয়া মনে হইল, তিনি কোথায় গেলেন । মনে হওয়া মাত্র তিনি আসিয়া আমার সামনে দাঁড়াইলেন । তাঁহার চক্ষু তুলু তুলু করিতেছিল । তিনি বলিতে লাগিলেন, মা আনন্দময়ী, মা আনন্দময়ী ! আমার কেবল তাঁহার জ্যোতির্শরয় রূপ মনে পড়িতে

লাগিল। তখনও জানি না, তিনি কে ? তাহা জানিবার চেষ্টা করিবার ক্ষমতাও ছিল না। বিচার করিতে পারিতাম না, বয়স মোটে ১২ বৎসর। কাহাকে অবতার বলে, তাহাও জানিতাম না। তবে কাহাকেও তাঁহার মত ভাল লাগিত না। ছোট সময় পিতা মাতা রাম ও দুর্গাকে ভগবান্ ও ভগবতী বলিয়া শিখাইয়াছেন, তাহাদিগকে মনে মনে ডাকিতাম, নমস্কার কবিতাম। নাগমহাষের দয়ায় সমস্ত ভুলিয়া গেলাম। কি এক ভাব হইল, মনে লইতে লাগিল, তিনি শর্কব্যাপিয়া আছেন, নাগমহাশয় বিনা অপর কিছু নাই। তাঁহাকে ~~যেন~~ ভালবাসিতে ইচ্ছা হইল। তিনি ছাড়া অন্য কোন দেবতা রহিলেন না, কোন আপনও রহিল না। পিতা, মাতা, স্বামী, কাহার কথা মনে হইত না। কেবল তাঁহাকেই দেখিতে ইচ্ছা হইত, তাঁহার কাছে থাকিতে বাসনা হইত। তিনি বিনা যেন আমার আর কিছু ছিল না। জগদ্ধাত্রী প্রতিমার দিকে তাকাইলাম। তাহাও যেন তাঁহারই জ্যোতির্ময় রূপ বলিয়া বোধ হইল। তাঁহার দয়ায় সকল বস্তুতে তাঁহাকে অনুভব করিতে লাগিলাম। তিনি আমার পানে চাহিয়া বলিলেন, মা, সুস্থ হও। তখন আমি তাঁহার দিকে চাহিয়া দেখিলাম, যেন সেই জ্যোতি আর নাই। অন্য সময়ে যেরূপ দেখিতাম, সেই রূপ হইয়াছেন। তিনি আমার হৃদয়ে কি এক ভাব দিলেন, তিনি বিনা আমার মনে আর কিছু রহিল না।

সারদাপিসী আসিয়া নাগমহাশয়কে বলিলেন, ঠাকুর ভাই, উহার মাতা জিজ্ঞাসা করিয়াছে, ও কি এখন খাইতে যাইবে ? তিনি আমাকে বলিলেন, মা, খাইয়া এস। আমি খাইতে গেলাম



সত্য, মনে যেন কি এক ভাব রহিয়া গেল। খাইতে বসিয়া মনে হইতে লাগিল, আজ নাগমহাশয়কে ছাড়িয়া চলিয়া যাইতে হইবে। তাঁহাকে না দেখিয়া কি করিয়া থাকিব। মাকে বলিলাম, মা, আর খাইতে পারিব না, আমি উঠি। আঁ চাইয়া নাগমহাশয়ের কাছে আসিলাম। তিনি তাঁহার শান্তিময় রূপ দেখাইতে লাগিলেন। সন্ধ্যা হইল। আবার দেবীর কাছে ঢাক বাজিতে লাগিল। আমি আবার তাঁহার জ্যোতির্ময় রূপ দেখিয়া, আনন্দে কাঅহারা হইয়া পড়িলাম। তিনি আমাকে ধরিয়া সসিঙ্গন। আমার বাসনা, তাঁহার পা দুখানি ধরি। তিনি পা দুখানা অন্তরিকে রাখিয়া, আমার দুইখানি হাত ধরিয়া, স্নেহের সহিত বলিতেছেন, মা, তুমি আমার দিকে তাকাও। আমি তাঁহার মুখের দিকে চাহিলাম। তিনি বলিলেন, মা, তুমি কি চাও? আমি বলিলাম, আপনার চরণ দুখানি। একজন লোক তাহা শুনিতে পাইয়া বলিল, দুর্গা, ও তোমাকে নমস্কার করার জন্য এত ব্যাকুল হইয়াছে, একবারে নমস্কার করিতে দেও না। তিনি বলিলেন, আমি উহাকে কি নমস্কার করিতে দিব? এ আমাদের এই জগতের মেয়ে নয়, শাপে আসিয়া এজগতে পড়িয়াছে। সকলে মাকে নমস্কার করিতেছে, মায়ের সামনে ও আমাকে নমস্কার করিবে। মায়ের সাক্ষাতে আমি কি করিয়া উহাকে নমস্কার করিতে দিব? নাগমহাশয়ের কথা শুনিয়া কি এক ভাব হইল, আর কিছু জানি না। তিনি কোলে করিয়া লইয়া আমাকে বিছানায় শোয়াইয়া রাখিলেন। জগদ্ধাত্রী প্রতিমার সামনে পা ধরিতে দিলেন না। অন্তরিকার তিনি প্রতিমার সামনে ছিলেন না। তিনি ও আমি মগুপ ঘরের কোণে দাঁড়াইয়া

প্রতিমা দেখিতেছিলাম । ঢাকের বাণ্ড শুনিয়া, জ্যোতির্শয় রূপ দেখিয়া পড়িয়া গিয়াছিলাম । তখন তিনি দয়া করিয়া ধরিলেন, পা ধরিতে দিলেন না । আমিও কেবল পা ধরার জন্য রামকৃষ্ণ দেবের দোহাই দিয়া, তাঁহাকে ধরিয়া মাথা লোটাইয়া পা খুজিতে লাগিলাম । তিনি বলিলেন, ফেপা মা, একি ? আমি বলিলাম, আপনি আমাকে ফেপাইতেছেন । যখন আমার মনপ্রাণ ও চরণ পাওয়াব জন্য পাগল হইল, ও চরণ বিনা আর কিছুতেই শান্ত হইবে না । তখন তিনি 'জয় রামকৃষ্ণ' বলিয়া ভূমিষ্ঠ হইয়া নমস্কার করিলেন । আমি দেবতা বঞ্চিত চরণ-কমল' ধরিতে পারিলাম ।

এখন ইহা মনে পড়িলে, শরীর রোমাঞ্চিত হয় । ভগবান্ দয়া করিয়া যখন জীবের মনপ্রাণ তাঁহাতে একবার ডুবাইয়া দেন, জীব তাঁহাব চরণ ধরার অধিকারী হয় । মন একচুল এদিক সেদিক থাকিলে জীব তাঁহার চরণ পায় না । তখন আমি এত নির্বোধ ছিলাম, কিছুই বুঝিতে পারিলাম না । কেবল তাঁহাকে ভাল লাগিয়াছে, সকল হইতে আপন মনে হইয়াছে । তাঁহাকে চিনিতে পারি নাই । তবে হৃদয়ে তিনি ব্যতীত অন্য কিছু রহিল না । সর্বদা ঐ রূপ দেখিতে ইচ্ছা হইত । সংসারে সকলের সাথে থাকি, কথা বলি, শ্রবণ করি, থাই, সকলই করি, কিন্তু সকল সময় সেই পবিত্র শান্তিপ্রদ রূপ মনে পড়িত । বাড়ীতে আসিব, আমার ইচ্ছা তাঁহার কাছে থাকি । তিনিও দয়া করিয়া আমাকে রাখিতে চান । পিতা ও মাতা তথায় থাকিতে দেন না । আসার সময় দয়াময় স্নেহ করিয়া, আমাকে ধরিয়া বলিলেন, কি ভয় ? আগে মা ও বাপ, পরে তাহারা বেখানে

দিয়াছে, সেই সর্বস্ব ধন। তাহা শুনিয়া আমার মনে হইল, প্রথমে বাবা ও মার ধরে হইয়াছি, তাহাদের কাছেই রহিয়াছি। পরে মা ও বাবা ষাহার হাতে দিয়াছেন, সংসারে সেই সর্বস্ব। নাগমহাশয়কে ছাড়িয়া আসিতে হইবে, প্রাণ কাঁদিয়া উঠিল। তিনি বলিলেন, মা, সংসারে দশজনের মত থাকিবা। তাহা শুনিয়া, মন আরও আকুল হইল! আমি পঞ্চসার তুলসীতলা বসিয়া, না খাইয়া, তাঁহার নাম করি, তাঁহার রূপ দেখি, তিনি কি করিয়া জানিলেন আমি না খাইয়া থাকি? নির্বোধ আমি বুঝিলাম না, তিনি পঞ্চসারে গিয়া আমাকে দেখা দিতে পারেন, আমি কখন খাই, তাহা কি তিনি দেখিতে পান না। দয়াময় দয়া করিয়া লীলা দেখাইতেছেন। আসার সময় নাগমহাশয় আমার প্রাণ আকুল দেখিয়া, স্নেহ করিয়া, আমার মাথায় ও পিঠে হাত বুলাইলেন, এবং বলিতে লাগিলেন, মাগো মা, সকলই ঠাকুরের দয়া। মা, ভগবান্ সকল স্থানে আছেন। ভাবের ঘোরে তাঁহার নিকট হইতে চলিয়া আসিলাম। নৌকায় উঠিয়া তাঁহার রূপ ও গুণ মনে পড়িতে লাগিল। পিতা ও মাতাকে বলিলাম, আমি যে অসময়ে খাই, তিনি দেওভোগে বসিয়া, তাহা দেখিয়া, আমাকে সময়মত খাইতে বলিলেন। তিনি সব জানেন, সমস্ত বুঝিতে পারেন। বাড়ীতে আসিয়া তাঁহার অদর্শনে যেন কেমন বোধ হইতে লাগিল, বিরক্তির সহিত মাকে বলিলাম, তোমার অন্ত আমি দেওভোগে থাকিতে পারিলাম না। জ্যেষ্ঠামহাশয় আমাকে কত ভালবাসেন, কত যত্নে রাখেন। মা হাসিতে হাসিতে বলিলেন, তিনি ভালবাসেন, কিন্তু অন্ত লোক বিরক্ত ভাবে। ছোট ছিলাম, মার কথা শুনিয়া মনে করিলাম,

নাগমহাশয়ের যে খরচ চালাইতে কষ্ট হয়, তাহা দেখিয়া ঠাকুরদাদা বোধ হয় বিরক্ত হন ; কারণ ঠাকুরদাদা পুত্রকে বড় ভালবাসেন ।

আমি মনে মনে স্থির করিলাম, দেওভোগে বেশি দিন থাকিয়া নাগমহাশয়কে কষ্ট দিব না । মণ্ডপে ও তুলসীতলায়, যখন যেখানে ইচ্ছা হইবে, সেই স্থানে বসিয়া তাঁহাকে স্মরণ করিব, সুবিধা পাইলে দেওভোগে গিয়া তাঁহাকে একবার দেখিব । তাঁহার এত দয়া—যখন আমি তুলসীতলায় চক্ষু বুজিয়া রুমিরা তাঁহাকে মনে করিয়াছি, তখনই তাঁহার দেখা পাইয়াছি । আমরা মনে হইত, যেন তিনি সকলদিকে আছেন । তাঁহাকে ধরিতে পারি নাই—তিনি ধরা দিতেন না । কেন ধরিতে পারি নাই, তাহা চিন্তাও করি নাই । তাঁহাকে দেখিয়াই সুখে ছিলাম, কোন কষ্টবোধ করি নাই । কত সময় এইভাবে বসিয়া থাকিতাম । খাওয়ার সময় হইলে মনে হইত, তিনি আমাকে সময় মত খাইতে বলিয়াছেন । সময়মত না খাইয়া পূর্বের মত বসিয়া থাকিলে, যদি তিনি দেখা না দেন । এই কথা ভাবিয়া, আবার নিজেই মনে করিতাম, ১০০বার তাঁহার নাম জপ করিব । ইহার বেশীও নাম করিব । তখন ১০০ পর্যন্ত গণিতে পারিতাম । ১০০ বার তাঁহার নাম না নিয়া খাইব না, এইরূপ ভাবিয়া তাহার নাম করিলাম । তাঁহাকে দেখিলাম । তিনি আমার সামনে আসিয়া হাসিতে লাগিলেন দেখিয়া মনে এমন আনন্দ হইল, —মনে মনে বলিলাম, দেওভোগে গিয়া বলিব, আপনার ১০০ বার নাম জপ না করিয়া আমি খাই না । তিনি তাহা শুনিয়া সুখী হইয়া মাথায় হাত বুলাইয়া, কত আদর করিবেন । তুলসী তলায়

বসিয়া থাকিতাম, যেই খাওয়ার সময় হইত ১০০ বাব নাম জপ করিয়া খাইতে গাইতাম । মনে একটা আনন্দ থাকিত । না খাইয়া, সকল দিন বসিয়া থাকিয়া, তাঁহাকে যেমন দেখিতাম, তাঁহার কথাবুসাবে খইনাও সেই ভাবে সকল দিন এখানে সেখানে তাঁহাকে দেখিতে লাগিতাম । দুবে থাকিয়া দেখা দিয়া-ছিলেন, তিনি ধবা দেন নাই । আমি এত নিরোধ ছিলাম, কখন অন্য লোক আমার কাছে থাকিলে, যেখানে তাঁহাকে দেখিতাম, সেই দিকে হাত তুলিয়া দেখাইয়া বলিতাম, ঐ দেখ জ্যেষ্ঠামহাশয় আসিয়াছেন । এক দিন আমার এক পিসী সন্ধ্যা কবিত্তেছিলেন, তিনি আমার কথা শুনিয়া সন্ধ্যা ফেলিয়া, দৌড়াইয়া আসিলেন । সে স্থানে আমি আব নাগমহাশকে দেখিতে পাইলাম না, পিসীও দেখিতে পাইলেন না । তিনি আক্ষেপ কবিয়া বলিলেন, ঠাকুর ঘাহাকে দয়া কবিয়া দেখা দেন, সেই দেখিতে পায় । এমন নিরোধেব উপব নাবারণের দয়া হইল । আমাদের মন পাপিনী কি দুর্গাচরণেব দেখা পাঠতে পাবে ।

একদিন দুই প্রহর বেলা কেবল মনে হইতে লাগিল, এখন যদি তিনি এখানে আসেন, কেমন সুখ হয় । যদি কেহ আসিয়া বলে, জ্যেষ্ঠা মহাশয় আসিয়াছেন, আমি দৌড়াইয়া পথে গিয়া, তাঁহাকে বাড়ীতে আনিয়া ইচ্ছামত দেখিব । কতক সময় বাহিবে দাঁড়াইয়া এইরূপ চিন্তা কবিয়া, যে পথ দিয়া দেওভাগ হইতে আসি, সেই পথে যাইয়া অনেকদূর পয্যন্ত তাকাইয়া' দেখিতাম, তাঁহাকে আসিতে দেখা যায় কি না । কি এক আনন্দ হইল, মনে হইল যেন তিনি আমার সঙ্গেই আছেন । আমি দ্রুতগতিতে বাড়ী ফিরিতেছি, মনে হইতে লাগিল, তিনি আমার পিছনে আসিতেছেন ।

এমন আনন্দ হইয়াছে, কিন্তু পিছনে তাকাইতে ভয় হয়, যদি তিনি চলিয়া যান। আমি ভাবিলাম, আমি একজন লোককে বলিব, জ্যেষ্ঠমহাশয় আসিয়াছেন। যদি সে তাঁহাকে আমার পিছনে দেখিতে পায়, তবে বুঝিব তিনি সত্যই আসিয়াছেন। তিনি আর বাইতে পাবিবেন না। একটা লোক নিকটে ছিল, তাহাকে বলিলাম, জ্যেষ্ঠা মহাশয় আসিয়াছেন। সে তাঁহাকে না দেখিয়া আমাকে বলিল, জ্যেষ্ঠা মহাশয় আমার অন্ত আসিয়া বসিয়াছেন। ঠাকুর দেখিয়া এভাবে মিথস্কথা বলে না। তাহার কথা শুনিয়া আমি দাঁড়াইয়া রহিলাম। মনে-ভাব—যদি অন্ত কোন লোক বলে, দুর্গাচরণ আসিয়াছে। সমস্ত দিন সেই ভাবে দাঁড়াইয়া রহিলাম, পশ্চাৎ ফিরিয়া চাহিলাম না। বিকাল বেলা অনেক লোক সেই পথে যাতায়াত করিতে লাগিল। কেহই বলিল না, তিনি আসিয়াছেন। আমি সকলের মুখের দিকে তাকাইতে লাগিলাম। আমার মনেব ভাব কেহ বুঝিল না। তখন আমার বিশ্বাস হইল, কেহ তাঁহাকে দেখে নাই। সন্ধ্যা হইল, তুলসীতলার বসিলাম। সে রাতে প্রভু যে ভাবে দয়া করিয়াছিলেন, তাহা মনে হইলে বোমাধিত হয়। এখন তাহা নিশাব স্বপন বলিয়া বোধ হয়। এই ঘটনার পর আর আমি দিনেব বেলায় চক্ষু মেলিয়া তাঁহাকে যেখানে সেখানে দেখি নাই। তুলসীতলা বসিয়া তাঁহাকে দেখিয়াছি। রাতে শুইলে তাঁহার দেখা পাইয়াছি।

একদিন সন্ধ্যার সময় তুলসীতলার বসিয়া চক্ষু মুদ্রিয়া দেখিতে পাইলাম, যে পথে আমি নাগমহাশয়ের অন্ত দাঁড়াইয়াছিলাম, সেই পথে তিনি এক কাণীমূর্তি কাধে করিয়া আনিতেছেন।



তাঁহার ও কালীর রূপে পথ আলোকিত হইয়াছে । সেই আলোতে  
 তাঁহার কাঁধে কালী দেখিয়া মনে একটু ভয় হইল । ভয় হওয়া-  
 মাত্র তিনি তাঁহার রূপ ও আলো সংবরণ করিলেন । আমি ঘরে  
 গিয়া পিতাকে বলিলাম, জ্যেষ্ঠামহাশয়কে দেখিলাম এক কালী  
 কাঁধে নিয়া আসিয়াছেন । যে পথে আসিয়াছিলেন, তাহা  
 অতিশয় উজ্জল হইয়াছিল । তাহা শুনিয়া পিতা হাসিয়া বলিলেন,  
 আমার যে বীজমন্ডের ঘর, তাহা ঠাকুরভাই তোমাকে দেখাইলেন ।  
 যাগো, তোমার জ্যেষ্ঠামহাশয়কে বলিয়া উঁহা আমাকে দেখাইতে  
 পার ? আমি বলিলাম, আচ্ছা, দেখিব । পিতা আমার মনের  
 মত উত্তর দিতে পারিলেন না । তিনি আমাকে জিজ্ঞাসা করিলেন,  
 তুমি কি তোমার জ্যেষ্ঠামহাশয়কে দেখিতে পাও ? আমি বলিলাম,  
 হাঁ । এইসব কথা বলায়, মনটা যেন কিরূপ বোধ হইতে লাগিল ।  
 আমি ভাবিতে লাগিলাম, এই সমস্ত কথা শুনিয়া, যদি জ্যেষ্ঠা-  
 মহাশয় দেখা না দেন । কতটুকু সময় পর দেখিতে পাইলাম,  
 তিনি যেন হাসিতে হাসিতে আমার সামনে দাঁড়াইলেন । তাঁহার  
 জ্যোতির্ময় রূপে আমার কোন ভয় হইত না, মনে অতিশয়  
 আনন্দ হইত—কেবল ঐ রূপ দেখিতে ইচ্ছা হইত । তাঁহার  
 রূপ দেখিতে দেখিতে মনে হইত, এমন সুখ আর নাই, তাঁহার  
 মত আপনার আমার আর কেহ নাই । আমি তাঁহাকে দেখিতে  
 ভালবাসি, তাই তিনি শীতের সময় রাত্রিতে আসিয়া আমাকে দেখা  
 দেন । এইভাবে কতক দিন গেল । দেওভোগ যাইয়া তাহাকে  
 দেখিতে আমার বড়ই ইচ্ছা হইল । তাহা পিতাকে বলিলাম ।  
 পিতা বলিলেন, কেন, মা, তুমিত এখানেই তোমার জ্যেষ্ঠামহাশয়কে  
 দেখিতে পাও । আমি সুবিধামত তোমাকে নিয়া দেওভোগ

যাইব । \* আমারত কাজকর্ম আছে । তাঁহার কথা শুনিয়া আমি চুপ কবিলাম । স্থির কবিলাম, বাডীৰ যে কোন লোক দেওভোগ যাইবে, আমি তাহার সাথে দেওভোগ যাইব ।

নাগমহাশয়ের এমনই দয়া, সেইদিন দেওভোগ হইতে আমার পিসতুতো ভগ্নিকে নিতে লোক আসিয়াছিল । দেওভোগ গ্রামে তাহাব বিবাহ হইয়াছে । লক্ষ্মীনাথায়ণ জীউব মন্দিবের নিকট তাহাব স্বামীৰ বাড়ী । আমাব এক পিসীও সেই নোকায় দেওভোগ যাইবেন । তাহা শুনিয়া আমি পিসীকে বলিলাম, আপনি দেওভোগ যাইবেন, আমি আপনাব সঙ্গে যাইব । পিসী বলিলেন, ঠাকুবভাইযেব বাড়ী আমাব জামাইবাডী হইতে অনেক দূৰ । আমি ভালরূপ পথ চিনি না । পবেৰ জন্ত কেহ সঙ্গে যাইবে না । আমি কাহাকে জোব করিয়াও বলিতে পাবিব না । আমাব সঙ্গে গেলে, জামাতাব বাড়ীৰ লোক বলিবে, আজ তাহাদেব বাড়ী থাকিলে সময় মত নাগমহাশয়ের বাড়ী পৌছাইয়া দিবে । তখন কি করিব ? যে আমাব ভগ্নিকে আনিতে গিয়াছিল তাহাকে জিজ্ঞাসা করিলাম । তিনি বলিলেন, শীতেব সময়, আজ বাত্রিতে কে নাগমহাশয়ের বাড়ীতে যাইবে ? নাথায়ণগঞ্জ যাইতেই বাত্র হইবে । যদি তুমি যাও, আজ আমাদেব বাড়ীতেই থাকিতে হইবে । জগবন্ধু বাবু ভোৱেৰ সময় নাগমহাশয়ের বাড়ী যান, তাহান সঙ্গে যাইতে পাবিবে । আমি নিরাশ হইলাম । যে পিসী ছোট সময় নাগমহাশয়কে চিনিয়া ছিলেন, তাঁহাকে জিজ্ঞাসা কবিলাম, আপনি নাথায়ণগঞ্জ হইতে জ্যেষ্ঠামহাশয়েব বাড়ীৰ পথ চিনেন ? তিনি বলিলেন, আমি ও পথে ছুৰ্গাচৰণেব বাড়ী কখন যাই নাই । যদি ছোট সময় কখন গিয়া থাকি, এখন

পথ মনে নাই । আমাদের কথা শুনিয়া আমার এক পিসতুতো ভাই বলিল, সে নাগমহাশয়ের বাড়ীর পথ চেনে এবং আমাদিগকে তথায় লইয়া যাইতে পারে । বয়সে সে আমার অল্প বড় । পিসী উহার কথায় বিশ্বাস করিলেন না । তিনি ভাবিলেন, নারায়ণগঞ্জ পৌছিতেই রাত্রি হইবে । ও কোন্ পথে কোথায় নিয়া শীতের মধ্যে ঘুড়াইবে । আমি তাঁহাকে এমন ভাবে ধরিলাম, তিনি আমার কথা কেলিতে পারিলেন না । তিনি হাসিতে হাসিতে বলিলেন, দুর্গাচন্দ্রের নাম নিয়া চল । এমন ছেলে মানুষ সঙ্গী লইয়া তাঁহার বাড়ীতে যাইতে কেবল দুর্গাব নামে সাহস হইল । পিসী দেওভোগ যাইতে স্বীকার করিলেন । আমি মাকে সমস্ত কথা বলিলাম এবং তাঁহার অনুমতি পাইলাম ।

মনের আনন্দে দেওভোগ যাইতে লগিলাম । আমাদের বাড়ীর মণ্ডপঘর নমস্কার করিয়া বলিলাম, দেওভোগ যাইয়া যেন নাগমহাশয়কে দেখিতে পাই । নৌকার উঠিয়া মনে হইতে লাগিল, কতক্ষণে দেওভোগ যাইব, কতক্ষণে জ্যেষ্ঠামহাশয়কে দেখিব । সন্ধ্যার সময় নারায়ণগঞ্জ আসিলাম । পিসী বলিলেন, কোন পথে যাইবে চল । অন্ধকার রাত্রি, অচেনা পথ । আমার মনে একবারেই কোন ভয় হইল না, কেবল আনন্দ হইতে লাগিল । ভাবিলাম নাগমহাশয় এখনই আমাদিগকে নিয়া যাইবেন । লক্ষ্মীনারায়ণ জীউব মন্দির পর্য্যন্ত চেনা লোক সঙ্গে ছিল । তৎপর আমার পিসতুতোভাই এমন এক পথ দিয়া আমাদিগকে লইয়া চলিল, তাহা আর শেষ হয় না । অবশেষে অনেক ঘুরিয়া আমরা তাঁহার বাড়ীর কাছে গেলাম । আমি ভাবিতে লাগিলাম কতক্ষণে তাঁহাকে দেখিব ! হঠাৎ তাঁহার বাড়ীর সামনে এক ঝোপের

তিতর দিয়া পথ পাইলাম । নাগমহাশয়দের বাড়ী দেখিতে পাইলাম । হিমের জন্ত মণ্ডপ ধরেব বেড়া দিয়া নাগমহাশয় ও হরপ্রসন্নবাবু বসিয়া আছেন । আমি মনের আবেগে সেই ধরে গেলাম । দয়াময় দয়া কবিয়া আমাকে একবারে তাঁহার কাছে নিয়া গেলেন । আমি একখানা বেড়া ধরিয়াছি, অমনি তাহা খুলিয়া গেল । আমি নাগমহাশয়ের সামনে যাইয়া বসিলাম । মনের আনন্দে মনের মত রূপ নিরীক্ষণ কবিত্তে লাগিলাম । তিনি কতটুক সময় আমার দিকে তাকাইয়া বলিলেন, তুমি কেমন আছ ? আমি ভাল আছি বলিয়া তাঁহার সম্মুখে বসিয়া বহিলাম । হরপ্রসন্নবাবু উঠিয়া বাহিরে গেলেন । আমি নাগমহাশয়কে বলিলাম, তুলসীতলা যাইয়া, চক্ষু বুজিয়ে বসিলে, আপনাকে দেখি । তাহা শুনিয়া তাঁহার দুইটি চক্ষু ঢুলু ঢুলু করিতে লাগিল । তিনি বলিলেন, মাগো, আমাকে কি দেখ ? তুমি এসংসারে ? আমার মনে এমন আনন্দ হইল, কোন কথা আর বলিতে পারিলাম না, কেবল তাঁহাকে দেখিতে লাগিলাম । তিনিও একভাবে আমাকে দেখিতে লাগিলেন । কতক সময় পব মনের আনন্দে তাঁহাকে বলিলাম, ভয় পাইয়া আপনাকে দেখিলাম, সেই অবধি কেবল আপনাকে মনে পড়ে এবং আপনাকে দেখি । তিনি বলিলেন, মা, তোমাব ভয়ে ভূত কাঁপিবে । তুমি কাহার ভয় কর ? তাঁহার মধুমাখা কথা শুনিয়া তাঁহার ভাবে হৃদয় পূর্ণ হইল । মনে হইতে লাগিল, সকলেই যেন তিনি, বাকশক্তি রহিত হইয়া গেল । তাঁহাকে দেখিতে লাগিলাম । তিনি আদর করিয়া মাথায় হাত বুলাইতে লাগিলেন । যাহারা আমার সাথে গিয়াছিলেন, তাহারা এখন নাগমহাশয়কে দেখিতে গেলেন ।

নাগমহাশয় হাসিতে হাসিতে বলিলেন, ও আসিয়াই আমার কাছে বসিয়াছে । পিসীমা বলিলেন, ও কি করিয়া জানিল, তুমি এই ঘরে আছ ? আমি উহাকে না দেখিয়া মনে করিলাম, রাত্রে একাকী কোথায় গেল । আমরা তিন জন একত্র বাড়ীতে আসিযাছি, আমরা বড় ঘরে ঠাকুর কাকার কাছে গেলাম, ও তোমার কাছে আসিল । নাগমহাশয় বলিলেন, উহাকে কে শিখায় ? পিসী বলিলেন, তোমার কাছে আসার জন্য পাগল । আমি পথ চিনি না । এই ছেলেকে নিয়া, তোমার বাড়ী বলিয়া রওনা হইতে সাহস পাইলাম । তিনি এই সব কথা শুনিয়া আমার দিকে তাকাইয়া হাসিতে লাগিলেন । হরপ্রসন্ন বাবু খাইয়া আসিলেন । নাগমহাশয় আমাকে বলিলেন, মা, দুইটা খাইয়া এস । আমি খাইয়া ঘাটে আঁচাইতে যাইব, দেখিলাম, তিনি অন্ধকার রাত্রিতে শীতে ঘাটের পথে দাড়াইয়া আছেন । আমাকে স্নেহ করিয়া বলিলেন, মা, এত ঠাণ্ডা রাত্রিতে ঘাটে আসিলে কেন ? ঘরেইত জল আছে । আমি বলিলাম, মা জল আনিয়াছে, সেই জলে কি করিয়া আঁচাইব, পা ধুইব ? তিনি বলিলেন, জলে দোষ কি ? আমি বলিলাম, না, তাঁহার আনীত জলে আমি আঁচাইতে পারিব না । যখন তিনি দেখিলেন, আমি কোন মতেই মাঠাকুরাণীর আনীত জল দ্বারা আঁচাইলাম না, দয়াময় আমার সাথে ঘাটে গিয়া দাড়াইলেন । আমি আঁচাইয়া আসিলাম । তিনি আমাকে বড় ঘরে নিয়া গেলেন । সারদা পিসী বলিলেন, খুকী কোথায় শুইবে ? তিনি ঘরের মধ্যে এক বিছানা দেখাইয়া বলিলেন, মা, শীতের সময় লেপ গায় দিয়া এই বিছানার শুইয়া থাক । আমি শুইলাম । তিনি চলিয়া আসিলেন । তখন আমার কি এক ভাব

হইল, আমি উঠিয়া নাগমহাশয়ের কাছে গেলাম । তিনি আসনের উপর বসিয়া একটা কমলা লেনু ছাড়াহতেছেন । আমাকে দেখিয়াই হাসিতে হাসিতে বলিলেন, মা, এসেছ ? মাঠাকুরাণীকে বলিলেন, উহাকে একটা কমলা দেও । তাহা শুনিয়া আমার লজ্জা বোধ হইল । অমনি নাগমহাশয় বলিলেন, ছেলে মানুষ কত খায় । এই নেও, কমলাটা খাও । আমি তাঁহার সাক্ষাতে বসিয়া কমলালেবু খাইলাম দেখিয়া তিনি কত সুখী হইলেন । তিনি মাঠাকুরাণীকে আলো ধবিতে বলিলেন, আমি রড় ঘরে যাইব । আমি কিছু বুঝিতে পারিলাম না । তাঁহার সামনে বসিয়া রহিলাম । মাঠাকুরাণী বিরক্তির সহিত বলিলেন, তোমাকে যাইতে বলিতেছেন । আমি নাগমহাশয়কে বলিলাম আমি শুইতে যাই । আলোর কোন দরকার নাই । আপনার বাড়ীতে আমার ভয় হয় না ।

আমি চলিয়া আসিলাম । মনে হইতে লাগিল, তিনি আমাকে কমলালেবুটা খাওয়াইবার জন্য উঠাইয়া নিয়াছিলেন । তিনি দেখা দেওয়ার মত কি ভাবে লইয়া গেলেন ? ইহা ভাবিতে ভাবিতে ঘুমাইয়া পড়িলাম । জাগিলে পর মনে হইতে লাগিল, নাগমহাশয় চারিদিক হইতে আসিতেছেন আবার চলিয়া যাইতেছেন । কতক সময় তাঁহাকে এই ভাবে অনুভব করিয়া, তাকাইয়া দেখি, অন্ধকার আর নাই চারিদিকেই পরিষ্কার হইয়াছে । মনে হইল, এখন তিনি নিশ্চয়ই উঠিয়াছেন । বাহিরে গিয়া দেখিলাম, তিনি মগুপ ঘরের সম্মুখে দাঁড়াইয়া আছেন । আমাকে দেখিয়াই বলিলেন, মা উঠিয়াছ ? শীতের সময় আর একটুক শুইয়া থাকিলে না কেন ? আমি বলিলাম আপনাকে দেখিতে আসিলাম । তিনি

হাসিতে লাগিলেন । মণ্ডপ ঘরে যাইয়া বসিলেন । আমি পিছে পিছে গিয়া তাঁহার কাছে বসিলাম । কতক সময় পর সকলেই তথায় গেলেন এবং তাঁহার নিকটে বসিলেন । তিনি সকলের আপন হইয়া সকলের মনের মত অমিয়মাথা কথা বলিতে লাগিলেন । তাঁহার স্নেহ ও ভালবাসায় এক ভগবানের ভাবই থাকিত । আমার দিকে তাকাইয়া হাসিতে হাসিতে ঠাকুর দাদাকে ( দীন-দয়ালকে ) বলিলেন, এই দেখুন বাপ্ মহাশয়, উহাকে এসব কে শিখায় ? চণ্ডী-মণ্ডপের নিকট একটা তুলসী গাছ লাগাইয়া ও সেখানে বসিয়া থাকে, মনে মনে আনন্দ অনুভব কবে । তাঁহার কথা শুনিয়া ঠাকুরদাদা আমাকে অনেক আদর করিয়া বলিলেন, এখানে কয়েক দিন থাকিবি ? এখানে থাক না ? দুর্গা তোকে কত ভালবাসে । ইহা শুনিয়া আমার মনে হইল, আমি যে মনে করি আমি দেওভোগ থাকিলে ঠাকুরদাদা বিরক্ত হইবেন, তাহা সম্পূর্ণ ভুল । ঠাকুরদাদার কথাষ, আমার সেই ভুল বিশ্বাস চলিয়া গেল । আমি ভাবিতে লাগিলাম, আমরা বাড়ীতে যাহা বলি কিম্বা মনে করি, নাগমহাশয় সমস্ত জানিতে পারেন । এত দেখিয়াও আমি এত নির্বোধ ছিলাম, তাঁহাকে চিনেতে পারিলাম না । সারদাপিসী নিকটে ছিলেন । তিনি হাসিতে হাসিতে বলিলেন, ঠাকুরভাই, আমি পঞ্চসার লোকের মুখে শুনিতে পাই, এমন ছোট মানুষ কাহারও ছায়া মারায় না । নাগমহাশয় হাসিতে হাসিতে বলিলেন, এমন শিশু সকল ঘটে ভগবান্ অনুভব করিতেছে । আমার মনে হইল, ছায়া মারাইতে গেলে, নাগমহাশয়ের কথা মনে হয়, তাঁহার রূপ মনে পড়ে, তাই ছায়া মারাইনা । ভগবান্ কি তাহা জানি না । তিনি আমার দিকে

তাকাইয়া হাসিলেন, আমি তাঁহার স্নেহ তাঁহাতে একবারেই ডুবিয়া গেলাম । তাঁহার রূপব্যতীত অন্য কিছু মনে রহিল না । আমার উপর তাঁহার অপবিমিত স্নেহ দেখিয়া ঠাকুরদাদা হাসিতে লাগিলেন । তিনি বলিলেন, ছোট সময় হইতে এ পর্যন্ত কাহার উপর তুর্গাব এত মনেব টান দেখি নাই । শিশু কাল হইতেই তুর্গাব আপন পব ভাব নাই, কেহ তাহার আপন নাই, কেহ তাব পর নাই । সকলের সাথে একই ভাব । ভগিনী, ভাগিনেয় অথবা অন্য লোকেব সহিত ব্যবহাৰে কোন তফাৎ দেখা যায় নাই । উহার প্রতি তুর্গাব ভিন্ন ব্যবহার । সরদা পিসী হাসিতে হাসিতে বলিলেন, আমাদের বংশে ছেলে ঠাকুর ভাই । ঠাকুর ভাই বংশ পবিত্র করিয়াছেন । ঠাকুরভাইয়ের দয়ায় আমাদের বংশে শ্রেষ্ঠ মেয়ে এই । নাগমহাশয় মুখ খানা ঈষৎ গম্ভীর কবিতা সকল কথা শুনিলেন । সরদাপিসীর কথা শুনিয়া তিনি বলিলেন, চারা গাছে বেড়া । সংসারের কোন ভাব তুর্গাবার পূর্বে ভগবানের ভাব হৃদয়ে পড়িল । এমন কাহার হয় ? আমার দিকে তাকাইয়া হাসিতে লাগিলেন । কি মধুর রূপ ! কি অমৃতোপম হাসি ! তাহা সমস্ত ভূলাইয়া ঐ রূপমাধুরিতে হৃদয় পূর্ণ করিল । সকলেই বাক্শক্তি রহিত হওয়ায় এক মনে তাঁহাকে দেখিতে লাগিলেন ।

বাজারের সময় হইল । তিনি এক খানা নেকড়া হাতে নিয়ে বলিলেন, বাজার করিয়া আসি । আমি তাঁহার পিছনে কতটুকু যাইয়া দাঁড়াইয়া বহিলাম । তিনি হাসিতে হাসিতে বলিলেন, এই আমি আসি । তিনি বাজারে চলিয়া গেলেন । বাজার হইতে আমার পথে এক বাড়ী ছিল । সে বাড়ীৰ সমবয়সী একটা



মেয়ের সাথে খেলা করিতে চলিলাম । মনে খেয়াল রহিল, তিনি কতক্ষণে আসিবেন, খেলা শেষ না হইতেই নাগমহাশয়কে দেখিতে পাইয়া খেলা ফেলিয়া উঠিলাম । মেয়েটি বলিল খেলা আরম্ভ করিয়া শেষ না করিয়া যাও কেন ? কে কাহার কথা শোনে । আমি নাগমহাশয়ের কাছে চলিয়া আসিলাম । তিনি বাজারের জিনিষ রান্নাঘরে রাখিয়া, স্নেহ করিয়া আমাকে নিয়া মণ্ডপ ঘরে বসিলেন । তখন অণু লোক তথায় ছিল না । তিনি হাসিতে হাসিতে আমাকে জিজ্ঞাসা করিলেন, তুমি কি অণু বাড়ীতে বেড়াইতে যাও ? আমি বলিলাম, সময় মময় যাই । আপনি কি অণু বাড়ী যাহতে মানা করেন ? তিনি বলিলেন, দরকার কি ? আবার হাসিতে হাসিতে জিজ্ঞাসা করিলেন, আমাকে যে দেখ, এই কথা পিতা মাতাকে বলিয়াছ কি ? আমার মনে ভয় হইল । আমার মনে হইল, পিতা মাতার কাছে অনেক কথা বলিয়াছি । তাহা শুনিলে, যদি তিনি আর দেখা না দেন । আমি বলিলাম, না । তিনি জোরে হাসিয়া উঠিলেন । তাঁহার হাসিতে আমার জ্ঞান হইল । যিনি এখানে বসিয়া পঞ্চসারে যাইয়া দেখা দিতে পারেন, তিনি কি আর মনের কথা জানিতে পারেন না ? তিনি সব জানিতে পারেন । আমি মিথ্যা কথা বলিয়াছি, লজ্জায় ও ভয়ে অধোবদন হইয়া রহিলাম । আমার তদানীন্তন অবস্থা দেখিয়া তিনি হাসিতে হাসিতে বলিলেন, আর বলিও না । তাঁহার সাস্বনা বাক্য শুনিয়া মনে করিলাম, তিনি কাহার উপর রাগ করেন না । মিথ্যাকথা বলা সত্ত্বেও তিনি আমার উপর রাগ করেন নাই । বোধ হয় তিনি আর দেখা দিবেন না । তিনি বলিলেন, মা, ভয় কি ? ভগবান্ দয়াবান্ ।

ভগবান্ সকল স্থানেই আছেন । তিনি গুণ দেখিয়া গ্রহণ করেন না, আবার দোষ দেখিয়া ফেলিয়া দেন না । তাঁহার অভয় বাণী শুনিয়া আমার মনে হইল, তিনি ভগবান্ । তিনি দয়াবান্ । তিনি সকল স্থানেই আছেন । যেখানে তাঁহাকে দেখিতে চাহিব, সেই স্থানে তিনি দেখা দিবেন । তখনও আমি জানি না, অবতান কাহাকে বলে । তাঁহার কথায় আমার মনে হইল, তিনি ভগবান্ ।

এমন দয়া কে কোথায় দেখিয়াছে অথবা শুনিয়াছে ? যুনি ঋষি কত যুগযুগান্তর কত কঠোর তপস্বী করিয়া ভগবানের দর্শন পায় না, আব আমি ভগবানের জন্ত তপস্বী দূরে থাকুক, তাঁহাকে জানি না, তাঁহার সাক্ষাতে মিথ্যা কথা বলিলাম, তিনি নিজগুণে আমাকে তাঁহার লীলা দেখাইতে লাগিলেন । ইহাকে বলে নিজগুণে দয়া এবং ইহাই প্রকৃত জীব উদ্ধার । নরমেহ ধারণ করিয়া এমন দয়া, এমন অধমতারণ বাসনা কোথায়ও দেখা যায় না । শুনিয়াছি, ভগবানের দয়া হইলে, বোবা কথা বলে, অন্ধে চক্ষে দেখে, পঙ্গু গিরি লঙ্ঘন করে, আমার উপর তাঁহার দয়া দেখিয়া প্রত্যক্ষ অনুভব করি, এই সব সত্যসত্যই হইয়া থাকে । তাঁহার দায়াম্বল লোকের মুখে শ্রুত ঘটনা সত্য বলিয়া প্রতীত হইল । এমন দয়া আর কাহারও হয় না । তিনি নির্বোধ জীবকে লীলা দেখাইয়াছেন, গণ্ডমূর্খকে তাঁহার সত্তা অনুভব করাইতেছেন, অথচ সে তাঁহার লীলা দেখিয়াও, তাঁহাকে মানুষ্য মনে করিয়া, তাঁহার কাছে মিথ্যা কথা বলিল, তিনি হাসি মুখে সমস্ত অবহেলা সহ্য করিলেন । তিনি অবোধকে তাঁহার ভাব বুঝাইয়া শ্রীচরণে স্থান দিলেন, এবং তাঁহার লীলা দেখাইতে লাগিলেন ।

নাগমহাশয় সাক্ষাতে ও অসাক্ষাতে সমভাবে লীলা দেখাইয়া-  
 ছেন । মিথ্যা কথা বলবার পর, তিনি হৃদয়ে বুঝাইয়া দিলেন,  
 তিনি ভগবান্ । তিনি সমস্ত অবস্থায় সমভাবে সকল দেখিতেছেন,  
 সমুদয় জানিতেছেন । তাঁহার অসীম ক্ষমতা দেখিয়া, আমার মনে  
 কি এক ভাব হইল । মিথ্যা কথা শুনিয়া তিনি যে অট্টহাস্ত  
 করিলেন, তাহা বার বার আমার মনে হইতে লাগিল । প্রাণে  
 একটু ভয় হইল, তাঁহার সাক্ষাতে মিথ্যাকথা বলিলাম । মনের  
 ভাব জানিয়া তিনি হাসিতে হাসিতে কি যেন একটা কথা বলিলেন,  
 ঠিক বুঝিতে পারিলাম না । আমার ধারণা হইল, তিনি দোষ  
 গ্রহণ করেন নাই, আমার কোন পাপ হয় নাই । তখন সমস্ত ভয়  
 দূর হইয়া গেল । তাঁহার স্নেহমাখা রূপ মনে পড়িতে লাগিল ।  
 তাঁহার সন্মুখে বসিয়া হৃদয়ে তাঁহাকে দেখিতে লাগিলাম । স্নানের  
 সময় হইল । তিনি বলিলেন, মা, স্নান করিয়া এস । আমি স্নান  
 করিয়া আসিয়া দেখিলাম, তিনি পাছুখানা বুলাইয়া মণ্ডপ ঘরের  
 বারান্দায় বসিয়া আছেন । নমস্কার করিব মনে করিয়া পাছুই-  
 খানার নিকটে উঠানে বসিলাম । আমাকে মাটিতে বসিতে  
 দেখিয়া, আমার পানে চাহিয়া রহিলেন । এমন সময় আমার  
 এক পিসতুতো ভাই হাত জোর করিয়া আমাকে বলিল, নমস্কার  
 কব । অমনি তিনি উঠিয়া দাড়াইলেন । আমার মনে কষ্ট হইল ।  
 উহার জন্ত আমি তাঁহাকে নমস্কার করিতে পারিলাম না । আমার  
 মনে কষ্ট হওয়া মাত্র তিনি এমন ভাবে আদর করিলেন, আমি  
 একবারে গলিয়া গেলাম । তিনি বলিলেন, চুর্গা প্রতিমার ডান  
 ধারে দাঁড় করাইলে লক্ষীর মত দেখা যায় । তাঁহার কথা শুনিয়া,  
 যাহারা সেখানে ছিলেন, তাহারা আমার দিকে তাকাইয়া রহিলেন ।

তিনি আমার পানে চাহিয়া হাসিতে লাগিলেন । নমস্কার করা আর হইল না । নাগমহাশয়কে হাসিতে দেখিয়া, আমি লজ্জায় অধোমুখী হইলাম । তৎপৰ তিনি আমাকে খাইতে খাইতে বলিলেন । আমি জিজ্ঞাসা করিলাম, আপনি কখন খাইবেন ? তিনি বান্নাঘরে খাইয়া খাইতে বসিলেন । আমি বড় ঘরে খাইতে গেলাম ।

কোন সময় ঠাকুর দাদা বলিয়াছিলেন, দুর্গার সুখ ও দুঃখ বোধ নাই । দুর্গা কেবাসিন তৈল খাইয়া থাকিতে পারে । সে কথা আমার মনে হইল । তাড়াতাড়ি খাইয়া গিয়া তাঁহার খাওয়া দেখিতে বসিলাম । তিনি কি ভাবে খান, কি খান, অথবা না খাইয়া উঠিয়া আসেন, এই সমস্ত ভাবিয়া তাঁহার মুখের দিকে তাকাইয়া রহিলাম । খাওয়ার সকল জিনিস পড়িয়া রহিয়াছে । তিনি সামান্য খাইয়াছেন । মিষ্টানের বাটিতে প্রচুর পরিমাণে মিষ্টান আছে, তিনি সামান্য মিষ্টান ভাতের খালাতে লইয়া, এক মুঠ ভাত মিশাইয়া খাইতেছেন দেখিয়া আমার মনে বড় কষ্ট হইল । মনে হইল, যদি মাঠাকুরাণী সাক্ষাতে বসিয়া তাঁহাকে খাইতে বলিতেন, তবে বোধ হয় সুধু মিষ্টান খাইতেন । আমার মনে এই কথা হওয়া মাত্র তিনি বলিলেন, না, আমি এই খাই । এমন সময় মাঠাকুরাণী স্নান করিয়া আসিলেন । নাগমহাশয় আঁচাইতে গেলেন । মাঠাকুরাণী তাঁহাকে কিছু বলিলেন না । তখন আমি বুঝিতে পারিলাম, এই রকমই তিনি খাইয়া থাকেন । ঠাকুর দাদা যথার্থ বলিয়াছেন দুর্গার সুখ ও দুঃখ নাই । সে কেবাসিন তৈল খাইয়া থাকিতে পারে । তিনি আঁচাইয়া আসিলেন । আমি তাঁহার সঙ্গে চণ্ডিমণ্ডপে বসিলাম । তাঁহার কি এক রূপ দেখিলাম ।

দেখিতে দেখিতে তাঁহার জ্যোতির্ময় রূপে হৃদয় পূর্ণ হওয়ায় শরীর অবশ হইয়া পড়িয়া গেল । দেহ পড়িয়া যাওয়ার সময় তিনি তাহা ধরিয়া বাথিলেন । তৎপব কে শোয়াইয়া রাখিল জানি না । সংজ্ঞা হইলে দেখিলাম বড় ঘবের সমস্ত দরজা বন্ধ । আমি একাকী শুইয়া আছি । চক্ষু মেলিয়া, নাগমহাশয়কে না দেখিয়া, মনে কবিতাম, তিনি মণ্ডপ ঘবে বসিয়া আছেন । এই কথা মনে হওয়া মাত্র দরজা নড়িয়া উঠিল । তিনি আমার কাছে আসিয়াছেন । আমার দিকে চাহিয়া, মাগো বলিয়া সামনে বসিয়া, তিনি আমার মাথায় ও পিঠে হাত বুলাইলেন, এবং কতটুকু সময় বসিয়া রহিলেন । তৎপর অতিথিদিগকে তামাক দিতে গেলেন ।

আমাব মাথায় ও পিঠে হাত বুলাইয়া আমাকে কি এক আনন্দ সাগবে বাথিয়া গেলেন । কেবল তাঁহার মুক্তি প্রদাতা-রূপ দেখিতে লাগিলাম । তিনি যে অনন্ত সুখপ্রদ হাত দ্বারা জীবকে ধরিয়া রাখেন, সেই সাক্ষাৎ মুক্তিস্বরূপ হাত আমাব অনুভব হইতে লাগিল । কি দয়া ! কি স্নেহ ! এমন অপাত্রে এমন দয়া কে কোথায় দেখিয়াছে ? যাহাকে জানি না, যাহাকে ভক্তি করি না, যাহাতে বিশ্বাস হয় নাই, এবং সহজ মানুষ মনে করিয়া যাহার নিকট মিথ্যা কথা বলিলাম, তিনি মিথ্যা কথা জনিত দোষ কিম্বা পাপ না ধরিয়া, দয়া করিয়া নিজ পরিচয় দিলেন । আমি এত নির্বোধ ছিলাম, তাহার এত দয়া সত্ত্বেও তাঁহার যথার্থ স্বরূপ বুঝিতে পারিলাম না । আসার সময় তাঁহাকে নমস্কার করতে গেলাম । তিনি স্নেহের সহিত বলিলেন, আমরা তোমাকে নমস্কার দেওয়ার যোগ্য নই । ভগবতী যখন হিমালয়ের ঘরে জন্মিয়া ছিলেন, হিমালয় ভগবতীকে নমস্কার করিয়া ছিলেন ।

তাঁহার দৈনন্দিন আদরে আমার মনে হইল, আপনি ভগবান্ । আমি আপনাকে নমস্কার করিব । আমি ভগবতী মেয়ে না । তিনি বলিলেন, শিশুকালে এমন ভাব কাহার হয় ? একি মানুষ ? এই কথা শুনিয়া আমার মনে হইল, আমি দেবী । দেবী ও মানুষে কত তফাৎ, তাহা আমি জানিতাম না । আমার মনে অহঙ্কার হইল, আমি নাগমহাশয়ের পানে তাকাইলাম । তিনি তাহা লক্ষ্য করিয়া আরও আদর করিলেন । কোন অবতার কি এমন জানিয়া শুনিয়া জীবের অহঙ্কার সহ করিয়াছেন ? তিনি চিরকাল অহঙ্কার হওয়া মাত্র জীবকে সাজা দিয়াছেন । সাজা দেওয়া দূরের কথা, নাগমহাশয় কত আদর করিয়া কত লীলা দেখাইলেন ।

একদিন আমার মনে হইয়াছিল, কি করিয়া তাঁহার প্রসাদ পাওয়া যায় । আমি তাঁহার মুখের দিকে তাকাইলাম । তিনি মনের ভাব জানিয়া একটি হরিতকি মুখে দিলেন, তাহা অন্ন খাইয়া আমার সম্মুখে ফেলিলেন । আমি মনের আনন্দে হরিতকি প্রসাদ বলিয়া চুষিতে লাগিলাম, এবং তাহার পানে চাহিয়া রহিলাম । তিনি আবার একটি হরিতকি খাইয়া ফেলিলেন, আমি আবার মনের আনন্দে প্রসাদ খাইলাম । সেদিন আমার উপরে তাঁহার এত দয়া হইল, তিনি চারিটি হরিতকি খাইয়া আমার সামনে ফেলিলেন । যখন আমি হরিতকি কুড়াইয়া আনিয়াছিলাম, তিনি দাঁড়াইয়া আমাকে দেখিতে ছিলেন । একে মহাপ্রসাদ খাইতেছি, তাহার উপর তিনি স্নেহে আমাকে দেখিতেছেন, আমি আনন্দে আত্মহারা হইয়া গেলাম । তাঁহাকে দেখিতে দেখিতে সংজ্ঞা হারাইলাম । জ্ঞান লাভ করিলে দেখিতে

পাইলাম, দয়াময় আমার সাক্ষাতে বসিয়া আছেন । আমি শুইয়া আছি ।

বাড়ীতে আসিয়া মাকে বলিলাম মা, জ্যেষ্ঠামহাশয়কে কেতু দেখিতে পায় না, অথচ তিনি সকল স্থানে আছেন । আমবা যাহা কবি, তাহা তিনি দেখিতে পান, আমবা যাহা বলি, তিনি তাহা শুনিতে পান । মা কি বুঝিলেন, আমি জানি না । মা আমাকে বলিলেন, তিনি তোমাকে ধরিয়াছেন, তিনি তোমাব সব জানেন । পিতা মধ্য মধ্যই হাসিতে হাসিতে কহিতেন, তোমাব জ্যেষ্ঠামহাশয়ের কথা এখন আব বলিও না । আমি চুপ করিয়া থাকিতাম । জ্যেষ্ঠামহাশয়ের কাছে যে মিথ্যা কথা বলিয়াছিলাম, তাহা পিতার নিকট বলি নাই । নাগমহাশয় তাঁহাব কথা অন্তের নিকট বলিতে মানা করিয়াছেন, তাহাও বলি নাই । তখন আমার বয়স ১২ বৎসর । মোটেই বুদ্ধি ছিল না । আমার কেবল নাগমহাশয়ের কথা শুনিতে, তাঁহাব কথা বলিতে, তাঁহাকে দেখিতে ভাল লাগিত । অন্য কথা বলিতে কিছা শুনিতে আমার বড় ইচ্ছা হইত না । যখন লোকের সাথে কথা বলিতাম, তাহাদিগকে বলিতাম, তিনি ভগবান্ । তিনি সকল স্থানে আছেন । তাহা শুনিয়া, কোন কোন লোক বলিত, মানুষ কি ভগবান্কে দেখিতে পায় ? আমি বলিতাম, মানুষ কি মনের কথা জানিতে পারে ? সে কি এখানে বসিয়া থাকিয়া অন্তস্থানে যাইয়া দেখা দিতে পারে ? তিনি যে আমাকে দেখা দেন, মূর্খ লোকে তাহা বিশ্বাস করিত । তিনি যে সমস্ত জানিতে পারেন, তিনি যে সকল করিতে পারেন, তাহা বিশ্বাস করিত না । তিনি যে এমন ভগবান্ তাহা তাহাদের প্রত্যয় হইত না । আমাকে যে তিনি দেখা দিতেন,

ইহা বিশ্বাস গেল কেন ? কারণ আমার ভয়ে কিটু হইত, এক সময় দম বন্ধ হইয়া আমি মরিতে বসিয়াছিলাম । দেওভোগে না গিয়া, মগুপ ঘরে বসিয়া তাঁহাকে দেখিয়া, সকলের কাছে বলিলাম, জ্যোঠামহাশয় আসিয়াছেন । ভয় ও রোগ উভয় চলিয়া গেল । লোক ভাবিল, এমন ভয়, এমন অসুখ বিনা ঔষধে একরাত্রিতে কি করিয়া সারিল । কত ওঝা, কত জলপড়া, কত মন্ত্র পড়িয়া ঝাড়া, কিছুতেই কিছু হইল না । দিনের দিন ভয় ও রোগ বৃদ্ধি হইতে লাগিল । নাগমহাশয়কে দেখিয়া একরাত্রিতে একবারে ভাল হইয়া গেলাম । তিনি দেখা দিয়া এমন করিয়া গেলেন, ইহাতে কোন ভুল নাই । তখন আমার এমন অবস্থা হইয়াছিল, ভাল মন্দ, শত্রু মিত্র সকলেই বিশ্বাস গেল, তিনি দেখা দিয়া আমাকে ভাল করিলেন, নচেৎ ঔষধ বিনা একরাত্রিতে এভাবে ভাল হইতে পারিতাম না । কিন্তু কাহার মনে বিচার আসিল না, যিনি দেখা দিয়া একরাত্রির মধ্যে মৃত্যুমুখে পতিত লোকের দেহ সূস্থ ও শাস্তিময় মন করিলেন, তিনি কে ? অগ্র পরের কথায় কি, আমিও বুঝিলাম না, তিনি কি ? তবে আমি তখন ছোট ছিলাম । আমার শুদ্ধ বুদ্ধি ছিল না ।

সময়ে কোন কোন বৃদ্ধ লোক বলিত, নাগমহাশয় নারায়ণ । কেহ বলিত, তিনি দেবতা । কেহ তাঁহাকে মহাপুরুষ বলিত । আবার কেহ বলিত, এমন সাধু, এমন মহাত্মা হয় না । যে নাগমহাশয়কে নারায়ণ বলিত, তাহাকে আমার নিকট ভাল লাগিত । তবে তাঁহার শ্রীমুখের কথা শুনিয়া মনে যে ভাব হইত, কাহার সাথে সে ভাবে কথা বলিয়া সুখ পাই নাই । কয়েক দিন অনেক কথা বলিয়াছি । তৎপর কাহার সাথে বেশী কথা বলিতে



ইচ্ছা হইত না । কাহার সহিত কোন বিষয়ে বাদানুবাদ করিতাম না । আমার পিতা কখন কখন হাসিতে হাসিতে নাগমহাশয়কে মহাপুরুষ বলিতেন । তাহা শুনিয়া আমি মনে করিতাম, ভগবান্কে বোধ হয় মহাপুরুষ বলে । এ কথায় ভাল বোধ হইত না । একদিন রাত্ৰিতে কথায় কথায় স্বামীকে বলিলাম, পিতা নাগমহাশয়কে মহাপুরুষ বলেন । তিনি বলিলেন, তোমাদের কথা আমি বুঝিতে পারি না । নাগমহাশয় ভগবান্ । তাঁহাকে ভগবান্ বল । ভগবান্ ব্যতীত কেহ জীবকে দেখা দিতে পারেন না । যখন নাগমহাশয় তোমাকে দেখা দেন, তোমার পিতা সেইস্থানে ছিলেন । তিনি সমস্ত দেখিলেন, সকল কথা শুনিলেন, তোমাকে এমন অসুখের হাত হইতে অব্যাহতি পাইয়া সুস্থ হইতে দেখিলেন, তথাপি যদি তিনি নাগমহাশয়কে মহাপুরুষ বলেন, অদৃষ্ট সকলেব চেয়ে বলবান্ বলিয়া মনে কবিব । আমি এক দিন নাগমহাশয়ের কাছে বসিয়া আছি, আমার মনে হইল, তিনি এগন এখানে বসিয়া আমার সাথে কথা কহিতেছেন, পঞ্চসার যাইয়া তাহাকে দেখা দিতেছেন । তখন তিনি হাসিয়া হাসিয়া আমার সাথে কত কথা বলিলেন । বলদেখি, ভগবান্ বিনা কেহ কি এমন করিতে পারেন ? সাধু কিম্বা মহাপুরুষ কোন মতেই তাহা করিতে পাবে না । স্বামীর কথা শুনিয়া আমার মনে অতিশয় সুখ হইল । নাগমহাশয় দয়া করিয়া তাঁহাকে যেমন বুঝাইয়া ছিলেন, স্বামী সেইরূপ তাঁহার বিষয় বলিলেন । স্বামী ব্যতীত অন্য কাহার মুখে নাগমহাশয়ের বিষয়ে এমন সুন্দর কথা শুনি নাই । সে সময় আমি ছোট ছিলাম, লজ্জা হওয়ার আর বেশি কিছু বলিতে পারিলাম না । চুপ করিয়া রহিলাম । আমি চিন্তা করিতে

লাগিলাম, নাগমহাশয়ের বামপদেব কনিষ্ঠ অঙ্গুলি জোড়া কেন ! স্বামীকে এই কথা জিজ্ঞাসা করিব মনে করিয়াছি । অনেক সময় চুপ করিয়াছিলাম । তিনি ঘুমাইয়াছেন কিনা জানি না । তাহার সহিত কথা বলিতে লজ্জা হইতেছে, অথচ মনে এমনত আনন্দ হইয়াছে । স্বামী প্রথমবাব নাগমহাশয়কে দেখিয়াই বলিয়া ছিলেন, ইনি আমাদের মত লোক নন । যখন স্বামী তাঁহাকে ভগবান বলিয়া আমাকে বুঝাইলেন, কনিষ্ঠ অঙ্গুলীকথা অবগুই বলিতে পারিবেন । মনের আবেগে পাশু ফিরিলাম । স্বামী ঘুমান নাই জানিতে পারিয়া তাঁহাকে জিজ্ঞাসা করিলাম, নাগমহাশয়ের পাষেব কনিষ্ঠ অঙ্গুলিটা জোড়া কেন ? স্বামী বলিলেন, তাঁহার দয়া । তিনি ভগবান্, তাই যখন তিনি চলিয়া যাইবেন, যদি আমরা তাঁহাকে ভুলিয়া যাই, সেই ভ্রম তিনি একটা অঙ্গুলি বেশি নিয়া আসিয়াছেন । সমস্ত ভুলিয়া গেলেও অঙ্গুলিটা মনে থাকিবে । স্বামীর ভক্তি-পূর্ণকথা শুনিয়া মনে এমন সুখ হইল যে, লজ্জা ত্যাগ করিয়া নাগমহাশয়ের বিষয় অনেক কথা বলিলাম, অনেক কথা শুনিলাম । আমি স্বামীকে বলিলাম, আমরা অনেকেই এই বিষয়ে অনেক কথাবার্তা করিয়াছি, কেহই তাঁহার পাষেব কনিষ্ঠ অঙ্গুলিব এমনত ব্যাখ্যা কবিতে পারি নাই । তাঁহার ভক্ত, তাই ঠিক বুঝিয়াছ । আমার মনে কষ্ট হইল, তিনি চলিয়া গেলেও আমরা এই সংসাবে থাকিব । স্বামী চুপ করিলেন । আমি চিন্তা করিতে লাগিলাম, স্বামী যাহা বলিয়াছেন, তাহা সত্য । তাঁহার কনিষ্ঠ অঙ্গুলিটা জোড়া হওয়ার সকলেই একবার তাঁহার কথা মনে করে, তাঁহার বিষয় আলোচনা করে । আমাদের মত হইলে, কেহ আর

তাঁহার পায়ের অঙ্গুলির কথা এত বলিত না । যাহা হউক তিনি চলিয়া গেলে আমি এজগতে থাকিব না । আমি যে ভাবেই হউক প্রাণ দিব । আর, তিনি কি আমাদিগকে ছাড়িবেন ?

এই সমস্ত কথা অতিশয় গোপনীয় । আমি অতিশয় ছোট ছিলাম, আমার কোন গুণ ছিল না যে নাগমহাশয়কে লাভ করিতে পারি, কিম্বা তাঁহার দয়া পাইতে পারি । তিনি যাহা দেখাইয়াছেন, তাহা শুধু তাঁহার অহেতুক দয়া । সেই দয়া বা অলৌকিক ক্ষমতা প্রকাশ করিবার জন্ত ইহা লিখিলাম । জগৎ দেখুন, তাঁহার কত ক্ষমতা ছিল । সাধু কি মহাপুরুষে জীদৃশ শক্তির বিকাশ পায় না, ইহাই আমার উদ্দেশ্য ।

---

## দেশে অবস্থান ।

ছোট সময় যখন আমি আত্মহত্যা করিতে ছিলাম, নাগ মহা-শয় রক্ষা করিয়াছিলেন। তিনি নিজগুণে আমাকে তাঁহার পরিচয় দিয়া বলিয়াছিলেন, তিনি ভগবান্, তিনি সকল স্থানে আছেন। মনে করিতাম আমি তাঁহাকে কখন হারাইব না। হা কর্মভোগ! যে মন তাঁহাতে এমন বাঁধাছিল, আজ সে মন তাঁহা হইতে একবারে বিচ্ছিন্ন হইয়া সংসারে পড়িল। আমার উপর তাঁহার অসীম দয়া ছিল, তাই তিনি পিছনে থাকিয়া ধরিয়া রহিয়াছেন। আমি তাঁহাকে ভুলিলাম সত্য, তিনি আমাকে ছাড়িলেন না। সংসারে জড়িত হইবার পূর্বে দয়াময় দয়া করিয়া অনেক সময় বলিয়াছেন, 'দেহ থাকিলে ভোগ আছে। আমি তাঁহার স্নেহে কিছুই বুঝিতে পারি নাই। আমার পতনের কারণ মনে হইলে কষ্টে হৃদয় ফাটিয়া যাইতে চায়। কি করি? উপায় নাই, ভুগিতেই হইবে। বিনা দোষে আমার দণ্ড হইল। মনে করিয়া ছিলাম একথা প্রকাশ করিব না, মনের দুঃখ আর চাপিতে পারিলাম না! মনে হয়, হয়, হার কাহাকে লইয়া কি খেলা করিলাম। এই নির্বোধকে এত দয়া করিয়া, এমত লীলা দেখাইয়া, এত স্নেহ করিয়া এ ভাবে সংসারে ছাড়িয়া দিলেন। যিনি আমাকে সমস্ত অবস্থায় দেখা দিতেন, যিনি সর্বদাই আমার হৃদয়ে থাকিতেন, তিনি লুকাইয়া রহিলেন, এ হৃদয়ে সয়তানে বাসা করিল। কেন এমন হইল?

আমি এমত নির্বোধ ছিলাম, কোন কথাই ভাল করিয়া বুঝিতে পারিতাম না। যখন আমি ছোট ছিলাম—ছোট কি বড় চিন্তার বিষয় নয়—নাগমহাশয় কি ছিলেন, আমি তাহা জানিতাম না। নাগমহাশয়কে দেখিতে গিয়াছি। দেওভোগ যাইয়া মা ঠাকুরাণীর বিব দৃষ্টিতে পড়িলাম। কারণ কিছু বুঝিতে পারি নাই। মা ঠাকুরাণী সময় সময় নাগমহাশয়কে রাগিয়া বলিয়াছেন, যে আমার আত্মীয় ভালবাসে না, তাঁহার আত্মীয়ও আমি ভাল বাসিব না। তাহা শুনিয়া সুখময় হইয়াও মুখখানা ঈষৎ মলিন করিয়া বলিয়াছেন, ও তোমার কোন ক্ষতি করে নাই। তাহাতে মা ঠাকুরাণী আরও বাগিয়া বলিয়াছেন, যতদিন আপনি আছেন ততদিন একভাবে যাইবে, পরে সকল ভূত একত্র হইয়া আমাকে মারিবে। তিনি বলিয়াছেন, যদি তোমার মনে হয়, তোমাকে ভূতে মারিবে, কে ধরিতে পারে? বনেব ভূতে মারে না, মনের ভূতে মারে।

সুখময় হইয়াও এইরূপ কথা শুনিয়া নাগমহাশয় বিষম মুখে চোরের মত বসিয়া রহিয়াছেন। আমি নাগমহাশয়ের কাছে থাকিয়া এই সমস্ত কথা শুনিয়া, মলিন মুখে তাঁহার দিকে তাকাইয়া রহিয়াছি। তাঁহাকে নিরন্তর দেখিয়া মা-ঠাকুরাণী আবাব বলিয়াছেন, ইহারা কেবল দেখিয়াই সুখী। যাহাকে দেখিতে আসে তাহার সুখের দিকে চায় না। চক্ষু দেখে উনি সময় মত খান না, সময় মত শোন না, লোকের জগ্ন কত খাটিতে হয়। একটা মানুষ কি বহুরূপী হয় যে তাহাকে বার বার দেখিতে হইবে। স্বাধীন হইয়াও তখন তিনি পরাধীনের মত বলিয়াছেন, তাহা তুমি কি বুঝিবা ;

যাহার চক্ষু আছে, সে আমাকে বহুরূপীই দেখে । সুখময় হইয়াও আমার জ্ঞান মুখপদ্ম মলিন করিয়া মা ঠাকুরাণীর সাথে এ ভাবে কত কথাই না বলিয়াছেন । আমি কেবল তাঁহাকে দেখিতে ভালবাসি, তাঁহার মুখের পানে চাহিয়া দাঁড়াইয়া রহিয়াছি । মা ঠাকুরাণীর কোন কথা আমার মনে লাগে নাই । নাগমহাশয়ের জ্ঞান কষ্টও হয় নাই । যতটুকু সময় তাঁহার মুখমলিন দেখিয়াছি, ততক্ষণ মুখ কাল করিয়া তাঁহার মুখের দিকে তাকাইয়া রহিয়াছি । সুখময় বেশী সময় মুখ মলিন করিয়া থাকিতেন না । তাঁহার হাসি দেখিলেই আমি সমস্ত ভুলিয়া গিয়াছি । আমি কয়েকদিন দেওভোগ গেলে পর মা ঠাকুরাণী এ ভাবে নাগমহাশয়কে কর্কশ কথা বলিয়া আমাকে শুনাইয়াছেন । ইচ্ছা আমি আর তথায় না যাই ।

আমি দেওভোগ গেলে, নাগমহাশয় সময় মত খান না, সময় মত শোন না, আমার জ্ঞান তাঁহাকে খাটিতে হয় । যখন তাঁহাকে ভালবাসি, তাঁহার কষ্ট দেখিয়া আর যাইব না । কয়েক দিন এই ভাবে বগড়া করিয়া যখন মাঠাকুরাণী দেখিলেন, আমি যাওয়া বন্ধ করিলাম না, একদিন মাঠাকুরাণী নাগমহাশয়ের অসাক্ষাতে আমাকে বলিলেন, তিনি তোমাকে সামনে এত আদর করেন, ভালবাসেন, অসাক্ষাতে তোমাকে কত মন্দ বলেন । তাহা শুনিয়া আমার মনে বড় আঘাত লাগিল । আমি ভাবিলাম, যখন তিনি অসাক্ষাতে আমার নিন্দা করেন, তিনি বোধ হয় আর আমাকে দেখা দিবেন না । তাঁহাকে জিজ্ঞাসা করিব, কি করিলে আমি ভাল হইতে পারি । নাগমহাশয় বাজারে গিয়াছিলেন, তিনি বাড়ীতে আসিলে, তাঁহাকে দেখা মাত্র তাঁহার স্নেহে সব ভুলিয়া

গেলাম । এমন আশ্চর্যের বিষয়, মনে একথার একটু দাগ পর্য্যন্ত  
রহিল না ।

পঞ্চসার আসিয়া সময় সময় এই কথা মনে পড়িত । দেওভোগ  
গেলে নাগমহাশয় বাজারে গেলেই মাঠাকুরাণী আমাকে এই কথা  
বলিতেন । আমিও নাগমহাশয়কে এবিষয়ে জিজ্ঞাসা করিব মনে  
করিতাম । তাঁহার স্নেহে তাঁহাকে দেখিলেই সমস্ত ভুলিয়া  
যাইতাম । নাগমহাশয়ের অসাক্ষাতে মাঠাকুরাণীর কথায় মনে  
কষ্ট পাইয়াছি, বাজার হইতে আসিয়া তিনি আমাকে অতিশয় যত্ন  
করিতেন, স্নেহ করিয়া ভগবানের কথা বলিতেন, এবং মধ্যে মধ্যে  
বলিতেন, মানুষকে বিশ্বাস করিও না । আমি নির্বোধ ছিলাম,  
তখন কিছুই বুঝিতাম না । তাঁহার আদরে তাঁহাকে দেখিয়াই  
সুখী হইতাম । মাঠাকুরাণী এই কথা বলিয়াও যখন দেখিলেন,  
আমি দেওভোগ যাওয়া বন্ধ করিলাম না, তিনি অভিসম্পাত দিতে  
লাগিলেন । কি করিয়া দেওভোগ না যাইয়া পারি ? এমন  
মনের মত আরাধ্য দেবতা পাইয়া, কেহ কি তাঁহাকে না দেখিয়া  
থাকিতে পারে ? তাঁহাকে না দেখিয়া থাকিতে পারি নাই ।  
তাঁহার স্নেহে বশীভূতা হইয়া অনেক দিন তাঁহা হইতে দূরে  
থাকিতে পারি নাই । একমাস তইলেই মন অস্থির হইয়া  
উঠিত । এবং তাঁহাকে না দেখিবই বা কেন ? তখন আমার  
বয়স কম ছিল । কখন কখন আমার মনে হইত, যদি ধলেশ্বরী  
নদী শুকাইয়া যাইত, হাটিয়া দেওভোগে যাইতে পারিতাম,  
রোজ তাঁহাকে দেখিয়া আসিতে পারিতাম । নৌকায়  
যাইতে হয় বলিয়া একমাসে একবার যাই । এখন কি করিয়া  
তাঁহাকে না দেখিয়া আছি ? অবশেষে মাঠাকুরাণী আমাকে

শাপ দিও লাগিলেন । দুই একবার অভিসম্পাদ দিয়া আমার বড় কিছু করিতে পারেন নাই । তিনি আমার সাথে কথা বলা একবারে বন্ধ করিয়া দিলেন । আমি নাগমহাশয়ের সাক্ষাতে থাকিতাম । দূর হইতে আমার নজর পড়িলেই দেখিতাম, মাঠাকুরাণী দাঁত কড়মড় করিয়া কি জানি বলিয়া মুখ ঘুরাইয়া ফেলিতেন । তখন আমার মনে হইয়াছে, তিনি যে এভাবে দাঁত কড়মড় করিয়া, অকাবণ আমাকে গালি দিতেছেন, নাগমহাশয় তাহা দেখিলে তাঁহাকে বকিবেন । মাঠাকুরাণী দাঁত কড়মড় করিয়াছেন, আব আমি নাগমহাশয়ের দিকে তাকাইয়া অনস্তমুখ পাইয়াছি । তাঁহাব গালি আমাকে কোন কষ্ট দিতে পারে নাই । যখন তাঁহাকে ভুলিয়া সংসারে মজ্জিলাম, তাঁহাব শাপ হাড়ে হাড়ে অনুভব হইতে লাগিল । তাঁহার কাছে থাকিয়া, নাগমহাশয়ের আদরে মনে কষ্ট হয় নাই । তাঁহার অসাক্ষাতে হৃদয় সংসারে প্রবেশ করিতে আরম্ভ করিলে মনে করিতাম, আমার কি হইল ?

সময় সময় নাগমহাশয় বলিতেন, এ জগতে এক স্মৃধী দেখিয়াছি রামকৃষ্ণ দেবকে ; তিনি বলিয়াছেন, তাঁহার জালা নাই । তখন আমার মনে হইয়াছে, মাঠাকুরাণীর জালা নাই । মুখ খানা ঈষৎ মলিন করিয়া নাগমহাশয় বলিতেন, সংসারের জালায় দগ্ধ হইয়া যাইতেছে । একটী লোক আমার কাছে বলিয়া যাইতে পারিবে না যে, তাহার জালা নাই । তিনি কখন কখন আমাকে সাধনা দিয়া বলিতেন, যা সংসার ক্ষেত্র কর্ম-ক্ষেত্র, এখানে আসিলেই ভোগ । তাঁহার নিকট হইতে আসিলে, তাঁহার অব্যর্থ বাক্যের অর্থ হৃদয়ঙ্গম হইয়াছে । কখন কখন মনস্তাপ হইত, যে মন তাঁহাকে ছাড়া অস্ত কিছু জানিত না, আজ সেই মন তাঁহার সাক্ষাতেও কত



ছাইভষ্ম চিন্তাকরে । একদিন মনে অত্যন্ত কষ্ট হইল । আমি চিন্তা করিতে লাগিলাম, মন এভাবে কি করিয়া ঠাঁহাকে ভুলিয়া বহিল । উদ্দেশে মনের কষ্ট নাগমহাশয়কে জানাইয়া কাঁদিলাম, তিনি আমাকে বুঝাইয়া দিলেন, মা ঠাকুরাণীর শাপে আমার এই অবস্থা হইয়াছে । তখন কাঁদিয়া ঠাঁহাকে বলিলাম, বাবা, এমন ভগবান্কে কি কেহ না দেখিয়া পারে ? আমি মাঠাকুরাণীর নিকট কোন দোষ করি নাই, স্নুধু দেওভোগ যাইয়া তোমাকে দেখিয়াছি । কত লোক দেওভোগে গিয়াছে, সকলের অন্তই রান্না করিতে হইয়াছে । আমি কি করিয়া ঠাঁহাকে বেশী কষ্ট দিয়াছি ? নাগমহাশয়ের নিকট আশা পাইলাম । প্রাক্তন ভোগ আছে, ভুগিতেছি । আমার পূর্বের মত ঠাঁহাকে হৃদয়ে রাখিতে পারিব । সেই দিন হইতে মা ঠাকুরাণীর ব্যবহার, দাঁত কড়মড়ি, সমস্তই মনে হইতে লাগিল । যখন মনে অতিশয় কষ্ট হয়, মনে কবি, বাবা, অকারণ আমার হৃদয় তোমাধনে বঞ্চিত হইতেছে ; তুমিই দেখিও, আমি কিছু বলিব না ।

আমি ছোট সময় অনেক বার নাগমহাশয়কে বলিয়াছি, আপনি আমাদের বাড়ীতে যাইবেন ? তিনি হাসিতে হাসিতে বলিতেন, যদি ঠাকুর নেন, তবে যাইব । একদিন বহুবার বলায়, তিনি বলিলেন, যদি বামরুক্ষণদেব নিয়া যান, একদিন যাইব । কয়েক মাস পন আমার কি এক রকম ভাব হইল । আমি পিতা'ক বলিলাম, আপনি দেওভোগ যাইয়া, জ্যেষ্ঠামহাশয়কে নিয়া আসুন । পিতা আমার কথা মত দেওভোগ যাইতে রাজি হইতেছেন না । অবশেষে আমার ভাবের খোর দেখিয়া, তিনি ও আমার খুড়ো বিমলবাবু বিজয়াদশমীর পর দিন ঠাঁহাকে

আনিত্তে গেলেন। নাগমহাশয় ঠাকুরদাদাকে বলিলেন, বাপু মহাশয়, পঞ্চসাব হইতে আমাকে নিতে আসিয়াছে। খুকী আমাকে যাইতে বলিয়াছে। নাগমহাশয় সর্বদা আমাকে খুকী বলিয়া ডাকিতেন। ঠাকুর দাদা তাহা শুনিয়া অতিশয় স্নেহী হইলেন এবং তাঁহাকে বলিলেন, তুমি কি যাইবে? যদি তুমি যাও, এক খানা পবিষ্কাব কাপড় পবিয়া যাইও। তিনি পঞ্চসাব আসিবেন শুনিয়া অনেক লোক অনেক বাধা জন্মাইতে লাগিল। কেহ বলিল, আজ মাস দশ, কেহ বলিল, আজ ত্র্যম্পশ, কেহবা বলিল, আমি কাল চলিয়া যাইব, আপনি কি কবিয়া আজ এখান হইতে যাইবেন। তিনি কোন বাধা মানিলেন না, নৌকায় উঠিলেন। পিতা মহা আনন্দে তাঁহাকে লইয়া নৌকা ছাড়িলেন। সন্ধ্যাব পব তিনি আমাদের বাড়তে আসিলেন। স্বামী তাঁহাকে দেখিয়া বাড়ীতে দৌড়াইয়া আসিয়া, নাগমহাশয়ের পৌছ সংবাদ দিলেন। আমি দৌড়াইয়া ছুটলাম। কতক দূর যাইয়া দেখিতে পাইলাম, তিনি বাটীর কাছে আসিয়াছেন। তিনি পথে আমার হাত ধরিলেন এবং হাসিতে হাসিতে আমাকে জিজ্ঞাসা করিলেন, আমি কেন তাঁহাকে আসিতে বলিয়াছি। আমি হাসিতে হাসিতে দয়াময় হাত ধরিয়া বলিলাম, আপনাকে দেখাব জন্ত। নাগমহাশয় আমাদের বাড়ীতে গিয়াছেন শুনিয়া, অনেক লোক তাঁহাকে দেখিতে আসিল। অনেক লোক কীর্তন করিতে লাগিল। তিনি মগুপ ধরবে এক কোণে বসিয়া বহিলেন।

হায়, আমি কি পাষণী। নাগমহাশয় দয়া করিয়া আমাকে দেখিতে গেলেন, কিন্তু আমি তাঁহার কোন মত্ন করিলাম না। সে দিন তাঁহার বড় কষ্ট হইয়াছিল। তিনি একাদশী তিথিতে পঞ্চমার

গিয়াছিলেন। পিতা একাদশীৰ উপবাস কবিতেন। মা বামা কবিতো যাইতেছেন। নাগমহাশয় বলিলেন, আমাব অন্ত বাধিবেন না, বাজকুমাব যাহা খাইবে, আমিও তাহাই খাইব। সকলে বলিল, বামা কবিতো কাহাব কষ্ট হইবে না। কিন্তু তাঁহাব কথাৰ উপব কাহাবও কথা চলিল না। তিনি পিতাব সহিত খাইতে বসিলেন। সামান্ত চিনি, নাবিকেল খণ্ড, ভিজামুগ ও একখানা সন্দেশ খাইতে দেওয়া হইল। তিনি তাহাও খাইতে চান না। আমিও আমাব পিতা অনেক বলিলাম, তিনি কিছুতেই তাহা খাইতে বাজি হইলেন না। তিনি আমাকে বলিলেন, মা, সংসাবে সকলে সন্দেশ ভালবাসে, তুমি আমাকে সন্দেশ খানা দাও এবং অন্ত জিনিষ সডাইয়া বাখ। আমাব মনে হইল এই সকল জিনিষ তাঁহাব সম্মুখে আনিয়াছি, কি কবিয়া তাহা ফিৰাইয়া লইয়া যাইব। আমি সমস্ত জিনিষ হইতে অল্প কবিয়া দিতে লাগিলাম। তিনি তাহাতেও হাসিয়া হাসিয়া আপত্তি কবিতো লাগিলেন। সন্দেশেরও একটুকু দিলাম। আমার মনে হইল, যখন সকল জিনিষ হইতে কিছু কিছু দিয়াছি, যদি সম্পূর্ণ সন্দেশ দিলে, তিনি না খান। আমাব এমন দুৰ্ভাগ্য একখানা সন্দেশ তাঁহাব হাতে দিতে পারিলাম না। নাগমহাশয় এই সমান্ত আহাব কবিয়া সেই রাত্র যাপন কবিলেন।

অনেক বাত্র পর্য্যন্ত কীৰ্ত্তন হইয়াছিল। নাগমহাশয় আমাকে শুঠিয়া থাকিতে বলিলেন। আমি স্মুখে বিছানায় শুইতে গেলাম, একবার ভাবিলাম না, তিনি কোথায় শুইবেন। পরদিন তিনি আমাব উঠিবার পূর্বে শয্যাত্যাগ কবিয়া ছিলেন। পায়খানা হইতে ষটি হাতে কবিয়া পুকুবেব ঘাটে নামিতেছেন দেখিয়া আমি

সেই ঘাঁটে গেলাম । তিনি আমাকে দেখিয়াই হাসিতে হাসিতে জিজ্ঞাসা করিলেন, আমি কখন উঠিয়াছি । আমি জিজ্ঞাসা করিলাম, আপনি কোথায় শুইয়াছিলেন ? বাহির বাড়ী শুইয়া ছিলেন শুনিয়া আমি বিছানা দেখিতে গেলাম । যাইয়া দেখিলাম, যে স্থানে ঢাকী শুইয়াছিল, সেই বারান্দায় তিনি একখানা মাদুর পাতিয়া শুইয়া ছিলেন । পিতার নিকট শুনিলাম, তাঁহার বিছানা তক্তপোষের উপর কবা হইয়াছিল । পিতা ও বাহির বাড়ীতে শুইতে চাহিয়াছিলেন, কিন্তু নাগমহাশয় তাহাকে বাড়ীর ভিতর পাঠাইয়া দিলেন । পিতা শুইতে আসিলে পর তিনি একখানা মাদুর লইয়া বারান্দায় শুইলেন । তাঁহার কত অবদ্ব করা হইল । তাঁহার খাওয়ার ও শোয়ার মোটেই যত্ন হইল না এবং আমিই এই কষ্টের কাবণ হইলাম ।

একগতে আমার মত অধম নাই, তাই নাগমহাশয় আমার প্রতি অহেতুক দয়া করিয়া ছিলেন ! তিনি নিজগুণে আমাকে ভালবাসিতেন । হাত মুখ ধুইয়া আসিয়া একছিলুম তামাক খাইলেন । কতলোক তাঁহাকে দেখিতে আসিয়াছে । তিনি সকলের সাথে হাসিমুখে কথা কহিতেছেন । তিনি বালকের মত হাসিতে হাসিতে মগুপ ঘরের পিছনে যে কলাবাগান ছিল, তাহা দেখিতে চাহিলেন । আমি মনের আনন্দে তাঁহার আগে চলিলাম । তিনি আমার পিছনে ছিলেন । যাওয়ার সময় আমরা ঠিক পথ ধরিয়া গিয়াছিলাম । আসার সময় আমি পথ ভুলিয়া গেলাম । আমি জানিতাম না যে বাগানের ভিতর দিয়া একটা পথ ছিল । তিনি আমাকে ভাল পথ দেখাইয়া ছিলেন, আমি তাহা বুঝিতে পারিলাম না, অন্য দিকে চলিয়া গেলাম ।

কতকদূর অগ্রসর হইয়া দেখিতে পাইলাম, সেই দিক দিয়া কোন পথ নাই, বেড়া দেওয়া হইয়াছে। অবশেষে তাঁহার প্রদর্শিত পথে বাগানের বাহির আসিলাম। তিনি দয়া করিয়া পথ দেখাইয়া দিলেন, আর আমি তাহা বুঝিতে পারিলাম না, পথের তালাসে চলিলাম। আমার ঈদৃশ মন দেখিয়াও নাগমহাশয় দয়াপরবশ হইয়া আমাকে তাঁহার লীলা দেখাইলেন এবং ধবিয়া পথে পথে রাখিতে ছিলেন।

বাড়ীতে আসিয়া নাগমহাশয় দক্ষিণেব ঘরের বারান্দায় বসিলেন। মেয়ে ও পুরুষ সকলেই তাঁহাকে দেখিতে লাগিল। আমরা দেখিয়াছি, তিনি সকলকে তামাক সাধিয়া দিতেন এবং সকলের সাথে তামাক খাইতেন। স্মৃতবাৎ একবার মনে কবিলাম তাঁহাকে একছিলুম তামাক দিব, আবার ভাবিলাম, যদি তিনি তাহা না খান। অনেক সময় ভাবিয়া কল্পিওজদয়ে একছিলুম তামাক তাঁহাব নিকট লইয়া যাইয়া নাগমহাশয়কে বলিলাম, দেওভোগে আপনি সর্বদা তামাক খান, আমি আপনার জন্ত তামাক আনিয়াছি, আপনি নিন্। তিনি দয়া করিয়া হাসিতে হাসিতে তাহা গ্রহণ করিলেন। কতক্ষণ পরে আর এক ছিলুম তামাক তাঁহাকে দিতে গেলাম, তিনি বলিলেন, মা, আবার কেন তামাক আনিয়াছ ? আমি বলিলাম, বাড়ীতে আপনাকে অনেকবার তামাক খাইতে দেখিয়াছি, তাই ইহা আনিয়াছি। আবার তামাক নিলে কি বলিবেন ভাবিয়া আর তাঁহাকে তামাক খাইতে দেই নাই। নাগমহাশয়কে পাইয়া, বাড়ীর সকল লোকই অতিশয় আনন্দিত। নাগমহাশয়কে দেখিতে আসিয়া সকলেই আমাকে নানা কথা বলিতে লাগিল। আমিও

প্রাণ ভরিয়া তাঁহাকে দেখিলাম, তাঁহার কাছেই রহিলাম। তিনি  
 মে কি খাইবেন, একবাবও তাহা ভাবিলাম না। মা বান্না  
 করিতে গেলেন। আমার ছোট পিসী বিনয়ের সহিত মাকে  
 বলিলেন, বড় ঠাকুরাণী, 'তুমি দেওভোগ বাইয়া ঠাকুর ভাইকে  
 রান্না করিয়া দেও, আজ আমি বান্না করিতে ইচ্ছা করি। আজ  
 যদি বান্না করিতে না পাবি, ঠাকুরভাইকে রান্না কনিয়া খাওয়ান  
 আমার কপালে ঘটবে না। মা তাঁহাকে রান্না করিতে দিলেন।  
 ছোট পিসী বান্না করিলেন। আমি নাগমহাশয়কে ধাইতে  
 ডাকিলাম। তিনি বলিলেন, বাজকুমারকে ও আমাকে এক-  
 জায়গায় খাইতে দাও। আমি বলিলাম, আপনি একাকী এক  
 ঘবে খান। বাবা অগ্ৰস্থানে এখনই বসিবেন। নাগমহাশয়  
 আবার আমার পিতার সহিত খাইবেন বলায়, একস্থানে তাঁহাদের  
 আশ্রয় দেওয়া হইল। তিনি ও পিতা খাইতে বসিলেন। পিতাকে  
 এক থালায় এবং তাঁহাকে অপব থালায় ভাত দিলাম। তাঁহাকে  
 যে ভাত দিয়াছিলাম, তাহার সিকিভাগ ভাত অগ্ৰ থালায় তুলিয়া  
 লইলেন। মাছ তবকারি অল্প করিয়া লইয়া খাইতে আরম্ভ  
 করিলেন। তিনি অতি সামান্ত খাইলেন, কিন্তু পিতাকে বলিলেন,  
 তুমি কি খাও? বড় বড় গ্রাস মুখ দাও। পিতা হাসিতে  
 হাসিতে বলিলেন, আমি কি আপনার চেয়েও কম খাইলাম?  
 আমি তাঁহার থালা ধুইতে পুরুয়েব ঘাটে ধাইতেছি দেখিয়া, তিনি  
 আমার পানে চাহিয়া হাসিতে লাগিলেন। তখন আমি তাঁহাকে  
 তামাক দিলাম না। কে তাঁহাকে তামাক দিল, আমি জানি না।  
 কি কাজ করিলাম? তিনি অগ্ৰকোন জিনিস বড় খাইতেন না।  
 তামাক বারে বাবে খাইতেন, তাহাও দিলাম না। আমার মত

পাষণী কি তাহাব যত্ন কবিত্তে পারে ? এমন কি নিয়মত তামাক পর্যন্ত তাঁহাকে দিলাম না ।

আমরা খাইয়া উঠিলাম । নাগমহাশয় আমাকে কিছু বলিলেন না । তিনি আমার পিতাকে বলিলেন, সেইদিন তিনি বাড়ী যাইবেন । পিতা হাসিতে হাসিতে তাঁহাকে বলিলেন, আপনি জানেন আর মেয়ে জানে, আমি ও বিষয় কিছু জানি না । পিতা আমাকে বলিলেন, মাগো, আজই তোমার জ্যেষ্ঠামহাশয় বাড়ী যাইবেন । আমি পিতাকে বলিলাম, তাঁহার বাবার সাধ্য কি আজ্ঞা বান । তিনি আজ কোথায় যাইবেন ? তিনি হাসিতে হাসিতে বলিলেন, আমার পিতা হইলে আজ থাকিতেন, কারণ আমার পিতা আমার চেয়ে সোজা । ইহা বলিয়া নাগমহাশয় চুপ করিলেন । আমি তাঁহাকে দ্বিজ্ঞাসা করিলাম, আপনি কি আজই যাইবেন ? কতটুকু সময় চুপ করিয়া থাকিয়া, বালকের মত বলিলেন, হা, বাবাকে বলিয়া আসিয়াছি, আজই বাড়ীতে ফিরিয়া যাইব । ইহা বলিয়া, তিনি মণ্ডপ ঘর নমস্কার করিয়া, সকলের নিকট বিদায় লইলেন । বাঁহারা তাঁহার চেয়ে বয়সে বড় ছিলেন, তিনি তাঁহাদিগকে নমস্কার করিলেম । আমাকে বলিলেন, মা, আসি গিয়া ? তুমি শাস্ত থাকিও । অল্পবেলা থাকিতে তিনি রওনা হইলেন । আমরা মনে করিয়া ছিলাম, আমরা তাঁহার সহিত নৌকার ষাট পর্যন্ত যাইব । তিনি কাহাকেও সঙ্গে যাইতে দিলেন না । আমরা কতদূর যাইয়া দাঁড়াইলাম । যত দূর পর্যন্ত নাগমহাশয়কে দেখা গেল, আমরা দেখিলাম । তিনি কতদূর যাইয়া, ফিরিয়া আসিয়া দেখিলেন, আমরা তখনও জলে দাঁড়াইয়া আছি কি না । আমাদেরিগকে জলে

দাড়াইয়া থাকিতে দেখিয়া তিনি বাব বাব আমাদিগকে ফিরিয়া বাডী আসিতে বলিলেন, এবং সেই স্থানে দাড়াইয়া বহিলেন । বাডীতে ফিরিয়া আসিতে বলা সত্ত্বেও যখন আমি দাড়াইয়া ছিলাম, তিনি পিতাকে আমাকে নিম্নে বাডী যাইতে বলিলেন । পিতা আমাকে বলিলেন, তুমি এখানে থাকিলে, তিনি দাড়াইয়া থাকিবেন । তাহাতে তাঁহাব কষ্ট হইবে । আমরা চলিয়া আসিলাম । নাগমহাশয়কে দেওভোগ পৌছাইতে একটা নৌকা ভাড়া করিয়া পাঠান হইল । সে নৌকায় মাঝি আমাদের বাডীর নিকটে বাস করিত । তাহাকে দেখিয়া তিনি বলিলেন, আমি খুকীকে কাদায় দাড়াইয়া থাকিতে দেখিয়া আসিয়াছি । সে কি বাডীতে গিয়াছে ? মাঝি বলিল, তাহারা সকলেই বাডীতে গিয়াছে এবং আপনাকে দেওভোগ পৌছাইয়া দিতে আমাকে পাঠাইয়া দিয়াছে । নাগমহাশয় তাহাব নৌকায় যাইতে অস্বীকার করিলেন । তিনি অন্য নৌকায় আসিলেন । তিনি যে নৌকায় আসিয়া ছিলেন, সেই নৌকায় মাঝি তাঁহাকে পথে নামাইয়া দিয়াছিল । কয়েক দিন পর আমরা দেওভোগ বাইয়া শুনিলাম, নাগমহাশয় কাপড় ভিজাইয়া বডী গিয়াছিলেন ।

নাগমহাশয় চলিয়া আসিলে, আমার মনে দাক্ষণ কষ্ট হইল । আমাকে দেখিতে আসিয়া তিনি কত কষ্টই না করিলেন । ভাল মত খাওয়া হইল না, মাটিতে শুধু মাহুর পাতিয়া সমস্ত রাত্রি শুইয়া কাটাইলেন এবং যাওয়ার সময় নৌকা পাঠান সত্ত্বেও অনেক জল ও কাদায় হাঁটিয়া অন্য নৌকা লইয়া গেলেন । আমরা কোন যত্ন করিতে পারিলাম না । তাঁহাকে যে সন্দেশখানা দিতে পারিলাম না, তাহা কোন মতেই ভুলিতে পারিতেছিলাম না ।



আমার মনে হইতে লাগিল, যদি আমি সাহস করিয়া সন্দেশখানি তাঁহাকে দিতাম, তিনি নিশ্চয়ই খাইতেন। অনেক সময় এইরূপ ভাবিয়া মাঝে বলিলাম, মা, তিনি আমাকে সন্দেশ দিতে বলিয়া-ছিলেন, আমি তাঁহার জন্ত অনীত খাওয়া জিনিষ হইতে অল্প পরিমাণ দিলাম। তিনি সন্দেশের এক অংশ খাইলেন। সমস্ত সন্দেশখানা তাঁহার হাতে দিলাম না। যদি দিতাম, তিনি বোধ হয় তাহা নিতেন। মা বলিলেন, যখন আমরা দেওভোগ যাইব, সন্দেশ নিব। জীব ভাল কাজ করিতে অনেক সময় নেয়। নাগমহাশয় কার্তিক মাসে আমাদের বাড়ীতে আসিয়াছিলেন, মাঘ মাসে আমরা সন্দেশ লইয়া দেওভোগ গেলাম। নানা কারণে তিন মাস দেওভোগ যাওয়া হইল না। সন্দেশ, দুগ্ধ ও কমলা লেবু লইয়া আমরা দেওভোগে গেলাম।

আমার মার উপর নাগমহাশয়ের অতিশয় দয়া ছিল। মা দেওভোগে গেলে অনেক দিন মাঠাকুরাণী অম্পৃষ্ঠা হইতেন। এই সুযোগে মা রান্না করিতে পারিতেন। যেদিন আমরা গেলাম, সেইদিন মাঠাকুরাণী রান্না করিতে পারিলেন না। মা নাগমহাশয়ের জন্ত রাখিলেন, দুগ্ধ ক্ষীরে পরিণত করিলেন। তাঁহার বাসনা, তিনি নাগমহাশয়কে ক্ষির ও সন্দেশ খাওয়াইবেন। মনে অত্যন্ত আনন্দ, কাজ করিতে কোন ওজর নাই। সন্ধ্যার সময় কীর্তন আরম্ভ হইয়াছিল। কীর্তন শেষ না হইলেও আর নাগমহাশয় খাইবেন না। কীর্তনের সময় তিনি ঘরের এককোণে একখানা চট পাতিয়া বসিতেন। বাহারা কীর্তন করিতেন, তিনি তাঁহাদিগকে তামাক দিতেন। লোক চলিয়া গেলে, বাহারা নাগমহাশয়ের বাড়ীতে থাকিতেন, তাঁহারা

খাইতেন। সকলেব খাওয়া হইয়া গেলে, নাগমহাশয় খাইতে বসিতেন ।

মার বান্না হইয়া গিয়াছে । যে ঘবে কীৰ্ত্তন হইতেছিল, সেই ঘরের এককোণে নাগমহাশয় বসিয়া আছেন । আমি বড় ঘরে শুইয়াছি । মা ভাবিলেন, তিনি লোকের মধ্যে বসিয়া আছেন, অন্ধকারে পুকুরে যাইয়া, হাত মুখ ধুইয়া আসিলে, নাগমহাশয় বুঝিতে পারিবেন না । কিন্তু মা যাহা ভাবিলেন, তাহা হইল না । মা ঘাটে খাইতে না খাইতে, নাগমহাশয় বড় ঘবে যাইয়া বলিলেন, খুকী কোথায় ? তিনি কোন দিন এইভাবে আমাকে খোঁজেন নাই । আমি তাঁহার কথা শুনিয়া উঠিলাম এবং তাঁহার ডাকার কারণ জিজ্ঞাসা করিলাম । তিনি শিশুর মত গদগদ করিয়া আমাকে বলিলেন, তুমি শুইয়াছ, আর তোমাব মা অন্ধকারে ঘাটে গিয়াছেন । তোমার মার কষ্ট দেখিয়া আমার কান্না আসে । আমি অমনি বাতি লইয়া মার কাছে পুকুরে গেলাম এবং মাকে বলিলাম, তুমি ত জান তিনি কোন লোকের কষ্ট দেখিতে পারেন না, কোন লোককে কাজ করিতে দেন না । তুমি কেন এইভাবে অন্ধকারে একাকী আসিলে ? তিনি বড় ঘরে গিয়া আমাকে বলিলেন, তোমার মার কষ্ট দেখিয়া আমার কান্না আসে । মা খতমত খাইয়া গেলেন । তিনি বলিলেন, আমি মনে করিয়াছিলাম, তিনি এত লোকের মধ্যে বসিয়া আছেন, আমি যে পুকুরে যাইতেছি, তাহা খেয়াল করিতে পারিবেন না । আমি বলিলাম, কি ভ্রান্ত জীব ! যিনি অন্ধকারে পিপিলিকার পা দেখিতে পান, তিনি একটা মানুষকে চলিয়া খাইতে দেখিবেন না । যাহা হউক, তিনি যাহা তাৎপাসেন না, তাহা করিতে হর

না। মা চোরের মত বাড়ীতে আসিয়া রান্না ঘরে বসিয়া  
রহিলেন।

কীর্তন শেষ হইল। সকলে খাইল। নাগমহাশয়ের খাওয়ার  
জন্ত আসন পাতা হইল। জলের গ্লাস দিয়া যেখানে দাঁড়াইলে  
তাঁহাকে দেখা যায়, মা সেই স্থানে দাঁড়াইয়া মনে মনে তাঁহাকে  
খাওয়ার জন্ত বলিলেন। তিনি খাইতে যাইতেছেন না দেখিয়া,  
মা তাঁহাকে খাইতে যাইতে বলাইলেন। আমি নাগমহাশয়কে  
খাইতে যাইতে বলিলাম। তিনি বলিলেন, যখন তোমার মা  
আসেন, আমার জন্ত কষ্ট করেন। আমি মনে মনে বলিলাম,  
কাহার সাধ্য আপনার জন্ত কষ্ট করে? নাগমহাশয়ের খাওয়ার দেড়ি  
দেখিয়া, মা ঠাকুরদাদাকে বলিলেন, দেখুন, তিনি খাইতে যান  
না। ঠাকুরদাদা তাঁহাকে ডাকিয়া কাছে আনিয়া বলিলেন,  
ভূর্গা, তুমি খাইতে যাও। নাগমহাশয় বলিলেন, উনি যখন  
আসেন, তখনই কাজ করেন, ইহাতে আমার বড় কষ্ট হয়।  
ঠাকুরদাদা বলিলেন, বৌ তোমার জন্ত কষ্ট করিয়া রান্না করিয়া  
বসিয়া আছে, আর তুমি না খাইলে বোর মনে অতিশয় স্মৃথ  
হইবে—এই কি তুমি ভাবিয়াছ? বৌ তোমার জন্ত রান্না  
করিয়াছে, তুমি খাইলেই স্মৃথী হইবে। তুমি খাইতে যাও।  
নাগমহাশয় আর কোন কথা না বলিয়া খাইতে বসিলেন। মা  
তাঁহাকে খাইতে দিলেন। মনের মত করিয়া ক্ষীর ও সন্দেশ  
তাঁহাকে দিলেন। তিনি সহজাবস্থায় কম খাইতেন। তিনি  
অল্প খাইলেন। তাঁহার খাওয়া হইলে, মা ঠাকুরাণীকে খাইতে  
ডাকিলেন। মা ঠাকুরাণী কিছুতেই খাইবেন না। তিনি বলিলেন,  
আপনারা আপনার ভাস্করের জন্ত আসেন, ভাস্কর খাইলেই

হইল । মা বলিলেন, তা কেন হইবে ? আমরা আপনাদের জন্মই আসি । অবশেষে মা ঠাকুরাণী খাইতে বসিলেন । ক্ষীর খাওয়ার সময় বলিলেন, আপনার ভাস্কর ক্ষীরের টাছি ভাল-বাসেন । তাহা শুনিয়া, মা ক্ষীর ও সন্দেশ শিকায় তুলিয়া রাখিলেন ।

আমার মা জানিতেন, পবদিবস মা ঠাকুরাণী রান্না করিতে পারিবেন না । তিনি মনস্থ করিয়াছিলেন, মধ্যাহ্নে নাগমহাশয়কে খাওয়াইয়া বাড়ীতে ফিরিয়া যাইবেন । নাগমহাশয় বাজার হইতে রোহিত মৎস্য ও দুগ্ধ আনিলেন । মা রাখিলেন । নাগমহাশয় হাসিতে হাসিতে খাইতে গেলেন । সেই দিন একাদশী তিথি ছিল । আমি তাঁহাকে সন্দেশ ও ক্ষীর দিলাম । তিনি আমাকে বলিলেন, আমি এত খাইতে পারিব না । তুমি কতক নেও । আমি বলিলাম, আমি আপনাকে দিয়াছি, আমি আর নিব না । তিনি হাতে তুলিয়া দিয়া বলিলেন, তুমি ইহা খাও এবং ছেলেদিগকে দাও । আমি হাতে লইয়া বসিয়া আছি । তিনি আমাকে তাহা মুখে দিতে বলিলেন । নাগ-মহাশয় এত স্নেহের সহিত বলিলেন, আমি তাহা মুখে না দিয়া পারিলাম না । আমার মনে হইয়াছিল, তিনি ক্ষীর ও সন্দেশ খাইলে আমি খাইব । ক্ষীর ও সন্দেশ মুখে দেওয়ারাত্র মুখে এত জল উঠিল যে তাহা মুখে রাখিতে কষ্ট হইতেছে । আমাব কষ্ট হইতেছে দেখিয়া, তিনি খাইতে আরম্ভ করিলেন । রসনা আনন্দান পাইয়াছিল বলিয়া আমিও কষ্টের হাত এড়াইলাম । তাঁহাকে খাইতে দেখিয়া আমার মনে আনন্দ ধরে না । মা তাঁহাকে ভাত দিলেন । যাহা খাইতে পারেন, এমত সামান্য

ভাত খাইলেন । তিনি কাহাকে তাহার উচ্ছিষ্ট দিতেন না । তিনি সকল জীবে ভগবৎ উপলব্ধি করিতেন । আচাইতে যাইয়া প্রথমে কুলকুচ করিয়া খাইতেন । তৎপর মুখ ধুইতেন, যেন মুখের ভিতর যে খাদ্য থাকিত তাহা অগ্ন জীবে না খায় । শরৎ বাবু বলিয়াছেন, কত বই পড়িয়াছি, কত মহাপুরুষের জীবনী পাঠ করিয়াছি, কিন্তু নাগমহাশয় যেমন জীবে জীবে শিবজ্ঞান করিয়াছেন, প্রত্যেক নারীকে গৌরী ভাবিয়াছেন, এমন আর কোথায়ও দেখি নাই ।

নাগমহাশয় আচাইয়া, হাসিতে হাসিতে আসিয়া আমার মাকে বলিলেন, উহাকে আমার উচ্ছিষ্ট দিবেন না । এমন স্নেহমাখা হাসি, যেন আমি এই কথা শুনিয়া মনে কষ্ট না পাই । তাঁহার সাক্ষাতে ভিন্ন খালায় খাইতে বসিলাম । তিনি সকলই জানিতেন । আমি তাঁহার প্রসাদ হাতে করিয়া নিয়া, তাঁহাব মুখ পানে চাহিয়া মুখে দিলাম । তিনি সস্নেহে আমার দিকে তাকাইয়া সেই স্থান হইতে চলিয়া গেলেন । আমি ভাত খাইয়া, তাঁহার কাছে যাইয়া বসিলাম । মা-ঠাকুরাণীর সহিত আমার মা খাইতে বসিলেন । আমি ভাবিতেছিলাম, আর কতটুকু সময় এখানে আছি, মা খাইয়া উঠিলেই আমরা চলিয়া যাইব । তিনি আমাকে জিজ্ঞাসা করিলেন, মা একটা টাকা নেবে ? আমি নিব না বলিলে, তিনি বলিলেন, দশটাকা আছে, তুমি একটা টাকা নেও । আমি বলিলাম, আমি টাকা লইয়া কি করিব ? মনে মনে বলিলাম, আমাতে আপনার দয়া থাকিলেই যথেষ্ট, আমি আপনার নিকট টাকা চাহি না । সময় সময় টাকার অভাবে আপনার কষ্ট হয় । বিশেষতঃ, আমার

টাকার কোন দাবী নাই । আমি কিছুতেই টাকা নিব না । আমার ছোট ভাই শিবকুমার সেখানে দাঁড়াইয়াছিল, তিনি তাহাকে সেই টাকা নিতে বলিলেন । আমি তাহাকে বলিলাম, জ্যেষ্ঠমহাশয়ের টাকা নিতে হয় না । সে সরিয়া গেল । নাগমহাশয় আমাকে বলিলেন, তুমি কেন উহাকে বারণ করিলে ? আমি বলিলাম, সে টাকা লইয়া কি করিবে ? তিনি বলিলেন, খেলা করিবে । আমি মনে মনে বলিলাম, মান্না আবার টাকা দিয়া খেলা করিবে ? আমি শিবকুমারকে বলিলাম, তুমি মাকে ছুঁইয়া দাঁড়াইয়া থাক, তাহা হইলে তিনি আর টাকা দিতে পারিবেন না । সে মাকে ধরিয়া দাঁড়াইয়া রহিল । তিনি শিশুর মত চঞ্চল হইয়া তাহার পকেটে টাকা ফেলিয়া দিলেন । ঠাকুরদাদা বলিলেন, দুর্গা টাকা দিয়াছে, লইয়া যাও । যদি টাকা না নেও, আমার মনে কষ্ট হইবে ।

শীতকাল । দুইটা বাজিয়াছে । মা বলিলেন, আমি খণ্ডর ঠাকুরকে ভাত খাইতে দিয়া বাইব । যদি বাড়ী বাইতে সামান্য রাত্রিও হয়, তাহাও ভাল । সকলে খাইয়া বিশ্রাম করিয়া উঠিলেন । তখন ঠাকুরদাদার মস্ত পড়া শেষ হয় নাই । মা রান্নাঘরে বসিয়া আছেন । নাগমহাশয় রান্নাঘরের দরজার নিকট দাঁড়াইয়া আছেন এবং হাসিতে হাসিতে কি বলিতেছেন । আমি বড়ঘর হইতে তাহা দেখিয়া, তাহার কাছে গেলাম । তিনি চুপ করিয়া দাঁড়াইয়া আছেন এবং মা উননে আগুন জালিয়া নাগমহাশয়ের বরাবর হইয়া, একটু আড়ালে দাঁড়াইয়া রহিয়াছেন । মা আমাকে দেখিতে পাইয়া বলিলেন, তিনি ঠাকুরের জন্য কিছু রান্না দিতে আসিয়াছিলেন, উননের আগুন নিবান দেখিয়া

আর বলিলেন না, তজ্জন্য আমি আগুন জালিয়াছি। তুমি তাঁহাকে জিজ্ঞাসা কর, কি বাঁধিতে হইবে। আমি নাগমহাশয়কে বলিলাম, বনুন না, কি বাঁধিতে হইবে? মা বাড়ীতে কত কষ্ট কবেন। এখানে আপনাব কাজ কবিত্তে পাবিলে, মা কত সুখী হইবেন। নাগমহাশয় বলিলেন, আগুন নিবান হইয়াছে, আবার কষ্ট কবিত্তে হইবে। বাপমহাশয় পাট পাতা ভাজা খান। মা তাঁহার কথা শুনিয়া মহা আনন্দে পাটপাতা ভাজিলেন এবং ঠাকুর দাদাকে খাইতে দিলেন। ঠাকুর দাদা মাব হাতে খাইয়া বড়ই সুখী হইতেন। তিনি মাকে ভালবাসিতেন।

নাগমহাশয় আমাদের সহিত যেমন ব্যবহার করিতেন, সেইরূপ তাঁহার রূপাদৃষ্টিও ছিল। মা শিবচতুর্দশী উপবাস করিতেন। একবার মার মনে হইল, তিনি উপবাসের দিন নাগমহাশয়কে দেখিবেন। পিতাকে বলা হইল। তিনি সংঘমের দিন মাকে বলিলেন, আজ তাডাতাড়ি বান্না কবিয়া খাইয়া দেওভোগ চল। তাহা হইলে, আমবা গেলে ঠাকুর ভাইয়ের কোন কষ্ট কবিত্তে হইবে না। আমবা তাহা শুনিয়া খুব সুখী হইয়া দেওভোগ অভিমুখে রওনা হইলাম। সন্ধ্যার সময় আমবা পৌঁছিলাম। বাইয়া দেখিলাম, নাগমহাশয় পথে দাঁড়াইয়া আছেন। তাঁহাকে দেখিয়াই আমার মনে হইল, আমরা যে তাঁহাব বাড়ীতে বাইতেছি তিনি তাহা বাড়ীতে বসিয়াই দেখিতে পাইয়াছেন। তাই তিনি এগিয়ে এসে পথে দাঁড়াইয়াছেন, কেন বাড়ীতে পৌঁছিবার পূর্বে তাঁহাকে দেখিতে পাই। আমাকে দেখিয়া, সন্নেহে তাকাইয়া, তিনি আমার সঙ্গে বাড়ীতে আসিলেন। অত্যান্ত বাঁহা বা গিয়াছিলেন, তাহাদিগকে কে

কেমন আছেন জিজ্ঞাসা করিলেন। সকলেই নাগমহাশয়কে দেখিয়া নয়নের তৃপ্তি লাভ করিতে লাগিলেন। আমার পিতা মনে করিয়াছিলেন, দেওভোগ গেলে যত কম গোল হইবে, নাগমহাশয়কে তত বেশী সময় দেখিতে পাইবেন। আমরা বাড়ী হইতে খাইয়া গিয়াছিলাম, যেন নাগমহাশয়কে বাজাব করিতে না হয় এবং মাঠাকুরাণীকে রান্না করিতে না হয়। কিন্তু নাগমহাশয় না খাইয়া থাকিতে দেন নাই। জীবের কৌশল তাঁহার নিকট টিকিল না। সন্ধ্যার সময় তিনি ছুধের জন্ত গোয়ালাবাড়ী গেলেন। দুগ্ধ বাড়ীতে রাখিয়া বাজারে গেলেন, খই, ছাতু, গুড়, মৎস্ত ইত্যাদি লইয়া রাত্রিতে বাড়ী আসিলেন। যখন তিনি বাজারে রওনা হইলেন, আমরা সকলেই বলিলাম, আপনি কোথায় যান। আমরা বাড়ী হইতে খাইয়া আসিয়াছি। তিনি শুধু বলিলেন, আমি এখনই আসিতেছি। অনেক সময় পর তাঁহাকে বাজার হইতে খাণ্ডদ্রব্য নিয়া আসিতে দেখা গেল। সকলেই মনে করিলেন, এ সময় আসিয়া ভাল কাজ হয় নাই। তাঁহাকে অথবা অনেক কষ্ট দেওয়া হইল। আমাদের বুদ্ধির ক্রটিতে তিনি অন্ধকার রাত্রিতে, এতবড় বোঝা লইয়া বাজার হইতে আসিলেন। নাগমহাশয় বোঝা নামাইয়া এমন ভাবে দাঁড়াইলেন, যেন তাহার কোন কষ্ট হয় নাই। কতটুকু সময় এইভাবে থাকিয়া, মগুপ ঘরে যাইয়া বসিলেন। কীৰ্ত্তন হইতেছিল। কীৰ্ত্তনের সময় দেখিয়াছি, তিনি কাহাকে বাতাস দিয়াছেন, কাহার নিকট তামাক সাজিয়া নিয়াছেন, যাহার বাহা দরকার, তাহাকে তাহা দিয়া তিনি সুখী হইয়াছেন। ইহার মধ্যে যদি কেহ নাগমহাশয়ের সহিত কথা কহিতে চাহিত, তিনি তাহার



সঙ্গে কথাও বলিতেন । সকল সময় তাঁহার মুখ অমিয়হাসিমাখা ছিল । এমন আশ্চর্যের বিষয়, এই সময়ের মধ্যে যদি কেহ বাড়ী যাইত, তিনি তাহার পিছনে পিছনে আলো লইয়া যাইতেন । এত লোকের এত কাজ করিতেন, অথচ কেহ মনে করিতে পারিত না, নাগমহাশয় উহাকে আদর করিলেন না । সকলেই ভাবিত নাগমহাশয় আমাকে অতিশয় যত্ন করিলেন । কোন লোক ভাবিত তাঁহার বাটী হইতে আসার সময় নাগমহাশয় আমার সঙ্গে আসিয়া আলো ধরিলেন । যে তাঁহাকে দেখিতে যাইত, সে মনে করিত, তিনি আমার কাছে বসিয়া আছেন । তিনি একাকী এত কাজ করিতেন ।

শিবচতুর্দশীর উপবাস করিয়া নাগমহাশয়কে দেখিবেন ভাবিয়া, মা দেওভোগ গিয়াছিলেন । নাগমহাশয় তাঁহার সকল বাসনা পূর্ণ করিলেন । পরদিন মা ঠাকুরাণী অস্পৃশ্যা হইলেন । মার মনে মহা আনন্দ । তিনি উপবাসী থাকিয়া নাগমহাশয়ের সেবা করিবেন । মা রান্না করিতে গেলেন । নাগমহাশয় বাজার হইতে ছন্ধ, মৎস্য ও নানমত দ্রব্য আনিলেন । মা রান্না করিলেন । হরপ্রসন্নবাবু সেইদিন দেওভোগ গিয়াছিলেন । তাঁহাকে বড়ঘরের ভিতর খাইতে দেওয়া হইল । নাগমহাশয়ের আসন বারান্দায় করা হইল । আমি ভাত দিতে গেলাম । মা রান্নাঘর হইতে খাওয়ার জিনিস দিতে লাগিলেন, আমি তথা হইতে আনিয়া তাঁহাদিগকে দিলাম । মা দুইজনকেই একখানা করিয়া মাছভাঁজা দিয়াছিলেন । মা ঠাকুরাণী মাকে জিজ্ঞাসা করিলেন, কখানা করিয়া মাছ দেওয়া হইয়াছে ? নাগমহাশয়কে একখানা ভাঁজা মাছ দেওয়া হইয়াছে বলায়, মা ঠাকুরাণী বলিলেন, তিনি একখানা মাছ দিলে

খান না । তাঁহাকে যাহা খাইতে দেওয়া হয়, তিনি তাহার অর্ধেক  
 পাতে রাখিয়া দেন । আমি তাঁহার কথা বুঝিতে পারিলাম না ।  
 মা আমার হাতে আর একখানা ভাঁজা মাছ দিলেন । আমি সেট  
 মাছ হরপ্রসন্নবাবুর খালায় দিয়া ফেলিলাম । যখন আমি বারান্দার  
 মধ্য দিয়া, ভাঁজা মাছ লইয়া যাই, নাগমহাশয় শিশুর মত বলিয়া  
 উঠিলেন, আবার কেন ? আবার কেন ? আমি বলিলাম, আপনাকে  
 দিব না, হরপ্রসন্নবাবুকে মাছ ভাঁজা দিব । তিনি সরল ভাবে  
 আমার দিকে তাকাইয়া খাইতে আরম্ভ করিলেন । আমি অল্প  
 তরকারি আনিতে গেলে, মা জিজ্ঞাসা করিলেন, কাহাকে ভাঁজা  
 মাছ দিয়াছ ? আমি বলিলাম হরপ্রসন্নবাবুকে দিয়াছি । মা  
 অতিশয় ক্ষুধমনে বলিলেন, যখন তুমি বুঝিতে পারিলে না, তাহা  
 কাহাকে দিতে হইবে, আমাকে জিজ্ঞাসা করিয়া গেলে না কেন ?  
 আর ভাঁজা মাছ নাই, এখন আমি কি করিয়া আর একখানা  
 ভাঁজা মাছ নাগমহাশয়কে দিব ? যাহা তাঁহাকে খাইতে দেওয়া  
 হয়, তিনি তাহার অর্ধেক না রাখিয়া কখন খান না । তিনি সমস্ত  
 জানিতে পারিতেন । আমাকে ভাঁজা মাছ নিয়া খাইতে দেখিয়া  
 বলিয়াছিলেন আবার কেন ? আমি ঘোর অবিশ্বাসিনী, তাঁহার ভুল  
 হইয়াছে মনে করিয়া, তাঁহাকে খাইতে দিলাম না । আমার বিশ্বাসে  
 কিম্বা অবিশ্বাসে তাঁহার কিছু আসে যায় না, তবে আমার কৰ্ম-  
 দোষে তাঁহার খাওয়া হইল না । হায়, আমি এমত পাষাণী !  
 এখন আর কি করিব । তাঁহার কাছে গিয়া বসিলাম ।

নাগমহাশয়কে ভাঁজা মাছ না দেওয়ায় মনে যে সামান্য কষ্ট  
 পাইতেছিলাম, তাহা দূর করার জন্ত, তিনি আমার দিকে  
 তাকাইয়া শিশুর মত ছুইটা মুখে দিতে লাগিলেন, এবং বলিলেন,

বেশ হইয়াছে । সব জিনিষ বেশ রান্না হইয়াছে । আমি সব খাইয়াছি । ইহা বলিয়া তিনি উঠিলেন । আমি তাঁহার পানে চাহিয়া রহিলাম । তিনি আমাকে বলিলেন, মা, তুমি এখন খাইতে বস । আমি খাইতে গেলাম । নাগমহাশয় মার বাসনা পূরণ করিলেন । আমার কৰ্ম্ম অতিশয় মন্দ । তিনি আমার সুখের জন্ত সৰ্ব্বদা প্রস্তুত রহিয়াছেন, সৰ্ব্বদা আমার খাওয়ার বন্দু করিয়াছেন । কিন্তু আমি এমন দুৰ্দৃষ্ট লইয়া জন্মিয়াছি, আমি একদিনের তরেও তাঁহাকে সুখে খাওয়াইতে পারিলাম না । তবে তিনি নিঃশব্দে সুখী, কখন অসুখী ছিলেন না । আমি পাষণী, তাই তাঁহার কথায় বিশ্বাস করিলাম না । তাঁহার কথা লইয়া বাদানুবাদ করিলাম । তাহাকে মাছভাজা-খানা খাইতে দিলাম না । আমি এমন কাজ আবণ্ড করিয়াছি । তিনি আমার নিকট সন্দেহ চাহিলেন, আমি তাহা ভাবিয়া দিয়াছিলাম ।

স্বামী অতিশয় ভাল ছিলেন । তিনি কোন বিষয়ে আমাকে কিছু বলিতেন না । তিনিও মনে মনে নাগমহাশয়কে স্মরণ করিতে লাগিলেন । তিনি দুই বেলা তাহার ধ্যান করিতেন । মাছ খাওয়া ছাড়িয়া দিলেন । কতক দিন পরে, এক দিন নাগমহাশয় তাঁহাকে বলিলেন, দেখুন মাছ না খাইলে কি হয় ? আমিও কতক দিন মাছ খাইতাম না । নকুব্রত করিতাম ; সমস্ত দিন পরে কাঁচাকলা সিদ্ধ ও আতপ চাউলের ভাত খাইতাম । তখন বাজারে গেলে মাছের আইসের গন্ধ পাইতাম । কৈ, আমার কি হইল ? ভগবান্ দয়া করিলে, মাছ খাইলেও দয়া করিতে পারেম । এবং ভগবানের দয়া না হইলে, হবিষ্য করিলেও দয়া আসে না ।

স্বামী মনে মনে বলিলেন, আপনি বলিলেই আমি মাছ খাইব ।  
তৎপর পাওয়ার সময় নাগমহাশয় তাঁহার সাক্ষাতে দাঁড়াইয়া  
মাছ খাইতে বলিলেন । স্বামী মাছ খাইলেন । বয়স হইল ।  
বয়সের সঙ্গে সঙ্গে সমস্তই হইল । আমি ভয় করিতাম, নাগমহাশয়  
সমস্তই ত্যাগ করিয়াছেন । আমরা চর্ম্মস্থ ভোগ করিলে,  
তিনি আমাদেরকে ভাণনাসিবেন না । এক দিন দেওভোগ  
গিয়াছি, তিনি বলিলেন, আমাদেরকে সুখী দেখিলেই তিনি সুখী ।

আমার মনে হইত, পিতার বাড়ীতে থাকিলে, ইচ্ছামত  
নাগমহাশয়কে দেখিতে পাইব, ইচ্ছামত তাহার নাম করিতে  
পারিব । সুতরাং স্বামী বাড়ী যাইতে ইচ্ছা করিতাম না ।  
রুগ্ন হইলে, আমি মনের আবেগে কেমন হইয়া যাইতাম । স্বামীও  
জোর করিয়া নিতে চাহিতেন না । কুচিরামোরঃ না গেলে তিনি  
মনে কষ্ট পাইতেন । এক দিন আমি স্বপ্নে দেখিলাম, স্বামী সন্ন্যাসী  
হইয়া কোথায় চলিয়া গিয়াছেন । আমি কাঁদিতে কাঁদিতে  
নাগমহাশয়কে বলিলাম, আপনি সকল জানেন । স্বামী কোথায়  
গিয়াছেন, তাঁহাকে আনিয়া দিন । আমি তাঁহাকে না দেখিয়া  
থাকিতে পারিব না । এই যে স্বামীর জন্ত প্রাণ ব্যাকুল হইল,  
আর সুস্থ থাকিতে পারিলাম না । আমার ঘুম ভাঙ্গিলে পরও সে  
স্বপ্ন সত্য বলিয়া অনুভব হইতে লাগিল । মন ছট্ ফট্ করিতে লাগিল,  
যেন বহুদিনের তৈয়ারী ঘর এক ঝড় আসিয়া ভাঙ্গিয়া দিল ।  
আমার মনে ছিল, যে স্থানে বসিয়া নাগমহাশয়কে দেখিয়াছি,  
সেখানে থাকিয়া চিরদিন নাম করিব, আমি তাঁহাকে দেখিব ।  
স্বামী মধ্যে মধ্যে আসিয়া আমাকে দেখিয়া যাইবেন । এই স্বপ্নে  
সমস্ত ভাঙ্গিয়া চুরমার করিয়া দিল । তখন মনে হইল, স্বামী

নেখানে নিবেন, আমি সেই স্থানেই থাকিব, ঘণ্টে বসিয়া তাহার নাম করিব, কারণ নাগমহাশয় বলিয়াছেন, ভগবান্ সকল স্থানেই আছেন । সে সময় স্বামী পরীক্ষা দিয়া বাড়ীতে ছিলেন । আমি তথায় না যাওয়ায় তাঁহার মনে কষ্ট হইয়াছিল । বাবার ইচ্ছা আমাকে স্বামী বাড়ী পাঠাইয়া দেন । মাতা একবারেই ইচ্ছা নয়, আমি কুচিয়ামোড়া নাই । মা বলিলেন, মেয়ে কখন কি ভাবে থাকে, তাহার ঠিক নাই । কখন মণ্ডপ ঘরে, কখন তুলসীতলায় পড়িয়া থাকে । সময় মত খায় না, সময় মত কোন কাজ করে না, পাগলের মত এখানে রহিয়াছে । পরের নিকট কি করিয়া এ ভাবে থাকিবে ? বাবা কাহাকে কোন কথা না বলিয়া, দেওভোগ চলিয়া গেলেন এবং নাগমহাশয়কে সমস্ত বলিলেন । পিতা নিজেই আমাকে লইয়া স্বামী বাড়ী যাইতে চাহিয়াছিলেন । নাগমহাশয় বলিলেন, বিমলার সহিত খুকীকে পাঠাইয়া দেও । কোন ভয় কারও না, যেমন হাড়ি তেমন সরা । তাঁহার আদেশ পাইয়া, পিতা অতিশয় সুখী হইয়া, দেওভোগ হইতে বাড়ী আসিয়া মাকে সব কথা বলিলেন । বিমলা বাবু আমার খুল্লতাত হন ।

আমার মনে হইতে লাগিল, আমি আবার পরের অধীন হইয়া থাকিতে চলিলাম । স্বাধীন মত নাগমহাশয়ের নাম করিতে পারিব না । তিনি যখন যাইতে বলিয়াছেন, যাইব, কিন্তু বেশী দিন তথায় থাকিব না, কারণ স্বামী বাড়ী থাকিলে যখন ইচ্ছা হইবে, তখন দেওভোগ যাইতে পারিব না, নাগমহাশয়কে দেখিতে পাইব না । যখন নাগমহাশয়কে প্রথম দেখিয়াছিলাম, তিনি বলিয়াছিলেন, আগে মা বাপ, পরে বাহার হাতে দেওয়া হইয়াছে, সেই যথা-

সর্বস্ব ধনী স্বামী । কাহাকে কিছু বলিলাম না । পিতা খুড়োব সঙ্গে স্বামী বাড়ীতে পাঠাইয়া দিলেন । নৌকার উঠিয়া মনে মনে নাগমহাশয়কে নমস্কার করিয়া বলিলাম, তুমি কিন্তু দেওভোগ থাকিও । আমাকে দূরে পাঠাইয়া কোথায় চলিয়া যাইও না । যখন আমি আসিব, তখন যেন তোমাকে দেখিতে পাই । নৌকা চলিতে লাগিল । যে সময় তুলসীতলা বসিয়া, নাগমহাশয়ের চিন্তা করিতাম, সে সময়ে তাঁহার কথা মনে পবায় মন যেন কি রকম হইয়া উঠিল । কয়েক ফোঁটা চক্ষেব জল পড়িল । খুড়ো বলিলেন, কাদ কেন মা ? তুমি নাগমহাশয়ের কথা মত চলিয়াছ । স্বামীর কাছে যাইবে । তিনি তোমাদিগকে লক্ষ্মীনারায়ণ বলেন । তাঁহার বাক্য কখনও মিথ্যা নয় । লক্ষ্মীনারায়ণের মত থাকিয়া, তাঁহার নাম কবিবে, ইহাতে কাদাব কি আছে ? আমি বলিলাম, আমি কেন কাদি আপনি তাহা বুঝিবেন না । তিনি চুপ করিলেন ।

নৌকা কুচিয়ামোড়া যাইয়া লাগিল । বাড়ীতে উঠিলাম । অনেক লোক দেখিতে আসিল । আমি নাগমহাশয়ের দর্শন পাইয়াছি পর বেশি লোকের সাথে মিশিতে পারি নাই । নাগমহাশয় একদিন আমাকে জিজ্ঞাসা করিয়াছিলেন, আমি কাহারো বাড়ীতে বেড়াইতে যাই কি না । আমি বলিলাম, কখন কখন প্রতিবেসির বাড়ী যাই । আপনি মানা করিলে আর যাইব না । তিনি বলিলেন, অনেক লোকের সাথে মিশিবার দরকার কি ? তাঁহার এই কথার পর লোকের সাথে মিশা একবারেই বন্ধ হইল । ইহার পূর্বেও আমি লোকের সহিত বড় মিশিতাম না । কাহারও বাড়ী বড় যাইতাম না, মধ্যে মধ্যে

সমবয়সীর সাথে খেলা করিতাম । নাগমহাশয়ের দয়'ত সব বন্দ  
হইয়া গেল । কুচিয়ামোড়ার লোক দেখিয়া আমার মন কেমন  
হইয়া গেল । আমার মনে তইতে লাগিল, আবার বৌ হইয়া  
বন্দী হইলাম । সেই তুলসীতলাই বা কোথায়, আর নাগমহাশয়ই  
বা কোথায় ? আমি কোথায় বসিয়া নাগমহাশয়কে দেখিব ?  
তাঁহার নাম করিতে বসিল, যখন ইচ্ছা উঠিয়াছি, এখানে আর  
তাহা হইবে না । সকলের সঙ্গে সকল কাজ কবিত্তে হইবে ।  
মনে ভয় হইতে লাগিল, যদি নাগমহাশয় তাঁহার শ্রীচরণ হইতে  
ফেলিয়া দেন । এই সকল কথা ভাবনা করায় মন অস্থির হইয়া  
উঠিল । কাহাবো সঙ্গে কোন কথা না বলিয়া আমি গুইয়া  
রহিলাম । মনে করিলাম, এখানে থাকিব না । পঞ্চসারে যাহা  
স্বাধীন মত তাঁহার নাম করিব । সন্ধ্যাব পর স্বামী ঘরে গেলেন ।  
তিনি খুড়োর সাথে কি বলিলেন । আমি খুড়োকে বলিলাম,  
আপনি বনুন, আমি পঞ্চসার যাইব । তিনি স্বামীকে তাহা  
বলিলেন । স্বামী বলিলেন, আপনি নিয়া বাইবেন, ইহাতে  
আমার কোন আপত্তি নাই । স্বামী চিরকালই ধীর ছিলেন ।  
নাগমহাশয়ের প্রতি তাঁহার অগাধ ভক্তি ছিল । নাগমহাশয়কে  
ভক্তি করায়, আমাকেও অতিশয় বিশ্বাস করিতেন । তখন  
তাঁহার বয়স বেশী ছিল না । কে কি বলে ভাবিয়া কয়েকটা  
কথা বলিয়া ঘরের বাহির হইলেন । আমার মনে হইতেছিল,  
আমি এই সব লোকের মধ্যে থাকিব না, এখনই চলিয়া যাইব ।  
যখন স্বামী বলিলেন, কোন বিষয়ে তাঁহাব কোন আপত্তি নাই,  
আমি খুড়োকে বলিলাম, আপনি আমাকে লইয়া চলুন । আমি  
আজই দেওভোগ যাইব । খুড়ো বলিলেন, আমি কি করিয়া

তোমাকে নিয়া যাইব ? তুমি এখানে বৌ, আমি তোমাকে এভাবে নিয়া যাইতে পারিব না । বিশেষতঃ আমি পথ চিনি না । ঠাকুর তোমাদিগকে লক্ষ্মানারায়ণ বলেন । এখানে কয়েকদিন থাক, ঠাকুরদাদা আসিয়া তোমাকে সঙ্গে করিয়া লইয়া যাইবেন । এই কথা শুনিয়া, বিরক্ত হইয়া আমি বলিলাম, আমি একাকীই নাগমহাশয়ের কাছে যাইব এবং তাহাকে স্মরণ করিয়া ঘরের বাহির হইলাম । আমি মনে করিলাম, নাগমহাশয় আমাকে পথ দেখাইয়া লইয়া যাইবেন । আমিও পথ চিনি না । আমাকে ঘরের বাহির হইতে দেখিয়া খুড়ো আমার পিছনে রওনা হইলেন । তাহার মনে বিশ্বাস ছিল, নাগমহাশয় আমাদিগকে রক্ষা করিবেন । আমি নাগমহাশয়কে আমার সঙ্গে দেখিতেছিলাম । কোন্ দিকে যে যাইতে ছিলাম, তাহা আমি জানিতাম না । কুচিয়ামোড়া ধলেশ্বরী নদীর তীরে অবস্থিত । নদীর পাশে আসিয়া, একখানা নৌকা যাইতেছে দেখিয়া খুড়ো নাবিককে জিজ্ঞাসা করিলেন, নৌকা কোথায় যাইবে ? নাবিক বলিল, সে মুন্সীগঞ্জ যাইতেছে । পঞ্চসার মুন্সীগঞ্জের কাছে । আমরা নৌকায় উঠিলাম । নৌকা ছাড়িয়া দিল আমার মনে হইল যেন নাগমহাশয় নৌকা পাঠাইয়া দিয়াছেন । আমার ভাগিনেয়ীর বিবাহের অধিবাস দিবস কুচিয়া-মোড়া গিয়াছিলাম । বাড়ীতে অনেক লোক একত্রিত হইয়াছিল । আমি এভাবে চলিয়া আসিলাম, কেহ তাহা দেখিতে পাইল না । নাগমহাশয়কে মনে করিয়া নৌকার গুইয়া রহিলাম । অল্প রাত্রি থাকিতে নৌকা পঞ্চসার আসিল । বাড়ীতে যাইয়া আমি তুলসীতলার কতক সময় পড়িয়া রহিলাম । তৎপরে ঘরে গেলাম । মা বলিলেন, একি ? এতরাত্রে কোথা হইতে কি করিয়া আসিলে ?



খুড়ো সমস্ত কথা বলিলেন। মা বলিলেন, জামাতা কি বলবে? আমি বলিলাম, মনে কষ্ট পাইবে, কিন্তু কি কবি, ওখানে স্বামী ছাড়া আমার আর কিছু ভাল লাগিল না। পব দিন পিতা সব জানিলেন। পিতা খুড়োকে বলিলেন, ওই ছোট ছিল, তোর কি কোন বিবেচনা ছিল না। পার্বতী ছেলে মানুষ, পিতামাতা নাই, এখন সে কি কবিবে? ঠাকুর ভাই তোব সাথেই খুকীকে পাঠাইতে বলিয়াছিলেন; তাঁহাব যাহা ইচ্ছা তাহা হইবে। খুড়ো দেওজোগ গিয়া নাগমহাশয়কে সকল কথা বলিলেন। জগবন্ধুবাবু তাহা শুনিয়া বলিলেন, মেয়ে কি এমন ছোট, কেন একাকী বাহিব হইল? নাগমহাশয় বলিয়া উঠিলেন, আমি সাক্ষী দিতেছি, ইহাব মন পাঁচ বৎসরের শিশুর মত। উহার কোন জ্ঞান নাই, ও কোন দোষ কবে নাই। জগবন্ধুবাবু চুপ করিয়া রহিলেন। কেহ আর কোন কথা বলিলেন না। জগবন্ধুবাবু নাগমহাশয়ের একজন ভক্ত।

স্বামী অতিশয় কষ্ট পাইয়া সন্ন্যাসী হইবেন স্থির করিলেন। কয়েকদিন পব তিনি নাগমহাশয়কে দেখিতে আসিলেন। নাগমহাশয় আপন জনের মত তাঁহাকে সান্না দিলেন। মা শিশুকে শাস্ত কবিয়া কোলে নিলে সে যেমন সমস্ত ভুলিয়া যায়, সেরূপ স্বামী নাগমহাশয়ের স্নেহমাথা কথায় সব ভুলিয়া গেলেন। নাগমহাশয় তাঁহাকে প্রকারান্তরে আমার কাছে যাঠিতে বলিলেন। স্বামী মনে মনে বলিলেন, আপনি বলিলেই আমি যাইব। সন্ন্যাসী হওয়া ভগবান্কে সুখী করার জন্ত, সেই ভগবান্ যদি সংসারে থাকিলে সুখী হন, তবে আমি কাহার জন্ত সন্ন্যাসী হইব। অপর পক্ষে এমন স্বী পাইয়াও যখন আমার সুখ হইল না, কাহার জন্ত

সংসারই বা থাকিব । নাগমহাশয় আবার তাঁহাকে বুঝাইয়া পঞ্চসার পাঠায়া দিলেন । আমি মনে করিয়াছিলাম, তিনি কটু কথা বলিবেন । নাগমহাশয় আমাকে ভালবাসায়, আমার সুখের জন্য তাঁহাকে আমার কাছে পাঠাইয়া দিবেন । নাগমহাশয়ের আদরের জিনিষ মনে করিয়া তিনি আমাকে একটা কটু কথাও বলিলেন না । তিনি কেবল বলিলেন, তোমার ভগবানে ভক্তি আছে, যাহা ইচ্ছা করিতে পার । আজ তুমি তাঁহার আদরের জিনিষ, তোমার কাছে আসিলে তিনি সুখী হইবেন, তাই আমি আসিলাম । নচেৎ আমি কখন তোমার মুখ দেখিতাম না । আমি বলিলাম, তাহা আমি জানি । আমি যেখানে থাকি, তিনি তোমাকে আমার কাছে আনিয়া দিবেন ।

যখন স্বামীর বয়স ১৭ বৎসর, তিনি মুন্সীগঞ্জকূলে পড়িতেন । রবিবার আসিলে তাঁহার প্রাণ বড়ই অস্থির হইত । সেদিন আর কাটিত না, প্রাণ কেবল ছট্‌ফট্‌ করিত । অগ্রহায়ণ মাস । এক দিবস তিনি দিনের বেলায় ঘুমাইয়া ছিলেন, হঠাৎ তাঁহার ঘুম ভাঙ্গিয়া গেল । হৃদয়ে বড় জ্বালা হইয়াছে, প্রাণ কেবল নাগমহাশয়কে দেখিতে চায় । ইহার পূর্বেই বর্ষার সময় তিনি দুইবার নাগমহাশয়কে দেখিতে গিয়াছিলেন । বর্ষাকালে নৌকায় দেওভোগ যাইতে হয় । অন্য সময় কোন পথে নারায়ণগঞ্জ হইতে দেওভোগ যাওয়া যায়, তাহা তিনি জানিতেন না । মুন্সীগঞ্জ হইতে রওনা হইয়া নারায়ণগঞ্জ পৌছিবার পূর্বে সন্ধ্যা হইয়া যাইবে । তিনি পথ চিনেন না, কি করিয়া নাগমহাশয়ের বাড়ী যাইবেন, তাহা একবার মনে হইল সত্য, কিন্তু প্রাণ এমন আকুল হইয়া উঠিল যে, নাগমহাশয়কে না দেখিয়া কোন মতেই সুস্থ হইতে পারিতেছেন না ।

তিনি আকুল মনে রওনা হইলেন । নারায়ণগঞ্জ যাইবার পূর্বেই সন্ধ্যা হইয়া গেল । কোন পথে নাগমহাশয়ের বাড়ী যাইবেন জানা নাই । এক ভদ্র লোকের সহিত জানা ছিল, তিনি নারায়ণগঞ্জ পোষ্ট অফিসে বদলি হইয়া গিয়াছিলেন । লোকের নিকট জিজ্ঞাসা করিয়া, পোষ্টেল কোয়ার্টসে তাহার সহিত দেখা করিলেন এবং তাহাকে বলিলেন, আমি নাগমহাশয়ের বাড়ী চিনি না, আপনি আমাকে পথ দেখাইয়া দিন্ । পথ দেখান দূরের কথা, তিনি কতকগুলি ভয়ের কথা বলিয়া দিলেন । পথে ভূতের ভয় আছে, রাত্রিতে কোথায় যাইবে ? আজ এখানে থাক, কাল সকালে পথ দেখাইয়া দিব, ইত্যাদি অনেক কথা বলিলেন । স্বামী কোন বাধাই মানিলেন না । ঠাহার মনে হইতে ছিল কতক্ষণে নাগমহাশয়কে দেখিবেন । রাস্তায় বাহির হইয়া দেখিলেন ঘোর অন্ধকার হইয়াছে ! কোন পথ জানা ছিল না । তিনি জানিতেন, লক্ষ্মীনারায়ণজীউর মন্দির পশ্চিমদিকে, এবং নাগমহাশয়ের বাড়ী যাইতে হইলে সেই মন্দিরের নিকট দিয়া যাইতে হয় ।

স্বামী পশ্চিম দিকে যাইতে লাগিলেন । কতকদূর যাইয়া এমন এক স্থানে গেলেন যেখানে তিনদিকে তিনটী পথ গিয়াছে । নিকটে কোন লোক দেখিতে পাইলেন না, যাহাকে জিজ্ঞাসা করিয়া অগ্রসর হইবেন । অন্ধকারের মধ্যে বিপন্ন হইয়া পড়িলেন । কোন্ পথে যাইবেন ভাবিতে ভাবিতে একপথ ধরিয়াই চলিতে লাগিলেন । সামান্য পথ যাইয়া দেখিতে পাইলেন, একটী লোক ঠাহার আগে আগে চলিতেছেন । অন্ধকারে পথ ভাল দেখা যায় না । তিনি হতাশ হইয়া সেই লোকটাকে জিজ্ঞাসা করিলেন, আপনি কে ? উত্তরে জানিতে পারিলেন, হরপ্রসন্নবাবু নাগমহাশয়ের

বাড়ীতে যাইতেছেন । একত্রে দুইজন তাঁহার বাড়ী গেলেন । নাগমহাশয়কে দেখিয়া স্বামীর প্রাণ জুড়াইল । তিনি তাঁহার কাছে বসিয়া আছেন, স্তুনিতে পাইলেন, নাগমহাশয় বলিতেছেন, মনে করিয়াছিলাম, একবার ষ্টেশনে যাইব । হরপ্রসন্ন আসিল, আর গেলাম না । স্বামী তাঁহার দয়া দেখিয়া নিজকে ভুলিয়া গেলেন । তিনি এক দৃষ্টে সর্বজ্ঞ নাগমহাশয়ের দিকে তাকাইয়া রহিলেন ।

পরবৎসর সংসারের নানা গোলমালে বিরক্ত হইয়া সন্ন্যাসী হইবেন ভাবিয়া, স্বামী নাগমহাশয়কে দেখিতে গেলেন । মনে স্থির করিয়া ছিলেন, যাইবার পূর্বে নাগমহাশয়কে একবার দেখিবেন । সন্ন্যাসী হইয়া নাগমহাশয়ের কৃপালাভ করিবেন আশা করিয়া বাড়ী হইতে টাকা লইয়া দেওভোগ গিয়াছিলেন । নাগমহাশয় তাঁহাকে বলিলেন, ভগবান্ কি শুধু জঙ্গল চিনেন ? তিনি কি আমার বাড়ী ঘর চিনেন না ? যদি তিনি দয়া করিয়া দেখা দেন, আমার বাড়ীতে আসিয়াই দেখা দিতে পারেন । তিনি বুঝিতে পারিলেন, নাগমহাশয় সকল অবস্থাতেই তাঁহার মঙ্গল করিবেন । তিনি আর সন্ন্যাসী হইলেন না ।

যখন স্বামী টাকা কলেজে পড়িতেন, অনেক শনিবারে নাগমহাশয়কে দেখিতে যাইতেন । ২টার সময় কলেজ ছুটি হইলে, হাঁটিয়া রওনা হইতেন । হাঁটিয়া আসিতে তাঁহার বিশেষ কোন কষ্ট হইত না । কিন্তু নাগমহাশয়ের এমত স্নেহ ছিল, একদিন তিনি তাঁহাকে দেখিয়াই বলিলেন, আপনি হাঁটিয়া আসিবেন না । স্বামী বলিলেন, তাঁহার কোন কষ্ট হয় নাই । নাগমহাশয় বলিলেন, দরকার কি ? তিনি

হির করিলেন, তিনি আর টাকা হইতে হাঁটিয়া আসিবেন না । নৌকা যোগে কতদূর আসিয়া দেওভোগে যাইবেন । নাগমহাশয় আন কিছু বলিলেন না । টাকা রওনা হইবার সময় নাগমহাশয় তাঁহাকে জিজ্ঞাসা করিলেন, আপনার সাথে পয়সা আছে ? স্বামী আছে বলায়, তিনি হাসিতে হাসিতে তাহা দেখাইতে বলিলেন । রেলের ভাড়া দুই আনা, তাঁহার সহিত মাত্র এক আনা ছিল । নাগমহাশয় দেখিতে চাহিয়াছেন, তিনি না দেখাইয়া পারিলেন না । এক আনা পয়সা কম দেখিয়া, নাগমহাশয় দুই আনা পয়সা দিলেন । তিনি তাহা হাত পাতিয়া নিলেন । কাহার সাধ্য নাগমহাশয়ের অমিয়মাথা কথা ফেলে । তাহার পব তিনি আর হাঁটিয়া দেওভোগ যান নাই । আমবা পাষণ, তাই নাগমহাশয়কে ভুলিয়া আছি । মানুষ হইলে, তাঁহার স্নেহ ভুলিয়া স্মৃথে থাকিতে পাবিতাম না । পশু, পক্ষী, মাছ সকলেই তাঁহার স্নেহে ভুলিয়া যাইত । তাহারাই নাগমহাশয়ের গুণ কিঞ্চিৎ প্রকাশ করিল, মানুষ হইয়া আমরা অহংকারে মত্ত ।

নাগমহাশয় দুর্গা পূজা করিতেন । পূজার সময় অনেক লোক হইত । বাড়ীতে মোটে চারিখানা ঘর ছিল । উত্তবেব ভিটিতে মণ্ডপ ঘর, পূর্বদিকে বড় ঘর, রান্না ঘর পশ্চিমে ও দক্ষিণ ভিটিতে যে ঘর ছিল, পূজার সময় সেই ঘরে নানা মত লোক থাকিত । একবার এক রাত্রিতে নাগমহাশয় মণ্ডপ ঘরের বারান্দায় শুইয়াছেন । দক্ষিণের ঘরে যাহারা ছিলেন, তাঁহারা তামাক সাজিয়া খাইতেছেন । কাহার সাহস হয় না, নাগমহাশয়কে এক চিলিম তামাক দেন, কারণ তিনি শিশুকাল হইতে নিজের স্মৃথের জন্ত অপরকে কষ্ট দেন নাই, এবং সকলের হাতে খান নাই । বড় হইয়া

তিনি কেবল জীবের সেবা করিয়াছেন । কাহার সেবা গ্রহণ করেন নাই । তাহার উপর, সেই দিন বৃষ্টি হওয়ায় উঠানে কাদা হইয়াছে । তখনও অল্প অল্প বৃষ্টি হইতেছিল । সকলেই জানিতেন, এসময় যে তাঁহার জন্ত তামাক নিয়া যাইবে, সে অপ্রস্তুত হইবে । নাগমহাশয় কখন তামাক খাইবেন না । তামাক নিয়া গেলে লোকে যে কষ্ট পাইবে, নাগমহাশয় সেই কষ্ট দেখিয়া, হায়, হায়, করিয়া নিজেই কাদায় নামিয়া আসিবেন । নাগমহাশয়ের জন্ত তামাক হাতে লইয়া কাদায় পা দিতে না দিতে তিনি কাদায় নামিয়া, ছকা হাতে করিয়া নিয়া তাহাকেই তামাক খাওয়াইবেন । নাগমহাশয়কে অকারণ কষ্ট দেওয়া হইবে । তাঁহার কষ্ট দেওয়া কাহার ইচ্ছা ছিল না । একটা লোক স্বামীকে বলিলেন, আপনি নাগমহাশয়কে তামাক দিয়া আসুন । স্বামী কাহাকে কোন কথা বলিতে পারিলেন না, কারণ তিনি চিরকালেই শাস্তপ্রকৃতির লোক ছিলেন । লোকের সাথে বাদানুবাদ করা তাঁহার স্বভাব ছিল না । তিনি ছকা লইয়া চলিলেন । মনে মনে বলিতে লাগিলেন, ঠাকুব, আজ যদি তুমি এই তামাক না খাও, লোকের নিকট বড় লজ্জা পাইব । তুমি জ্ঞান, আমান ভুক্তি নাই, বিশ্বাস নাই । আমি কোন সাহসে তোমাকে তামাক দিব ! যদি তুমি নিজস্বগে তামাক নেও, তবেই আমি দিতে পারি । এইরূপ ভাবিয়া, তিনি ছঁকা নিয়া নাগমহাশয়কে দিলেন । নাগমহাশয় হাতবাড়াইয়া ছঁকা নিয়া তামাক খাইতে লাগিলেন । তিনি কোন আপত্তি করিলেন না, স্নেহে ছই চক্ষু তুলু তুলু করিতে লাগিল । তিনি স্বামীর মনের ভাব স্পষ্ট দেখিতে পাইলেন । স্বামীর মনে আনন্দের সীমা রহিল না ।

একদিন স্বামী দেওভোগে আছেন। পাত্রে কতকগুলি পান ছিল। তাঁহার মনে হইল, তিনি নাগমহাশয়কে একটা পান-বানাইয়া দেন। একটা পান সাজিলেন। ভয়ে ভয়ে তিনি নাগমহাশয়ের হাতের নিকট পানটা ধরিলেন। নাগমহাশয় দয়া করিয়া পানটা হাতে নিয়া খাইলেন। স্বামীর মনে অতিশয় সুখ হইল। সেই সুখের সঙ্গে দুঃখ আসিয়া জুটিল। লোক যেরূপ পানের সঙ্গে একটু চুনও দেয়, তিনি সেইরূপ একটা বোটার করিয়া সামান্য চুনও দিলেন। নাগমহাশয় যেমন পান মুখে দিলেন, তেমন চুনও খাইয়া ফেলিলেন। পানে যেরূপ চুন ঠিক করিয়া লইতে হয়, তেমন কিছু করিলেন না। পান ও চুন তাঁহার নিকট সমান হইল। কিন্তু যিনি দিয়াছিলেন, তাঁহার হৃদয়ে ব্যথা লাগিল। কি করিবেন ? নাগমহাশয় সুখী হইলেন। চুণে যেন কোন কষ্ট পান নাই, এই ভাব প্রকাশ করিয়া স্নেহের সহিত তাঁঁচাব দিকে তাকাইয়া রহিলেন। স্বামী তাঁঁহার দয়ার মোহিত হইয়া তাঁঁহার পানে চাহিয়া রহিলেন।

অনেক সময় নাগমহাশয়কে কোন কথা বলিতে হইত না। মনে কোন কথা উঠিলে, নিজেই তাঁহার উত্তর দিতেন। একদিন স্বামীর মনে হইয়াছিল, হিন্দুমাত্রেরই কালী দুর্গা প্রভৃতি দেবতা মানে। সমস্ত ছাড়িয়া যে নাগমহাশয়কে ইষ্টদেব বলিয়া ধরলাম, শেষে ত ঠকিব না ? সারা জীবন একভাবে চলিয়া যাইবে, সুখে হউক, দুঃখে হউক, একভাবে দিন কাটিবে। অবশেষে শেষের দিন উপস্থিত হইলে, যদি তিনি আমাকে রক্ষা না করেন, তিনি শেষের সেই দিনে যদি আমাকে ভবপারে না নিয়া যান, তবে কি হইবে ! জগতে দেখিতে পাই, বাহারা কালী দুর্গা প্রভৃতি মানিয়া

চলেন, তাহারা ইহকালে সংসারের শত আবর্জনার মধ্য দিয়া স্থির পদবিক্ষেপে চলিয়া যান, কোনদিকে দ্রক্ষেপও করেন না । পরকালে কি হয়, তাহা দেখিতে পাই না সত্য, কিন্তু শাস্ত্র তাহার সাক্ষ্য দেয়, তাহারা পরকালে তাঁহাতেই মিশিয়া যান, কিম্বা তাঁহাদের সহিত একত্রে অবস্থান করেন । নাগমহাশয়কে মানিলে আমি কি সেইরূপ চলিয়া যাইতে পারিব ? সংসারে আরও দেখিতে পাই. কত লোক ভণ্ডামি করিয়া, কত লোক মজাইয়া, পথের ভিখারী কবিয়া দেয়, ইহকাল ও পরকাল উভয় নষ্ট করিয়া দেয় । তবে কি হইবে ? আমি কি করিয়া জানিব, নাগমহাশয় সত্য সত্যই ভবকর্ণধার, ইহকালে সংসারের সহস্র প্রলোভনে, লক্ষ কদর্য পথে আমাকে রক্ষা করিবেন এবং অন্তিমে তাঁহার রাতুল চরণে স্থান দিবেন ? এই কথাগুলি মনে হওয়া মাত্র নাগমহাশয় বলিয়া উঠিলেন, দেখুন, আমরা আজ হই নাই, অনন্তকাল যাবত অবস্থান করিতেছি, অনন্তকাল যাবত পুনঃ পুনঃ জন্ম গ্রহণ করিয়া মায়ায় জগতে রহিয়াছি । কত জীবনইত গেল, আজ যাহাকে ভগবান্ বলিয়া মানি, তিনি যদি ভগবান্ নাই হন, তবে আর একটা জীবন বৈত নয় ? স্বামী স্তম্ভ হইলেন, তাঁহার শ্রীচরণে জীবন বিকাইলেন ।

স্বামি বলেন, নাগমহাশয় আমাকে নিজ গুণে রক্ষা করিলেন । আমি যে পাষণ্ড, যদি নাগমহাশয় এই কথা না বলিতেন, আমি কোথায় যে চলিয়া যাইতাম, কি অন্টার কাজ যে না করিতাম, তাহার ঠিক ছিল না । এই আবর্জনা-সংসারসাগরে, নাগমহাশয়ের দয়া প্রবতারা । যখন মায়ার তাড়নায় ভগ্নহৃদয় লইয়া হতাশকুরাশার ভিতর দিয়া কিছু দেখিতে



পাই না, যখন বিষয়-বাসনা ঝঙ্কাবতে ইতস্ততঃ প্রক্ষিপ্ত হইয়া, নিজকে সামলাইতে না পারিয়া, জীবন-তরীকে ডুবাইতে বসি, উর্দ্ধমুখ হইয়া আমার ধ্রুবতারার দিকে আকুল মনে তাকাই, কুয়াশা লুকাইয়া যায়, ঝঙ্কাবতি প্রশমিত হয়, নিশ্চল সংসার-পাথারে জীবনতরী তর্ তর্ করিয়া চলে, অনাবিল আনন্দে চারিদিক তর্ পূর্ হয় ।

স্বামীর মনে বিশ্বাস ছিল, ভক্তের মনে কষ্ট দিলে, ভগবান্ কষ্ট পান । এই বিশ্বাস হেতু যখন আমি ভয় পাইয়া নাগমহাশয়ের কাছে গিয়া স্তম্ভ হইয়া নাগমহাশয়ের ধ্যান করিতাম, তিনি আমাকে কিছু বলিতেন না । যে দিন ইচ্ছা হইত আমরা একত্র শুইতাম, ইচ্ছা না হইলে আমরা ভিন্ন বিছানায় শুইতাম । আমি ভয় পাইয়া নাগমহাশয়ের কাছে গিয়াছি পর, কি কাজ করিলে নাগমহাশয় সুখী হইবেন, তাহা আমার চেখে স্বামী অধিক বিচার করিতেন । তাঁহার বিশ্বাস নাগমহাশয় উপহাস ছলেও কখন মিথ্যা কথা বলেন না এবং তাহাতে তাঁহার মঙ্গল হইবে নাগমহাশয় নিজে তাহার ব্যবস্থা করিবেন । তিনি কখন নাগমহাশয়কে মুখে কিছু বলিতেন না । আমি কুচিয়ামোড়া হইতে চলিয়া আসিলাম পর, আমার পিতা মনে করিলেন, এ মেয়ে নিয়া সংসার করা চলিবে না, সুতরাং তিনি স্বামীকে অপর বিবাহ করিতে বলিলেন । স্বামী মনে কষ্ট পাইলেন, কাহাকে কিছু বলিলেন না । এদিকে পিতা দেওভোগ ঘাইয়া নাগমহাশয়কে বলিলেন, ঠাকুর ভাই, আমি পার্বতীকে অপর বিবাহ করিতে বলিলাম । তিনি অত্যন্ত আশ্চর্যান্বিত হইয়া পিতাকে বলিলেন, পার্বতী আবার বিবাহ করিবে ? না । পার্বতী আর বিবাহ করিবে না । পিতা

বলেন, আমি ঠাকুর ভাইয়ের এমন মূর্তি আর কখন দেখি নাই । চক্ষু দুইটা ঢল ঢল করিতে লাগিল । তাঁহার সেই মূর্তি এবং বিক্ষাভিত লোচন এখনও আমার নয়নে ভাসিতেছে । অবশেষে নাগমহাশয়কে বলিলেন, পার্বত্যার দিকে তাকাইতে আমার কষ্ট হয় । ছেলে মানুষ, সে কি করিবে ? নাগমহাশয় বলিলেন, এখন খুকীকে যেমন দেখিতেছ, এই রূপ থাকিবে না । তাহাকে সংসার করিতে হইবে । পিতা অতিশয় স্মৃথী হইয়া বাড়ীতে আসিলেন । নাগমহাশয়ের বাক্য বেদবাক্য । বেশ সংসার করিতেছি ; এমন সংসার আর কতদিন যে করিতে হইবে, নাগমহাশয়ই জানেন ।

এবার স্বামীর সঙ্গে কুচিয়ামোড়া যাওয়া স্থির হইল । পিতা আমাকে বলিলেন, তুমি যদি তথায় যাইতে চাও যাও, অনর্থক গোলমাল কবিয়া কোন লাভ নাই । মা আমার সঙ্গে যাইতে চাহিলেন । আমরা সকলে দেওভোগ গেলাম । নাগমহাশয় মুখ ধুইতে ছিলেন । তাঁহার বাড়ীর সম্মুখে জল ছিল । তিনি অপর পার হইতে নৌকা ঠেলিয়া দিলেন । আমরা নৌকায় উঠিলাম । স্বামী নৌকায় উঠিলেন না, তিনি জলে নামিয়া অপর পার গেলেন । আমি নাগমহাশয়কে দেখিয়া মনে মনে বলিলাম, তুমি স্বপ্নে আমার মন ঘুরাইয়া দিয়াছ । স্বপ্নের চিত্র যেন এখনও সত্য বলিয়া বোধ হয় । স্বামী সন্ন্যাসী হইলে, তাঁহাকে না দেখিয়া থাকিতে পারিব না । এখন মনে ভয় হয়, আমি স্বামীবাড়ী না গেলে যদি তিনি সন্ন্যাসী হন । নাগমহাশয় আমার দিকে তাকাইয়া রহিলেন । স্বামীর সাথে যাওয়া স্থির হইল । মা ঠাকুরাণী বাধিতে পারিলেন না । আমার মা মহা আনন্দে নাগমহাশয়ের

জ্ঞান রান্না করিলেন এবং তাঁহাকে খাওয়াইলেন । আসিবার সময় মা নাগমহাশয়ের কাছে দাঁড়াইয়া কঁাদিতে লাগিলেন । তিনি আমার দিকে তাকাইয়া বলিলেন, মা, তুমি যদি শান্ত হইয়া থাক, সকলেই শান্তি পাইবে । তোমাকে ক্ষেপা দেখিলে সকলের কষ্ট হয় । আমি মনে মনে বলিলাম, তুমি স্বপ্ন দেখাইয়া মন ঘুরাইয়া দিয়াছ, আমি আর অস্থির হইব না । নাগমহাশয় স্নেহ দৃষ্টির সহিত স্বামীর দিকে তাকাইয়া আমার মাথায় হাত বুলাইলেন । তাঁহাকে তাকাইতে দেখিয়া আমার মনে হইল যেন তিনি আমাকে অশীর্বাদ করিয়া স্বামীর সাথে যাইতে বলিলেন । মাকে মধুর বাক্য সাস্তনা করিয়া বলিলেন, ঠাকুরের দিকে তাকান । ভগবান্ মঙ্গল করিবেন । নাগমহাশয়ের স্নেহে বশীভূত হইয়া আমরা সকলে একমনে তাঁহাকে দেখিতে লাগিলাম । কতক সময় থাকিয়া, আমরা ফিবিয়া আসিলাম । বতদূর দেখা গিয়াছিল, নাগমহাশয় চাহিয়া ছিলেন ।

আমরা কুচিয়ামোড়া আসিলাম । মা আমাকে তথায় রাখিয়া চলিয়া আসিলেন । স্বামী অতিশয় সুখী হইয়া ঠাকুরের নামের সময় নির্দ্ধারিত করিয়া দিলেন । যখন আমি ঠাকুরের নাম করিতাম, ঘরের দরজা বন্ধ করিয়া দিতাম । যতক্ষণ ইচ্ছা ঠাকুরের নাম করিতাম । সকালে ও সন্ধ্যায় ঠাকুরের নাম করিতাম । এই ভাবে ৯১০ দিন গেল । জগদ্ধাত্রীপূজা আসিল । আবার দেওভোগ খাওয়ার জ্ঞান আমার মন অস্থির হইয়া উঠিল । পিতা নৌকা পাঠাইয়া দিলেন । নৌকা দেখিয়া তথাকার লোক গালাগালি দিতে লাগিল । স্বামীকে বলিলাম, আমি দেওভোগ যাইব, তুমি আমাকে নিয়া চল । স্বামী বলিলেন, সকলে

তোমাকে এখন হইতে পাঠাইতে মানা করিতেছে । আমি কি করিয়া তোমাকে নিয়া বাইতে পারি ? আমি বলিলাম, তুমি নিলে কে ধবিতে পাবে ? এই ভাবে সকল বাত্রি স্বামীকে বলিলাম । স্বামী বলিলেন, তুমি সংসার জ্ঞান না, তাই এই ভাবে বল । আমি বলিলাম, আমি কোন অবস্থায়ই জগদ্ধাত্রী-পূজায় এখানে থাকিব না । আমি দেওভোগ যাইব । অবশেষে স্বামী বলিলেন, যদি তুমি আমাকে নাগমহাশয়কে দেখাইতে পাব, তবে আমি তোমা ক নিয়া বাইতে পারি । আমি বলিলাম, আমি কি করিয়া তাঁহাকে দেখাইব । এবাব স্বামী অস্বীকার করিলেন । আমার মনে হইল, আমি যখন যে বিপদে পড়ি, তিনি আমাকে তাহা হইতে বক্ষা করেন । এবার বলি, যদি তুমি আমার স্বামীকে দেখা না দাও, স্বামী সন্ন্যাসী হইবেন, এবং তিনি আমার কষ্ট দূর করিতে, দয়া করিয়া স্বামীকে দেখা দিবেন । এইরূপ চিন্তা করিয়া, স্বামীর কথা স্বীকার করিয়া, দেওভোগ বওনা হইলাম । স্বামীর ভগ্নি অতিশয় বাগিয়া গেলেন । স্বামী আমাকে পথে বলিলেন, দেখেছ, সমস্ত ছাড়িয়া তোমাকে নিয়া চলিলাম, যদি তাঁহাকে না দেখাও, আমি সন্ন্যাসী হইব । আমি নাগমহাশয়কে স্মরণ করিতে করিতে স্বামীর সাথে দেওভোগ চলিলাম ।

দেওভোগ যাইয়া দেখিতে পাইলাম, পিতা পথের দিকে চাহিয়া দাঁড়াইয়া আছেন । আমাকে দেখিয়াই বলিলেন, আমি ভাবিতে-ছিলাম, তাহারা বোধহয় তোমাকে আসিতে দিবে না । ঠাকুর ভাইকে বারবার বলিয়াছি, এত দেবি হইতেছে কেন ? নাগমহাশয় আমাকে এত ভাল বাসিতেন, আমি পিতার সাথে কথা বলিতেছি,

আমি তাঁহার কাছে না গেলেও, তিনি আমার কাছে আসিয়া দাঁড়াইলেন । পূজার বাড়ী । অনেক লোক হইয়াছে । পিতা ও আমি রান্না ঘরের পিছনে দাঁড়াইয়া কথা বলিতেছি, তিনি জিজ্ঞাসা করিলেন, এবার কি করিয়া আসিলে ? আমি কুচিয়ামোড়া গিয়া কিভাবে ছিলাম, কি রকম ব্যবহার পাইয়াছি, তিনি সব শুনিলেন । হায় ভগবন্ আজ তুমি কোথায় ? সংসারে হাবু-ডুবু খাইলেও একবার আসিয়া আমার কাছে দাঁড়াও না ! আমার উপর চিরকালই তাঁহার দয়া ছিল । স্বামীব ছুটি ফুরাইলে, আমি যে কুচিয়ামোড়া থাকি, তাঁহার বড় ইচ্ছা ছিল না । নাগমহাশয় আমাকে জিজ্ঞাসা করিলেন, তুমি কি আবার কুচিয়ামোড়া যাইবে ? শীঘ্রই বোধহয় পাকতীর কলেজ খুলিবে ? আমি পিতাকে এই কথা বলিলাম । পিতা বলিলেন, স্বামী নিয়া যাইতে চাহিলে নিতে পারে । নাগমহাশয় আমার মাথায় হাত বুলাইতে লাগিলেন ।

স্বামী ধীর স্থির । তিনি চিরকালই বড় চালাক ছিলেন । স্বপ্নের কথা স্বামীকে বলিয়াছিলাম । স্বামী তখনই বলিলেন, সকলই তাঁহার কোশল । তিনি সন্ন্যাসী হইবেন, এই ভয়ে মন খাহাতে আরও ব্যাকুল হয়, তজ্জন্ত কুচিয়ামোড়া যাওয়ার সময় নৌকায নিমাই সন্ন্যাসের কথা বলিতে লাগিলেন । বিষ্ণুপ্রিয়ার ঘুমের অবস্থায় যে নিমাই ঘরের বাহির হইয়াছিলেন, তাহা তিনি বিশদ ভাবে ব্যাখ্যা করিলেন । নিমাই সন্ন্যাসের কথা শুনিয়া আমার মন বড় ব্যাকুল হইয়া উঠিল । নৌকায থাকিয়া মনে মনে নাগমহাশয়কে বলিতে লাগিলাম, ভগবন, কি উপায় হইবে ? যদি তোমাকে দেখাইব না বলিতাম, তবে

অগদাশ্রী পূজার সময় তোমাব সাথে দেখা হইত না । তোমাকে দেখাব অশ্রু মন এত অস্থির হইল, কি উপায়ে আসিব, তাহা ঠিক করিতে পারিলাম না । স্বামীকে অনেক বলিলাম । তিনি বলিলেন, যদি তোমাকে দেখাইতে পাবি, তিনি সঙ্গে করিয়া লইয়া আসিবেন । আমি তোমাব সম্ভান, আমার উপব তোমার অসীম দয়া, এই মনে কবিয়া তাঁহাকে দেখাইতে স্বীকাব করিলাম ; আমার কি শক্তি আছে যে, তোমাকে দেখাইতে পারি । তুমি যদি নিজগুণে আমাকে দেখা দেও, আমি তবিয়া যাই । আমি আবার কাহাকে দেখাইব ? নাগমহাশয়ের বিবয়ও নিমাই সন্ন্যাস স্বামী ঠাহা বলিলেন, সমস্তই শুনিলাম । যে কথাব উত্তর দিতে হয় দিলাম ।

সন্ধ্যার সময় কুচিয়ামোড়া আসিলাম । যে স্থানে আমি ঠাকুরের নাম করিতাম, সেঠখানে ঠাকুরের নাম কবিত্তে বসিলাম । স্বামী বলিলেন, আজ তুমি আমাকে ঠাকুর দেখাইবা, আমি তোমার কাছে ঠাকুরের নাম নিতে বসিব । স্বামী আমার কাছে বসিলেন । সেদিন আমি তাঁহার নাম নিব কি, ভয়ে ভয়ে কেবল বলিতে লাগিলাম, ভগবন, তুমি কে, আমি তাহা জানি না । তবে প্রথম দেখার পর হইতে তোমার রূপা অনুভব করিতেছি । সংসারের যজ্ঞাঘ আত্মহত্যা করিতে গিয়াছিলাম, তুমিই আড়ালে থাকিয়া বলিলা, তোমাকে ভগবান্ দেখা দিবেন, একাজ করিও না, তোমার কষ্ট শীঘ্রই শেষ হইবে । তাহার প্রত্যক্ষ ফল দেখিলাম । এক বৎসরের মধ্যে ভয় পাইলাম । তুমি দেখা দিলে । এক বৎসরের মধ্যে সংসারের কষ্ট শেষ হইল । এখানে আসিয়া যখন পাগলের মত একাকী ঘরের বাহির হইলাম, তুমি পথ দেখাইয়া

নিলে এবং তুমিই সম্মুখে একখানা নৌকা আনিয়া, আমাকে তোমার কাছে লইয়া গেলে ; মহাবিপদ হইতে ত্রাণ করিলে । ছোট সময় তোমাকে দেখার পূর্বে, যখন ভয়ে অন্ধকার দেখিতাম, ঘুম আসিত না, তখন তুমিই জ্যোতির্ময় রূপে দেখা দিতে এবং আমাকে শান্তি দিতে । পিতঃ, তুমিত সমস্ত জ্ঞান । এখন তুমি তোমার ভক্তকে দেখা দিয়া, আমাকে বিপদ হইতে রক্ষা কর । যদি তুমি আজ তাঁহাকে দেখা না দেও, তোমার ভক্ত আমাকে ছাড়িয়া চলিয়া যাইবে । আমার কি উপায় হইবে ? আমি এতদূর আসিয়া পড়িয়াছি, তোমার কাছে আর যাইতে পারিব না । দয়াময়, তোমার ভক্তকে দেখা দিয়া আমাকে রক্ষা কর । দেওভোগ হইতে পঞ্চসার যাইয়া, তুমি আমাকে দেখা দিযেছিলে । নাগমহাশয়কে এই ভাবে মনে মনে বলিতে বলিতে আমার শরীর অবসন্ন হইয়া পড়িয়া গেল ।

আমার জ্ঞান হইলে, আমি কোথায় আছি, তাহা বুঝিতে পারিলাম না । একবার মনে হইতে লাগিল, দেওভোগ পড়িয়া গেলে, যেমন নাগমহাশয় আসিয়া কোলে নিতেন, সেই রূপ তিনি ধরিয়া আছেন । আবার ভাবিলাম, আমরা দেওভোগ হইতে চলিয়া আসিয়াছি । এই ভাবে চিন্তা করিতেছি, এমন সময় স্বামী বলিলেন, তিনি আমার দয়া করিয়া দেখা দিয়াছেন, তুমি সুস্থ হও । তুমি অজ্ঞান হইয়া পড়িয়া গিয়াছিলি, আমি তোমাকে ধরিয়া বসিয়াছি । এই তোমার জ্ঞান হওয়ায় নড়িয়া উঠিয়াছি । স্বামীর কথা শুনিয়া, তাঁহার দয়া মনে পড়ায়, আমার কান্না আসিতে লাগিল । স্বামীকে বলিলাম, দেখ, এ সময় তিনি তোমাকে দেখা দিতেনই, আমাকে তোমার কাছে ভাল বানানের অল্প এতটুকু করিলেন ।

তিনি আমার অন্ত কি না করিলেন ? দেওভোগ হইতে পঞ্চসার গেলেন । সেখানে আহাৰ ও নিদ্রা কিছুই হইল না । রাত্ৰিতে জলে স্নাতার দিয়া বাড়ী গেলেন । আমি এই সমস্ত কষ্টেব কারণ । আর তিনি প্রতিমুহূর্ত্তে ভাবিতেছেন, কিসে আমাব সুখ হইবে । স্বামী বলিলেন, তাঁহার কৃপার সীমা কোথায় ! লোকে যেন এই সব কথা শুনিতে না পায । অনেক সময় হইয়া গিয়াছে, এখন চল । স্বামীর কথামত ঠাকুরের নাম করার স্থান হইতে চলিয়া আসিলাম । মনে যেন কেমন একটা ভার রহিল ।

স্বামী নাগমহাশয়কে হৃদয়ে দেখিযাছেন । স্বামীর মন তাঁহাতে একবারে ডুবিয়া গিয়াছে । আমি যেমন নাগমহাশয়কে দেখিয়া কাহার সাথে বেশী কথা বলিতে পারিতাম না, সময় মত থাইতাম না, স্বামীরও সেই ভাব । তিনি থাইতে বসিতেন, অন্ন দুটা থাইয়া উঠিয়া যাইতেন । তিনি কেবল নির্জনে বসিয়া থাকিতেন । রাত্ৰিতে তিনি আমার কাছে শুইতেন, কিন্তু তাঁহার সাড়া শব্দ থাকিত না । অবসর থাকিলে তিনি দিবসেও আমাব কাছে থাকিতেন । নাগমহাশয়ের কথা বলিতাম । নাগমহাশয়ের বিষয় আমার জানা আছে কিনা, তাই আমার সঙ্গে যাহা হয় বলিতেন । ৪।৫ রাত্ৰি ভাল ঘুম হয় নাই । তিনি কেবল নাগমহাশয়ের চিন্তা করিতেন । আমার মনে সুখই হইত । স্বামীর এই অবস্থা দেখিয়া, দেশের সকল লোক ইচ্ছামত আমাকে গালাগালি দিতে লাগিল । কেহ কেহ বলিল, স্বামীকে ভূতে পাইয়াছে । আবার অন্ত কেহ বলিল, দুর্গাচরণ নাগ । উহাকে ঐষধ খাওয়াইয়াছে ; দুর্গাচরণ নাগ ছিল কাল সাপ ।



আমি বড় বিপদে পড়িয়া গেলাম । আমার ভয়, অধিক কথা বলিলে যদি স্বামীর ভাব নষ্ট হইয়া যায় । বাহার যাহা ইচ্ছা তাহা বলুক, কিন্তু নাগমহাশয়েব নিন্দা প্রাণে বড় লাগিত । স্বামী তাঁহার ভাবে বিভোর । একদিন বড়ই অসহ্য হইল । আমি তাঁহাকে বলিলাম, ইহার সকলে অথবা নাগমহাশয়ের নিন্দা করিতেছে । আমি আর এখানে থাকিব না । যাহা ইচ্ছা হয় আমাকে বলুক, তিনি কি করিয়াছেন যে, ইহার তাঁহাকে গালাগালি দিতেছে । এমন সময় আমার ননাস নাগমহাশয়কে গালি দিলেন । ইহাতে স্বামীর অতিশয় ক্রোধ হইল । তিনি বলিলেন, আপনারা তাঁহার নিন্দা নিয়া মরিতেছেন কেন ? যদি তাঁহার নাম নিষা আমার কিছু বলিবেন, আমি এই মুহূর্ত্তেই সকল ভাঙ্গিয়া চুবিয়া একদিকে চলিয়া যাইব । স্বামীর রাগ দেখিয়া কেহ নাগমহাশয়কে আর কিছু বলিত না ।

স্বামীর নিয়মমত খাওয়া ছিল না এবং অনিদ্রায় তাঁহার শরীর কাতর হইল । তাহা দেখিয়া কেহ বলিতে লাগিলেন, রাত্রে ও সব রক্ত চুষিয়া খাইয়া ফেলিতেছে । ওঝা দেখাইয়া বোটাকে ছাড়াইতে হইবে । ও যে ভাবে ছিল, সেই ভাবেই থাকুক । পিতার নাম লোপ হইতে বসিল । তাহা এভাবেও থাকিবে না, ওভাবেও থাকিবে না । সকালে ও সন্ধ্যায় এত সময় বসিয়া কি করে ? একরূপ অনেক কথা বলিতে লাগিল । আমি মনে মনে নাগমহাশয়কে স্মরণ করিতে লাগিলাম এবং গোপনে কাঁদিলাম । স্বামী তখন মহাভাবেই আছেন । তিনি কোন কথাই জানিতেন না । কলেজ খোলার ২৩ দিন বাকী আছে । একদিন স্বামী বলিলেন, শীঘ্রই কলেজ খুলিবে ।

লোকের মাথে মিশিতে হইবে । সকলের সঙ্গে কথা বলিতে হইবে ।  
 আশীর্বাদ কবিবা যেন আমার মন তাঁহাতে রাখিতে পারে ।  
 আমি বলিলাম, যিনি তোমাকে দেখা দিয়াছেন, তাঁহাকে বল ।  
 মানুষের ইচ্ছায় কিছু যায় আসে না । তিনি বলিয়াছেন, ভগবান্  
 গুণ দেখিয়া ধরেন না, আবার দোষ দেখিয়া ছাড়িয়া দেন না ।  
 জীব তাঁহার কৃপা ছাড়া তাঁহাকে ধবিত্তে পারে না । আমি একদিন  
 দেওভোগ হইতে আসার সময় নাগমহাশয়কে বলিয়াছিলাম, এখন  
 যাই । তিনি কোন উত্তর দিলেন না । আবার যাই বলিয়া তাঁহার  
 মথের দিকে তাকাইয়া দেখিলাম, অমন হাসি মাথা মুখ ঈষৎ  
 মলিন করিয়া বলিতেছেন, যাই যাই, কি গো মা . যাই বলিতে  
 .নহ । ইহা বলিয়া তিনি আমার হাত ধবিলেন । তাঁহার  
 এইরূপ স্নেহ দেখিয়া, আমার মনে হইল, তাঁহার নিজ  
 দেহ কাটিয়া এক ২৩ মাংস দূবে ফেলিলে তিনি যত  
 ব্যথা পাইতেন না, আমি তাঁহার কাছে যাই বলায়  
 তাহা অপেক্ষা অধিক কষ্ট পাইয়াছেন । যিনি আমাদের  
 এত ভালবাসেন, তিনি কোন অবস্থায় আমাদের ছাড়িতে  
 পারিবেন না । তাঁহার দয়া প্রত্যক্ষ অনুভব করিলে—ভাবিয়া  
 দেখ না, যখন দেওভোগ হইতে আসার সময় নাগমহাশয়কে  
 বল, “এখন আসি,” তিনি কেমন স্নেহ করেন । তিনি সঙ্গে  
 সঙ্গে উঠিয়া দাডান । যখন তাঁহাকে নমস্কার করিতে যাও,  
 স্নেহভরে তাঁহার দুইটা চক্ষু ঢুলু ঢুলু করিতে থাকে ।  
 নমস্কার করিলে যেন কিছু আশীর্বাদ করিতে করিতে একটু  
 সড়িয়া যান, আবার স্নেহভরে তাকাইয়া সাথে সাথে হাটিতে  
 থাকেন, যেন কতদূর চলিয়া যাইতেছি, যেন তিনি বুঝাইয়া

মেন, বাহার বে কাজ, তাহা করিতে হইবে। তিনি এইরূপ অমুমতি দিয়াও, বতদূর দেখা যায়, তাকাইয়া থাকেন। তাঁহাব সেই স্নেহ মনে কবিয়া কাজ করিবা। আমি তোমাকে আব কি বলিব, তাঁহাব উপব আমার চেয়ে তোমাব বিশ্বাস অধিক। তিনি বলিয়াছেন, গলায পড়িয়াছে ঢোল বাজালেই সিদ্ধি। ~ (১১)

স্বামী বলিলেন, এখন তোমাব কোন কষ্ট নাই। তুমি এখানেই থাক। আমি বলিলাম, তুমি টাকা যাঠিতেছ, আমি কাহাব কাছে থাকিব? সকলে ওঝা আনিবে। স্বামী বলিলেন আমি সমস্ত বুঝাইয়া দিব। প্রত্যেক শনিবার আমি আসিব। তৎপব তিনি নিম্ন ভয়ীকে বলিলেন, ধর্ম্মে হাত দিবেন না। সময়মত খায় আব না খায়, দুইবেলা ঠাকুরেব নাম করিতে দিবেন। দেখিবেন যেন কোন অনিয়ম না হয়। যদি ওঝা আনেন, ভাল হইবে না। আপনাদের সর্বনাশ হইবে। ও যে কি তাহা আমি জানি। জীবন্ত মাছ মারিবে না। কোন বকর শাক উঠাইবে না। দরজা বন্ধ করিয়া ঠাকুরের নাম করিবে, সে সময় কেহ গোলমাল করিতে পারিবে না। ইহা ভাল কি মন্দ, আমি বেশ জানি। ইহাতে অশ্বেব বিচাব দরকাব নাই। কাহাকেও আমাকে বুঝাইতে হইবে না। স্বামী সব ঠিক করিয়া আমাকে বলিলেন, তোমার কোন ভয় নাই। নাগমহাশয়ও বলিয়াছেন, ভগবান্ সকল স্থানে আছেন। তোমার উপর তাঁহাব অপার দয়া, তোমার আবার ভয় কি? স্বামীর ভক্তি ও বিশ্বাস আমার চেয়ে বেশী। নাগমহাশয় হাসিতে হাসিতে তাঁহাকে বীর-পুরুষ বলিতেন। তাঁহার জীবন বড়ই পবিত্র। তাঁহার বয়স যখন ১৪ বৎসর, তিনি বিবাহ করেন।

আমি তাঁহার প্রায় সমস্ত জীবন জানি । কিছুতেই তাঁহাকে সত্যপথ হইতে টলাইতে পারে নাই ।

নাগমহাশয় আমাকে কিরূপ স্নেহ করিতেন; অগতে তাহার তুলনা হয় না । যখন ছোট ছিলাম, কিছু জানিতাম না, তাঁহার ভালবাসা ভালভাবে বুঝিতাম না । তিনি হাসিতে হাসিতে বলিতেন, চাড়া গাছে বেড়া দেওয়া হইয়াছে । লাউ কুমড়ার যেমন আগে ফল হয়, পরে ফুল ফোটে, সেইরূপ আমার অতীষ্ঠ লাভের পথ সাধনা । শিশুকালে এমন ধর্ম ভাব কাহার হয় ! এইরূপ তিনি দয়া করিয়া অনেক কথা বলিতেন । স্বামীর বিষয় হাসিয়া হাসিয়া বলিতেন, সকালের তোলা মাখন, এ আর নষ্ট হইবে না । এ রকম কত কথা বলিতেন । আমাকে কত স্নেহ বড় করিয়াছেন কত আদর করিয়াছেন । সে সব এখন স্বপ্ন বলিয়া ভ্রম হয় । তিনি আমাকে সকল অবস্থাতেই স্নেহ করিতেন । তিনি আমার সকল কাজেই সুখী ছিলেন । ছোট সময়ে এ ভাবে প্রসংশা করিয়া হাসিতে হাসিতে আদর করিতেন ; যখন বড় হইলাম, স্বপ্ন দেখিয়া ভুলিয়া গেলাম, তখন তিনি স্বামীর হাতে আমাকে ভুলিয়া দিয়া, এত সুখী হইলেন, তাহা লিখিবার নয় । সে সময় নাগমহাশয়কে দেখিয়া আমার মনে হইল, পিতা যেমন বড় মেরেকে উপযুক্ত জামাতার হাতে সঁপিয়া দিয়া সুখী হন, তিনি আমাকে স্বামীর কাছে সুখী দেখিয়া তাহা অপেক্ষা অধিক সন্তোষ লাভ করিলেন । নাগমহাশয়ের স্নেহ বর্ণনা করা যায় না ।

নাগমহাশয় বলিতেন, পথে পথে থাকিলে একদিন ভগবানের দয়া হয় । এলো-মেলো করিলে ধর্ম হয় না । তিনি আদর করিয়া আমাদিগকে লক্ষীনারায়ণ বলিতেন । তিনি আমাকে

এত স্নেহ করিতেন, তাহা কি করিয়া ব্যক্ত করিব, জানি না। একদিন আমি স্নান করিয়া, নাগমহাশয়কে নমস্কার করিব মনে করিয়া, তাঁহার নিকটে দাঁড়াইয়া আছি, তিনি হাসিতে হাসিতে বলিলেন, হুর্গার ডানদিকে দাঁড়া করাইলে লক্ষীর মত দেখা যায়। আমি লজ্জা পাইয়া মাটির দিকে তাকাইয়া রহিলাম। তিনি আমার পানে চাহিয়া হাসিতে লাগিলেন। আমি এত পাষণ হইলাম কেন? কি করিয়া তাঁহার এত স্নেহ ভুলিয়া গেলাম? নাগমহাশয় প্রতিমুহূর্ত্তে আমার স্মৃতির দিকে লক্ষ্য রাখিতেন। ছোট সময় এক ভাবে গেল। নাগমহাশয় কিসে স্মৃতি থাকিবেন, স্বামী সে বিচার করিতেন। যখন বড় হইলাম, তখন আর তত বিচার রহিল না। মানুষ শত চেষ্টা করিলেও সময়ের গতি রোধ করিতে পারে না। একবার আমরা দুই জন নাগমহাশয়কে দেখিতে গেলাম। আমি মনে মনে তাঁহাকে বলিলাম, তুমি একবারে নিষ্কম, জীব কি করিয়া কর্ম্মদ্বারা তোমাকে স্মৃতি করিবে? নাগমহাশয় বলিলেন, তোমাদিগকে স্মৃতি দেখিলেই আমি স্মৃতি। তাঁহার সাক্ষাতে কিম্বা অসাক্ষাতে যাহা হইয়াছে, সকল কথাই উত্তর দিলেন। নাগমহাশয় কখন আমাকে পুরাণ পাঠ করিয়া শুনাইতেন, কখন নন্দময়স্তীর কথা বলিতেন। সময় সময় সাবিত্রী সত্যবানের জীবনের ঘটনা कहিতেন। স্বপ্ন দেখাইয়া মন ভুলাইয়া সতী রমণীর উপাখ্যান হইতে উপদেশ ভুলিয়া ব্যাখ্যা করিতেন। ছোট সময় শিলা পিলা ও সাধবী রমণীর কথা বলিয়াছিলেন। একদিন নাগমহাশয় শিব পুরাণ পাঠ করিয়া আমাকে বুঝাইতেছেন। তিনি বলিলেন, মা, চিরকালই লোকের কষ্ট। এক সময় জল ছিল না। গৌতম ষড়্ভুজের তপস্যা করিয়া জল আনিয়াছিলেন।

প্রতিবেশীদের অদমনীয় ঈর্ষ্যার ফলে গৌতমের লাঞ্ছনার শেষ রহিল না । অন্তান্ত মুনিদিগের তপস্যার বশীভূত হইয়া গণেশ গোশিশুর রূপ ধারণ করিলেন, এতৎ গৌতমের ক্ষেত্রে যাইয়া ফসল খাইতে লাগিলেন । গৌতম তাহাকে তাঁহার ক্ষেত্র হইতে তাড়াইতে গেলেন । গণেশ অস্তর্ধান হইলেন । গোশিশু পড়িয়া রহিল । গৌতম গোহত্যা পাপে অপরাধী হইলেন । মুনিরা বলিলেন, তাহারা গৌতমের মুখ দেখিবেন না । গৌতম অতিশয় বিপদে পড়িলেন এবং মুনিদিগের নিকট ব্যবস্থা চাহিলেন, যাহাতে তিনি পাপমুক্ত হইতে পারেন । এ পর্য্যন্ত মুনিরা আমি ঘুমাইয়া পড়িলাম । হঠাৎ তাকাইয়া দেখিতে পাইলাম, নাগমহাশয় আমার পানে চাহিয়া আছেন । আমি চক্ষু মেলিয়া চাহিলে পর তিনি বলিলেন, বাজারের বেলা হইয়াছে, এখন বাজারে বাইব । তাঁহাব এত স্নেহ ছিল, আমার ঘুম ভাঙ্গিয়া গেলে কষ্ট পাইব মনে করিয়া তিনি চুপ করিয়া বসিয়াছিলেন ।

নাগমহাশয় বাজার করিয়া ফিরিয়া আসিলেন । মা ঠাকুরাণী স্নান করিতে গেলেন । আমি কুটনা কুটিলাম । নাগমহাশয় আমাদের নিকট বসিয়া আছেন । তিনি আমাকে বলিলেন, মা, সংসার বড় ভয়ঙ্কর স্থান । কাহাকেও বিশ্বাস করিও না । একজন ব্যতীত অগতকে পুত্রের মত দেখিবে । তিনি আবার পুরাণ পাঠ করিয়া আমাকে বুঝাইতে লাগিলেন । এক দিন অহল্যা স্নান করিয়া আসিতেছিলেন, ইন্দ্র তাহাকে সিন্ধু বস্ত্রে দেখিতে পাইয়া কাষাতুর হইলেন । কি করিয়া অহল্যার কাছে বাইবেম সেই অবসর খুঁজিতে লাগিলেন । তিনি দেখিতে পাইলেন, শিষ্য হইলে অনেক সময় গৌতমের আশ্রমে থাকিতে পারিবেন । গৌতম

কখন আশ্রমে থাকেন, কখন আশ্রমের বাহিরে যান, সমস্তই জানিতে পারিবেন, সুতরাং ইন্দ্র গৌতমের শিষ্য হইলেন । কয়েক দিনের পর, একদা ইন্দ্র দেখিলেন, গৌতম উপশ্রা করিতে যাইতেছেন, অমনি গৌতমের রূপ ধারণ কবিয়া অহল্যার নিকটে গেলেন । অহল্যা তাহাকে দেখিয়া জিজ্ঞাসা করিলেন, আজ এত শীঘ্র ফিবিয়া এলেন যে ? গৌতমরূপী ইন্দ্র বলিলেন, কতদূর যাইয়া আমার মন চঞ্চল হইল, তাই ফিরিয়া আসিলাম । অহল্যা গৌতম-রূপধারী-ইন্দ্রকে জানিতে পারিলেন না । উভয়ে নিভৃত স্থানে গেলেন । গৌতম ধ্যানে সব জানিতে পারিলেন এবং ধ্যান ভঙ্গ কবিয়া আশ্রমে আসিলেন । গৌতমকে আসিতে দেখিয়া ইন্দ্র ভয়ে পলাইতে লাগিলেন । গৌতম পলায়নপর ইন্দ্রকে অভিশাপ দিলেন । অহল্যা গৌতমকে দেখিয়া কিং-কর্তৃধা-বিমূঢ়া হইলেন এবং ইন্দ্রকে পলাইতে অবলোকন করিয়া তাহার দৈত্য হইল । তিনি বাতা-হত কদলীপত্রের জ্বায় কাঁপিতে কাঁপিতে গৌতমের পদযুগলে পড়িলেন । অহল্যা পাষণ্ডী হইলেন । ইন্দ্রের সমস্ত শরীর ভগ্নে পূর্ণ হইল । অহল্যা নাজানিয়া দোষ করিয়াছে জানায় মুনির মনে দয়া হইল । তিনি বলিলেন, ত্রেতাযুগে যখন পিতৃ সত্য পালন কবিত্তে রামচন্দ্র বনে আসিবেন, তাঁহার চরণস্পর্শে তোমার শাপ মোচন হইবে । নাগমহাশয় বলিলেন, মা, মেয়েলোকের সাথে তোমার যাহা ইচ্ছা তাহা করিও, কিন্তু পুরুষ সাবধান, পুরুষ সাবধান, পুরুষ সাবধান । দেখ না, পরমহংসদেবের ব্রাহ্মণী পুরুষের সাথে বড় কথা বলেন না । তুমিও ঐ রকম থাকিও । নাগমহাশয় আমাকে তিনবার সাবধান করিলেন এবং বলিলেন,—

যত দিন পুড়ে শ্মশানে না পড়ে ছাই,  
ততদিন সতীত্বের বিশ্বাস নাই ।

নাগমহাশয় বলিলেন, মা, একটা মেয়ে সতী ছিল । তাহার অতিশয় অসুখ হইল । সকলে মনে করিল, এবার সে মারা যাইবে । তাহাকে ঘরের বাহির করিয়া পিতা বলিলেন, আজ দেশ সতীশূণ্য হইল । মেয়েটা অমনি বলিয়া উঠিল, বাবা, আমি এখনও মরি নাই । এখন কিছু বলিবেন না । যদি বাঁচিয়া কোন কুকার্য্য করিয়া বসি । নাগমহাশয় আমার মঙ্গলের জন্ত সর্বদা প্রস্তুত থাকিতেন । কিসে আমার মঙ্গল হইবে, তাহা তিনি বলিতেন । সাবিত্রী সত্যবানের গল্প বলিতে বলিতে কহিয়াছিলেন, মা, সাবিত্রী সতীত্বের জোরে মরা স্বামী বাচাইয়া আনিলেন । সাবিত্রীর তেজ দেখিয়া কেহ তাহাকে বিবাহ করিতে সাহসী হইল না । সাবিত্রীর বিবাহের বয়স হইয়াছে । সাবিত্রীর পিতা তাহাকে স্বামীবরণ করিতে বলিলেন । একদিন তিনি বনে যাইয়া সত্যবানকে মনে মনে স্বামীত্বে বরণ করিলেন এবং পিতাকে সকল কথা বলিলেন । নারদ তাহা শুনিয়া বলিলেন, সত্যবানের সকলই গুণ, দোষ মাত্র একটা । সত্যবানের আয়ু ১৬ বৎসর । রাজা সত্যবানের সহিত স্বীয় কন্যার বিবাহ দিতে অস্বীকার করিলেন । সাবিত্রী বলিলেন, মনে মনে যাহাকে একবার বরণ করিয়াছি, তাহাকেই বিবাহ করিব । নারদ অনেক কথা বলিলেন । সাবিত্রী কোন কথাই মানিলেন না । রাজা সত্যবানের পিতার নিকট চর পাঠাইলেন । বিবাহ হইয়া গেল । সত্যবানের মৃত্যুর দিন সমুপস্থিত দেখিয়া সাবিত্রী একটা ব্রত আরম্ভ করিলেন । ব্রতের শেষ দিন সত্যবানের মৃত্যু হওয়ার কথা ছিল । সাবিত্রী তাহা জানিতেন, অজ্ঞ কেহ সেই কথা জানিত না ।



সত্যবান কাষ্ঠ আহরণ করিতে বনে গেলেন । সাবিত্রী তাহার সঙ্গে যাইবেন বলায় শ্বশুর বারণ করিলেন । অবশেষে সাবিত্রীর অনুরোধ এড়াইতে না পারিয়া তাহাকে সত্যবানের সহিত বনে যাইতে দিলেন । কাষ্ঠ কাটিতে আরম্ভ করিয়া সত্যবান অস্থির হইয়া পড়িলেন । সাবিত্রী নিজ ক্রোড়ে স্বামীর মাথা রাখিলেন । এমন সময় তিনি দেখিলেন, যম সত্যবানকে নিতে আসিয়াছেন । সাবিত্রী তাঁহাকে জিজ্ঞাসা করিলেন আপনি কে ? এখানে কেন আসিয়াছেন ? যম বলিলেন, আমি যম । সত্যবানের আয়ুঃকাল শেষ হইয়াছে । আমি তাহাকে নিতে আসিয়াছি । তাহাকে ছাড়িয়া দাও । তুমি ইচ্ছা করিলে বর নিতে পার । সাবিত্রী বলিলেন, আমার পিতার পুত্র নাই । যম ‘পুত্র হইবে’ বলিয়া বর দিয়া যাইতে লাগিলেন । সাবিত্রী পিছনে চলিলেন, যম তাহাকে ফিরিয়া যাইতে বলিয়া আর এক বর দিতে চাহিলেন । সাবিত্রী বলিলেন, ‘আমার শ্বশুর অন্ধ’ । যম তাহার দৃষ্টিশক্তি দান করিলেন । সাবিত্রী আবার পশ্চাতে যাইতে লাগিলেন এবং আর এক বর চাহিতে আদিষ্ট হইলেন । সাবিত্রী শ্বশুরের হৃতবাক্য ফিরিয়া চাহিলেন । যম তাহাও দিলেন । তৎপর যমের সহিত সাবিত্রীর অনেক কথা হইল, তাহাতে সন্তুষ্ট হইয়া যম আর এক বর দিতে রাজি হইলেন এবং সাবিত্রী সত্যবানের ঔরসে শত পুত্র চাহিলেন । যম তথাস্তু বলিলেন । যম আবার অগ্রসর হইতে লাগিলেন, আবার সাবিত্রীকে পিছনে দেখিয়া বিশ্বয়াপন্ন হইয়া তাহাকে বলিলেন, আর কেন ? অনেক বর দিয়াছি, এখন ফিরিয়া যাও । সাবিত্রী বলিলেন, তাহা কিরূপে হইবে ? আপনি বর দিয়াছেন, সত্যবানের ঔরসে আমার শত পুত্র হইবে, অথচ আপনি

তাহাকে লইয়া যাইতেছেন । ধম সাবিত্রীর কথা শুনিয়া বড়ই  
খীত হইলেন । তিনি সত্যবানকে বাচাইয়া দিলেন এবং বলিলেন,  
তোমার সতীত্বের জোরে যুরা স্বামী জীবন লাভ করিল । চারি  
যুগে তোমার কীৰ্ত্তি ঘোষিবে ।

নাগমহাশয় বলিলেন, মা, মেয়েদের সতীত্ব থাকিলে সমস্তই  
থাকে । দয়মন্তী বনে গেলেন, দম্ভ্যগণ তাঁহার সতীত্বের তেজ  
দেখিয়া নিকটে যাইতে পারিল না । মীরাবাই সতীলক্ষ্মী ছিলেন ।  
সতী থাকিলে মুক্তি হয় । মীরাবাইয়ের নির্ঝান লাভ হইয়াছে ।  
নাগমহাশয় আমার মঙ্গলের জন্য আমাকে কত উপদেশ  
দিয়াছেন । এক সাধ্বী রমণীর স্বামীর কুষ্ঠরোগ ছিল । প্রত্যহ  
রজনীশেষে সেই রমণী স্বামীকে মাথায় লইয়া গঙ্গাস্নান করাইয়া  
আনিতেন । একদা গঙ্গাস্নান করিয়া, স্বামীকে মাথায় করিয়া  
নিয়া আসিতেছেন, দৈবাৎ এক তাপসের গায় তাহার পা  
লাগিল । তাপস ক্রোধাক্ত হইয়া বলিলেন, তোর স্বামী নিয়া  
এত অহঙ্কার । তাহাকে মাথায় নিয়া আমার শরীরে পা তুলিয়া  
দিতেও তোর একবার মনে ভয় হইল না । রাত্রি ভোর  
হইলে তোর স্বামী দেহত্যাগ করিবে । সাধ্বী তাহা শুনিয়া  
অতিশয় দুঃখিতা হইলেন, কি করিবেন । না দেখিয়া তাপসের গারে  
পা দিয়াছেন, তাহার কোন দোষ ছিল না । তাই তিনি  
বলিলেন, যদি আমি সতী হই, এ রাত্রি আর ভোর হইবে না ।  
রাত্রি আর ভোর হয় না । একই ভাবে চলিতে লাগিল । দেবতাগণ  
তাপসের বহুতর নিন্দা করিতে করিতে বলিলেন, সতীর কোন  
দোষ নাই । সে না দেখিয়া তোমার গায় পা দিয়াছে । তুমি  
তাহাকে অভিশাপ দিলে কোন ? সতীর বাক্য অলঙ্ঘনীয়, রাত্রি

ভোব হইবে না। তাপস বলিলেন, আমার কথাও মিথ্যা হইবে না। দেবতাগণ সতীকে অনেক বুঝাইলেন। তাঁহারা বলিলেন, তোমার কথা তুমি ফিঝাইয়া লও। এখন তোমাব স্বামীব কুষ্ঠ আছে, এই দেহত্যাগ হইলে, তাহার শবীর সুন্দব ও নিরাময় হইবে। তুমি তোমাব বাক্য প্রত্যাহাব কব। সাধবী রাজি হইলেন এবং বলিলেন, আমাব কোন পাপেব ফলে স্বামীব কুষ্ঠ হইয়াছে, সেই পাপেব ফলে আমাব বাক্য মিথ্যা হউক, বাত্রি ভোব হউক। বাত্রি ভোব হইল। স্বামী সুন্দব দেহধাবণ কবিয়া স্বামীব কাছে গেলেন।

একদিন নাগমহাশয় বলিলেন, এক মূনি বছদিন তপস্তা করিয়াছিলেন। যখন তিনি দেখিলেন, অনেক দিন হইয়া গেল, উগবান্ দেখা দেন না, মনে কষ্ট পাইয়া সংসাবে ফিবিয়া আসিতে লাগিলেন। একদল কবুতর আকাশমার্গে উড়িয়া যাইতেছিল। পথিমধ্যে মূনিব মাথায় মলত্যাগ কবিল। মূনি বোষকঘাষিত লোচনে আকাশপানে তাকাইলেন। কবুতরগুলি ভস্ম হইয়া গেল। তাহা দেখিয়া মূনি ভাবিলেন, তাহার তপস্তার একটা ফল হইয়াছে। পথেব ধারে একটা বাড়ীতে ভিক্ষার্থী হইয়া উপস্থিত হইলেন। তিনি দেখিলেন, এক বমণী স্বামীব পদসেবা করিতেছেন। তাহাকে দেখিয়া সেই বমণী উঠিলেন না। রেগে গর গর করিতে করিতে তাহার দিকে তাকাইলেন। তাহা দেখিয়া বমণী বলিয়া উঠিলেন, আমিত আব কবুতর নই যে, আমাকে ভস্ম করিয়া কেলিবেন। মূনি অবাক হইয়া তাহাকে ভিজ্ঞাসা করিলেন, আপনি কি করিয়া জানিলেন, আমি কবুতর ভস্ম করিয়াছি। সাধবী বমণী বলিলেন, আমি পতিসেবা করিয়া

ঘরে বসিয়া সব জানিতে পারি । মুনি বলিলেন, কি আশ্চর্যের বিষয়, আমি এতকাল তপস্শা করিয়া যে শক্তি লাভ করিতে পারিলাম না, আপনি ঘরে বসিয়াই এক পতিসেবা করিয়া সেই শক্তিলাভ করিলেন । সাধ্বী উত্তর করিলেন, আপনারা কঠোর তপস্শা করিয়া যে ফললাভ করেন, আমরা ঘরে বসিয়া এক পাতিব্রত পালন করিয়া তাহা লাভ করি । নাগমহাশয় সময় বুঝিয়া সমস্ত উপদেশ দিয়াছেন ।

একদিন আমরা দুইজন নাগমহাশয়ের কাছে বসিয়া আছি । কি এক সামান্য কথা নিয়া স্বামীর সহিত বাদানুবাদ হইয়াছিল । স্বামীর চক্ষে আমার দৃষ্টি পড়ায় আমি গভীরভাবে মুখ ফিরাইলাম । স্বামী হাসিতে হাসিতে নাগমহাশয়কে দেখিতে লাগিলেন । নাগমহাশয় হাসিয়া উঠিলেন । তিনি বলিলেন, ও ভ্রমরীর মত পাগল । ভ্রমরী স্বামীকে বড় ভালবাসিত, কিন্তু সর্বদা তাহার সহিত তুচ্ছ বিষয় লইয়া ঝগড়া করিত । তাহার বাসনা ছিল যেন সে স্বামীর কাছে মরিতে পারে । কালক্রমে তাহার মৃত্যুর দিন আসিল । তাহার ভয়ানক অসুখ হইয়াছে, সে চাঁদের আলো দেখিতে দেখিতে অন্তিম শয্যায় শুইয়া স্বামীর কথা মনে করিতে লাগিল । স্বামী এক জমিদারের অধীনে কাজ করিত । কোন কারণবশতঃ সেইরাত্রে বাড়ী আসিল । ভ্রমরীকে শুইয়া থাকিতে দেখিয়া তাহার কাছে আসিয়া বসিল । ভ্রমরী স্বামীকে দেখিতে দেখিতে দেহত্যাগ করিল । নাগমহাশয় হাসিতে হাসিতে বলিলেন, মা, মঙ্গলাকাজীর অমঙ্গল হয় না । তোমরা সাধ্বী থাকিলে, আমাদের মঙ্গল হইবে । মেয়েদের সতীত্বের চেয়ে শ্রেষ্ঠ ধর্ম নাই । পাঁচ মণ ছুধে এক

ফোটা গোমুত্র পড়িলে সমস্ত দুঃখ নষ্ট হইয়া যায় । পতিব্রতা ধর্মপালন করিলে ভগবান্ সুখী হন । স্বামীকে অপ্রীতিকর বাক্য বলিতে নাহ । যদি স্বামী কখন কড়া কথা বলেন, মনে করিতে হয়, আমাবহ দোষ থাকায় কড়া কথা শুনিলাম, নচেৎ স্বামী তাহা বলিবেন কেন ? স্বামী কড়া কথা বলিলেও তাহাকে নাব্যয়ণ জ্ঞান করিতে হয় । স্বামাব দোষ মনে কবা পাপ । নাগমহাশয় আমাকে এত স্নেহ করিতেন, আমি সামান্ত কষ্ট পাইলে, তিনি তাহা বোধ করিতেন ।

গিবিশবাবু বলিয়াছেন, সাক্ষাতে কিম্বা অসাক্ষাতে ভক্তের উপর নাগমহাশয়ের মাতৃবৎ স্নেহ । তাহা আমরা সর্বদা অনুভব করিয়াছি । যখন স্বামী বি এ পড়েন, তিনি এক শনিবাব নাগমহাশয়কে দেখিতে যাইতেন, অপর শনিবাব আমার কাছে আসিতেন । একবাব ছয় দিনেব ছুটি পাইয়া স্বামী আমাব কাছে আসিয়াছেন । দুইদিন বাকি থাকিতে বলিলেন, তিনি সেহ দিন চলিয়া যাইবেন, কাবণ পড়ার অতিশয় ক্রতি হইতেছিল । আমি ছুটি থাকিতে তাঁহাকে বাইতে দিতে রাজি হই নাই । তাঁহাকে সেখানে পড়িতে বলিলাম । তিনি কোন মতে স্বীকার করিলেন না এবং অনেক ওজর দেখাইলেন । আমিও কিছু মানিলাম না । অবশেষে তিনি একটু বিরক্তি দেখাইয়া বলিলেন, সেমন আজ যাইতে পারিব না, দুই মাসের আগে আর এখানে আসিব না । মনে মনে এইরূপ স্থিবসঙ্কল্প করিয়া ছুটির শেষ দিন ঢাকা গেলেন । পরের মণ্ডাহে নাগমহাশয়কে দেখিতে দেওভোগ গিয়াছেন । ঢাকা ফিবিয়া যাওয়ার সময় নাগমহাশয় তাঁহাকে বিজ্ঞাসা করিলেন, পঞ্চসার

গিয়াছিল কি ? ছই মাসের পূর্বে ওথায় গাঠবেন না বলিয়া মনে মনে উত্তর দিলেন। নাগমহাশয় বলিলেন, আগামী শনিবার পঞ্চসাব ঘাইবেন। স্বামী মনে মনে বলিলেন, আমবা পঞ্চসাব গ্রামে এক ঘবের এক কোণে বসিয়া কি কথা বলিয়াছি, তাহা তুমি দেওভোগ বসিয়া শুনিয়াছ এবং মন্যস্থ হইয়া গোল মিটাইয়া দিলে। শনিবার বাত্রিতে স্বামীকে দেখিয়া আমি ত্রিঙ্কাসা কবিনাম, কাল একাদশী তিথি, তোমার উপবাস। আজ ঠাণ্ডা ভাত খাইয়া কি কবিয়া থাকিবে ? জানা থাকিলে, তোমাব খাওয়ার ত্রিনিয় তৈয়ার রাখিতাম। এখন অনেক বাত্র হইয়াছে। তোমাব যে দৃঢ়পণ, আমার বিশ্বাস ছিল, তুমি ছই মাসের পূর্বে এখানে আসিবে না। স্বামী হাসিতে হাসিতে বলিলেন, তুমি নাগমহাশয়ের যে আদবেব মোয়, তোমাব মনে আবার কষ্ট দেওয়া যায়। দেওভোগ হইতে ঢাকা যাওয়ার সময় নাগমহাশয় আমাকে ত্রিঙ্কাসা কবিলেন, আমি পঞ্চসার গিয়াছিলাম কিনা। ছই মাসের পূর্বে এখানে আসিব না মনে কবিয়া, যিনি সমস্ত জানেন তাঁহাকে মুখেব মত মনে মনে উত্তর দিলাম, হাঁ, সেদিন গিয়াছিলাম। তিনি আর কিছু না বলিয়া আমাকে শনিবার আসিতে বলিলেন, তাই আজ আসিয়াছি। নাগমহাশয়ের মেহ দেখিয়া আমি বলিতে লাগিলাম, সকল অবতারের সময়ে ভুল হয়, কিন্তু নাগমহাশয়ের মুহুর্তের তরে ভুল দেখিতে পাইলাম না। সাক্ষাতে ত মনের কথার উত্তর দেনই, তাঁহার অসাক্ষাতে কি করিতেছি, তাহাও দেখিতেছেন। শুধু দেখা না, সামান্য অসুবিধা হইতে দিতেছেন না। আমাদের সামান্য কষ্ট দেখিতে পারিলেন

না । তিনি আমার জ্ঞান না পারিলেন, এমন কাজ নাই । মানব-  
দেহ ধারণ করিয়া যে ভুলশূন্য হয়, এমন কোথায় দেখা যায় না ।  
তিনি সব জানিয়া এমন ভাবে নিজকে ঢাকিয়া রাখিয়াছেন, লোক  
মনে করে, তিনি কিছুই জানেন না । এমন আত্মগোপন  
আর কেহ করে নাই । তিনি সাক্ষাতে কিম্বা অসাক্ষাতে সমভাবে  
স্নেহ করিয়াছেন, যেন ভক্তের সামান্য অভাব বোধ না হয় ।

একদিন নাগমহাশয়ের নিকট বসিয়া আছি, তিনি স্নেহের  
সহিত আমাকে বুঝাইতেছেন, কি করিয়া ভগবানে সম্পূর্ণ নির্ভর  
হয় । তিনি বলিলেন, ভগবানে সম্পূর্ণ নির্ভর কথাটা সোজা, কাজ  
সোজা নয় । যে হাত পা ছাড়িয়া দিয়া, ভগবান্ রক্ষা করিবেন  
বলিয়া, ভাল গাছের উপর হইতে পড়িয়া যাইতে পারে, তাহার  
ভগবানে নির্ভর হইয়াছে ; সে স্থখে চুপে সমভাবে ভগবানের  
উপর তাকাইয়া থাকিতে পারে । আপনার এক চুল চেঁচা  
থাকিতে ভগবানে নির্ভর আসে না । কুরুসভায় যতক্ষণ দ্রৌপী  
নিজে কাপড় ধরিয়া রাখিয়া লজ্জা নিবারণ করিতে চেঁচা করিয়া-  
ছিলেন, ততক্ষণ দেহ ঢাকিয়া রাখিতে পারেন নাই, কিন্তু যখন  
নিরুপায় হইয়া নিজের চেঁচা ছাড়িয়া দিয়া, জোরহাত করিয়া  
উর্ধ্বনেত্রে বলিলেন, কৃষ্ণ আমায় রক্ষা কর, শ্রীমধুসূদন আমার  
লজ্জা নিবারণ কর, তখন ভগবান্ বস্বরূপী হইয়া দ্রৌপদীর লজ্জা  
নিবারণ করিলেন । যখন জীব দ্রৌপদীর মত ভগবানে সম্পূর্ণ  
নির্ভর করিতে পারে, ভগবান্ তাহার সঙ্গ ছাড়িতে পারেন না,  
তাহার অতিপ্সিতরূপে অনুভূত হন, তাহার মনোমত রূপ ধারণ  
করিয়া তাহার সম্মুখে উপস্থিত হন । জীব যারামোহে অতিভূত  
হইয়া, তাঁহাকে চায় না । বাজারের সময় হইল, তিনি

তিনি আমার জন্ত কি না করিলেন ? দেওভোগ হইতে পঞ্চসার গেলেন । সেখানে আহার ও নিদ্রা কিছুই হইল না । রাত্ৰিতে জলে স্নাতার দিয়া বাড়ী গেলেন । আমি এই সমস্ত কষ্টের কারণ । আব তিনি প্রতিমহূর্তে ভাবিতেছেন, কিসে আমার সুখ হইবে । স্বামী বলিলেন, তাঁহার কুপার সীমা কোথায় ! লোকে যেন এই সব কথা শুনিতেন না পায় । অনেক সময় হইয়া গিয়াছে, এখন চল । স্বামীর কথামত ঠাকুরের নাম করার স্থান হইতে চলিয়া আসিলাম । মনে যেন কেমন একটা ভার রহিল ।

স্বামী নাগমহাশয়কে হৃদয়ে দেখিষাছেন । স্বামীর মন তাঁহাতে একবারে ডুবিয়া গিয়াছে । আমি যেমন নাগমহাশয়কে দেখিয়া কাহার সাথে বর্ণা কথা বলিতে পারিতাম না, সমস্ত মত খাটতাম না, স্বামীরও সেই ভাব । তিনি খাইতে বসিতেন, অন্ন দুটা খাইয়া উঠিয়া যাইতেন । তিনি কেবল নির্জনে বসিয়া থাকিতেন । রাত্ৰিতে তিনি আমার কাছে শুইতেন, কিন্তু তাঁহার সাড়া শব্দ থাকিত না । অবসর থাকিলে তিনি দিবসেও আমার কাছে থাকিতেন । নাগমহাশয়ের কথা বলিতাম । নাগমহাশয়ের বিষয় আমার জানা আছে কিনা, তাই আমার সঙ্গে যাহা হয় বলিতেন । ৪।৫ রাত্রি ভাল ঘুম হয় নাই । তিনি কেবল নাগমহাশয়ের চিন্তা করিতেন । আমার মনে সুখই হইত । স্বামীর এই অবস্থা দেখিয়া, দেশের সকল লোক ইচ্ছামত আমাকে গালাগালি দিতে লাগিল । কেহ কেহ বলিল, স্বামীকে ভূতে পাইয়াছে । আবার অন্য কেহ বলিল, দুর্গাচরণ নাগ উহাকে ঔষধ খাওয়াইয়াছে ; দুর্গাচরণ নাগ ছিল কাল সাপ ।



আমি বড় বিপদে পড়িয়া গেলাম। আমার ভয়, অধিক কথা বলিলে যদি স্বামীর ভাব নষ্ট হইয়া যায়। বাহার যাহা ইচ্ছা তাহা বলুক, কিন্তু নাগমহাশয়ের নিন্দা প্রাণে বড় লাগিত। স্বামী তাঁহার ভাবে বিভোর। একদিন বড়ই অসহ হইল। আমি তাঁহাকে বলিলাম, ইহারা সকলে অবধা নাগমহাশয়ের নিন্দা করিতেছে। আমি আর এখানে থাকিব না। যাহা ইচ্ছা হয় আমাকে বলুক, তিনি কি করিয়াছেন যে, ইহারা তাঁহাকে গালাগালা দিতেছে। এমন সময় আমার ননাস নাগমহাশয়কে গালি দিলেন। ইহাতে স্বামীর অতিশয় ক্রোধ হইল। তিনি বলিলেন, আপনারা তাঁহার নিন্দা নিয়া মরিতেছেন কেন? যদি তাঁহার নাম নিয়া আবার কিছু বলিবেন, আমি এই মুহূর্ত্তেই সকল ভাঙ্গিয়া চুরিয়া একদিকে চলিয়া যাইব। স্বামীর রাগ দেখিয়া কেহ নাগমহাশয়কে আর কিছু বলিত না।

স্বামীর নিয়মমত খাওয়া ছিল না এবং অনিদ্রায় তাঁহার শরীর কাতর হইল। তাহা দেখিয়া কেহ বলিতে লাগিলেন, রাজে ও সব রক্ত চুষিয়া খাইয়া ফেলিতেছে। ওঝা দেখাইয়া বোটাকে ছাড়াইতে হইবে। ও যে ভাবে ছিল, সেই ভাবেই থাকুক। পিতার নাম লোপ হইতে বসিল। তাহা এভাবেও থাকিবে না, ওভাবেও থাকিবে না। সকালে ও সন্ধ্যায় এত সময় বসিয়া কি করে? এরূপ অনেক কথা বলিতে লাগিল। আমি মনে মনে নাগমহাশয়কে স্মরণ করিতে লাগিলাম এবং গোপনে কাঁদিলাম। স্বামী তখন মহাভাবেই আছেন। তিনি কোন কথাই জানিতেন না। কলেজ খোলার ২৩ দিন বাকী আছে। একদিন স্বামী বলিলেন, শীঘ্রই কলেজ খুলিবে।

লাকের সাথে মিশিতে হইবে । সকলের সঙ্গে কথা বলিতে হইবে । আশীর্বাদ করিবা যেন আমার মন তাঁহাতে রাখিতে পারে । আমি বলিলাম, যিনি তোমাকে দেখা দিয়াছেন, তাঁহাকে বল । মানুষের ইচ্ছায় কিছু যায় আসে না । তিনি বলিয়াছেন, ভগবান্ ধরণ দেখিয়া ধরেন না, আবার দোষ দেখিয়া ছাড়িয়া দেন না । জীব তাঁহার কৃপা ছাড়া তাঁহাকে ধরিতে পারে না । আমি একদিন দেওভোগ হইতে আসার সময় নাগমহাশয়কে বলিয়াছিলাম, এখন নাই । তিনি কোন উত্তর দিলেন না । আবার যাই বলিয়া তাঁহার মুখের দিকে তাকাইয়া দেখিলাম, অমন হাসি মাথা মুখ ঈষৎ মলিন করিয়া বলিতেছেন, যাই যাই, কি গো মা ; যাই বলিতে নেই । ইহা বলিয়া তিনি আমার হাত ধরিলেন । তাঁহার এইরূপ স্নেহ দেখিয়া, আমার মনে হইল, তাঁহার নিজ দেহ কাটিয়া এক খণ্ড মাংস দূরে ফেলিলে তিনি যত ব্যথা পাইতেন না, আমি তাঁহার কাছে যাই বলার তাহা অপেক্ষা অধিক কষ্ট পাইয়াছেন । যিনি আমাদের এক ভালবাসেন, তিনি কোন অবস্থায় আমাদের কাছে ছাড়িতে পারিবেন না । তাঁহার দয়া প্রত্যক্ষ অনুভব করিলে—ভাবিয়া দেখ না, যখন দেওভোগ হইতে আসার সময় নাগমহাশয়কে বল, “এখন আসি,” তিনি কেমন স্নেহ করেন । তিনি সঙ্গে সঙ্গে উঠিয়া দাড়ান । যখন তাঁহাকে নমস্কার করিতে যাও, স্নেহভরে তাঁহার হুইটা চক্ষু তুলু তুলু করিতে থাকে । নমস্কার করিলে যেন কিছু আশীর্বাদ করিতে করিতে একটু সড়িয়া যান, আবার স্নেহভরে তাকাইয়া সাথে সাথে হাটিতে থাকেন, যেন কতদূর চলিয়া যাইতেছি, যেন তিনি বুঝাইয়

দেন, যাহার যে কাজ, তাহা করিতে হইবে। তিনি এইরূপ অশ্রুমতি দিয়াও, যতদূর দেখা যায়, তাকাইয়া থাকেন। তাঁহাব সেই স্নেহ মনে কবিতা কাজ করিবা। আমি তোমাকে আব কি বলিব, তাঁহাব উপর আমার চেয়ে তোমাব বিশ্বাস অধিক। তিনি বলিয়াছেন, গলায় পড়িয়াছে ঢোল বাজালেই সিদ্ধি।

স্বামী বলিলেন, এখন তোমাব কোন কষ্ট নাই। তুমি এখানেই থাক। আমি বলিলাম, তুমি ঢাকা যাইতেছ, আমি কাহাব কাছে থাকিব? সকলে ওঝা আনিবে। স্বামী বলিলেন আমি সমস্ত বুঝাইয়া দিব। প্রত্যেক শনিবার আমি আসিব। তৎপব তিনি নিম্ন ভগ্নীকে বলিলেন, ধর্ম্মে হাত দিবেন না। সময়মত খায় আব না খায়, দুইবেলা ঠাকুরেব নাম কবিনে দিবেন। দেখিবেন যেন কোন অনিয়ম না হয়। যদি ওঝা আনেন, ভাল হইবে না। আপনাদেব সর্কনাশ হইবে। ও কে কি তাহা আমি জানি। জীবন্ত মাছ মারিবে না। কোন বকম শাক উঠাইবে না। দরজা বন্ধ করিয়া ঠাকুরেব নাম কবিবে, সে সময় কেহ গোলমাল কবিতে পারিবে না। ইহা ভাল কি মন্দ, আমি বেশ জানি। ইহাতে অন্তেব বিচার দরকার নাই। কাহাকেও আমাকে বুঝাইত হইবে না। স্বামী সব ঠিক কবিতা আমাকে বলিলেন, তোমার কোন ভয় নাই। নাগমহাশয়ও বলিয়াছেন, ভগবান্ সকল স্থানে আছেন। তোমার উপর তাঁহাব অপার দয়া, তোমার আবার ভয় কি? স্বামীর ভক্তি ও বিশ্বাস আমার চেয়ে বেশী। নাগমহাশয় হাসিতে হাসিতে তাঁহাকে বীর-পুরুষ বলিতেন। তাঁহার জীবন বড়ই পবিত্র। তাঁহার বয়স যখন ১৪ বৎসর, তিনি বিবাহ করেন।

আমি তাঁহার প্রায় সমস্ত জীবন জানি । কিছুতেই তাঁহাকে সত্যপথ হইতে টলাইতে পারে নাই ।

নাগমহাশয় আমাকে ক্রিয়াকর্ম স্নেহ করিতেন, জগতে তাহার তুলনা হয় না । যখন ছোট ছিলাম, কিছু জানিতাম না, তাঁহার ভালবাসা ভালভাবে বুঝিতাম না । তিনি হাসিতে হাসিতে বলিতেন, চাড়া গাছে বেড়া দেওয়া হইয়াছে । লাউ কুমড়ার যেমন আগে ফল হয়, পবে ফুল ফোটে, সেইরূপ আমার অভীষ্ট লাভের পথ সাধনা । শিশুকালে এমন ধর্ম ভাব কাহার হয় ! এইরূপ তিনি দয়া করিয়া অনেক কথা বলিতেন । স্বামীর বিষয় হাসিয়া হাসিয়া বলিতেন, সকালের তোলা মাখন, এ আর নষ্ট হইবে না । এ বকম কত কথা বলিতেন । আমাকে কত স্নেহ যত্ন করিয়াছেন কত আদর করিয়াছেন । সে সব এখন স্বপ্ন বলিয়া ভ্রম হয় । তিনি আমাকে সকল অবস্থাতেই স্নেহ করিতেন । তিনি আমার সকল কাজেই সুখী ছিলেন । ছোট সময়ে এ ভাবে প্রসংশা করিয়া হাসিতে হাসিতে আদর করিতেন ; যখন বড় হইলাম, স্বপ্ন দেখিয়া ভুলিয়া গেলাম, তখন তিনি স্বামীর হাতে আমাকে তুলিয়া দিয়া, এত সুখী হইলেন, তাহা লিখিবার নয় । সে সময় নাগমহাশয়কে দেখিয়া আমার মনে হইল, পিতা যেমন বড় মেয়েকে উপযুক্ত জামাতার হাতে সঁপিয়া দিয়া সুখী হন, তিনি আমাকে স্বামীর কাছে সুখী দেখিয়া তাহা অপেক্ষা অধিক সন্তোষ লাভ করিলেন । নাগমহাশয়ের স্নেহ বর্ণনা করা যায় না ।

নাগমহাশয় বলিতেন, পথে পথে থাকিলে একদিন ভগবানের দয়া হয় । এলো-মেলো করিলে ধর্ম হয় না । তিনি আদর করিয়া আমাদের গল্পীনারায়ণ বলিতেন । তিনি আমাকে

এত স্নেহ করিতেন, তাহা কি করিয়া ব্যক্ত করিব, জানি না । একদিন আমি স্নান করিয়া, নাগমহাশয়কে নমস্কার করিব মনে করিয়া, তাঁহার নিকটে দাঁড়াইয়া আছি, তিনি হাসিতে হাসিতে বলিলেন, দুর্গার ডানদিকে দাঁড়া করাইলে লক্ষীর মত দেখা যায় । আমি লজ্জা পাইয়া মাটির দিকে তাকাইয়া রহিলাম । তিনি আমার পানে চাহিয়া হাসিতে লাগিলেন । আমি এত পাষণ্ড হইলাম কেন ? কি করিয়া তাঁহার এত স্নেহ ভুলিয়া গেলাম ? নাগমহাশয় প্রতিমুহূর্ত্তে আমার সুখের দিকে লক্ষ্য রাখিতেন । ছোট সময় এক ভাবে গেল । নাগমহাশয় কিসে সুখী থাকিবেন, স্বামী সে বিচার করিতেন । যখন বড় হইলাম, তখন আর তত বিচার রহিল না । মানুষ শত চেষ্টা করিলেও সময়ের গতি রোধ করিতে পারে না । একবার আমরা দুই জন নাগমহাশয়কে দেখিতে গেলাম । আমি মনে মনে তাঁহাকে বলিলাম, তুমি একবারে নিষ্কম, জীব কি করিয়া কর্ম্মদ্বারা তোমাকে সুখী করিবে ? নাগমহাশয় বলিলেন, তোমাদিগকে সুখে দেখিলেই আমি সুখী । তাঁহার সাক্ষাতে কিম্বা অসাক্ষাতে যাহা হইয়াছে, সকল কথাই উত্তর দিলেন । নাগমহাশয় কখন আমাকে পুরাণ পাঠ করিয়া শুনাইতেন, কখন নন্দময়স্বরীর কথা বলিতেন । সময় সময় সাবিত্রী সত্যবানের জীবনের ঘটনা করিতেন । স্বপ্ন দেখাইয়া মন ভুলাইয়া সতী রমণীর উপাখ্যান হইতে উপদেশ তুলিয়া ব্যাখ্যা করিতেন । ছোট সময় শিলা পিলা ও সাধবী রমণীর কথা বলিয়াছিলেন । একদিন নাগমহাশয় শিব পুরাণ পাঠ করিয়া আমাকে বুঝাইতেছেন । তিনি বলিলেন, যা, চিরকালই লোকের কষ্ট । এক সময় জল ছিল না । গৌতম বরুণের তপস্যা করিয়া জল আনিয়াছিলেন ।

প্রতিবেশীদের অদমনীয় ঈর্ষ্যাব ফলে গৌতমের লাঞ্ছনাব শেষ রহিল না । অশ্রান্ত মুনিদিগেব তপস্যায় বশীভূত হইয়া গণেশ গোশিশুব রূপ ধারণ করিলেন, এঃ গৌতমের ক্ষেত্রে যাইয়া ফসল খাইতে লাগিলেন । গৌতম তাহাকে তাঁহাব ক্ষেত্রে হইতে তাড়াইতে গেলেন । গণেশ অস্তধান হইলেন । গোশিশু পড়িয়া বহিল । গৌতম গোহত্যা পাপে অপবাধা হইলেন । মুনিরা বলিলেন, তাহাবা গৌতমের মুখ দেখিবেন না । গৌতম অতিশয় বিপদে পড়িলেন এবং মুনিদিগেব নিকট ব্যবস্থা চাহিলেন, যাহাতে তিনি পাপমুক্ত হইতে পারেন । এ পথান্ত শুনিয়া আমি ঘুমাইয়া পড়িলাম । হঠাৎ তাকাইয়া দেখিতে পাইলাম, নাগমহাশয় আমাব পানে চাহিয়া আছেন । আমি চক্ষু মেলিয়া চাহিলে পব তিনি বলিলেন, বাজাবেন বেলা হইয়াছে, এখন বাজাবে যাইব । তাঁহাব এত স্নেহ ছিল, আমাব ঘুম ভাঙ্গিয়া গেলে কষ্ট পাইব মনে কবিয়া তিনি চুপ কবিয়া বসিয়াছিলেন ।

নাগমহাশয় বাজাব কবিয়া ফিরিয়া আসিলেন । মা ঠাকুবাণী রান্না করিতে গেলেন । আমি কুটনা কুটিলাম । নাগমহাশয় আমাদেব নিকট বসিয়া আছেন । তিনি আমাকে বলিলেন, মা, সংসাব বড় ভয়ঙ্কর স্থান । কাহাকেও বিশ্বাস করিও না । একজন ব্যতীত জগতকে পুত্রের মত দেখিবে । তিনি আবার পুবাণ পাঠ করিয়া আমাকে বুঝাইতে লাগিলেন । এক দিন অহল্যা স্নান কবিয়া আসিতেছিলেন, ইন্দ্র তাহাকে সিন্ধু বধ্নে দেখিতে পাইয়া কামাতুব হইলেন । কি করিয়া অহল্যাব কাছে যাইবেন সেই অবসব খুঁজিতে লাগিলেন । তিনি দেখিতে পাইলেন, শিষ্য হইলে অনেক সময় গৌতমের আশ্রমে থাকিতে পারিবেন । গৌতম

কখন আশ্রমে থাকেন, কখন আশ্রমের বাহিরে যান, সমস্তই জানিতে পারিবেন, স্মৃতরাং ইন্দ্র গৌতমের শিষ্য হইলেন । কয়েক দিনের পর, একদা ইন্দ্র দেখিলেন, গৌতম তপশ্চা করিতে ঘাইতেছেন, অমনি গৌতমের রূপ ধারণ করিয়া অহল্যার নিকটে গেলেন । অহল্যা তাহাকে দেখিয়া জিজ্ঞাসা করিলেন, আজ এত শীঘ্র ফিরিয়া এলেন যে ? গৌতমকপী ইন্দ্র বলিলেন, কতদূর ঘাইয়া আমাব মন চঞ্চল হইল, তাই ফিরিয়া আসিলাম । অহল্যা গৌতম-রূপধারী ইন্দ্রকে জানিতে পারিলেন না । উভয়ে নিভৃত স্থানে গেলেন । গৌতম ধ্যানে সব জানিতে পারিলেন এবং ধ্যান ভঙ্গ করিয়া আশ্রমে আসিলেন । গৌতমকে আসিতে দেখিয়া ইন্দ্র ভয়ে পলাইতে লাগিলেন । গৌতম পলায়নপর ইন্দ্রকে অভিশাপ দিলেন । অহল্যা গৌতমকে দেখিয়া কিং-কর্তৃদ্য-বিমূঢ়া হইলেন এবং ইন্দ্রকে পলাইতে অবলোকন করিয়া তাহার চৈতন্য হইল । তিনি বাতা-হত কদলীপত্রের ত্রায় কাপিতে কাপিতে গৌতমের পদযুগলে পড়িলেন । অহল্যা পাষণ্ডী হইলেন । ইন্দ্রের সমস্ত শরীর ভঙ্গে পূর্ণ হইল । অহল্যা নাজানিয়া দোষ করিয়াছে জানায় মুনির মনে দয়া হইল । তিনি বলিলেন, ত্রেতাযুগে যখন পিতৃ সত্য পালন করিতে রামচন্দ্র বনে আসিবেন, তাঁহার চরণস্পর্শে তোমার শাপ ঘোচন হইবে । নাগমহাশয় বলিলেন, মা, মেয়েলোকের সাথে তোমার যাহা ইচ্ছা তাহা করিও, কিন্তু পুরুষ সাবধান, পুরুষ সাবধান, পুরুষ সাবধান । দেখ না, পরমহংসদেবের ত্রাঙ্কণী পুরুষের সাথে বড় কথা বলেন না । তুমিও ঐ রকম থাকিও । নাগমহাশয় আমাকে তিনবাব সাবধান করিলেন এবং বলিলেন,—

\* যত দিন গুড়ে খশানে না পড়ে ছাই,  
ততদিন সতীত্বের বিশ্বাস নাই ।

নাগমহাশয় বলিলেন, মা, একটা মেয়ে সতী ছিল। তাহার অতিশয় অসুখ হইল। সকলে মনে করিল, এবার সে মারা যাইবে। তাহাকে ঘরের বাহির করিয়া পিতা বলিলেন, আজ দেশ সতীশূণ্য হইল। মেয়েটা অমনি বলিয়া উঠিল, বাবা, আমি এখনও মরি নাই। এখন কিছু বলিবেন না। যদি বাচিয়া কোন কুকার্য্য করিয়া বসি। নাগমহাশয় আমার মঙ্গলের জন্য সর্বদা প্রস্তুত থাকিতেন। কিসে আমার মঙ্গল হইবে, তাহা তিনি বলিতেন। সাবিত্রী সত্যবানের গল্প বলিতে বলিতে कहিয়াছিলেন, মা, সাবিত্রী সতীত্বের ছোরে মরা স্বামী বাচাইয়া আনিলেন। সাবিত্রীর তেজ দেখিয়া কেহ তাহাকে বিবাহ করিতে সাহসী হইল না। সাবিত্রীর বিবাহের বয়স হইয়াছে। সাবিত্রীর পিতা তাহাকে স্বামীবরণ করিতে বলিলেন। একদিন তিনি বনে যাইয়া সত্যবানকে মনে মনে স্বামীত্বে বরণ করিলেন এবং পিতাকে সকল কথা বলিলেন। নারদ তাহা শুনিয়া বলিলেন, সত্যবানের সকলই গুণ, দোষ মাত্র একটা। সত্যবানের আয়ু ১৬ বৎসর। রাজা সত্যবানের সহিত স্বীয় কন্যার বিবাহ দিতে অস্বীকার করিলেন। সাবিত্রী বলিলেন, মনে মনে যাহাকে একবার বরণ করিয়াছি, তাহাকেই বিবাহ করিব। নারদ অনেক কথা বলিলেন। সাবিত্রী কোন কথাই মানিলেন না। রাজা সত্যবানের পিতার নিকট চর পাঠাইলেন। বিবাহ হইয়া গেল। সত্যবানের মৃত্যুর দিন সমুপস্থিত দেখিয়া সাবিত্রী একটা ব্রত আরম্ভ করিলেন। ব্রতের শেষ দিন সত্যবানের মৃত্যু হওয়ার কথা ছিল। সাবিত্রী তাহা জানিতেন, অতঃ কেহ সেই কথা জানিত না।



সত্যবান কাঠ আহরণ করিতে বনে গেলেন । সাবিত্রী তাহার সঙ্গে যাইবেন বলায় খশুর বারণ করিলেন । অবশেষে সাবিত্রীর অনুরোধ এড়াইতে না পারিয়া তাহাকে সত্যবানের সহিত বনে যাইতে দিলেন । কাঠ কাটিতে আরম্ভ করিয়া সত্যবান অস্থির হইয়া পড়িলেন । সাবিত্রী নিজ ক্রোড়ে স্বামীর মাথা রাখিলেন । এমন সময় তিনি দেখিলেন, যম সত্যবানকে নিতে আসিয়াছেন । সাবিত্রী তাঁহাকে বিজ্ঞাসা করিলেন আপনি কে ? এখানে কেন আসিয়াছেন ? যম বলিলেন, আমি যম । সত্যবানের আয়ুঃকাল শেষ হইয়াছে । আমি তাহাকে নিতে আসিয়াছি । তাহাকে ছাড়িয়া দাও । তুমি ইচ্ছা করিলে বর নিতে পার । সাবিত্রী বলিলেন, আমার পিতার পুত্র নাই । যম ‘পুত্র হইবে’ বলিয়া বর দিয়া যাইতে লাগিলেন । সাবিত্রী পিছনে চলিলেন, যম তাহাকে ফিরিয়া যাইতে বলিয়া আর এক বর দিতে চাহিলেন । সাবিত্রী বলিলেন, ‘আমার খশুর অন্ধ’ । যম তাহার দৃষ্টিশক্তি দান করিলেন । সাবিত্রী আবার পশ্চাতে যাইতে লাগিলেন এবং আর এক বর চাহিতে আদিষ্ট হইলেন । সাবিত্রী খশুরের হতরাজ্য ফিরিয়া চাহিলেন । যম তাহাও দিলেন । তৎপর যমের সহিত সাবিত্রীর অনেক কথা হইল, তাহাতে সন্তুষ্ট হইয়া যম আর এক বর দিতে রাজি হইলেন এবং সাবিত্রী সত্যবানের ঔরসে শত পুত্র চাহিলেন । যম তথাস্তু বলিলেন । যম আবার অগ্রসর হইতে লাগিলেন, আবার সাবিত্রীকে পিছনে দেখিয়া বিশ্বয়াপন্ন হইয়া তাহাকে বলিলেন, আর কেন ? অনেক বর দিয়াছি, এখন ফিরিয়া যাও । সাবিত্রী বলিলেন, তাহা কিরূপে হইবে ? আপনি বর দিয়াছেন, সত্যবানের ঔরসে আমার শত পুত্র হইবে, অথচ আপনি

তাহাকে লইয়া যাইতেছেন । যম সাবিত্রীর কথা শুনিয়া বড়ই  
শ্রীত হইলেন । তিনি সত্যবানকে বাচাইয়া দিলেন এবং বলিলেন,  
তোমার সতীত্বের জোরে মেরা স্বামী জীবন লাভ করিল । চারি  
যুগে তোমার কীর্তি ঘোষিবে ।

নাগমহাশয় বলিলেন, মা, মেয়েদের সতীত্ব থাকিলে সমস্তই  
থাকে । দয়মন্তী বনে গেলেন, দম্ভ্যগণ তাঁহার সতীত্বের তেজ  
দেখিয়া নিকটে যাইতে পারিল না । মীরাবাই সতীলক্ষ্মী ছিলেন ।  
সতী থাকিলে মুক্তি হয় । মীরাবাইয়ের নিকরান লাভ হইয়াছে ।  
নাগমহাশয় আমার মঙ্গলের জন্ত আমাকে কত উপদেশ  
দিয়াছেন । এক সাধ্বী রমণীর স্বামীর কুষ্ঠরোগ ছিল । প্রত্যহ  
বহনশেষে সেই রমণী স্বামীকে মাথায় লইয়া গঙ্গাস্নান করাইয়া  
আনিতেন । একদা গঙ্গাস্নান করিয়া, স্বামীকে মাথায় করিয়া  
নিয়া আসিতেছেন, দৈবাৎ এক তাপসের গায় তাহার পা  
লাগিল । তাপস ক্রোধাক্ত হইয়া বলিলেন, তোর স্বামী নিয়া  
এত অহঙ্কার । তাহাকে মাথায় নিয়া আমার শরীরে পা তুলিয়া  
দিতেও তোর একবার মনে ভয় হইল না । রাত্রি ভোর  
হইলে তোর স্বামী দেহত্যাগ করিবে । সাধ্বী তাহা শুনিয়া  
অতিশয় দুঃখিতা হইলেন, কি করিবেন । না দেখিয়া তাপসের গারে  
পা দিয়াছেন, তাহার কোন দোষ ছিল না । তাই তিনি  
বলিলেন, যদি আমি সতী হই, এ রাত্রি আর ভোর হইবে না ।  
রাত্রি আর ভোর হয় না । একই ভাবে চলিতে লাগিল । দেবতাগণ  
তাপসের বহুতর নিন্দা করিতে করিতে বলিলেন, সতীর কোন  
দোষ নাই । সে না দেখিয়া তোমার গায় পা দিয়াছে । তুমি  
তাহাকে অভিশাপ দিলে কোন ? সতীর বাক্য অলঙ্ঘনীয়, রাত্রি

ভোর হইবে না । তাপস বলিলেন, আমার কথাও মিথ্যা হইবে না । দেবতাগণ সতীকে অনেক বুঝাইলেন । তাঁহারা বলিলেন, তোমার কথা তুমি ফিরাইয়া লও । এখন তোমার স্বামীর কুষ্ঠ আছে, এই দেহত্যাগ হইলে, তাহার শরীর সুন্দর ও নিরাময় হইবে । তুমি তোমার বাক্য প্রত্যাহার কর । সাধবী রাজি হইলেন এবং বলিলেন, আমাব কোন পাপের ফলে স্বামীর কুষ্ঠ হইয়াছে, সেই পাপের ফলে আমার বাক্য মিথ্যা হউক, রাত্রি ভোর হউক । রাত্রি ভোর হইল । স্বামী সুন্দর দেহধারণ করিয়া সাধবীর কাছে গেলেন ।

একদিন নাগমহাশয় বলিলেন, এক মুনি বহুদিন তপস্বী করিয়াছিলেন । যখন তিনি দেখিলেন, অনেক দিন হইয়া গেল, ভগবান্ দেখা দেন না, মনে কষ্ট পাইয়া সংসারে ফিরিয়া আসিতে লাগিলেন । একদল কবুতর আকাশমার্গে উড়িয়া যাইতেছিল । পথিমধ্যে মুনির মাথায় মলত্যাগ করিল । মুনি রোষকষায়িত লোচনে আকাশপানে তাকাইলেন । কবুতরগুলি ভঙ্গ হইয়া গেল । তাহা দেখিয়া মুনি ভাবিলেন, তাহার তপস্বীর একটি ফল হইয়াছে । পথের ধারে একটি বাড়ীতে ভিক্ষার্থী হইয়া উপস্থিত হইলেন । তিনি দেখিলেন, এক রমণী স্বামীর পদসেবা করিতেছেন । তাহাকে দেখিয়া সেই রমণী উঠিলেন না । রেগে গর গর করিতে করিতে তাহার দিকে তাকাইলেন । তাহা দেখিয়া রমণী বলিয়া উঠিলেন, আমিও আর কবুতর নই যে, আমাকে ভঙ্গ করিয়া ফেলিবেন । মুনি অবাক হইয়া তাহাকে ভিজ্ঞাসা করিলেন, আপনি কি করিয়া জানিলেন, আমি কবুতর ভঙ্গ করিয়াছি । সাধবী রমণী বলিলেন, আমি পতিসেবা করিয়া

ঘরে বসিয়া সব জানিতে পাবি । মুনি বলিলেন, কি আশ্চর্যের বিষয়, আমি এতকাল তপস্বী করিয়া যে শক্তি লাভ করিতে পাবিলাম না, আপনি যবে বসিয়াই এক পতিসেবা করিয়া সেই শক্তিলাভ করিলেন । সাধ্বী উত্তর করিলেন, আপনারা কঠোর তপস্বী করিয়া যে ফললাভ করেন, আমরা ঘরে বসিয়া এক পাতিব্রত পালন করিয়া তাহা লাভ করি । নাগমহাশয় সময় বুঝিয়া সমস্ত উপদেশ দিয়াছেন ।

একদিন আমরা দুইজন নাগমহাশয়ের কাছে বসিয়া আছি । কি এক সামান্য কথা নিয়া স্বামীসহিত বাদানুবাদ হইয়াছিল । স্বামীসহিত আমার দৃষ্টি পড়ায় আমি গভীরভাবে মুগ্ধ হইলাম । স্বামী হাসিতে হাসিতে নাগমহাশয়কে দেখিতে লাগিলেন । নাগমহাশয় হাসিয়া উঠিলেন । তিনি বলিলেন, ও ভ্রমবীৰ মত পাগল । ভ্রমরী স্বামীকে বড় ভালবাসিত, কিন্তু সর্বদা তাহান সহিত তুচ্ছ বিষয় লইয়া ঝগড়া করিত । তাহার বাসনা ছিল যেন সে স্বামীর কাছে মরিতে পাবে । কালক্রমে তাহার মৃত্যু দিন আসিল । তাহার ভয়ানক অসুখ হইয়াছে, সে চাঁদেব আলো দেখিতে দেখিতে অস্তিম শয্যা শুইয়া স্বামীর কথা মনে করিতে লাগিল । স্বামী এক অমিদারের অধীনে কাজ করিত । কোন কারণবশতঃ সেইরাত্রে বাড়ী আসিল । ভ্রমরীকে শুইয়া থাকিতে দেখিয়া তাহার কাছে আসিয়া বসিল । ভ্রমরী স্বামীকে দেখিতে দেখিতে দেহত্যাগ করিল । নাগমহাশয় হাসিতে হাসিতে বলিলেন, মা, মঙ্গলাকাজীবী অমঙ্গল হয় না । তোমরা সাধ্বী থাকিলে, আমাদের মঙ্গল হইবে । মেয়েদের সতীত্বের চেয়ে শ্রেষ্ঠ ধর্ম নাই । পাঁচ মণ দুধে এক

কোটা গোমূত্র পড়িলে সমস্ত দুঃখ নষ্ট হইয়া যায় । পতিব্রতা ধর্মপালন করিলে ভগবান্ সুখী হন । স্বামীকে অপ্রীতিকর বাক্য বলিতে নাই । যদি স্বামী কখন কড়া কথা বলেন, মনে করিতে হয়, আমারই দোষ থাকায় কড়া কথা শুনিলাম, নচেৎ স্বামী তাহা বলিবেন কেন ? স্বামী কড়া কথা বলিলেও তাহাকে নারায়ণ জ্ঞান করিতে হয় । স্বামীর দোষ মনে করা পাপ । নাগমহাশয় আমাকে এত স্নেহ করিতেন, আমি সামান্য কষ্ট পাইলে, তিনি তাহা বোধ করিতেন ।

গিরিশবাবু বলিয়াছেন, সাক্ষাতে কিম্বা অসাক্ষাতে ভক্তের উপর নাগমহাশয়ের মাতৃবৎ স্নেহ । তাহা আমরা সর্বদা অনুভব করিয়াছি । যখন স্বামী বি এ পড়েন, তিনি এক শনিবার নাগমহাশয়কে দেখিতে যাইতেন, অপর শনিবার আমার কাছে আসিতেন । একবার ছয় দিনের ছুটি পাইয়া স্বামী আমার কাছে আসিয়াছেন । দুইদিন বাকি থাকিতে বলিলেন, তিনি সেই দিন চলিয়া যাবেন, কাবণ পড়ার অতিশয় কুতি হইতেছিল । আমি ছুটি থাকিতে তাঁহাকে যাইতে দিতে রাজি হই নাই । তাঁহাকে সেখানে পড়িতে বলিলাম । তিনি কোন মতে স্বীকার করিলেন না এবং অনেক ওজর দেখাইলেন । আমিও কিছু মানিলাম না । অবশেষে তিনি একটু বিরক্তি দেখাইয়া বলিলেন, যেমন আজ যাইতে পারিব না, দুই মাসের আগে আর এখানে আসিব না । মনে মনে এইরূপ স্থিরসঙ্কল্প করিয়া ছুটির শেষ দিন ঢাকা গেলেন । পরেব সপ্তাহে নাগমহাশয়কে দেখিতে দেওভোগ গিয়াছেন । ঢাকা ফিরিয়া বাওয়ার সময় নাগমহাশয় তাঁহাকে বিজ্ঞাসা করিলেন, পঞ্চসার

গিয়াছিলেন কি ? ছই মাসের পূর্বে তথায় যাইবেন না বলিয়া মনে মনে উত্তর দিলেন । নাগমহাশয় বলিলেন, আগামী শনিবার পঞ্চসার যাইবেন । স্বামী মনে মনে বলিলেন, আমরা পঞ্চসার গ্রামে এক ঘরের এক কোণে বসিয়া কি কথা বলিয়াছি, তাহা তুমি দেওভোগ বসিয়া শুনিয়াছ এবং মধ্যস্থ হইয়া গোল মিটাইয়া দিলে । শনিবার রাত্ৰিতে স্বামীকে দেখিয়া আমি দ্বিভ্রাসা করিলাম, কাল একাদশী তিথি, তোমার উপবাস । আজ ঠাণ্ডা ভাত খাইয়া কি করিয়া থাকিবে ? জানা থাকিলে, তোমাব খাওয়ার জিনিষ তৈয়ার রাখিতাম । এখন অনেক রাত্ৰ হইয়াছে । তোমার যে দৃঢ়পণ, আমার বিশ্বাস ছিল, তুমি ছই মাসের পূর্বে এখানে আসিবে না । স্বামী হাসিতে হাসিতে বলিলেন, তুমি নাগমহাশয়ের যে আদরের মেয়ে, তোমার মনে আবার কষ্ট দেওয়া যায় । দেওভোগ হইতে ঢাকা যাওয়ার সময় নাগমহাশয় আমাকে দ্বিভ্রাসা করিলেন, আমি পঞ্চসার গিয়াছিলাম কিনা । ছই মাসের পূর্বে এখানে আসিব না মনে করিয়া, যিনি সমস্ত জানেন তাঁহাকে মূর্খের মত মনে মনে উত্তর দিলাম, হাঁ, সেদিন গিয়াছিলাম । তিনি আর কিছু না বলিয়া আমাকে শনিবার আসিতে বলিলেন, তাই আজ আসিয়াছি । নাগমহাশয়েব স্নেহ দেখিয়া আমি বলিতে লাগিলাম, সকল অবতারের সময়ে ভুল হয়, কিন্তু নাগমহাশয়ের মুহূর্তের তরে ভুল দেখিতে পাইলাম না । সাক্ষাতে ত মনের কথা উত্তর দেনই, তাঁহার অসাক্ষাতে কি করিতেছি, তাহাও দেখিতেছেন । শুধু দেখা না, সামান্ত অশুবিধা হইতে দিতেছেন না । আমাদের সামান্ত কষ্ট দেখিতে পারিলেন

না । তিনি আমার জ্ঞান না পারিলেন, এমন কাজ নাই । মানব-  
দেহ ধারণ করিয়া যে ভুলশূন্য হয়, এমন কোথায় দেখা যায় না ।  
তিনি সব জানিয়া এমন ভাবে নিজকে চাকিয়া রাখিয়াছেন, লোক  
মনে করে, তিনি কিছুই জানেন না । এমন আত্মগোপন  
আর কেহ করে নাই । তিনি সাক্ষাতে কিবা অসাক্ষাতে সমভাবে  
স্নেহ করিয়াছেন, যেন ভক্তের সামান্য অভাব বোধ না হয় ।

একদিন নাগমহাশয়ের নিকট বসিয়া আছি, তিনি স্নেহেব  
সহিত আমাকে বুঝাইতেছেন, কি করিয়া ভগবানে সম্পূর্ণ নির্ভব  
হয় । তিনি বলিলেন, ভগবানে সম্পূর্ণ নির্ভর কথাটা সোজা, কাজ  
সোজা নয় । যে হাত পা ছাড়িয়া দিয়া, ভগবান্ রক্ষা করিবেন  
বলিয়া, তাল গাছের উপর হইতে পড়িয়া যাইতে পারে, তাহার  
ভগবানে নির্ভর হইয়াছে ; সে সুখে দুঃখে সমভাবে ভগবানের  
উপর তাকাইয়া থাকিতে পারে । আপনার এক চুল চেঁচা  
থাকিতে ভগবানে নির্ভর আসে না । কুরুসভায় যতক্ষণ দ্রৌপদী  
নিজে কাপড় ধরিয়া বাধিয়া লজ্জা নিবারণ করিতে চেঁচা করিয়া-  
ছিলেন, ততক্ষণ দেহ চাকিয়া রাখিতে পারেন নাই, কিন্তু যখন  
নিরুপায় হইয়া নিজের চেঁচা ছাড়িয়া দিয়া, জোরহাত করিয়া  
উর্ধ্বনেত্রে বলিলেন, কৃষ্ণ আমার রক্ষা কর, শ্রীমধুসূদন আমার  
লজ্জা নিবারণ কর, তখন ভগবান্ বস্তুরূপী হইয়া দ্রৌপদীর লজ্জা  
নিবারণ করিলেন । যখন জীব দ্রৌপদীর মত ভগবানে সম্পূর্ণ  
নির্ভর করিতে পারে, ভগবান্ তাহার সঙ্গ ছাড়িতে পারেন না,  
তাহার অভিস্মিতরূপে অমুভূত হন, তাহার মনোমত রূপ ধারণ  
করিয়া তাহার সন্মুখে উপস্থিত হন । জীব মারামোহে অভিভূত  
হইয়া, তাঁহাকে চায় না । বাজারের সময় হইল, তিনি

আনিয়াছেন । তাঁহার সেই অবস্থা দেখিয়া হরপ্রসন্নবাবুর হৃদয়ে বড় আঘাত লাগিল । তিনি কাঁদিতে লাগিলেন । নাগমহাশয় মোট মাটিতে রাখিয়া তাঁহাকে সাধনা করিলেন ।

নাগমহাশয়ের জীবনী লেখক শবৎবাবু একদিন বলিয়া ছিলেন, নাগমহাশয় যে কি, আমি তাহা জানি না, রমণীর সঙ্গে থাকিয়া রমণীর সঙ্গ না করা ব্রহ্মা বিষ্ণু ও শিবের অসাধ্য । আমি নাগমহাশয়কে বলিয়াছি, তুমি যে কি তাহা জানি না, তবে তোমার মত কাহাকে ভাল লাগে না । তুমি ছাড়া যে আমার আর কেহ আছে, তাহা আমি জানি না । তুমি আমার সব । তোমার গলার মালা দিয়াছে বলিয়া আজ ইহাকে (মাঠাকুরাণীকে) মা বলি । নাগমহাশয় হাসিতে হাসিতে শবৎবাবুকে বলিলেন, আপনি যে উহাকে মা বলিলেন, উহার বহু ভাগ্য ।

একদিন শবৎ বাবু নাগমহাশয়কে দেখিতে ইচ্ছা করিয়া ঢাকা হইতে রেল গাড়ীতে নারায়ণগঞ্জ যান । তিনি তখন ঢাকার কলেজে পড়িতেন । সে সময় বর্ষাকাল । মুসলমানের বৃষ্টি হইতেছিল । তিনি অনেক চেষ্টা করিয়াও নৌকার যোগার করিতে পারিলেন না । অবশেষে হতাশ হইয়া, জলে নাবিলেন এবং শস্তপূর্ণ মাঠের ভিতর দিয়া, যেখানে অগাধ জল তথায় সঁতার কাটিয়া চলিলেন । প্রাণ অর্ধৈর্য, নাগমহাশয়কে না দেখিয়া তিনি আর থাকিতে পারেন না । তিনি নাগমহাশয়ের বাড়ীর নিকট বাইরা দেখিলেন, নাগমহাশয় অবিশ্রান্ত বৃষ্টিতে ভিজিয়া, পথে দাঁড়াইয়া আছেন । নাগমহাশয় জানিতে পারিয়াছিলেন, শবৎবাবু জলে সঁতার কাটিয়া আসিতেছেন । তিনি শবৎবাবুকে দেখিয়া মাত্র বলিলেন, একি করিয়াছেন ? একি করিয়াছেন ? এরূপ বর্ষার



সময় কত বিষধর সাপ জলে বেড়ায় । এমন কাজ কি করিতে হয় ? শরৎবাবু বলিলেন, কি করি ? আপনাকে না দেখিয়া আর থাকিতে পারিলাম না । আমার অন্য উপায় ছিল না, তাই জলে সাঁতার দিয়াছি । আপনি এই বৃষ্টিতে ভিজিয়া দাঁড়াইয়া আছেন কেন ? নাগমহাশয় বলিলেন, আপনি আমার জন্ত প্রাণের ময়া ত্যাগ করিয়া, জলে সাঁতার দিলেন, আর আমি সামান্য বৃষ্টিতে দাঁড়াইয়া থাকিতে পারিব না ?

যখন শরৎবাবু কলিকাতা পড়িতেন, একদিন দালানের ছাদে উঠিয়া ভাবিতে লাগিলেন, এমন মহাপুরুষকে পাইয়া হারাইলাম । এই জীবন রাখিয়া কি লাভ ! আজই এই দেহভার ত্যাগ করিব । তৎপর তিনি ছাদ হইতে লাফাইয়া নীচে পড়িয়া আত্মহত্যা করিবেন, এমন সময় শুনিতে পাইলেন, নাগমহাশয় তাহার পরদিন কলিকাতা আসিবেন । তাঁহার শরীর শিহরিয়া উঠিল । তিনি নীচে নামিয়া আসিলেন । পর দিন সকালবেলা নাগমহাশয় তাহাদের মেসের ঘারে উপস্থিত হইয়া জিজ্ঞাসা করিতেছেন, শরৎবাবু বাসায় আছেন কি না । শরৎবাবু তাঁহার নিকটে গেলেন । নাগমহাশয় বলিলেন, এমন কাজ কি করিতে হয় ? আপনি কি করিয়া বসেন ভাবিয়া, আজ আমাকে কলিকাতা আসিতে হইল । যে রাত্রিতে শরৎবাবু আত্মহত্যা করিতে যান, সেই দিন প্রাতে নাগমহাশয় দেওভোগ হইতে রওনা হইয়াছেন । তাঁহার সমস্ত জ্ঞানা ছিল, তিনি সব দেখিতে পাইতেন বলিয়া পূর্বাঙ্কে শরৎবাবুর জন্ত রওনা হইলেন এবং ছাদ হইতে লাফাইবার পূর্বে আকাশ পথে তাঁহাকে বলিলেন, তিনি পর দিন কলিকাতা পৌঁছিবেন ।

শরৎ বাবু অনেকদিন নাগমহাশয়কে বলিরাছিলেন, আপনি আমাকে মন্ত্র দিন। প্রত্যেকদিন নাগমহাশয় বলিতেন, কায়স্থ ব্রাহ্মণকে মন্ত্র দিতে পারে না, কারণ সে তাহার অধিকারী নয়। আপনি ব্রাহ্মণ, পণ্ডিত লোক, আমি মুখে। আমি আপনাকে কি মন্ত্র দিব? অনেকদিন নাগমহাশয় তাঁহাকে বুঝাইয়া রাখিয়াছেন। যতক্ষণ তিনি নাগমহাশয়ের নিকট থাকিতেন, ততক্ষণ শান্তভাবে বহিতেন। একদিন নাগমহাশয় তাঁহাকে সাঙ্ঘনা দিয়া বাজারে ধাইতেছেন, শবৎবাবু সঙ্গে চলিলেন। একস্থানে পথ বড় সরু ছিল। ছুইধারে বেত বন। তিনি নাগমহাশয়কে জড়াইয়া ধরিয়া বলিলেন, আপনি আমাকে মন্ত্র দিন। শরৎ বাবু এমনভাবে সকাতেবে বলিলেন, ভক্তবৎসল নাগমহাশয় আর ভক্তের অনুরোধ ফেলিতে পাবিলেন না। নাগমহাশয় বলিলেন, শিব আপনার গুরু হইবেন। তাঁহার কথা শুনিয়া শরৎবাবু আনন্দে আত্মহারা হইয়া ভাবিলেন, এবার নাগমহাশয় আমাকে বর দিলেন। শিব গুরু হইবে। নিশ্চয় শিবগুরু পাইব, ইহাতে কোন সন্দেহ নাই। তিনি নাগমহাশয়ের বাক্য অব্যর্থ মনে করিয়া সময়ের অপেক্ষা করিতে লাগিলেন। নাগমহাশয়কে মন্ত্র দেওয়ার জন্ত আর পীড়াপীড়ি করিতেন না। একদিন শরৎবাবু বেগুড় মঠে গিয়াছেন। স্বামী বিবেকানন্দজী শুইয়া আছেন। শরৎবাবু তাঁহার পাশে ধাইয়া বসিলেন। স্বামীজী ঘুমাইয়া পড়িলেন। শরৎবাবু বসিয়া থাকিয়া দেখিতেছেন, স্বামীজী আর তথায় নাই, তাঁহার জায়গায় শিব শুইয়া রাখিয়াছেন। জানী শরৎবাবু রোমাঞ্চিত কলেবরে পরীক্ষা করিয়া দেখিলেন, সত্য সত্যই শঙ্কর শুইয়া আছেন। তখন তাঁহার

নাগমহাশয়ের বরের কথা মনে পড়িল। শয়ৎবাবু শঙ্কররূপী স্বামীজী হইতে দীক্ষাগ্রহণ করিবেন স্থির করিলেন। নাগমহাশয়ের বর শ্রবণ করিয়া ভাবিষ্ঠে লাগিলেন, নাগমহাশয় বলিয়াছেন, শিব আমার গুরু হইবে, তাই তিনি স্বামীজীকে শিবরূপে দেখাইয়া, আমার শ্রবণ পথে আনিয়াছেন। তিনি কায়স্থকুলচুড়ামণী স্বামীজীর মঙ্গল গ্রহণ করিলেন।

একদিন নাগমহাশয়ের এক ভক্ত তাঁহার কাছে বসিয়া বলিতেছিলেন, আমরা কুর্কর্ম করিয়া বদ্ধ হইয়া পড়িয়াছি, আমাদের সাধ্য নাই যে, আমরা মুক্ত হইতে পারি। স্বামী বলিলেন, তাহা কেন হইবে? আমার কর্ম দ্বারা আমি বদ্ধ হইয়াছি, আমার কর্মদ্বারা আমি মুক্ত হইব, কে ধরিবে? নাগমহাশয় তাহা শুনিয়া অতিশয় স্মৃথী হইয়া বলিলেন, ঠিক কথা। যদি আমি আমার কর্ম দ্বারা বদ্ধ হইতে পারি, আমি আমার কর্মদ্বারা মুক্ত হইতে পারিব না কেন? সেই ভক্ত নাগমহাশয়ের কথা শুনিয়া স্বামীকে বলিলেন, ভাই, তোমার সাথে কার কথা? তুমি নাগমহাশয়ের রূপাপাত্র।

নাগমহাশয়কে দেখিয়াই স্বামীর হৃদয়ে ভক্তিতাবের উদ্বেক হইয়াছিল। নাগমহাশয়কে ভক্তি করেন বলিয়া, মা ঠাকুরাণীকেও ভক্তি করেন। যদি আমরা কোন বিষয়ে মর্স্বাহত হইয়া মা ঠাকুরাণীর কার্য আলোচনা করিতাম, তিনি বলিতেন, ভগবানের চিন্তা কর। আমাদের মা ঠাকুরাণীর ব্যবহার বিচার করিয়া লাভ কি? আমরা নাগমহাশয়কে দেখিতে দেওভোগ যাই। তাঁহাকে না দেখিয়া থাকিতে পারি না, তাঁহার চরণ ধূলি না লইলে ত্রাণ পাইবার উপায় নাই। মা ঠাকুরাণীর আদর

কিছা-অন্তের ভাল ব্যবহার পাইতে দেওভোগ যাওয়া হয় না । মা বাবার সাথে যাহা ইচ্ছা তাহা করুন, সম্বানের সেই সব দেখা উচিত নয়, কিছা উহা তাহাদের আলোচনার বিষয় হওয়া ঠিক নয় । যখন নাগমহাশয় নিজগুণে তাঁহার রাতুল চরণে স্থান দিয়াছেন, তাঁহার চিন্তা কব, মঙ্গল হইবে ।

অন্তলোক গেলে মা ঠাকুরাণী কত বড় করিতেন । এমন কি পিষ্টক তৈয়ার করিয়া তাহাদিগকে খাইতে দিতেন । কিন্তু স্বামী গেলে মা ঠাকুরাণী বলিতেন, আমি উহার ভাত রান্না করিতে পারিব না এবং অনেক কথা লইয়া নাগমহাশয়ের সহিত ঝগড়া করিতেন । নাগমহাশয় বলিতেন, যে দিন লোকের মন জানিতে পারিবে, সেই দিন কপাল চাপড়াইয়া কাঁদিবে ও হার হার করিবে । মা ঠাকুরাণীর এই বকম ব্যবহারে নাগমহাশয় সন্দানন্দ হইয়াও সময় সময় নিরানন্দ হইতেন । তিনি স্বামীকে বড় স্নেহ করিতেন । স্বামী মনে কষ্ট পাইবেন বলিয়া স্বামীর কাছে গিয়া কত উপদেশ, কত মধুমাথা কথা বলিতেন । তিনি মাঠাকুরাণীকে বলিতেন, যাহারা আমাকে আপন ভাবিয়া, নিজের সুখ দুঃখ ত্যাগ করিয়া, আমাকে দেখিতে আসে, আমি তাহাদিগকে ছাড়িতে পারিব না । স্বামী এত ধীর স্থির ছিলেন, মা ঠাকুরাণীর এই মত ব্যবহার দেখিয়া, তিনি মর্মে করিতেন, মার মারার খেলা ।

একবার হরপ্রসন্নবাবু ও অনেক লোক দেওভোগ গিয়াছিলেন । স্বামী সেই দিন তথায় ছিলেন । শীতের দিন । রাত্রিতে থাকিলে নাগমহাশয়ের কষ্ট হইবে ভাবিয়া অন্তান্ত লোকের সাথে তিনি ঢাকা চলিয়া গেলেন । সেইদিন মা ঠাকুরাণী পিষ্টক তৈয়ার

করিলেন । স্বামী চলিয়া যাওয়ার নাগমহাশয়ের স্নেহ বিগুণ বর্ধিত হইল । সদানন্দ হইয়া একটু নিরানন্দ হইলেন । তাহার পর দিন আমার পিতা নাগমহাশয়কে দেখিতে যান । নাগমহাশয় তাঁহাকে দেখাইয়া বলিলেন, দেখ রাজকুমার, আমি কাল কি করিলাম ? বাড়ীতে পিষ্টক হইল, আর আমি খেয়াল না করিয়া পার্কতীকে ঢাকা পাঠাইয়া দিলাম । পার্কতীকে পিষ্টক খাওয়াইতে পারিলাম না । পিতা বলিলেন, ঠাকুর ভাই, তজ্জন্ম আপনি মনে এত কষ্ট পাইলেন কেন ? পার্কতীর উপর যে আপনাব দয়া আছে, ইহাই যথেষ্ট । পিষ্টক খাইলে আর তাহাব কত সুখ হইত । নাগমহাশয়ের স্নেহ দেখিয়া পিতা বড়ই আশ্চর্য্যান্বিত হইলেন । তিনি ঢাকা ডিষ্ট্রিক্ট বোর্ডের মেম্বর ছিলেন । সেইদিন ডিষ্ট্রিক্ট বোর্ডে এক সভা ছিল । তিনি ঢাকা যাইয়া স্বামীকে বলিলেন, তুমি কাল চলিয়া আসার, তোমাকে পিষ্টক খাওয়াইতে না পারিয়া ঠাকুর ভাই মনে বড় কষ্ট পাইয়াছেন । স্বামী নাগমহাশয়ের দয়া ভাবিতে ভাবিতে বলিলেন, জীবের উপর তাঁহার এত দয়া । আজ একদশী তিথি । সেই জন্ম বেলের ভিন্নমত মিষ্টতা অনুভব করিলাম । বেলের স্বাদ কখনও এইরূপ হয় না । নাগমহাশয় আমাকে পিষ্টক খাওয়াইবেন, তাঁহার ইচ্ছায় সকল হয় । বেল পিষ্টকে পরিণত হইল । আমাব উপর তাঁহার স্নেহের সীমা নাই ।

একদিন আমরা দেওভোগ যাইয়া দেখিলাম, নাগমহাশয় একখানা কাগজে গান লিখিতেছেন । আমাদেরকে দেখিয়া গানের কাগজ গুলি সরাইয়া রাখিলেন । তিনি স্নেহে আমার দিকে তাকাইয়া বিজ্ঞাসা করিলেন, বা, কেমন আছ ? আমি

ভাল\* রাখি বলিয়া তাঁহার কাছে বসিলাম । নাগমহাশয়ের চক্ষুহুঁটী তুলু তুলু করিতেছিল । তিনি আমাকে জিজ্ঞাসা করিলেন, কতদিন হয় পার্বতী পঞ্চস্নান গিয়াছিল ? আমি বলিলাম, কয়েক দিন হয় তথায় গিয়াছিলেন । তিনি আবার জিজ্ঞাসা করিলেন, ১৫ দিন হইয়াছে ? নাগমহাশয়ের মুখ দেখিয়া আমার মনে হইয়াছিল, তিনি স্বামীকে দেখিতে চান । আমি বলিলাম কেন ? শীঘ্র এখানে আসেন নাই ? এক শনিবার আপনার নিকট আসেন, অপব শনিবার পঞ্চস্নান যান । নাগমহাশয় বলিলেন, কোথায় ? এখানে অনেক দিন হয় আসে না । আমি মনে মনে তাঁহাকে বলিলাম, তোমাব এত দয়া । তুমি সমস্ত দেখিতে পাও, দূব ও নিকট উভয় তোমাব সমান । তথাপি স্বামীর মঙ্গলের অশ্রু, তাঁহাকে নিকটে আনিয়া দেখিতে চাও । প্রকাশে বলিলাম, আমি বাড়ী গিয়া চিঠি লিখিব, যেন তিনি অনতিবিলম্বে এখানে আসিয়া আপনার সাথে দেখা করেন । বাড়ী যাইয়া স্বামীকে লিখিলাম, যাহাকে মুনি ঋষিগণ ধ্যানে জানিতে পাবেন না, তিনি তোমাকে দেখিতে চান । পত্র পাওয়ামাত্র দেওভোগ যাইও । তোমার উপর নাগমহাশয়ের যে দয়া দেখিলাম, তাহা বর্ণনা করা যায় না । তুমি দেওভোগ বেশী যাইও এখানে সময় সময় আসিও । তাঁহাব ভালবাসা ইহকাল ও পবকালের সদী ।

জীবের প্রতি নাগমহাশয়ের বড় স্নেহ ছিল । তাহার স্নেহ এত মধুর ছিল, লেখা যায় না । সকলে বলে মাতৃস্নেহ অশ্রু সকল স্নেহ পরাজয় করে, তাহা আমরা কতক পরিমাণে বুঝিতে পারি, কিন্তু নাগমহাশয়ের স্নেহ মাতৃস্নেহ হইতেও শতগুণ অধিক মধুর

অসুভব করিয়াছি। মাতৃস্নেহের সীমা আছে, কিন্তু তাঁহার স্নেহ আকাশের মত অসীম। তিনি নিজ দেহ অপেক্ষা পরের দেহকে অধিক স্নেহ করিতেন। জগতে দেখা যায়, মাতা সন্তানকে স্নেহ করেন, কিন্তু তাহা নিজ দেহের স্নেহের বা ভালবাসার চেয়ে বেশী নয়। যদি শিশু সন্তান মাতৃ-সুত্ত পান করিতে করিতে কখন দন্ত দ্বারা স্তন কৰ্ত্তন করে, বা অমনি শিশুকে স্তন ছাড়াইয়া দূরে রাখিয়া দেন এবং তাহার দাঁতে আঘাত করেন, যেন সে স্তন আর না কামড়ায়, কিন্তু নাগমহাশয় অসহনীয় শাবীরিক যজ্ঞা সহ করিয়া সমাগত অতিথিদিগকে পরম সুখে রাখিয়াছেন, দেহপাত পরিশ্রম করিয়া চৰ্ব্ব চোষ্য লেছ পেয় খাদ্য যোগাইয়া সন্তোষ লাভ করিয়াছেন। তাঁহার দেহাশ্রবুদ্ধি ছিল না। নিজের দেহে আশ্বিন লাগিলেও বোধ করিতেন না, কিন্তু তাঁহার সাক্ষাতে একটি পিপিলিকা সামান্য কষ্ট পাইলে হৃদয়ে লাগিত, তাঁহার হাসিমাখা মুখপদ্ম ঈষৎ মলিন হইত। ইহা আমরা প্রত্যক্ষ দেখিয়াছি। নাগমহাশয় জীবের সুখে সুখী, দুঃখে দুঃখী ছিলেন।

নাগমহাশয়ের বাড়ীর দুইদিকে দুইটা পুকুর ছিল। একটি উত্তরের দিকে, অপরটা দক্ষিণদিকে অবস্থিত। দক্ষিণের পুকুর নাগমহাশয়দের নিজের এবং উত্তরের পুকুর অগ্রের সহিত ভাগে ছিল। সময়ে দক্ষিণের পুকুরিণীর জল কমিয়া যাইত। জল কমিয়া গেলে সাপ মাছ খাইতে আসিত। নাগমহাশয় মাছের কষ্ট দেখিয়া যে পুকুরিণীতে অধিক জল থাকিত, তাহাতে মাছ ধরিয়া আনিয়া ছাড়িয়া দিতেন। একদিন ভোরের বেলায়, যখন তিনি মাছ ধরিতে গিয়াছেন, সে সময় সাপ জলে নামিয়াছিল। তিনি আদর করিয়া মাছ উঠাইতে গিয়াছেন, সাপ খাড়া খিনিব মনে

করিল তাঁহার অঙ্গুলি কামড়াইয়া ধরিল । যখন সাপ তাঁহার অঙ্গুলি ইচ্ছামত কামড়াইয়া দেখিতে পাইল, উহা মৎস্যের মত গিলিতে পারিতেছে না, অঙ্গুলি ছাড়িয়া দিয়া প্রশ্ন করিল । তৎপর নাগমহাশয় হাত সরাইয়া আনিলেন, যেন তাঁহার কিছু হয় নাই । সাধারণ লোকের মত বাড়ীতে আসিলেন । তাঁহার হাতে রক্ত দেখিয়া, একজন ব্রাহ্মণ তাহার কারণ জিজ্ঞাসা করিলেন । নাগমহাশয় বলিলেন, এক সাপ আহার মনে করিয়া অঙ্গুলি কামড়াইয়া ধরিয়াছিল, পরে বুঝিতে পারিয়া ছাড়িয়া দিয়াছে । ব্রাহ্মণ অমনি যজ্ঞসূত্র খুলিয়া নাগমহাশয়ের হাত বাঁধিয়া দিলেন । তিনি নাগমহাশয়ের বাধা মানিলেন না । ব্রাহ্মণ হাত বাঁধিলেন সত্য, কিন্তু তিনি ওঝা ডাকিয়া বিষ ফেলিতে দিলেন না । তিনি বারম্বার বলিতে লাগিলেন, সাপ খাণ্ড মনে করিয়া অঙ্গুলি কামড়াইয়াছে, ইহাতে কোন অপকার হইবে না, আমার কোন যজ্ঞনা নাই । এইরূপ বলিয়া অন্তান্ত মানুষের মত বসিয়া বহিলেন । লোকের কথায কোন কাজ হইল না । ব্রাহ্মণ পৈতা খুলিয়া লইলেন । নাগমহাশয় তামাক সাজিয়া, হাসিতে হাসিতে তাহাকে খাইতে দিলেন । কেহ কেহ বলিল, উনি মানুষ নন । বিশ্বস্তর বিনা কেহ বিষের জালায় হাত এড়াইতে পারে না । উনি গোপনে মানবের ঘরে গীলা করিতেছেন ।

একদিন আমি দেখিয়াছি, নাগমহাশয় তামাক খাইতেছেন । একটা মশক তাঁহার হাতে বসিয়া ইচ্ছামত রক্ত পান করিতেছে । আমার মনে হইল, ইনি কেমন স্নেহ করিয়া হাসিয়া হাসিয়া মশককে খাওয়াইতেছেন । যখন মশক প্রাণভরিয়া রক্তপান করিয়া চলিয়া গেল, তিনি একবার দৃষ্ট স্থান হাত দিয়া চুলকাইলেন, যেন



আমাকে বলিয়াছিলেন, তিনি জানেন যে মশক তাঁহাকে কামড়াইতেছিল। সাপে কামড়াইলে বাহাব কষ্ট হয় নাই, তাঁহার কি আর মশকের দংশনে যজ্ঞণা হইবে? ২

সকল সময়েই জীবের উপর নাগমহাশয়ের অসীম স্নেহ ছিল। শরৎবাবু বলিয়াছিলেন, যখন বরাহনগরে শ্রীশ্রীরামকৃষ্ণমঠ ছিল, এক উৎসবের দিন এক নাগশিশু তথায় উপস্থিত হইল। তাহাকে দেখিয়া সকলেই মারমার ববে তাহার নিকট গেল। নাগমহাশয় কোথায় ছিলেন, গোলমাল শুনিয়া, সেইস্থানে যাইয়া, নাগশিশুকে পথ দেখাইয়া চলিলেন। নাগশিশু মস্তক হেট করিয়া তাঁহার পশ্চাতে চলিল, এবং নাগমহাশয়ের নির্দেশ মত চক্কর আড়ালে গেল। সমাগত ভক্তমণ্ডলী অবাক হইয়া তাঁহার অসীম শক্তি দেখিলেন, বিহ্বল হইয়া তাঁহার স্নেহেব মূর্তি অবলোকন করিতে লাগিলেন। নাগমহাশয় ব্যতীত অন্য কাহাকে সাপের উপর এত স্নেহ করিতে শুনা যায় না, কোন যুগের কোন পুস্তকে দেখা যায় না।

নাগমহাশয়ের স্নেহে সকল জীব মোহিত ছিল। সকলেই নাগমহাশয়কে আপন মনে কবিত। তিনি অতি প্রত্যাষে উঠিতেন। পক্ষিগণ গান কবিতে থাকিলে, তিনি বলিতেন, এখন সকলেই মনের আনন্দে ভগবান্কে স্মরণ করিয়া ডাকিতেছে, এখন সত্য যুগ। এ সময়ে ভগবানে মন রাখিতে হয়। লোকের প্রতি স্নেহ কবিতা লোকেব মঙ্গলের অশ্রু, এই কথা বলিয়া বারান্দার এক কোণে বসিয়া ভগবান্কে স্মরণ করিতেন। তাঁহার স্নেহমাথা মধুর হাসি এবং তাঁহার সেই মহাত্মাবগুণ নন্দনকমল দেখিলে জীবের মনে হইত, যেন ইনিই সাক্ষাৎ ভগবান্

—কৃষ্ণ করিয়া জীবদিগকে জালার হাত এড়াইতে ভগবান্কে স্মরণ করাইয়া দিতেছেন। পাখীগণ তাঁহাকে দেখিয়া, মহা আনন্দে ডাকিত এবং তাঁহাব চারিদিকে ঘুরিত। একবার আমি নাগ মহাশয়ের নিকট বসিয়া আছি। দুইটা শালিক তাঁহার কাছে আসিয়া, মাথা কাত করিয়া তাঁহাব দিকে তাকাইয়া আনন্দে বিভোর হইয়া, নাচিয়া নাচিয়া ডাকিতে লাগিল, তাহা দেখিয়া আমার মনে হইল, নাগমহাশয় তাহার কত আশ্রয়। তিনি হাসিতে হাসিতে আমাকে বলিলেন, মাগো, অতিথি আসিয়াছে, দুইটা চাউল দাও। আমি তাঁহার কথা বুঝিতে না পারিয়া দাঁড়াইয়া আছি। তিনি আবার মধুর স্বরে বলিলেন, দুইটা চাউল দাও। আমি তাঁহাকে চাউল দিলাম। শালিক দুইটি আমাকে দেখিয়া ভয় পাইল। তাহা সবেও তাহারা চলিয়া গেল না, কারণ তাহারা জানিত নাগমহাশয়ের নিকট তাহাদের কোন ভয় নাই। তৎপব তাহারা নাগমহাশয়ের হাত হইতে চাউল খাইতে আরম্ভ করিল, যেন তিনি শালিক দম্পতির মহা আপন। আমি ও নাগমহাশয়ের একটি ভক্ত বিশ্বয়ের সহিত তাহা দেখিতে লাগিলাম। বনের পাখী কি করিয়া বুঝিতে পারিল, নাগমহাশয় তাহাদের কোন অনিষ্ট করিবেন না—কেবল শান্তি দিবেন। ধন্ত পাখী! ধন্ত নাগমহাশয়ের স্নেহ! যাহাতে জীবকুল তাঁহাকে বুঝিতে পারিত, এবং তাঁহার স্নেহমূর্ত্তি দেখিতে চাহিত।

অলের মাছ তাঁহার পারের শব্দে বুঝিতে পারিত যে, নাগ মহাশয় তাহার নিকট গিয়াছেন। নাগমহাশয়দের বাড়ীর উত্তর দিকে একটা পুকুরিণী আছে। তাহাতে একটা মাগুর মৎস্য বাস করিত। যখন নাগমহাশয় সেই পুকুরের পারে বাইতেন,

মাছটা তাঁহার সম্মুখে ভাসিয়া উঠিত । নাগমহাশয় জল নাড়িলে, তাঁহাকে দেখিতে দেখিতে জলে ভাসিত এবং আনন্দে জলের উপর সাঁতার কাটিত । তিনি চলিয়া আসিলে সে জলের নীচে ঘাইত । নাগমহাশয় খাইয়া আঁচাইতে যাওয়ার সময় তাহার অগ্র এক মুঠো ভাত নিয়া ঘাইতেন এবং জলের নীচে হাত রাখিতেন । মাছটা মহাআনন্দে তাঁহার হাত হইতে ভাত খাইত । জলচর মৎস্য কি করিয়া জানিল, নাগমহাশয় তাহার আপন ? এমন স্নেহ কে কোথায় দেখিয়াছে ?

বর্ষার সময় একদিন নাগমহাশয় বাজারে ঘাইবেন । একটা কুকুর তাঁহার সঙ্গে সঙ্গে ঘুরিতেছে । বর্ষাকালে পূর্ববদ জলে ভাসিতে থাকে । মাঠ পথ ঘাট জলে ডুবিয়া যায় । স্মরণ্য একপাড়া হইতে অগ্রপাড়া ঘাইতে হইলে নৌকার দরকার হয় ; হাট বাজার ত দুবের কথা । নাগমহাশয় নৌকার উঠিলেন । যে স্থানে নৌকা বাঁধা ছিল, একটা কুকুর তথায় ঘাইয়া বসিল । যতদূর পর্যন্ত দেখা যায়, সে নাগমহাশয়কে দেখিতে লাগিল । যখন আর তাঁহাকে দেখা গেল না, কুকুর আকাশ পানে মুখ তুলিয়া কাঁদিয়া জলে বাঁপ দিল, এবং সাঁতার দিয়া নাগমহাশয়কে ধরিল, আমি ঘাটে দাঁড়াইয়া রহিলাম । আমার বিশ্বাস ছিল, যখন কুকুর জলে বাঁপ দিয়াছে, তিনি নিশ্চয়ই ফিরিয়া আসিবেন । ইহা ভাবিতে ভাবিতে দেখিতে পাইলাম, নাগমহাশয়ের হাসিমাখা মুখখানা কুকুরের কণ্ঠে ঝঁষৎ মলিন হইয়াছে । কুকুরকে নৌকার লইয়া আসিতেছেন । তিনি বাড়ীতে উঠিলেন, কুকুর লাফাইয়া বাড়ীতে আসিল । তিনি কতটুকু সময় স্নেহ পূর্ণ দৃষ্টিতে তাহার দিকে তাকাইয়া, এদিকে ওদিকে ঘাইতে

লাগিলেন এবং অবশেষে অন্তপথে নৌকায় উঠিয়া বাজারে গেলেন । কুকুর তাঁহার স্নেহে মোহিত হইয়া কিছুই বুঝিতে পারিল না । পশু হইয়া কি করিয়া বুঝিল নাগমহাশয় তাহার এত আপন । হায়, হায়, আমরা মানুষ হইয়া তাঁহার সহিত কি ব্যবহাব করিলাম ।

শবৎ বাবু বলেন, জন্মিবামাত্র খাসপ্রখাসের স্ত্রায় নাগমহাশয়ের ধর্মভাব সহজাত ছিল । দেবতা চিরকালই দেবতা । শিশুকাল হইতেই জীবের প্রতি তাঁহার অপরিমিত স্নেহ ছিল । যখন নাগমহাশয়ের প্রথম বিবাহ হয়, তখন তাঁহার বয়স ১৬ বৎসর । একটা বিড়ালের অসুখ হওয়ার গায়ের সকল লোম ঝড়িয়া পড়িয়া গিয়াছিল । নাগমহাশয়ের বিবাহের দিন বিড়াল কাঁপিতে কাঁপিতে তাঁহার কাছে আসিয়া উপস্থিত হইল । নাগমহাশয় বিড়ালের সেই অবস্থা দেখিয়া, ঘর হইতে এক পাতিল ক্ষির আনিয়া, তাহার গায় মাখিয়া দিলেন এবং অঙ্গলে নিয়া ছাড়িয়া দিলেন । অল্প কতকগুলি বিড়াল আসিয়া, তাহার গায়ের ক্ষীর চাটিয়া খাইল । বিড়ালটা ভাল হইয়া নাগমহাশয়ে বাড়ীতে আসিয়া তাঁহার নিকট বসিল । যখন নাগমহাশয় এক পাতিল ক্ষীর বিড়ালের গায়ে মাখেন, তাঁহার এক জাতি ভগ্নী বলিয়া-ছিলেন, হুর্গাচরণ, তুমি এক পাতিল ক্ষীর নষ্ট করিলে ? সে সময় তিনি তাঁহার কোন উত্তর দিয়াছিলেন না । বিড়ালকে সুস্থ শরীরে ক্ষিরিয়া আসিতে দেখিয়া, তিনি বলিলেন, এই দেখুন, বিড়ালটা ভাল হইয়াছে । একটা প্রাণীর চেয়ে কি এক পাতিল ক্ষীরের অধিক মূল্য ? ক্ষীরের লোতে অল্প বিড়াল তাঁহার গা চাটিয়া গরম করিয়া দিয়াছে, এবং সে ভাল হইয়াছে ।

বিড়াল কি করিয়া জানিল, নাগমহাশয় তাহার হুঃখ মোচন করিবেন ?

বর্ষাকালে যখন অবিশ্রান্ত বারিপাতে পুকুর ভরিতে আরম্ভ করে, মেঘ গর্জনে কই প্রভৃতি মৎস্যগণ প্রাণের আনন্দে পুকুর হইতে বাহির হয় এবং ক্ষীণা জলধারা ধরিয়া যেরূপে ইচ্ছা হয় গমন করে । সে সময় লুক্ক মানব সামান্য রসনার তৃপ্তির জন্য সেই মৎস্যসকল ধরে । নাগমহাশয়ের দেশেও তাহা হইত । তাহার সমবয়সী বালকগণ এই সময় মৎস্য ধরিতে মাঠে যাইত । নাগমহাশয় তাহাদের সাথে থাকিতেন । সকলে মাছ ধরিয়া ঘরে নিয়া আসিত, কিন্তু নাগমহাশয় তাহা ধরিয়া অনিয়া, দয়া-পরবশ হইয়া, বড় পুকুরিনীতে ছাড়িয়া দিতেন । সারদাপিসী বলেন, তিনি মহা ঔৎসুক্যের সহিত মাছ ধরিতে যাইতেন এবং প্রত্যেক দিন রিক্তহস্তে বাড়ীতে ফিরিয়া আসিতেন । তখন তাহার বয়স ১০।১১ বৎসর । এমন মেহ, জীবের প্রতি এমন ভালবাসা, এমন পরসুখানুগতপ্রাণ কি কোথায় দেখা যায় ?

একবার অগছাত্রী পূজার সময় একটা লোক জল হইতে একটা বাশ উঠাইয়া আনিয়াছিল । সেই বাশের মধ্যে মৎস্যগণ বাস করিয়াছিল বলিয়া একটা মাছ বাশের সঙ্গে আনীত হয় । যে স্থানে বাশ রাখা হইয়াছিল, সেখানে মাটিতে মাছটা পড়িয়া ধরুকরু করিতেছিল । কেহ তাহা দেখিতে পায় নাই । নাগমহাশয় কোথায় ছিলেন, দেখিতে পাই নাই । তিনি কোথা হইতে আসিয়া, মাছটা ধরিয়া নিয়া জলে ছাড়িয়া দিলেন । যখন তিনি মাছ ধরিতেছেন, সে সময় আমরা দেখিলাম, তাহা ধরুকরু

করিতেছে নাগমহাশয়ের সেই মূর্তি, সেই চাকলা, এখনও আমার চক্ষে ভাসিতেছে।

তাঁহার নিজের শরীর দীর্ঘ হইলে, কখন তাঁহাকে বিচলিত হইতে দেখি নাই, কিন্তু তাঁহার সাক্ষাতে যে কোন জীব হউক না কেন কষ্ট পাইলে, তিনি ঈষৎ চঞ্চল হইতেন, কষ্টদূর করিতে অমনি অগ্রসর হইতেন। ইনি কি মানুষ? অথবা অশ্রু কেহ গোপনে জীবের দুঃখ মোচন করিতে মানবদেহ ধারণ করিয়াছেন?

নাগমহাশয় দুর্গাপূজা করিতেন। প্রতিমা তৈয়ার করার অশ্রু তাঁহার বাড়ীতেই ভাল মাটি ছিল। তাহা সত্ত্বেও তিনি মাটি কিনিয়া আনিয়া প্রতিমা প্রস্তুত করিতেন। যাহারা প্রতিমা গড়াইত, তাহারা তাঁহাকে বলিল, আপনার বাড়ীতে ভাল মাটি আছে, প্রতিমা তৈয়ার করিতে মাটি কিনিয়া আনিতে হইবে না। নাগমহাশয় বলিলেন, ঐ মাটি কাটিলে ওখানে সে সব গাছ আছে, তাহাদের জোর কমিয়া যাইবে। মাঠাকুরাণী বলিলেন, এত গাছ দিয়া কি হইবে? মাটি থাকিতে আবার মাটি কিনিয়া আনিবেন কেন? নাগমহাশয় বলিলেন, যাহাকে গড়িতে পারিবে না, তাহা নষ্ট করিবে কেন?

একদিন একজন মৎস্যজীবী এক বুড়ি মৎস্য লইয়া নাগমহাশয়ের বাড়ীর উপর দিয়া যাইতেছিল। নাগমহাশয় তাহার মাথা হইতে মাছের বুড়ি নামাইয়া দেখিলেন, সমস্ত মাছগুলিই জীবন্ত। তিনি মাছের দাম করিয়া ধীরকে প্রাপ্য পয়সা দিয়া, সমস্ত মাছ নিজ পুকুরে ছাড়িয়া দিলেন। জেলে নাগমহাশয়ের কাজ দেখিয়া অতিশয় ভয়ানক হইয়া, পয়সা লইয়া দৌড়াইয়া পালাইল। কোন দিনও সে লোককে এই রকম কাজ করিতে দেখে নাই। সুতরাং

ধীবর নাগমহাশয়ের অলৌকিক কাজ দেখিয়া স্তম্ভিত ও ভীত হইল, আপন প্রাণ লইয়া পলাইয়া গেল ।

অপর একদিন নাগমহাশয় বাজারে গিয়াছেন । এক জেলের নিকট অনেক জীবন্ত মাছ ছিল । তিনি সকল মাছের দাম জিজ্ঞাসা করিলেন । ধীবর অল্পের নিকট যে দামে মৎস্য বিক্রয় করিয়াছিল, তাহাব বিপণন হাবে সকল মৎস্যের দাম চাহিল । নাগমহাশয় একটি কথা বলিলেন না, সে যে দাম চাহিয়াছিল, তাহা চুকাইয়া দিরা, সমস্ত মাছ নিকটবর্তী এক পুকুরে ছাড়িয়া দিলেন । বাজারের লোক অবাক হইয়া তাঁহার অমানুষিক কার্য দেখিতে লাগিল । একটী লোক সেই ধীবরকে অল্প লোকের নিকট কতক মাছ বিক্রয় করিতে দেখিয়াছিল । নাগমহাশয় হইতে বিপণনহারে দাম লওয়ায়, সে জেলেকে অনেক তিবন্ধার করিল এবং বলিল, তুমি এমন মানুষকে ঠকাইলে । কোন দিনও তোমাব অন্ন জুড়িবে না । তুমি এখনই তাঁহার নিকট হইতে অন্নায় মৃত লওয়া পয়সা ফিরাইয়া লও, নচেৎ তোমার অতিশয় অমঙ্গল হইবে । তাহাব কথা শুনিয়া এবং নাগমহাশয়ের অলৌকিক কাজ দেখিয়া, জেলে ভীত হইল এবং নিজ স্ত্রীকে পয়সা রাখিয়া, অবশিষ্ট পয়সা নাগমহাশয়কে ফিরাইয়া দিতে গেল । তখন নাগমহাশয় অল্প এক দোকানে মৎস্য কিনিয়া দাঁড়াইয়া ছিলেন । জেলে তাঁহার নিকট যাইয়া, পয়সা ফিরাইয়া দিতে চাহিল । নাগমহাশয় নিতে বাজী ছিলেন না । তিনি বলিয়াছিলেন, আপনার যাহা প্রাপ্য ছিল, তাহা দিয়াছি, আমি আর উহা নিতে পারিব না । নাগমহাশয় পয়সা ফিরাইয়া নিবেন না, জেলেও তাহা বাধিবে না । জেলে অতিশয় পীড়াপীড়ি করায়

নাগমহাশয় সেইস্থানে যে মাছ কিনিয়াছিলেন, তাহা ফেলিয়া চলিয়া আসিলেন । চারিদিকে অনেক লোক দাঁড়াইয়াছিল । অনেকেই তাঁহার ভূয়োভূয়ঃ প্রশংসা করিল । তাঁহার যে পরসার মমতা ছিল না, তাহা বলিয়া সকল লোক নিজ নিজ গন্তব্যপথে চলিয়া গেল ।

একদিন আমার পিতা দেওভোগ গিয়াছিলেন । নাগমহাশয়কে বাড়ীতে না দেখিয়া, মাঠাকুরাণীকে জিজ্ঞাসা করিলেন, ঠাকুবভাই কোথায় ? তিনি বিবস্ত্রিত সহিত বলিলেন, আপনাদের সাধুব কাজ দেখুন । ঐ পুকুরের জল প্রায় শুকাইয়া গিয়াছে, লোকে মাছ ধরিয়া নিবে বলিয়া, ভোরের সময় একটি লোক সঙ্গে লইয়া মাছ ধরিতেছেন । দুই প্রহর বেলা হইয়া গেল, এখনও তাঁহাব দেখা নাই । আর যে কত সময় লাগিবে কে জানে ? নিজে মাছ মাঝিবে না, ভাল কথা । অস্ত্রে মাছ ধরিবে, তাহাতে তাঁহাব কি ক্ষতি হইবে ? তাহা শুনিয়া, যে পুকুরে নাগমহাশয় মাছ ধরিতে ছিলেন, পিতা সেই পুকুরের পাবে ঘাইয়া দেখিতে পাইলেন, তিনি অতিশয় ষড়ের সহিত মাছ উঠাইয়া পাঙ্গে রাখিতেছেন, যেন তাহাতে মাছের কোন কষ্ট না হয় । যে লোকটিকে সঙ্গে নিয়াছিলেন, নাগমহাশয় তাহাকে বলিতেছেন, ধীরে ধীরে মাছ ধরিবেন, উহাদের বড় ভয় হইতেছে । অনেক সময় মাছ পাঙ্গে রাখিলে তাহাদের কষ্ট হইবে বলিয়া, কয়েকটা মাছ ধরিয়া বড় পুকুরে লইয়া যান এবং জলে ছাড়িয়া দেন । যাতায়াত করিতেও কত সময় লাগিতেছে । পিতা বলেন, নাগমহাশয়ের মুখ দেখিয়া মনে হইল এই কাজে তাঁহার কোন কষ্ট হইতেছে না । মাছগুলিকে জলে ছাড়িয়া, তাহাদের সুখে সুখী হইতেছেন । যে লোকটা



সঙ্গে গিয়াছিল, সে এক আরগায় দাঁড়াইয়া মাছ ধরিতেছে । তিনি তাহার মাছ লইয়া বাইরা বড় পুকুরে ছাড়িয়া দিতেছেন । তিনি পিতাকে দেখিলে কোন স্থানেই থাকিতেন না, বাড়ীতে চলিয়া আসিতেন । কিন্তু সেই দিন আর বাড়ীতে আসিলেন না । পিতা পুকুরের পারে দাঁড়াইয়া তাঁহার দয়াব বিকাশ দেখিতে লাগিলেন । কতক সময় পর পিতা বলিলেন, ঠাকুরভাই, বাড়ীতে যাইবেন না ? তিনি হাসিতে হাসিতে বলিলেন, আব বেশী সময় লাগিবে না । যদি উহাদিগকে উঠাইয়া অল্প পুকুরে লইয়া না যাই, তাহাদের বড় কষ্ট হইবে । তাঁহাকে আর কোন কথা বলিতে পিতার সাহস হইল না । তিনি চুপ করিয়া ফিরিয়া আসিয়া মাঠাকুরাণীকে বলিলেন, ঠাকুরভাই মাছ ধরা শেষ না করিয়া বাড়ীতে আসিবেন না । এমন স্বামী পাইয়া আপনি কেন কষ্ট কবিতেন ? তাঁহার মত কাজ কবিতেন শিখুন । ঠাকুরভাই সকাল হইতে দাঁড়াইয়া মাছ ধরিতেছেন, হাসিমাথা মুখ, তাঁহারি কোন কষ্ট হইতেছে না ।

একদিন মুন্সীগঞ্জের এক উকীল ও চারিজন ব্রাহ্মহাজ নাগমহাশয়কে দেখিতে গিয়াছিলেন । সকলই তাঁহাকে দেখিয়া সুখী হইয়া, যাহার বে ধর্ম, সে তাহা বলিতে লাগিলেন । নাগমহাশয় সকলের কথাই শুনিতেন । ব্রাহ্ম ছাত্রগণ বলিল, ব্রহ্ম এক, নিরাকার । সে কি আর দুই হইতে পারে ? নাগমহাশয় বলিলেন, হা, ব্রহ্ম নিরাকার । ইহা সত্য কথা । তিনি অনন্ত । তিনি সাকারও হইতে পারেন । তিনি ঘটে, পটে, সকল স্থানেই বিরাজ করিতেছেন । যখন তিনি রূপ ধারণ করেন, তখন জীব তাঁহাকে দেখিতে পাইয়া মুক্তিলাভ

করে। \*ইহা বলিতে বলিতে নাগমহাশয় সমাধিমগ্ন হইলেন। তাহা দেখিয়া উকীল ও ব্রাহ্মগণ বিস্ময়াপন্ন হইলেন। তাহার নিৰ্ব্বাক হইয়া বসিয়া রহিলেন। কতক সময় পর নাগমহাশয়ের মন বাহু ভ্রগতে আসিল। তিনি ধীরে ধীরে উঠিয়া বসিলেন। চক্ষু হুইটী তুলু তুলু করিতে লাগিল। তাঁহার ভাব দেখিয়া সকলের মনে হইল, তিনি সাকার ও নিরাকার, উভয়ই ভগবানের রূপ বলিয়া প্রত্যক্ষ করিতেছেন।

ঠাকুরদাদা ছুর্গানাম লিখিবার সময় কথা বলিতেন, তাহা নাগমহাশয়ের ভাল লাগিত না। তৎক্ষণ তিনি ঠাকুরদাদাকে দেশে লইয়া আসেন। তাঁহার মনে ছিল, দেশে এত বন্ধু বান্ধব নাই যে, ছুর্গানাম লেখার সময় কথা বলিতে হইবে। ছুর্গানাম লেখা হইলে মন খুলিয়া যে বাজে কথা বলিবেন, এমন লোকও দেশে মিলিবে না। নাগমহাশয় পিতাকে দেশে রাখিয়া বলিলেন, আপনি এখন আর সংসারের ছাইভয় ভাবিবেন না। আমি সমস্ত কাজ করিব। আপনার কোন কষ্ট হইবে না। আপনি আপনার ইষ্টচিন্তা করুন। ঠাকুরদাদা তাহাই করিতেন। আমরা দেখিয়াছি, তিনি ভোর ৫টার সময় জাগিয়া ইষ্টনাম জপ করিতে আরম্ভ করিতেন। প্রায় ৮টার সময় শয্যা ত্যাগ করিয়া বাহিরে আসিতেন। তৎপর নাগমহাশয় তাঁহাকে একছিন্দুম তামাক দিতেন। ঠাকুরদাদা তামাক খাইয়া, পাইথানা হইতে আসিয়া, গার তৈল মাখিয়া স্নান করিতে যাইতেন। ৯৯।০ টার ভিতর স্নান করিয়া ইষ্টমন্ত্র জপ করিতে আরম্ভ করিতেন। ২।৩টা বাজিয়া যাইত, মন্ত্রের শেষ হইত না। পূজা করিয়া খাইতে ৩।৩টা বাজিয়া যাইত। নাগমহাশয়ের ষাড়ীতে সর্বদা লোক

ধাকিত । তথায় নানামত লোক বাইত । ব্রাহ্মণ গেলে নিজ হাতে রন্ধন করিয়া খাইতে হইত । অগ্ৰাণ্ড লোক মাঠাকুরাণীর হাতেই খাইতেন । সহজেই বুঝিতে পারা যায়, ১ টার পূর্বে সকল লোকের খাওয়া শেষ হইত না, সকলে খাইয়া বিশ্রাম করিয়া উঠিলে দেখা যাইত, ঠাকুরদাদা খাইতে বসিয়াছেন । অতিথির খাওয়া না হইলে, নাগমহাশয় কখন খাইতেন না । কোনদিন নাগমহাশয় খাইয়া উঠিয়াছেন, দেখিতেন, তাঁহার স্নান মাত্র শেষ হইয়াছে, বাড়ীতেও আসেন নাই । ঠাকুরদাদার খাওয়া হইলে, নাগমহাশয় তাঁহাকে একছিম তামাক সাজিয়া দিতেন । আমরা অনেক সময় দেখিয়াছি, নাগমহাশয় তামাক দিয়া আসার পূর্বে বাড়ীর লোক এবং দেশের লোক একত্রিত হইয়া কীর্তন আরম্ভ করিয়াছেন । নাগমহাশয়ের বাড়ীতে আগত অভ্যাগতদিগকে বাড়ীর লোক বলিলাম, তিনি ও ঠাকুরদাদা ব্যতীত বাড়ীতে আর কোন পুরুষ ছিল না ।

ঠাকুরদাদা অল্প সময় বিশ্রাম করিয়া উঠিয়া বাহিরে আসিতেন । এক-আধ ছিন্দুম তামাক খাইয়া ঘরে খাইয়া বসিতেন এবং আবার অপ আরম্ভ করিতেন । রাত্রি ১২।১ টার পূর্বে তাঁহার অপ শেষ হইত না । সুতরাং লোকের সাথে তাঁহার কথা বলার বড় অবসর ছিল না । কোন লোক তাঁহার সহিত কথা বলিতেও সাহস পাইত না, কারণ সকল লোক জানিত, যদি ঠাকুরদাদা বাজে কথা বলেন, নাগমহাশয় বিরক্ত হইবেন । ইহা ছাড়া নাগমহাশয়ের এমন এক শক্তি ছিল, কেহ তাঁহার সাক্ষাতে মারাপুরাণ বলিতে পারিত না । তিনি বাজে কথা কে মারাপুরাণ বলিতেন । তাঁহার সংসর্গের এমনই প্রভাব ছিল, ভোর হইতে সন্ধ্যা পর্যন্ত,

যাহা বর কর্তব্য, তাহা সকলের মধ্যে বিকসিত হইত । তিনি মধ্যে মধ্যে বলিতেন :—বিদ্যারূপে দিয়া জ্ঞান, কাকে কর পরিভ্রাণ, কাকে অবিদ্যায় আবৃত করে মোহগর্ভে টেন ফেল । বিদ্যা অবিদ্যা তাঁহারাই প্রভাব ।

ঠাকুরদাদা এইভাবে ইষ্টনাম জপ করিতে থাকিতেন । ইহার ভিতরে যদি তাঁহার মনে কোন বাজে কথা উঠিত, তাহা বারণ করার জন্ত তিনি অনেক সময় পিতাকে অপ্রীতিকর বাক্য বলিতেন । তাহাতে ঠাকুরদাদা লজ্জা বোধ করিতেন এবং সেই কথা আর মনে তুলিতেন না । সুতরাং অনেক সময় পিতা ও পুত্রে বাদানুবাদ হইত । একদিন ঠাকুরদাদা বীরের মত বলিয়া উঠিলেন, তুমি কি দেখিয়া আমার সহিত এইরূপ ব্যবহার কর ? আমি জীবনে কোন পাপ কিছা অশ্রায় কাজ করি নাই । তবে বহুকালের অভ্যাস হেতু সময় সময় সংসারের কথা মনে উঠে । ছোট সময় একদিন আমি শোল মাছের ছোট বাচ্চা ধরিয়া আনিতেছি, এমন সময় দেখিলাম, একটা মাছ জলে ষা দিল । অমনি আমার মনে হইল, আহা, উহাদের মা উহাদিগকে না দেখিয়া শোকে এমন করিতেছে । তৎক্ষণাৎ আমি সমস্ত বাচ্চাগুলি জলে ছাড়িয়া দিলাম । আর একদিন নদীর পারে মাটি খুঁড়িতে খুঁড়িতে এক ঘটি মোহর দেখিলাম । মনে করিলাম, ইহা পরের জব্য । তৎপর মাটি চাপা দিয়া তথা হইতে চলিয়া আসিলাম । আমার যে অবস্থাছিল, মোহরগুলি আনিলে আমার কষ্টদূর হইত । কেবল অধর্ম হইবে বলিয়া পরের মোহর আনিলাম না । আমার কোন কর্ম দেখিয়া, তুমি আমাকে এত কথা বল, তাহা বুঝিতে পারি না । ঠাকুরদাদার কথা শুনিয়া, নাগমহাশয়

পিতার দিকে তাকাইয়া রহিলেন । পিতাও ছেলের রূপে মোহিত হইয়া রহিলেন ।

ঠাকুরদাদার মন বড় ভাল ছিল । একবার দুর্গাপূজার কয়েক দিন পূর্বে তিনি কলিকাতা আসেন । বাড়ীতে ফিরিয়া যাওয়ার সময় একখানা মুকুট কিনিয়া লইয়া যান । তাহা দেখিয়া, নাগমহাশয় তাঁহাকে জিজ্ঞাসা করিলেন, এই মুকুটখানা কেন আনিয়াছেন ? ঠাকুরদাদা নিজের অভাব জানিতেন । পুত্র দুর্গা পূজা করিতে পারিবে না ভাবিয়া, কাঁদিতে কাঁদিতে বলিলেন, কালীপূজা করিতে ইচ্ছা হয় । নাগমহাশয় বলিলেন, আপনি কাঁদিতেছেন কেন ? আপনি যে পূজা করিতে ইচ্ছা করেন, সে পূজাই হইবে । আমি দুর্গাপূজা করিব । আপনার ইচ্ছায় সমস্ত হয় । ইহা বলিয়া, নাগমহাশয় পিতার ভাব দেখিয়া বড়ই সুখী হইলেন । দুর্গা পূজার ১১দিন মাত্র বাকি ছিল । পূজার ঘর নাই । প্রতিমা তৈর্য্য করিতে হইবে । দরমা দ্বারা ঘর তৈর্য্য করাইয়া, তাহাব মধ্যে প্রতিমা গড়াইতে আরম্ভ করিলেন । প্রথম বৎসব দরমার ঘরে পূজা করিলেন । ঠাকুরদাদা কালীপূজা করিবেন বলিয়াছিলেন, তিনি কালপূজা করিলেন ; অগন্ধাত্রী পূজাও হইল । ঠাকুরদাদা অতিশয় সন্তোষলাভ করিলেন । তিনি মনের আনন্দে বলিতেন, আমার দুর্গার কি ভক্তি ! এ অবস্থায়ও সে পূজা করিল ! এমন পিতা পুত্র হইলে এমন ছেলে পায় !!

একবার অর্দ্ধোদয়যোগের পূর্বদিন নাগমহাশয় কলিকাতা হইতে বাড়ী যান । ঠাকুরদাদা তাহাতে ছঃখিত হইয়া নাগমহাশয়কে বলিলেন, কত লোক টাকা খরচ করিয়া, অর্দ্ধোদয়যোগের

সময় গঙ্গাস্নান করিতে কলিকাতা যায়, আর তুমি গঙ্গার পারে থাকিয়া যোগের পূর্বদিন চুলিয়া আসিলে । তুমি বলিলে, আমি গঙ্গাস্নান করিতে পারিব না । সুতরাং তুমিও গঙ্গাস্নান করিলে না । কিন্তু ভাবিয়া দেখ, তুমি স্নান না করিলে, আমার স্নান করা হইল না । তোমার কাজই এই রকম । নাগমহাশয় বলিলেন, মনমে চাঙ্গা ত কোঠরমে গঙ্গা । মনে করিলে ঘরে বসিয়াই গঙ্গাস্নান করা যায় । ঠাকুরদাদা বিরক্তির সহিত বলিলেন, তুমি কতই না পার ? নাগমহাশয় আর কিছু বলিলেন না । অর্দ্ধোদয় স্নানের দিন ঠাকুরদাদাকে ঘরে গঙ্গাস্নান করাইতে মানস করিয়া, দেবী গঙ্গাকে স্মরণ করিয়া পিতার পাশে বসিয়া রহিলেন । বাড়ীর অগ্নি কোণে একস্তম্ভ মাটি ছি । মাঠাকুরাণী গৃহ-কাজের জন্ত তথা হইতে মাটি আনিতে গিয়াছিলেন । হাতে করিয়া অল্প মাটি তুলিয়াছেন, তিনি দেখিতে পাইলেন, মাটি ভেদ করিয়া কল কল করিয়া জল উঠিতে লাগিল । মাঠাকুরাণী নাগমহাশয়কে ডাকিয়া আনিলেন । নাগমহাশয় তাহা দেখিতে পাইয়া ঠাকুরদাদাকে ডাকিয়া বলিলেন, মা গঙ্গা নিজগুণে এখানে আসিয়াছেন । ঠাকুরদাদা তাড়াতাড়ি আসিয়া, ষটিভরিয়া গঙ্গাজল লইয়া, ভক্তিভরে নিজ মস্তকে ঢালিতে লাগিলেন । সেই জলে ঠাকুরদাদাকে স্নান করিতে দেখিয়া, সারদা পিসী আশ্চর্য্যান্বিতা হইয়া বলিলেন, মাষ কাস্তন মাস । চতুর্দিক শুষ্ক । কোথা হইতে এত জল আসিল ? নিশ্চয়ই আমার ভাই গঙ্গা আনিয়াছেন । পিসীমা ও নাগমহাশয়ের খশ্র মহাভক্তিতরে গঙ্গাস্নান করিলেন এবং গণ্ডুষ করিয়া জল পান করিলেন ; নাগমহাশয় ও মাঠাকুরাণী ভক্তিগদগদ হইয়া তাহাতে স্নান করিয়া,

করজোড়ে গঙ্গাকে দেখিতে লাগিলেন । ঠাকুরদাদা ইচ্ছামত স্নান করিয়া সন্ধ্যা আঙ্গিক করিয়া, কপালে গঙ্গামৃত্তিকার ফোঁটা দিলেন এবং গঙ্গাজল পান করিলেন । নাগমহাশয়ের স্বশ্রু ও সারদাপিসী মনের আনন্দে স্নান করিয়া ভক্তিভাবে জোড়হাত কবিত্তা দাঁড়াইয়া রহিলেন । সন্ধ্যা জল উঠিতে লাগিল । ঠাকুরদাদাব মনে হইল যে, তিনি কলিকাতা আছেন, কালীবাড়ী গিয়াছেন । স্নান কবিত্তা কালীর মন্দিরে যাইয়া সপ্তাঙ্গ প্রণিপাত কবিলেন । তাঁহার দুই চক্ষু হইতে আনন্দাশ্রু গড়াইয়া পড়িতে লাগিল । তিনি তন্ময় হইয়া কালী দর্শন করিতে লাগিলেন । হঠাৎ তাঁহার ভাব ভাঙ্গিয়া গেল, তিনি প্রকৃতিস্থ হইলেন । তখনও গঙ্গাজল উঠিতেছে । পাড়াব লোক জানিতে পারিতেছে । যেস্থান হইতে গঙ্গাজল উঠিতেছিল, নাগমহাশয় সেই স্থানে “জয় গঙ্গে” বলিয়া হাত চাপা দিলেন । অমনি গঙ্গা নিজ বেগ সম্বরণ কবিলেন এবং স্বস্থানে প্রস্থান করিলেন । নাগমহাশয়ের স্বশ্রু ও মাঠাকুরাণীর এমন স্মৃতিও হুঃখ আসিল । সেই সময় মাসী নাগমহাশয়ের বাড়ীতে ছিলেন না, তিনি এমন গঙ্গাস্নান করিতে পারিলেন না । তাঁহারা তাঁহার জন্ত একটি মাটির ঘট কবিত্তা সেই গঙ্গার জল রাখিয়া দিলেন । মাসীকে ডাকাইয়া আনিয়া, মাঠাকুরাণী তাঁহাকে গঙ্গাজল দিলেন । তাহা পানকরিত্তা মাসী বহুদিনের গুল্মরোগ হইতে আরোগ্য লাভ করিলেন । পিসীর ও নাগমহাশয়ের স্বশ্রু এই কথা বলিয়া, নাগমহাশয়েব অসীম ক্ষমতার কথা মনে করিত্তা, এখনও রোদন করেন ।

ঘরে বসিত্তা গঙ্গাস্নান করিত্তা, কালীপ্রতিমা দেখিত্তা, ঠাকুরদাদার

হৃদয়ের ময়লা একেবারে চলিয়া গেল । তিনি পুত্রকে সাক্ষাৎ মুক্তিদাতা মনে করিয়া, পলুকহীন নয়নে নিরীক্ষণ করিতে লাগিলেন । নাগমহাশয় পিতার নিকট আত্মগোপন করিলেন, কিন্তু পিতার মন ভগবৎভাবে পূর্ণ রহিল ।

একদিন সন্ধ্যার সময় ঠাকুরদাদা বসিয়া আছেন, আমি ও নাগমহাশয় তাঁহার নিকট দাঁড়াইয়া আছি । ঠাকুরদাদা নাগমহাশয়ের দিকে তাকাইয়া, মহাভাবে অভিভূত হইয়া, আপন মনে কুস কুস করিয়া বলিতে লাগিলেন, দুর্গা কি সামান্য ! সে ঘরে বসিয়া গঙ্গা দেখাইতে পারে । সে আমাকে কালী ও গঙ্গা দেখাইয়াছে । নাগমহাশয় তাহা শুনিয়া, স্নেহে আমার দিকে তাকাইয়া, পিতার দিকে একদৃষ্টিতে চাহিয়া রহিলেন । ঠাকুরদাদা আর কিছু বলিলেন না । অল্প লোকের মত সন্ধ্যা করিতে লাগিলেন । নাগমহাশয় মমর সময় পিতার নিকট আত্মপরিচয় দিয়া, দেব-দেবী দর্শন করাইয়া, আত্মগোপন করিতেন, ঠাকুরদাদা সমস্ত ভুলিয়া যাইতেন ।

যখন আমরা দেওভোগ যাইতাম, নাগমহাশয়ের স্নেহেতে ভুলিয়া, তাঁহার অমিয়মাথাকথার বিভোর হইয়া, তাঁহার কাছে বসিয়া থাকিতাম । তখন যদি ঠাকুরদাদার নিকট নাগমহাশয়ের শিশুকালের কথা জিজ্ঞাসা করিতাম, তিনি অতিশয় স্মৃথী হইয়া তাঁহার দুর্গাচরণের পুতচরিত বলিতেন । তখন তাঁহার কথা কে শুনিয়াছে ? সে সময় আমরা সকলেই মনে করিয়াছি, এই দিন এই ভাবেই যাইবে । একদিন ঠাকুরদাদা অতিশয় আনন্দের সহিত বলিলেন, কেহ দুর্গাচরণকে দশটাকা দিলেও একটা গাছের পাতা ছাঁড়াইতে পারিবে না । এই কথাই



তিনিলাম, কিন্তু তাঁহাকে আর কোন কথা জিজ্ঞাসা করিলাম না। তখন যদি কোন বিষয় জিজ্ঞাসা করিতাম, তিনি কত আনন্দিত হইয়া কত কথা বলিতেন। একদিন তিনি আমার মাকে বলিলেন, দুর্গাচরণের সংসারে কোন বিষয়ে মন নাই, ভালমন্দ বিচার নাই। দুর্গাচরণ কেবল তৈল খাইয়া থাকিতে পাবে, কেবল আমার জন্ত সংসারে কলের পুতুলের মত আছে। সে বাজার করে, লোকের সাথে কথা বলে, কিন্তু কোন বিষয়েই তাহার মন নাই। সংসারে আছে, তাই যাহা করিতে হয় সে করে, খাওয়াত নাই, তবে সে লোক দেখাইয়া যায়। আমি আছি বলিয়া সে বাড়ীতে আছে। নচেৎ যবে আগুন লাগাইয়া সে একদিকে চলিয়া যাইত। তাহাকে একাকী বাড়ীতে রাখিয়া কোন স্থানে থাকা যায় না।

একদিন নাগমহাশয় বাজারে গিয়াছেন। ঠাকুরদাদা বলিতে লাগিলেন, দুর্গা ডাক্তারী আরম্ভ করিয়া গরীব দুঃখীর উপকার করিতে বেশ সুযোগ পাইয়াছিল। যদি রোগীর বাড়ীতে যাইয়া দেখিত রোগী গরীব, সে ভিজিট না লইয়া ফিরিয়া আসিত। প্রথমে আমি মনে করিতাম, দুর্গার দয়ার শরীর, রোগীর কষ্টে নিজে কষ্ট অনুভব কবে। তাই ভিজিট আনিতে পারে না। শেষে যখন আমার শরীর ভাঙ্গিয়া পড়িল, পুত্রের ব্যবহারে রাগিয়া যাইতাম। দুর্গা রোগীর বাড়ী হইতে কখনও টাকা চাহিয়া আনিতে না। কেহ বেশী দিতে চাহিলেও অবস্থা বুঝিয়া টাকা আনিতে। যদি রোগীর কষ্ট দেখিত, কিছুতেই টাকা লইত না। ভাল লোক হইলে, টাকা পকেটে ফেলিয়া দিত। জগতে সেই রকম লোক বড় কম। চতুর লোক অতিশয় সুবিধা নিত। উহার যে রকম

হাতবশ ছিল, যদি অন্ত্রলোকের মত টাকা নিত, আমাদের কোন কষ্ট থাকিত না । এক রোগী দেখিতে বাইয়া, দুর্গা দেখিতে পাইল, রোগী শীতের সময় মাটিতে শুইয়া আছে । বাড়ীতে আসিয়া নিজের তক্তপোষখানা তাহাকে দিয়া আসিল । এক রোগীর শীত বস্ত্র নাই, নিজের গায়ের খেস খানা ছাড়িয়া দিয়া, শীতের সময় কাপড় গায় দিয়া ফিরিয়া আসিল । তাহার ব্যবহারে আমার অত্যন্ত রাগ হইল । আমি তাহাকে অনেক গালাগালি দিয়া আর একখানা খেস কিনিয়া দিলাম । সুরেশবাবু ও আমি তাহাকে কত বলিয়াছি । আমি বলিলাম, গরীব দুঃখীর উপকার করাত বেশ ভাল কথা । বাহারা টাকা দিতে পারে, তাহাদের টাকা আনিতে দোষ কি ? সে কখন কখন আমাকে বলিত, রোগী বিছানায় পড়িয়া ছট্ ফট্ করিতেছে, আত্মীয় স্বজন মলিন মুখে বসিয়া আছে, এই অবস্থা দেখিয়া কি করিয়া তাহাদের টাকা হাত পাতিয়া লইব ? আমি বলিতাম, রোগ হইলে যন্ত্রণা হইবেই, আত্মীয়ের যন্ত্রণা দেখিলে অপরের মলিন মুখ হইবেই, ইহা ত সাধারণ কথা । তুমি ঔষধ দিয়া রোগের শান্তি করিতে গিয়াছ । ঔষধ দিয়া তাহাকে ভাল করিবে, তাহা হইতে টাকা আনিতে দোষ কি ? তোমার ঔষধে তাহার রোগের শান্তি হইবে, টাকাতে তোমার দাবি আছে । সে বলিত, রোগীর শান্তি দেখিলে, সে বাহা দেয় তাহা আনিব, আমি তাহার কষ্ট দেখিলে টাকা আনিতে পারিব না । সুরেশবাবু উহার কথা শুনিয়া তাকাইয়া থাকিতেন । রোগীকে দেখিতে বাইয়া, তাহার পথ্যের পরসাদা দিয়া আসিত । রোগীর পথ্যের পরসাদা দিয়াও

তাহার শাস্তি হইত না, সময় সময় তাহার শুশ্রুষা পর্যন্ত কবিয়াছে। এমন ডাক্তার কে না থাকে? দুর্গার হাত-ঘশ দেখিয়া, আমি তাহার জন্য একটি প্যান্ট ও একটি কোট তৈয়ার করাইয়া দিলাম। আশা বড় লোকের বাড়ীতে ডাক পরিলে, তাহার কোনরূপ অনাদর হইবে না। সে তাহা পরিয়া বাহির হইত, কিন্তু আসিয়াই ছাড়িয়া ফেলিত, যেন কেহ দেখিতে না পায়। অনেক দিন দুর্গা রোগীর শুশ্রুষা করিয়া সকল রাত কাটাইয়াছে। ডাক্তার রোগীর পাশে এক রাত্রি থাকিলে কত টাকা পায়। শুশ্রুষার ত কথাই নাই, রোগী সুস্থ থাকিলে ২।৪ টাকা যাহা সে ইচ্ছা করিয়া পকেটে ফেলিয়া দিত, তাহা লইয়া বাড়ীতে আসিত। রোগী মারা গেলে, টাকা আনা দূরের কথা, আত্মীয়ের কষ্ট দেখিয়া কাঁদিয়া আকুল হইত। তাহা দেখিয়া আমি মনে করিতাম, এমন কোমল প্রাণ লইয়া কি ডাক্তারীতে উন্নতিলাভ করিতে পারে! এই ডাক্তারী লইয়া তাহার সহিত আমার অনেক বাদানুবাদ হইত।

একদিন ঠাকুরদাদা নাগমহাশয়ের অসাক্ষাতে আমাদের নিকট বলিতে লাগিলেন, দুর্গা কেরোশিন তৈল খাইয়া থাকিতে পারে। উহার ভালমন্দ জ্ঞান নাই। না খাইয়া থাকিলেও দুর্গার কোন কষ্ট হয় না। যখন আমি কলিকাতা থাকিতাম, আমার জন্য রীতিমত রান্না হইত। উহাকে কলিকাতা রাখিয়া বাড়ীতে আসিলে, দুর্গা নিজের জন্য প্রত্যহ রান্না করিত না; যদি কখন তাহা করিত, ভাতেভাত রাঁধিত। একদিনও মাছ কিম্বা তরকারি রাঁধে নাই। তাহাকে শুধুভাত রাঁধিতে দেখিয়া কৃষ্ণিবাস আনা বলিত, আপনার সময়ের অভাব, আমি মাছ

তরকারি তৈয়ার করিয়াদি আপনি শুধু রান্না করিয়া নিন্।  
 দুর্গা বলিত, না, আমার কোন কষ্ট হয় না। শুধুভাত আমার  
 মন্দ লাগে না। কুস্তিবাস বলিত, আপনার কোন অবস্থায়  
 কষ্ট দেখিতে পাই না। সময়মত খান না। সকলদিন রান্না  
 করেন না। যে দিন রান্না করেন না, সেই দিন আপনি কি  
 খান, জানি না। বুড়োকর্তা আপনার খাওয়া দেখিতে বলিয়াছেন।  
 তিনি আমাকে জিজ্ঞাসা করিলে কি বলিব? তখন দুর্গা  
 বিনয়ের সহিত বলিত, ক্ষুধা নিবারণ করিবার জন্য খাওয়া, যখন  
 আমার ক্ষুধা বোধ হয়, তখনই আমি খাই। আমি কলিকাতা  
 গেলে, কুস্তিবাস আমাকে সকল কথা বলিত।

লোকের উপর দুর্গার অতিশয় দয়া ছিল। ভিখারীকে এক  
 মুষ্টি ভিক্ষা দেওয়া নিয়ম। দুর্গার কাছে তাহা ছিল না।  
 ভিখারীর দাবি অনুসারে চাউল, ডাইল, তরকারী, পয়সা দিয়া  
 তাহাকে সুখী করিত। সমস্তদিন পর সন্ধ্যার সময় রান্না করিত;  
 রান্নার পূর্বে কোন ভিখারী আসিলে, রান্না করার চাউল পর্য্যন্ত  
 দান করিয়া, নিজে এক পয়সার মুড়ি খাইয়া রহিয়াছে। ইহাতেও  
 তার মুখ মলিন হইত না। সে ডাক্তারের টাকা কি করিত,  
 কুস্তিবাস সব জানিতে পারিত না। সময় সময় লোক তাহা  
 হইতে টাকা ধার নিত, কিন্তু কখনও তাহা কিরাইয়া দিত না।  
 দুর্গা কখনও কাহাকে তাহা পরিশোধ করিতে বলিত না।  
 তাহারাও দিবার উদ্দেশ্য করিয়া দুর্গার নিকট হইতে টাকা নিত  
 না। এক এক দিন এরূপ হইয়াছে, দুর্গা যাহা আনিয়াছে, সেই  
 সব লোক সমস্ত লইয়া গিয়াছে। দুর্গা যে কি খাইবে, তাহাও  
 ভাবে নাই। দুর্গা ৫।৭ টাকা আনিয়া ধার করিয়া ছই এক

পরসার মুড়ি খাইয়া রহিয়াছে । কেহ কেহ বলিয়াছে, তোমার চিন্তা কি, ভগবান্ তোমাকে দিবেন । উহার কষ্ট হইবে বলিয়া, অত্যন্ত দরকারী কাজ না হইলে, আমি ছুর্গাকে একাকী কলিকাতায় রাখিয়া বাটীতে আসিতাম না । আমার অসাক্ষাতে ছুর্গা যে এইরূপ করিবে, তাহা আমি জানিতাম । অপরের নিকট শুনায় কোন দরকার হইত না । সেই অশুভ কৃতিবাসকে ছুর্গাকে দেখিতে বলিতাম । ইহা শুনিয়া আমার এক পিসী বলিলেন, ঠাকুর খুড়ো, ছুর্গা কি মানুষ ? এমন সময় নাগমহাশয় বাজার হইতে আসিলেন । আমি তাঁহার কাছে চলিয়া গেলাম । তাঁহার দেব চরিত্র আমার আর শুনা হইল না ।

ঠাকুরদাদা জানিতেন, নাগমহাশয় তাঁহার অশুভ সংসারে আছেন । নাগমহাশয়ও সময় সময় বলিতেন, পিতা আমার সুখের অশুভ সকল সুখ ত্যাগ করিয়াছেন । যতদিন পিতা জীবিত আছেন, আমি থাকিব । তাঁহার স্নেহে ভুলিয়া, তাঁহার এই কথার অর্থ বুঝিতে পারি নাই । তাঁহার বাক্য বেদবাক্য । পিতা মারা গেলেন । নিয়ম মত পিতার সমস্ত কাজ করিলেন । বৎসরান্তে গয়ায় গিয়া পিণ্ড দিলেন । পিতা দেহত্যাগ করিলে পর, তাঁহার আর নিয়ম মত খাওয়া ছিল না । গয়া হইতে আসিলে তাঁহার অসুখ হইল । দুই বৎসর অসুখ লইয়া রহিলেন ।

এক কারস্হের মেয়ে বিধবা হইয়া অভিভাবকের অভাবে, কাজ খুজিয়া ঘুড়িতে ছিল । একদিন গঙ্গার ঘাটে ঠাকুরদাদাকে দেখিতে পাইয়া, কাঁদিয়া তাঁহাকে বলিল, বাবা, আমি কারস্হের মেয়ে, স্বামী ঋণ রাখিয়া গিয়াছেন । চাকুরী করিয়া সেই ঋণ পরিশোধ করিব, মনে করিয়াছি । এখন একটা স্থান পাইলে হয়,

যেখানে মান ও ইজ্জত রাখিয়া কাজ করিতে পারি। তাহা শুনিয়া ঠাকুরদাদার মনে বড় কষ্ট হইল। তিনি ভাবিলেন, এই অনাথা মেয়েটিকে কি করিয়া আশ্রয় দিতে পারি? সামান্য আয়, কোনমতে নিজেদের খাওয়া পরা চলিতেছে। ইহাকে মাহিনা দিতে হইবে। যদি আমি না রাখি, সে কোথায় মান ও ইজ্জত লইয়া থাকিতে পারিবে? ভক্তলোকেব মেয়ে কি মাহিনাই বা দিব? দয়া পরবশ দীনদয়াল অনেক ভাবিয়া তাহাকে বলিলেন, আমি চারিটাকার বেশী মাহিনা দিতে পারিব না। আমার এক ছেলে আছে, সে তোমাকে নিজের ভগ্নির মত দেখিবে। তাহা শুনিয়া মেয়েটা সুখী হইয়া, গঙ্গার ঘাটে ঠাকুরদাদাকে ধর্মের পিতা বলিল। ঠাকুরদাদা তাহাকে বাসায় আনিলেন এবং নাগমহাশয়কে বলিলেন, ও আমাদের কাজ করিতে আসিয়াছে। ইহার নাম যোগমায়ী। সেই অবধি নাগমহাশয় তাহাকে বোনদিদি বলিয়া ডাকিতেন। তিনি কখনও তাহার সহিত পরিচারিকার মত ব্যবহার করিতেন না। এমন কি তিনি এক ঘটি জলও তাহার নিকট চাহিতেন না। সে আপনার লোকের মত বাহা ইচ্ছা তাহা করিত। নাগমহাশয় কখনও তাহাকে কোন হুকুম দিতেন না। সে তাঁহার অনেক বড় ছিল। নাগমহাশয়দের সচ্চরিত্র দেখিয়া, যোগমায়ী আপন পিতা ও ভাই মনে কবিয়া, তাহাদের নিকট অবশিষ্ট জীবন রহিল। ঠাকুরদাদার প্রাণে বড় দয়া ছিল। তিনি কায়স্থর মেয়ে। যোগমায়ীকে আশ্রয় দিয়াছিলেন, কিন্তু কখনও তাহার হাতে খাইতেন না। তাঁহার বন্ধু-বান্ধবগণ বলিতেন, তাহাকে চারিটাকা মাহিনা দিয়া রাখিলে, স্বভাতির হাতে খাইতে দোষ কি? তোমার অন্য কাজই বা

কি ? ঠাকুরদাদা বলিলেন, আমার কাজের অশ্রু তাহাকে রাখি  
নাই, নিরাশ্রয়ের আশ্রয় দিয়াছি ।

একদিন সকালবেলা নাগমহাশয়ের নিকট বসিয়া আছি ।  
তিনি আমার দিকে তাকাইয়া বলিলেন, মা, বাপমহাশয় বলিতেছেন,  
বংশনশ হইল, নাম লোপ পাইল । আমি জিজ্ঞাসা করিলাম,  
বংশ, নাম কতদিনের অশ্রু ? আপনি বংশ বংশ বলেন, ছেলেকে  
এত স্নেহ করেন, আজ যদি আমি শুকর হইয়া খোদ্ খোদ্  
করিতে করিতে বাড়ীতে আসি, আপনি একটা ঠেঙ্গা লইয়া  
আমাকে তাড়াইতে আসিবেন । তখন আর পুত্র বলিয়া স্নেহ  
করিবেন না । এই রূপ জীবের কত স্থানে কত বংশ আছে,  
কে জানে ? যখন দেহের শেষ হইলে, সকলই শেষ হইয়া যায়,  
তুই দিনের অশ্রু বংশ দিয়া কি করিবেন ? যিনি অনন্ত কাল বাবত  
আছেন, ঠাহাকে চিনিলে অচেনা হয় না, ঠাহাকে চিনুন ।  
আপনার নাম লোপ হইবে না । আমি মনে মনে বলিলাম,  
আপনি ঠাহার ঘরে আসিয়াছেন, ঠাহার নাম চারিযুগে বর্তমান  
থাকিবে । যদি ঠাকুরদাদা আপনার মায়ায় না ভুলিয়া, আপনাকে  
চিনিতে পারিতেন, আপনি কে, তাহা হইলে, তিনি এইরূপ  
বলিতেন না । নাগমহাশয় স্নেহের সহিত আমার দিকে তাকাইয়া  
হাসিতে লাগিলেন । ঠাহার ঐরূপ দেখিয়া, আমার এক ভাব  
হইল, নাগমহাশয় ছাড়া আর কিছুই দেখিতে পাইলাম না ।  
ঠাহার এক অপরূপ রূপ দেখিতে পাইলাম । ভাব ছুটিয়া গেলে,  
আমি দেখিলাম, নাগমহাশয় আমার দিকে তাকাইয়া আছেন ।  
এমন সময় একজন লোক আসিল । তিনি বাজারে যাওয়ার অশ্রু  
উঠিলেন । আমি ঠাহার সঙ্গে বাহিরে আসিয়া দাঁড়াইলাম ।

আমার দিকে তাকাইয়া বলিলেন, মা, বেলা হইয়াছে, বাজার হইতে আসি ?

নাগমহাশয়কে সংসাবভাববিবর্জিত দেখিয়া একদিন ঠাকুরদাদা ক্ষুধ মনে তাঁহাকে বলিলেন, আমি মরিলে, তুমি নেংটা হইয়া থাকিবে এবং বেঙ্ খাইবে । নাগমহাশয় বাড়ীর বাহির হইয়া পথে একটা মরা বেঙ্ দেখিতে পাইলেন । তিনি বেঙ্ টা উঠাইয়া মুখে দিলেন এবং সুখাণ্ড জিনিষের মত চিবাইতে চিবাইতে পিতার সামনে আসিয়া দাড়াইলেন । তাঁহার মুখে ঘৃণা কিম্বা বিস্ময়ের কোন চিহ্ন ছিল না । তাঁহাকে দেখিয়া মনে হইয়া ছিল তিনি কোন সুস্বাদু খাণ্ড চিবাইতেছেন । পুত্রের মুখে বেঙ্ অবলোকন করিয়া ঠাকুরদাদার মনে বড় ব্যথা লাগিল । তিনি নাগমহাশয়কে কোন কথা বলিতে সাহস পাইলেন না । হুর্গাগত প্রাণ দীনদয়াল হুর্গাকে মরা বেঙ্ চিবাইয়া খাইতে দেখিতেছেন, অথচ তাঁহাকে বিরত করিতে পারিতেছেন না । তাঁহার হৃদয়ে অতিশয় আঘাত লাগিল । নাগমহাশয় বেঙ্ খাইয়া পরিষ্কৃত বসন খানা ত্যাগ করিলেন । নেংটা হইয়া পিতার সম্মুখে দাড়াইয়া বলিলেন, আপনার উত্তর কথা পালন করিলাম । আপনি আমার দ্রব্ধ আর চিন্তা কবিবেন না । আপনি সংসারের চিন্তা ছাড়িয়া দিয়া ইষ্ট চিন্তা করুন , তাহাতে আপনার মঙ্গল হইবে । ঠাকুরদাদা পুত্রের কাক দেখিয়া অবাক হইয়া তাঁহার পানে চাহিয়া রহিলেন । মা ঠাকুরাণী ঘাটে গিয়াছিলেন । বাড়ীতে আসিয়া নাগমহাশয়কে মরা বেঙ্ চিবাইয়া খাইতে দেখিয়া, ঘৃণার অধীরা হইলেন । তিনি বলেন, তাঁহাকে বেঙ্ খাইতে দেখিয়া আমার এত ঘৃণা হইয়াছিল, তিনমাস পর্যন্ত খাইতে বলিলে, এই কথা মনে



পড়িত এবং পেট ভরিয়া খাইতে পারি নাই। নাগমহাশয়কে খাইতে দেখিলেই বেঙ্‌য়ের নাড়িগুলির কথা মনে পড়িত ।

তাহার কতক দিন পরে আমার পিতা দেওভোগ গিয়াছিলেন । তাঁহাকে দেখিয়া নাগমহাশয় বলিলেন, বাবুকুমার, আমি কি কাজ করিলাম ? বাবা রাগ করিয়া আমাকে বলিয়াছিলেন, খাবি বেঙ্‌ ? আমি বাড়ীর বাহির হইয়া পথে একটা মরা বেঙ্‌ পাইলাম । তাহা খাইয়া তাঁহাকে দেখাইলাম । তিনি মনে বড় কষ্ট পাইয়াছেন । আমার পিতা নাগমহাশয়কে মনে মনে বলিলেন, আপনার সুখ নাই, দুঃখ নাই, ভাল নাই, মন্দও নাই । মানুষ মরা বেঙ্‌ হাতে ধরিয়া মুখে দিতে পারে না । তাহা দেখিলেই ঘৃণার উদ্রেক হয় । তিনি আর কিছু না বলিয়া ঠাকুরদাদার কাছে গেলেন । ঠাকুরদাদা দুঃখিত অন্তঃকরণে পুত্রের সকল কাজ তাঁহার নিকট বলিলেন । আমার পিতা ঠাকুরদাদাকে বলিলেন, এ মানুষকে মায়াধাৰা বাঁধে কাহাব সাধ্য ? যতদিন তিনি সংসারে থাকেন, এই ভাবেই থাকুন । তাঁহাকে আর কিছু বলিবেন না । তাহা হইলে তিনি ঘরে আগুন লাগাইয়া একদিন চলিয়া যাইবেন । ইহাতে তাঁহার তিলমাত্র কষ্ট হইবে না । পিতা মাঠাকুরাণীকে বলিলেন, ঠাকুর ভাই ঘবে আছেন, তাই তাঁহাকে দেখিতে পান । বাহির হইয়া গেলে, সেটুকুও চলিবে না । ঘরে যে আছেন, ইহা বহু ভাগ্য বলিতে হইবে । মরা বেঙ্‌ দেখিলে মানুষ ঘৃণা করে, ঠাকুরভাই নিজহাতে ধরিয়া তাহা মুখে দিলেন । তাঁহার কোন জ্ঞান নাই । মাঠাকুরাণী কাঁদিতে লাগিলেন । এ ঘটনার পর ঠাকুরদাদা পুত্রকে আর বিশেষ কিছু বলিতেন না ।

পুত্র কারমনোবাক্যে পিতার সেবা করিয়াছেন । পিতার

হুকুম পাইলে নাগমহাশয় নিজ জীবন কৃতার্থ মনে করিবেন বলিয়া ভাবিতেন । পিতা কখন নিজের কাজের জন্ত তাঁহাকে কোন হুকুম দিতেন না । নাগমহাশয় সর্বদা অবসর খুঁজিতেন, পিতা কোন আদেশ করেন কি না । ঠাকুরদাদা তামাক খাওয়ার অভাব বোধ করিলে, নাগমহাশয় চূপ করিয়া আড়ালে দাঁড়াইয়া থাকিতেন । তিনি মনে করিতেন, এবার পিতা ডাকিয়া তামাক দিতে বলিবেন । ঠাকুরদাদা কিছুই বলিতেন না । নাগমহাশয় কতক সময় দাঁড়াইয়া থাকিয়া যখন দেখিতেন, পিতা নিজেই তামাক সাজিতে যাইবেন, অমনি তামাক সাজিয়া নিয়া পিতাকে দিতেন । নাগমহাশয় অনেকের নিকট বলিয়াছেন, বাবা কোন অবস্থায় আমাকে কোন হুকুম দেন নাই । যখন ঠাকুরদাদার শরীর একেবারে ভাঙ্গিয়া পড়িল, তখন নাগমহাশয় পিতার আদেশ পাওয়ার আশা ছাড়িয়া দিয়া বাহা পিতার আবশ্যক, নিজেই সমস্ত ঠিক করিয়া রাখিতেন ।

পিতা ঘাটে বসিয়া অনেক সময় পর্য্যন্ত সন্ধ্যা আহ্বিক করিতেন । নাগমহাশয় তাঁহার স্নান করিতে যাওয়ার পূর্বেই, বাহাতে তিনি স্বচ্ছন্দে বসিয়া তাহা করিতে পারেন, এইভাবে ঘাট তৈয়ার করিয়া রাখিতেন । শীতকাল । একদিন ঠাকুরদাদা স্নান করিতে গিয়া, কি মনে করিয়া, নাগমহাশয়ের তৈয়ারী ঘাট ভাঙ্গিয়া, জলে দাঁড়াইয়া, নুতন করিয়া ঘাট বান্ধিলেন । নাগমহাশয় সমস্ত দেখিলেন । শীতের সময় পিতার হৃদশা দেখিয়া, তাঁহাকে বলিলেন, আপনি কষ্ট করিবেন বলিয়া, আমি আপনার আসার আগে ঘাট তৈয়ার করিয়া রাখিয়াছি, আর আপনি তাহা ভাঙ্গিয়া, জলে দাঁড়াইয়া ঘাট প্রস্তুত করিতেছেন । যখন জলে

নামিয়াছেন, সামনে পায়খানা আছে, তাহাতে নামুন না কেন ? নিষ্ঠাবান পিতা ধার্মিক পুত্রের মুখে পায়খানার নামিবার কথা শুনিয়া, ক্রোধে অধৈর্য হইয়া উঠিলেন । তিনি পুত্রকে বলিলেন, তুই ধার্মিক হইয়া, বৃদ্ধ বয়সে জ্ঞানের সময় আমাকে যাহা করিতে বলিলি, সংসারের কাম কাঞ্চনের দাস হইয়াও পিতাকে একথা কেহ বলে না । তোর যাহা কিছু অধর্ম কামিনী ও কাঞ্চনে । আমি তোর মুখ আর দেখিব না । তুই আমার বাড়ী হইতে বাহির হইয়া যা ।

নাগমহাশয় হাসিতে হাসিতে বলিলেন, আমি ঘাট প্রস্তুত করিয়া দিয়াছি, আপনি তাহা ভাঙ্গিয়া, ঐ কাঁদাজলে নামিয়া অকারণ কষ্ট করিতেছেন । পায়খানায় নামিলে দোষ কি ? নিষ্ঠাবান পিতা আবও রাগিয়া গেলেন । তিনি পুত্রকে বলিলেন, তুমি আমার বাড়ী হইতে চলিয়া গেলে, আমি জল গ্রহণ করিব । নাগমহাশয় বাড়ীতে চলিয়া আসিলেন । ঠাকুরদাদা স্নানান্তে ঘাটে বসিয়া আস্থিক করিয়া বাড়ীতে আসিলেন । নাগমহাশয় হাসিতে হাসিতে পিতার সামনে দাঁড়াইলেন । পিতা রাগিয়া জিজ্ঞাসা করিলেন, ওখানে কে দাঁড়াইয়া আছে ? নাগমহাশয় চুপ করিয়া রহিলেন । অবশেষে ঠাকুরদাদা বলিলেন, তুমি আমাকে সংসারের নরক পায়খানায় নামিতে বল । তুমি আমার বাড়ীতে থাকিলে, আমি জল গ্রহণ করিব না । নাগমহাশয় বলিলেন, আপনি থাইলে পর আমি চলিয়া যাইব । বৃদ্ধের অন্তরাখ্যা তখনই উড়িয়া গেল । তিনি জানিতেন, পুত্র নিজ কথা রাখিবে । তাঁহাকে আর কিছু না বলিয়া ঠাকুরদাদা থাইতে বসিলেন ।

নাগমহাশয় পিতার জন্য তামাক সাজিলেন । পিতা খাইয়া উঠিলে তাঁহার হাতে ছুঁকা দিয়া, কাপড়খানা পিতার কাছে ফেলিয়া দিয়া, নাগমহাশয় বলিলেন, আপনি আমাকে ঘাইতে বলিয়াছেন, আমি চলিলাম । তিনি বাড়ীর বাহির হইলেন । মাঠাকুরাণী পাড়ার লোকদিগকে ডাকিয়া বলিলেন, আপনারা দেখুন, এতকাল পিতার সেবা করিয়া, এ বৃদ্ধবয়সে তাঁহাকে ফেলিয়া তিনি চলিয়া ঘাইতেছেন । আমি কিন্তু বুড়োর সেবা করিব না । তিনি যে পথে ঘাইবেন, আমিও সেই পথে ঘাইব । বুড়োকে কে দেখিবে ? পাড়ার লোক চিৎকার শুনিয়া নাগমহাশয়ের নিকট আসিয়া বলিলেন, ছুঁকাচরণ, তুমি কি করিতেছ ? তোমার পিতা বৃদ্ধ, এ বয়সে পুত্র শোক পাইবে ? তুমি চলিয়া গেলে, বৃদ্ধ দীনদয়াল জীবনে মরিবে । এ অবস্থায় কে তোমার পিতাকে দেখিবে ? ছুঁকাচরণ, তুমি এত ধার্মিক, তুমি জগতকে ধর্ম বুঝাইতে পার, আর এই বয়সে বুড়োকে ছাড়িয়া চলিলে ? প্রতিবেসীদের কথায় নাগমহাশয় বাড়ীতে ফিরিয়া আসিলেন । এদিকে ঠাকুরদাদা পুত্রকে বাড়ী হইতে চলিয়া ঘাইতে দেখিয়া মৃতপ্রায় হইয়াছেন । কিছু করিতে পারেন না, কাহাকে কোন কথা বলিতে পারেন না । নিজেই পুত্রকে বাড়ী হইতে চলিয়া ঘাইতে বলিয়াছেন । তিনি ভাবিতেছেন, কেন এমন কাজ করিলাম, কেন ক্রোধভরে জীবনসর্বস্ব ছুঁকাকে এমন কথা বলিলাম । তিনি বার বার নিজ অবিমুগ্ধকারিতাকে ধিকার দিতেছেন । নাগমহাশয় আসিয়াছেন দেখিয়া তাঁহার দেহে প্রাণ আসিল, রসনার শক্তি আসিল । তিনি জিজ্ঞাসা করিলেন, ছুঁকা, তুমি আসিয়াছ ? নাগমহাশয় বলিলেন, কেন, আপনিইত আমাকে

বাইতে বলিয়াছিলেন । ঠাকুরদাদার আবার বাকশক্তি রহিত হইল, তিনি পুত্রের মুখের দিকে আনিবেশ নয়নে চাহিয়া রহিলেন । পুত্র পিতার নিকট বসিলেন ।

নাগমহাশয় লোকের মনে কষ্ট দিয়া কথা বলিতেন না । পিতার মঙ্গলের জন্ত, সংসারের কোন কথা তাঁহার মনে উঠিলেই তিনি তাঁহাকে সেইরূপ চিন্তা হইতে বিরত করিতেন । অপ্রীতিকর কথায় ঠাকুরদাদার মনে বড় কষ্ট হইত । তিনি নাগমহাশয়ের ভয়ে সংসারের কোন বিষয় চিন্তা করিতেন না, মনে উঠিবা মাত্র বিষয়াস্তরে লইয়া যাইতেন । শেষ সময়ে তিনি পূজা করিবার কালে ভগবতীকে দেখিতে পাইতেন । নাগমহাশয়ের বাটীতে দুইটা জবা ফুলের গাছ আছে । ঠাকুরদাদা পুত্রবধুকে অতি প্রত্যুষে উঠিয়া ফুল তুলিয়া রাখিতে বলিতেন । সেই ফুল দিয়া পূজা করার সময় তাঁহার মনে হইত, যেন মা আসিয়া হাত পাতিয়া ফুল গ্রহণ করিতেছেন । নাগমহাশয় একথা অনেকের নিকট বলিয়াছেন । সুরেশবাবু তাঁহার চিরবন্ধু ছিলেন । নাগমহাশয় তাঁহার নিকট অনেক কথা বলিতেন । যখন ঠাকুরদাদার মনে সংসারের নানা কথা উঠিত, সে সময় নাগমহাশয় কলিকাতা আসিয়া সুরেশবাবুকে বলিতেন, বিষয় রূপ কাল সাপে একবার দংশন করিলে, সে বিষ নাশ করা বড় শক্ত । যে বার তিনি নখর মেহ ত্যাগ করেন, সুরেশবাবু নাগমহাশয়কে জিজ্ঞাসা করিয়াছিলেন, এখন বাবা কেমন আছেন ? তিনি হাসিতে হাসিতে বলিলেন, এখন তিনি ভাল হইয়াছেন । তাঁহার মহাভাবের মত হয় । তিনি বলেন, তাহার মনে হয়, পূজা করিতে বসিয়া যে অঞ্জলি দেন, তাহা যেন মা হাত পাতিয়া লইয়া যান । সুরেশবাবু এই কথা শরৎবাবুর নিকট

বলিয়াছিলেন । ঠাঁহার আস্থানে গঙ্গা বেওভোগ গিয়াছিলেন, ঠাঁহার ইচ্ছায় ঠাঁহার পিতার মনের ময়লা দূর হইবে, ইহা বড় অশ্চর্য্যের বিষয় নয় । ঠাঁকুরদাদার মৃত্যু কি সুন্দর ! তিনি সময় মত শয্যা ত্যাগ করিলেন । তামাক খাইয়া পায়খানা যাইবার পথে অজ্ঞান অবস্থায় পড়িয়া গেলেন । সেই সময় নাগমহাশয় বাজারে রওনা হইয়াছিলেন । বাজারের অর্দ্ধেক পথ গেলে, একজন লোক দৌড়াইয়া যাইয়া ঠাঁহাকে জানাইল, বুড়া কর্তা অজ্ঞানাবস্থায় পড়িয়া গিয়াছেন । নাগমহাশয় বাড়ীতে ফিরিয়া আসিলেন । পিতার ঈষৎ কষ্টের লক্ষণ দেখিয়া বলিয়া উঠিলেন, যদি কেহ সংসারে থাকিয়া স্ত্রীলোক মাত্রেই মা বলিয়া দেখিয়া থাকে, তবে আমি যদি ; এখন সংসারে কেহ অবতার থাকিয়া থাকে, তবে আমি ; চন্দ্র সূর্য্য তোমরা সাক্ষী, আমি আমার বাবার কষ্ট নিলাম । আমি আমার বাবার সমস্ত কর্ম্ম গ্রহণ করিলাম । ঠাঁকুরদাদার মহাভাব আসিয়া পড়িল । মুখ হইতে আনন্দ ছুটিয়া পড়িতে লাগিল । কণ্ঠে কফের ধর ধর শব্দ হইতেছিল, তাহার সঙ্গে হরিহর হরিহর বাক্য শুনা যাইতে লাগিল । যজ্ঞনা দূরে পলায়ন করিল । নাগমহাশয় ঠাঁহার মুখের দিকে তাকাইয়া রহিলেন । নাগমহাশয় মনে করিলেন, এসময় যদি তিনি ঠাঁহাকে পুত্র বলিয়া স্নেহ করেন, আবার পুত্রের পিতা হইয়া জন্ম গ্রহণ করিতে হইবে । সুতরাং তিনি পিতাকে ভগবান্ স্মরণ করিতে বলিলেন । অমনি আবার হরিহর বলিতে বলিতে প্রাণ বায়ু বাহির হইয়া গেল ।

মৃত্যুর চারি দিন পূর্বে ঠাঁকুরদাদা বড় ঘরের বারান্দায় বসিয়া মগুপ ঘরের দিকে তাকাইয়া আছেন । নাগমহাশয় ঠাঁহাকে তামাক দিতে গেলেন । ঠাঁহাকে দেখিয়া ঠাঁকুরদাদা বলিলেন,

হুর্গা, তুই মণ্ডপ ঘরে কিছু দেখিস্ ? নাগমহাশয় বলিলেন, কেন, আপনি কি দেখেন ? তিনি ইহা বলিয়া, মণ্ডপ ঘরের দিকে তাকাইয়া হাসিতে লাগিলেন । পিতাও পুত্র চুপ করিয়া রহিলেন । অল্প কোন কথা হইল না ।

ঠাকুরদাদার দেহত্যাগের চারিদিন পর আমরা দেওভোগ গেলাম । তখন নাগমহাশয় বড় ঘরের বারান্দায় বসিয়া ছিলেন । তিনি সংসারের সমস্ত নিয়ম অটুট ভাবে পালন করিয়াছেন । আমার বিশ্বাস ছিল, ঠাকুরদাদা মারা গেলে পর, তিনি আর বাড়ীতে থাকিবেন না । নৌকা হইতে ঠাকুরদাদার চিতা দেখিয়া, আমার প্রাণ কেমন করিতে লাগিল । আমাকে দেখিয়াই, নাগমহাশয় বলিলেন, কিগো মা, কিগো মা ! ইহা বলিয়া তিনি আমার মনের ছুঃখ ভার লইয়া গেলেন । তৎপর হাসিয়া হাসিয়া বলিলেন, আমার বাবাব নির্বাণ হইয়াছে । তিনি আর এই সংসারে আসিবেন না । কফের শব্দের সহিত যে হরিহর স্তনিয়াছিলেন, তাঁহার পিতা যে তাঁহার মুখপানে চাহিয়াছিলেন, পুত্র স্নেহ থাকিলে যে আবার পুত্রের পিতা হইয়া জন্মিতে হইবে, এবং শেষকালে যে তাঁহার মহাজ্ঞান হইয়াছিল, এই সমস্ত কথা বলিলেন । নাগমহাশয় পিতার কৰ্মগ্রহণ করিতে যে চন্দ্র সূর্য্য সাক্ষী করিয়া ছিলেন, তাহা মা ঠাকুরাণী বলিয়া ছিলেন ।

নাগমহাশয় চিরকাল আত্মগোপন করিতে চাহিতেন, সকল সময় তাহা পারিতেন না । জীবের উপর দয়া করিয়া, বাহাতে তাহার মঙ্গল হয়, তাহা করিতেন । সর্বদাই মনের কথার উত্তর দিতেন, কিন্তু তিনি কি ছিলেন, তাহা কখন সোজাভাবে বলিতেন না । শুধু পিতার কষ্ট দেখিয়া, তদানিন্তন আত্মবিশ্ময়

হইল, শ্বাহা আর কোন দিন মুখেও আনেন নাই, তাহা বলিয়া ফেলিলেন । পিতার দেহত্যাগের পর, নাগমহাশয়ের এক জ্ঞাতি ভগ্নী, তাঁহাকে জিজ্ঞাসা করিয়াছিলেন, দুর্গাচরণ, তুমিত সব জান, তবে কেন ঠাকুরকাকা মাটিতে পড়িয়া গেলেন ? তুমিত জানিতে, এই সময় ঠাকুরকাকা অজ্ঞান হইবেন, তবে কেন তুমি বাজারে গেলে ? নাগমহাশয় হাসিতে হাসিতে বলিলেন, বোন দিদি, মানুষের ঘরে হইলে, সময় সময় তাহার ভুল হয় । যখন লক্ষ্মণ শক্তিশেলে আহত হইয়া ভূমিশায়ী হইয়াছিলেন, সে সময় রামচন্দ্র তাঁহার পদহস্ত আঘাত স্থানে বুলাইলে, লক্ষ্মণ বাঁচিয়া উঠিতেন । তিনি তাহা না করিয়া কোথায় গন্ধমাদন পর্বত, কোথায় বিশল্যাকরণী, তাহার আবার সূর্য্য উঠিবার পূর্বে ব্যবহার হওয়া চাই,—রামচন্দ্র এই সমস্ত করিলেন এবং লক্ষ্মণকে বাঁচাইলেন । যাহা হবার, তাহা হইবেই হইবে । শাস্ত্রে আছে, শেষ সময় ভূমিশয়া করিতে হয় । পিতা সময় মত নিজেই সেই ভূমিশয়া করিলেন । নাগমহাশয় এই কথা বলিবার সময় যে হাসিয়াছিলেন, এখনও তাঁহার সেই হাসি আমার চক্ষে ভাসিতেছে ।

সন্ধ্যার সময় সকলে ঠাকুরদাদার চিতার সামনে কীর্ত্তন করিতেছিলেন । নাগমহাশয় তাহাদের সঙ্গে শ্মশান প্রদক্ষিণ করিতে করিতে কখন দাঁড়াইতেছেন, মহাভাবে অভিভূত হইয়া তুরি দিতেছেন, আবার তাঁহাদের সাথে ঘুরিতেছেন । সেই স্থানে পিতা ও আমি দাঁড়াইয়া আছি । তিনি দুইবার পিতার নিকট আসিয়া স্নেহের সহিত বলিলেন, পার্বতী ভাল গান করিতে পারে । প্রথমবার পিতা কোন উত্তর দিলেন না ।



দ্বিতীয়বার নাগমহাশয় বলিলে, পিতা বলিলেন, পার্বতী খবর পাইলেই আসিবে । তাহা শুনিয়া তিনি বালকের মত একটু দাঁড়াইয়া রহিলেন । আমি বাড়ী আসিয়া স্বামীকে লিখিলাম, ঠাকুরদাদা মারা গিয়াছেন, দুঃখের বিষয়, কিন্তু সুখের বিষয় এই, যাহাকে জীব ধ্যানে পায় না, তিনি তোমার চিন্তা করেন । সেদিন কীর্ত্তন হইতে ছিল, নাগমহাশয় দুইবার পিতাকে বলিলেন, পার্বতী ভাল গান করিতে পারে । স্বামী চিঠি পাওয়াব পূর্বে নাগমহাশয়কে দেখিতে গিয়াছিলেন । পরের শনিবার পঞ্চসার গেলেন । নাগমহাশয়কে যেরূপ দেখিলেন, তাহা বলিলেন । তিনি আরও বলিলেন, তুমি লিখিয়াছ, নাগমহাশয় গানের সময় আমাকে মনে কবিয়াছিলেন । তিনি নিজগুণে সর্বদা আমাকে মনে রাখেন । তিনি শুধু মনে রাখেন, তাহা নয়, অহৈতুক দয়াহেতু সময় মত কোন কোন বিষয় আমাকে জানান । যে দিন ঠাকুরদাদা দেহত্যাগ করিলেন, সেই দিন সন্ধ্যার সময় ঠাকুরের নাম নিতে বসিয়া দেখিলাম, একটা চিতা দাউ দাউ করিয়া জ্বলিতেছে । আমি অনেক চেষ্টা করিলাম, কোন মতে তাহা মানসিক দৃষ্টির অগোচর করিতে পারিলাম না । মনে বড় অশান্তি আসিল । পরের দিন দেওভোগ যাইয়া, নাগমহাশয়কে দেখিয়া, হাঁপ ছাড়িয়া বাঁচিলাম । তাঁহার দয়া অনুভব করিলাম ।

\*) আমি তাহা বুঝিতে পারিয়াছিলাম কিনা স্বামী তাহা আমাকে জিজ্ঞাসা করিলেন । আমি অস্বীকার করিলে, স্বামী বলিলেন, যাহাদের ভক্তি বিশ্বাস আছে, তাহারা নিজের মনে নিজে থাকে, কিন্তু যাহাদের ভক্তি বিশ্বাস নাই, ভগবান্ নিজগুণে তাহাদিগকে মনে রাখেন, তাই তাঁহার পতিতপাবন, অধমতারণ্য নাম ।

একদিন আমি স্বামীকে বলিলাম, যখন নাগমহাশয় পিতাব  
চিত্তা নমস্কার করেন, আমি তাঁহার মাথার নিকট আমার মাথা  
রাখিয়া নমস্কার করিয়া শুনিতে পাই, তিনি বসুদেব বসুদেব  
বলিয়া নমস্কার করেন । তাহা শুনিয়া, স্বামী হাসিতে হাসিতে  
বলিলেন, ঠাকুরদাদা বসুদেব ছিলেন, তাই নাগমহাশয় তাঁহাকে  
বসুদেব বলিয়া নমস্কার করেন । তিনি যাহা বলেন, তাহা সত্য ।  
তিনি উপহাসের ছলেও মিথ্যা কথা বলেন না । ভগবানের পিতা  
বাসুদেবই থাকেন । তবে বলিতে পারা যায়, যখন একসঙ্গে  
দুই অবতাব হয়, সেই সময় ভগবানের পিতা অথোও হইতে পারে,  
কিন্তু বসুদেব ভগবানের পিতা ভিন্ন অথোর পিতা হইতে পারেন  
না । বসুদেবেব ঘবে ভগবান্ থাকিবেনই । ভগবানের সঙ্গে  
অন্তঃস্থান থাকিতে পারে । নাগমহাশয় যে ভগবান্, তাহা চন্দ্র  
সূর্যের মত সত্য । এই যে তিনি ঠাকুরদাদাকে বসুদেব বলিয়া  
নমস্কার করেন, তাহা তাহার একটা প্রমাণ । ঠাকুরদাদা দুর্গা-  
চরণকে পুত্র পাইয়া যত সুখী হইতে পারিলেন, অত্র কোন পুত্র  
হইতে ততসুখ লাভ করেন নাই । প্রত্যেক অবতারেই তাঁহাকে  
পুত্রের বিরহ বাতনা ভোগ করিতে হইয়াছে । রামের শোকে  
দশরথের প্রাণ গেল । কৃষ্ণ যোগাসনে দেহত্যাগ করিলে পরও  
বসুদেব জীবিত ছিলেন । দুর্গাচরণকে পুত্র পাইয়া বসুদেব সকল  
জালা জুড়াইয়া গেলেন । জীবদশায় তিনি দুর্গাচরণকে সর্বদা  
দেখিতে পাইতেন, ঘরে বসিয়া গঙ্গান্নান করিলেন । সুধু তাহা  
নয় । তিনি স্নানান্তে কাণী দর্শনও করিলেন । অবশেষে নির্বাণ  
লাভ করিলেন । এজীবনে তিনি যে সুখ পাইলেন, কেহ কোন দিন  
এমত সুখ পার না । ভগবান্ কল্পতরু বলিয়া শুনা যায়, দুর্গাচরণ

তাহা প্রত্যক্ষ দেখাইলেন । কল্পতরুর তলে বসায়, দীনদয়ালের সকল বাসনার পূরণ হইল, যাহা কোন দিন চাহিয়াছিলেন কিনা সন্দেহ, তাহাও লাভ করিলেন ।

নাগমহাশয় সংসারে প্রচলিত সমস্ত নিয়ম পালন করিয়া ছিলেন । হবিষ্য করার সময় ক্ষিরার খোসা, শশার খোসা খাইয়াছেন । ভিজা কাপড় গায় শুকাইয়াছেন । যদি মাঠাকুরাণী বলিয়াছে, হবিষ্য করিয়া সকলেই ফল খায়, আপনি খাইবেন না কেন ? তিনি উত্তর দিতেন, যদি সুখের জন্য সুখাশু খাই, তবে পিতার জন্য কি কষ্ট করিলাম ? তিনি কোন দিন কোন ফল খান নাই । যে দিন তিনি ভাত খাইয়াছেন, ভাতের সঙ্গে অন্য কোন জিনিস খাইতেন না । সামান্য একমুঠো ভাত খাইয়া কত কাজ করিয়াছেন । পিতার শ্রাব্দের প্রায় সকল জিনিসই নিজে আনিয়াছেন । কত জায়গায় যে ঘুরিয়াছেন, কাহার নিকট বলেন নাই । আমরা দেখিয়াছি, তিনি ভোরের সময় বাড়ী হইতে চলিয়া গিয়াছেন, কোন দিন সন্ধ্যার সময়, অন্য কোন দিন রাত্রি ১০।১১ টার সময় ফিরিয়া আসিয়াছেন । এক মুঠোভাত কিম্বা ক্ষীরার খোসা ও শশার খোসা খাইয়া এত পরিশ্রম করিতেন, তথাপি কখন তাঁহার মলিন মুখ দেখি নাই । তিনি সকল সময় হাসিতেন, মুহূর্তের তরেও তাঁহাকে ক্রান্ত দেখা যায় নাই । সুখও দুঃখ তাঁহার সমান ছিল । কিন্তু তিনি লোকের সুখ অতিশয় দেখিতেন । নিজে এত কষ্ট করিয়া হবিষ্য করিতেন । নিরামিশ খাইতে লোকের কষ্ট হইবে বলিয়া, সকাল বেলা একটা ইলিশ মাছ আনিতেন । মাছ বাড়ীতে রাখিয়া, তিনি অন্য কাজ করিতে যাইতেন, যেন লোকের খাইতে দেড়ি না হয় ।

নাগমহাশয় কত বৃষ্টিতে ভিজিয়াছেন, কাহাকে কোন কাজ করিতে দিতেন না । তিনি বলিতেন, আমার পিতার কাজ আমি করিব । তিনি সমস্ত কাজ করিতেন, আমরা কেবল খাইতাম আর তাঁহাকে দেখিতাম । শ্রাব্দের অল্প আগে এক দিন বলিলেন, এতদিন পিতা মহাশয়ের কাজ ছিল, তাহা শীঘ্রই শেষ হইয়া যাইবে । মাসের শেষ দিন তিনি অতি প্রত্যুষে বাহির হইলেন, একপ্রহর বেলা থাকিতে ফিরিয়া আসিলেন । ক্ষৌরকার আসিয়াছিল, তিনি নখ ও চুল কাটাইতে বসিলেন । তিনি কখন কাহাকে তাঁহার পায় হাত দিতে দিতেন না । সেই দিন ক্ষৌরকার বড় স্তুবিধা নিল । সে বলিল, আপনার পায়ের নখ না কাটিয়া মস্তকে হাত দিতে পারিব না । নাগমহাশয় অতিশয় বিনয়ের সহিত বলিলেন, পায়ের নখ থাকুক, তাহা কিছু নয় । দরকার হইলে আমিই কাটিব । আপনি আমার মাথা মুণ্ডন করুন । ক্ষৌরকার বলিল, তাহা হইবে না । আপনি সংসারের সকল নিয়ম পালন করিলেন, নখ কাটাইবেন না কেন ? আপনার পায় হাত না দিয়া মাথার হাত দিতে আমার সাহস হয় না । এই সমস্ত কথা হইতেছে, এমন সময় সারদাপিসী বলিলেন, ঠাকুরভাই, পিতার কাজ এই শেষ হইয়া যায় । আপনি সকল কাজ নিয়মমত করিয়া সামান্ত বিষয়ে অনিয়ম করিতেছেন কেন ? ক্ষৌরকার আপনার পা না ধরিয়া মস্তক মুণ্ডন করিতে সাহস পাইতেছে না । আপনার পায়ের নখ কাটিতে দিন, পরে অল্প কাজ করিবে । ভগ্নীর কথায় পায়ের নখ কাটিতে দিলেন । আমি দেখিলাম, নাপিত মহা আনন্দে অতিশয় যত্নের সহিত ধীরে ধীরে পায়ের নখ কাটিয়া দিল । তাহার চিরকালের

আশা পূরণ হইল, সে নাগমহাশয়ের চরণযুগল মনের মত সেবা করিল ।

নাগমহাশয়ের মাথার চুল টাছিবার সময় তালুতে একটা দাগ দেখা গেল । আমি জিজ্ঞাসা করিলাম, আপনি এই ব্যাথা কোথায় পাইয়াছিলেন ? তিনি বলিলেন, বৃষ্টি হইতেছিল, অন্ধকারে চলিতেছিলাম, পথের পাশে একটা গাছের শাখা নীচু হইয়া ছিল । সরু পথ, যেমন মাথা উঠাইয়াছি, অমনি লাগিল । আমার মনে বড় কষ্ট হইল । আমি বলিলাম আহা, কত কষ্টই না পাইয়াছেন । তিনি বলিলেন, কোন কষ্ট হয় নাই, বেশী লাগে নাই । সারদাপিসী বলিলেন, কি কষ্ট, কোথায় ঘান ঠিক থাকে না । শরীরের দিকে একবারেই চান না । অল্প জ্বরে লাগিলে, মাথার এইরূপ দাগ থাকিত না । আপনি নিশ্চয়ই তখন অতিশয় ব্যাথা পাইয়াছিলেন । তিনি বিরক্তির সহিত বলিলেন, কেবল মায়াপুরাণ । মাথায় দাগ দেখিয়া, নাপিতও মুখ মলিন করিল এবং সাবধানের সহিত চুল টাছিতে লাগিল । এইরূপ অনেক ঘটনা দেখিয়াছি, যাহাতে বুঝা গিয়াছে, তাঁহার দেহাত্মবোধ ছিল না । মাথায় যে আঘাত লাগিয়াছিল, দেহাত্মবোধ থাকিলে, তিনি সেই দিন হাঁটিয়া বাড়ীতে আসিতে পারিতেন না ।

পিতামাতার কাল হইলে, শ্রাদ্ধ না করা পর্য্যন্ত পুত্র বাহা খায়, কাককে তাহা হইতে দিতে হয় । বড়ই আশ্চর্য্যের বিষয়, যখন তিনি কাককে খাইতে দিতেন, কাক অমনি খাইয়া যাইত । এত অল্প সময় লাগিত, লোক এই বিষয়ে মনোযোগ না দিলে, কোনমতেই তাহা দেখিতে পাইত না ।

ইহা নী হইবেই বা কেন, নাগমহাশয় সকলের আপন ছিলেন ।  
পাখী তাঁহার হাত হইতে খাইতে কত আনন্দ বোধ করিত ।

নাগমহাশয় জ্ঞান করিয়া তিলদান করিলেন । পুরোহিত  
তাঁহাকে বৈতরণী পারের জন্ত গাভী দান করিতে বলিলেন ।  
নাগমহাশয় আমারদিকে তাকাইয়া কহিলেন, এখন বৈতরণী  
পারের সময় নয় । যদি কেহ নিজ কৰ্মফলে স্বর্গে যায়, তাহাকে  
এই বৈতরণী পারের সময় নামিয়া আসিতে হয় । আমি ভিজ্ঞাসা  
করিতাম, কখন বৈতরণী পার করা উচিত ? তিনি বলিলেন, যখন  
মৃত্যুর প্রাক্কালে কাহাকে ঘরের বাহির করে, তখন বৈতরণী পার  
করিতে হয়, কারণ লিঙ্গপুরুষ গাভীর পুচ্ছ ধরিয়া স্বর্গে যায় । তবে  
আমি পিতার উদ্দেশে এসময় বৈতরণী পারের জন্ত গাভী দান  
করিব । আমার পিতার নির্বাণ লাভ হইয়াছে, তাঁহাকে কোন  
কৰ্ম লাগাল পাইবে না । নাগমহাশয় বৈতরণী পার করিলেন ।  
আমি তাঁহাকে দেখিতে লাগিতাম । তাঁহাকে দেখিতে দেখিতে  
আমার মনে হইতে লাগিল, ইনিই আমার ভবপারের কর্তা ।  
মহাভাবে নাগমহাশয়ের চক্ষু দুইটা ঢুল ঢুল করিতে লাগিল ।  
তৎপর তিনি পিতার শ্রাদ্ধ করিতে গেলেন । পুরোহিত আমাকে  
মাতাঠাকুরাণীকে ডাকিতে বলিলেন । আমি তাঁহাকে ডাকিয়া  
আনিয়া আর নাগমহাশয়ের নিকট বাইতে পারিলাম না, কারণ  
বহুলোক তাঁহার চারিদিকে সমবেত হইয়াছিল ।

নাগমহাশয় পিতার শ্রাদ্ধ ভাল মত সমাপন করিলেন ।  
অনেক চুঃখী ও গরীব লোক মহা আনন্দে ভোজন করিল । কাহার  
মনে কোন অভাব রহিল না । শ্রাদ্ধের পূৰ্বদিন মূলধারায়  
বৃষ্টি হইয়াছিল । নাগমহাশয়ের বাটা ছোট, অনেক লোক

তথায় একত্রিত হওয়ায় বাড়ীতে খুব কাদা হইয়াছিল। শ্রাদ্ধের দিন বৃষ্টি ছিল না সত্য, কিন্তু এত কাদা ছিল যে, তাহাতে পা ডুবিয়া যাইত। নিমন্ত্রিত ব্রাহ্মণগণ আসিলেন। নাগমহাশয় কয়েকজন ব্রাহ্মণের পা ধোয়াইয়া দিলেন। পরে স্বামী সকল ব্রাহ্মণের পা ধোয়াইয়া ছিলেন। নাগমহাশয় শ্রাদ্ধ করিতে বসিলেন। কতক দুর্বার দরকার হইল। একটা লোক পাঠাইয়া স্বামীকে ডাকাইয়া আনিলেন। স্বামী মহা আনন্দে নাগমহাশয়ের নিকট আসিলেন। তিনি তাঁহাকে কতক দুর্বা আনিয়া দিতে বলিলেন। নাগমহাশয় কখন কাহাকে ছকম দিতেন না। তাঁহার ছকম পাইয়া, মনের উল্লাসে স্বামী দুর্বা আনিয়া দিলেন। পিতার শ্রাদ্ধকাৰ্য্যে অনেকের বাসনা পূরণ করিলেন। নাপিত মনের আনন্দে তাঁহার চরণযুগল স্পর্শ করিয়া নথ কাটিল। স্বামী তাঁহার আদেশ অনুসারে দুর্বা আনিয়া দিলেন। আমার পিতা তাঁহার ব্যবহারের অল্প জল আনিয়া দিলেন। তাঁহারা তাঁহার কাজ করিয়া আনন্দে অধীর হইয়াছিলেন।

শ্রাদ্ধের পর রান্না করিয়া নাগমহাশয় ঠাকুরদাদার উদ্দেশে অন্ন ও ব্যঞ্জন দিতে গেলেন। সকলে কীর্ত্তন করিতে লাগিল। নাগমহাশয় স্নান করিতে গেলেন, সকলে তাঁহার সঙ্গে পুকুরের ঘাটে গেল। তিনি স্নান করিয়া বাড়ীতে আসিলে, সকলেই মনের সুখে তাঁহাকে দেখিতে লাগিল। নাগমহাশয় ভিজা কাপড় ছাড়িয়া ধরে গেলেন, কীর্ত্তন বন্ধ হইল। সকল দিন উপবাস করিয়া আছেন, যদি কীর্ত্তন বন্ধ না করিলে, তিনি না খান; তজ্জন্ত সকলে চুপ করিয়া বসিয়া রহিলেন। রাত্ৰিতে

রান্না করিয়া! নাগমহাশয় সামান্য আহার করিলেন । তৎপর  
 বারান্দায় বসিয়া তামাক খাইতে লাগিলেন । আমি তখন  
 বসিয়া ছিলাম । তিনি আমাকে শুইয়া থাকিতে বলিলেন ।  
 কাদায় আমার পায় বড় ঘা হইয়াছিল । আমি মনে করিয়া-  
 ছিলাম, তৈল গরম করিয়া ঘায় দিয়া শুইব । এই কথা  
 বলিলে, নাগমহাশয় বলিলেন, কাদার ঘার জ্বালার অবধি নাই ।  
 তুমি শুইয়া থাক । তৈল গরম করিয়া ঘায় লাগাইলে ঘা  
 হইবে, তুমি কাল সকালে তাহার চেয়ে ভাল দেখিতে পাইবে ।  
 আমি শুইলাম । আমি পরদিন প্রাতে দেখিলাম, সমস্ত ঘা  
 একেবারে শুকাইয়াছে । তাঁহার বাক্য এমনই ছিল । জীবের  
 উপর তাহার এমনই দয়া ছিল । আমি একটু বসিয়া আছি,  
 তিনি সেই কষ্টটুকু সহিতে পারিলেন না । আমি কি পাষণী !  
 আমি কি করিয়া তাঁহাকে ভুলিয়া রহিলাম । আমি যেমন  
 পাষণী, আমার সাজাও কম হয় নাই ।

শ্রাব্দের পর মাছ খাওয়ার দিন, জ্ঞাতির হাতে খাইতে  
 হয় । তজ্জন্তু আমার পিতা বাড়ীতে লোক রাখিয়া, চারি  
 দিনের জন্তু মাকে নিয়া, দেওভোগ থাকিবেন স্থির করিয়া  
 আসিলেন । কিন্তু জুর্ভাগ্যের বিষয় মা সেইদিন রান্না  
 করিতে পারিলেন না । শ্রাব্দের পর দিন মাঠাকুরাণী আমার  
 মাকে বলিলেন, বোনদিদি, আজ জ্ঞাতির হাতে খাইতে পারে ।  
 আপনি ঘান করিয়া আসিয়া, আপনার ভাস্করের জন্তু রান্না  
 করুন । আমিও খাইতে পারিব । এই কথা শুনিয়া মা মনের  
 আনন্দে রান্নার স্থান পরিস্কৃত করিয়া, ঘান করিয়া আসিলেন  
 এবং মাঠাকুরাণীকে কি রান্না করিতে হইবে, তাহা বিজ্ঞাসা



করিলেন । আমার মা স্নান করিতে গেলে, মাসী মাঠাকুরাণীকে বলিলেন, নাগমহাশয় যাহা খাইবেন, তুমি রান্না কর, তোমার জ্যা অল্প ঘরে সকলের জন্ম রান্না করিবে । মাঠাকুরাণী আমার মাকে তাহাই বলিলেন । মা জানিতেন, এ সুযোগ হারাইলে, আর নাগমহাশয়কে রাঁধিয়া খাওয়াইতে পারিবেন কিনা সন্দেহ ; এমন সুবিধা আর তাঁহার কপালে ঘটবে কিনা, কে জানে ? সুতরাং মাঠাকুরাণীর কথা শুনিয়া মা মনের দুঃখে তখনই পঞ্চসার চলিয়া আসিলেন । যখন তিনি রওনা হন, নাগমহাশয় বালকের মত চাহিয়া রহিলেন । এত তাড়াতাড়ি চলিয়া আসার কারণ জিজ্ঞাসা করিলে, মা বলিলেন, আমাদের বাড়ীতে লোক নাই । আমি এখনই চলিয়া যাইব । আমরা মাতার সহিত ক্ষুধা মনে চলিয়া আসিলাম । সেদিন তাঁহাকে বিষমমনে চলিয়া আসিতে হইল, কিন্তু দয়াময় যতকাল এই দেহ ধরিয়া দেওভোগে বাস করিয়াছিলেন তাঁহার বাসনা চরিতার্থ হইয়াছে । তিনি দেওভোগ গিয়া দেখিতেন, মাঠাকুরাণী রাঁধিতে পারেন না, রজস্বলা হইয়াছেন । মা মনের সাধ পুরাইয়া রান্না করিয়া নাগমহাশয়কে খাওয়াইয়াছেন । ধন্য তাঁহার দয়া ! জীব শত চেষ্টা করিয়াও তাঁহার দয়ার ব্যাঘাত জন্মাইতে পারে নাই ।

আমার পিতা বাড়ীতে আসিলে পর শুনিতে পাইলাম, নাগমহাশয় ও তিনি একঘরে খাইতে বসিয়াছিলেন । সংসারে নিয়ম আছে, জ্ঞাতির থালা হইতে মৎস্য তুলিয়া দিতে হয় । পিতা তাঁহার থালা হইতে মৎস্য তুলিয়া নাগমহাশয়ের হাতে দিলেন । তিনি বালকের মত বলিলেন, মাছ খাই । পিতা তাঁহাকে মৎস্য খাইতে বলিলেন । তাঁহার পর দিন স্নান করার সময় কাঠের

বৃষ জ্বলে দিতে হয় । নাগমহাশয় ও পিতা, দুই ভাই বৃষ ধরিয়া জ্বলে ফেলিলেন । অগ্নি একজন লোক তাহা ধরিতে আসিয়াছিল, জ্ঞাতি ভিন্ন অগ্নিলোক ধরিতে পারে না বলিয়া তিনি তাঁহাকে ধরিতে দিলেন না । পিতা বলিলেন, এই কয়েকদিন ঠাকুর ভাইয়ের জ্ঞাতির কাজ করিলাম । আমার মনে বড় সুখ হইয়াছে । জ্ঞাতি হইয়া ছিলাম বলিয়া ঠাকুর ভাইয়ের সঙ্গে কাজ করিতে পারিলাম ।

ঠাকুর দাদার শ্রাদ্ধে শরৎবাবু কুড়ি টাকা পাঠাইয়াছিলেন । তিনি কুপনে লিখিয়াছিলেন, যদি আপনি আমার এই টাকা গ্রহণ না করেন, আমি আপনাকে বাবা বলিব না । নাগমহাশয় ভক্তের জিদ রক্ষা করিলেন । নাগমহাশয় আর কোন লোকের টাকা নেন নাই । কেহ তাঁহাকে দিতেও সাহস করে নাই ।

ঠাকুরদাদা দেহত্যাগ করিয়াছেন পর নাগমহাশয় হাসিতে হাসিতে বলিতেন, আমার পিতা সদাশিব ছিলেন । ৪৫ বৎসর যাবত আমার মা মারা গিয়াছেন । ৪০ বৎসরের মধ্যে স্বপ্নেও তাঁহার রেতঃ পাত হয় নাই । শাদ্ধে আছে ষাট বৎসর রেতঃ পাত না হইলে জীব উর্দ্ধরেতা হয়, আমার পিতা ৪০ বৎসর ছিলেন । আমি মনে মনে বলিলাম, যঁহার জন্ম হওয়া, যঁহার জন্ম বনে বসিয়া তপস্বী করা, আপনার পিতা তাঁহার জন্ম সংসারের সমস্ত সুখ ছাড়িয়া, তাঁহাকে বুকে করিয়া বসিয়া ছিলেন । যঁহাকে চিন্তা করিলে মনে পবিত্র হয়, তাঁহাকে হৃদয়ে ধারণ করিলে, মায়ার সম্পর্ক কি থাকিতে পারে ?

একদিন নাগমহাশয় স্বামীকে বলিয়াছিলেন, দেখুন, আমি কোন দিন পিতার আদেশ মত কোন কাজ করিতে পারি নাই ।

তিনি আমাকে কখনও কোন কাজ করিতে বলেন নাই । আমি সর্বদা তাকে তাকে থাকিতাম, বাপমহাশয় কখন আমাকে একটি হুকুম দিবেন । তিনি কোন অবস্থায় আমাকে কোন হুকুম দেন নাই । এমন কি শেষ অবস্থায়, যখন তিনি সামান্য দিশাহারা হইয়াছিলেন, তখনও রাতে বাহিরে আসিয়া ঘবে যাইতে না পারিলে, এদিকে ওদিকে চলিয়া যাইতেন, তথাপি তিনি আমাকে ডাকিয়া বলেন নাই, আমি ঘরে যাইতে পারিতেছি না । তুমি আমাকে বিছানায় পোছাইয়া দাও । আমি এসময় সমস্ত রাত কান পাতিয়া রহিয়াছি । যখন দেখিতাম, পথ ধরিতে তাঁহার কষ্ট হইতেছে, আমি বাহিরে আসিয়া, তাঁহাকে ধরিয়া ঘরে লইয়া যাইতাম । শতকষ্ট পাইলেও তিনি আমাকে কোন কাজ করিতে বলিতেন না । স্বামী মনে মনে বলিলেন, এমন না হইলে কি আর তোমাধনে পুত্ররূপে পাইতে পারেন ? নাগমহাশয় বলিলেন, আমার পিতা শিব ছিলেন । আমি অন্তায় মত তাঁহাকে অনেক বিষয়ে তাড়না দিয়াছি, তাঁহার মত হইতে পারিলে জীবন ধন্য হইয়া যায় ।

ঠাকুরদাদার শ্রাব্দের পর দিন, নাগমহাশয়ের বাড়ীতে অনেক ব্রাহ্মণ ভোজন হইবে । হরপ্রসন্নবাবুর আফিস ছিল । তিনি কোনমতেই সেই দিন আফিশে না যাইয়া পারিবেন না । মা ঠাকুরাণী হরপ্রসন্নবাবুকে অতিশয় স্নেহ করিতেন । তিনি চটার মধ্যে রান্না করিলেন । স্বামীও সকাল বেলা চলিয়া আসিবেন । রান্না হইয়াছে দেখিয়া নাগমহাশয় তাঁহাকে না খাইয়া আসিতে দিলেন না । হরপ্রসন্নবাবু ও স্বামী খাইতে বসিলেন । নাগমহাশয় গোয়াল বাড়ী হইতে ছুগ্ন নিয়া আসিতেছেন, তাঁহাদিগকে

থাইতে দেখিয়া, হরপ্রসন্নবাবুর পাতে একটু দুধ দিয়া ঘটাটা হাতে করিয়া দাড়াইয়া স্বামীকে বলিলেন, ব্রাহ্মণের জন্ত আনিত দুধ, কি করি ? স্বামী মনে মনে বলিলেন, আমাকে উহা দিবেন না । নাগমহাশয় বড় ঘরে চলিয়া গেলেন । নাগমহাশয়ের সেই স্নেহ স্মরণ করিয়া, স্বামী বলেন, তাঁহার কত স্নেহ ছিল ! কলাপাতায় থাইতে বসিয়াছিলাম, কলাপাতায় আর কতটুকু দুধ দিতে পারিতেন ? এক গণ্ড দুধ হইলেই কলাপাতা ভরিয়া যাইত । এই সামান্য দুধ দিতে না পারিয়া, মহা আপনের মত আমাকে বলিলেন, ব্রাহ্মণের জন্ত দুধ, কি করি ? যদি পিতা ব্রাহ্মণসেবার জন্ত কোন জিনিষ আনেন, তাহা কখনও ব্রাহ্মণকে না খাওয়াইয়া পুত্রকে খাইতে দেন না, কিন্তু নাগমহাশয়ের এত স্নেহ ছিল, এই সামান্য বিষয়েও তাঁহার স্নেহ উদ্বেলিত হইল ।

একবার দুর্গা পূজার সময় আমার পিতা আমাকে বলিয়া ছিলেন, পূজার সময় তোমরা ত দেওতোগে থাক । এবার তোমার জ্যেষ্ঠা মহাশয়কে বলিয়া নবম দিন সকলে আসিও । আমি বলিলাম, দেখিব । অষ্টমী রাত্রিতে নাগমহাশয় শুইয়া আছেন, আমি তাঁহার সান্নাতে বসিয়া আছি । আমি বলিলাম, পিতা নবমী দিন সকাল বেলা যাইতে বলিয়াছেন । নাগমহাশয় কোন উত্তর দিলেন না । আমি আবার তাঁহাকে বলিলাম, পিতা নবমী দিন অনেক লোক নিমন্ত্রণ করেন । আমাকে সকাল বেলা যাইতে বলিয়াছেন । তিনি বলিলেন, হাঁ, নবমী দিন যাইতে বলিয়াছে, যাইবে । তাঁহার কথা শুনিয়া, আমি মনে করিলাম, তিনি সকাল বেলাই যাইতে বলিবেন । কতটুকু সময় বসিয়া তাঁহাকে দেখিতে ছিলাম, তিনি বলিলেন, মা, রাত্রি অধিক হইয়াছে, শুইতে যাও ।

তিনি বড় ঘরের বারান্দায় শুইলেন, আমি অগ্ন্যান্ত লোকের সঙ্গে ঘরের মধ্যে শুইলাম । রাত্র ভোর হইল । এখন চলিয়া যাইতে হইবে মনে করিয়া তাড়াতাড়ি উঠিয়া, তাঁহার কাছে যাইয়া বসিলাম । তাঁহার নিয়ম, ভোরের সময় সত্যযুগ, ভগবান্কে স্মরণ করিতে হয় । আমি বসিয়া থাকিয়া, নাগমহাশয়কে দেখিতে লাগিলাম । পক্ষিগণ মনের আনন্দে তাঁহার দিকে তাকাইয়া মস্তক সঞ্চালন করিয়া, ডাকিতে লাগিল । দেখিতে দেখিতে বেলা হইল । সকলেই স্বীয় কাজে ব্যস্ত হইল । আমি তাঁহাকে জিজ্ঞাসা করিলাম, এখন আসি ? তাহা শুনিয়া নাগমহাশয় অনিচ্ছা প্রকাশ করিলেন । আমি মনে মনে বলিলাম, পিতা একাকী সকল কাজ করেন । অমনি তিনি বলিলেন, মা, সংসারে সকলেই একাকী । আজ এখানেও অনেক ব্রাহ্মণ ভোজন হইবে । স্বামীকে লক্ষ্য করিয়া বলিলেন, ও চলিয়া যাইবে । এখন যাইও না । তাহা শুনিয়া, আমি বৃষ্টিতে পারিলাম, স্বামীকে না খাওয়াইয়া যাইতে দিবেন না । ব্রাহ্মণ ভোজন হইয়া গেল পর তিনি হাসিতে হাসিতে স্বামীকে খাইতে দিতে বলিলেন । তাঁহাকে খাইতে দেখিয়া, নাগমহাশয় অতিশয় সুখী হইলেন । তিনি হাসিতে হাসিতে তাঁহার সাক্ষাতে দাঁড়াইয়া খাওয়া দেখিতে লাগিলেন । যেমন মা সন্তানের খাওয়া দেখিলে সুখী হন, নাগমহাশয়ের হাসি মাথা মুখ-পদ দেখিয়া আমার মনে তাহা পড়িল । তিনি তাঁহাকে এত স্নেহ করিতেন । তৎপর আমাকে খাইতে বলিলেন । আমি খাইয়া, তাঁহার সামনে যাইয়া দাঁড়াইয়া বলিলাম, এখন আসি ? নাগমহাশয় হাসিতে হাসিতে বলিলেন, এস, মা, রাজকুমার যাইতে বলিয়াছে । বাড়ীতে যাইয়া স্বামীকে বলিলাম, তিনি তোমাকে এত স্নেহ করেন ! তিনি

ভাল দর্শি ও ক্ষীর তোমাকে খাওয়াইয়া কতসুখী হইলেন !! স্বামী বলিলেন, নাগমহাশয় জানেন আমি বড় পেটুক, তাই আমার উপর এত দয়া ।

নাগমহাশয় যখন ছিলেন, যাহাকে দেওভোগে দেখিয়াছি, তাহাকেই নাগমহাশয়ের ভক্ত মনে করিয়াছি । আমাদের মনে হইত, আমাদের ভক্তি নাই, বিশ্বাস নাই, যাহাদের ভক্তি ও বিশ্বাস আছে, মা ঠাকুরাণী তাহাদিগকে ভাল বাসেন । এই কারণে নাগমহাশয়কে কিছু খাইতে দিতে পারি নাই । নাগমহাশয়ের স্নেহে ভুলিয়া, নয়ন ভরিয়া তাঁহাকে দেখিয়াছি । যত সময় দেওভোগ রহিয়াছি, তাঁহার নিকটই থাকিয়াছি । নাগমহাশয়ও দয়া করিয়া কত উপদেশ দিয়াছেন, কত কথা বলিয়াছেন । সকল কথাই ধর্ম সম্বন্ধে ছিল, বাজে কথা একবারেই হইত না । আমাদের উপরে যে নাগমহাশয়ের এত স্নেহ ছিল, অনেকের তাহা ভাল লাগিত না । মা ঠাকুরাণী ও মাসীর ইচ্ছা ছিল, যেমন সংসারের লোক আপনার লোক ভালবাসে, স্ত্রীর বান্ধবকে ভালবাসে, নাগমহাশয়ও সেই রূপ মা ঠাকুরাণী যাহাদিগকে স্নেহ করেন, তাহাদিগকে ভাল বাসুন, মা ঠাকুরাণী যাহাদিগকে ভালবাসেন না, তাহাদিগকে দেখিতে না পারেন । কিন্তু তাঁহাদের বাসনা পূরণ হইল না । ভগবান্ সকলের আপন, কেহ তাঁহাকে বাধিতে পারে না । যতক্ষণ নাগমহাশয়ের নিকট রহিয়াছি, অনন্ত সুখ অনুভব করিয়াছি । যদি কোন দ্রব্য নাগমহাশয়কে খাওয়াইতে ইচ্ছা করিয়াছি, তখন মা ঠাকুরাণীর কাছে যাইতে হইয়াছে ।

একবার আমার মা নাগমহাশয়ের জন্ম কয়েকটি মর্তমান কলা ও ছদ্ম লইয়া দেওভোগ বান । মা ঠাকুরাণী ও মাসীর ইচ্ছা

নাগমহাশয় তাহা না খান । তাঁহারা সকলকে সেই কলা ও দুগ্ধ খাইতে দিলেন, কেবল নাগমহাশয়কে খাইতে দিলেন না । মাসী বলিতেন, নাগমহাশয় পরের জিনিষ খান না । আমার মা এই কথা শুনিয়া, নিজেও দুগ্ধ খাইলেন না, সন্তানদিগকেও তাহা দিলেন না । তিনি নাগমহাশয়ের এক ভগ্নীদ্বারা বলাইলেন, যদি তিনি এই দুগ্ধ ও কলা না খান, তাহার মনে বড় কষ্ট হইবে । তাঁহার সেই ভগ্নী নাগমহাশয়কে বলিলেন, দুর্গা, যদি তুমি এই দুগ্ধ ও কলা না খাও, বধু মনে বড় কষ্ট পাইবে । নাগমহাশয় বলিলেন, সন্তানদিগকে দিন, তাহা হইলেই হইবে । ভগ্নি বলিলেন, দুর্গাচরণ, যাহা তোমার জন্ম আনিয়াছে, তাহা তুমি না খাইলে মনে কেমন লাগে, তাহা বুঝিতে পার ? তৎপর নাগমহাশয় বালকের মত একটা কলা ও একবাটিতে কতটুকু দুগ্ধ লইয়া খাইলেন এবং বাটিটা আপনিই ধুইয়া আনিলেন । নাগমহাশয়ের দয়া দেখিয়া আমরা স্নুথের সাগরে ভাসিতে লাগিলাম । অন্তের অন্তায় ব্যবহারে কিছু ক্ষতি হইল না ।

একবার নাগমহাশয়কে দেখিতে গিয়াছি । আমার এক ছোট ভগ্নী মঙ্গলচণ্ডীব্রত করিয়াছিল । মাঠাকুরাণী রাঁধিতে পারিলেন না । আমি রান্না করিলাম । সকলে খাইতে বসিল, আমার ছোট ভগ্নী নাগমহাশয়ের নিকট বসিয়া রহিল । নাগমহাশয় জিজ্ঞাসা করিলেন, ও খাইবে না ? সে উত্তর দিল, সে মঙ্গলচণ্ডীর ব্রত করিতেছে, উপবাস করিবে । নাগমহাশয় হাসিতে হাসিতে জিজ্ঞাসা করিলেন, মঙ্গলচণ্ডীর উপবাস কর, তিনি কি বলিলেন ? তিনি এমন ভাবে এই প্রশ্ন করিলেন, আমার মনে হইল, নাগমহাশয় যেন তাহাকে

বুঝাইয়া দিতেছেন, এই ব্রত করিলে ভগবতীকে দেখা যায়। আমি নাগমহাশয়র ভাত লইয়া বসিয়াছিলাম। নাগমহাশয় খাইতে আসিতেছেন না। স্বামী মনে করিলেন, আমার ভগ্নী উপবাস করার বোধ হয় তিনি খাইবেন না। আমি স্বামীকে বলিলাম, তুমি নাগমহাশয়কে বল, আমি তাঁহার ভাত লইয়া বসিয়া আছি। স্বামী তাঁহাকে সেই কথা বলিলেন। নাগমহাশয় রান্নাঘরে যাইয়া খাইতে বসিলেন। আমাকে বলিলেন, মা, আমাকে একটা বাটিতে দুইটা ভাত দাও, আমি অত ভাত খাইতে পারিব না। এখন আমি বেশী খাই না। আমার ভয় হইল, আমি রান্না করিয়াছি বলিয়া কি তিনি খাইবেন না? নাগমহাশয় হাসিয়া বলিলেন, না, মা, আমি খাইলে দেখিতে পাইবে, পূর্বে যাহা খাইতাম, তাহার চেয়ে অনেক কম খাই। রাত্রিতে একবারেই খাই না। তুমি ভাত নিয়া বসিয়া আছ, তাই দুটা খাইব। নাগমহাশয় একমুঠো ভাত এবং আধ বাটি জল খাইলেন। আমি মাতাকুরানীকে খাইতে দিলাম। নাগমহাশয়কে একমুঠো ভাত খাইতে দেখিয়া আমার মনে বড় কষ্ট হইল। আমার খাইতে ইচ্ছা হইল না। মাতাকুরানী আমাকে খাইতে বলিলেন। আমি খাইব না বলায়, নাগমহাশয় রান্না ঘরের দরজার কাছে দাড়াইয়া বলিলেন, ভাত লইয়া খাইতে বস। আমি চুপ করিয়া রহিলাম। নাগমহাশয় আবার আমাকে খাইতে বসিতে বলিলেন এবং যে পর্যন্ত আমি ভাত না নিলাম, তিনি দাড়াইয়া রহিলেন। আমি খাইতে বসিলাম, নাগমহাশয় তামাক খাইতে গেলেন। এখন সেই সেই কোথায় রহিল ?



নাগমহাশয়ের এমন এক শক্তি ছিল, কেহ তাঁহার সাক্ষাতে মায়াপুরাণ বলিতে পারিত না । জাগ্রতাবস্থায় মনে কিছু উঠিলে, নাগমহাশয়ের ভয়ে তাহা না বলা সম্ভবপর হইতে পারে । কিন্তু কেহ ঘুমাইয়া অবস্থা অনুসারে ব্যবস্থা করিতে পারে না । সুস্থিতি অবস্থা চলিয়া গেলে, মনে নানা মত কথা উঠে, তাহা সকলেই জানে । নাগমহাশয়ের সান্নিধ্য হেতু নিদ্রাবস্থায় মন জাগিয়া রহিয়াও তাঁহার বিমল শ্বাসপ্রশ্বাসসংস্পর্শে, তাঁহাতে ঢয় হইয়া যাইত, সমস্ত ভুলিয়া যাইয়া নাগমহাশয়ের শ্বাসের মাধুর্য্য অনুভব করিত । স্বামী দুইরাত্রি নাগমহাশয়ের সহিত এক বিছানায় শুইয়া ছিলেন । বিছানা যে বড় ছিল, তাহা নয় । ছোট বিছানায়, ছোট একখানা মশারির নীচে একটা বালিশে, একটা পাটিতে তাঁহারা শুইয়া ছিলেন । স্বামী আগে শুইলেন, নাগমহাশয় পরে শুইতে গেলেন । নাগমহাশয় স্বামীর সহিত একত্র শোয়ায় আমার মনে অতিশয় সুখ হইয়াছিল । আমি জানিতাম, তিনি কাহার সহিত শোন না ।

এক রাত্রিতে আমি নাগমহাশয়ের নিকট বসিয়া আছি । স্বামী শুইয়াছেন । নাগমহাশয় আমাকে শুইতে মাইতে বলিলেন । আমি তাঁহাকে জিজ্ঞাসা করিলাম, আপনি শুইবেন না ? তিনি হাসিতে হাসিতে বলিলেন, আমি উহার সহিত শুইব ? তাহা শুনিয়া আমি বিস্ময়াপন্ন হইলাম । তিনি সকলের সাথে এক বিছানায় বসেন মত, বিছানা বড় থাকে, সকলে গানকরে কিম্বা ভাগবত পাঠ করে এবং তিনি বিছানার এককোনে বসিয়া থাকেন । তিনি অগ্নের সাথে এক বিছানায় বসেন, কিন্তু লোকের অত্যন্ত নিকটে বসেন না, একটু তফাতে থাকেন । এক বালিশে,

এক মশারির নীচে স্বামীর সাথে শুইবেন, স্বামীর কি সৌভাগ্য এবং নাগমহাশয়ের কি দয়া ! এক রাত্রে একবারে মুক্তিলাভ ! আমার মনে অতিশয় সুখ হইল । নাগমহাশয় শুইতে গেলেন । বিছানা কতবড় তাহা দেখিতে আমি নাগমহাশয়ের সাথে গেলাম । তিনি আমাকে দেখিয়া বলিলেন, মা, তুমি শুইতে যাও নাই কেন ? আমি বলিলাম, আজ রাত্রি বেশী হয় নাই । এখনই শুইতে যাইব । তিনি মনের কথা জানেন । তিনি মশারির বাহিরে বিছানায় বসিলেন । আমি সেই সুযোগে নাগমহাশয়ের নিকট বসিয়া কত বড় যায়গা, কতটুকু বিছানা কতবড় বালিশ, সমস্ত দেখিলাম । তাহা দেখিয়া, আমি মনে মনে বলিলাম, কি দায়, কোন লোক গায় লাগিবে বলিয়া, তুমি এক কোণে বসিয়া থাক, আর দয়া করিয়া স্বামীর সাথে এক বালিশে মাথা রাখিয়া শুইবে । তোর স্বাস্থ্য প্রথমে মশারির ভিতরের বিছানা বৈকণ্ঠকে পরাজয় করিবে । আমি তাঁহাকে বলিয়া শুইতে চলিয়া আসিলাম । নাগমহাশয় কি করিবেন, তাহা দেখিবার জন্য ঘরের বাহিরে আসিয়া দাঁড়াইলাম । অন্তর্যামী নাগমহাশয় অমনি প্রদীপ নিবাইয়া মশারির ভিতর গেলেন । আমি আমার মার কাছে শুইয়া রহিলাম এবং ভক্তের উপর তাঁহার অসীম কৃপা, তাহা চিন্তা করিতে লাগিলাম । পরদিবস স্বামীকে জিজ্ঞাসা করিলাম, নাগমহাশয় তোমার কাছে শুইয়াছিলেন, তোমার কেমন সুখ হইয়াছিল ? তিনি বলিলেন, আমি কিছুই জানি না । এমন কি, নাগমহাশয় কখন শুইলেন, আবার কখন উঠিলেন, তাহাও জানি না । তাঁহার দেহ অল্প দেহের সহিত লাগিলে,

কন্স কি আর থাকে ? যতটুকু সময় নাগমহাশয় আমার সহিত শুইয়া ছিলেন, ততক্ষণ কল্পনাও পালাইয়া ছিল, আমি পরমাআস্বরূপ হইয়াছিলাম । নাগমহাশয় ছাড়িয়া উঠিয়া আসিয়াছেন, আমি জাগিয়া উঠিলাম ; কারণ আমি সর্বদা তাঁহার আগে শয্যা ত্যাগ করিয়াছি । আমি প্রত্যেক দিন নাগমহাশয়ের উঠার পূর্বে উঠিয়া বসিয়া থাকি, যেন বাহিরে আসিলেই, তাঁহাকে দেখিতে পাই । এমন কি তাঁহার উঠার পূর্বে হাতমুখ ধুইয়া বসিয়া থাকি, যেন তিনি আসিলেই তাঁহার কাছে বসিতে পারি । নাগমহাশয় দয়া করিয়া তাঁহার পাশে শোয়াইয়াছিলেন, সাবুজ্য মুক্তিলাভ করিয়াছিলাম । তিনি কত দয়ালু, এ জগতেই সাযুক্ত মুক্তির ফল লাভ করিলাম ।

নাগমহাশয়ের কথার এমন এক শক্তিছিল, যদি কেহ কোন বিষয়ে ভয় পাইয়া, কিম্বা কষ্ট পাইয়া, তাঁহার কাছে যাইত, তিনি স্নেহের সহিত তাকাইয়া, কিম্বা অমিয়মাথা কথা বলিয়া, তাহার ভয় অথবা কষ্ট দূর করিয়া দিতেন । তাঁহার স্নেহ দৃষ্টি কিম্বা মধুমাথা হাসি মনে থাকিত । একবার আমার ছোট ভগ্নী হেমাজিনীর প্রবল জ্বর হয় । জ্বরের প্রকোপে নানা মত প্রলাপ বকিতে থাকে । জ্বরের বেগ কমিলে, হেম বলিতে লাগিল, সে হরিরলুট দিবে । হরিরলুট দিবার জন্ত তাহার দৃঢ়সংকল্প হইল । সেই সংকল্প জ্বরের বেগ হেতু কিম্বা অন্য কোন কারণ থাকায় হইল, আমরা কিছুই বুঝিতে পারিলাম না । কয়েক দিন পর জ্বরের বিরাম হইল, হেম ভাল হইল, কিন্তু সর্বদা মলিনমুখে বসিয়া থাকিত এবং কাঁদিত । ইহা দেখিয়া, মা ভয় পাইলেন । আমি হেমক জিজ্ঞাসা করিলাম, তুমি এইরূপ

কর কেন ? পরের কোণে একাকী মলিন মুখে বসিয়া থাকিয়া  
 কান কেন ? সে কান্দিতে কান্দিতে বলিল, আমি দেখিতে  
 পাই, আমার সম্মুখে লবণের বড় বড় গোলা রহিয়াছে, হাঁটিয়া  
 যাইতে পায় লাগে । যখন আমি মনে করি, হরির লুট দিব,  
 একটু ভাল থাকি । হরির লুট বা কত দিব ? আমি বলিলাম,  
 কেন, প্রত্যেক দিন আমি তুলসী তলায় হরির লুট দিয়া থাকি ।  
 হেম বলিল, আমার কেবল ভয় হয় এবং মনে হয় হরির লুট দিব ।  
 তাহার সমস্ত কথা শুনিয়া মাকে বলিলাম, তুমি হেমকে সঙ্গে  
 করিয়া দেওভোগ যাও । সে যেরূপ বলে, তাহাতে আমার মনে  
 হয়, ডাক্তার কিম্বা কবিরাজ উহাকে ভাল করিতে পারিবে না,  
 কারণ দেহের রোগে তাহারা ঔষধ দিয়া ভাল করে, মনের রোগ  
 কি ঔষধে যায় ? একে মেয়ে, বিবাহ হয় নাই, যদি পাগল  
 হইয়া যায়, সকল রকমে বিপদে পড়িবে । আমি তাহাকে কত  
 বলিলাম, কোন ভয় করিও না, হরির লুট দেওয়া হইয়াছে, সে  
 কোন কথা মানে না, কেবল নিজের কথাই বলে । মা আমার  
 কথা মত উহাকে লইয়া দেওভোগ গেলেন । আমরাও সঙ্গে  
 গেলাম । হেম বলিল, জ্যেষ্ঠমহাশয়কে দেখিয়াই আমার মন  
 ভাল লাগে । আমি বলিলাম, লোক চলিয়া গেলে, তুমি  
 জ্যেষ্ঠমহাশয়ের নিকট যাইয়া তোমার সকল কথা বলিও । আমরা  
 সন্ধ্যার প্রাকালে দেওভোগ পৌছিয়া ছিলাম, লোক আরও বেশী  
 হইল । হেম বলিতে লাগিল, জ্যেষ্ঠমহাশয়কে দেখিয়াই ভাল  
 লাগিতেছে, তাঁহার কাছে গেলে আরও ভাল লাগিবে । লোক  
 কমে না, আরও বাড়িতেছে । আমি বলিলাম, সন্ধ্যার সময়  
 কীৰ্ত্তন হইবে । তাহার পর তাঁহার কাছে যাইতে পারিবে ।

হেম দূরে দাঁড়াইয়া নাগমহাশয়কে দেখিতে লাগিল । অনেক রাত্রি পর্য্যন্ত কীর্ত্তন হইয়াছিল । হেম সেই রাত্রিতে নাগমহাশয়ের সহিত কোন কথা বলিতে পারিল না । পরদিন ভোরে নাগমহাশয় হাত মুখ ধুইয়া, ঠাকুরদাদাকে এক ছিলিম তামাক দিয়া মণ্ডপ ঘরে চলিলেন । হেম তাঁহার কাছে বসিল । নাগমহাশয় তাহাকে তাঁহার কাছে দেখিয়া, হাসিতে হাসিতে বলিলেন, ও সীতাদেবীর মত বসিয়া আছে কেন ? আমি বলিলাম, সে আপনাকে কি বলিবে । নাগমহাশয় উহাকে তাহা জিজ্ঞাসা করিলেন । হেম লজ্জাশীলা ছিল । সে সহজে লোকের সাথে কথা কহিতে পারিত না । তিনি আমার দিকে তাকাইয়া বলিলেন, উহার কি হইয়াছে ? আমি সমস্ত কথা বলিলাম । তিনি হাসিতে হাসিতে তাহাকে বলিলেন, হরির লুট দেওয়ার মঙ্গল আকাজ্জা, তাহাতে ভয় কিগো মা ? নাগমহাশয়ের এক কথায় ভয় কোথায় পানাইয়া গেল, তাহা হেম নিজেই খুজিয়া পাইল না । আমি কত কথা বলিয়া তাহাকে প্রবোধ দিতে চাহিয়া ছিলাম, তাহাতে ভয় আরও বাড়িয়া উঠিতে ছিল, কিন্তু নাগমহাশয়ের এক কথায় সে শান্তি পাইল । নাগমহাশয় প্রাণে কথা বুঝাইয়া দিতেন ।

নাগমহাশয় যে প্রাণে কথা বুঝাইয়া দিতেন, তাহা আমি আরও দেখিয়াছি । শরৎবাবু যে রামলক্ষ্মী ঠাকুরাণীর কথা লিখিয়াছেন, তিনি নাগমহাশয়কে অতিশয় বিশ্বাস করিতেন । নাগমহাশয় বাজারে যাওয়ার কালে, রামলক্ষ্মী ঠাকুরাণী তাঁহাকে বাজারের পয়সা দিয়া, কোন্ কোন্ জিনিষ আনিতে হইবে, সমস্ত বলিয়া দিতেন । যে দিন তিনি নাগমহাশয়কে বাজারের

পয়সা দুদিতেন, সে দিন ত তিনি তাহার সকল জিনিষ আনিয়া দিতেনই, পয়সা না দিলেও নাগমহাশয় তাহার আবশ্যকীয় দ্রব্য বাজার হইতে আনিয়া দিতেন । রামলক্ষ্মী ঠাকুরাণী বাজার হইতে আনীত জিনিষ দেখিয়া তাঁহাকে জিজ্ঞাসা করিতেন, দুর্গা, কত পয়সা দিয়া এই সব জিনিষ আনিয়াছ ? নাগমহাশয় কোন জিনিষের দাম বলিতেন, কোন জিনিষের দাম বলিতেন না । যে জিনিষের দাম বলিতেন না, রামলক্ষ্মী ঠাকুরাণী আবার তাহার মূল্য জিজ্ঞাসা করিতেন । নাগমহাশয় বলিতেন, আপনি লইয়া যান । রামলক্ষ্মী ঠাকুরাণী কতক সময় বাদানুবাদ করিয়া তাহা লইয়া যাইতেন । আমি হাসিতাম এবং নাগমহাশয়কে মনে মনে বলিতাম, আমরা শুনিতে পাই, তুমি চুপি চুপি কথা বলিতেছ, তোমার শব্দ রামলক্ষ্মী ঠাকুরাণীর হৃদয় ভেদ করিয়া দিতেছে । নাগমহাশয় হাসিতে হাসিতে আমারদিকে তাকাইতেন এবং রামলক্ষ্মী ঠাকুরাণীর সহিত কথা বলিতেন । তিনি আমার সাথে যে ভাবে কথা বলিতেন, তাঁহার সঙ্গেও সেই ভাবে কথা বলিতেন । আশ্চর্যের বিষয় এই, রামলক্ষ্মী ঠাকুরাণী নাগমহাশয়ের প্রতি কথার উত্তর দিতেন । রামলক্ষ্মী ঠাকুরাণী এত কম শুনিতেন যে, আমরা চিৎকার করিয়াও কোনমতে তাঁহাকে কোন কথা বুঝাইতে পারিতাম না । যদি কোন সময় বিশেষ দরকার হইত, লিখিয়া কথা বুঝাইতাম । বোধ হয় তিনি ঢাকের শব্দ ব্যতীত অন্য শব্দ শুনিতে পাইতেন না । কিন্তু নাগমহাশয়ের সকল কথাই বুঝিতে পারিতেন ।

আমি রামলক্ষ্মী ঠাকুরাণীর সামনে দাঁড়াইয়া দেখিয়াছি,

তিনি নাগমহাশয়ের প্রত্যেক কথার উত্তর দিতেন । তিনি যে নাগমহাশয়ের কথা বুঝিতে পারেন, তাহা আমি আমার ছোট সময় মাকে বলিয়াছি । মা উত্তর দিলেন, তাঁহার ইচ্ছায় রামলক্ষ্মী ঠাকুরাণী কথা বুঝিতে পারেন । স্বামী বলিয়াছেন, যাহার ইচ্ছায় বোবা কথা বলে, অন্ধ চক্ষে দেখে, তাঁহার শব্দ বধিরের কানে পৌছবে না ? ইহা আর বেশী কি ? অনেক দিন আমি দেখিয়াছি, নাগমহাশয় বাড়ীতে না থাকিলে যদি রামলক্ষ্মী ঠাকুরাণী মাঠাকুরাণীকে কোন কথা বলিতে আসিতেন, মাঠাকুরাণী চিৎকার করিয়াও তাঁহাকে অনেক কথা বুঝাইতে পারিতেন না, হাত দুড়াইয়া কোন কোন কথা বুঝাইতেন । অনেক সময় আমি দেখিয়াছি, নাগমহাশয় এত চুপে চুপে কথা বলিতেন, কোন শব্দ ঠিক বুঝিতে না পারিলেও তিনি কি বলিতেন, তাহা বুঝিতাম ।

নাগমহাশয়ের মায়ার খেলা ছিল না । যাহা দেখিয়াছি, সকলই তাঁহার দয়া, সমস্তই অলৌকিক । তাঁহার একেবারেই দেহাশ্রবুদ্ধি ছিল না । এক দিন তিনি তামাক খাইতে-ছিলেন, বড় এক খণ্ড জলন্ত কয়লা মাটিতে পড়িয়াছিল, আমাকে আগুনের নিকট দেখিয়া, আগুন হাতে লইয়া, দুই অঙ্গুলির মধ্যে রাখিয়া, চাপিয়া নিবাইলেন । আমি তাঁহারদিকে তাকাইয়া রহিলাম, কিছু বলিতে পারিলাম না । মাঠাকুরাণীর দিকে চাহিলাম, তিনি উম্মন হইতে আগুন তুলিয়া, তামাক খাইবার অল্প এক পাতিলে দিতেছেন । এক দিন স্বামী নাগমহাশয়ের নিকট বসিয়া আছেন, তিনি তামাক সাজিলেন । সামনে গনুগনে 'আগুনের পাতিল । নাগমহাশয় হাতে করিয়া,

আগুন উঠাইয়া কল্কিতে রাখিলেন । স্বামী মনে কষ্ট পাইয়া তাঁহাকে ত্রিজ্ঞাসা করিলেন, চিমটা কি নাই ? নাগমহাশয় আর একথণ্ড জলন্ত অঙ্গার হাতে নিয়া ছুই অঙ্গুলির মধ্যে রাখিয়া চূর্ণ করিয়া ফেলিলেন এবং বলিলেন, দেখুন, মনে লাগিলেই কষ্ট নচেৎ কিছুই নয় ।

যে কোন লোক নাগমহাশয়কে দেখিত, সে বলিত, এমন কখন দেখি নাই, অথচ তিনি সর্বদা আত্মগোপন করিয়া থাকিতেন । যদি কেহ নাগমহাশয়কে যোড়হাত করিয়া নমস্কার করিত, তবে তিনি ভূমিষ্ট ইহয়া প্রণাম করিতেন । তথাপি তিনি সময় সময় ভক্তের নিকট ধরা দিতেন । একদিন নাগমহাশয় ও স্বামী দক্ষিণের ঘবে বসিয়া আছেন । অবিশ্রান্ত বৃষ্টি হইতেছে । ঘরে বসিয়া আকাশেব তারকাগুলি গণিতে পারা যাইত । নাগমহাশয় এমন কৌশল দেখাইলেন, চালের ভিতর দিয়া একফোঁটা বৃষ্টির জল ঘরের মধ্যে পড়িল না । স্বামী তাঁহার পানে চাহিয়া হাসিতে লাগিলেন এবং মনে মনে বলিলেন, আপনার ইচ্ছায় সকলই হইতে পারে,—ইহা আর বেশি কি ?

একবার একটা ত্রীলোক নাগমহাশয়ের রান্নাঘরের খড়ের চালার উপর এক পাতিল আগুন ঢালিয়া দিয়াছিল । চৈত্রমাস । প্রথর রোদ্দের তাপ । আগুন নাগমহাশয়ের চালার খড় স্পর্শ করিয়া, শৈত্য অনুভব করিল এবং নিজতেজ সংবরণ করিল । তাঁহার ঘরের একটা খড় ও দন্ধ হইল না, তাহা দেখিয়া দেশের লোক আশ্চর্যান্বিত হইয়াছিল । যে আগুন দিয়াছিল, সে অতিশয় লজ্জিত হইল । নাগমহাশয় মানা করার কেহ সেই ত্রীলোককে কোন কথা বলিল না । স্বামী নাগমহাশয়কে দেখিতে গিয়াছেন ।



তিনি তাঁহাকে আদর করিয়া, বালকের মত, যে স্থানে আগুন দিয়াছিল, সেই স্থান হাতে ধরিয়া দেখাইলেন । স্বামী মনে মনে বলিলেন, তোমার ইচ্ছায় কি না হয় ? আগুনও জলে পরিণত হয় ।

একদিন নাগমহাশয় বাজারে গিয়াছেন । মাঠাকুরাণী না-  
দেখিয়া, এক সাপ মাড়াইয়া, বড় ঘরে গিয়াছেন । সর্প ক্রোধ  
ভরে বড় ঘরের দিকে চলিল । সেখানে অনেক লোক ছিল ।  
মাঠাকুরাণী তাহাদিগকে সর্প তাড়াইয়া দিতে বলিলেন । সকলেই  
সর্প মারিবার জন্য প্রস্তুত হইল, এমন সময় নাগমহাশয় বাড়াতে  
আসিলেন । সর্পকে ঘরের দিকে ঘাইতে দেখিয়া, তিনি যুক্ত-  
করে বলিলেন, মা মনসাদেবী, আপনি দরিদ্রের কুটার ছাড়িয়া  
আপনার আবাসস্থানে যান । নাগমহাশয়ের কথা অনুসারে সাপ  
জঙ্গলের দিকে চলিয়া গেল । সে সময় স্বামী মগুপ ঘরে চুপ করিয়া  
বসিয়াছিলেন । নাগমহাশয় তাঁহাকে চুপ করিয়া বসিয়া থাকিতে  
দেখিয়া অত্যন্ত স্তম্ভ হইলেন এবং তাঁহাকে বলিলেন, দেখুন, যে  
যাঁহাকে বিশ্বাস করে, তিনি তাহাকে রক্ষা করেন । জগতে  
কাহার অনিষ্ট না করিলে, কেহ কখন তাহার অনিষ্ট করিতে  
পারে না । মাঠাকুরাণীকে বলিলেন, বনের সাপে খায় না, মনের  
সাপে যায় । ভগবানের নিয়ম ঠিক আছে, আমরা বুদ্ধির দোষে  
মরি । এখনও এত অবিশ্বাস ? নাগমহাশয়ের স্নেহে জগত  
বশীভূত ছিল । বনের সাপ যাঁহার স্নেহে বশীভূত হইয়া বনে  
চলিয়া গেল, ভক্তের উপর তাঁহার কি প্রকার স্নেহ ছিল, সহজেই  
অনুভব করা যায় ।

স্বামী নাগমহাশয়কে দেখিতে গেলে, তিনি স্তম্ভ হইয় কাছে

আসিতেন, স্নেহ করিয়া কত কথা বলিতেন । নাগমহাশয়ের উপর তাঁহার বিশ্বাস ছিল । তিনি জানিতেন, যাহাতে তাঁহার ভাল হইবে, নাগমহাশয় নিজেই তাহা করিবেন । নাগমহাশয় মন জানিয়া, আপনিই তাঁহার নিকট অনেক কথা বলিতেন এবং যাহাতে তাঁহার মঙ্গল হইবে, তাহা করিতেন । নাগমহাশয় আমাদেরকে স্নেহ করিয়া অনেক সময় কষ্ট পাইয়াছেন । তিনি স্বামীকে দেখিলে সুখী হইতেন, তাহা অপরের ভাল লাগিত না । নাগমহাশয় মাঠাকুরাণীর ব্যবহারে সময় সময় বড়ই ছঃখিত হইতেন । যেমন পিতা বিমাতার সম্মুখে সন্তানকে মনোমত খাওয়াইতে পারেন না, আদর বহু করিতে পারেন না, ছায় অছায় কোন কথা বলিতে পারেন না, প্রথম পক্ষের সন্তান লইয়া স্ত্রীর কাছে চোব হইয়া থাকিতে হয়, আমাদেরকে লইয়া নাগমহাশয়ের সেই অবস্থা হইয়াছিল । মাতৃহীন সন্তান সমস্ত বুঝিয়া, পিতার মুখের দিকে তাকাইয়া থাকিলে, পিতা সন্তানের মুখ দেখিয়া আপন বলিয়া স্নেহ কবেন, মিষ্ট কথা বলেন এবং যেমন সুখী করিয়া রাখেন, নাগমহাশয় কখন কখন আমাদের সাথে সেইরূপ করিতেন ।

আমি ভয় পাইয়া, নাগমহাশয়ের নিকট ঘাইয়া ভাল হইলাম দেখিয়া, স্বামী একান্তমনে নাগমহাশয়ের আশ্রয় নিলেন । সেই সময় তাঁহাকে একাদশী করিতে হইত, কারণ তখনও তাঁহার পিতার সপিণ্ডকরণ হয় নাই । তিনি এক একাদশীতিথিতে নাগমহাশয়কে দেখিতে গিয়াছিলেন । সে সময় তাঁহার বিবেচনা হইল না যে, তাঁহার অস্ত্র মাঠাকুরাণীকে ভিন্ন বন্দোবস্ত করিতে ঘাইয়া কষ্ট পাইতে হইবে । মাঠাকুরাণী তাঁহাকে দেখিয়াই ছঃখিতা, তাহার

উপর আবার ভিন্নমত খাণ্ড তৈয়ার করিতে হইবে । নাগমহাশয় মাঠাকুরাণীকে কি বলিলেন, স্বামী তাহা জানেন না । নাগমহাশয় তাঁহার অল্প রুটী তৈয়ার করিলেন এবং আশুন জালিয়া তাহা সেকিলেন । তাহা দেখিয়া স্বামীর সুখ হইল, কারণ নাগমহাশয় তাঁহার এত যত্ন করিতেছেন । তিনি পুকুরপাড়ে যাইয়া বসিয়া রহিলেন, আশা নাগমহাশয় সব ঠিক করিয়া তাঁহাকে ডাকিয়া আনিবেন । তিনি ভাবিলেন, ভগবান্ ডাকিলে কি সুখ হইবে ! রুটি তৈয়ার করিয়া নাগমহাশয় হাসিতে হাসিতে তাঁহাকে খাইতে যাইতে বলিলেন । স্বামী খাইতে বসিলেন, নাগমহাশয় খাওয়ার জিনিষ দিতে লাগিলেন । তিনি খাইতে লাগিলেন । সে সুখ স্বর্গ সুখকেও পরাজয় করিতেছে । নাগমহাশয় ছুন্ধ গরম করিয়া তাঁহার খালার ঢালিয়া দিলেন । বাজার হইতে ছুন্ধ ও ময়দা আনিয়া, রুটি তৈয়ার করিয়া, এমন স্নেহের সহিত খাওয়াইলেন এবং তাঁহাকে খাইতে দেখিয়া তিনি যেন নিজের খাটুনি সুখকর মনে করিলেন । এখন সেই স্নেহ কোথায় ? স্বামী এখন অসুখতাপ করিয়া বলেন, হায়, এমন ভগবান্কে দিয়া রুটী তৈয়ার করিয়া খাইয়াছি । এ একাদশী হইতে কি আসিবে ? জীব চিরকালই পাপচারী, ভগবান্ পাপীর অল্প এত কেন করেন ? গিরিশবাবু কেমন বুদ্ধিমান ছিলেন, দূরে থাকিয়া নাগমহাশয়ের মাতৃবৎ স্নেহ বুঝিতে পারিয়াছিলেন ।

অনেক সময় নাগমহাশয় মাঠাকুরাণীর ব্যবহারে চুঃখিত হইতেন । একবার কালীপূজার সময় আমরা দেওভোগ গিয়া-ছিলাম । পূজা হইলে পর মাঠাকুরাণী সকলকে প্রসাদ দিলেন । তাহার মাঠাকুরাণীর বন্ধু বান্ধব । নাগমহাশয় তাঁহাকে বলিলেন,

পার্বতীকে প্রসাদ দাও । মাঠাকুরাণী তাহা শুনিয়াও শুমিলেন না । তিনি দ্বিতীয়বার বলিলেন, মাঠাকুরাণী অতৃদিকে তাকাইয়া রহিলেন । তৃতীয়বার নাগমহাশয় বলিলেন, পার্বতীকে প্রসাদ দাও, মাঠাকুরাণী চুপ করিয়া রহিলেন । নাগমহাশয় আর কোন কথা না বলিয়া সেইস্থান হইতে চলিয়া গেলেন । পরদিন যখন আমরা চলিয়া আসিব, মাঠাকুরাণী বলিলেন, পার্বতীকে প্রসাদ নিতে বল । নাগমহাশয় ও আমি তথায় দাঁড়াইয়াছিলাম । নাগমহাশয় জিজ্ঞাসা করিলেন, কেন, কাল পার্বতীকে প্রসাদ দাও নাই ? তিনি বলিলেন সে ঘুমাইয়াছিল । নাগমহাশয় সমস্ত জানিতেন, তিনি বিষম্মুখে বলিলেন, তুমি আর দিয়াছ ! নাগমহাশয় স্বামীর সাথে মাতৃহীন ছেলের মত ব্যবহার করিতেন ।

একবার দুর্গাপূজার সময় নাগমহাশয়ের জ্ঞাতি ভগ্নী, হরপ্রসন্নবাবুর স্ত্রী ও আমি নাগমহাশয়ের নিকট বসিয়া আছি । নাগমহাশয় হাসিতে হাসিতে হরপ্রসন্নবাবুর স্ত্রীর কাছে স্বামীর হাতের লেখার প্রশংসা করিয়া বলিলেন, ছেলেটা দেখিতে যেমন শাস্ত, ভিতরেও তাহার তেমন ঞ্গ আছে । বি, এ পড়ে, হাতের লেখাও বেশ সুন্দর । বাঙ্গালা লেখা একপ্রকার আছে, ইংরাজী লেখা বড়ই সুন্দর । হরপ্রসন্নবাবুর স্ত্রী নাগমহাশয়ের কথার যোগ দিলেন, স্বামীর অতিশয় প্রশংসা করিতে লাগিলেন । তিনি বলিলেন, পার্বতীবাবু দেখিতে যেমন, তাহার গুণও তেমন । আপনার বাড়ীতে আছে, কেহ জানিতে পারে না । কত লোক কত মত কথা বলিতেছে, কত লোক গোলমাল করিতেছে, কিন্তু পার্বতীবাবু চুপ করিয়া বসিয়া থাকে, বুঝিতে পারে যায় না যে, সে এখানে আছে । যদি কখন আমাদের বাসার যায়, তখনও সে

এইমত শাস্তভাবে থাকে । ছেলেমানুষত, কাহার দিকে মাথা তুলিয়া তাকায় না, কিম্বা কাহার সহিত কথা বলে না । তাহার লজ্জা দেখিয়া, আমিই সরিয়া যাই । নাগমহাশয় বলিলেন, বড় ধনু বীর পুরুষটী, চুপ করিয়া বসিয়া থাকে । সেই সময় একজন লোক অন্য একজন লোকের সহিত তুলনা করিয়া বলিয়াছিল, দুইটাই একমত । নাগমহাশয় বলিলেন, সে যা তাই । সেই লোকটা আবার সেই কথা বলায়, নাগমহাশয় বিরক্তির সহিত বলিলেন, আপনি কাহার সাথে কাহার তুলনা করিতেছেন । ইহা বলিয়া তিনি সেই স্থান হইতে অন্ত্র চলিয়া গেলেন । যে ভক্তের সহিত অন্ত্রের তুলনা দিয়াছিল, তিনি তাহার সহিত অবশিষ্ট জীবনে আর ভালভাবে কথা বলেন নাই । যাহার এত দয়া, যাহার স্নেহের অবধি নাই, যাহার ভালবাসার তুলনা দেওয়া যায় না, যিনি সহগুণে পৃথিবীকেও পরাজয় করিয়াছেন, তিনি ভক্তের সমান্ত নিন্দায়—নিন্দা না বলিলেও চলে—অধৈর্য্য হইলেন । লোকের সাথে তুলনা দেওয়ায় ভক্তের গুণ স্বীকার না করিয়া, সাধারণ লোক বলা হইল, তাহাতে নাগমহাশয় দোষ গ্রহণ করিলেন । শুনিয়াছি ভক্তের নিন্দা ভগবান্ সহ করিতে পারেন না । নাগমহাশয়ে তাহা প্রত্যক্ষ দেখিয়াছি । যাহার এই সামান্ত নিন্দা মনে লাগে, তাঁহাকে না দেখিয়া কি করিয়া থাকিতে পারা যায় ? জীব নাগমহাশয়কে ইচ্ছা করিয়া দেখিতে যাইত না । নাগমহাশয়ের অহৈতুক দয়ার টানে বাধ্য হইয়া তাঁহাকে দেখিতে যাইত ।

স্বামী মাঠাকুরাণীকে অতিশয় ভক্তি করিতেন । তাঁহার যে কাজ করিতে কষ্ট হইত, তিনি তাহা বুঝিতেন । বুঝিয়া কি

করিবেন ? নাগমহাশয়ের এমনি আকর্ষণ শক্তি ছিল, তাঁহার নিকট না থাইয়া থাকিতে পারিতেন না । একদিন স্বামী ভোরের বেলায় পঞ্চসার হইতে খাইয়া নাগমহাশয়কে দেখিতে গেলেন । তিনি এই মনস্থ করিয়া ছিলেন, নাগমহাশয় তাঁহাকে খাইতে বলিলে, তিনি বলিবেন, তিনি খাইবেন না, খাইয়া আসিয়াছেন । নাগমহাশয়ের বাড়ীতে ১২ টার পূর্বে খাওয়া হইত না । একটার সময় পঞ্চসার ফিরিয়া আসিবার কথা ছিল । পরীক্ষা নিকটে, বেশি সময় দেওভোগ থাকিতে পারিবেন না । পর দিন ঢাকা যাইতেই হইবে । নাগমহাশয়কে দেখিতে দেওভোগ গেলেন । তিনি তখন বসিয়া ছিলেন । স্বামীকে দেখিয়া তিনি হাসিতে হাসিতে তাঁহার সামনে আসিলেন, যেন কত আপন, কত দিন পরে তাঁহার সহিত দেখা হইল । কেমন আছেন, ইত্যাদি জিজ্ঞাসা করিয়া নাগমহাশয় বলিলেন, তিনি বাজারে যাইবেন । স্বামী বলিলেন, তিনি খাইয়া আসিয়াছেন । পরীক্ষা নিকটে, আজ আবার পঞ্চসার খাইয়া, পরদিন ঢাকা যাইবেন । তাহা শুনিয়া নাগমহাশয় একটু হুঃখ পাইলেন ও বলিলেন, এইত শ্মশান ভূমি, এখানে কেহ কিছু আশা করিতে পারে না । স্বামীও কষ্ট পাইয়া মনে মনে বলিলেন, আপনার কাছে আশা না করিলে, কাহার কাছে আশা করিব ? আপনি বিনা আমার কে আছে ? নাগমহাশয় স্নেহ করিয়া, যতক্ষণ স্বামী তথায় ছিলেন, স্বামীর নিকট বসিয়া রহিলেন । আসার সময় হইল, স্বামী উঠিলেন । নাগমহাশয়ও সঙ্গে সঙ্গে উঠিলেন এবং তাঁহার সহিত পথ চলিতে লাগিলেন । কতকদূর আসিলে, স্বামী ভাবিলেন, কি কাজ করিলাম ? তিনি না খাইয়া আমার সাথে আসিতেছেন । স্বামী

বিদায় চাহিলে, নাগমহাশয় বলিলেন, আপনাকে দেখিলে আমার সুখ হয়, কোন কষ্ট হয় না । স্বামী আবার আসিব বলিলেন । নাগমহাশয় আবার স্নেহের সহিত বলিলেন, অপনাদিগকে দেখিলে আমার সুখ হয় । স্বামী তাঁহার পানে তাকাইয়া রহিলেন । নাগমহাশয় দাঁড়াইয়া রহিলেন । স্বামী মনে করিলেন, নাগমহাশয় না খাইয়া দাঁড়াইয়া রহিলেন, আর এমন কাজ করিব না । তৎপর নাগমহাশয় তাঁহাকে চলিয়া আসিতে দিলেন । স্বামী আসিতে আসিতে ফিরিয়া তাকাইয়া দেখিতে পাইলেন, নাগমহাশয় তখনও দাঁড়াইয়া আছেন ।

নাগমহাশয় না খাইয়া দাঁড়াইয়াছেন, সুতরাং স্বামী আর বেশি ফিরিয়া তাকাইলেন না । তাড়াতাড়ি হাটিতে লাগিলেন । পঞ্চমার আসিলে আমরা বলিলাম, ইহাই ভাল হইয়াছে । না খাইয়া গেলে, তাঁহার বড় কষ্ট হয় । একবার বাজার করা হইলে, আমরা গেলে, তিনি আবার বাজার করিতে যান । তাঁহার অতিশয় কষ্ট হয় । স্বামী বলিলেন, না, আমি আর খাইয়া দেওভোগ যাইব না । নাগমহাশয় আমাদের খাওয়াইয়া কষ্ট পান না । আজ না খাইয়া আসিবার সময়, তিনি অত্যন্ত দুঃখ প্রকাশ করিলেন এবং বলিলেন, আপনাদিগকে দেখিলে আমার সুখ হয় । যতদূর দেখা গেল, তিনি না খাইয়া দাঁড়াইয়া রহিলেন । নাগমহাশয়কে পথে দাঁড়াইয়া থাকিতে দেখিয়া, আমার মনে বড় দুঃখ হইল । আমার মনে হইল, আমি কেন খাইয়া আসিলাম ? যখনই দেওভোগ হইতে আসি, নাগমহাশয় কতকদূর আসেন এবং যতদূর দেখা যায় তাকাইয়া থাকেন ; কিন্তু এবার তাঁহার মুখখানা ভিন্ন মত দেখিলাম । ছেলে না খাইয়া কোথাও

গেলে, মূর খাইতে যেমন কষ্ট হয়, নাগমহাশয়ের মুখ দেখিয়া আমার সেই কথা মনে পড়িল ।

নাগমহাশয়ের স্নেহ দেখিয়া মাতৃস্নেহ ভুল হইয়া যাইত । একদিন আমি দেওভোগ গিয়াছি । সেদিন নাগমহাশয়ের বাড়ীতে অনেক লোক গিয়াছে । নাগমহাশয় তাহাদের সাথে বসিয়া আছেন । যেখানে বসিলে তাঁহাকে দেখা যায়, সেখানে আমি বসিলাম । নাগমহাশয় উঠিয়া আসিয়া আমার নিকট দাঁড়াইলেন । তিনি আমার সামনে আসিলেন, আমি মহা আনন্দিত মনে তাঁহাকে দেখিতে লাগিলাম । নাগমহাশয় স্নেহের সহিত বলিতে লাগিলেন, ভগবান্ সকল স্থানেই আছেন । তাঁহাকে মনে রাখিতে হয় । এমন সময় মাঠাকুরাণী আসিয়া তাঁহাকে বলিলেন, হরপ্রসন্নের অসুখ হইয়াছে, আপনি ঢাকা গেলেন না ? তাহা শুনিয়া আমার মনে হইল, তিনি ঢাকা চলিয়া গেলে, কিভাবে এখানে থাকিব । তাঁহার বড় ভক্তের অসুখ, মাঠাকুরাণী যাইতে বলিতেছেন, তিনি নিশ্চয়ই যাইবেন । নাগমহাশয় বলিলেন, আচ্ছ যাইব না । মাঠাকুরাণী বার বার তাঁহাকে ঢাকা যাইতে বলায়, তিনি অল্প সময় আমার কাছে দাঁড়াইয়া থাকিয়া, অন্ত্র চলিয়া গেলেন । আমি বড় ঘরে চলিয়া আসিলাম । নাগমহাশয় দয়া করিয়া আবার বড় ঘরে গেলেন । আমি তাঁহার দয়া হৃদয়ে অনুভব করিতে করিতে জিজ্ঞাসা করিলাম, আপনি আমাদের বাড়ী আবার যাইবেন ? ভাবের ঘোরে তুলু তুলু অঁধি করিয়া, নাগমহাশয় বলিলেন, মাগো দেবী অংশ, এখানেই ত তোমাকে দেখিতে পাই । মা, যখন তোমার মনে হয়, তখনই ত আস । আমি তাঁহার স্নেহে ভুলিয়া, তাঁহাকে দেখিতে লাগিলাম ।



নাগমহাশয় স্নেহমূর্তিধারণ করিয়া তথায় দাঁড়াইয়া রহিলেন । অবশেষে আমি তাঁহাকে বলিলাম, আজই আমাকে ফিরিয়া যাইতে হইবে । তিনি বলিলেন, একটু পরে গেলেও চলবে । সন্ধ্যা হইল । আলো জ্বালা হইল । নাগমহাশয় একটা বাতি হাতে নিয়া, রান্না ঘরে যাইয়া, মাঠাকুরাণীকে বলিলেন, উহাকে খাইতে দাও । আমি বলিলাম, আমার ক্ষুধা নাই, বাড়ী যাইয়া খাইব । নাগমহাশয় আমাকে অল্প দুটা খাইবার জন্ত জিদ করিলেন । আমি খাইতে বসিলাম । মাঠাকুরাণী আমাকে খাইতে দিয়া সন্ধ্যা করিতে চলিয়া আসিলেন । তিনি ঠাণ্ডায়, রান্না ঘরের দরজার কাছে দাঁড়াইয়া বহিলেন । আমার পাষণ মনে একবার হইল না, নাগমহাশয় শীতের মধ্যে আমার জন্ত দাঁড়াইয়া আছেন, আর আমি ইচ্ছামত সুখে বসিয়া খাইয়া উঠিলাম । তিনি আমাকে উচ্ছিষ্ট খালা রাখিয়া দেওয়ার জন্ত বলিলেন, মা, শীতের সময় পুকুরের ঘাটে যাইতে কষ্ট হইবে । আমি বলিলাম, আমিই উহা ধুইব, মাঠাকুরাণীকে ধুইতে দিব না ।

আমি পুকুরের ঘাটে গেলাম । নাগমহাশয় প্রদীপ লইয়া আমার সঙ্গে গেলেন । আমি পাষণী, তাই সুখ অনুভব করিয়া মুখ ধুইয়া আসিলাম । আমার পাষণ মন একবার ভাবিল না, নাগমহাশয় দেবের অরাধ্য হইয়া এই শীতে একটা কীটের জন্ত এত কষ্ট করিতেছেন । দেওভোগে মধ্যাহ্নকালে খাইতে বেলা হইত । ১২টার সময় খাইয়া কি আবার সন্ধ্যার পর ক্ষুধা বোধ হয় ? নাগমহাশয় কীটের উপর অহৈতুক কৃপা ছিল, তাই কীট অনেক সময় তাঁহাকে বিনা হেতুতে অনেক কষ্ট দিয়াছে । 'যেমন স্নগিত কীট, সব সময় তেমন নিজের সুবিধা

দেখিয়াছে ; যাহা মনে হইয়াছে, তাহা করিয়াছে । একবারও ভাবে নাই, কিসে নাগমহাশয়ের সুখ হইবে, কি হইলে তাঁহার কষ্ট হইতে পারে । যাহাকে দেবতাগণ পূজা করিতে পারেন নাই, তিনি ঘৃণিত কীটের ব্যবহারে সুখী হইয়া বলিতেন, ফেপা চণ্ডী, আমি ভাবি ফেপা চণ্ডী কখন কি করিয়া বসে । তাহা শুনিয়া কীট মনে করিত, এইদিন এইভাবেই যাইবে । একবারও ভাবে নাই, একদিন নাগমহাশয় ফেলিয়া চলিয়া যাইবেন । তিনি কীটের জন্ত আলো ধরিয়া দাঁড়াইলেন, কীট কি আর তখন নিজের অবস্থা বুঝিতে পারে ? তাহার ইচ্ছায় নাগমহাশয় চলিতেন না সত্য, তথাপি কীটের একবার ভাবা উচিত ছিল ।

যতদিন নাগমহাশয় আমাদের ভিতর ছিলেন, আমি কোন বিষয়ে কোন চিন্তা করি নাই, যখন যাহা ইচ্ছা হইত, তাহাই করিতাম । আমার কাজের জন্ত অনেক সময় নাগমহাশয়কে বেগ পাইতে হইয়াছে । একদিন আমি দেওভোগ গিয়াছি । তখন তিনি বাড়ীতে নাই । নটবরবাবু তাঁহাকে লক্ষ্য করিয়া একখানা নাটক লিখিয়াছিলেন এবং তাহার অভিনয়কালে নাগমহাশয়কে উপস্থিত থাকিবার জন্ত অনেক দিন বলিয়াছিলেন । সেইদিন নটবরবাবু নাগমহাশয়কে বলিলেন, আমরা কি রকম সাজাইয়াছি তাহা একবার দেখিতে চলুন । আপনি তথায় গিয়াই চলিয়া আসিবেন, শুধু একটীবার দেখিবেন । এইরূপ অনেকবার বলায় ভক্তের অনুরোধ এড়াইতে পারিলেন না । নাগমহাশয় নাটক দেখিতে গেলেন । যখন আমরা তাঁহার বাড়ীতে পৌঁছিলাম, তখন সন্ধ্যা হইয়া গিয়াছে । নাগমহাশয়কে না দেখিয়া, তাঁহার খশকে তাঁহার কথা জিজ্ঞাসা করিলাম ।

তিনি বলিলেন, আমাদের নটবরের বাড়ী গিয়াছেন । আমি মনে করিলাম, এখন কি করি ? এখন সন্ধ্যা উত্তীর্ণ হইয়াছে, চারিদিক অন্ধকারে গ্রাস করিয়াছে । নটবরবাবুর বাড়ী যাইতে রাত্রি হইবে । অন্ধকারে একাকী গেলে, নাগমহাশয় রাগ করিবেন । তিনি কি বলিবেন ভাবিয়া তথায় যাইতে সাহস হইল না । নাগমহাশয় বাড়ীতে নাই, সেই বাড়ীতে থাকিতেও ইচ্ছা হইতেছে না । প্রাণ ছট্ফট্ কবিত্তে লাগিল । যে পথে তিনি বাড়ীতে আসিবেন, সেই পথে যাইয়া দাঁড়াইয়া রহিলাম । কয়েকটা ছেলে নাটক দেখিতে যাইতেছিল । আমি জিজ্ঞাসা করিলাম, তাহারা কোথায় যাইবে ? তাহারা নাটক দেখিতে যাইবে শুনিয়া, আমার মনে হইল, আমিও উহাদের সঙ্গে গেলে নাগমহাশয়কে দেখিতে পাইব । এমন সময় তাহার স্বপ্ন বিরক্তির সহিত বলিলেন. কোন দিন তিনি কোথায়ও যান না, আজ একটু গিয়াছেন, তাহাতে গোলমাল বাধিল । তোমাকে দেখিলেই চলিয়া আসিবেন । আমি চুপ করিয়া দাঁড়াইয়া রহিলাম । ঢাকা কলেজের একজন পণ্ডিত নাগমহাশয়কে দেখিতে গিয়াছিলেন । তিনি সেই বাড়ীতে বসিয়া সমস্ত দেখিতেছেন । আমাকে বলিলেন, মা, কোন বিষয়ে অস্থির হইতে নেই । আপনি যে নাগমহাশয়ের জন্ত অস্থির হইয়াছেন, তিনি ওখানে বসিয়াই তাহা জানিতে পারিয়াছেন । তিনি আপনার মনের টানে এখনই আসিবেন । অন্ধকার পথে দাঁড়াইয়া রহিলেন কেন ? ইহা শুনিয়া আমার মনে সুখ ও দুঃখ, উভয় যুগপৎ উপস্থিত হইল । সুখ হইবার কারণ, নাগমহাশয় যে সর্বত্র তাহা লোক বুঝিতে পারিয়াছে । এত লোকের বাধা মানিয়া চলিতে হইতেছে বলিয়া

মনে অতিশয় দুঃখ হইল । তখন স্বামী ঢাকা কলেজে পড়িতেন । আমাদের বাড়ীর চাকর আমাকে বলিল, আপনি বাড়ীতে আসুন, ঢাকা কলেজের পণ্ডিত জামাতাকে চেনে । যদি তিনি জামাতাকে কিছু বলেন । আমার আরও বিরক্তি জন্মিল । নাগমহাশয়ের শ্রুতি বিবৃতি করিয়া বকিতে লাগিলেন ।

আমি বাড়ীতে ফিরিয়া আসিতেছি দেখিতে পাইলাম, নাগ মহাশয় দ্রুতগতিতে আসিতেছেন । তাঁহাকে আসিতে দেখিয়া, আমি তাড়াতাড়ি বাড়ীতে আসিয়া দাঁড়াইলাম । নাগমহাশয় আমার সাক্ষাতে আসিলেন । আমি বড় ধরে গেলাম । নাগমহাশয় বারান্দায় বসিলেন । আমি তাহাকে দেখিতে লাগিলাম । তাঁহাকে দেখিয়া আমার বোধ হইল, আমি রাত্তায় দাঁড়াইয়াছিলাম বলিয়া, তিনি অতিশয় দ্রুতগতিতে আসিয়াছিলেন । তিনি বলিলেন, ক্ষেপা মা । এমন সময় পণ্ডিত মহাশয় তাঁহাকে ডাকিলেন । তিনি একটু বিশ্রাম করিতে পারিলেন না । সে সময় বাড়ীতে অনেক লোক আসিয়াছিল । তিনি সকলকেই ঘুরিয়া দেখিতে লাগিলেন । কাহাকে তামাক দিয়া, কাহাকে বাতাস করিয়া, কাহার সহিত কথা বলিয়া, সকলকে সন্তুষ্ট করিলেন । নাগমহাশয়ের ব্যবহারে সকলেই সুখী হইল । কেহ তাঁহার সুখ বুঝিল না । যদি কাহার আত্মীয় কোন স্থান হইতে বাড়ীতে আসে, সকলেই তাহাকে বিশ্রাম করিয়া সুস্থ হইতে দেখিলে, তাহার সহিত কথা বলে । নাগমহাশয়ের সাথে কাহার সেই বিচার ছিল না । তিনি কাঁধে করিয়া বাজার হইতে প্রকাণ্ড বোঝা আনিয়াছেন, বোঝা নামাইয়া লোকের অল্প তামাক সাজিতে বসিয়াছেন ।

নানা জাতীয় লোক নাগমহাশয়কে দেখিতে বাইত । কেহ ব্রাহ্মণ, কেহ কায়স্থ, কেহ নীচ জাতীয় । তিনি সকলকে সমান ভাবে যত্ন করিয়াছেন । একবার কয়েকজন ব্রাহ্মণ তাঁহার বাড়ীতে গিয়া রান্না করিতে বসিয়াছেন । নাগমহাশয় তাঁহাদের নিকট অনেক সময় দাঁড়াইয়া যখন দেখিলেন, তাঁহাদিগকে সমস্ত দেওয়া হইয়াছে, ঘরের ভিতর মাইয়া একটু শুইলেন । তাঁহার শূলের ব্যথা হইয়াছিল । ব্রাহ্মণগণ নাগমহাশয়কে ডাকিলেন । তিনি তাঁহাদের নিকট যাইয়া বলিলেন, আমাব কেমন একটু বোধ হইতেছে । তাঁহারা বলিলেন, তোমার আবার দুঃখ কি ? তুমি আমাদের কাছে বস । আমবা তোমাকে দেখি । নাগমহাশয় হাসিমুখে তাহাদের কাছে দাঁড়াইয়া রহিলেন । ব্রাহ্মণগণ বলিলেন, আমরা তোমাকে দেখিতে আসিয়াছি, তুমি আমাদের সাক্ষাতে বস ।

একদিন আমবা দেওভোগ হইতে চলিয়া আসিতেছি, নাগমহাশয় হাসিতে হাসিতে আমাকে বলিলেন, মা, এজগতে কেহ কাহার কষ্ট বোধে না । একদিন আমি বাজারে বাইতেছিলাম । লক্ষ্মী-নারায়ণজীউর মন্দিরের নিকট গেলে, আমার এমন ব্যথা হইল, অপর মানুষ হইলে ইহার চারিভাগের একভাগ ব্যথায় প্রাণ হারাইত । নরেন্দ্র ইহার একভাগ ব্যথায় মারা যায় । আমি ব্যথায় বসিয়া পড়িলাম এবং সামান্য কম বোধ হইলে বাজারে গেলাম, কেহ আমার কষ্ট বুঝিল না । কয়েকটা লোক আমার কাছে আসিয়া তাহাদের কষ্ট বলিতে লাগিল । তাহাতে আমার অতিশয় হাসি পাইল । আমি মনে মনে বলিলাম, তোমার কষ্ট কে বুঝিবে ? তুমি জীবের কষ্ট দেখিয়া, জীবকে রক্ষা

করিতে, নিজে তাহার কর্মের বোঝা গ্রহণ করিয়া ভুগিতেছ । তোমার কি কোন পাপ আছে, বাহাতে তোমার শুলের ব্যথা হইতে পারে ? এই জঘন্য সংসারে আসিলে কেন ? অশ্রান্ত অবতার সুখেও থাকেন, অশ্রুর কর্মও গ্রহণ করেন । তুমি এই জগতে আসিয়া একদিনের তরেও সুখভোগ করিলে না, কেবল জীবের কর্ম গ্রহণ করিয়া নিজ দেহে ভোগ করিতেছ । অসুস্থ দেহ লইয়া জীবকে সুখাশ্রয় যোগাইতেছ । দেখিলেত জীব কি তোমার কষ্ট বুঝিতে পারে ? তুমি না জানিতে এমন কিছু নাই, জানিয়া এ পাপ সাংসারে কেন আসিলে ? জীবের দুর্গতি দেখিয়া, জীবকে সুখ দিতে আসিয়া থাকিলে, বড়ই ভুল করিয়াছ, কারণ জীব মুক্তিলাভ করিয়া যথেষ্ট সুখী হইতে পারিত । তাহার উপর বাজার করিয়া, মাথায় বোঝা লইয়া, খাপ্পদ্রব্য আনিয়া জীবকে ভাল খাওয়াইয়া সুখী করার কি দরকার ছিল ? জীবত এসব কিছুতেই সুখী হইবে না । তুমি সময়ে বলিতে, মহাপ্রভু বলে শোন নিত্যানন্দ ভাই । কলির জীবের ঠাই কোনকালে নাই । তৎপর তাঁহাকে প্রকাণ্ডে বলিলাম, লক্ষ্মী-নারায়ণজীউর মন্দিরের নিকট আপনার ব্যথা হইল, আপনি বসিয়া পড়িলেন, ব্যথা কম বোধ হইলে বাড়ীতে ফিরিয়া আসিলেন না কেন ? নাগমহাশয় হাসিতে হাসিতে বলিলেন, বাড়ীতে লোক ছিল এবং অপর লোক বাজারের পরমা দিয়াছিল । বাজার না করিয়া কি করিয়া ফিরিতে পারি ? যখন বাজার করিতেছিলাম, তখন আমার শরীর ভাল ছিল, । আমি বলিলাম, অন্তর্কেহ এই অবস্থায় বাজার করিত না । তিনি বলিলেন, সেই দিন বাজার না করিলে, বাহারা পরমা দিয়াছিল,

তাহাদের বড় কষ্ট হইত । বাড়ীতে যাহারা ছিলেন, তাঁহাদের কষ্টের সীমা রহিত না । আমি বলিলাম, শ্রীব আপনাকে কি কষ্টই না দিল ? যাহারা নাগমহাশয়ের নিকট যাইত, তাহার আপন সুখ ব্যতীত আর কিছুই জানিত না । কেবল নাগমহাশয়ই এই সমস্ত লোক আশ্রয় দিয়াছিলেন, তাহাদের অন্ত্র স্থান হইত না ।

একবার বর্ষার সময় ৪।৫ জন ব্রাহ্মণ নাগমহাশয়কে দেখিতে যান । তিনি তাঁহাদের রান্নার আয়োজন করিলেন । তাঁহাদিগকে রান্না করিয়া লইতে বলায়, তাঁহারা বলিলেন, তাঁহারা তখনই চলিয়া যাইবেন । নাগমহাশয় বলিলেন, এখন কি করিয়া যাইবেন ? রান্নার সমস্ত তৈয়ার হইয়াছে, রান্না করিয়া ছুটি খান । আজ এখানেই থাকুন, কাল সকালে যাহা হয় করিবেন । তাঁহারা কোন মতেই নাগমহাশয়ের বারণ শুনিলেন না । তাঁহারা রওনা হইলেন । নাগমহাশয় আলো হাতে করিয়া, তাঁহাদের সঙ্গে চলিলেন । তখন অল্প বৃষ্টি হইতে ছিল । পা হরকাইয়া যাওয়ার নাগমহাশয় পড়িয়া গেলেন । ব্রাহ্মণেরা চলিতে লাগিলেন, একবার ফিরিয়াও দেখিলেন না, তখন নাগমহাশয়ের কি অবস্থা হইয়াছে । তিনি বাড়ীতে ফিরিয়া আসিলেন । নাগমহাশয়ের নিয়ম ছিল, ব্রাহ্মণের নামে কোন জিনিষ রাখিলে, ব্রাহ্মণ ব্যতীত অন্য কাহাকে তাহা দিতেন না, নিজেও খাইতেন না । ব্রাহ্মণদিগের রান্নার অন্ত্র যাহা যোগাড় করিয়াছিলেন, সমস্ত ফেলিয়া দিলেন । তাঁহাদিগের অন্ত্র আলো ধরিতে যাইয়া ভূমিশায়ী হওয়াই তাহার লাভ হইল । যখন নাগমহাশয়কে দেখিয়াই চলিয়া যাওয়া মনস্থ ছিল, তাঁহাকে এত কষ্ট দেওয়ার কোন

দরকার ছিল না । রান্না ত নিজেরাই করিতেন, যদি নাগমহাশয়র কষ্ট হইবে মনে করিয়া চলিয়া আসিয়া থাকেন, তবে রান্নার যোগ্য করার পূর্বে গেলেন না কেন ? নাগমহাশয় কতমত লোক আশ্রয় দিরাছিলেন, তাহাদের ব্যবহারে নাগমহাশয় ব্যতীত সকলেই বিরক্ত হইয়াছেন ।

একজন ব্রাহ্মণ নাগমহাশয়কে দেখিতে যাইতেন । নাগমহাশয় তাঁহার খাওয়ার অন্ন বিশেষ যত্ন করিতেন । তিনি নিজে তাঁহার রান্নাব যোগাড় করিয়া দিতেন, কিন্তু ব্রাহ্মণটি রান্না করিতে বসিয়া বাড়ীর বাহির হইয়া যাইতেন । কোন দিন তিনি অঙ্গলে বসিয়া থাকিতেন, অপর দিন অনেকদূরে চলিয়া যাইতেন । নাগমহাশয় তাঁহাকে খুজিতে বাহির হইয়া, যেদিন তাঁহাকে ধরিয়া আনিতেন, সেদিন তাঁহার খাওয়া হইত, নাগমহাশয়ও যাইতেন । কিন্তু যেদিন তিনি অনেকদূর চলিয়া যাইতেন, সেদিন আর নাগমহাশয়ের খাওয়া হইত না । ব্রাহ্মণ রান্না করিতে আরম্ভ করিয়া না খাইলে, নাগমহাশয় কি করিয়া অন্ন গ্রহণ করিবেন ? মাঠাকুরাণী শত চেষ্টা করিয়াও নাগমহাশয়কে খাওয়াইতে পারেন নাই ।

অষ্টম মাস । একদিন রান্না করিতে বসিয়া সেই ব্রাহ্মণ কোথায় চলিয়া গেলেন । সকল দিন গেল, তিনি কিরিয়া আসিলেন না । নাগমহাশয় উপবাসী রহিলেন । অনেক রাত্রি হইল, তথাপি সেই ব্রাহ্মণ কিরিয়া আসিলেন না । নাগমহাশয় না খাইয়া শুইয়া রহিলেন । মাঠাকুরাণী শুইতে গেলেন । জীবের উপর তাঁহার এত দয়া ছিল, নাগমহাশয় মাঠাকুরাণীকে বলিলেন, উহার বিছানার নিকট কয়েকটা আন্ন রাখিয়া আস । মাঠাকুরাণী



একটু বিরক্ত হইলেন, নাগমহাশয় যাহার কারণে উপবাসী  
 রহিলেন, তাহার খাওয়ার জন্ত আম রাখিতে হইবে। তিনি  
 নাগমহাশয়ের কথা মত তাঁহার বিছানার কাছে এক বাটা আম  
 রাখিয়া আসিয়া নাগমহাশয়কে বলিলেন, সে কোথায় চলিয়া  
 গিয়াছে, এত রাত্রিতে আসিয়া আম খাইবে! নাগমহাশয়  
 বলিলেন, আর কতকক্ষণ পর দেখিবে, সে আসিয়া আম খাইয়া  
 শুইয়া রহিয়াছে। কতক সময় পর নাগমহাশয় মাঠাকুরাণীকে  
 বলিলেন, এখন আলো লইয়া গেলে দেখিতে পাইবে, সে আম  
 খাইয়া শুইয়া আছে। মাঠাকুরাণী আলো লইয়া গিয়া দেখিতে  
 পাইলেন, যথার্থই সে আম খাইয়া শুইয়া রহিয়াছে। মাঠাকুরাণী  
 আসিলে নাগমহাশয় একটা আমি খাইতে চাহিলেন। মাঠাকুরাণী  
 বলিলেন, সে ত পেট ভরিয়া আম খাইয়াছে, আপনিও বেশ  
 করিয়া আম খান। নাগমহাশয় বলিলেন, না খাইয়া থাকিলে  
 আমার কোন কষ্ট হয় না। তুমি মনে কষ্ট পাইয়া বার বার  
 বলিয়াছ, তাই একটা আমি খাইব। এখন আর কিছু খাইব  
 না। ধন্য নাগমহাশয়! ধন্য তাঁহার স্নেহ!! যিনি তাঁহাকে  
 উপবাসী রাখিলেন, নাগমহাশয় শুইয়া থাকিয়াও তাহার  
 খাওয়ার চিন্তা করিলেন। কিন্তু ব্রাহ্মণটা একবারও ভাবিলেন  
 না, তিনি কি কাজ করিতেছেন। লোক এভাবে নাগ-  
 মহাশয়কে অকারণ কষ্ট দিয়াছে। তিনি হাসি মুখে সকল সহ  
 করিয়াছেন। তাঁহার ব্যবহার দেখিলে মনে হইত, জীবই তাঁহার  
 জন্ত কষ্ট করিতেছে। যে ভাবেই হউক, জীবকে সুখ দিতে  
 পারিলেই, তিনি সুখী হইতেন। যে ব্রাহ্মণটা নাগমহাশয়কে  
 উপবাসী রাখিতেন, তাহাকে দুগ্ধ, ভাল মাছ খাওয়াইতে

পারেন না। বলিয়া নাগমহাশয় আমার নিকট কত আক্ষেপ করিয়াছেন ।

একবার পূজার সময় নাগমহাশয় মাঠাকুরাণীকে বলিয়া ছিলেন, এই ব্রাহ্মণকে রোহিত মৎসের মাথা রান্না করিতে দিও এবং খাওয়ার সময় ছুধ দিও । পূজার বাড়ী মাঠাকুরাণী কাজে ব্যস্ত ছিলেন । নিজের দেখিয়া দিতে পারেন নাই । তাহাকে মাছের মাথা ও ছুধ দেওয়া হইয়াছিল না । ব্রাহ্মণ খাইয়া আসিলেন । নাগমহাশয় মাঠাকুরাণীকে জিজ্ঞাসা করিলেন, উহাকে মাছের মাথা ও ছুধ দেওয়া হইয়াছিল কি না । তিনি বলিলেন, আমি মাকে তাহা দিতে বলিয়াছিলাম, জানি না কেন তাহাকে দেওয়া হয় নাই । তখন মাঠাকুরাণী খাইতে বসিয়া ছিলেন । নাগমহাশয় চলিয়া আসিয়া আমাকে বলিলেন, আমি জানি না কেন এই ঠাকুরকে ভাল খাওয়াইতে পারি না । এমন কি আমি নিজের চেষ্টা করিয়াও দেখিছি তাহা হয় না । সে সময় স্বামী সামনে ছিলেন । তিনি ও আমি মনে মনে বলিলাম, তোমাকে যে না খাওয়াইয়া রাখিয়াছে, ইহা তাহার ফল । নাগমহাশয় চুপ করিয়া রহিলেন । অবশেষে আমি বলিলাম, এই ব্রাহ্মণ আপনাকে বড় কষ্ট দিয়াছে, তাই সে খাইতে সুখ পায় না । নাগমহাশয় বলিলেন, সে কেন আমাকে কষ্ট দিবে ? আমি কহিলাম, লোক ব্রত করিতে এক দিন উপবাস করিলে কষ্ট অনুভব করে, সে আপনাকে অকারণ উপবাসী রাখিয়াছে, আর কি কষ্ট দিতে পারে ? নাগমহাশয় মুখখানা ঈষৎ মলিন করিয়া তাকাইয়া রহিলেন । কত লোক কত ভাবে নাগমহাশয়কে কষ্ট দিয়াছে, তাহার শেষ নাই । তিনি কাহার

দোষ গ্রহণ করেন নাই, সকলকেই আপন ভেবে গ্রহণ করিয়াছেন ।

নাগমহাশয়ের স্নেহ লিখিয়া শেষ করা যায় না । তিনি আমাকে ৫ বৎসরের শিশুর মত দেখিতেন । যখন আমার বয়স ১২।১৩ বৎসর হইয়াছিল, তিনি যেখানে থাকিতেন, সেইখানেই আমি তাঁহার সামনে বসিয়া থাকিতাম । যদি তাঁহার কাছে লোক থাকিত, দূর হইতে মনে প্রাণে কেবল তাঁহাকে দেখিতাম । লোক নিকটে না থাকিলে, তিনি অসাক্ষাতে যে লীলা দেখাইতেন, তাহা বলিতাম । উহা শুনিয়া তিনি কত সুখী হইতেন এবং মা, মা বলিয়া আদর করিয়া, মাথায় ও পীঠে হাত বুলাইতেন । ষে রূপ দর্শন করিতাম, তাহা বলিলে, তিনি ঐহার রূপ তাঁহার নাম বলিয়া বলিতেন, মা, ঐরূপে দর্শন করিয়াছ? আমি মনে মনে বলিয়াছি, উহা আপনার রূপ, আপনার সকল রূপ আমার ভাল লাগে । তিনি বলিতেন, মা, সকলই ভগবানের রূপ । যখন তিনি ষে রূপে ইচ্ছা করেন, সেইরূপে দেখা দেন । হহা শুনিয়া আমার মনে হইত, তিনি ভিন্ন ভিন্ন রূপে আমাকে দেখা দিয়া সুখী করিতেছেন । নাগমহাশয় দেওভোগে বসিয়া পঞ্চসারে দেখা দিতে পারেন, স্মৃতরাং তিনি নানারূপে ধারণ করিতে পারেন । যত দেবতা দেখিতে পাই, তিনি সকলের মূলে বিদ্যমান আছেন । মনের ভাব দেখিয়া, মহাভাবে তাঁহার চক্ষু তুলুতুলু করিত । তিনি তাকাইয়া থাকিতেন, কোন কথা বলিতেন না ; হাসিতেনও না । তাহা দেখিয়া, সময় সময় আমার মনে হইত, তিনি ওভাবে রহিলেন কেন? তখনই আবার শাস্তরূপ ধারণ করিয়া মা, মা বলিতেন । আমি ভাবিতাম, তিনি ভগবতী মা

ডাকিত্তেছেন । নাগমহাশয় আমার দিকে তাকাইয়া বলিতেন, মাগো, ধন্য তুমি । ভগবতীকে ডাকিতে দেখিয়া আমার মনে হইল, ভগবান্ আবার ভগবতীকে ডাকেন কেন ? ভগবতী কি তাঁহার চেয়ে বড় ? তখন তিনি হাসিতে হাসিতে বলিতেন, রামচন্দ্র সীতার উদ্ধারের জন্ত অকালে বোধন করিয়া, ১০৮টা পদ্ম দিয়া দেবীর পূজা করিয়াছিলেন । আবার এই সীতা সহস্রস্কন্ধ রাবণ বধ করিলেন । সেই সময় রামচন্দ্র সীতাদেবীকে মা বলিয়া স্তব করিয়া বলিয়াছিলেন, তোমার উদ্ধারের জন্ত দেবীর পূজা করিলাম কেন ? তুমিইত সেই দেবী । আমি ভিজ্ঞাসা করিলাম, রামচন্দ্র সহস্রস্কন্ধরাবণ বধ করিলেন না কেন ? তিনি হাসিতে হাসিতে বলিলেন, রাম লক্ষ্মণ তাহা পারিলেন না । সীতা মহাকালীর রূপ ধারণ করিয়া সহস্রস্কন্ধরাবণ বধ করিলেন । মহাকালীর রূপ দেখিয়া রামচন্দ্র তাঁহাকে মা বলিয়া স্তব করিয়াছিলেন । তখন আমার জ্ঞান হইল, ভগবান্ একই, নানা রূপ ধারণ করিয়া, একরূপে অঙ্গরূপের পূজা করেন । এই কথা মনে হওয়া মাত্র, নাগমহাশয় আমার দিকে তাকাইয়া হাসিতে লাগিলেন । আমি দেখিলাম, তাঁহার হাসির সাথে জ্যোতি বাহির হইতেছে । তিনি জ্যোতির্শয় হইলেন । জ্যোতির মধ্যে জ্যোতির্শয় রূপ ধরিয়া বসিয়া রহিলেন । দেখিতে দেখিতে সেই জ্যোতি মিশিয়া গেল ।

১ ? ২ ৬২ .

আমার উপর নাগমহাশয়ের এত দয়া ছিল । গোপনে এইভাবে সাক্ষাতে ও অসাক্ষাতে সমভাবে তাঁহার লীলা দেখাইয়াছেন । দেওভোগ গেলে আমি প্রায় সকল সময় তাঁহার সঙ্গে থাকিতাম । কখন নাগমহাশয়ের বাড়ীতে এত লোক হইত,

ঘর ভরিয়া যাইত । তখন আমি আর সেই ঘরে যাইতে পারিতাম না । অল্পঘরে বসিয়া মনে করিতাম, তিনি কীৰ্ত্তনের মধ্যে বসিয়া রহিলেন । তখন দয়াময় দয়া করিয়া যে ঘরে আমি থাকিতাম, সেই ঘরে যাইয়া আমার সামনে বসিতেন এবং ভগবানের কথা বলিতেন । তাঁহাকে শ্রবণ করিয়া, সময় সময় গান শুনিতো থাকিতাম । তিনি একবার আমার কাছে আসিতেন, আবার কীৰ্ত্তনের মধ্যে যাইতেন । অনেক সময় আমার কাছে থাকিতেন । ছোট সময় এইভাবে গেল । যখন ১৬।১৭ বৎসর হইল, তখন আর লোকের সামনে নাগমহাশয়ের কাছে বসিতাম না । তিনি আমার উপর দয়া করিয়া, বাহিরে একখানা চটের উপর বসিতেন, আমি তাঁহার সামনে বাহিরে বসিয়া থাকিতাম । যদি তিনি ঘরে বসিতেন, দরজার কাছে বসিয়া থাকিতেন । আমি তাঁহার নিকটে দাঁড়াইয়া থাকিতাম । কতটুক সময় দাঁড়াইয়া থাকিলে, দয়াময় দয়া করিয়া ঘরের বাহিরে চলিয়া আসিতেন । আমি তাঁহাকে যাইতে দেখিয়া, মনের আনন্দে তাঁহার পিছনে চলিয়া আসিতাম । তিনি কৃপা করিয়া আমার সামনে বসিয়া থাকিতেন । অল্প সময় আমার কাছে থাকিয়া, আবার লোকের কাছে যাইতেন । আমি কতটুক সময় তাঁহার অপেক্ষা করিয়া, আবার তাঁহার কাছে বাইয়া দাঁড়াইতাম । যদি কেহ সেই সময় নাগমহাশয়ের সহিত কথা বলিত, কথা শেষ না হইলে আর তিনি উঠিতে পারিতেন না । আমাকে বলিতেন, মা, ঘরে যাও, ঘরে যাইয়া বস । আমি বাইব বাইব করিয়া একটু দেড়ি করিতাম । আমি দাঁড়াইয়া রহিয়াছি দেখিয়া, ঈষৎ চঞ্চল হইয়া বলিতেন, মা, এইভাবে কোণে কোণে দাঁড়াইয়া থাকে

না । তখন আমি চলিয়া আসিতাম । অল্প সময় পরে তিনি আমার সাক্ষাতে আসিয়া বসিতেন । এই ভাবে দিন যাইত । সন্ধ্যা হওয়া মাত্র তিনি আমার খোজ করিতেন । সন্ধ্যা হইলে নাগমহাশয় আমাকে বাহিরে কোন জায়গায় থাকিতে দেন নাই । যদি কখন হাত মুখ ধুইতে ঘাটে যাইতাম, তিনি ঘাটে যাইয়া আমাকে একাকী দেখিয়া বলিতেন, মা, সন্ধ্যার সময় এখানে-সেখানে একাকী থাকিতে নেই, ঘরে যাও । আমাকে ঘরে রাখিয়া তিনি লোকের কাছে যাইতেন । রাত্র হইলে, আমি একাকী বড় ঘরের বারান্দায় থাকিতাম । অনেক সময় তিনি আমার সামনে থাকিতেন । যে পর্যন্ত আমি শুইতাম না, তিনি একবার লোকের কাছে যাইতেন, আবার আমার কাছে আসিতেন, যেন আমি ৫ বৎসরের মেয়ে, একাকী থাকিতে ভয় পাইব ।

নাগমহাশয় এই ভাবে আমাকে স্নেহ করিয়া, বড় ও সাবধানে রাখিয়াছেন : আমি পাষণী মুহূর্তের তরেও তাঁহার কষ্ট বুঝি নাই । তিনি আমার জন্ত ঘর ছাড়িয়া বাহিরে বসিয়া রহিয়াছেন, আমার জন্ত এক স্থানে স্থির থাকিতে পারেন নাই । ভ্রমেও আমার মনে হয় নাই, তাঁহাকে এত কষ্ট দিতেছি । আমাকে ও স্বামীকে নিয়া এমন ভাব করিতেন যেন ৫।৭ বৎসরের মেয়ে ও ছেলের বিবাহ হইয়াছে । উভয়েই তাঁহার সাক্ষাতে বসিয়া থাকিতাম । তিনি কত আনন্দ প্রকাশ করিতেন । ষতদিন ঠাকুরদাদা জীবিত ছিলেন, কখন কখন আমাদের একত্র শোয়ার ব্যবস্থা করিয়াছেন । একদা স্বামী ও আমি তাঁহার নিকট বসিয়া আছি । রাত্র ১টা বাজিয়া গেল ।

তাঁহাকে ছাড়িয়া বাইতে অনিচ্ছা । তিনি আমাদের কাছে বসিয়া  
 রহিলেন । গভীর রাত্র । তাঁহার কেমন এক রূপ দেখিলাম । বাতি  
 জলিতে ছিল । বাতির জ্যোতিঃ নিশ্চয় করিয়া তাঁহার শরীরের  
 জ্যোতিঃ বাহির হইতেছে । বাতির আলো মিটমিটে । তাঁহার  
 শরীর হইতে সূর্যের জ্যোতির মত প্রথর জ্যোতিঃ বাহির হইতে  
 লাগিল । আমি মোহিতা হইয়া তাহা দেখিতে লাগিলাম । অল্প  
 সময় পর তাহা লুকাইল । তখন নাগমহাশয় স্বামীকে বলিলেন,  
 কল্য কলেক্স আছে, শুইতে যান । স্বামী তাঁহার কথামত শুইতে  
 গেলেন । তিনি তামাক খাইতে লাগিলেন । তামাক খাওয়া  
 পর্যন্ত আমি তাঁহার কাছে বসিয়া রহিলাম । তামাক খাওয়া  
 শেষ হইলে, নাগমহাশয় আমাকে বলিলেন, মা, এখন শুইয়া থাক ।  
 আমি শুইতে যাইতেছি । আলোর সামনে বসিয়াছিলাম, বাহিরে  
 আসিয়া ভয়ঙ্কর অন্ধকারে পড়িলাম । বর্ষাকাল । বাড়ীতে  
 জল উঠিয়াছিল । জলে পা দিয়াছি, ৫ বৎসরের শিশুকে  
 মা যেমন বলেন, সেইরূপ নাগমহাশয় বলিয়া উঠিলেন, দেখিও,  
 জলে যেন কাপড় না ভিজ়ে । কোন ভয় নাই, আমি  
 বাই । আমার সঙ্গে আসিয়া বাহিরে দাঁড়াইলেন । আমি  
 ঘরের পিছনে গেলাম । তিনি উঠানে দাঁড়াইয়া কাস দিয়া  
 জানাইলেন, কোন ভয় নাই, আমি এখানে আছি । আমি উঠানে  
 আসিয়া বলিলাম, আপনি জলে নামিয়া দাঁড়াইয়া আছেন কেন ?  
 মগুপ ঘরে বসিয়া থাকিলেই ত আমার ভয় হইত না । নাগমহাশয়  
 হাসিতে হাসিতে বলিলেন, তুমি শুইতে যাও । আমি শুইতে  
 গেলাম । তিনি ঘরের সামনে জলে দাঁড়াইলেন । আমি ঘরের  
 দরজা বন্ধ করিলাম । তিনি শুইতে গেলেন । তাঁহার শব্দ

পাইয়া, স্বামী আমাকে জিজ্ঞাসা করিলেন, তিনি জলে নামিয়া তোমার সঙ্গে দাঁড়াইয়া ছিলেন, ঐশ্বর হইতে এই ঘরে আসিবে, তাহাতে তিনি পিছনে পিছনে জলে নামিয়া আসিলেন? আমি বলিলাম, কি করিব? তুমি চলিয়া আসিলে। তিনি তামাক খাইতে আরম্ভ করিলেন। আমি মনে করিলাম, তামাক খাওয়া পর্য্যন্ত তাঁহাকে দেখি। তামাক খাওয়া শেষ হইল। তিনি বলিলেন, মা, তুমি শুইতে যাও। আমি তাঁহার জ্যোতিতে বসিয়া ছিলাম। গভীর রাত্রে অন্ধকারে আসিয়া মনে একটু ভয় হইল। তিনি জলে নামিলেন। নাগমহাশয়ের অসীম দয়া দেখিয়া, উভয়ে তাঁহাকে ভাবিতে ভাবিতে ঘুমাইয়া পড়িলাম।

ভোর হইল। নাগমহাশকে স্মরণ করিয়া উঠিলাম। তাঁহার পরিত্র বাতাসে অসম্ভব সম্ভব হয়। তাঁহার বাড়ীতে তাঁহার ভাবে হৃদয় পূর্ণ থাকিত। তাঁহার ভাব থাকা পর্য্যন্ত, তাঁহার অসাক্ষাতেও মন প্রকৃতির নিয়মানুসারে চলে নাই। তাঁহার গুণ, তাঁহার মহিমা মনে হইলে রোমাঞ্চিত হয়! কেবল মনে হয়, হায়, হায়, কাহাকে লইয়া কি ভাবে খেলা করিয়াছি। বাহার ইচ্ছিতে গঙ্গার আগমন, বাহাকে স্পর্শ করিয়া দেবী গঙ্গা মনের আনন্দে তাঁহার বাড়ী ভাসাইতে ছিলেন, লোক জানিবে বলিয়া যেস্থান হইতে গঙ্গার উৎপত্তি, জয় গঙ্গে বলিয়া সেই স্থান যিনি চাপা দিলে, দেবী গঙ্গা অস্তর্ধান হইলেন, জীব হইয়া তাঁহার সহিত কি খেলাই না খেলিয়াছি। অনেক সময় অশান্ত হইয়া, লোক জন না মানিয়া, যেখানে নাগমহাশয় গিয়াছেন, সেখানে যাইতে চাহিয়াছি। তখন তিনি হাত ধরিয়া, মা বলিয়া সাধনা করিয়াছেন। এখন সেই কথা মনে হইলে, শরীর শিহরিয়া উঠে।



যিনি দেবী গঙ্গাকে একবার হাতের চাপা দিয়া সাধনা করিয়া-  
ছিলেন, জীবকে শান্ত করিতে তাঁহাকে অনেকবার হাত ধরিতে  
হইয়াছে। অনেক সময় বিনয়ের সহিত তিনি লোকের কাছে  
বলিতেন, আমার সংসারের কোন জ্ঞান নাই; যেন লোক  
আমাকে মন্দ না বলে। আমার অগ্র তাঁহাকে অনেক কথা শুনিতে  
হইয়াছে।

মা ঠাকুরাণী আমাদিগকে নাগমহাশয়ের নিকট দেখিলে কেমন  
হইয়া যাইতেন এবং নাগমহাশয়ের এক ভক্তের নিকট মনের বেদনা  
বলিতেন। সুতরাং সেই ভক্ত মনে করিত, আমরা দেওভোগ না  
গেলেই ভাল; নাগমহাশয়ের ভয়ে কিছু বলিতে পারিত না। এক  
দিন আমি নাগমহাশয়ের সাক্ষাতে বসিয়া আছি, সেই ভক্ত অগ্র  
দিকে শুইয়া আছে। এসময় এক রমণী, যিনি নাগমহাশয়কে  
ছোট সময় সর্বদা কোলে কাঁথে করিতেন, কোন কারণে  
ভক্তের বাড়ীর স্ত্রীলোকদের কটু কথায় দুঃখ পাইয়া নাগমহাশয়কে  
বলিলেন, ওদের বাড়ীর স্ত্রীলোকগণ আমাকে বাদিনী বলে।  
নাগমহাশয় মুখখানা ঈষৎ মলিন করিয়া বলিলেন, তাহারা  
আপনার দিদিমাকে কি এই সব কথা বলিতে পারে? উপর-  
ওয়াল নাই, তাই এমন হইয়াছে। ভক্ত বলিল, প্রত্যেকের  
উপরওয়াল আছে। তিনি বলিলেন, স্বামীত খুব উপরওয়াল।  
হাইকোর্টের জজ, সকলের বিচার করে, ঘরে গেলে জোড় হাত।  
তখন ভক্ত রাগিয়া গিয়াছে। সেই ভক্ত বলিল, মেরেলোক  
রান্ধস; উহাদের কি ধর্ম্যভাব আছে? তিনি বলিলেন, বিষ্ণুরূপিণী  
ছাড়া। ভক্ত বলিল, যদি বিষ্ণুরূপিণী থাকে, সে মা। ইহা ছাড়া  
সকলগুলিই নরকের দ্বার স্বরূপ। তখন নাগমহাশয়ের মুখ কাল

হইল । তিনি আমার দিকে চাহিয়া বলিলেন, আমার চক্ষের উপর আছে । আমি আপনার কথা বিশ্বাস যাইব কেন ? এই কথা বলিয়া নাগমহাশয় আমার দিকে তাকাইয়া রহিলেন । ভক্ত ক্রোধে গড়্গড়্ করিতে করিতে চলিয়া গেল, একবার ফিরিয়াও তাকাইল না । প্রভুর এত দয়া, এত স্নেহ ছিল । সেই ভক্ত মাঠাকুরাণীর ছেলে । নাগমহাশয়ের সাথে অযথা তর্ক করিয়া নিজে সরিয়া পড়িল । দয়াময় দয়া করিয়া আমাকে শ্রীচরণের পাশে রাখিলেন ।

আমার উপর নাগমহাশয়ের দয়ার শেষ ছিল না । এক কালী-পূজার দিন, কালীর পায় অঞ্জলি দিব মনে করিয়া কুচিয়ামোড়া হইতে দেওভোগ গেলাম । আমাকে উপবাস করিতে দেখিয়া, সুখী হইয়া নাগমহাশয় স্বামীকে বলিলেন, কলিকালে উপবাসই তপস্বী । আমি যাহা কিছু ধর্মের জন্ত করিতাম, তাহাতেই তিনি অতিশয় সুখী হইতেন । কালীপূজা হইয়া গেল । অঞ্জলি দিলাম । তিনি আমার পিছনে পিছনে মাইয়া বলিলেন, মা, প্রসাদ লও । কালীর প্রসাদ দিতেছে । এমন সময় কে তাঁহাকে ডাকিল । আমার মা নিকটে ছিলেন । মা বলিলেন, ঠাকুরের কথা মত প্রসাদ নিয়াছ ? লোকে তাঁহাকে ডাকিয়া নিল, তিনি কখন আসেন ঠিক নাই । তুমি খাইতে চল, আমি ভাত দিব । আমি রান্নাঘরে খাইতে বসিয়াছি, তিনি আসিয়া মাঠাকুরাণীকে অতিশয় মৃদুস্বরে বলিলেন, খুকী উপবাস করিয়াছে, খাইতে দাও । মা ঠাকুরাণী বলিলেন, সে রান্নাঘরে খাইতে বসিয়াছে । তিনি জিজ্ঞাসা করিলেন, কে দেখিয়া দিতেছে ? মা ঠাকুরাণী অত্যন্ত বিরক্তির সহিত বলিলেন, কাজের বাড়ীতে কে কাহাকে দেখিয়া দিতে পারে !

তাদৃশ রূচ্যতা দেখিয়া, তিনি নিজেই আমার খাওয়া দেখিতে গেলেন । আমার মাকে রান্নাঘরে দেখিয়া ফিরিয়া আসিলেন । খাইয়া উঠিলে পর তিনি জিজ্ঞাসা করিলেন. মা, সকল দিন পর কি খাইলে ? আমি বলিলাম, মা খাইতে দিয়াছিলেন, মাছ তরকারী সকলই ছিল, আমি ভাল খাইয়াছি । তাঁহার সমস্ত জানা থাকা সত্ত্বেও খাওয়ার সময় আমাকে দেখিতে যাওয়ার, তাঁহার অসীম স্নেহ প্রকাশ পাইল । নিজে উপবাসী রহিয়াছেন, আমার খাওয়ার জন্য মাঠাকুরাণীর নিকট তিনবার জিজ্ঞাসা করিয়া তিরস্কৃত হইলেন ।

একবার দুর্গা পূজার সময়, রাত্রিতে বারান্দায় বসিয়া নাগ-মহাশয় তামাক খাইতে ছিলেন, আমি তাঁহার সান্নাতে বসিয়া ছিলাম । ঘুম পাইল । তিনি বলিলেন, মা, ঘুমাইবে ? না খাইয়া ঘুমাইও না । দুইটা খাইয়া ঘুমাও । ঘুম হইতে উঠিয়া খাইলে, সহজ অবস্থা হইতে অধিক খাওয়া যায়, ভালও লাগে, কিন্তু অসুখ হয় । আমাকে ইহা বলিয়া, বাহিরের দিকে তাকাইলেন । মাঠাকুরাণীকে দেখিতে পাইয়া বলিলেন, খুকীকে খাইতে দাও । উহার ঘুম পাইয়াছে । মাঠাকুরাণী চটিয়া বলিলেন, পরে দিব । সন্ধ্যার সময় ঘুমের কি হইল ? তিনি বলিলেন, তা কি করিবে ? ছেলে মানুষের ঘুম বেশিই থাকে । মাঠাকুরাণী বলিলেন, আমি এখন দিতে পারিব না । তখন তিনি নিজ সন্তানের শ্রায় আমাকে বলিলেন, ঘুম হইতে উঠিয়া আর খাইও না । মুখখানা কাল হইল । আমি বলিলাম, আমি এখন ঘুমাইব না ।

স্বামী অনেক সময় ভাবিতেন, যদি নাগমহাশয় আমাকে একটা লোক দেখাইয়া বলেন, উহাকে মারিয়া ফেল । আমি কি তাহা

করিতে পারিব ? প্রথমতঃ প্রাণী হত্যা, দ্বিতীয়তঃ আইন বিরুদ্ধ । এই রকম কাজকি তাঁহার কথা মত করিতে পারি ? যদি তাহা না করি, ভগবানের আজ্ঞা লঙ্ঘন করিতে হইবে । আজ্ঞা লঙ্ঘন মহা পাপ । একদিন তিনি নাগমহাশয়কে জিজ্ঞাসা করিলেন, যদি ভগবান্ বলেন, উহাকে হত্যা কর, আমি কি তাহা করিতে পারিব ? যদি তাঁহার কথা মত হত্যা না করি, আমার পাপ হইবে । নাগমহাশয় বলিলেন, কেহ ভগবানের কথা ফেলিতে পারে না । যদি তিনি কোন কাজ করিতে বলেন, তাহা সম্পন্ন হইবেই । তিনি সেই কার্য সমাধার শক্তি নিজেই দিয়া থাকেন । স্বামী তাহা শুনিয়া শ্রীমুখের দিকে তাকাইয়া রহিলেন ।

একদিন স্বামী নাগমহাশয়কে জিজ্ঞাসা করিলেন, আয়ুর ক্ষয় ও বৃদ্ধি কি করিয়া হয় ? নাগমহাশয় বলিলেন, আয়ুর ক্ষয় ও বৃদ্ধি হয় না । যখন আমি জন্মিয়াছি, তখনই আমার মৃত্যুর দিন ধার্য হইয়াছে । এই নির্দিষ্ট সময়ের মধ্যে যে পাপ কাজ করে, সে অথবা সময় নাশ করিল ; ভগবান্কে স্মরণ করার সময় তাহার কমিয়া গেল । সুতরাং তাহার আয়ুঃকাল কমিয়া গেল । ইহার অর্থেই পাপে আয়ু ক্ষয় হয় । আবার এই নির্দিষ্ট সময়ে যে তাঁহাকে স্মরণ করে, সে সেই সময়টুকু রক্ষা করিল । সময়ের অপব্যয়ের তুলনায় উহা বাড়িল । এই অর্থেই আয়ুর হ্রাস ও বৃদ্ধির কথা লোকে বলে । প্রকৃত পক্ষে আয়ুর হ্রাস ও বৃদ্ধি নাই । স্বামী জিজ্ঞাসা করিলেন, মার্কণ্ডেয় মুনির ৯৪ বৎসর আয়ু ছিল, তিনি চারি যুগ কাটিয়া গেলেন । ইহা কি করিয়া হইল ? নাগমহাশয় বলিলেন, ইহা অবধারিত ছিল, মার্কণ্ডেয় মুনির ১৪ বৎসর বয়সে বন তাঁহাকে নিতে আসিবেন । তখন মার্কণ্ডেয় মুনি শিবের শরণাপন্ন

হইবেন । যম চলিয়া যাইবেন । মুনি তপস্তা করিয়া চারিযুগ  
বাঁচিবেন । যাহারা বর্তমানদর্শী, তাহারা দেখিবে, মার্কণ্ডমুনির  
১৪ বৎসর আয়ুঃকাল ছিল । যমকে ফিরাইয়া তপস্তা করিয়া ৪যুগ  
অমর হইলেন । যাহারা দূরদর্শী, তাঁহারা বুঝিবেন, ১৪বৎসরের সময়  
যম আসিবেন, তিনি ফিরিয়া যাইবেন । মুনি তপস্তা করিবেন,  
চার যুগ অমর হইবেন ।

একদিন প্রাতঃকালে আমি নাগমহাশয়ের কাছে বসিয়া আছি ।  
৭।৮ জন রাখাল বালক কোথা হইতে দৌড়াইয়া আসিয়া, দূর হইতে  
তাঁহাকে দেখিয়া, জোড় হাত করিয়া প্রণাম করিল ও বলিল, ও  
ঠাকুর নমস্কার ! তাহাদের মুখ হাসিমাখা, নয়নকমল হইতে  
আনন্দ রাশি ছুটিয়া পড়িতেছে । তাহারা সে ভাবে দৌড়াইয়া  
আসিয়াছিল, সেই ভাবেই দৌড়াইয়া পলাইল । তাহাদের ভয়,  
নাগমহাশয় তাহাদিগকে প্রণাম করিলে তাহাদের অতিশয় প্রত্যাবার  
হইবে । তাহারা নমস্কার করিল এবং ছুটিয়া পলাইল । নাগমহাশয়  
তাহাদিগের কাজ দেখিয়া, অঁাখি কুঞ্চিত করিয়া হাসিতে লাগিলেন,  
হাত দুইটা তুলিয়া নিজ শির স্পর্শ করিলেন । তিনি তাহা  
করিবার অনেক পূর্বেই রাখাল বালকগণ কোথায় চলিয়া গিয়াছে ।  
তিনি হাসিতে থাকিলেন, তাঁহার সে মধুর হাসি হৃদয় স্পর্শ করিল  
এবং বিমল আনন্দে ডুবাইয়া দিল । অপর একদিন বৈকাল বেলা  
স্বামী সেই রাখাল বালকদিগকে নাগমহাশয়ের নিকট আসিয়া, ও  
ঠাকুর নমস্কার বলিয়া, নিজ নিজ কর কপালে লাগাইয়া দৌড়াইয়া  
যাইতে দেখিয়া ছিলেন । তাহারা বোধ হয় নাগমহাশয়ে বাড়ীর  
নিকট গরু চড়াইতে আসিলে, মধ্যে মধ্যে আসিয়া তাঁহাকে দেখিয়া  
নয়ন সার্থক করিত এবং উদ্দেশে তাঁহাকে প্রণাম করিয়া নিজ

জীবন পবিত্র করিত । তাহারা তীর বেগে ছুটিয়া আসিয়া মুহূর্তের তরে দাঁড়াইত এবং নাগমহাশয়কে প্রণাম করিয়া ক্রত বেগে চলিয়া যাইত ।

একবার স্বামী পঞ্চসার গিয়াছিলেন । আমার পিতা দেওভোগ গেলেন । নাগমহাশয় পিতা হইতে পূর্বপুরুষদের নাম লিখিয়া লইলেন, তিনি গয়া যাইবেন । পিতা বা ডীতে ফিরিয়া আসিয়া বলিলেন, ঠাকুরতাই গয়া যাইয়া জ্যেষ্ঠামহাশয়ের সপিণ্ডকরণ করিবেন । পূর্বপুরুষের নাম চাহিয়া ছিলেন, আমি তাহা দিয়া আসিলাম । তাহা শুনিয়া আমি বলিলাম, এখন ঠাকুরদাদা জীবিত নাই, তিনি কত দিনে যে দেশে ফিরিয়া আসিবেন, তাহা ঠিক নাই । আমি তাঁহাকে দেখিতে যাইব । পরদিন পিতা বলিলেন, কাচারিতে তাঁহার এক অতিশয় দরকারী মোকদ্দমা আছে, তিনি কোন মতেই যাইতে পারিবেন না । আমি স্বামীর সহিত দেওভোগ যাইতে চাহিলাম । স্বামী বলিলেন, তিনি কলেজ কামাই করিতে পারিবেন না । আমার মনে বড় কষ্ট হইল । আমি বলিলাম, আজ তুমি নিশ্চয়ই দেওভোগ যাইবে । আমাকে সঙ্গে নিতে চাও না কেন ? তিনি বলিলেন, আমাকে লইয়া গেলে, সেই দিনই আমাকে লইয়া ফিরিয়া আসিতে হইবে । রাত্রিতে নাগমহাশয়ের নিকট থাকিতে পারিবেন না এবং দুই দিন কলেজ কামাই করিতে পারিবেন না । এই অবস্থায় তিনি আমাকে লইয়া যাইতে রাজি নন । আমি বলিলাম, এত স্বার্থপর হইলে সংসারে চলে না । তুমি রাত্রে তথায় থাকিতে পারিবে না, আর আমি নাগমহাশয়কে একবারও দেখিতে পাইব না । তৎপর স্বামী আমাকে লইয়া যাইতে স্বীকার করিলেন । আমরা দেওভোগে গেলাম । নাগমহাশয় বড় ঘরের

বারান্দায় বসিয়াছিলেন । আমাদিগকে দেখিয়া, হাসিয়া হাসিয়া আমাদের নিকট এগিয়ে আসিলেন । আমি বারান্দায় উঠিয়া, তিনি যে স্থানে বসিয়াছিলেন, তথায় যাইয়া বসিলাম । আমি বসিলে পর তিনি স্নেহের সহিত স্বামীর দিকে তাকাইতে লাগিলেন । নাগ মহাশয় আমাকে বলিলেন, উহার গায় বড় ঘামাচি হইয়াছে । আমি কোন উত্তর না দিয়া তাঁহার পানে চাহিয়া বহিলাম । তিনি আবার বলিলেন, উহার গায় বড় ঘামাচি হইয়াছে । আমি মনে মনে বলিলাম, গরমের সময় ঘামাচি হইবেই । স্বামী অন্তরে চলিয়া যাইতেছেন, নাগমহাশয় তাঁহাকে ডাকিয়া বলিলেন, আপনার গায় অতিশয় ঘামাচি হইয়াছে । স্বামী হাসিতে লাগিলেন । নাগমহাশয় বলিলেন, উহাতে খেত চন্দন দিবেন । স্বামী নতশিরে তাহা স্বীকার করিলেন । নাগমহাশয় তাঁহাকে এত স্নেহ করিতেন । গ্রীষ্মের সময় গায় ঘামাচি হইলে, কে কাহার জন্ত এমন ভাবে দুঃখ প্রকাশ করে ? নাগমহাশয় যে শুধু দুঃখ প্রকাশ করিলেন, তাহা নয়, কিরূপে উহার প্রতীকার হইবে, তাহাও বলিলেন । জগতে কে এমন স্নেহ করিতে পারে ? স্ত্রী হইয়া বলিলাম, গরমের সময় ঘামাচি হইয়াই থাকে । আমার মনে একচুল লাগে নাই । এই জন্তই গিরিশ বাবু বলিয়াছিলেন, ভক্তের উপর নাগমহাশয়ের মাতৃবৎ স্নেহ । আমার বিশ্বাস তাঁহার স্নেহ মাতৃস্নেহকে পরাজয় করিয়াছে ।

নাগমহাশয় আবার বলিলেন, গরমের সময় ভিজা গামছা ধারা শরীর পুছিলে ঘামাচি হয় । স্বামী বলিলেন, আমি গরমে ঘামাইলে, ভিজা গামছা দিয়া গা পুছিয়া ফেলি, তাহাতে ঠাণ্ডা বোধ হয় । নাগমহাশয় বলিলেন, উহাতে সাময়িক ঠাণ্ডা হয় সত্য,

কিন্তু গরমশুরীরে হঠাৎ ঠাণ্ডা লাগিলে ঘামাচি অয়ে । নাগ-মহাশয়ের সেই স্নেহপূর্ণ উপদেশ মনে রাখিয়া, আজও তিনি ভিজা গামছা দ্বারা শরীরের ঘাম পুছেন না । বাজারের বেলা হইল । নাগমহাশয় বাজার করিতে উঠিলেন । নাগমহাশয় কোন স্থানে যাইতে হইলে, বাড়ীর লোকদিগকে বলিয়া যাইতেন । স্তুরাং আমরা দেওভোগে থাকিলে, তিনি আমাদেরিগকেও বলিয়া যাইতেন । তিনি বালকের মত আমাদের সামনে যাইয়া বলিতেন, আমি অমুক স্থান হইতে আসি । আমরা তাঁহার স্নেহ দেখিয়া, তাঁহার দিকে তাকাইয়া থাকিতাম । যতদূর দেখা যাইত নাগ-মহাশয়কে দেখিতাম । তিনি চক্ষের আড়ালে যাইলে, মনে হইত, তিনি কতক্ষণে আসিবেন । তিনি বাজারে গেলে, আমি ভাবিতে লাগিতাম, আমি না আসিলে, রাত্রিতে স্বামী তাঁহার কাছে সুখে থাকিতে পারিতেন । তিনি গয়া গেলে কত দিনে ফিরিয়া আসেন কে জানে ? নাগমহাশয় বাজার করিয়া আসিলেন । আমি কুটুনা কুটিয়া দিয়া, তাঁহার কাছে যাইয়া বসিতাম । রান্না হইল । স্বামীকে বড় ঘরে খাইতে দিতে বলিলেন । আমাকে ভাত দিতে দেখিয়া, নাগমহাশয় বলিলেন, ইহাকে নারায়ণ জ্ঞানে খাইতে দিবে । তিনি সামনে দাঁড়াইয়া খাওয়া দেখিতে লাগিলেন, যেন কোন ক্রটি না হয় । স্বামীর খাওয়ার সমস্ত জিনিষ দেওয়া হইলে, তিনি রান্না ঘরে খাইতে বসিলেন । নাগমহাশয় অতি অল্প ভাত খাইতেন । তিনি খাইতে বসিতেন ও উঠিতেন । সেই দিন নাগমহাশয় খাইয়া বিশ্রাম করিলেন না । আমাদের নিকট বসিয়া রহিলেন । স্বামী ও আমি তাঁহাকে ইচ্ছামত দেখিতে লাগিতাম । অল্প কোনও লোক ছিল না । ধ্যান করিতে হইলে, আরাধ্য দেবতাকেই



যেমন দেখিতে হয়, সেইরূপ আমরা সেই দিন নাগমহাশয়কে একাকী পাইয়া দেখিয়াছিলাম । এক নাগমহাশয়ই আছেন । অপর কেহ নাই । মহা আনন্দ অনুভব করিতে লাগিলাম । সন্ধ্যা হইয়া আসিতেছে । নৌকার মাঝি তাড়া দিতে লাগিল । নদীর অপর পার যাইতে হইবে । আর দেরি করা উচিত নয় । নাগমহাশয় তাহা শুনিতে পাইয়া স্নেহে আমাদের দিকে তাকাইলেন । স্বামী মাঝিকে বলিলেন, আর অল্পপরে যাইব । আমরা নাগমহাশয়ের নিকট বসিয়াছি, সময় যে চলিয়া যাইতেছে, তাহার খেয়াল নাই । মাঝি আবার আসিয়া রওনা হওয়ার কথা বলিল । স্বামী আমার দিকে চাহিয়া বলিলেন, যখন যাইতে হইবে, এখন রওনা হইলেই হয় । তাহা শুনিয়া নাগমহাশয় বলিলেন, ছাঁসের সহিত সব কাজ করা ভাল । ঠাকুর বলিতেন, মান ও ছাঁস, বাহাদের মান ছাঁস আছে, তাহারা মানুষ । চলিয়া আসিব তাবিয়া উভয়ে মনে কষ্ট পাইলাম । নাগমহাশয় গয়া যাইবেন, আবার কতদিনে তাঁহাকে দেখিব, জানা নাই । নাগমহাশয়ের মুখপদ্ম ঈষৎ মলিন হইল । ~~আমরা~~ চলিয়া আসিব বলিয়া উঠিলাম । নাগমহাশয় আমাদের সঙ্গে উঠিলেন । আমরা নাগমহাশয়কে নমস্কার করিয়া বাহির হইলাম । তিনিও আমাদের সঙ্গে আসিতে লাগিলেন । নৌকার কাছে আসিয়া আমার পিঠে হাত বুলাইয়া দাঁড়াইয়া রহিলেন । স্নেহে দুইটা চক্ষু ঢুলু ঢুলু করিতে লাগিল । যে পর্যন্ত নৌকা দেখা গেল, তিনি তাকাইয়া রহিলেন । ভগবন, তোমার এমন স্নেহ কি করিয়া ভুলিলাম ? পণ্ড পক্ষী তোমার স্নেহে পাগল হইল, তোমার অভাব অসহ্য হওয়ার তাহারা প্রাণ

দিতে চাইল, আর আমি মানুষ হইয়া, তোমাকে ভুলির সুখ  
অনুভব করিতেছি ? ২৭. ২. ৫৮

৭ একদিন আমি উঠিয়াছি ! ঘরের বাহিরে আসিয়া দেখিলাম,  
তখনও নাগমহাশয় উঠেন নাই । পাখীগুলি গাছের উপর বসিয়া,  
বাড়ীর দিকে তাকাইয়া ডাকিতেছে । তাহা দেখিয়া আমার মনে  
হইল, নাগমহাশয়কে দেখিবার জন্য যেন তাঁহাকে ডাকিয়া  
জাগাইতেছে । আমি মনের আনন্দে পাখি-কুল-কাকলি গুনিতে  
লাগিলাম । একটা পাখী দেখিয়া স্বামীর কথা মনে পড়িল । এক  
সময় স্বামী ও আমি সেই পাখীর রব গুনিয়া ছিলাম, কিন্তু পাখীকে  
দেখিতে পাইয়াছিলাম না । একটু অগ্রসর হইয়া পাখাটী কি  
রকম তাহা দেখিতেছি । অমনি অন্তর্ধামী নাগমহাশয় আমার  
অন্তর জানিয়া, হাসিতে হাসিতে আমার পিছনে ঘাইয়া দাড়াইলেন ।  
তাঁহার সেই সুধামাখা হাসি দেখিয়া আমার জ্ঞান হইল, এখন  
সত্যযুগ, ভগবান্কে স্মরণ করিতে হয় । পাখিগণ তাঁহাকে স্মরণ  
করিয়া ডাকিতেছে, আর আমি তাঁহা বাড়ীতে তাঁহার সাক্ষাতে  
কি করিতেছি ? লজ্জা পাইয়া সেই তাঁহার সহিত চলিয়া  
আসিলাম এবং তাঁহার শরণাপন্ন হইলাম । নাগমহাশয়কে  
দেখিয়া মনে হইল, যেন পিতা শিশু মেয়েকে শাসন করিলেন ।  
তাঁহার স্নেহপূর্ণ সয়ল হাসিমাখা মুখপদ্ম এখনও আমার হৃদয়ে  
জাগিতেছে । আমি যাহাকে ভুলিয়া পাখী দেখিতেছিলাম, তিনি  
হাসিতে হাসিতে আমার পশ্চাতে ছুটিয়া আসিয়া আমাকে কিরাইয়া  
লইয়া গেলেন । আমি ভগবান্কে ভুলিয়া অন্ত্যায় কাজ করিতে-  
ছিলাম, তিনি একচুল বিরক্ত কিম্বা বিদ্বেষ ভাব দেখাইলেন না ।  
আমি লজ্জিতা হইলেও তিনি আমারদিকে তাকাইয়া আনাইলেন,

তিনি বিরক্ত হন নাই, এখন আমার ভগবান্কে স্মরণ করা উচিত ।

আমি কোন কথা বলিতে পারিলাম না, কেবল তাঁহার অসীম দয়া স্মরণ করিয়া, তাঁহাকে দেখিতে লাগিলাম । তিনি পায়খানায় চলিয়া গেলেন । আমি ঘরেব বাবান্দাষ বসিয়া তাঁহাব আসিবার অপেক্ষা করিলাম । তিনি হাত-মুখ ধুইয়া আসিলেন এবং আমার নিকট বসিলেন । আমার মঙ্গলের জন্য হিতোপদেশ দিতে লাগিলেন । তিনি বলিলেন, মা, এসময় কেবল ভগবান্কে মনে রাখিতে হয় । তাঁহাব রূপায় একুল ওকুল হুকুল থাকে ।

১৫) জীব তাঁহাকে ভুলিয়া নানামত যজ্ঞা পায়, পুনঃ পুনঃ আসে আর যায়, ছিদ্রতের অবধি থাকে না । তাঁহাব রূপা হইলে, জীব আর যজ্ঞা পায় না । আমি বলিলাম, সকাল বেলা সত্যযুগ, সেই সময়ে ভগবানে মন রাখিয়া, সকল দিন কি করিব ? তিনি বলিলেন, তৎপর সংসারের কর্তব্য কাজ করিতে হয় । পথে পথে থাকিলে, আপনিই তাঁহার দয়া আসিয়া পড়ে । আগে ভগবান্ দেখিবে, পরে ভগবান্ বাহ্যিক দিয়াছেন, তাহাকে দেখ । তাঁহার অমিয় মাথা উপদেশ শুনিয়া, আমার মনে হইল, শুনিয়াছি মানব দেহ ধারণ করিলে, ভগবানের সময় সময় ভুল হয়, কিন্তু মুহূর্তের তবেও তাঁহার ভুল দেখিলাম না । আমি পথে দাঁড়াইয়া, স্বামীর কথা মনে করিয়া পাখী দেখিতেছিলাম, তখনই তিনি আমাকে ফিরাইয়া আনিলেন, পরে তাঁহার অসাক্ষাতে সংসারে কি করিব, তাহা বলিয়া দিলেন । এই কথা মনে হইলে নাগমহাশয় আমার দিকে তাকাইতে লাগিলেন । আমি মুগ্ধ হইয়া তাঁহার পানে চাহিয়া রহিলাম ।

কতক সময় পর নাগমহাশয় হাসিতে হাসিতে বলিলেন, খাটি সোনার গরণ চলে না । আমি মনে মনে বলিলাম, আপনায় মধ্যে কোন মায়ী নাই । এই যে দেখিতে পাই, আপনি সময় দুইটা খান, আমাকে স্নেহ করিয়া খাওয়াইতে চান, এই মায়ীটুকু লইয়া আসিয়াছেন, নচেৎ আপনার কাজে আর কোন মায়ী দেখিতে পাই না । আপনি নিশ্চিন্ত ব্রহ্ম । নাগমহাশয় আমার দিকে তাকাইয়া হাসিতে লাগিলেন । আমি আবার মনে মনে বলিলাম, ভগবানের স্মৃতি নাই, হৃৎপিণ্ড নাই, তাঁহার আবার খাওয়া কি ? না খাইলেই বা কি ? ঐ খাওয়াটুকু মায়ী । ইহা ভিন্ন আপনার আর কোন মায়ীর খেলা দেখিতে পাই না । আমরা তাঁহার সাক্ষাতে কিম্বা অসাক্ষাতে নাগমহাশয়ের পূর্ণ জ্ঞান দেখিতে পাইয়াছি ।

বাল্মিকিরামায়ণ পাঠ করিয়া স্বামী আমাকে বলিয়াছিলেন, রামচন্দ্র যে দুর্গা পূজা করিয়াছেন, তাহা বোধ হয় কৃত্তিবাস পণ্ডিতের কল্পনা । সত্য ঘটনা হইলে, উহা বাল্মিকি রামায়ণে পাওয়া যায় না কেন ? বাল্মিকি রামের অন্তিমবার পূর্বে রামের লীলা মানসপটে দেখিয়া ছিলেন । আমি বলিলাম, একদিন নাগমহাশয় তোমাদের গান শুনিয়া আমাকে বলিয়াছিলেন, ওভাবে ডাকিলে মা জাগেন না । যদি এই রমক ডাকিলে মা জাগিতেন, সংসারে অনেকেই মাকে জাগাইতে পারিত । রামচন্দ্র চক্ষুদান করিতে যাইয়া তাঁহাকে জাগাইয়া ছিলেন । রামকৃষ্ণদেব মাথা দিয়া তাঁহাকে জাগাইয়া ছিলেন । আত্মদান না করিলে, মুখের কথায় মা জাগেন না । স্বামী বলিলেন, ভগবান্ কোন বিষয় অমান্ত করেন না । রামের পূজা দেশাচার । সকলে রামের

দুর্গা পূজার কথা বলে, তাই তিনিও বলিয়াছেন । আমি বলিলাম, এই কথা সত্য না হইলে, তিনি তাহা বলিতে পারিতেন না । রামকৃষ্ণ দেখ কালাী পূজা করিতে বসিয়া মাঝে বলিলেন, মা, দেখা দে । মা দেখাদিতেছেন না, তিনি খজা লইয়া নিজের মাথা কাটিয়া অর্ঘ দিতে যাইতেছেন, এমন সময় মা তাঁহার হাত ধরিলেন । রামচন্দ্রও দুর্গাপূজা করিতে বসিয়া একটা পদ্য কম হইল দেখিয়া, ধনুতে বান সংযোজন করিয়া, নিজ কমল নয়ন উৎপাটিত করিয়া মায়ের চরণে অঞ্জলি দিবেন, দেবী তাঁহার হাত ধরিলেন । ইহা শুনিয়া স্বামী চূপ করিয়া রহিলেন ।

কতক দিন পর আমরা দেওভোগ গেলাম । আমি নাগ-মহাশয়কে জিজ্ঞাসা করিলাম, বাল্মিকীরামায়ণে রামের দুর্গাপূজা নাই কেন ? নাগমহাশয় বলিলেন, এক এক ভক্ত এক এক কথা লিখিয়াছেন । অঙ্গদ রামায়ণে রামের দুর্গাপূজার কথা লিখা আছে । আমরা মা কত খানা পুস্তক পড়িয়াছি, আমরা কি জানি ? নাগ-মহাশয়ের কথা শুনিয়া আমি বুঝিতে পারিলাম, স্বামী বাল্মিকী রামায়ণ পড়িয়া যে বলিয়াছিলেন, রামের পূজা দেশাচার, তাই তিনি বুঝাইয়া দিলেন, আমরা কতখানা পুস্তক পড়িয়াছি যে সমস্ত বিষয় জানিব । প্রকাশে তাঁহাকে কিছু বলিলাম না, মনে মনে বলিলাম, স্বামীবাটার এক ঘরের কোণে বসিয়া, আমরা যাহা বলিয়াছি, তাহা তুমি শুনিতে পাইয়াছ । তুমি সাক্ষীস্বরূপ হইয়া সকল দেখিতেছ । তিনি আমার দিকে চাহিয়া হাসিতে লাগিলেন । আমরা জীব, পদে পদে আমাদের ভুল । যিনি দয়া করিয়া এই ভাবে ভুল ধরাইয়া দেন, তিনি ভগবান্ ! স্বামীর সাথে দেখা হইলে, তাঁহাকে এই সকল কথা বলিলাম । তিনি অতিশয় সুখী হইয়া

আমাকে বলিলেন, আমার অহঙ্কার হইয়াছিল, আমি অনেক ধর্ম-শাস্ত্র পাঠ করিয়াছি । তিনি দয়া করিয়া বলিয়া দিলেন, কতখানি পুস্তক পড়িয়াছ যে এত অহঙ্কার হইল । তিনি ভগবান্ আর আমি জীব ।

একদিন আমি নাগমহাশয়ের সহিত তর্ক করিয়াছিলাম, তাহা মনে উঠিলে অতিশয় কষ্ট হয় । কোন একটা অসৎ লোককে মারিয়া দেশের লোক তথা হইতে তাড়াইয়া দিয়াছিল । সে মার খাইয়া আমাদের দেশে আসে । আমাকে দেখিয়াই নাগমহাশয় বলিলেন, সে অমুক দেশে গিয়াছিল, সকলে এক জুট হইয়া তাহাকে মারিয়া তাড়াইয়া দিয়াছে । আমার মতিভ্রম হইল । আমি বলিলাম, সে বলিয়াছে, সে সেই দেশ হইতে ভাল ভাবে চলিয়া আসিয়াছে । আমাদের দেশে গিয়াছিল শুনিয়া, তিনি আমার দিকে তাকাইয়া চুপ করিলেন । তাঁহার চক্ষুর দৃষ্টি দেখিয়া আমার ভ্রম দূর হইল । আমি নতশিরে স্বীয় দোষ স্বীকার করিলাম । তাঁহার কথার উপর আমার কথা বলা অশ্রায় হইয়াছিল । দয়াময় আমাকে জানাইলেন, তাহাতে আমার কোন দোষ নাই । আমি বুঝিতে পারিলাম, আমি জীব, জীবের কাজ করিলাম, তাঁহার ভুল ধরিলাম । তিনি শিব, শিবের কাজ করিলেন, আমার মূর্খতা বুঝিয়া দোষ ধরিলেন না । দয়াময়ের এত রূপা পাইয়াও তাঁহার ভ্রম দেখাইতে গিয়াছিলাম । কিহা আমার কোন দোষ নাই, ইহা জীবের প্রকৃতি । এমন জীবের অশ্রু তাঁহার নরদেহ ধারণ !

আমাদের অশ্রু নাগমহাশয় কত কষ্ট করিয়াছেন, তাহা মনে হইলে মরমে মরমে বুঝিতে পারি, আমি মহা স্মৃতিত জীব । তিনি

মহান্ বলিয়া আমাকে তাঁহার শ্রীচরণে স্থান দিয়াছিলেন । আমি একদিনের তরেও তাঁহার স্মৃথের দিকে তাকাই নাই, এক মুহূর্তের জ্ঞাও ভাবি নাই, তিনি একটু স্মৃথে থাকুন । একদিন তিনি বাজার করিয়া আসিয়াছেন । আমি মাছ তরকারি কাটিতে বসিলাম । নাগমহাশয় বারান্দায় শুইলেন । আমি তরকারি কাটিতে কাটিতে তাঁহার দিকে চাহিয়াছিলাম । তিনি আমাকে বলিলেন, দেখিও হাত ঘেন কাটা যায় না । আমি বলিলাম, হাত কাটিব না । অমনি দয়াল প্রভু উঠিয়া আসিয়া আমার নিকটে বসিলেন । যতক্ষণ আমি কাজ করিলাম, তিনি রান্না ঘরের সামনে মাটিতে বসিয়া রহিলেন । আমার কাজ শেষ হইলে বড় ঘরের বারান্দায় বিছানায় বসিলেন । আমিও তাঁহার কাছে বসিয়া বসিলাম । তিনি হাসিমুখে কত অমিয়মাথা কথা বলিতে লাগিলেন । এখন মনে হয়, যখন তিনি শুইয়াছিলেন, তাঁহার নিশ্চয় শূলের ব্যথা হইয়াছিল, কারণ বাজারে যাওয়ার অল্প আগে অনেক-বার বলিয়াছিলেন, বলিবার বেলা ধর্ম্মকথা, ভুগিবার বেলা শূলের ব্যথা । মানব দেহ ধারণ করিয়াছিলেন সত্য, একেবারেই দেহের ভোগ ছিল না । শূলের ব্যথা লইয়াও হাসিমুখে আমার সামনে মাটিতে বসিয়াছিলেন । আমি তাঁহাকে দেখিয়া স্মৃথী, তিনি আমার কাছে বসিয়া আমাকে স্মৃথী করিলেন । শূলের ব্যথা-জনিত নিজের দুঃখ দেখিলেন না ।

এক সপ্তমী পূজার রাত্রিতে স্বামী ও আমি দেওভোগ গিয়াছিলাম । আমাদিগকে দেখিয়া, নাগমহাশয় স্মৃথী হইয়া, আমাদের নিকট দাঁড়াইলেন । স্বামী তাঁহাকে নমস্কার করিলেন । আমি নমস্কার করিয়া তাঁহাকে দেখিতে লাগিলাম । আমাকে

এইভাবে দাঁড়াইতে দেখিয়া, স্বামী দক্ষিণের ঘরে গেলেন । যেখানে অল্প স্ত্রীলোক ছিল, সেইস্থানে বসিবার সুবিধা ছিল না । পূজার বাড়ী । অনেক লোক হইয়াছে । কতটুকু সময় আমার কাছে দাঁড়াইয়া, নাগমহাশয় হাসিতে হাসিতে বলিলেন, মা, আমি দক্ষিণের ঘরে গইয়া শুই । আমি বলিলাম, আচ্ছা, আপনি শুইয়াছিলেন, আমাদিগকে দেখিয়া উঠিয়াছেন । অনেক রাত্র হইয়াছে । নাগমহাশয় হাসিতে হাসিতে চলিয়া গেলেন । আমি বড় ঘরে ঘাইয়া বসিয়াছি, মাঠাকুরাণী আমাকে দেখিয়াই বলিতে লাগিলেন, মানুষ তাঁহাকে কত কষ্টই দিতেছে । মানুষের জালায় সময় মত ধাইতে পারেন না, সময় মত শুইতে পারেন না, ইহা শুনিয়া, আমার মনে বড় কষ্ট হইল । মনে হইল, আমি তাঁহার পর, তাই আমাদের অল্প তাঁহার এত কষ্ট । ঘর হইতে বাহির হইয়া আসিলাম । তখন নাগমহাশয় স্বামীর সাথে কথা বলিতেছেন । আমি মনের আবেগে নাগমহাশয়ের কাছে চলিয়া গেলাম ।

আমাকে তাঁহার নিকটে দেখিয়া, নাগমহাশয় বলিলেন, এত রাত্রিতে এখানে কেন, মা ? অসুখ্যামী নাগমহাশয় স্নেহের সহিত এমন ভাবে তাকাইলেন, মনের কথা মুখে না বলিয়া পারিলাম না । তাহা শুনিয়া, তিনি বালকের মত বলিয়া উঠিলেন, মা, ধর্ম সাক্ষী, যদি আমি তোমাদিগকে পর ভাবি । তোমাদের ভালর জন্তই আমি । তাঁহাকে ধর্ম সাক্ষী করিতে দেখিয়া, আমি মনে বড় কষ্ট পাইলাম । আমি বলিলাম, আপনি কেন ধর্ম সাক্ষী করিলেন ? আপনা হইতে কি ধর্ম অধিক আপনার মুখের কথা বেদবাক্য । তখন



অস্বর্থাঙ্গী নাগমহাশয় বলিলেন, তোমাকে আপন ভাবিয়া আসিয়াছি । আমি বুদ্ধিতে পারিলাম, অনেক রাত্রি হইয়াছে, তাই তিনি আমাকে বিছানা ছাড়িয়া দিয়া এখানে আসিয়া বসিয়া রহিয়াছেন । হা কর্ম, যিনি এত স্নেহ করিয়াছেন, তাঁহাকে পর ভাবিলাম ! আর তিনি করিলেন কি ? মহা আপন বলিয়া ধর্ম সাক্ষী করিলেন । অথচ তিনি আমাকে শপথ করিতে বারণ করিয়াছেন । এখন সেই কর্ম ভুগিতেছি । মা ঠাকুরাণী বলিয়াছেন, তিনি সাক্ষাতে আমার প্রশংসা করেন, অসাক্ষাতে নিন্দা করেন । যদি তাঁহার এই কথার বিষয় তাঁহাকে জিজ্ঞাসা করিতাম, আমি জানি না, তিনি আর কি শপথ করিতেন । নাগমহাশয়কে এই বিষয় জিজ্ঞাসা না করিয়া ভালই করিয়াছি, উহা কেবল তাঁহার দয়া ।

নাগমহাশয়েব অসীম দয়া হেতুই আমাব ভুল হইয়াছে, নচেৎ এক এক দিন আমার মনে বড় কষ্ট হইয়াছে । তখন আমি সময়ের অপেক্ষায় রহিয়াছি, কতক্ষণে তাঁহাকে পাইয়া জিজ্ঞাসা করিব, আপনি কি অসাক্ষাতে আমার নিন্দা করেন ? কিন্তু দয়াময়ের এমনই দয়া, তাঁহার অমিয়মাথা মুখপদ্ম, স্নেহ উদ্বেলিত হাসি ও হৃদয়ের তাপহারক দৃষ্টি সমস্ত ভুলাইয়া দিয়াছে । শাস্তিময়কে দেখিয়া অশাস্তি পালাইয়া গিয়াছে । নাগমহাশয়কে বাজার হইতে আসিতে দেখিয়া, আমি এগিয়ে গিয়াছি । তিনি আমাকে দেখিতে পাইয়া, স্নেহপূর্ণ দৃষ্টিতে তাকাইয়া, হাসিতে হাসিতে বাড়ীতে আসিতেন, সেই স্নেহমূর্তি এখনও আমার চক্ষে ভাসিতেছে । এখন মনে করি, যদি সেই রাত্রেই ঘটনা দিবসে হইত এবং সেই সময় তিনি বাজারে থাকিতেন, তাহা হইলে স্বর

হইতে বাহির হইয়া তাঁহাকে দেখিতে পাইতাম না । তাঁহাকে না দেখিলেই মনে হইত, তিনি কোথায় গিয়াছেন ? কখন আসিবেন ? ইহা ভাবিতে ভাবিতে পথে দাঁড়াইতাম, শান্তিময়ের রূপ হৃদয় জুড়িয়া বসিত । শান্তিময়কে দেখিলে হৃদয়ের জালা একবারেই দূর হইয়া যাইত । তাহা হইলে আমিও তাঁহাকে কোন কথা জিজ্ঞাসা করিতাম না, তিনিও ধর্ম্ম সাক্ষী করিয়া শপথ করিতেন না । আমার যেমন কর্ম্ম, তেমন ফল । আমি নিকৃষ্ট জীব ; তিনি এত স্নেহ করিতেন, তাঁহাকে পর বলিয়া জিজ্ঞাসা করিতে হৃদয়ে একটু বাঞ্জিল না । ধিক্ এই হৃদয়ে !

কেহ নাগমহাশয়ের পর ছিল না । একবার বর্ষার সময় নাগ-মহাশয় ও মা ঠাকুরাণী বাড়ীতে আছেন । কোন অতিথি নাই । বাড়ীতে জল উঠিয়াছে । তাঁহার ঘরের পিছনে বাঁশের ঝোপ ছিল । বাঁশের ডগা চালা ভেদ করিয়া তাঁহার ঘরের ভিতরে গিয়াছে । জলে মাঠ পথ সমস্ত ডুবাইয়া ফেলায় সাপ বাঁশগাছ অবলম্বন করিয়াছিল, তাহারাও ঘরে যাইত । এক রাত্রিতে তাঁহারা শুইয়া আছেন ; এক সাপ মশারির উপর পড়িয়া ঘুড়িতেছে । তাহা দেখিয়া মাঠাকুরাণীর প্রাণ আতঙ্কে উড়িয়া গেল । নাগমহাশয় বলিলেন, কোন ভয় নাই । অগতে কাহার অনিষ্ট না করিলে, অনিষ্ট হয় না । মাঠাকুরাণী ভয়ে বিহ্বলা হইয়া বলিলেন, কি সর্বনাশ ! উপরে সাপ খেলিবে, আমরা নীচে শুইয়া থাকিব ! তাহা হইতে পারে না । আমি এই মশারির মধ্যে শুইতে পারিব না, আপনাকেও শুইতে দিব না । কতদিন বলিয়াছি, বাঁশগুলি কাটাইয়া ফেলুন । তাহা কাটা হইলে, সাপের এত ভয় থাকিত না । নাগমহাশয় বলিলেন, ভগবানের নিকট তুমিও যেমন,

বাঁশও তেমন । কাহার সুখের জন্য কাহাকে কষ্ট দিব ? কোন জয় নাই, তুমি শুইয়া থাক । মাঠাকুরাণী বলিলেন, মশারি ছোট, আমরা দুইজন শুইয়াছি । পাশ ফিরিব, অমনি সাপ রাগিয়া কামড়াইয়া দিবে । তাঁহার ভয় দেখিয়া, নাগমহাশয় তাঁহার জন্য ভিন্ন বিছানা করিয়া দিলেন ; মশারি বিছানার নীচে গুজিয়া রাখিলেন । তিনি বলিলেন, ঘরে সাপ ত আছেই, ইহাকে দেখিয়াছ, তাই এত ভয় । আমার জন্য কোন চিন্তা করিও না । আজ সাপ আমার মশারি ছাড়িবে না । তুমি ত অন্য বিছানায় শুইলে । আমি যেভাবে মশারি গুজিয়া দিয়াছি, সেইভাবেই রাখিও । মাঠাকুরাণী অন্য বিছানায় যাওয়া মাত্র সাপ মশারির উপর বেগে ঘুরিতে লাগিল । তিনি মাঠাকুরাণীকে বলিলেন, তুমি ভয় করিও না । সময়ে ও আপনিই চলিয়া যাইবে । সাপকে আপন ভাবিয়া, মশারির উপর সাপ রাখিয়া, নাগমহাশয় নির্বিঘ্নে শুইয়া রহিলেন । সাপও তাঁহাকে মহা আপন ভাবিয়া, তাঁহার সঙ্গে রাত্রি যাপন করিল । মানুষের ভয়ে সাপ পলাইয়া যায়, কিন্তু এই সাপটী কোথায়ও গেল না, ঘুরিয়া ঘুরিয়া মশারির উপর রহিল ।

মাঠাকুরাণী আমার নিকট এই ঘটনা বলিয়াছেন । ইহা শুনিয়া, আশ্চর্য্যান্বিতা হইয়া, আমি নাগমহাশয়ের নিকটে বাইয়া, তাঁহাকে দেখিতে লাগিলাম এবং মনে মনে বলিতে লাগিলাম, কি করিয়া সাপ লইয়া শুইয়াছিলে ? তিনি আমার দিকে তাকাইয়া বলিলেন, কাহার অনিষ্ট না করিলে, কেহ অনিষ্ট করে না । আমি মনে মনে বলিলাম, ইহা ভগবানে সম্ভবে । জীবের কি সাধ্য সে কাহারও অনিষ্ট করিবে না । তিনি আমার

দিকে তাকাইয়া বলিলেন, সেইজন্মই সর্বদা হুঁষ করিয়া চলিবে । তাঁহার স্নেহমাথা কথা শুনিয়া, আমার মনে হইল, ও সাপ তাঁহার সাথে রাত্রি ষাপন করিবে, তাহাকে দেখিয়া সুখী হইয়া, তাঁহার মশারির উপর থাকিবে, তাই তিনি সাপের মনোবাঞ্ছা পূর্ণ করিলেন । মাঠাকুরাণীর কষ্ট বা ভয় দেখিয়া, নাগমহাশয় তাঁহার বিছানা করিয়া দিয়াছিলেন, যেন তাঁহার কোন যজ্ঞনা না হয় । মাঠাকুরাণী যে বলেন, সংসারে সকলের ব্যবস্থা আছে, নাগমহাশয়ের কাছে তাঁহার কিছুই নাই, ইহা শুধু মতিভ্রম । আমার কৰ্ম্ম এমনই মন্দ, যদি মাঠাকুরাণী তাঁহার বিষয়ে কোন কথা বলিতেন, তাহা তাঁহার নিন্দা বই আর কিছু ছিল না । যিনি বিষধর পর্য্যন্ত ভালবাসেন, তিনি মাঠাকুরাণীর সাথে কেন ভাল ব্যবহার করিবেন না, তাহা বুঝিতে পারি না । মাঠাকুরাণীর কথা শুনিয়া সেইদিন আমারও মতিভ্রম হইয়াছিল । আমার মনে হইয়াছিল, বিছানায় সাপ রাখিয়া শোয়ার কি দরকার ছিল ? তাঁহার আদেশ অনুসারে সাপ স্বস্থানে চলিয়া যায় । তিনি মাঠাকুরাণীর সাথে এইরূপ করেন কেন ? মনে কি একভাব হইল, অমনি আমি নাগমহাশয়ের নিকট বাইয়া, কেবল তাঁহাকে দেখিতে লাগিলাম এবং মনের কথা বলিলাম । দয়াময় দয়া করিয়া সকল কথা বুঝাইয়া দিলেন ।

জ্যৈষ্ঠ মাস । একদিন নাগমহাশয় বাজারে গিয়াছেন । মাঠাকুরাণী সন্ধ্যা করিতে বসিয়াছেন । সমস্ত বাতাসে করেকটা পাকা আম পড়িল । আমি আমগুলি কুড়াইয়া আনিলাম । নাগ মহাশয় বাড়ীতে আসিয়াছেন । আবার দুইটা আম পড়িল ।

আমি কুড়াইতে চলিলাম । আম হুইটা নিয়া বাড়ীতে আসিয়াছি । একটা বৌ কতকদূর আসিয়া ফিরিয়া গেল । নাগমহাশয় আমার দিকে তাকাইয়া হাসিতে হাসিতে বলিলেন, মা, ভগবান্ সকলকেই স্নমিষ্ট আম খাইতে দিয়াছেন । তুমি সব আম কুড়াইয়া আনিয়াছ । অন্তদিন উহারা আম কুড়াইয়া নেয়, আজ তাহা নিতে আসিয়া ফিরিয়া গেল । তাঁহার সে স্নেহমাথা কথা শুনিয়া, তাঁহার দিকে তাকাইয়া, তাঁহার রূপ দেখিয়া আমার মনে হইল, ইনি সাক্ষাৎ ভগবান্ । ইনি সকলের সমান । ইহার জিনিষের উপর সকলের সমান অধিকার । তাই তিনি দয়া করিয়া, আমাকে পরিচয় দিয়া বলিয়া দিলেন, মা, ভগবান্ সকলকেই মিষ্ট ফল খাইতে দিতেছেন । তাহার এমন মহিমা, তাঁহার সাক্ষাতে জীবের সামান্য হিংসা বা ঘেঁষ থাকিতে পারিত না । আমার মনে হইয়াছিল, নাগমহাশয় কিছু বলেন না । মাঠাকুরাণী সন্ধ্যা করিতে বসেন, উহারা আমগুলি নিয়া যায় । নাগমহাশয় এক কথায় হৃদয়ের ঘেঁষ ভাব দূর করিয়া দিলেন । মাঠাকুরাণী সন্ধ্যা করিয়া উঠিয়া বলিলেন, আজ মেয়ে আম আনিয়াছে, তিনি বিশেষ কিছু বলিলেন না । পাকা আম ত পারিবেনই না । যদি আম পাকিয়া পড়িয়া যায় এবং আমি আনিতে যাই, তিনি বলেন, এই বাড়ীর জিনিষ তুমি যে ভাবে খাইবে, অন্তেও সেই ভাবে খাইবে । মনে এই রূপ অহঙ্কার করিও না, তোমাকে একটা ফুল দিয়া শুদ্ধ করিয়া নিয়াছি বলিয়া তুমিই আমার সর্বস্ব, অন্ত কেহ নয় । এবাড়ী তোমার ঘেঁষন, অন্তেরও তেমন । মা ঠাকুরাণীর কথা শুনিয়া, আমি মনে মনে বলিলাম, তিনি আমাকেও শাসন করিয়াছেন । মা ঠাকুরাণীর কাল মুখ দেখিয়া কোন কথা বলিতে সাহস হইল না ।

জীবের কি স্রব্ধের সময় গিয়াছে ? গাছ কষ্ট পাইবে বলিয়া, নাগমহাশয় কাহাকে আম পারিতে দিতেন না । আম ঝড়িয়া পড়িত, যাহার ইচ্ছা কুড়াইয়া নিত । পায়ের নীচে প্রাণী মারা যাইবে বলিয়া নাগমহাশয় অতি সন্তর্পণে আস্তে আস্তে পা ফেলিয়া পথ চলিতেন ।

জীবের প্রতি নাগমহাশয়ের অতিশয় স্নেহ ছিল । একদিন নাগমহাশয় ও আমি পথে দাঁড়াইয়া আছি । নাগমহাশয় স্নেহে তাকাইয়া হাসিতে হাসিতে আমাকে জিজ্ঞাসা করিতেছেন, অসাক্ষাতে তাঁহাকে কেমন দেখি । আমি তাঁহার স্নেহে আত্মহারা হইয়া, নাগমহাশয়কে ধরিতে তাঁহার সামনে যাইতেছি, হঠাৎ তিনি মলিনমুখে বলিলেন, ওকি করিতেছ ? ওকি করিতেছ ? আমি কিছুই বুঝিতে পারি নাই । অমল মুখপদ্ম মলিন দেখিয়া, আমি তাঁহার দিকে তাকাইয়া রহিলাম । তিনি আমাকে ওভাবে তাকাইতে দেখিয়া অঙ্গুলি দ্বারা পিপিলিকা দেখাইয়া বলিলেন, পায়ের নীচে পিপিলিকা পড়িয়াছে । আমি একটু সরিয়া গেলাম । নাগমহাশয় স্নেহের সহিত তাহাদিগকে পথ দেখাইয়া আমাকে বলিলেন, ঐ দেখ, উহারা ভয়ে পথ ফেলিয়া চারিদিকে চলিয়া যাইতেছে । তৎপর তিনি পিপিলিকার দিকে তাকাইয়া বলিলেন, আর ভয় নাই । তাহাদিগকে অভয় দিয়া, আমার সামনে আসিলেন ।

একবার আমি ছুর্গা পূজার সময় যজ্ঞের বেল পাতা বাছিতে যাইয়া, এক পোকায় বাসা ভাঙ্গিয়া, পোকা ফেলিয়া দিয়া, যজ্ঞের অন্ত সেই পাতা রাখিব মনে করিয়া নাগমহাশয়কে দেখাইলাম । একটু দাগ আছে, এই পাতা যজ্ঞে লাগিবে কি না, তাহা তাঁহাকে

জিজ্ঞাসা করিলাম। তিনি মলিন মুখে বলিলেন, তুমি যাও, আমি আসিতেছি। তিনি ত সকল কথাই জানেন। কিরকম বেলপাতা বাছিতে হয়, তাহা দেখাইতে যাইয়া বলিলেন, পোকাকার বাসা ভাঙ্গিও না। পোকে কাটাপাতা যজ্ঞে লাগে না। পোকাগুলি যে ভাবে আছে, সেই ভাবেই থাকুক। আমাকে কয়েকটা ভাল পাতা দিয়া, একটি পোকে কাটা পাতার দিকে তাকাইয়া স্নেহের সহিত তাহা সরাই রাখিলেন এবং আমাকে বলিলেন, উহা ঐদিকে থাকুক। কতটুকু সময় পোকাকার পানে চাহিয়া রহিলেন। তাহা দেখিয়া আমার মনে হইল, তিনি পোকা-দিগকে শাস্তনা করিতেছেন। পোকাকার উপর নাগমহাশয়ের দয়া দেখিয়া, আমি বুঝিতে পারিলাম, পোকাকার বাসা ভাঙ্গার তাঁহার এমন হাসিমাখা মুখ মলিন হইয়াছিল। তখন আমি মনে মনে নাগমহাশয়কে বলিলাম, বাবা, আমি না জানিয়া তোমার জীবকে কষ্ট দিয়াছি। আমার দোষ ক্ষমা কর। জীব কি জীবের প্রতি ভালবাসা প্রদর্শন করিতে পারে? নাগমহাশয় আমার দিকে এমন ভাবে তাকাইলেন, আমার মনে হইল, তিনি আমার দোষ গ্রহণ করেন নাই।

একদিন নারায়ণগঞ্জ হইতে এক সাহেব শিকার করিতে দেওভোগ যায়। প্রাণঘাতী সাহেবকে দেখিয়া ওয়াক (একরকম পাখী) চীৎকার করিয়া উঠিল। তাহা শুনিয়া নাগমহাশয় জাহাঙ্গীরের প্রতি স্নেহে বশীভূত হইয়া ঘরের বাহির হইলেন। বাড়ীর বাহিরে যাইয়া সেই সাহেবকে দেখিয়া বলিলেন, আপনি আমাদের বাড়ীতে ওয়াক মারিবেন না। সাহেব পাশের ঠাতে যাইয়া এক ওয়াক গুলিবিদ্ধ করিল। ওয়াকের কান্না

শুনিয়া, নাগমহাশয় সেই বাড়ী খাইয়া স্নেহের সহিত ওয়াকেব নিকট দাঁড়াইলেন । ওয়াক নাগমহাশয়ের পানে চাহিয়া চক্ষের জল ফেলিতে লাগিল । তিনি ওয়াকের কষ্ট দেখিয়া, ক্রোধে অধেষ্টা হইয়া ষাতককে বলিলেন, আমি আপনাকে ওয়াক মারিতে বারণ করিলাম, তথাপি আপনি তাহা শুনিলেন না, ওয়াক মারিলেন । সাহেব বলিল, আমি আপনার বাড়ীতে গুলি কবি নাহ । নাগমহাশয় বলিলেন, আপনি জানেন, এ রাজ্য আমার । তাঁহার মূর্তি দেখিয়া, ষাতক তাঁহার সম্মুখে বন্দুক নাথিয়া বলিল, আমি আব এই কাজ করিব না । নাগমহাশয় ওয়াকের দিকে একদৃষ্টিতে তাকাইয়া রহিলেন । তাঁহাকে দেখিতে দেখিতে ওয়াকের প্রাণ বাহির হইল । নাগমহাশয়ের স্নেহ দেখিয়া ষাতকের জ্ঞান হইল । ধন্য নাগমহাশয় ! ধন্য তাহার স্নেহ !! যাহা ব্যাধের হৃদয়েও জ্ঞান জন্মায় ।

একদিন আমার পিতা দেওভোগ গিয়াছেন । মাঠাকুরাণী তাহাকে বলিলেন, আজ আপনাদের সাধু কি এক কাজ করিলেন, শুনিয়াছেন কি ? এই গ্রামের একজন অবস্থাপন্ন লোককে তাহার বাড়ীতে বসিয়া, তাহার জুতা ধারা মারিয়াছেন । তাহা শুনিয়া, পিতা আশ্চর্যস্থিত হইয়া বিজ্ঞাসা করিলেন, ঠাকুরভাইয়ের এমন ক্রোধ জন্মিল কেন ? কখনও তাহার এমন রাগ দেখি নাই । মাঠাকুরাণী বলিলেন, সেই লোকটা পরমহংসদেবের নিন্দা করিয়াছিল বলিয়া তিনি ধৈর্য্য ধরিতে পারিলেন না । তিনি তাহাকে অনেক মানা করিয়াছিলেন । যখন দেখিলেন সে উত্তরোকর বাড়িয়া যাইতেছে, তাহার পারের জুতা লইয়া তাহাকে মারিলেন । তাহা না করিলেও চলিত । যখন তাঁহার অসহ্য হইয়াছিল, গিয়া



আসিলেই হইত । এখন তাহারা দল বাধিয়াছে, তাঁহাকে মারিবে । তাহারা বলিতেছে, যাহার বাড়ী, যাহার জুতা, তাহাকে মারিয়া চলিয়া গেল, এ কেমন সাধু ? তাহার এত স্পর্ধা হইয়াছে ? উহাকে যেখানে পাঠিব, সেই স্থানেই মারিব । ঠাকুর ( খশুর ) ভয় পাইয়াছেন । তিনি বলেন, ও তোমাকে মারিয়াছে, তুমি নালিশ কর, দোষী মান্যস্ত হইলে, আপনিই শান্তি পাইবে । তোমরা দল বাধিয়া একজনকে মারিবে, ঠাণ্ডা কি রকম কাজ ? পুত্রকে বলিলেন, তুমি কলিকাতা চলিয়া যাও । পুত্র বলিলেন, আপনি কোন ভয় করিবেন না । কেহ আমাকে মারিতে পারিবে না ।

ঠাকুরদাদা সশক্তি হইয়া বহিলেন । নাগমহাশয় একাকী বাজারে যাইতে লাগিলেন । নাগমহাশয়ের এমনই মহিমা, তাঁহাকে মারা দূরে থাকুক, কেহ একটা কথাও তাঁহাকে বলিল না । সে মার খাইয়াছিল, সে নিজের দোষ বুঝিতে পারিয়া, নাগমহাশয়ের নিকট আসিলেন এবং ক্ষমা চাহিলেন ।

একদিন আমি স্বামীকে হাসিতে হাসিতে বলিয়াছিলাম, দেওভোগ ত বেশ যাইতে পার, এখানে আসিলে পড়ার ক্ষতি হয় । স্বামী বলিলেন, যত নাগমহাশয়কে দেখিব, ততই লাভ । অতঃপর দেওভোগ যাইয়া নাগমহাশয়ের নিকট বসিয়া আছি, তিনি হাসিতে হাসিতে আমাকে বলিলেন. পার্বতী এখানে আসিয়াছিল । প্রথমতঃ আমি তাহা বুঝিতে পারিলাম না, সরল ভাবে জিজ্ঞাসা করিলাম, তিনি কবে আসিয়াছিলেন ? তিনি এমন ভাবে হাসিতে হাসিতে আমার দিকে তাকাইয়া বলিলেন, অল্প দিন হইল, ইহাতে আমার তাঁহার কথার অর্থ বুঝিতে বাকি রহিল না ।

লজ্জায় মাথা ঝেঁট করিলাম । তিনি আমার কথা লইয়া, আদর করিয়া আমাকে জ্বক করিলেন । আমি মনে মনে বলিলাম, আপনি সাক্ষীস্বরূপ সব দেখিতেছেন, সকল শুনিতেছেন । জীব আপনাকে ভুলিয়া, মোহে মুগ্ধ হইয়া থাকে, সে আপনাকে না দেখিলে, কাহাকে দেখিবে ? তিনি আমার দিকে তাকাইয়া হাসিতে লাগিলেন ।

একবার জগদ্ধাত্রীপূজার সময় নাগমহাশয় দাঁড়াইয়া আছেন । আমি তাহার সহিত কথা বলিতেছি । এমন সময় দেখিলাম, তিনটা ৫।৬ বৎসরের শিশু প্রতিমা দেখিতে আসিতেছে । নাগমহাশয়কে দেখিতে পাইয়া, তাহার হাসিতে হাসিতে তাঁহার নিকট আসিল । নাগমহাশয় অগ্রসর হইয়া যাহান মা ধারা গিয়াছে, তাহাকে কোলে নিলেন । অন্য দুইটির সঙ্গে এমনভাবে কথা বলিতে লাগিলেন, তাহাদের মনে কোন কষ্ট হইল না । তাহারাই হাঁটিয়া গেল, তাহাদিগকেও কোলের ছেলেটির মত সুখী দেখা গেল—তিনটা সমান আনন্দ অনুভব করিল । নাগমহাশয়ের স্নেহ-দৃষ্টিতে এবং তাঁহার অমিয়মাথা হাসিতে ভুলিয়া যাহারা হাঁটিতেছিল, তাহারাই কোলের ছেলের মত সুখ অনুভব করিল ।

আমার পিতার বাড়ীতে অনেক কাল যাবত দুর্গা পূজা হয় । ১০৮ বেলপাতা লইয়া যজ্ঞ আরম্ভ হয় । প্রতিবৎসর ৫ পাতা বাড়াইয়া ১০০০ বেলপাতা হইলে, এক বার যজ্ঞ পূর্ণাঙ্কতি হয় । এখন আমার ঠাকুরদাদা ছেলে মানুষ ছিলেন, সেই সময় একবার যজ্ঞ পূরণ হইয়াছিল । আমার ঠাকুরদাদা শুনিয়াছিলেন, তাঁহার তিন পুরুষ পূর্বে আর একবার যজ্ঞ পূরণ হইয়াছিল । একদিন নাগমহাশয় স্বামীকে বলিলেন, রাজকুমারদের বাড়ীর পূজা অনেক

কাল দাবত হইতেছে । তাঁহারা দুই জন বেলপাতার হিসাব ধরিয়া মীমাংসায় আসিলেন, মহাপ্রভু জন্মিবার অনেক পূর্ব হইতে এই পূজা হইতেছে । ইহার বাহিরে যাইতে পারিলেন না, কারণ বেলপাতার হিসাব আর পাওয়া গেল নী । তিনি এই প্রতিমাকে চৌদ্দ পুরুষের মা বলিতেন । নাগমহাশয় একবাব ঠাকুরদাদাকে চৌদ্দপুরুষের মাকে দেখিতে পাঠাইলেন । ঠাকুর দাদা মহাসুখে পঞ্চমার আসিলেন ।

একদিন নাগমহাশয় রাবণের কথা বলিতে বলিতে অনেক হাসিলেন । তিনি বলিলেন, রাবণ দেবকণ্ঠা, নাগকণ্ঠাও নিল, অবশেষে স্বয়ং লক্ষ্মীকেও বাড়ীতে রাখিল । একদিন তাহার এক মন্ত্রি রাবণকে বুঝাইল, আপনি সীতাকে বেশ আনিতে এত চেষ্টা করিতেছেন কেন ? রামরূপ ধরিয়া তাহার কাছে গেলেইত হয় । অমনি রাবণ বলিল, যখন আমি রামরূপ চিন্তাকরি, তুচ্ছঃ ব্রহ্মপদং পরবধুসঙ্গঃ কুন্তঃ, ব্রহ্মপদ তুচ্ছ বলিয়া মনে হয়, পর বধ সঙ্গের আর কত সুখ হইবে ।

নাগমহাশয় মনের কথা জানিতে পারিতেন । তিনি সাক্ষাতে কিহা দূরের জিনিষ দেখিতে পাইতেন । যিনি মনে বসিয়া মন দেখিতে পারেন, তিনি দূরের সমস্ত জিনিষের কথা বলিবেন, ইহা আর অশ্চর্য্যের বিষয় কি ! তিনি যে মনের কথা জানিতেন, তাহার সাক্ষ্য গিরিশবাবু দিয়াছেন । একদিন গিরিশবাবু নাগমহাশয়কে তাঁহার বাড়ীতে খাইতে বলিয়াছিলেন । গিরিশবাবু ও নাগমহাশয় এক ঘরে খাইতে বসিলেন । তাঁহারা খাইতে আরম্ভ করিয়াছেন পর গিরিশবাবু তাঁহার পাতে কই মাছের বড় ডিম পাইলেন । তাহা দেখিয়া গিরিশবাবুর মনে হইল, এই

ডিম কোন মতে নাগমহাশয়কে খাওয়াইতে পারিলে কেমন সুখ হইত । এই কথা মনে হওয়া মাত্র, নাগমহাশয় বলিলেন, দিন্, প্রসাদ দিন্ । গিরিশবাবু অমনি জয় রামকৃষ্ণ বলিয়া নাগমহাশয়ের হাতে ডিম তুলিয়া দিলেন । নাগমহাশয় বলিলেন, বড় কৌশল করিয়াছেন, বড় কৌশল করিয়াছেন । তিনি ডিম খাইলেন । গিরিশবাবু অত্যন্ত সুখী হইলেন । গিরিশবাবু এই ঘটনা শরৎ-বাবুর নিকট বলিয়া কত হাসিয়াছেন । তিনি আরও বলিলেন, যখন নাগমহাশয় প্রসাদ দিন্ বলিয়া হাত পাতিলেন, আমি ভাবিতে লাগিলাম, কি করিয়া তাঁহাকে উচ্ছিষ্ট ডিম দি । পরে জয় রামকৃষ্ণ বলিয়া তাঁহার হাতে ডিম দিলাম । পরমহংসদেব তাঁহাকে উচ্ছিষ্ট দিয়াছেন, আর আমি দিলাম ।

একদিন আমাদের কয়েকজন আত্মীয় নাগমহাশয়কে দেখিতে যান । নাগমহাশয়ের সহিত কোন কথা গইয়া তাহাদের তর্ক চলিতে লাগিল । তাহাদের ভিতর একজন বলিলেন, সংসারে সকলই সমান । নাগমহাশয় তাহাকে অনেক বুঝাইলেন । যখন তিনি দেখিলেন সেই লোকটা কোন মতেই বুঝিবে না, একটা ছোট ছেলেকে দেখাইয়া বলিলেন, আপনি বলেন, সব সমান ; আচ্ছা, এই ছেলেটার গায়ের জামা আপনি গায় দিন, পরে আপনার কথা সত্য বলিয়া মানিব । সেই লোকটা চুপ করিয়া রহিলেন, এই কথার আর কোন উত্তর দিতে পারিলেন না । সমস্ত তর্ক চুকিয়া গেল । নাগমহাশয় মধ্য মধ্য বলিতেন, হাতে দই, পাতে দই, তবু বলে কৈ কৈ ।

একদিন নাগমহাশয় স্বামীকে বলিলেন, মুখের কথায় সংসার ছাড়া হয় না । ভগবানকে না জানিতে পারিলে, কি করিয়া

জীব তাঁহার সংসার ছাড়িবে ? যেমন জেঁক কোন অবলম্বন পাইলে, এক মুখ পূর্ব অবলম্বন হইতে তুলিয়া লইয়া তাহাতে বাথে এবং পূর্ব অবলম্বন ছাড়িয়া দেয়, জীবও সেইরূপ ভগবানকে পাইলে, তবে সংসার ছাড়িয়া তাঁহাতে মজিয়া থাকিতে পারে ।

জীবের কি দোষ ? সে কি করিয়া মহামায়ার অনুগ্রহ বিনা, ভগবানের দয়া বিনা, মায়ার হাত এড়াইয়া ভগবানের চরণে পৌঁছিবে ? সকল বিষয়েই তাঁহার দয়া সাপেক্ষ । তাঁহার দয়া ব্যতীরেকে জীব কোন মতে তাঁহাকে ধরিতে পারে না ।

নাগমহাশয় কলিকাতা হইতে দেশে যাইয়া অবস্থান করার সময় বাঁহারা সর্বাগ্রে তাঁহার প্রতি আকৃষ্ট হন, তাঁহাদের মধ্যে সত্যগোপাল আচার্য্য এক জন । ইনি সকলেব আগে নাগমহাশয়কে চিনিতে পারিয়া, তাঁহারা পদপ্রান্তে বসিয়া ছিলেন, তাঁহার সুধামাথা ভগবৎগুণগান শুনিয়াছিলেন । তিনি সুমিষ্ট গান করিতে পারিতেন । তাঁহার গান শুনিয়া লোক তাহার বশীভূত হইত । হরপ্রসন্নবাবু ও শরৎবাবু তাহাব গান শুনিয়া তাহার সহিত থাকিতেন এবং কালক্রমে নাগমহাশয়ের বাড়ীতে যাইয়া, তাঁহার চরণে আশ্রয় লন । সত্য গোপাল নাগমহাশয়কে বেদকোষ বর্ণনা তেন । তিনি জানিতেন, নাগমহাশয় বেদের শ্রী সত্য এবং আকাশের শ্রী মহান্ । তিনি উচ্চৈঃস্বরে জয় গুরু বেদাকাশ বলিতেন এবং নাগমহাশয়ের গুণগান করিতেন । তিনি ও তারাকান্তবাবু এক সময়ে নাগমহাশয়ের নিকট যান । তারাকান্ত শাপগ্রস্ত হইয়া দেওভোগ পরিত্যাগ করিলেন । আমরা জানি না, সত্যগোপাল কেন নাগমহাশয়ের সংসর্গ ছাড়িয়া ধর্মগণ্ডে

এক আশ্রম করিলেন । ইহার ভিতর অবশ্যই কোন কারণ আছে, হয়ত সময়ে তাহা প্রকাশ হইবে ।

নাগমহাশয়ের নিকট যাওয়ার অনেক পূর্বে সত্যগোপাল তাঁহার কাছে আসিতেন । সত্যগোপাল ধর্মগঞ্জ বাইরা আশ্রম করার অনেক পরে আমরা নাগমহাশয়ের চরণপ্রান্তে বসিতে পারিয়া ছিলাম । আমরা নাগমহাশয়ের আশ্রয় পাইয়াছি পর, একদিন সত্যগোপাল নিজ ভক্তগণসমভিব্যাহারে নাগমহাশয়ের বাড়ীতে আসিলেন । নাগমহাশয়ের বাড়ী পরিষ্কার করা তাহার উদ্দেশ্য ছিল । নাগমহাশয়ের বাড়ীতে বৃক্ষ-লতাদি যাহার যে ভাবে ইচ্ছা বর্দ্ধিত হইত । কেহ তাহাদের পাতা পর্যন্ত ছিঁড়িতে পারিত না । পাতাশুক হইয়া ঝড়িয়া পড়িত । ফল পাকিয়া নীচে পড়িত । তাহাদের কি সুখের দিন ছিল । ঘাস এখানে সেখান হইত, কেহ তাহা নাশ করিতে পারিত না । পুরাণে বর্ণিত তাপসদের আশ্রমের মত নাগমহাশয় বাড়ীর শোভা ছিল । হিংসা তাহার বাড়ীর চতুঃসীমানায় আসিতে পারিত না । সত্য গোপালের ইচ্ছা হইয়াছিল, নাগমহাশয়ের বাড়ীতে অনেক ঘাস হইয়াছে, বাড়ীর চারিদিকে জঙ্গল হইয়াছে, একটু পরিষ্কার করিয়া দিবেন । তিনি স্বীয় ভক্তগণকে তাহা করিতে আদেশ দিলেন । ভক্তগণ ঘাস তুলিতে যাইবে, নাগমহাশয় অনেক কাকুতি মিনতি করিয়া তাহাদিগকে বিরত করিতে চাহিলেন । তাহারা তাঁহার কথা খেয়াল না করিয়া অগ্রসর হইতেছে, নাগমহাশয়ের চাঞ্চল্য আসিল, দয়ারসাগরে বান ডাকিল । তিনি বলিলেন, যখন আমার অহঙ্কার আছে, আমার বাড়ী বলিয়া অভিমান আছে, আমি আমার বাড়ীতে এইরূপ কাজ করিতে দিব না । যেদিন

আমি গাছেব নীচে থাকিব, সমগ্র পৃথিবী আমার আবাস ভূমি হইবে, তখন এখানে সাহা তাহা হইতে পারিবে, তাহাত আমার কোন আপত্তি থাকিবে না। আজ আমি সংসারী, এই বাড়ী আমার, আমার ইচ্ছা ব্যতীত এই বাড়ীতে কোন কাজ হইতে পারিবে না। নাগমহাশয়ের চাকল্য দেখিয়া সত্যগোপাল নিজ ভক্তদিগকে লইয়া চলিয়া গেলেন। বৃক্ষলতাদি মনের আনন্দে বাহু তুলিয়া, নাগমহাশয়ের জয়ধ্বনি কবিল, ঘাস তাঁহার চরণকমলে লাগিয়া নিজজীবনের সাফল্য লাভ কবিত্তে লাগিল।

নাগমহাশয়কে সন্দেশ পাওয়াইতে আমার বড় ইচ্ছা হইয়াছিল আমি স্বামীকে এট কথা বলিলাম। তিনি বলিলেন, আমি আনিলে যদি নাগমহাশয় খাইতেন, আমি সন্দেশ আনিয়া দিতে পারিতাম। আমার ভক্তিবিশ্বাস কিছুই নাই। আমার মনে হয়, তিনি আমার প্রদত্ত সন্দেশ খাইবেন না। আমি বলিলাম, কেন, তোমার হইতে কাহা'র ভক্তি বিশ্বাস বেশী? তিনি কাহা'র মন্ব দিয়া ' কাহা'র একট আয়ুপনি'স দয়া ছন / তিনি কাহা'কে বলি ছন 'কাহা'কে 'গগন' বলিয়া মানি, যদি তিনি 'গগন' নাই তন, ত'ন না 'গ' এক জীবন বৃথা গেল। যদি তাঁহার 'ভক্তি বিশ্বাস না থাকে, অন্ত'ন কি তাহা আছে? স্বামী বলিলেন, তুমি আমার হৃদয় জান না। তুমি যে সমস্ত কথা বলিলে, উহা আমার 'গুণে হয় নাই। তাঁহার নিজ'গুণে হইয়াছে। আমার এমন কোন 'গুণ নাই যে, নাগমহাশয় আমাকে স্বপ্নে দেখা দিয়া মন্ত্র দিতে পারেন, কিম্বা নিজ পনিচয় দেন। তাঁহার অহেতুক দয়া, তাই আমার মত

স্রীব তাঁহার কাছে যাঠতে পারিয়াছে, তথাপি আমার ভয় হয়, যদি তিনি আমার দত্ত জিনিষ না খান। এক কাজ করা বাক, প্রসাদ বলিয়া তাঁহাকে দিলে, নাগমহাশয় নিশ্চয়ই খাইবেন। কালাপূজা আসিতেছে। কালাপূজায় ছানার সন্দেশ দিব। তুমি সেই সন্দেশ প্রসাদ বলিয়া তাঁহাকে দিও। ইহাই স্থির হইল। তুর্গাপূজার পর কুচিয়ামোড়া গিয়াছিলাম। কালাপূজার দিন দেওভোগ আসিলাম।

দেওভোগ খাইবার সময় স্বামী নারায়ণগঞ্জ হইতে ছানার ভাল সন্দেশ লইলেন। কালাপূজায় তাহা দেওয়া হইল। রাত্রে সকলের প্রসাদের সঙ্গে সন্দেশও মণ্ডপ ঘরে রহিল। পরদিন প্রাতে মাঠাকুরাণী সন্দেশগুলি বাহিরে রাখিয়া দিলেন। আমার মা বলিলেন, একি? আপনারা রাখুন। মাঠাকুরাণী কোন উত্তর দিলেন না। মুখ অতিশয় ভারি। মাসী মুহম্মদ হাসিলেন। মাঠাকুরাণীর এইভাব দেখিয়া আমার মনে হইল, নাগমহাশয় এই সন্দেশ খাইবেন না। সন্দেশ দিতে গেলে তিনি হয়ত বলিবেন, সন্দেশ কেন আনিলাম। এই ভয়ে সেই দিন আর নাগমহাশয়কে সন্দেশ দিলাম না। ভয়ত করিলাম, কিন্তু একবার ভাবিলাম না, তিনি আমাদিগকে কত স্নেহ করেন, তিনি আমাদিগকে এত ভালবাসেন, রূপা করিয়া জন্মজন্মান্তরের কৃতকর্মের উচ্ছেদসাধন করিলেন, আর তাঁহাকে সন্দেশ দিলে, তিনি ফিরাইয়া দিবেন? আরও তাঁহাকে কতবার খাওয়াইয়াছি, একবারও এই কথা মনে পড়িল না। কি করি? যখন মাঠাকুরাণী সন্দেশ বাহির করিয়া দিয়াছেন, কোনমতে বুঝিতে পারিলাম না, তিনি এই সন্দেশ নিবেন। পঞ্চসার



চলিয়া আসিলাম । স্বামী আমাদের সাথে আসিলেন । তখন তিনি ঢাকা কলেজে পড়েন । কয়েকদিন ছুটি ছিল । তিনি জানেন, আমি নাগমহাশয়কে সন্দেশ খাওয়াইযাছি ।

বাড়ীতে গিয়া বখন স্বামীকে সমস্ত ঘটনা বলিলাম, তিনি আমার উপর বিরক্ত হইলেন । তিনি মাঠাকুরাণীকে বড় ভক্তি করিতেন । তাঁহার উপর তাঁহার বড় বিশ্বাস ছিল । স্বামী নাগমহাশয়ের পরই মাঠাকুরাণীকে মান্ত করিতেন । তিনি বলিতেন, মাঠাকুরাণী সমস্ত জানিতে পাবেন । মানবা কি নাগ মহাশয়ের সঙ্গিনী হহতে পারে ? আমি মধ্যে মধ্যে বলিতাম, শ্রীকৃষ্ণ ৬০০০০ বিবাহ করিয়া ছিলেন, সবই ভগবতী ছিলেন না । স্বামী আমাকেই দোষী সাব্যস্ত করিলেন । তিনি বলিলেন, তুমি সন্দেশ দিলে, মাঠাকুরাণী ফিরাইতে পারিতেন না । কি করিব ? আমি চুপ করিয়া রহিলাম । স্বামী সব জানিতেন না । তাঁহাকে সকল কথা বলিতে সাহস পাই নাই, কারণ মাঠাকুরাণীর দোষ বলিলে, তিনি আমাকেই দোষী বলিবেন । এই ভয়ে আমি বিশেষ কিছু বলি নাই । এতদিন নাগমহাশয় ছিলেন, মাঠাকুরাণী আমার সাহেব কথা বলেন নাই । স্বামী মনে করিতেন, তিনি মা'ব সাথে কথা বলার যোগ্য নন. তাই মাঠাকুরাণী তাঁহার সঙ্গে কথা বলেন না । এরকম বিশ্বাসে কি কোন কথা বলা যায় ? স্বামীর মনে কষ্ট দেখিয়া, আমি স্থির করিলাম, সন্দেশ বাধিয়া দিব । অগস্ত্যপূজার দিন মাঠাকুরাণীকে না জানাইয়া • তাহা নাগমহাশয়ের হাতে দিব । স্বামীকে এই কথা বলিলাম । তিনি বলিলেন, যদি তুমি তাঁহার হাতে সন্দেশ দিতে, তিনি না লইয়া পারিতেন না । আমি বলিলাম, মাঠাকুরাণী সন্দেশ

বাহির করিয়া দিলেন, আমি আর সাহস পাইলাম না । আমি সন্দেশ যত্ন করিয়া রাখিয়া দিলাম । অগন্ধাত্রীপূজার দিন নাগমহাশয়ের জন্ত ৯ দিনের বাসি সন্দেশ নিয়া গেলাম ।

নাগমহাশয় পূজার শেষ না হইলে খাইতেন না । সন্ধ্যার সময় পূজা শেষ হইল । সন্দেশ লইয়া প্রস্তুত রহিলাম । সেই দিন আমাদের পঞ্চমার ফিরিয়া আসিবার কথা ছিল । যজ্ঞান্তে তিনি আশীর্বাদ নিয়াছেন, কিন্তু সন্দেশ দিবার অবসর পাইতেছি না ; কারণ পূজক সমস্ত দিন উপবাস করিয়া পূজা করিয়াছেন । নাগমহাশয় তাঁহাকে খাওয়াইতে বসিয়া, সকল খাদ্য দ্রব্য নিজে দেখিতেছেন, যেন কোন ত্রুটি না হয়, যেন তিনি সম্পূর্ণ রূপে তৃপ্ত হন । আমি দাড়াইয়া আছি, তিনি ছুটিয়া ছুটিয়া আমার কাছে আসেন, আবার পূজকের নিকট চলিয়া যান । পূজকের খাওয়া হইয়া গেলে পর নাগমহাশয় হাসিতে হাসিতে আমার কাছে আসিলেন । তিনি বলিলেন, কিগো মা. কেন ডাকিয়াছ ? আমি মনে মনে বলিলাম, ধরুন, আপনার ভক্তের সন্দেশ খান । প্রকাশ্যে বলিলাম, কালীপূজার দিন আপনাকে প্রসাদ দেই নাই, আপনি এই সন্দেশ খাইবেন ? এই কথা বলা মাত্র তিনি হাত পাতিয়া সন্দেশ নিলেন এবং শিশুর মত তাহা ভাঙ্গিয়া ভাঙ্গিয়া খাইলেন । তৎপরে তিনি বলিলেন, কেন মা, প্রসাদ নিয়া কোণে কোণে অমন ভাবে দাড়াইয়া রহিয়াছ ? যখন তুমি আমাকে দিতে, তখনই আমি প্রসাদ নিতাম । নাগমহাশয় সন্দেশ খাইলেন । তাহার উপর তিনি আরও বলিলেন, যখন তুমি প্রসাদ দিতে, আমি নিতাম । আমার আনন্দের সীমা রহিল না । আমার খুব সাহস হইল । ভবিষ্যতে প্রসাদ বলিয়া নাগমহাশয়কে

খাওয়াইতে পারিব। আব মাঠাকুরাণীর সাহায্য লাগিবে না। যখন তিনি নিজে হাত পাতিয়া সন্দেশ লইয়া বলিলেন, আমি প্রসাদ দিলে, তিনি নিবেন, আর কি কোন কথা আছে? স্বামীর কথা শ্রবণ করিয়া আমার মনে বড় দুঃখ হইল। তিনি আমাকে বলিয়াছিলেন, তুমি সন্দেশ দিলে, নাগমহাশয় তাহা না নিয়া পাবেন না। তাঁহার এই কথা বিশ্বাস করিষা, যদি আমি কালী-পূজার দিন নাগমহাশয়কে সন্দেশ দিতাম, মাঠাকুরাণীর ব্যবহার হেতু ২ দিনের বাসি সন্দেশ তাঁহাকে খাওয়াইতে হইত না যখন দেওভোগ হইতে সন্দেশগুলি ফিরাইয়া আনি, সেই সময় স্বামীর কথা একবার মনেও করিলাম না। আমি এভাবে অবস্থ করিয়াছি। একবার তাঁহাকে পঞ্চসারে নিয়া অনাহারে অনিদ্রায় রাখিলাম। আবার নাগমহাশয়ের বাড়ীতেই তাঁহাব জন্ম দেওয়া মাছ তাঁহাকে দিলাম না। গিনি মনের কথাব উদ্ভব দিতেন, তাঁহার কথা বিশ্বাস না করিয়া মাছখানা সড়াইয়া নিলাম। আমার মত নরাধমা পাসাণী কোথায় আছে। এমন বহুর ধনকে এমন অসুখ করিবে।

নাগমহাশয়কে প্রসাদ বলিয়া তাহা ইচ্ছা তাহা খাওয়াইতে পারিব শুনিয়া স্বামী অতিশয় স্তম্ভিত হইলেন। তিনি মনে করিলেন, আগামী পূজার সময় নাগমহাশয়কে কিছু গাইতে দিবেন। স্বামী ধর্ম্য বিষয়ে বড় কিছু বলিতেন না। যাহা কবিবেন, তাহা মনে রাখিতেন। দুর্গা পূজার সময় ঢাকা হইতে সুন্দর দেখিয়া দুইটা কমলালেবু আনিলেন। তাহার বাসনা, দুর্গাপূজায় সেই লেবু দিয়া, নাগমহাশয়কে খাওয়াইবেন। পঞ্চসারে প্রথমপূজা দেখিয়া, বৈকাল বেলা আমরা দেওভোগ গেলাম। অষ্টমী পূজার

সেই লেবু দেওয়া হইল । পূজান পর আমি কমলালেবু স্থানান্তরে  
 রাখিয়া দিলাম, কারণ সন্ধি পূজা না হইলে নাগমহাশয় খাইবেন  
 না । সেবার সন্ধিপূজা দিনে হয় নাই । আমার ইচ্ছা নাগ-  
 মহাশয়কে কমলালেবু খাওয়াইয়া আমি খাইব । নাগমহাশয়  
 আমাকে বলিলেন, মা, তুমি এখনও খাও নাই ? আমি বলিলাম,  
 আমি সন্ধিপূজার উপবাস করিব । নাগমহাশয় হাসিতে হাসিতে  
 বলিলেন, মা, তোমাকে সহস্র কোটি ব্যবস্থা কে দিবে ? আমি  
 বলিলাম, আপনিও ত উপবাস করিবেন । তিনি হাসিতে হাসিতে  
 বলিলেন, পূজান জন্ত এক জন উপবাসী থাকে । আমি মনে  
 মনে বলিলাম, তুমি খাইলে, আমি খাইব । এমন সময় একজন  
 লোক আসিয়া তাঁহাকে ডাকিয়া নিল । আমি বসিয়া রহিলাম ।  
 কতক সময় পর নাগমহাশয় আমার কাছে আসিয়া বলিলেন,  
 তিনি নটবরবাবুদের বাড়ীর প্রতিমা দেখিয়া আসিবেন । আমি  
 কতকদূর তাহার পিছনে গেলাম । তিনি রাস্তায় দাঁড়াইয়া  
 বলিলেন, মা, তুমি স্নান কর নাও । তুমি তৈল মাখিয়া স্নানকর,  
 আমি এখনই আসিব ।

আমি বলিলাম, আপনি আমাকে অশুখের জন্ত নারিকেল  
 তৈল মাখায় দিতে বাবণ করিয়াছেন । তিনি স্নেহ করিয়া,  
 মহা আপনের মত আমার হাত ধরিয়া বলিলেন, আজ  
 একটু নারিকেল তৈল দেও, ঘরে তৈল তৈল নাই । এমন  
 ভাবে বলিলেন, সেই স্নেহ বর্ণনা করা যায় না । আমি সেই  
 স্নেহ মোহিতা হইয়া আবার তাহার পশ্চাতে চলিলাম । আমাকে  
 দেখিয়া তিনি বলিলেন, মা, বাড়ী যাও, আমি এখনই আসিব ।  
 নাগমহাশয় চলিয়া গেলেন । আমি তাঁহার কথা মত কিছু

সরিয়া দাঁড়াইলাম । যে পর্যন্ত তাহাকে দেখা যায়, তাহার পানে চাহিয়া রহিলাম । অনেক দূর দেখা যাইতে লাগিল, কিন্তু তাঁহাকে আর দেখিতে পাইলাম না । আমি ভাবিলাম, পথে জল কাদা, চারিদিকে ধান ক্ষেত, তিনি কি ব্যথায় বসিয়া পড়িলেন ? অনেক সময় হইয়া গেল, নাগমহাশয়কে আর দেখা যায় না । এখন আমি কি করিব ? তিনি আমাকে স্নান করিতে বলিলেন । নাড়াতে শরীর সুস্থ থাকে, তাহা না করিয়া জল কাদার রাস্তা দিয়া, যদি আমি তাহাকে দেখিতে যাই এবং আমান কষ্ট দেখিয়া যদি তিনি আমার উপর রাগ করেন কিম্বা বিরক্ত হন, তখন আমার অবস্থা কি হইবে । কিন্তু নাগমহাশয়কে না দেখিয়া মন এত অস্থির হইল, তাহার জন্ত না খাইয়া ঠিক থাকিতে পারিলাম না । ভালরূপে পথ টিনি না । দূর হইতে নামহাশয়কে যেদিকে যাইতে দেখিয়াছিলাম, সেই দিকে যাইতে লাগিলাম । অল্পক পথ গেলও নাগমহাশয়কে দেখিতে পাইলাম না । একটা প্রাণাণ সেই স্থানে নাই, তিনি কোন্ পথে গেলেন, তাহা জানি না । এইরূপ ভাবিতে ভাবিতে ধান ক্ষেতের ভিতর দিয়া যে পথ দেখিলাম, সেই পথেই যাইতে লাগিলাম, কতকদূর যাইয়া নটবরবাবুদের বাড়ী দেখিলাম । সম্মুখে একটা পাট ক্ষেত এবং তাহার পাশ দিয়া পোড় পিয়ন আসিতেছে । আমার মনে ভয় হইল । সরু রাস্তা, কোঁথায় যাই ? সম্মুখে পিয়ন, পশ্চাতে দুর্গম পথ—উভয় সঙ্কট । অগ্রসর হইলে শীঘ্রই নাগমহাশয়কে দেখিতে পাইব । সাহসে ভর করিয়া অগ্রসর হইতে লাগিলাম । নাগমহাশয় আমাকে সাবধানে থাকিতে বলিয়াছেন । ভয়ে তাঁহাকে স্মরণ করিতে লাগিলাম । তাঁহার এমনই মহিমা, সরু

পথ, আমাকে দেখিয়া পিয়ন নতশিরে একটু সরিয়া দাঁড়াইল ।  
আমি তাহার পাশ দিয়া চলিয়া গেলাম ।

আমি নটবরবাবুদের বাড়ী যাইয়া দোখলাম, নাগমহাশয় বৈঠকখানার এক কোণে বসিয়া আছেন । আমি দূর হইতে তাঁহাকে দেখিলাম । তাঁহার কাছে বাইতে আমার সাহস হইতেছে না, কারণ আমার কষ্ট দেখিয়া তিনি রাগ করিবেন । তিনি বলিবেন, হাঁটু জল ও কাদার ভিতর দিয়া কেন গেলাম ।  
সুতরাং মণ্ডপঘরের পিছনের পথ ধরিয়া নটবরবাবুদের বাড়ীর মধ্যে গেলাম । বেড়ানে বসিলে তাঁহাকে দেখা যায়, আমি সেখানে বসিয়া বহিলাম । কতক সময় পর নাগমহাশয় উঠিলেন । আমি ভাবিতে লাগিলাম, যদি আমি এখন তাঁহার সঙ্গে না যাই, তিনি বাড়ী গিয়া আমাকে না দেখিলে, মানুষের মত খুঁজিতে বাহির হইবেন এবং তিনি চলিয়া গেলে আমি কোথায় বা থাকিব ? কাজে কাজেই যখন তিনি প্রতিমা নমস্কার করিতে গেলেন, আমিও প্রতিমা নমস্কার করিয়া, তাঁহার কাছে দাঁড়াইলাম । নাগমহাশয় আমাকে দোঁখসা মুখখানা ঈষৎ মলিন করিয়া বলিলেন, তুমি কি করিয়া এখানে এলে ? আমি বলিলাম, আপনি আসিয়াছেন পর, খতদূর আপনাকে দেখা গেল তাকাইয়াছিলাম, অবশেষে আপনাকে আর দেখিতে পাইলাম না । আমি মনে করিলাম, আপনি হঠাৎ কেন অদৃশ্য হইলেন ? তবে কি জল ও কাদায় যাইতে খাইতে ব্যথা হওয়ায় বসিয়া পড়িলেন ? এমন সময় নটবরবাবু আসিলেন । তাঁহাকে দেখিয়া নাগমহাশয় বলিলেন, ও মনে করিয়াছিল, আমার ব্যথা হওয়ার পথে পড়িয়া গিয়াছি, সেই জন্য একাকী আসিয়াছে । ইহা বলিয়াই,

তিনি আমাকে জিজ্ঞাসা করিলেন. তুমি কি গাঙ্গুলী-বাড়ী ও পলশাই-বাড়ীর প্রতিমা দেখিয়া যাইবে? আমি চুপ করিয়া রহিলাম। যখন তুমি আসিয়াছ, এই দুই বাড়ীর প্রতিমা দেখিয়া যাও বলিয়া তিনি আমাকে সঙ্গে করিয়া গাঙ্গুলী-বাড়ী ও পলশাই বাড়ীর প্রতিমা দেখিতে চলিলেন। গাঙ্গুলী-বাড়ীর প্রতিমা নমস্কার করিয়া আমি বাড়ীর ভিতর গেলাম, তিনি ভিতরবাড়ীর দরজা পর্যন্ত গেলেন। আসান সময় হইলে তিনি আবার দরজার নিকট দাঁড়াইলেন। তাহা দেখিয়া আমি চলিয়া আসিলাম। সেই বাড়ীর লোকদের ভিতর, যিনি আমার পিতাকে চিনিতেন, তাহাকে বলিলেন, এই রাজকুমারের মেয়ে, যে তাঁহাকে চিনেন না, তাহাকে কহিলেন এই আমাদের মেয়ে। তিনি আমাকে লইয়া বাড়ীর বাহির হইলেন। পথে আসিয়া, জল ও কাদা দেখিয়া, নাগমহাশয় বলিতে লাগিলেন, আমি এষ্ট দুর্গম রাস্তা দিয়া তোমাকে লইয়া যাইতে পারিব না। যে পথে আসিয়াছ, সেই পথে যাও। আমি আগে আগে চলিলাম, তিনি আমার পিছনে আসিতে লাগিলেন। অর্ধেক পথ আসিলে, জল হাঁটু পর্যন্ত হইল। মাথায় অতিশয় রৌদ্রের তাপ লাগায়, আমার শরীর ভাল বোধ হইতে লাগিল না। তিনি ত সমস্ত জানেন। আমার শরীর ধারাপ বোধ করা মাত্র তিনি বলিলেন, আর সংসারে থাকিব না। সংসারে থাকিলে কেবল লোকের কষ্ট। পায় ঠাণ্ডা লাগায় ও মাথায় রৌদ্রের তাপ পড়ায় শরীর অস্থির করিল, এখন আমি কি করিব? আর এমন কাজ করিব না, আর কাহাকে কিছু বলিব না। আমি অতিশয় ভয় পাইলাম। নাগমহাশয় রাগ করিলেন এবং বলিলেন, সংসারে আর বেশি দিন থাকিব না,

এখন কি উপায় ? মনে মনে বলিতে লাগিলাম, ভগবন্, আমি যেন অস্থির হইয়া না পড়ি । আমি অস্থির হইলে, তিনি এই জলে ও কাদায় গড়াগড়ি দিবেন । তাড়াতাড়ি চলিয়া তাঁহার বাড়ীতে আসিলাম । তৎপর তিনি হাসিতে হাসিতে জিজ্ঞাসা করিলেন, আমি কি করিয়া রাস্তা চিনিয়া গেলাম এবং যাওয়ার পূর্বে বাড়ীতে কাহাকে বলিয়া গিয়াছি কি না । আমি বলিলাম, আপনি বাড়ীতে ছিলেন না, কাহাকে বলিয়া যাইব ?

আমাকে জল ও কাদায় যাইতে দেখিয়া নাগমহাশয় চঞ্চল হইয়াছিলেন । বাটীতে আসিলে সৌম্য মূর্তি ধারণ করিলেন । আমার বড় ভয় হইয়াছিল, তিনি বেশি দিন আর সংসারে থাকিবেন না । তখন আর কিছু বলিলাম না । তিনি যাওয়ার পূর্বে আমাকে, স্নান করিতে বলিয়াছিলেন । বাড়ীতে আসিরাই মাথায় তৈল দিয়া স্নান করিতে গেলাম । স্নান করিয়া তাঁহার কাছে বসিয়া রহিলাম । তিনি ত মনের কথা জানেন, এমন স্নেহদৃষ্টির সহিত আমার দিকে তাকাইলেন, যেন কিছু হয় নাই । আমিও তাঁহার স্নেহদৃষ্টির সহিত অমিরমাথাহাসি দেখিয়া, সমস্ত ভুলিয়া তাঁহাকে দেখিতে লাগিলাম । আমি স্নান করিয়াছি কি না, তাহা তিনি জিজ্ঞাসা করিলেন । স্নান করিয়াছি বলায়, তিনি স্নেহভরে বলিলেন, স্নান করিয়া শুধু মুখে থাকিতে নেই । তুমি একটু প্রসাদ মুখে দাও । আমি প্রসাদ খাইয়া আবার তাঁহার কাছে বসিলাম । তিনি তামাক খাইতেছেন এবং চারিদিকে তাকাইয়া দেখিতেছেন, কাহার কিছু দরকার আছে কি না । এমন সময় তাঁহার এক বাণ্যবন্ধু আসিলেন ।

নাগমহাশয়ের বাণ্য-বন্ধু তাঁহার পারের ধূলা লইবেন আশা



করিয়া তাঁহাকে ঝড়াইয়া ধরিলেন এবং তাঁহার পায়ের নিকট হাত ফেলিলেন । নাগমহাশয় তাঁহার বন্ধুর হাত ফেলার পূর্বেই কাপড় দিয়া পা ছুঁইখানি ঢাকিয়া, বামহাত কাপড়ের উপর চাপা দিয়া রাখিয়া ছিলেন । তাঁহার দক্ষিণ হাতে হুক ছিল । বন্ধুকে ধরিতে পারেন নাই । বন্ধু তাঁহার পা ছুঁইতে না পারিয়া, আপনিই একটু সড়িয়া বসিলেন । আমিও একটু সড়িয়া যাইয়া তাঁহাকে জিজ্ঞাসা করিলাম, ইনি কে ? নাগমহাশয় হাসিতে হাসিতে বলিলেন, আমার বালা-বন্ধু । আমি এবার লজ্জায় পড়িলাম । তাঁহার কাছেই বসিয়া থাকিলাম । নাগমহাশয় আমাকে বলিলেন, উনি ভাত খান না । ছাতু, ছন্ধ, দধি, গুড় ইত্যাদি তাহাকে খাইতে দাও । তাঁহার কথা মত মাঠাকুরাণীকে বলিলাম । মাঠাকুরাণী সব দেখাইয়া দিলেন, আমি খাইতে দিলাম । নাগমহাশয় বসিয়া থাকিয়া সকল দেখিতেছেন, যেন কোন বিষয়ে ক্রটি না হয় । তাঁহার বন্ধুকে খাইতে দিয়া আমি নাগমহাশয়ের নিকট বসিয়াছি, এমন সময় স্বামী তাঁহার পায়ের ধূলা লইলেন । তিনি তাঁহারদিকে স্নেহে তাকাইয়া আমাকে বলিলেন, পার্বতী স্নান করিয়া আসিয়াছে, উহাকে খাইতে দাও । আমি তাঁহার খাওয়ার অন্ত উঠানে আসন পাতিয়া রাখিলাম । তাহা দেখিয়া তিনি আমাকে বলিলেন, উহাকে উঠানে খাইতে দিও না । আমি জিজ্ঞাসা করিলাম, বারান্দার আপনার বন্ধুর উচ্ছিষ্ট রহিয়াছে, তাহা মুক্ত করি ? তিনি বলিলেন, না, তুমি স্নান করিয়া আসিয়াছ, বসিয়া থাক । স্বামীকে দাঁড়াইয়া থাকিতে দেখিয়া, তিনি একটু চঞ্চল হইলেন এবং আমারদিকে তাকাইয়া বলিলেন, পার্বতী অঞ্জলি দিয়া দাঁড়াইয়া রহিল, আমি কাহাকে

উচ্ছিষ্ট নিতে বলিব ? সে সময়ে মাসী আসিয়া নাগমহাশয়কে জিজ্ঞাসা করিলেন, তিনি এই উচ্ছিষ্ট থালা ধুইতে পারেন কি না । নাগমহাশয় বলিলেন, হাঁ, ইনি আমাদের ভাতীর । তাঁহার ইচ্ছা হওয়া মাত্র উচ্ছিষ্ট থালা প্রভৃতি স্থানান্তরিত হইল । তিনি স্বামীকে খাইতে যাইতে বলিলেন । স্বামী খাইতে বসিলেন । স্বামী খাইতে বসিলে আমাকে খাওয়ার দ্রব্য দিতে বলিলেন । কি সুখের দিন ছিল !

গিরিশবাবু বলিয়াছেন, ভক্তের উপর নাগমহাশয়ের মাতৃবৎ স্নেহ । আমার মনে হয়, তাঁহার স্নেহ মাতৃস্নেহকে পরাজয় করিয়াছে । মধ্যবয়সের সন্তান স্নান করিয়া গেলে, কাহার মা বলেন, শুধুমুখে থাকে না, কিছু খাও । পূজার বাড়ীতে বড় ছেলেকে উঠানে খাইতে দিলে, কাহার মা বলেন, উহাকে উঠানে খাইতে দিও না, ঘরে বসিতে দাও । হায়, কি করিয়া এমন স্নেহ ভুলিলাম ? কেমনে এমন ভালবাসা ভুলিয়া, সংসারে শাস্তিতে আছি ? আমরা মানুষ নই, পাষণ ।

সন্ধিপূজা হইয়া গেল । নাগমহাশয় বসিয়া আছেন । আমি তাঁহাকে জিজ্ঞাসা করিলাম, আপনাকে কমলা লেবু প্রসাদ দি ? তিনি প্রসাদ নিতে রাজি হইলেন । তাঁহাকে কমলা লেবু দিলাম । তিনি হাত পাতিয়া লইয়া খাইলেন এবং আমাকে একখণ্ড দিলেন । আমি তাহা মুখে দিয়া দেখিলাম, লেবু অতিশয় টক । কি অদৃষ্ট ! রাত্রে তাঁহাকে টক লেবু দিলাম ! মানুষ এত টক লেবু খায় না । তিনি কিছু বলিলেন না । কি আর করি ? পূজার পর বাড়ী আসিয়া স্বামীকে বলিলাম, সেবার ৯ দিনের বাসি সন্দেশ খাওয়াই-লাম, এবার রাত্রিকালে টক কমলা লেবু খাইতে দিলাম । স্বামী

তাহাতে কষ্ট পাইলেন । যাহা হইয়া গিয়াছে, তাহা আর না হইবার নয় । অবশেষে আমরা পরামর্শ করিলাম, ঢাকার আর্মির্ডি ( জিলাপী ) ভাল । কালীপূজার দিন আর্মির্ডি আনিয়া কালীপূজায় দিব এবং প্রসাদ বলিয়া নাগমহাশয়কে খাওয়াইব । স্বামী অত্যন্ত সুখী হইলেন ।

স্বামী কালীপূজার দিন একসের আর্মির্ডি কিনিয়া, ঢাকা হইতে খালি পায় হাঁটিয়া রওনা হইলেন, কারণ ট্রেনে অনেক জাতীয় লোক একত্র বসে এবং জুতা পরিয়া কি করিয়া তাঁহার খাওয়ার জিনিষ আনিবেন । জুতা ছাড়িয়া হাঁটিয়া আসিতে স্বামীর সামান্য কষ্ট হইয়াছিল । দেহে সামান্য কষ্ট হইলেও তাঁহার মনে অপরিমিত সুখ হইয়াছিল । নাগমহাশয়ের আর্মির্ডি খাইবেন ভাবিয়া সমস্ত পথ চলিয়া ছিলেন । কিন্তু তাহা নাগমহাশয়ের অসহ হইল । তিনি ত সমস্ত জানিতেন । স্বামী দেওভোগ গিয়া নাগমহাশকে নমস্কার করিলে, তিনি বিরক্তির সহিত বলিয়া উঠিলেন, আপনি অন্ডায় করিয়াছেন, কেন আমাকে ব্রাহ্মণের সাক্ষাতে নমস্কার করিলেন ? অন্ডায় কাজ করিতে নেই । যাহা স্তায়সঙ্গত তাহা করিতে হয় । স্বামী চুপ করিয়া রহিলেন । অতঃপর তিনি বলিলেন, দেখুন, ভীষ্মদেব পিতৃশ্রাক বসিতে বসিলে, শাস্ত্রু আসিয়া হাত পাতিয়া পিণ্ড চাহিয়া ছিলেন । ভীষ্মদেব বলিলেন, পিণ্ড হাতে দেওয়ার নিয়ম নাই । আমি কুশাসনে পিণ্ড দিব, আপনি তথা হইতে উঠাইয়া নিন । স্বামী মনে মনে বলিলেন, ওসব কিছু নয়, এই যে জুতা ছাড়িয়া হাঁটিয়া ঢাকা হইতে আর্মির্ডি আনিয়াছি, "ইহাই হইয়াছে মূল । আমি অনেকবার ব্রাহ্মণের সাক্ষাতে আপনাকে নমস্কার করিয়াছি । এই কথা মনে মনে বলিয়া

তাঁহাকে দৌঁধতে লাগিলেন । অল্পবার আমরা দেওভোগ গেলে, তিনি আমার কাছে আসিতেন । এবার তিনি আর আমার কাছে আসিয়া দাঁড়াইতেছেন না । আমি ভয় পাইয়া ভাবিতেছি, তিনি স্বামীকে হাঁটিয়া আসিতে বারণ করিয়াছিলেন । হাটিয়া যাইতে কষ্ট হইবে বলিয়া নিজে ট্রেনের ভাড়া দিয়াছেন । খালিপায় হাঁটিয়া আমির্তি আনার কি তিনি বিরক্ত হইলেন ? যিনি আমরা আসিব বলিয়া পথে দাঁড়াইয়া থাকেন, আজ তিনি এপর্যন্ত একবারও আমার কাছে আসিলেন না । যেখানে বসিয়াছিলেন, সেই স্থানেই আছেন । তাঁহার বাড়ীতে এতলোক একত্রিত হইয়াছে, আমিও তাঁহার কাছে যাইতে পারিতেছি না । যেখানে গেলে তাঁহাকে দেখা যায়, সে জায়গায় গিয়া দাঁড়াইব ভাবিয়া যাইতেছিলাম । পথে জল ছিল, আমি পড়িয়া গেলাম । অমনি তিনি আসিয়া আমাকে ধরিয়া তুলিলেন এবং বলিলেন, সংসারে কেবলই হুজুগ । নাগমহাশয় ধরিলে আমি অতিশয় আনন্দ পাইলাম এবং মনে মনে বলিলাম, কেন যে হুজুগ বলিতেছ, তাহা আমি বুঝিয়াছি । সংসারে কেহ কম কষ্ট করে না । তোমার অল্প হাটিয়া আমির্তি আনার আর কত কষ্ট করিয়াছন ? যদি তুমি তাহা খাও, ইহা মহাতপস্যা হইবে । তিনি বলিলেন, যাহা দরকার, তাহা করিতে হয় । আমি আবার মনে মনে বলিলাম, আমার সংসারের দরকার চেয়ে এই দরকার অধিক । তিনি আমার দিকে তাকাইয়া চলিয়া গেলেন । আমার মনে ভয় হইল, যদি তিনি আমির্তি না খান ।

কালীপূজায় আমির্তি দিলাম । পূজা হইয়া গেল । নাগ-

মহাশয় আশীর্বাদ নিতে গেলেন । আমি অবসর খুঁজিতেছি, কখন তাঁহার হাতে প্রসাদ দিতে পারিব । তিনিও ফাঁকে ফাঁকে থাকিতেছেন । একবার আসিয়া আমার কাছে দাঁড়াইতেছেন । আমি প্রসাদ লইয়া দিবার উদ্যোগ করিলে, তিনি সড়িয়া যান । সেদিন কোন মতেই তাঁহাকে প্রসাদ দিতে পারিলাম না । আমি মনে মনে বলিলাম, যদি তুমি এই আমির্ভি না খাও, স্বামী অতিশয় কষ্ট পাইবেন ।

যিনি কালীপূজা করিয়াছিলেন, তিনি নাগমহাশয়ের গুরু ভাই । নাগমহাশয় তাঁহাকে অত্যন্ত ভক্তি করিতেন । কালীপূজার পরদিন প্রাতে তিনি না খাইয়া চলিয়া যাইবেন । নাগমহাশয় বলিলেন, আপনি কাল উপবাসী থাকিয়া পূজা করিয়াছেন, আজ না খাইয়া কি করিয়া যাইবেন ? তিনি বলিলেন, আমি কোন মতেই আজ থাকিতে পারিব না । স্বামী সেই স্থানে দাঁড়াইয়াছিলেন । এই সব কথা শুনিয়া, মনে মনে বলিলেন, কাল তুমি আমার আমির্ভি খাইলে না । এখন দেখ, যাহাকে খাওয়াইতে ইচ্ছা করা যায়, সে না খাইলে মনে কেমন লাগে । নাগমহাশয় অমনি বলিয়া উঠিলেন, তা কি করিব ? আপনি আমার ইচ্ছায় আসেন নাই, আমার ইচ্ছায় যাইবেনও না । নাগমহাশয়ের উত্তর শুনিয়া স্বামী লজ্জিত হইলেন এবং মনে মনে বলিলেন, কিছুতেই তোমার কষ্ট নাই । আমি অথবা ধর্ম দেখিলাম । সকলই তোমার ইচ্ছা । কতক সময় পর নাগমহাশয় আমাকে বলিলেন, আমাকে অল্প প্রসাদ দাও । আমি আমির্ভি দিলাম । তিনি তাহা হাতে করিয়া নিয়া, স্বামীকে দেখাইয়া খাইলেন । স্বামী তাঁহাকে আমির্ভি খাইতে দেখিয়া অপার আনন্দসাগরে ভাসিলেন ।

আমরা সকল সময় দেখিয়াছি, নাগ মহাশয় মনের কথা উত্তর দিতেন । দূরে থাকিয়া আমরা বাহা করিয়াছি, তিনি সে কথাও বলিতেন । আমরা প্রত্যক্ষ দেখিয়াছি, সাক্ষাতে বা অসাক্ষাতে নাগমহাশয় আমাদের সমান দেখিয়াছেন । এবার স্বামীর কষ্ট দেখিয়া, নাগমহাশয় আমাদের সাথে যে ভাব করিলেন, আমাদের সঙ্গে সে সব লোক গিয়াছিলেন, তাঁহারা অবাক হইলেন । কেহ বলিলেন, কি আশ্চর্য্য, তাঁহার জগু হাঁটিয়া আর্মির্ডি আনা হইয়াছে, তাহা তিনি এখানে বসিয়া বুঝিতে পারিয়াছেন । তাঁহার জগু জীব একচুল কষ্ট করিতে পারে নাই, কিন্তু তিনি জীবের জগু দুঃখের সাগরে ভাসিতেন, তাহাদিগকে সুখে রাখিতে কত কষ্টই না করিতেন ।

আমরা কোন দিন দেখিয়াছি, নাগমহাশয় বাজার করিয়া আসিয়াছেন । অনেক লোক তাঁহাকে দেখিতে আসিল । তিনি আবার বাজার করিতে চলিলেন, যেন কাহার কোন কষ্ট না হয় । কালীপূজা ও জগদ্ধাত্রী পূজার সময় বাজারে বাইতে তাঁহার অতিশয় কষ্ট হইত । পথে কোন স্থানে কাদা, কোন স্থানে জল থাকিত, তাহার উপর তাঁহার মাথায় প্রকাণ্ড বোঝা রহিত । সেই পথে মানুষের চলিতেই কষ্ট হইত, আর নাগমহাশয় মাথায় বোঝা লইয়া হাঁটিতেন । এই পথ তাঁহাকে বার বার আসা যাওয়া করিতে হইত । তাঁহাকে দেখিলে বোধ হইত যেন ইহাতে তাঁহার কোন কষ্ট হয় নাই । মানুষ পরিশ্রম করিলে কতকসময় বিশ্রাম করে । নাগমহাশয়কে দেখিয়াছি, বোঝা নামাইয়া হাসিমুখে লোকের সেবা করিতেন । কাহাকে তামাক দিতেন, কাহাকে বাতাস করিতেন । বাহার বাহা

অভাব, তাহা এমনভাবে পূরণ করিতেন, যেন লোক মাথার বোঝা আনিয়াছে এবং তিনি সুখে বাড়ীতে বসিয়াছিলেন । হায়, জীব এত স্বার্থপর ! কোন লোককেই নাগমহাশয়ের কষ্ট বুঝিতে দেখি নাই । স্বচক্ষে দেখিয়াছি, নাগমহাশয় মাথা হইতে বোঝা নামাইয়া তামাক সাজিয়া দিতেছেন । কেহ বলে নাই, আপনি এই বাজার করিয়া আসিয়াছেন, একটু বিশ্রাম করুন । আমাদের এখন তামাকের দরকার নাই, আমাদের এখন বাতাসের দরকার নাই । জীবের নিজের সুখ হইলেই হইল । কিন্তু নাগমহাশয় ভাবিতেন, নিজের সুখ কিছু নয়, জীবের সুখ হইলেই হইল ।

নাগমহাশয় না খাইয়া, না ঘুমাইয়া লোকের যত্ন করিয়াছেন । পূজার সময়ের ত কথাই নাই, অগ্র সময়েও দেখিয়াছি, যেদিন সমস্ত দিন নানা মতের লোক গিয়াছে, সেদিন সমস্ত দিনেও তাঁহার আহার জোটে নাই । কেহ ব্রাহ্মণ, কেহ কায়স্থ, কেহ বা নীচ জাতীয় । সকলেই নাগমহাশয়ের বাড়ীতে খাইত । নাগমহাশয় সকলের খাওয়ার সময় দাঁড়াইয়া থাকিতেন যেন খাইবার কোন ক্রটি না হয় । সমস্ত লোকের খাওয়া হইলে তাঁহাগিকে তামাক দিয়া, নাগমহাশয় খাইতেন । কোন দিন তিনি খাইয়া বান্নাঘরের বাহির হইলে সূর্যাস্ত হইত । রাত্রে আর তাঁহার খাওয়া হইত না । কোনদিন বিছানার অভাবে রাত্রে শুইতে পারেন নাই, সমস্ত রাত্রে বসিয়া কাটাইয়াছেন । তথাপি তাঁহাকে কখনও বিচলিত দেখি নাই, হাসিমুখে সমানভাবে সকলের সেবা করিয়াছেন । কখন কখন রাত্রে ২।৩টা বাজিয়া যাইত । তখনও কীর্তন চলিত । নাগমহাশয় ঘরের এককোণে বসিয়া থাকিতেন । যখন তাঁহার

আঁধি মহাভাঁবে ঢুলু ঢুলু করিত, তিনি তামাক লইয়া খুঁটিনাটি করিতেন, কিছা বলিতেন, তামাক খাব, তামাক খাব । যেন তাঁহার সমাধি না হয় । মানুষ কি কখন এমন হয় ? কেহ নাগমহাশয়ের মত আত্মগোপন করিতে পারেন নাই । মতই গোপনে থাকুন না কেন, রূপাংশে ভক্তপাশে ধরা পড়িয়াছেন ।

নাগমহাশয়ের আচার-ব্যবহার সাধারণ লোকের মত ছিল না । নাগমহাশয় ধর্মকথা ব্যতীত বাজে কথা বলিতেন না । তাঁহার এমন শক্তি ছিল, তাঁহার সাক্ষাতে কোন লোক বাজে কথা বলিতে পারিত না । ভাল ও মন্দ, সকল রকম লোক নাগমহাশয়ের কাছে ঘাইত । কেহ ভাগবত পাঠ করিত, কেহ গান করিত, কেহ খোল বা করতাল বাজাইত, কেহ বা নয়ন ভরিয়া তাঁহাকে দেখিত । কাহাকেও গল্প করিতে দেখি নাই । কোন কোন লোক বলিয়াছে, নাগমহাশয়কে দেখিলেই এক রকমভাব হইত, ভগবানের বিষয় ছাড়া অন্য কথা মুখে আসিত না । তাহা মনে উঠিলেও মুখ হইতে বাহির হইত না । কেন সে কথা চাপা পড়িত, তাহা বুঝিতে পারি না । যিনি অস্তায় কাজ করিলে শাসন করেন, লোক তাঁহার কাছে ভয় পায় । নাগমহাশয় সর্বদা হাত্মমুখে কথা বলিতেন যেন তিনি সকলের আপন । তাঁহার কাছে কোন ভয় ছিল না । তবুও তাঁহার কাছে কেন বাজে কথা হয় নাই, তাহা জানি না । নাগমহাশয় কাহাকেও শাসন করিতেন না, তাঁহার এমন প্রভাব ছিল, তাঁহার কাছে মায়াপুরাণ পাঠ হইত না । যাহারা নাগমহাশয়কে দেখিয়াছেন, এখনও তাঁহারা বলেন, গান করিতে বসিয়া কাহার ঘুমে ধরিলে বলিত পারিত না, তাহার ঘুম পাইয়াছে । কুখা লাগিলে কেহ কহিতে পারিত



না, তাহার ক্ষুধা পাইয়াছে । কীর্তন করিতে করিতে ভোর হইয়া গিয়াছে, অমনি কীর্তন ছাড়িয়া অফিসে চলিয়া গিয়াছি । অথচ নাগমহাশয় কাহাকে কিছু বলেন নাই । তিনি বেটুকু বলিয়াছেন, তাহা কেবল লোকের মঙ্গলের জন্ত । তবু তাঁহার কাছে কোন লোক অন্য় কাজ করিতে পারে নাট । তাঁহার পবিত্র বাতাসে সকলকে পবিত্র করিয়া রাখিত ।

একবার বড়দিনের ছুটীতে স্বামী পঞ্চমার গিয়াছেন । ছুটী ফুরাইবাব ৪।৫ দিন থাকিতে তিনি ঢাকা চলিয়া আসিবেন । সেবার তিনি বিএ পড়েন । বাড়ীতে থাকিলে পড়া ভাল হয় না । স্বামী বলিলেন, তিনি ঢাকা যাওয়ার সময় নাগমহাশয়কে দেখিয়া যাইবেন । আমিও তাঁহার সহিত দেওভোগ যাইতে চাহিলাম । স্বামী আমাকে জিজ্ঞাসা করিলেন, তাঁহার সাথে দেওভোগ গেলে, কে আমাকে নিয়া আসিবে । তিনি বলিলেন, পড়ার বখেটে ক্ষতি হইয়াছে, আর ক্ষতি করিতে পারিবেন না । আমি পিতাকে জিজ্ঞাসা কবিলাম, তিনি আমাকে দেওভোগ হইতে আনিতে পারিবেন কি না । পিতা বলিলেন, তাঁহাকে কমিশনে সাক্ষ্য গ্রহণ করিতে হইবে । সুতরাং তিনি আমাদের সঙ্গে দেওভোগ যাইতে পারিবেন না । তবে ৪।৫ দিন পরে ডিষ্ট্রিক্ট বোর্ডের সভায় যাইবেন, আসার সময় আমাকে সঙ্গে করিয়া আনিতে পারিবেন । সন্ধ্যার পর আহার করিয়া আমরা রওনা হইলাম যেন দেওভোগ গেলে শীতের সময় মাঠাকুরাণীর কোন কষ্ট না হয় । দেওভোগ যাইতে অনেক সময় লাগিল । রাত্রি ৯টার পর নাগমহাশয়ের বাড়ীতে পৌঁছিলাম । নাগমহাশয় একখানা ধর্ম পুস্তক পাঠ করিতেছিলেন । মাঠাকুরাণী সন্ধ্যা

করিতে বসিয়াছিলেন । নাগমহাশয় আমাদেরকে দেখিয়া বলিলেন, এই শীতের মধ্যে রাত্রিতে আসিতে কত কষ্টই না হইয়াছে, পথে কত ঠাণ্ডা লাগিয়াছে । স্বামী বলিলেন, আমাদের কোন কষ্টই হয় নাই । নাগমহাশয় বলিলেন, বেলা থাকিতে আসিলেই হইত । আমি বললাম, উনি কাল ঢাকা যাইবেন, তাই সন্ধ্যার পর রওনা হইলেন । তিনি আমাকে একখানা লেপ জড়াইয়া বসিতে বলিলেন । স্বামীর জন্ত ভিন্ন বিছানা করিতে লাগিলেন যেন আমাদের কোন কষ্ট না হয় । স্বামী বলিলেন, কেন অযথা কষ্ট করিতেছেন । আমাদের এমন ঠাণ্ডা লাগে নাই যে এখনই গরম হইতে হইবে । নাগমহাশয় বলিলেন, শীতের সময় এত রাত্রিতে মাঠের মধ্যদিয়া হাঁটিয়া আসিতে পারিলেন, আর আমি সামান্য বিছানা করিয়া দিতে পারিব না । স্বামী তাঁহার সঙ্গে বিছানা ধরিয়া, তাহা পাতিলেন এবং নাগমহাশয়ের নিকট বসিলেন ।

নাগমহাশয় ধর্ম্মপুস্তক বন্ধ করিয়া স্বামীর সঙ্গে কথা বলিতে লাগিলেন । আমি ভাবিতেছিলাম, সামান্য রাত্রি হইয়াছে, যখন তিনি তাহাতেই বলিতেছেন, শীতে কষ্ট পাইলাম । আমরা ধাইয়া আসিয়াছি, এই কথা কি করিয়া বলিব । তিনি সমস্তই জানেন, তথাপি সাধারণ মানুষের মত আবার কষ্ট প্রকাশ করিবেন । এমন সময় মাঠাকুরাণী সন্ধ্যা করিয়া উঠিলেন । আমি মাতাঠাকুরাণীকে বলিলাম, আমরা সন্ধ্যার সময় ধাইয়া আসিয়াছি । কোন মতেই আবার ধাইতে পারিব না । আপনি আমাদের জন্ত রান্না করিবেন না । তাহা শুনিয়া নাগমহাশয় বলিলেন, এত কষ্ট করা কেন ? শীতের সময় আগুনের পাশে

বসিরা, সামান্য চাউল সিদ্ধ করিতে কোন কষ্ট হইবে না । অল্প ছুটি খাইবে । আমি বলিলাম, না, রাত্রিতে মাঠাকুরাণীর কষ্ট হইবে বলিয়াই আমরা খাইয়া আসিয়াছি । নাগমহাশয় শ্বেহের সহিত আমাদিগের দিকে তাকাইয়া বলিলেন, আমার জন্য লোকের কেবল কষ্ট পাইতে হয় । আমি কোন মতেই রান্না করিতে দিলাম না ।

শিবের কাজে জীবের হাত দেওয়া মহামূৰ্খতা । রান্না না করিতে দেওয়ার ফল হইল, নাগমহাশয় সামান্য মুড়ি খাইয়া রহিলেন । আমার পেট ভরা ছিল, কত আর খাইব । আমাকে নাগমহাশয়ের ভাত দিতে বলিলেন । আমি নাগমহাশয়ের জন্য রান্না ভাত খাইলাম । খাইবার পূর্বে বুঝিতে পারি নাই যে, তিনি মুড়ি খাইয়া আমাকে ভাত পাওয়াইলেন । মাঠাকুরাণী রান্না ঘরে গেলেন, নাগমহাশয় খাইতে গেলেন । আমি কি করিয়া বলিব, তিনি রান্না ঘরে যাওয়া ভাত না খাইয়া মুড়ি খাইলেন । বড় ঘরে গিয়া আমাকে বলিলেন, পার্বতী ছুটি মুড়ি খাইবে । তুমি অল্প ছুটি ভাত খাও । এখানে আসিয়া কিছু না খাইয়া থাকে না । আমরা জানিতাম, নাগমহাশয় না খাওয়াইয়া রাখিবেন না । সামান্য খাইতেই হইবে । আমি ভাত খাইতে বসিলাম । ভাত মুখে দিয়া দেখিলাম, নাগমহাশয় ভাত খান নাই, মুড়ি খাইয়াছেন । যে পাত্রে মুড়ি খাইয়াছিলেন, তাহাতে ছুটি মুড়ি পড়িয়া রহিয়াছে । তখন অনুতাপ হইল । কি করিলাম ? নাগমহাশয় ত বলিয়াছিলেন, শীতের সময় সামান্য চাউল সিদ্ধ করিতে কোন কষ্ট নাই । যদি আমি নিজেও রান্না করিতাম, নাগমহাশয় তাঁহার সামনের ভাত আমাকে খাইতে

দিতেন না । কেন তাঁহার কথার উপর হাত দিলাম ? আমার কি সাধ্য নাগমহাশয়র কথা ফেলি । নাগমহাশয় প্রকারান্তরে জানাইলেন, তিনি ভাত খাইতে গেলেন এবং পরে আমাকে খাইতে পাঠাইলেন । এভাবে না করিয়া, যদি তিনি ভাত খান নাই বলিয়াও আমাকে কহিতেন, আমার সাধ্য ছিল না যে, সে ভাত না খাইয়া পারি । এই ভাবে শুধু তাঁহার দয়া প্রকাশ করিলেন । মা ঠাকুরাণী খাইতে বসিলেন । নাগমহাশয় ভাত খান নাই কেন, একথা জিজ্ঞাসা করিতে সাহস হইল না । রাত্রে শুইয়া আমার মনে হইতে লাগিল, আমার জন্ত নাগমহাশয় ভাত খাইলেন না ।

নাগমহাশয় ও স্বামী এক ঘরে শুইলেন । আমি ও মাঠাকুরাণী এক ঘরে শুইলাম । নাগমহাশয় অতিশয় প্রত্যাষে উঠিতেন । তাঁহার পূর্বে কেহ বিছানা ত্যাগ করিত না । স্বামী নাগমহাশয়ের উঠার পূর্বে বাহিরে আসিয়া বসিয়া থাকিতেন । আশা, কতক্ষণে নাগমহাশয় উঠিবেন, তিনি তাঁহার হাসিমাখা মুখপদ্ম দেখিতে পাইবেন । নাগমহাশয় হাত মুখ ধুইয়া হকার জল ফেলিতেছেন, সেই শব্দ শুনিয়া আমি উঠিলাম । তিনি আমাকে দেখিয়া হাসিতে হাসিতে জিজ্ঞাসা করিলেন, তুমি মুখ ধুইয়াছ ? নাগমহাশয় হকা ভরিয়া বড় ঘরের বারান্দার গেলেন । আমি মুখে ধুইয়া তাঁহার কাছে গিয়া বসিলাম । তিনি এক ছিলুম তামাক খাইতে খাইতে স্বামীকে শিবপুরাণ পাঠ করিতে বলিলেন । স্বামী শিবপুরাণ পড়িতে লাগিলেন । আমি তাহা শুনিতেছিলাম । নাগমহাশয় সময় সময় ব্যাখ্যা করিতে লাগিলেন । বাজারের বেলা হইল । নাগমহাশয় বাজার করার জন্ত উঠিলেন । স্বামী শিব পুরাণ রাখিয়া দিলেন । আমি

নাগমহাশয়ের সহিত ঘরের বাহিরে আসিলাম। নাগমহাশয় মণ্ডপঘরের সিঁড়িতে আবার বসিলেন। আমি তাঁহার নিকট দাঁড়াইলাম। সে স্থানে রোদ্র ছিল। আমার শরীর একটু অসুস্থ বোধ হইল। নাগমহাশয় অমনি বলিলেন, সকাল বেলায় সূর্যের তাপ ভাল লাগে, কিন্তু শরীর খারাপ হয়। আমি সড়িয়া ছায়ায় দাঁড়াইলাম। নাগমহাশয়ের সেই স্নেহমাথা উপদেশ অনুসারে আজও শীতের দিনে সকাল বেলা রোদ্রে দাঁড়াই না।

নাগমহাশয় বাজারে চলিলেন। আমি তাঁহার পশ্চাতে কতক দূর গেলাম। তিনি ফিরিয়া তাকাইয়া আমাকে বলিলেন, মা, বাড়ী যাও। আমি এখনই আসিব। বতদূর পর্যন্ত নাগমহাশয়কে দেখা গিয়াছিল, দাঁড়াইয়া থাকিয়া তাঁহাকে দেখিলাম। তিনি অদৃশ্য হইলে, বাড়ীতে ফিরিয়া দেখিলাম, যে পথে নাগমহাশয় বাজারে গিয়াছেন, স্বামী সেই পথের দিকে চাহিয়া আছেন। স্বামীকে পথের দিকে তাকাইয়া থাকিতে দেখিয়া, আমার মনে হইল, তুমি ঢাকা গেলে আমিও এইরূপ পথের দিকে তাকাইয়া থাকি। মনে কষ্ট হইল। স্বামীকে বলিলাম, আর চারিদিন ছুটি আছে, আবার বাড়ীতে ফিরিয়া চল। তিনি বলিলেন, দেওভোগ আসিয়া নাগমহাশয়ের কাছেও এভাবে সংসারের জালাভোগ করিতেছ? আমি চূপ করিয়া সড়িয়া গিয়া, যে পথে নাগমহাশয় ফিরিয়া আসিবেন, সেই পথে দাঁড়াইলাম। দেখিতে দেখিতে নাগমহাশয় বাজার হইতে আসিলেন। তিনি আমাকে রাস্তায় দেখিয়া বলিলেন, অমন করিয়া কি দাঁড়াইতে হয়? নাগমহাশয় বাড়ীতে আসিয়া মাছ ও তরকারি মাটিতে রাখিলেন। আমি মাছ কাটিতে বসিলাম। তিনি আমার কাছে দাঁড়াইলেন। আমি বলিলাম,

আপনি বাজার করিয়া আসিয়াছেন, একটু বসুন । আবার এখানে দাঁড়াইলেন কেন ? তিনি বলিলেন, দেখিও, হাতে যেন না লাগে । আমি আবার তাঁহাকে বসিতে বলিলাম । তিনি দাঁড়াইয়া রহিলেন । নাগমহাশয়কে দাঁড়াইয়া থাকিতে দেখিয়া, আমার মনে হইল, তিনিত সব জানেন । তিনি যখন বাজারে ছিলেন, আমি যাহা বলিয়াছি, তিনি তাহা শুনিয়াছেন । আজই বোধ হয় বাড়ীতে বাইতে হইবে ।

আমি নাগমহাশয়কে বলিলাম, বাবা ৪।৫ দিনের মধ্যে এখানে আসিয়া আমাকে নিয়া বাইবেন । নাগমহাশয় বলিলেন, কেন মা, এ বাড়ীও তোমার, ও বাড়ীও তোমার । যেখানে, ইচ্ছা, তুমি সেই স্থানে থাকিতে পার । বাওয়ার জন্য চিন্তা কি ? আমি চুপ করিয়া মনে মনে বলিলাম, তোমার স্নেহ পিতা-মাতার শতস্নেহকে পরাজয় করে । আমি বারমাস তোমার বাড়ীতে থাকিলেও, তুমি আদর করিয়া আমাকে রাখিবে । নাগমহাশয় আমার দিকে তাকাইয়া দাঁড়াইয়া রহিলেন । শীতের সময় । মাছি বিরক্ত করিতেছিল । ছই হাত মাছের আইস-মাথা । হাত নাড়িয়া মাছি তাড়াইতেছি । মাথার কাপড় পড়িয়া গেল । হাতে মাছের আইস ছিল, নাগমহাশয়কে মাথার কাপড় উঠাইয়া দিতে বলিলাম । তিনি বাগকের মত অমনি মাথার কাপড় উঠাইয়া দিলেন তাঁহাকে মাথার কাপড় দিতে বলিয়াই মনে হইল — কি করিলাম ? নাগমহাশয়কে কাজ করিতে বলিলাম ? ইহা ভাবিতেছি, আবার মাথার কাপড় পড়িয়া গেল । কাপড় আমার মাথা হইতে পড়িতে না পড়িতে, তিনি মাথার আবার কাপড় তুলিয়া দিলেন । নাগমহাশয় যখন কাপড় ধরিলেন, তখন আমি বুঝিতে পারিলাম, আমার কাপড় পড়িয়া গিয়াছে । আমি মনে

মনে বলিলাম, তুমি মনেব আগে চলিতে পার, মাথার কাপড় পড়িতে দেখা বেশি কিছু নয় ।

মাছ কাটার অল্প বাকি আছে, নাগমহাশয় স্বামীর নিকট যাইয়া বলিলেন, আপনি আজ পঞ্চসার খাইতে পারেন ? স্বামী বলিলেন, পঞ্চসার ঘুরিয়া গেল, পড়ার বড় ক্ষতি হইবে । নাগমহাশয় বলিলেন, আজ আপনি ঢাকা যাইবেন । আপনার অল্প উহার প্রাণ কেমন করিতেছে । আজ উহাকে পঞ্চসার লইয়া গেলে ভাল হয় । স্বামী নাগমহাশয়ের আদেশ নতশিরে গ্রহণ করিলেন । তিনি বলিলেন, আমি আজ খাইব, কাল ভোরে চলিয়া আসিব । কাল একাদশী । কাল তথায় থাকিলে, পরশ্ব নাখাইয়া আসিতে পারিব না । তাহা হইলে ২৩ দিন পড়ার ক্ষতি হইবে । নাগমহাশয় বলিলেন, আপনি যে একাদশীর উপবাস করেন, তাহা আমি জানি । আপনার যাহাতে সুবিধা হয়, করিবেন । স্বামী সেই দিন পঞ্চসার খাওয়া স্থির করিলেন । রান্না হইল । মা ঠাকুরাণী খাওয়ার অল্প আসন পাতিতে বলিলেন । নাগমহাশয়ের অল্প রান্না ঘরে এবং স্বামীর অল্প দক্ষিণের ঘরে আসন পাতিলাম । নাগমহাশয় স্বামীকে খাইতে খাওয়ার অল্প বলিলেন । স্বামী খাইতে বসিলেন । নাগমহাশয় দাঁড়াইয়া রহিলেন । তিনি হাসিতে হাসিতে আমাকে বলিলেন, উহাকে বন্ধ করিয়া খাইতে দিও । যখন তিনি দেখিলেন, সমস্ত ঠিক হইয়াছে, তিনি খাইতে বসিলেন । তিনি কি খাইতেন, তিনিই জানেন । অল্পসময় মধ্যে উঠিয়া আসিলেন । কোন দিন দেখিয়াছি, তিনি তেঁতুলে জল ঢালিয়া, এক মুষ্টি জাত নিয়া কুন না মাখিয়া, খাইয়া উঠিতেন । ইহা খাইয়া সকল দিন রহিয়াছেন এবং

হাসিমুখে সকলের সেবা করিয়াছেন । জীব হইলে, ইহা খাইয়া শুইয়া থাকিতে হইত, দেহ উঠাইতে হইত না । নাগমহাশয় সকল কাজ করিয়াছেন, হাসিমুখে সকলের সাথে কথা কহিয়াছেন, মুহূর্তের তরে কষ্ট অনুভব করেন নাই ।

মা ঠাকুরানী ও আমি খাইতে বসিলাম । মা ঠাকুরানীর খাইতে অতিশয় দেরি হইত । আমার খাওয়া হইলে, তিনি বলিলেন, কতক্ষণ বসিয়া থাকিবে, উঠিয়া যাও । মা ঠাকুরানী উঠিতে বলিলে, আমি ভাবিলাম, যখন উনি উঠিতে বলিয়াছেন, উঠিয়া যাই । আঙ্গুই চলিয়া যাইব, আর অধিক সময় এখানে থাকিতে পারিব না । যেসময় টুকু আছি, নাগমহাশয়ের নিকট থাকিব । আমি বারান্দায় যাইয়া নাগমহাশয়কে পাইলাম না । স্বামী তথায় বসিয়া ছিলেন । তাহাকে নাগমহাশয়ের কথা জিজ্ঞাসা করিলাম । স্বামী বলিলেন, তিনি বোধ হয় পায়খানায় গিয়াছেন । আমি পথে যাইয়া দাঁড়াইলাম । অনেক সময় পরে দেখিলাম, নাগমহাশয় মুখ ধুইয়া আসিতেছেন । আমি তাঁহার সঙ্গে বাড়ীতে আসিলাম । বেহুানে স্বামী বসিয়াছিলেন, তিনি তথায় যাইয়া বসিলেন । তিনি হাসিতে হাসিতে স্বামীকে জিজ্ঞাসা করিলেন, পড়া কি রকম হইতেছে ? কোন্ কোন্ সময় ছেলে পড়াইতে হয় ? স্বামী ছেলে পড়াইয়া কলেজে পড়িতেন । তিনি সকল কথার উত্তর দিলেন । নাগমহাশয় আমার দিকে তাকাইয়া বলিলেন, উহার উপর ঠাকুরের দয়া আছে । সকলেই উহাকে ভালবাসে । আমি মনে মনে বলিলাম, তোমার দয়া থাকিলেই হয় । লোকের ভালবাসায় কি আসে যায় । বাড়ীতে আসিব, সন্ধ্যা হইল । নাগমহাশয় বলিলেন, ও তোমাকে লইয়া একাকী কি করিয়া



যাইবে ? আমি ষ্টেশন পর্যন্ত তোমাদের সঙ্গে যাইব ? আমি বলিলাম, শীতের সময় আপনার কষ্ট করিতে হইবে না । তিনি স্বামীকে বলিলেন, আমি সঙ্গে যাইব ? স্বামী বলিলেন, সেই দিন রাত্ৰিতে আমি নিয়া আসিতে পারিলাম, আর আজ সন্ধ্যার সময় তাহা পারিব না ? নাগমহাশয় বলিলেন, যখন আপনি নোকা ভাড়া করিবেন, সে সময় খুকী কোথায় থাকিবে ? স্বামী বলিলেন, আমি নদীর ঘাটে দাড়াইয়া নোকা ভাড়া করিব । সে আমার কাছেই থাকিবে । আপনার যাওয়ার কোন দরকার নাই । নাগমহাশয় বালকের মত আমাকে বলিলেন, পার্বতী আমাকে যাইতে বারণ করিতেছে । সে তোমাকে লইয়া যাইবে । নোকা ভাড়া করা নাই । বীর পুরুষটী, কোন ভয় নাই ।

আমরা আসিব মনে করিয়া উঠিলাম । নাগমহাশয় আমাদের সঙ্গে উঠিলেন । যতদিনই দেওভাগে থাকিতাম, আসার সময় নাগমহাশয় এত স্নেহ করিতেন, যেন বহুদিনের পর দেখা করিয়া আমরা বহুদূরে চলিয়া যাইতেছি । আমি এখন আসি বলিলেই তিনি স্নেহে গলিয়া সঙ্গে সঙ্গে থাকিতেন । আমরা পথে চলিয়া আসিতাম, তিনি সঙ্গে সঙ্গে আসিতেন । অন্ত্যায়বার তিনি কতকদূর আসিলে, আমরা তাঁহাকে বাড়াই যাইতে বলিতাম, তিনি যতদূর দেখা যাইত তাকাইয়া থাকিয়া বাড়াইতে আসিতেন । এবার আমরা যাইতে লাগিলাম, তিনি আমাদের সঙ্গে চলিলেন । স্বামী বলিলেন, শীতের সময় কেন কষ্ট স্বীকার করিয়া আমাদের সাথে আসিতেছেন ? আমি বলিলাম, আপনি বাটী বান । নাগমহাশয় কিছুই বলিতেছেন না, কেবল আমাদের প্রতি তাকাইতেছেন এবং আমাদের সাথে আসিতেছেন । লক্ষ্মীনারায়ণউজীর মন্দির

দেখা যাইতে লাগিল । তিনি মাঠের মধ্যে দাঁড়াইলেন এবং আমাকে বলিলেন, পার্বতী বারণ করিয়াছে, আর যাইব না । আমি ফিরিয়া তাঁহার মুখপানে চাহিলাম । স্বামীও তাঁহার মুখ পানে তাকাইলেন । নাগমহাশয় বলিলেন, এস মা । আমরা যাইতে যাইতে ফিরিয়া তাকাইয়া দেখিলাম, নাগমহাশয় মাঠে দাঁড়াইয়া আমাদের দিকে চাহিয়া আছেন । যতদূর দেখা গেল, তিনি দাঁড়াইয়া রহিলেন । আমরা জীব হইয়া ভগবান্কে মাঠে রাখিয়া চলিয়া আসিলাম । এমন স্নেহ কেহ কি করে ? স্বামী নাগমহাশয়কে বলিয়াছিলেন, আমাকে তাঁহার নিকটে রাখিয়া নৌকাভাড়া করিবেন । নাগমহাশয়ের এমন মহিমা, আমরা নদার পার ঘাটে দাঁড়াইয়াছি, একখানা নৌকা আসিয়া ঘাটে লাগিল, যেন নাগমহাশয় আগের ভাগে নৌকা ঠিক করিয়া রাখিয়া ছিলেন ।

আমাদের উপর নাগমহাশয়ের দয়ার শেষ নাই । তিনি আমাদিগকে অতিশয় স্নেহ করিতেন । যেমন ৫।৭ বৎসরের ছেলে ও মেয়েকে বিবাহ দিয়া, তাহাদের খেলা দেখিয়া জনক ও জননী স্নেহে আত্মহারা হন, সংসার ভুলিয়া যান, নাগমহাশয়ও তেমন আমাদিগকে দেখিয়া সুখী হইতেন । তখন আমার বয়স ১৫ বৎসর, স্বামীর বয়স ২০ বৎসর । এক রাত্রিতে আমি ঘরের মধ্যে শুইয়াছিলাম, নাগমহাশয় ও স্বামী সেই ঘরের বারান্দায় শুইয়াছিলেন । ভোরে উঠিয়া নাগমহাশয় বসিয়া আছেন । আমি তাহা বুঝিতে পারিয়া, উঠিয়া দরজার নিকট দাঁড়াইয়া নাগমহাশয়কে দেখিতেছি । স্বামী তাঁহার নিকট বসিয়াছিলেন । তিনি আমার দিকে তাকাইয়া হাসিলেন । নাগমহাশয়ের কাছে

বাইবার পূর্বে একটা কথা লইয়া মতবৈধ হইয়াছিল । আমি চক্ষু  
 সঙ্কুচিত করিয়া স্বামীর দিকে তাকাইয়া, আবার নাগমহাশয়ের  
 পানে চাহিয়া রহিলাম । স্বামী আমার ভাব দেখিয়া চুপি চুপি  
 হাসিতে লাগিলেন । নাগমহাশয়ের সাক্ষাতে তাঁহাকে কোন  
 কথা বলিতে পারিলাম না । আমি অতিশয় ভয় হইলাম ।  
 নাগমহাশয় সন্নেহে একবার স্বামীর দিকে চাহিলেন, আবার  
 আমার দিকে তাকাইয়া জোরে হাসিয়া উঠিলেন । আমি লজ্জা  
 পাইয়া একটু সরিয়া দাড়াইলাম । স্বামী বাহিরে চলিয়া গেলেন ।  
 আমি নাগমহাশয়ের কাছে যাইয়া, তাঁহাকে জিজ্ঞাসা করিলাম,  
 আপনি হাসিলেন কেন ? নাগমহাশয় আমার দিকে তাকাইয়া  
 আরও হাসিতে লাগিলেন । আমি লজ্জা পাইয়া তাঁহাকে দেখিতে  
 লাগিলাম । তিনি কোন উত্তর দিলেন না । তখন তামাকের  
 জন্ত নারিকেলের বাকল দ্বারা আগুন তৈয়ার করিতেছিলেন ।  
 তামাক খাইতে খাইতে স্নেহের সহিত আমাকে বলিলেন,  
 দেখ না, কাঁচা বাকলে আগুন করায় ছঁকায় টান দিলেই কাশি  
 আসে । তাঁহার স্নেহমাথা কথা শুনিয়া, স্নেহে বশীভূতা হইয়া,  
 তাঁহার কাছে বসিয়া রহিলাম । নাগমহাশয়ের উপদেশ সকালবেলা  
 সত্যযুগ, এসময় ভগবানে মন রাখিতে হয় । নাগমহাশয়কে সামনে  
 পাইয়া স্বামী ও আমি মনদিয়া ভগবান্কে দেখিতে লাগিলাম ।  
 সত্য যুগ, পাখীগণ মনের আনন্দে নাগমহাশকে ষেড়িয়া  
 ডাকিতেছিল, তাহা শুনিয়া মর্তলোকে স্বর্গস্থ অন্ভব করিতে-  
 ছিলাম । বেলা হইল । সকলেই ভগবান্কে ছাড়িয়া স্ব স্বকার্যে  
 ব্যস্ত হইল । চারি পাঁচ দিন হইল দেওভোগে আসিয়াছি ।  
 আমরা বাড়ীতে আমার বন্দোবস্ত করিতে লাগিলাম । স্বামীর

অনেক ছুটি আছে । তাঁহার ইচ্ছা একবারে কুচিয়ামোড়ার নৌকা ভাড়া করেন । আমি নাগমহাশয়কে বলিলাম, এই মাসে কুচিয়ামোড়া যাইতে হইবে । তিনি স্নেহের সহিত বলিলেন, চৈত্রমাসে যাইতে নেই । নাগমহাশয়ের নিয়মানুসারে তাঁহাকে ছারিয়া পঞ্চসার আসিলাম ।

একদিন আমার কাকা বিমলাবাবু ও আমি দেওভোগ গিয়াছি । আসিবার সময় আমার এক পিশতুতো ভগ্নিকে সঙ্গে আনিত্তে হইবে । দেওভোগ গ্রামে তাহার বিবাহ হইয়াছে । লক্ষ্মীনারায়ণজীউর মন্দিরের নিকট তাহাদের বাড়ী ছিল । রাত্রে তাহাকে নাগমহাশয়ের বাড়ীতে নিয়া আসিতে পারা যায় না । সন্ধ্যার সময় আমরা রওনা হইলাম । নাগমহাশয় হাসিতে হাসিতে কাকাকে বলিলেন, আপনি ভৌমিক বাড়ী গেলে, ও কোথায় থাকিবে ? আমি সঙ্গে আসিব কি ? কাকা বলিলেন শীতের সময় আমাদের সাথে যাইতে আপনার কষ্ট হইবে । জগবন্ধুবাবু আমাদের সাথে যাইবেন । খুকী তাঁহার সহিত থাকিবে । ভক্তবৎসল নাগমহাশয় ভক্তকে জানাইবার জন্য বলিলেন, লক্ষ্মীনারায়ণজীউর মন্দির যে দিঘির পারে অবস্থিত, তাহার উত্তর পারে এক বৈষ্ণবী ঠাকুরাণী থাকেন । তাহার নিকট খুকীকে রাখিয়া আপনি ভৌমিক বাড়ী যাইবেন । নাগমহাশয়ের কথা মত কাকা আমাকে বৈষ্ণবী ঠাকুরাণীর বাড়ীতে যাইতে বলিলেন । আমি দরজার নিকট গিয়াছি, বৈষ্ণবী আসিয়া আমাকে জিজ্ঞাসা করিলেন, আমি কে ? আমি বলিলাম, আমি নাগমহাশয়ের ভাইয়ের মেয়ে । নাগমহাশয় আমাকে আপনার কাছে বসিয়া থাকিতে বলিয়াছেন । বৈষ্ণবী আমার

দিকে তাকাইয়া বলিলেন, কি, নাগমহাশয় আমার কথা বলিয়াছেন ? তাহা শুনিয়া আমার মনে হইল, নাগমহাশয় যে তাহাকে মনে করিয়াছেন, উহা তাহার বহুভাগ্য। বৈষ্ণবী বলিলেন, এস-মা, এস-মা লক্ষ্মী, ঘরে আসিয়া বস। আমি তাহার ঘরে গেলাম। তিনি আমার দিকে তাকাইয়া নাগমহাশয়ের কথা বলিতে লাগিলেন। নাগমহাশয় বাজারে যাওয়ার সময় কোন কোন দিন তাহার সাথে দেখা করিয়া যাইতেন। নাগমহাশয়ের অনেক কথা বলিয়া আমাকে মিষ্টি খাইতে দিলেন। আমি বলিলাম, নাগমহাশয় আমাকে খাইতে দিয়াছেন, আমি আর এখন খাইতে পারিব না। অবশেষে আমাকে একটা পান খাইতে বলিলেন। আমি পান হাতে নিলাম। এমন সময় আমার ভগ্নি আসিয়া আমাকে ডাকিলেন। বৈষ্ণবী আপন সন্তানের মত আমাকে লইয়া রাস্তায় পৌছাইয়া দিলেন। বৈষ্ণবীকে দেখিয়া, আমার নাগমহাশয়ের মহিমা মনে পড়িতে লাগিল। তিনি গুপ্তভাবে কোথায় কাহাকে পরিচয় দিয়াছেন, কে জানে ?

নাগমহাশয় আমাকে অতিশয় স্নেহ করিতেন ; তাই স্নেহের বশীভূত হইয়া আমাকে তাঁহার বৈষ্ণবী ভক্ত দেখাইলেন। গোপনে তাঁহার কত ভক্ত আছে ; তাহাদের একজনকে দেখাইবার জন্ত তিনি জগবন্ধুবাবুকে আমাদের সহিত যাইতে মানা করিলেন। বৈষ্ণবী নাগমহাশয়ের বিশেষ বিশ্বাসপাত্রী ছিলেন। নচেৎ নাগমহাশয় আমাকে বৈষ্ণববাড়ীতে বৈষ্ণবীর নিকট বসিয়া থাকিতে বলিতেন না। তিনি বিচার করিয়া কাজ করিতেন। যে কাজে দোষ আসিতে পারে, তিনি কখনও সেই কাজ

করিতে বলিতেন না । আমি না বুঝিয়া অনেক সময় যাহাতে নিন্দা করিতে পারে, সেই ভাবে চলিয়াছি । কোন বিষয়ে আমার খেয়াল ছিল না । নাগমহাশয় স্নেহের সহিত আমাকে বলিতেন, মা, যাহা হবার, তাহা হইবেই । তবু ছুঁষ করিয়া কাজ করিতে হয় । মানুষ শব্দের অর্থ মান ও ছুঁষ । তিনি স্নেহ করিয়া আমাকে এত সাবধানে রাখিতেন, কখনও অগ্নি বাড়ীতে শুইতে দিতেন না । দুর্গা পূজার সময়, তাঁহার বাড়ীতে কত লোক হইত । তাঁহার বাড়ীর নিকটে চৌধুরী বাড়ী ছিল । সেই বাড়ীতে নাগমহাশয়ের বাড়ীর অনেক স্ত্রীলোক শুইতেন । আমি নাগমহাশয়ের বাড়ীতে শুইতাম । এমন কি, তাঁহার পিতা দেহত্যাগ করিলে, যখন তিনি নিয়মানুসারে বড় ঘরে শুইতেন, তাঁহার ও মাঠাকুরাণীর বিছানা ঘরের এক পাশে হইত, আমার বিছানা অগ্নি পাশে করাইতেন । আমি সেই বিছানায় শুইতাম । যদি কোন সময় আমি একাকী দেওভোগ থাকিতাম, বড় ঘরে তিন্দি ও মাঠাকুরাণী এক বিছানায় শুইতেন, একটু দূরে অগ্নি বিছানায় আমি শুইতাম । যতদিন ঠাকুরদাদা জীবিত ছিলেন, তিনি স্বামী স্ত্রীকে একঘরে শুইতে দিতেন । অগ্নি লোকের কি ব্যবস্থা করিয়াছেন, তাহা জানি না । তিনি স্বামীর সঙ্গে আমার শোয়ার ব্যবস্থা করিয়াছেন । ঠাকুরদাদার দেহাবসান হইলে, তিনি বলিলেন, বাপমহাশয় এই বাড়ী ভালবাসিতেন, আমি তাঁহার বাড়ী এমন পবিত্র রাখিব, যেন কোন মতে এই বাড়ীতে মৈথুন না হয় । স্বামী ও স্ত্রী এই বাড়ীতে একত্র শুইতে পারিবে না । যদি কখন স্বামী ও আমি দেওভোগে যাইতাম, সঙ্গে অগ্নি লোক থাকিত না, মাঠাকুরাণী ও আমি এক ঘরে শুইতাম, স্বামী ও নাগমহাশয় ভিন্ন ঘরে শুইতেন ।

একদিন মাঠাকুরাণী নাগমহাশয়ের সহিত কোন বিষয়ে বাদানুবাদ করিয়া রান্না ঘরে একাকী শুইলেন । নাগমহাশয় 'ও স্বামী বড় ঘরের বারান্দায় শুইলেন, আমাকে বড় ঘরের মধ্যে শুইতে বলিলেন । যে নাগমহাশয় আমাকে এত বড় করিয়াছেন, তিনি অতিশয় বিশ্বাসিনী না হইলে বৈষ্ণবীর বাড়ীতে আমাকে একাকী থাকিতে বলিতেন না, তাহা সহজেই বুঝা যায় । মেয়েরা যে এ বাড়ী ও বাড়ী ঘড়িয়া বেড়ায়, নাগমহাশয় তাহা একবারেই পছন্দ করিতেন না । সারদাপিসী একবার গণকবাড়ী বেড়াইতে গিয়াছিলেন । নাগমহাশয় অতিশয় বিরক্তির সহিত স্বামীর নিকট অনেক কথা বলিলেন । স্বামী চিরদিনই তাঁহার মুখের দিকে তাকাইয়া ছিলেন । তিনি দয়া করিয়া ধর্ম ও সংসারের বিষয়ে অনেক কথা বলিয়াছেন । স্বামী কোনদিনও পাড়ায় বেড়ান ভাল বাসিতেন না । তাহা নাগমহাশয়ের নিকট শুনিয়া, তাঁহার অনন্ত গুণের মধ্যে যতটা ব্যক্ত করিতে পারিলেন, তাহা বলিয়া আমাকে বলিলেন, ভগবান্কে বলিয়া দিতে হয় না, তিনি নিজেই জীবের কল্যাণের জন্ত বিধি করিয়া যান । তোমাদের সংসারের কাজ করিয়া বাকি সময়টুকু ঘরে বসিয়া থাকিলে, দুইকূল বজায় থাকে । যে ঘরে পাড়ায় ঘোড়ে, তাহার এককূলও হয় না, ওকূলও তার নাই । পাড়ায় বেড়াইলে, দলে মিশিয়া কেবল ইয়ারকি দিয়া ঘুড়িতে ইচ্ছা করে । সংসারের কাজই নিয়ম মত করিতে পারে না, ধর্মকর্ম আর কখন করিবে ? কাজ ঠিক মত না হইলে, সংসারে যজ্ঞা আসিবে, নানা মত অশান্তি আপনিই আসিয়া জুটিবে । নাগমহাশয় জীবের মঙ্গলের জন্ত বিরক্তি দেখাইলেন ! জীবের উপর তাঁহার কত দয়া । যখন আমি ব্রহ্মা

বিকু শিবের মৌলিক কাজ দেখিয়া তাঁহাকে সেই বিষয়ে জিজ্ঞাসা করিলাম, তিনি দয়া করিয়া আমাকে ব্রহ্মজ্ঞান দিয়াছিলেন । পৌরাণিক ঋষতাদের কাজ দেখিয়া আমার মনে হইত, তিনি যুবতী রমণীর সঙ্গে থাকিয়া, অনাবিলমনে জীবন-যাপন করিলেন, তিনি নিশ্চয়ই দেবতা হইতে শ্রেষ্ঠ, তাহার আর কোন ভুল নাই । তিনি কোথা হইতে আসিলেন, তাহা জানি না, তবে তিনি যে স্থানে ছিলেন, যদি কোথায়ও থাকিয়া থাকে, সেই স্থানে মৈথুন নাই । তিনি জীবকে ব্রহ্মজ্ঞান দিবার জন্ত দেহ ধারণ করিয়া ব্রহ্মভাব লইয়া আছেন । যদি জীব সেই স্থানে যায়, সেও ব্রহ্মভাবে মগ্ন হইয়া থাকে এবং তাঁহার ব্রহ্মময় রূপ কিম্বা চিন্ময়রূপ অনুভব করে । আমার মনেরভাব নাগমহাশয় কার্য্যত দেখাইয়া গেলেন । পিতার নাম লইয়া, তাঁহার জন্মভূমি হইতে মৈথুন উঠাইয়া দিলেন । পিতা জীবিত থাকিতে কাহাকে কোন কথা বলেন নাই, জীবিরোগের পর পিতা উর্দ্ধরেতা হইয়া ছিলেন । দেবতারায়ও যখন জীবভাবে অভিভূত, তাঁহার পিতার সেইভাব থাকা আর অশ্চর্য্যের বিষয় কি ? যে স্থানে যে কাজ হইয়া থাকে, সেই স্থানে এমন কাজ হইতে কি দোষ আসিবে ? নাগমহাশয় দয়া করিয়া দীনদয়ালের ঘরে আসিয়াছেন, যতদিন দীনদয়াল ছিলেন, দীনদয়ালের বাড়ী বলিয়া সকল কাজ হইতে দিলেন । দীনদয়ালের অভাবে নাগমহাশয়ের বাড়ী হইল । নাগমহাশয় যেমন, বাড়ীর বিধিও তেমন করিলেন । তাঁহার বিধি দেখিয়া আমার মনের সন্দেহ ঘুচিয়া গেল ।

স্বামীর কথা শুনিয়া আমি বলিলাম, স্বামী স্ত্রী একত্র থাকিলেই কি দোষ হইল ? স্বামী বলিলেন, জীবের মনের বিশ্বাস কোথায় ?



জীবের কোন কাজ করিতে ইচ্ছা হইলে, সুবিধা পাইলে, সে কখনও তাহা ছাড়িবে না । ভগবানের স্মরণ বিচার । যদি তিনি কোন মহৎ লোককে একত্র শুইতে দেন, তাহাতে কোন দোষ না হইতে পারে, কিন্তু সংসারের জীব তাহা বুঝিবে না । সেই মহৎ ব্যক্তিকে নিজের সমান মনে করিবে, যাহা ইচ্ছা তাহা করিবে । সুতরাং নাগমহাশয় বিধি করিলেন, এই বাড়ীতে স্বামী ও স্ত্রী একত্রে শুইতে পারিবে না । তিনি দয়া কবিয়া জীবের নিকট আত্ম পরিচয় দিলেন । তাঁহার কাজ স্পষ্ট বলিয়া দিতেছে, আমি যে স্থানে আছি, তথায় মায়িক কাজ নাই । যদি কেহ আমাকে দেখিতে চাও, বাসনা ত্যাগ কর, মন পবিত্র কর, তবে আমাকে পাইবে । স্বামীর কথা শুনিয়া নাগমহাশয় নিয়মের নিগুচতর বুঝিতে পারিলাম এবং তাঁহাকে বলিলাম, তাই তিনি অনেক সময় হাসিতেন ও বলিতেন, ও মাছ বলে ঠিক । আমি নির্বোধ, তাঁহার নিয়মে যে মহান্ ভাব রহিয়াছে, একবাবও ধারণা করিতে পারি নাই । স্বামী বলিলেন, তোমরা ভক্ত—ভক্তির সহিত তাঁহাকে দেখিয়া ভুলিয়া পাক । আমি ভক্তিহীন, ভক্ত্যন্ত বিচার করিতে সুবিধা নাই । দেখিতে পাওয়া যায়, কলসীতে জল ভরিতে গেলে, প্রথমে ভক্ ভক্ শব্দ হয়, কিন্তু কলসী পূর্ণ হইলে সাড়াশব্দ থাকে না । সেইরূপ তোমাদের ভক্তি-পূর্ণ হৃদয়, কোন কথার কচ্‌কচি নাই । স্বামীর ভক্তিপূর্ণ কথা শুনিয়া, নাগমহাশয়ের স্থান কিরূপ তাহা মনে মনে অনুভব করিতে লাগিলাম । নাগমহাশয়ের অনন্ত গুণ মনে পড়িতে লাগিল । নাগমহাশয় স্বামীর প্রায় সকল কথার প্রসংশা করিতেন । স্বামী ধর্ম বিষয়ে যে সমস্ত কথা বলিতেন, তাহ

মধ্যে কোন কথা বুঝিতে না পারিলে, আমি নাগমহাশয়কে সেই বিষয় জিজ্ঞাসা করিতাম। তিনি হাসিতে হাসিতে বলিতেন, হাঁ, সে ঠিক বলিয়াছে।

নাগমহাশয় আমাদেরকে এত স্নেহ করিতেন যে, তাহার সীমা ছিল না। যদি কেহ আমাদের সামান্য নিন্দা করিত, তিনি তাহা সহ করিতে পারিতেন না। এক দিন আমি স্বামীর সাথে চলিয়া আসিব। দুই জন নাগমহাশয়ের নিকট দাঁড়াইয়া আছি। সংসারের হিসাবে আমার লজ্জা বড় কম ছিল। নাগমহাশয় ত মনে বসিয়া মন দেখেন, তাঁহার সম্মুখে কি আর লজ্জা করিব ? নাগমহাশয়ের নিকট কাহাকে লজ্জা করিতাম না। আমাদের ওভাবে দাঁড়াইয়া থাকিতে দেখিয়া, এক বৈষ্ণবী নাগমহাশয়কে জিজ্ঞাসা করিলেন, ইহারা কে ? নাগমহাশয় স্নেহ করিয়া আমাদের অতিশয় প্রশংসা করিয়া বৈষ্ণবীকে পরিচয় দিলেন। তাহা শুনিয়া বৈষ্ণবী স্নেহে আমাদের দেখিতে লাগিলেন। বৈষ্ণবী যে ভাবে নাগমহাশয়ের সাথে কথা বলিলেন, তাহা শুনিয়া আমার মনে হইল, নাগমহাশয় তাহার কত আপন। তিনি তাঁহার নিকট মনের কথা বলিয়া কত শান্তি লাভ করিলেন। ব্রাহ্মণ চণ্ডাল, হিন্দু-মুসলমান, গৃহী-সন্ন্যাসী, বৈষ্ণব, সকল লোকই নাগমহাশয়কে আপন মনে করিত, সকল লোকই একবাক্যে বলিত নাগমহাশয়ের মত হয় না।

নাগমহাশয় যে স্বামীকে স্নেহ করিতেন, তিনি তাহা গল্পছলে নাগমহাশয়কে বলিয়া ছিলেন। একদিন স্বামী ঢাকা হইতে তাঁহাকে দেখিতে গিয়াছেন। সে দিন তাঁহার বাড়ীতে অল্প লোক ছিল না। নাগমহাশয় বসিয়া আছেন। স্বামী প্রাণ ভরিয়া

তাঁহাকে দেখিতেছেন । নাগমহাশয় স্বামীকে একটা গল্প বলিতে কহিলেন । স্বামী বলিতে লাগিলেন, কোন এক রাজার এক মন্ত্রী ছিল, রাজা মন্ত্রীকে বড় ভালবাসিতেন । মন্ত্রী মনে প্রাণে রাজার সেবা করিতেন । রাজা খাইতে বসিলে, মন্ত্রী খাইয়া দেখিতেন, কেহ খাণ্ড জিনিষে বিষ দিয়াছে কিনা । মন্ত্রী পরীক্ষা করিয়া দিলে পর রাজা খাইতেন । রাজা খুম খাইতেন, মন্ত্রী সমস্ত রাত্র অশিহন্তে দাঁড়াইয়া থাকিতেন, যেন কেহ রাজাকে বিনাশ করিতে না পারে । কোন কথা হইবে, মন্ত্রী খাইয়া তাহা বলিতেন, যাহাতে রাজার কোন দোষ না আসে । কালক্রমে মন্ত্রীর বিরাগ উপস্থিত হইল । তিনি সমস্ত ফেলিয়া রাখিয়া বনে চলিয়া গেলেন । তিনি ভাবিলেন, যদি ভগবানের জন্ত পাগল হইয়া, এইভাবে রাত্রদিন তাঁহার চিন্তা করিতাম, তিনি অবশ্যই আমার প্রতি দয়া করিতেন, আমার ভবযন্ত্রণা শেষ হইত । মন্ত্রী মনে প্রাণে ভগবানের অনুকম্পা চাহিতে লাগিলেন । মন্ত্রী অনেক দিন হয় বনে গিয়াছে, ফিরিয়া আসিতেছে না দেখিয়া, রাজা তাহাকে খুঁজিতে বনে গেলেন । মন্ত্রীর সহিত তাঁহার সাক্ষাৎ হইল । রাজা বলিলেন, মন্ত্রী, দেশে ফিরিয়া চল । আর কতদিন এভাবে থাকিবে ?” মন্ত্রী বলিলেন, “মহারাজ, আর দেশে যাইব না । আমি এখানে অতিশয় সুখে আছি । আমার রাজা বড় দয়ালু । যখন আমি আপনার নিকট ছিলাম, আপনি খাইতে বসিলে আপনার খাওয়ার পূর্বে আপনার খাণ্ড আমাকে খাইতে হইত । আমাকে দেখিতে হইত, আপনার খাণ্ডে বিষ আছে কিনা । এখন আমি এমন রাজা পাইয়াছি,—আমি খাইব, রাজা দেখিতেছেন, তাহা আমার

থাওয়ার যোগ্য শকিনা । আপনি শুইয়া থাকিতেন, আমি সারা রাত্রি খড়্গহস্তে দাড়াইয়া থাকিতাম, যেন কেহ আপনার প্রাণনাশ করিতে না পারে । এখন এমন রাজা পাইয়াছি, আমি ঘুমাইয়া থাকি, তিনি আমার পাহাড়া দেন । এমন দয়ালু রাজাকে ফেলিয়া কোন প্রাণ লইয়া দেশে যাইব ।” নাগমহাশয় ইহা শুনিয়া তাড়াতাড়ি বলিলেন, চলুন, শুইয়া থাকি । স্বামী মনে মনে বলিলেন, এখন শোন আর যাহাই করুন । আপনি আমার রাজা । আজ সুবিধা পাইয়া প্রকাণ্ডে বলিলাম ।

নাগমহাশয়ের স্নেহাকর্ষণে জীব তাঁহাকে না দেখিয়া থাকিতে পারিত না । পশুপক্ষী নাগমহাশয়ের বাড়ীতে থাকিত । সুবিধা পাইলে তাঁহার কাছে আসিত, প্রাণ ভরিয়া তাঁহাকে দেখিত, যেন তিনি তাঁহাদের কত আপন । মানুষের তত সুবিধা হইত না । অনেক লোক এক সপ্তাহের পূর্বে তাঁহাকে দেখিতে পাইত না । মেয়েদের আরও অধিক সময় লাগিত । তাহারা এক মাসের পূর্বে তাঁহার কাছে যাইয়া, তাঁহার পদপ্রান্তে বসিতে পারিত না । একবার ১১ দিন পূর্বে দেওভোগ গিয়াছিলাম । এক রাত্রিতে স্বপ্নে দেখিলাম, নাগমহাশয় কেমন হইয়া গিয়াছেন । জাগিয়া অনেক চেষ্টা করিলাম, ঘুম আসিল না । আমার মন আরও উত্তলা হইয়া উঠিল । প্রবাদ আছে, কোন হুঃস্বপ্ন দেখিয়া জাগিয়া আবার ঘুমাইতে পারিল, সেই হুঃস্বপ্ন মিথ্যা বলিয়া পরিগণিত হয় । আর ঘুম না আসিলে, সেই স্বপ্ন হুঃখে পরিণত হয় । নানা কথা চিন্তা করিতে করিতে রাত্রি ভোর হইয়া গেল । পরদিন দেওভোগ যাইব মনে করিলাম । এমন লোক পাইতেছি না, বাহার সঙ্গে দেওভোগ যাইতে পারি । রবিবার হইলে পিতা বাড়ীতে

থাকিতেন । পিতা মুন্সীগঞ্জে আছেন । স্বামী ঢাকার রহিয়াছেন । ভাইগুলি একেবারে ছোট । একজন পুরুষও বাড়ীতে নাই । পিতাকে খবর দিলে যদি তিনি আসিতে না পারেন, কিম্বা যদি তিনি বলেন, আমি রবিবার যাইব, আর দুই দিনেই বা কি বিশেষ ক্ষতি হইবে ? আমি এইরূপ নানা বকম চিন্তা করিয়া, আমার এক পিসীকে জিজ্ঞাসা করিলাম, তিনি আমার সহিত দেওভোগ যাইতে পারেন কি না । তাহার বেশ বুদ্ধি ও সাহস আছে । তিনি বলিলেন, এই সেদিন দেওভোগ হইতে আসিয়াছি, এত তাড়াতাড়ি কেন ? নাগমহাশয় আমাকে স্নেহ করিতেন, সেই সূত্রে সকলেই আমাকে একটু ভিন্ন মত ভালবাসিত । আমি বলিলাম, আমি কেন আজ যাইতে চাই. তাহা কাহাকে বলিব না । তবে আমি আজ দেওভোগ না যাইয়া পারিব না । আপনি আমার সহিত গেলে ভাল হয় । তিনি দেশের নৌকা ভাড়া করিলেন । বাড়ীর সকলেই দেওভোগ গেলেন ।

নাগমহাশয় বারান্দার এক কোণে বসিয়া আছেন । আমাকে দেখিয়াই তিনি হাসিতে হাসিতে বলিলেন, “মা, এসেছ ?” আমি বলিলাম, “আপনাকে যে মুহূর্ষ দেখিতে পাইলাম, কত জনমের তপস্তার ফল । কল্য রাত্রিতে আমি কি দেখিলাম, মনের ব্যথা দূর করিয়া বুঝাইতে চেষ্টা করিলাম, ঘুম আসিল না । ভোর হইলে মনে করিলাম, যে ভাবে হউক আজ দেওভোগ যাইব ।” নাগমহাশয় তাহা শুনিয়া, আমরা শিশুকে লইয়া খেলা করিতে করিতে যেরূপ কথা বলি, তিনি সেই ভাবে হাসিতে হাসিতে আমাকে জিজ্ঞাসা করিলেন, আমি কি দেখিয়াছি ? আমি বলিলাম, “আপনি সমস্ত জানেন, আমি আর কি বলিব । যাহা

দেখিয়াছি, আমি তাহা মুখে আনিতে পারিব না ।” আমি বতই বলি, আমি সেই কথা মুখে আনিতে পারিব না, তিনি ততই হাসিয়া বলেন, কি দেখিয়াছ ? চুঠাং আমার মনে হইল, তবে তিনি কি আমার মুখ হইতে কথা বাহির করিয়া, তাহা সত্যে পরিণত করিবেন । তিনি আমার পিসীর নিকট তাহার অনুসন্ধান করিতে লাগিলেন । পিসী বলিলেন, খুকী যাহা তোমাকে বলিল না, তাহা কি আর আমাকে বলিয়াছে ? প্রাতঃকালে সে আমাকে স্খিজ্ঞাসা করিয়াছিল যে, আমি তাহার সাথে দেওভোগ বাইতে পারি কিনা । তাহার কথামত আমি তাহার সঙ্গে আসিয়াছি । নাগমহাশয় আমার দিকে তাকাইয়া বলিতে লাগিলেন, “মৃত্যু কি ? কষ্টের শেষই মৃত্যু । কাল এমন ব্যথা হইয়াছিল, সমস্ত রাত্রি বসিয়া কাটাইয়াছি । ইহার শতাংশের এক অংশ ব্যথা হইলে জীবের প্রাণ বাহির হইয়া যায় । পরমহংসদেব বলিতেন, ভুগবানু <sup>১৮</sup> স্বপ্নে যাহা দেখা যায়, সমস্তই সত্য । স্বপ্নে অন্য যাহা দেখা যায়, তাহা পুন্দের মধ্যে মনের চাঞ্চল্যের ফল । নাগমহাশয়ের কথা শুনিয়া, আমি মনে মনে বলিলাম, তুমি বসিয়া বসিয়া আমাকে মনে করিয়াছিলে, তাই আমি তোমার সেই অবস্থা দেখিতে পাইয়াছি । এইরূপ দয়া করিয়া, যখন যে ভাবে থাক, আমাকে জানাইও । আমি যেন তোমার শেষ অবস্থা না দেখি । নাগমহাশয় হাসিলেন । সময়ে দেখিলাম নাগমহাশয়কে মনে মনে যাহা বলিয়াছিলাম, তিনি তাহাই করিলেন । তৎপর মনে হইল, শেষ অবস্থায় যেন তোমাকে না দেখি, যদি এই কথা না বলিয়া— কহিতাম, যে তোমার আগে যেন মরিতে পারি, তাহা হইলে সমস্ত দিক রক্ষা হইত । সেই ভাব কি আমার মত জীবের হয় ?

নাগমহাশয়ের ভাগিনেয় নরেন্দ্রচন্দ্র শিশু সময় হইতে তাঁহাকে ভালবাসিত । নরেন্দ্রের ছয় মাস বয়স হইলে, আমার পিতা তাহার মুখে ভাত দিয়া, আমার ভাত খাওয়াইতে তর্ঘীসহ নরেন্দ্রকে দেওভোগ আনিলেন । তখন সে মাতার কোলে থাকিয়া একদৃষ্টিতে নাগমহাশয়ের দিকে তাকাইয়া থাকিত । শিশুসময়ে মা যেখানে থাকিতেন, সেও সেইস্থানে থাকিত । বড় হইলে নাগমহাশয়ের পিছন ধরিল । সে প্রায় সৰ্বদা দেওভোগ থাকিত । নাগমহাশয় যথায় যাইতেন, সেও তাঁহার সহিত তথায় যাইত । শ্রীযুত তারাকান্ত গাঙ্গুলী নাগমহাশয়ের ভক্ত ছিলেন । তারাকান্ত বাবু ভক্তি দিয়া নাগমহাশয়কে বাধিয়াছিলেন । তিনি ভাবাবেশে নাগমহাশয়কে যেখানে সেখানে লইয়া যাইতেন । তারাকান্ত বাবু গান করিলে, নাগমহাশয়ের সমাধি হইত । নাগমহাশয় সমস্ত জানিতেন । তিনি নারায়ণগঞ্জ হইতে রওনা হইয়া গান করিতে লাগিলে, নাগমহাশয় মহাভাবে উন্মাদের মত ঘরের বাহির হইতেন । নাগমহাশয়ের সেই অবস্থা দেখিলে, লোকে মনে করিত, তারাকান্তবাবু আসিতেছেন । তিনি দেওভোগে আসিয়া নাগমহাশয়কে জড়াইয়া ধরিতেন এবং উভয়ে মহাভাবে আত্মহারা হইয়া পড়িতেন । সামান্য জ্ঞান হইলে, তিনি নাগমহাশয়কে লইয়া জঙ্গলের ভিতর চলিয়া যাইতেন । আহার নিদ্রা ত্যাগ করিয়া উভয়েই ভগবৎভাবে মত্ত থাকিতেন । কখন ছই তিন দিন এইভাবে কাটিত । নরেন্দ্র আড়ালে থাকিয়া সমস্ত দেখিয়া আসিত । কোন দিন কাঁটার গড়াগড়ি দেওয়ার তাঁহাদের শরীর ক্ষত বিক্ষত হইত । তাঁহাদের রক্তাক্ত কলেবর দেখিয়া সে বিচলিত হইত এবং মাঠাকুরাণীর নিকট দৌড়াইয়া আসিয়া সকল

কথা বলিত । মাঠাকুরাণী কি করিবেন ? ঘরে বসিয়া কাঁদিতেন । নরেন্দ্র নাগমহাশয়ের দেহে রক্ত দেখিয়া আর সুস্থ থাকিতে পারিত না, একবার দৌড়িয়া নাগমহাশয়কে দেখিতে যাইত, আবার দৌড়িয়া বাড়ীতে আসিত । তাহার উদ্দেশ্য ছিল যেন কেহ নাগমহাশয়কে বাড়ীতে লইয়া আসে । কে নাগমহাশয়কে আনিবে ? তাঁহাদের নিকট যাইতে কাহারও সাহস হয় নাই । নাগমহাশয়েব নিকট তাঁহার ভক্তের খেলা অপর ভক্তই দেখিতে পাইয়াছে ।

একদিন নাগমহাশয় ঘরে শুইয়া তিনবার হরিবোল বলিয়া তারাকান্তবাবুকে বলিলেন, আমাকে বাহির করিয়া ফেলুন । তারাকান্তবাবু তাঁহাকে বাহির করিলেন না । অবশেষে নাগমহাশয় বলিয়া উঠিলেন, আর পারিলি না, আর পারিলি না, আর পারিলি না । ইহা বলিয়া তিনি সমাধিমগ্ন হইলেন । অনেক সময় চলিয়া গেল, তিনি প্রকৃতিস্থ হইতেছেন না । ঠাকুরদাদা শোকে অধীর হইয়া উঠিলেন । মাঠাকুরাণী কাঁদিতে লাগিলেন । নরেন্দ্র বলিল, মামীমা, এ কি হইল ? তারাকান্তবাবু মহাভাবে মগ্ন হইয়া পড়িয়াছেন । দুই প্রহর পর নাগমহাশয়ের মন বহির্জগতে আসিল । মাঠাকুরাণী তাঁহাকে জিজ্ঞাসা করিলেন, এই সব কি হইতেছে ? আপনি কেন তিনবার হরিবোল বলিলেন ? আবার তারাকান্তকে বাহির করিতে বলিলেন কেন ? সে বাহির করিল না, তৎপর তাহাকে তিনবার বলিলেন, পারিলি না । তাহাই বা কেন করিলেন ? আবার দুই প্রহর দম বন্ধ করিয়া কেন রহিলেন ? নাগমহাশয় কোন উত্তর দিলেন না, চুপ করিয়া শুইয়া রহিলেন । মাঠাকুরাণী বার বার এই সকল প্রশ্ন করিতে লাগিলেন । নাগ



মহাশয় কোন মতেই কিছু বলিতে চাহিতেছেন না । অবশেষে ভক্তবৎসল ভগবান মাঠাকুরাণীর ভয় দেখিয়া বলিলেন, তিনবার হরিবোল বলিয়া উহাকে বাহির করিতে বলিয়াছিলাম ! যদি সে তখন আমার কথামত আমাকে বাহির করিত, আমি এই দেহ ত্যাগ করিয়া চলিয়া যাইতাম । আমার শোকেও থাকিতে পারিত না, পাগল হইয়া যাইত । মাঠাকুরাণী বলিলেন, কি সর্বনাশ ? তিনি ভয় পাইয়া, নাগমহাশয়কে স্মরণ করিয়া, তারাকান্তবাবুকে অভিসম্পাত দিলেন, তুই নাগমহাশয়কে ভুলিয়া বিপথে যা । যদি আমি মনে প্রাণে তাঁহার সেবা করিয়া থাকি, আমার শাপ বিফল হইবে না । তারাকান্তবাবু আমার মত অভিশপ্ত হইয়া জীবনের ভার বহন করিতেছেন । সেই অবধি তিনি নাগমহাশয়ের নিকট যাওয়া বন্ধ করিলেন । সমস্ত মহাভাব ছুটিয়া গেল । পরে তিনি বারদির ব্রহ্মচারীর শিষ্য হইলেন । মাঠাকুরাণীর শাপের পূর্ণফল ফলিল ।

নাগমহাশয়ের সেবা করিলে জীব শিব হন । শাপ দেওয়াত সামান্য কাজ । নাগমহাশয় দুঃখিত হইয়া, মাঠাকুরাণীকে বলিলেন, তারাকান্ত কিছু বৃদ্ধিতে পারিল না, তাই রক্ষা । তারাকান্ত শাপ দিলে, তোমার রক্ষার উপায় ছিল না । মাঠাকুরাণী নাগমহাশয়ের পা জড়াইয়া ধরিলেন । নাগমহাশয় ক্ষমা করিলেন । নাগমহাশয়কে মুহু দেখিয়া ঠাকুরদাদা মৃতদেহে জীবন পাইলেন । নরেন্দ্র মামাকে বসিতে দেখিয়া, তাঁহার নিকট যাইয়া বসিয়া রহিল । মাঠাকুরাণী নাগমহাশয়কে প্রকৃতিস্থ দেখিয়া তাঁহার অন্ত 'ব্রাহ্ম' করিতে গেলেন । তারাকান্তবাবুর সর্বনাশ হইয়া গেল ।

নরেন্দ্র ঈশ্বরমহাশয়কে অতিশয় ভালবাসিতেন । নাগমহাশয় বাজারে যাইতেন, নরেন্দ্রও তাঁহার সহিত বাজারে যাইত । নাগমহাশয় যত দিন বাড়ীতে থাকিতেন, ততদিন সে দেওভোগ ছাড়িয়া কোথায়ও যাইত না । নাগমহাশয় কলিকাতায় আসিলে, সে নানাস্থানে ঘুরিয়া দিন কাটাইত । নাগমহাশয় বাড়ীতে গিয়াছেন শুনিয়া মুহূর্তের তরেও সে অন্ত্র রহিত না । নাগমহাশয়ও তাহাকে এত ভালবাসিতেন, শেষ সময়ে তাহার বাসনা পূর্ণ করিয়াছিলেন ।

কুক্ষণে নরেন্দ্র বিবাহ করিল । বিবাহের পর তাহার শ্বশুর তাহাকে পড়াইবার জন্য কাছার লইয়া গেল । পবিত্র দেহে পাপ স্পর্শ করিল । তাহার বিষম জ্বর হইল । প্লীহা ও লিবার লইয়া দেশে আসিল । শরীর দিন দিন খারাপ হইতে লাগিল । দেহত্যাগের এক মাস পূর্বে নরেন্দ্র দেওভোগে গেল, নাগমহাশয়ের রাতুল চরণে শরণ লইল ।

সারদাপিসী নরেন্দ্রের চিকিৎসার জন্য কয়েক মাস অন্ত্র ছিলেন । একদিন নরেন্দ্রের প্রাণ নাগমহাশয়ের জন্য কাঁদিয়া উঠিল । সে ব্যকুল হইয়া মাকে বলিল, আমাকে ঠাকুরমামার নিকট লইয়া চল । আমি তাঁহার কাছে গেলেই ভাল হইব । পিসী বলিলেন, এখানে ডাক্তার লাগাইয়াছি, তুমি রীতিমত ঔষধ খাইতেছ, সামান্য ভালও হইয়াছ । এখন এই স্থান হইতে চলিয়া যাওয়া বুদ্ধিসঙ্গত নয় । নরেন্দ্র বলিল, আমি ঠাকুরমামার কাছে গেলেই ভাল হইব । আমি তাঁহার কাছে না যাইয়া আর পারিব না । নরেন্দ্রের আত্মহ দেখিয়া সারদাপিসী তাহাকে লইয়া দেওভোগ গেলেন । মৃত্যুর চারি পাঁচ মাস

পূর্ব হইতেই নরেন্দ্র সংসারের লোকের উপর অত্যন্ত বিরক্ত হইয়াছিল। কাহার কথা শুনিতে পারিত না। রোগের যন্ত্রণায় অস্থির হইয়া পড়িয়াছিল। নাগমহাশয়কে দেখিয়াই তাহার যন্ত্রণা কমিয়া গেল। অনেক দিনের পর বাতনার হাত এড়াইয়া নরেন্দ্র নাগমহাশয়কে দেখিতে লাগিল। তাহার বাতনা একেবারেই চলিয়া গেল। নাগমহাশয় তাহার সাক্ষাতে না রহিলে, সে ছট্‌ফট্ করিত, নাগমহাশয়কে দেখিলেই আবার সুস্থ হইত।

একদিন আমার পিতা দেওভোগ গিয়াছেন, তিনি নরেন্দ্রের শয্যার নিকট বাইয়া দেখিলেন, নাগমহাশয় তাহাকে কি বলিতেছেন, আরও নিকটে বাইয়া শুনিলেন, নাগমহাশয় তাহাকে কহিতেছেন, মরিবি, তাতে ভয় কি ? ঠিক হইয়া থাক না। নরেন্দ্র নাগমহাশয়ের কথা শুনিয়া চূপ করিয়া রহিল। নাগমহাশয় তাহার দিকে তাকাইয়া থাকিলেন। পিতা দেখিলেন যেন নাগমহাশয় তাঁহার স্নেহপূর্ণ দৃষ্টি দ্বারা তাহার হৃদয়ের তাপ দূর করিতেছেন। তখন পিতা মনে মনে নাগমহাশয়কে বলিলেন, তুমি বাহার সহায়, তাহার আবার মরণের ভয় কি ? তিনি পিতার দিকে মুখ ফিরাইয়া বলিলেন, বস। পিতা বলিলেন, আমি এখনই চলিয়া যাইব। নাগমহাশয় বলিলেন, কেন কষ্ট স্বীকার করিয়া বৃষ্টিতে ভিজিয়া আস। একদিনও থাক না। আসিয়াই আবার চলিয়া যাও। পিতা বলিলেন, আপনাকে দেখিতে আসি, দেখিয়া চলিয়া যাই।

পিতা বাড়ীতে আসিয়া আমাকে বলিলেন, নরেন্দ্রকে দেখিলে মনে হয়, সে ঠাকুরজাই ছাড়া অন্য কিছুই যেন জানে না। কতকদিন পর শুনিলাম, নরেন্দ্র আর ইহ জগতে নাই। আমরা

সকলে নাগমহাশয়কে দেখিতে গেলাম । তখনও পিসী তথায় ছিলেন । তিনি আমাদেরকে দেখিয়া কাঁদিয়া উঠিলেন । সকলেই তাঁহাকে সাধনা করিতে লাগিল । আমি নাগমহাশয়কে জিজ্ঞাসা করিলাম, নরেন্দ্রের মৃত্যু কি ভাবে হইয়াছে ? তাহার কি নির্বাণ লাভ হইয়াছে । নাগমহাশয় বলিলেন, তাহার নির্বাণ হয় নাই । যে দিন সে মরিবে, আমি আগের ভাগেই তাহা বুঝিতে পারিয়াছিলাম । একজ্বর ছাড়িয়া আসিতে লাগিল । একজ্বর ছাড়ার সময় মানুষ মরে । যদি সে দিন সে বাঁচে, সেই জ্বরে আর কোন ভয় থাকে না । আমি রাত্রিতে শুইলাম না । তাহার কাছেই বসিয়া রহিলাম । অনেক রাত্রি হইয়া গেল । সকলে আমাদেরকে শুইয়া থাকিতে বলিল । আমি শুইতে গেলাম । নরেন্দ্র আমাদের ডাকার জন্ত সারদাকে বলিল । সারদা তাহাকে বলিল, তোমার মামা এই শুইতে গেলেন, এখন তাঁহাকে কি করিয়া ডাকিব ? যখন নরেন্দ্র দেখিল, তাহার মা আমাদের ডাকিল না, সে নিজেই মামা বলিয়া চিৎকার করিয়া উঠিল । আমি তাহার মাথার কাছে বাইয়া দাঁড়াইলাম । যে হাত সে পূর্বে তুলিতে পারিত না, সে সেই হাত তুলিয়া আমার পা স্পর্শ করিল এবং নিজের কপালে স্থাপন করিল, সঙ্গে সঙ্গে তাহার শ্রোণ বাহির হইল । আমি তাহার নিকটে গেলেই সে আমার মুখের দিকে এক দৃষ্টিতে তাকাইয়াছিল ।

আমি নাগমহাশয়কে জিজ্ঞাসা করিলাম, তাহার নির্বাণ হইল না কেন ? সে যে জীবের অসাধ্য কাজ করিল ? এমন সুযোগ কাহার ঘটে ? মৃত্যু সময় অম্বাড় হাত তুলিয়া ও পার হাত দিয়া নমস্কার করিয়া, ও মুখের উপর বদ্ধদৃষ্টি রাখিয়া,

চিরবিদায় গ্রহণ করিল, তাহার নির্বাণ হইল না ? তবে কি জীবের নির্বাণ হয় না ? নাগমহাশয় বলিলেন, মা, নির্বাণ বড় কঠিন জিনিষ । আমি তাঁহাকে মনে মনে বলিলাম, তোমার চিন্তা করিলে, জীব নির্বাণ লাভ করিতে পারে । তোমার রূপ যাহারা মনে রাখিতে পারে, তাহারা নির্বাণ লাভ করিবে । তাহা আর বেশী কি ? যাহারা তোমাকে মনে রাখিতে পারে না, তাহাদের নিকট নির্বাণ কঠিন হইতে পারে । উনি তোমার পার্বদ ভক্ত, তাই তাহাকে বাধিয়া দিলে । আমি তোমার রূপ চিন্তা করিব । যদি সকল সময় তোমার সমস্ত চেহারা মনে করিতে না পারি, তোমার একটা অঙ্গুলির চিন্তা করিব । নাগমহাশয় হাসিতে হাসিতে বলিলেন, নির্বাণ হইলেত, কথাই নাই । তবে রমণী পতিগতপ্রাণ হইলে পতিলোকে যায় । আমি মনে মনে বলিলাম, আমি কোন লোক চাহি না । তোমার একটা অঙ্গুলি চিন্তা করিয়া নির্বাণ লাভ করিব । নাগমহাশয় হাসিতে হাসিতে বলিলেন, নির্বাণ হইলেত কোন কথাই নাই । কত জীবন গিয়াছে, তাহার তুলনার ৬০।৭০ বৎসব চ'থের পলক । ভগবান্ হৃদয়ের জিনিষ । তাঁহাকে হৃদয়ে ডাকিলে, হৃদয়ে পাওয়া যায় । বাহিরে তাঁহার সন্ধান হয় না । কাহার মুখে শুনিয়াছ, কোথায় নৌকা করিয়া গেলে, তাঁহাকে পাওয়া যায় ? আমি মনে মনে বলিলাম, দেওভোগে নৌকা করিয়া আসিলে, ভগবান্কে দেখা যায় । যখন তোমার চেহারা ভুলিয়া যাইব, এখানে আসিয়া তোমাকে দেখিয়া যাইব । যদি তোমার সমস্ত চেহারা মনে না' রাখিতে পারি, একটা অঙ্গুলি মনে রাখিব । নাগমহাশয় বলিলেন, তাঁহাকে হৃদয়ে পাওয়া যায় ।

তিনি হৃদয়ে আছেন। তাঁহাকে হৃদয়ে দেখিতে না পাইলে, বাহিরের দেখা কোন কাজের নয়। এই কথাই আমার ভয় হইল। আমার মনে হইল, তিনি বোধ হয় আর অনেকদিন দেওভোগে থাকিবেন না।

কয়েকদিন পর স্বামী পঞ্চসার গিয়াছিলেন। আমি তাঁহাকে সকল কথা বলিলাম। নাগমহাশয় যে বলিয়াছিলেন, নৌকা করিয়া কোথায় গেলে তাঁহাকে পাওয়া যায় না। তিনি হৃদয়ের জিনিস, হৃদয়ে খুঁজিতে হয়, এই সমস্ত কথা শুনিয়া স্বামী বলিলেন, নাগমহাশয় যে ভগবান্, ইহা সকলের নিকট বলিও না। যখন ভগবান্ অবতীর্ণ হন, নিজ গুণে ভক্তের নিকট ধরা দেন। অধিক লোক জানিলে, তিনি চলিয়া যান। স্বামীর কথা শুনিয়া নাগমহাশয়ের কথা মনে পড়িল। স্বামীকে বলিলাম, এই জন্ত তিনি তোমার নিকট সমস্ত কথা বলিতে বলিয়াছেন। নরেন্দ্রের মৃত্যুর কথা শুনিয়া তিনি বলিলেন, ইহা অপেক্ষা শ্রেষ্ঠ মৃত্যু হইতে পারে না। নাগমহাশয়ের ইচ্ছায় নরেন্দ্র তাঁহার ভক্ত হইয়া রহিল। ঐ পদযুগল স্পর্শ করিয়া, ও চরণধূলি মস্তকে দিয়া মরিলে, যদি নির্বাণ না হয়, তবে কোন্ অবস্থায় নির্বাণ লাভ হইতে পারে, তাহা জানি না। ভগবানের কৃপায় ইহা অপেক্ষা আর কি বেশী হইতে পারে? যখন হরিদাসঠাকুর ত্রীচৈতন্যের মুখের দিকে চাহিয়া দেহত্যাগ করিয়াছিলেন, তাঁহার স্মৃতিতে অভিভূত হইয়া চৈতন্যদেব তাঁহার মৃতদেহ হৃদয়ে ধারণ করিয়া কতই না নাচিয়াছিলেন। তাঁহার চরণধূলা শিরে ধারণ করিয়া যাত্রা করিলে কি আর কিরিয়া আসিতে হয়?

স্বামী স্মৃতি পাইলেই নাগমহাশয়কে দেখিতে যাইতেন।

এক শনিবার তাঁহাকে দেখিতে দেওভোগ যাইতেন, অল্প শনিবার পঞ্চসার আসিতেন । কখন কখন পঞ্চসার হইতে ঢাকা যাওয়ার সময় একবার নাগমহাশয়কে দেখিয়া যাইতেন । প্রাতে পঞ্চসার হইতে রওনা হইয়া ৮ ঘটিকার সময় নারায়ণগঞ্জ পৌঁছিতেন । ১০টার সময় ঢাকার ট্রেন ছাড়িত । স্বামী ভাবিতেন, যথা কেন দুই ঘণ্টা বসিয়া থাকি, নাগমহাশয়কে একবার দেখিয়া আসি । তিনি দেওভোগ যাইতেন । নাগমহাশয় তাহাতে অতিশয় সুখী হইতেন । আধঘণ্টার বেশী তাঁহাকে দেখিতে পারিতেন না । একদিন চলিয়া আসিতেছেন, নাগমহাশয়ের নিকট একটা লোক ছিলেন । তিনি নাগমহাশয়কে জিজ্ঞাসা করিলেন, ও এই এল, এখনই আবার চলিয়া গেল কেন ? নাগমহাশয় বলিলেন, আমাকে দেখিতে আসিয়াছিল । আজ কলেজ আছে, তাই তাড়াতাড়ি যাইতেছে ।

নাগমহাশয়ের এমন শক্তি ছিল, তাঁহাকে দেখিলে মনের বাসনা পূর্ণ হইত, মনে শান্তি নিরাজ করিত । দেহ অসুস্থ থাকিলেও নাগমহাশয়ের পবিত্র বাতাসে অসুখের গতিরোধ হইয়া যাইত । একবার আমি ও আমার বড় ভগ্নী ৪।৫ দিন দেওভোগে ছিলাম । চৈত্র মাস । আমি মধ্যাহ্নে আহার করিয়া শুইয়া আছি । হঠাৎ আমার ঘুম ভাঙ্গিয়া গেল । বমি হইল । যখন আমি বমি করিতে ছিলাম, আমার ভগ্নী আমাকে জিজ্ঞাসা করিলেন, বিনদা, তুমি বমি করিতেছে ? আমি হাঁ বলিলে, তিনি নাগমহাশয়ের বড় ঘরে চলিয়া গেলেন । আমার বমির বেগ কমিয়া গেল । মুখ ধুইয়া আবার শুইয়া রহিলাম । বৈকালে কীর্তন হইতেছিল । নাগমহাশয় বাহিরে বসিয়া আছেন । আমি তাঁহার কাছে

বসিলাম । তখনও বমির অল্প বেগ ছিল । পেটব্যথা করিতেছে । নাগমহাশয় জিজ্ঞাসা করিলেন, আমাকে অমন দেখা যার কেন ? আমি বলিলাম, তিনবার বমি করিয়াছি, আবার বমি হইবে । পেটও ব্যথা করিতেছে । তিনি জিজ্ঞাসা করিলেন, আমি কখন বমি করিয়াছি । আমি বলিলাম, আমি ঘুমাইয়াছিলাম, জাগিয়া বমি করিলাম । নাগমহাশয় বলিলেন, যদি খাইয়া বমি হইত, মনে করিতাম, মাছি কিম্বা চুল খাইয়া বমি হইয়াছে । এত পরে বমি হইল কেন ? এতক্ষণ আমাকে বল নাই কেন ? আমি বলিলাম, আমি মনে করিয়াছিলাম, দিদি আপনাকে বলিয়াছেন । আমার ভগ্নী সেই স্থানে ছিলেন । তিনি বলিলেন তিনি তাহা জানিতেন না । আমি বলিলাম, তুমি আমাকে বমি করার সময় ডাকিয়া জিজ্ঞাসা করিয়াছিলে, আমি বমি করি কি না । আমি হাঁ বলায় তুমি বড় ঘরে চলিয়া গেলে । তোমার ভুল হইয়াছে । আমি তোমাকে দেখিয়াছিলাম । নাগমহাশয় কোন কথা বলিলেন না । একভাবে কথা চাপা দিলেন । তিনি বলিলেন, আমি ছই ভগ্নীর অতিশয় ভাব দেখি । সেইজন্য তোমার কোন খোঁজ রাখি না । আমি মনে করি, তোমার কিছু হইলে, তোমার বড় ভগ্নী তাহা আমাকে বলিবে । কোথায় শোও, কখন ঘুমাও, আমি কিছুই দেখি না । নাগমহাশয় এই কথা বলিতেছেন, আমি পায়খানায় গেলাম । আমার অতিশয় পাতলা হস্ত হইল । বড় ভগ্নী সঙ্গে গিয়াছিলেন, তিনি নাগমহাশয়ের নিকট যাইয়া এই কথা বলিলেন । নাগমহাশয় তাঁহাকে বলিয়া দিলেন, আমি যেন ঘাটে যাইয়া অধিক জল না ঘাটি । আমি পায়খানা হইতে আসিয়া ভগ্নীর আনিত জলে হাত মুখ ধুইলাম ।



নাগমহাশয় কত যত্ন করিতে লাগিলেন । বিছানা করা ছিল, তাহা ধরিয়া দেখিয়া, তাহার উপর আর একখানা তোষক পাতিয়া দিলেন । হাত পা মেন মাটিতে না পরে, তাহাও দেখিলেন । আমি সেই বিছানায় শুইলাম । নাগমহাশয় আমার কাছে বসিয়া রহিলেন । চুণে জল না থাকিলে জল দিয়া রাখিতে মাঠাকুরাণীকে বলিয়া, নিজেই চুণে জল দিলেন । আমি শুইয়া থাকিয়া নাগমহাশয়ের বহু দেখিতেছিলাম । তিনি জীবের জন্ত কতই না করিয়াছেন ! নাগমহাশয়ের এমনট মাহিমা, তাঁহার পাতা বিছানায় শুইয়াই আমার পেটের ব্যথা, পেটে ডাক, বমি বমি একবারে কোথায় চলিয়া গেল, জানিতেও পারিলাম না । নাগমহাশয় আমার সামনে বসিয়াছিলেন, তাঁহাকে দেখিতে দেখিতে ঘুমাইয়া পড়িলাম । তাঁহার যত্ন দেখিয়া, সকলে অবাক হইয়া দাড়াইয়া রহিল । পরদিন প্রাতে উঠিয়া এত সুস্থ বোধ করিলাম যেন আমার কোন অসুখ হয় নাই । নাগমহাশয় আমাকে সুস্থ দেখিয়া হাসিতে লাগিলেন । যেমন অল্প দিন সকাল বেলা ভগবানের কথা বলিতেন, সেই দিনও সেইরূপ বলিলেন ।

নাগমহাশয় সময় সময় ভাবের ঘোরে বলিতেন, মাগো ভগবতী, মাগো আনন্দময়ী । তিনি আবার কখন বলিতেন, গুরুদেব শিব । তাঁহার মুখ হইতে বিনির্গত, ভাবোচ্ছ্বাসের সহিত উক্ত এই সকল কথা শুনিতে, পাষাণের মনও সময়ের তরে বিগলিত হইত । প্রাণের আবেগে বলার সময় নাগমহাশয়ের চক্ষু ঢুলু ঢুলু করিত, যেন কোন স্বর্গীয় ভাবে প্রণোদিত হইয়া তিনি এই সব কথা বলিতেছেন । নাগমহাশয় মানবদেহ ধারণ করিয়াছিলেন সত্য, কিন্তু তাঁহাতে মায়ার লেশ মাত্র ছিল না । তিনি

প্রতিমূহুর্তে জীবকে ভগবান্ স্মরণ করাইয়া দিতেন । তিনি বলিতেন, জীব সুমন্তই ঠিক ঠিক করিতেছে, কেবল একটা মাত্র তাহার ভুল, সে মনে করে, সে সব করিতেছে । আমি হওয়ার আগেই সকল ঠিক হইয়া রহিয়াছে । ভগবানের এত দয়া, আমি হওয়ার পূর্বেই মাথের স্তনে হৃৎক দিয়া রাখিয়াছেন । শুধু একটু অহং জ্ঞানে জীবের এত দুর্গতি । যে পরমাত্মাস্বরূপ, তাহার এত কষ্ট কেন ? অহংকার থাকায় আমিত্ব জ্ঞান আইসে, আমিত্ব জ্ঞান হইতে কর্মের দায়িত্ব জন্মে । পঞ্চভূতের ফাঁদে, ব্রহ্ম পড়ে ফাঁদে । নাগমহাশয়ের অমিয়মাথা উপদেশ শুনিলে, অড় পদার্থেরও জ্ঞান জন্মিত । তিনি পণ্ডিতকে পণ্ডিতের মত উপদেশ দিতেন, মূর্খকে সরল ভাষায় বুঝাইতেন । সকলেই নাগমহাশয়েব কথা বুঝিতে পারিত । একই সত্য নানা লোকের নিকট নানা ভাষায় বলিতেন, মূর্খ ও পণ্ডিত সমান ভাবে তাঁহার মুখের দিকে তাকাইয়া থাকিত । তিনি সকলকেই ভগবানের স্বরূপ বুঝাইয়া দিতেন । তিনি বলিতেন, পোকার মধ্যেও ঈশ্বরের ভাব আছে । সকলেই এক সময়ে ভগবানে লয় হইয়া যাইবে ।

একদিন স্বামী ও আমি নাগমহাশয়ের নিকট বসিয়া আছি । নাগমহাশয় হাসিতে হাসিতে বলিলেন, ইন্দ্র বিষ্ণুর নিকট গিয়া- ছিলেন । তাঁহার মনে অতিশয় অহংকার, তিনি স্বর্গের রাজা । এমন সময় তাঁহার সম্মুখ দিয়া একটা পিপিলিকা ভয়ে ভয়ে যাইতে- ছিল । ভগবান্ বিষ্ণু তাহা দেখিয়া হাসিলেন । ইন্দ্র জিজ্ঞাসা করিলেন, ভগবান্, আপনি হাসিলেন কেন ? বিষ্ণু বলিলেন, এক সময় এই পিপিলিকা ইন্দ্রপুরীর রাজা ছিল । ক্লতকর্মের ফলে পিপিলিকা হইয়াছে । সকলেই কর্মের অধীন । ইন্দ্রের অহংকার

চূর্ণ হইল । নাগমহাশয় স্বামীর দিকে ডাকাইয়া বলিলেন, একদিন ইন্দ্র অহংকারের সহিত বিশ্বকর্মাণকে ডাকিয়া বলিলেন, আমি ইন্দ্র-পুরীর রাজা, আমার উপযুক্ত এক পুরী তৈয়ার কর । এমন সময় লোমশমুনি ইন্দ্রের নিকট উপস্থিত হইলেন । লোমশমুনিকে দেখিয়া ইন্দ্র মনের আনন্দে উন্নত হইয়া জিজ্ঞাসা করিলেন, আপনার নাম কি ? আপনার আশ্রম কোথায় ? মুনি বলিলেন, প্রভো, সকলে আমায় লোমশমুনি বলিয়া ডাকে । আমার আশ্রম নাই । আশ্রম করিয়াই বা লাভ কি ? কতদিনই বা বাঁচিব ? ইন্দ্র জিজ্ঞাসা করিলেন, আপনার আয়ুঃকাল কত ? মুনি উত্তর করিলেন, ষাদশটি ইন্দ্রের পতন হইলে, আমার বৃকের একটি লোম পড়ে । এরূপে যখন আমার বৃকের সমস্ত লোম পড়িয়া যাইবে, সেই সময় আমার মৃত্যু হইবে । ইন্দ্র অতিশয় লজ্জিত হইলেন । তাহার অহংকার একবারে চূর্ণ হইয়া গেল । তিনি ভাবিতে লাগিলেন, আমার মত ষাদশী ইন্দ্রের পতন হইলে, উহার একটি লোম পড়িবে এবং এইরূপে বৃকের সমস্ত লোম পড়িয়া গেলে, তাহার মৃত্যু হইবে । ইচ্ছা জানিয়া সে বাড়ী ঘর তৈয়ার করিতেছে না, আর আমি নূতন করিয়া ইন্দ্রপুরী তৈয়ার করিতেছি ।

নাগমহাশয় সময় সময় বলিতেন, কাম ছাড়িলেই রাম, রতি ছাড়িলেই সতী । আবার বলিতেন,

বাহা রাম, তাহা নেহি কাম,  
 বাহা কাম, তাহা নেহি রাম,  
 দিবস রজনী নেহি এক ঠাম ।  
 আমল করুকে করে ধ্যান,  
 সংসারী হোকে বাতায় জ্ঞান,

সন্ন্যাসী হোকে কুটে ভগ্ন, ৮০  
 এহি তিন কলিকা ঠক্ ।  
 হানিলাভে শোকাদিতে বশ না হইবে ।  
 প্রাণী মাত্রে কারমনবাক্যে উদ্বেগ না দিবে ॥  
 মর্কট বৈরাগ্য না করিবে লোক দেখাইয়া ।  
 যথাযোগ্য বিষয় ভোগিবে অনাসক্ত হৈয়া ॥

একদিন আমি নাগমহাশয়কে জিজ্ঞাসা করিয়াছিলাম, কলিকালে মনের পাপে পাপ নাই, ইহা কি সত্য? তিনি বলিলেন, মা, মনের একাগ্রতার জন্মই মুনি ঋষিগণ এত কঠোর তপস্বী করিয়াছেন। যদি ভগবানে মনের একাগ্রতা থাকে, তপস্বীর দরকার কি? মনের একাগ্রতার জন্মই বহুকালব্যাপী উগ্রতপস্বী করা। মনত চঞ্চল। মন সব সময় বিষয় সকলে ঘোরে।

একদিন আমি নাগমহাশয়ের নিকট বসিয়া আছি। একটা কথা মনে উঠিতে লাগিল, মন কোন মতেই নাগমহাশয়ে থাকিতেছে না। তিনি আমার মনের ভাব দেখিয়া, আপনিই বলিলেন, মা, অভ্যাস। সামনে একটা আমগাছ ছিল, তিনি তাহা দেখাইয়া বলিলেন, মা, এই যে আমগাছ দেখিতেছ, আর যদি আমি ইহাকে চালিতাগাছ বলি, কিছুতেই তুমি বিশ্বাস করিবে না; কারণ পূর্বপুরুষ হইতে অভ্যাস করিয়া, মাথায় ছাপ পড়িয়া ঠিক হইয়াছে, এইটী আমগাছ। ইহা দেখিলেই মনে হইবে, এইটী আমগাছ। আম বলিয়া কোন একটা জিনিষ নাই শুধু চিনিবার জন্ত পূর্বপুরুষ হইতে নাম দেওয়া হইয়াছে। অমন আকার ধরিলে আম, অমন আকার ধরিলে চালিতা। আকার দেখিলেই নাম মনে পড়িবে, নূতন নাম বিশ্বাস হইবে না।

সেইরূপ অভ্যাস করিতে করিতে মাথায় একটা ছাপ পড়িয়া যাইবে । তুমি যাহা ভাবিতে চাহিতেছ, তাহা আপনিই আসিয়া জুড়িবে । এখন তোমার মনের যে অবস্থা, তাহা চলিয়া যাইবে ।

এক সময় স্বামী আমাকে বলিয়াছিলেন, আমরা যাহা করিতেছি, তাহা পূর্বজন্মের কর্মের ফল । আমরা যাহা অভ্যাস করিয়া রাখিয়াছিলাম, তাহা এখন আমাদের মনে আসিয়া পড়িতেছে । একদিন নাগমহাশয় তাহাও বলিলেন । তিনি বলিলেন, ও ( স্বামী ) যে বলে অভ্যাসই আমাদের কর্মের গোড়া, তাহা ঠিক । স্বামীর কথা মনে করাইয়া দিলে, আমি মনে মনে বলিলাম, পঞ্চসারে এক ঘরের কোণে বসিয়া স্বামী যাহা বলিয়াছিলেন, তাহাও তুমি শুনিতে পাইয়াছ ?

এক সময় একটা রমণী কোন বিষয়ে অন্ততপ্ত-হইয়া নাগমহাশয়ের শরণাপন্ন হইলেন । তিনি নাগমহাশয়কে সমস্ত কথা বলিলেন । একদা রাত্রিকালে নাগমহাশয় বারান্দায় বসিয়া আছেন, সেই রমণী তাঁহাকে ধরিয়৷ কাঁদিতেছেন এবং বলিতেছেন, কি বিপদ, কি বিপদ ! নাগমহাশয় বলিয়া উঠিলেন, বিপদ কিগো যা, বিপদই সম্পদ । আমি সহস্র কোটি পাপ করিয়াছি, ব্রহ্মপদ লইব, কে ধরিতে ? তিনি নাগমহাশয়ের অমিয়মাথাবাক্য অকুল ছুঃখসাগরে কুল পাইলেন । তিনি সেই অবধি নাগমহাশয়কে সাক্ষাৎ পণ্ডিতপাবন মনে করিয়া তাঁহার চরণতলে নিজ জীবন উৎসর্গ করিলেন । বিপদে সম্পদে তাঁহাকে শ্ররণ করিয়া শান্তিলাভ করেন । কোন সন্তানখনাই । অনেক বয়সে একটা সন্তান হইয়া ৫।৬ বৎসর বাঁচিয়া ছিল । সন্তানটা মারা গেলে, নাগমহাশয়কে শ্ররণ করিয়া বলিলেন, ঠাকুর, তুমি আমার এতও করিলে ?

সন্তানকে বাহির করিয়া আনিলে, তিনি উদ্দেশে নাগমহাশয়কে নমস্কার করিয়া, মণ্ডপ ঘর ও তুলসীতলা নমস্কার করিয়া, যেখানে মৃত সন্তানকে লইয়া গিয়াছিল, সেইস্থানে গিয়া বসিলেন । যাহারা তাহাকে ঘর হইতে বাহির হইতে দেখিয়াছিল, তাহারা মনে করিয়াছিল, তিনি আছাড় খাইয়া মাটিতে পড়িবেন । তাহার মুখ দেখিয়া মনে পড়িয়াছিল, সন্তানেব শোকে তাহার হৃদয় কাটিয়া যাইতেছে । কিন্তু তিনি এ ছরস্ত শোকের সময় নাগমহাশয়কে ভুলিলেন না । আকুল প্রাণে তাঁহাকে বলিলেন, ঠাকুর কি করিলে ? ঠাকুর কি করিলে ? নাগমহাশয়ের উপর বিশ্বাস দেখিয়া আশ্চর্য্য বোধ করিতে হয় । যদি নাগমহাশয় নিকটে বসিয়া থাকিতেন, তবে মনে হইত, তিনি তাঁহার হৃদয়ের আলা দূর করিতেছেন । তাঁহার উদ্দেশে এমন বিষাদের সময় প্রাণ সঁপিয়া দেওয়া, তাঁহার কৃপা ভিন্ন হয় না ।

কতক সময় পর আমার সহিত তাঁহার দেখা হয় । আমি তাহাকে সাঙ্ঘনা দিতে বলিলাম, নাগমহাশয় পিসীকে কাঁদিতে দেখিয়া বলিয়াছিলেন, এক জমীদারের একটি মাত্র ছেলে ছিল । আট বৎসর বয়সে সে মরিল । জমীদারের মনে অতিশয় দুঃখ হইল । অল্প সময় শোক করিয়া, সে বলিল, ছেলের মাহাপাণী ছিল । আমার ঘরে আসিয়াছিল, মহা সুখ ভোগ করিত । তাহা না করিয়া, মরিয়া গেল । তাহার জন্ত কেন কাঁদিব ? সে শোক দূর করিয়া, ছেলের শবদেহ গঙ্গার পাড়ে ৩৫কার করিয়া, বাড়ীতে ফিরিয়া আসিল । নাগমহাশয় আর একটি উপদেশ দিয়াছিলেন । এক রাজার অনেক রাণী ছিল । এক রাণীর একটি ছেলে হইয়াছিল । রাণী তাহাকে সুন্দরোন্দর গোরাইয়া রাখিয়া বাহিরে আসিল ।

যবে ঘাইয়া শিশুকে মৃত দেখিয়া রাজার নিকট খবর দিল । রাজা ও রাণী শোকে অভিভূত হইয়া, ক্লে ক্লে অজ্ঞান হইয়া মাটিতে পড়িয়া ঘাইতে লাগিল । নারদও সঙ্গিরা তাহাদের কষ্ট জানিতে পারিয়া অনেক সাধনা দিলেন, কিছুতেই তাহাদের শোক নিবারণ করিতে পারিলেন না । তৎপর তাঁহারা শিশুর আত্মা আনিয়া মৃতদেহে প্রবিষ্ট কবাইলেন । নারদ তাহাকে বলিলেন, তোমার পিতামাতা তোমার বিবাহে কাতর হইয়া শোক করিতেছে । তুমি তাহাদিগকে কেন ছাড়িয়া গেলে ? শিশু তাহার ৫০।৬০ জীবনের কথা বলিয়া জিজ্ঞাসা করিল, আমার সকলস্থানেই মাতা পিতা ছিলেন ; তাঁহাবাচ বা কি করিয়া পর হইলেন এবং হঁহারাই বা কেন আপন হইবেন ? প্রত্যেকেই নিজ নিজ কর্ম লইয়া জন্মগ্রহণ করে এবং কৃতকর্মের ফল ভোগ করে । ইহা বলিয়া, শিশু একদিকে চলিয়া গেল । তখন নারদ রাজা ও রাণীকে বলিলেন, তোমরা শিশুর কথা শুনিয়াছ । যখন সে তোমাদের আপন হইল না, তোমরাই বা কেন তাহার জন্ম শোক করিবে ? রাজা ও রাণীর শোক দূর হইল । নারদ ও সঙ্গিরা চলিয়া গেলেন ।

সেই রমণী নাগমহাশয়ের কথা শুনিয়া প্রকৃতিস্থ হইলেন । তিনি প্রত্যহ নাগমহাশয়ের পট পূজা করেন । নাগমহাশয়ের পূজা না করিয়া কোন জিনিষ খান না । তাঁহার পূজা করিয়া, তিনি অনেক শান্তিতে আছেন । যখন মনে কষ্ট হয়, নাগমহাশয়ের ছবি দেখেন । নাগমহাশয়কে সাক্ষাৎ মুক্তিদাতা মনে করিয়া তাঁহার আশ্রয় গ্রহণ করিয়াছেন । আমরা যখন নাগমহাশয়কে দেখিতে গিয়াছি, তিনিও তাঁহাকে দেখিতে আসিয়াছেন । এক

দিন তিনি নাগমহাশয়কে বিজ্ঞাসা করিলেন, অভক্ত কি ভক্ত হয় না ? নাগমহাশয় বলিলেন, ভক্ত ও অভক্ত বলিয়া কোন ছাপ দেওয়া নাই । যে ভগবানকে ধরে, সেই ভক্ত ।

একদিন নাগমহাশয় আমাকে বলিলেন, কুলোকেয় সঙ্গে মিশিতে হয় না, কুলোকেয় চিন্তা করা দোষ । তিনি বলিতেন, মেয়েদের ধর্ম ধরে বসিয়া হয়, কোথায়ও গিয়া তাহাদের ধর্ম হয় না । কাহাকেও বিশ্বাস করিও না । মনের সকল সুখ-দুঃখ ভগবানকে মনে মনে বলিতে হয় । ভগবান্ আপন বলিয়া শুনিবেন । দোষ করিলে ভগবানেব নিকট ক্ষমা চাহিতে হয়, ভগবান্ আপন ভাবিয়া দোষ ক্ষমা করিবেন । ভগবান্ ভিন্ন জগতে কেহ প্রকৃত আপন নয় । কে কার স্বামী, কে কাহার স্ত্রী । কর্মের শ্রোতে ভাসিতে ভাসিতে আসিয়া জীব মিলিত হয়, আবার কর্মের শ্রোতে একদিকে কোথায় চলিয়া যায় । বুদ্ধিমান ব্যক্তি এই যন্ত্রণার হাত এঁড়াইতে ভগবানের শরণাপন্ন হয় । একজন লোক বলিয়া উঠিল, সেই রকম লোক কতজন আছে ? নাগমহাশয় আমার দিকে চাহিয়া বলিতে লাগিলেন, কতজন দেখিয়া আমি কি করিব ? আমি ভাল হইব, ভাল কর্ম করিয়া তাঁহার নিকট চলিয়া যাইব । এই জগতে সুখী দেখিরাছি, ভগবান্ রামকৃষ্ণদেবকে । তিনি বলিয়াছেন, আমার জালা নাই । নাগমহাশয়ের কথা শুনিয়া, আমার মাঠাকুরাণীর কথা মনে পড়িল । আমি ভাবিয়া ছিলাম, তিনি নাগমহাশয়ের কাছে থাকেন, সর্বদা নাগমহাশয়ের সেবা করেন, তাঁহার কি জালা থাকিতে পারে ? নাগমহাশয় আমার দিকে তাকাইয়া বলিলেন, কেহ আমার নিকট বলিয়া যাইতে পারিবে না, তাহার জালা নাই । সংসারের জালায় দগ্ধ



হইয়া যাইতেছে । এক ঠাকুর বলিয়াছেন, তাঁহার কোন জালা নাই । তবে ভগবৎ কৃপা বিনা কেহ জালার হাত এঁড়াইয়া যাইতে পারে না । পথে পথে থাকিলে একদিন তাঁহার দয়া আসিয়া পড়ে । কেবল আলোচনা করিতে হয় । আলোচনা করিলেই তাঁহার কথা মনে পড়ে ।

একদিন নাগমহাশয় স্বামীকে বলিয়া ছিলেন, দেখুন, সকল দিন খাটিলে সন্ধ্যার সময় জোর করিয়া পয়সা চাওয়া যায় । তখন বলা যায়, আমি সকল দিন খাটিয়াছি, আমাকে পয়সা দাও । সেইরূপ সারাজীবন ভগবান্কে স্মরণ করিলে, জীবনের সন্ধ্যার সময় জোর করিয়া ভগবান্কে বলা যায়, তুমি দেখা দাও । যদি ছেলে পিতার নিকট সন্দেশ চায়, পিতা কখনও তাহাকে চিট্‌গুড় দিয়া ভুলান না । সেইরূপ যদি কেহ ভগবানের নিকট মুক্তি চায়, ভগবান্ কখনও তাহাকে মায়া দিয়া ভুলাইয়া রাখেন না । নাগমহাশয় সময় সময় বলিতেন, ভগবান্ দয়াবান, ভগবান্ দয়াবান । আবার বলিতেন, কর্ম করিবার বেলায় আমি, উদ্ধার করিতে একজন । কষ্টদিতে অনেকেই পারে, ভগবান্ বিনা কেহ উদ্ধার করিতে পারেন না ।

একদিন আমি স্বামীর সহিত নাগমহাশয়ের কাছে বসিয়া আছি । নাগমহাশয় নিজের হাত খানা ধরিয়া বলিলেন, ইচ্ছা করিলে, এখনই আমি আমার হাত খানা কাটিয়া ফেলিতে পারি, মুহূর্ত্তমধ্যে জোরা লাগান ব্রহ্মার ছেলে পারেন কি না সন্দেহ । জীব সহজেই কুকর্ম করিতে পারে, মাথা কুটিয়া ভাল কাজ করান যায় না । পদে পদে অপরাধ, কমা কর রঘুনাথ ।

একদিন নাগমহাশয় ও আমি পথে দাঁড়াইয়া কথা বলিতেছি ।

নাগমহাশয় এক বৃক্ষকে দেখাইয়া বলিলেন, ইহা কর্শ্বের দ্বার বৃক্ষ হইয়া দাঁড়াইয়া আছে । ও সময়ে মানুষ ছিল । যে যেমন কর্শ্ব করে, তাহাকে তেমন ফল ভোগ করিতে হয় । তখন আমার মনে হইল, আপনার কাছে বৃক্ষ হইয়া দাঁড়াইয়া থাকিও সুখকর । কতজন্মের তপস্তার ফলে, আপনার বাড়ীতে বৃক্ষ হইয়া অবস্থান করিতেছে, আপনার পদরেণু শিরে ধারণ করিতেছে, আপনার হৃদয়-পূতকারী রূপ দেখিতেছে, আপনিও সর্বদা মেহের সহিত উহাদিগকে দেখিতেছেন । কেহ উহাদিগকে কষ্ট দিতে পারিতেছে না । নাগমহাশয় হাসিতে হাসিতে চলিয়া গেলেন । আমি তাঁহার পিছনে চলিলাম ।

এক সময় আমার মনে হইয়াছিল, ভগবান্ এত দয়ালু, অথচ জীব কেন এত কষ্ট পায় ? নাগমহাশয় বলিলেন,—

বিদ্যারূপে দিয়া জ্ঞান কা'কে কর পরিজ্ঞান,

কা'কে অবিদ্যায় আবৃত করে মোহগর্ভে টেনে ফেল ।

তিনি কখন বলিতেন, ফল ফলাচ্ছ ফলা গাছে । কুমতি সুমতি উভয় মা ভগবতী । তিনি কাহাকেও ঘৃণা করিতেন না । যখন নাগমহাশয় বলিতেন, কুমতি সুমতি উভয় মা ভগবতী, তাঁহার মুখ দেখিয়া মনে হইত, তিনি যাহা কিছু দেখিতে পান, সকলই ব্রহ্মপদার্থ বলিয়া অনুভব করিতেছেন । তিনি প্রতি ঘণ্টে ভগবান্ দেখিতেছেন । তিনি বলিতেন, যত্র নারী, তত্র গৌরী । যত্র জীব, তত্র শিব । ভগবান্ সকলের মধ্যেই আছেন ।

এক সময় একটা জীলোক নাগমহাশয়ের অন্ত' পাগলিনী হইলেন । সকলেই নাগমহাশয়কে দেখিতে বাইত, তিনিও সময় সময় তাঁহাদের বাড়ী বাইতেন । তাঁহার মনের ভাব কেহ জানিত

না। নাগমহাশয় তাঁহাকে দেখিলেই ঘরের এক কোণে বাইরা বসিতেন। তিনি দূর হইতে নাগমহাশয়কে দেখিতেন এবং হাত জোড় করিয়া উদ্দেশে নমস্কার করিতেন। তাঁহার সেই অবস্থা দেখিয়া আমরা মনে করিতাম, তিনি নাগমহাশয়ের এক ভক্ত। তাঁহাকে কোন কথা জিজ্ঞাসা করি নাই। কখন কখন দেখিয়াছি, তিনি নাগমহাশয়ের বাড়ীতে আসিলেই, তাঁহার ছেলে-মেয়েরা আসিয়া তাঁহাকে ধরিয়া বাড়ীতে লইয়া বাইত। তাঁহার আত্মীয়গণ তাঁহাকে নাগমহাশয়ের বাড়ীতে বড় আসিতে দিত না। স্ত্রীলোকটীও স্নবিধা পাওয়া মাত্র ছুটিয়া আসিতেন এবং নাগমহাশয়ের দিকে অনমেষলোচনে চাহিয়া থাকিতেন। তিনি সময় সময় ঠাকুরদাদাকে বলিতেন, আপনার ছেলেকে কখন কৃষ্ণের মত, কখন স্বামীর মত দেখিতে পাই। ঠাকুরদাদা মাথা হেট করিতেন ও বলিতেন, তুমি বাড়ী যাও। স্ত্রীর সঙ্গেই হুর্গার মাতৃভাব। হুর্গা পশু-পক্ষীর যোনীকে মাতৃ-যোনীবৎ জ্ঞান করে। এই কথা বলিও না। তোমার পাপ হইবে। ইহা শুনিয়া স্ত্রীলোকটী ঠাকুরদাদার উপর ক্ষেপিয়া বাইতেন। তিনি সমস্ত দিন আপনমনে বসিয়া থাকিতেন। তাঁহাকে খাইতে বলিলে তিনি খাইতেন না, বাড়ীও বাইতেন না। স্মরণ্যং সেই দিন নাগমহাশয় উপবাসী রহিয়াছেন। অতিথি না খাইলে তিনি জলগ্রহণও করিতেন না।

সেই রমণী কখন বলিতেন, তাঁহার গলার ভিতর জেঁক গিয়াছে কাক বসিয়া আছে এবং তাঁহার খাসনালি ছিঁড়িয়া ফেলিবার উদ্ভোগ করিতেন। নাগমহাশয় চুপ করিয়া অল্পত বসিয়া থাকিতেন। স্ত্রীলোকটী সমস্ত দিন এই ভাবে ঠাকুরদাদার কাছে

বসিয়া রহিতেন এবং আপন মনে বকিতেন । নাগমহাশয়কে স্বামীভাবে চিন্তা করিতে করিতে বন্ধপাগলিনী হইলেন । একদিন মাঠাকুরাণী অস্পৃশ্যা হইয়াছিলেন । নাগমহাশয়ের শোয়ার অস্ত্র মণ্ডপঘরে বিছানা করিয়া দিলেন । নাগমহাশয় মাঠাকুরাণীকে বলিলেন, আমি তোমার সঙ্গেই শুইয়া থাকিব । ভিন্ন ঘরে শুইলে ঐ জ্বীলোকটা আসিয়া আমাকে ধরিবে । মাঠাকুরাণী বলিলেন, বর্ষাকাল । রাত্ৰিতে এত জল সাতার দিয়া সে কি ভাবে আসিবে ? নাগমহাশয় বলিলেন, সে পাশের বাড়ীতে আসিয়া লুকাইয়া আছে, সময় হইলেই বাহির হইবে । মাঠাকুরাণী বলিলেন, আমি অশুচি, এ অবস্থায় আমি আপনাকে ছুইব না । আপনার ভয় কি ? আপনি যে শিশু হইয়া এই জগতে আসিয়াছিলেন, এখনও সেই শিশুই আছেন । আমিও পাশের ঘরে রহিলাম । উহার এত সাহস হইবে না যে, সে আপনাকে ধরিবে । মাঠাকুরাণী অশুচি অবস্থায় কোন মতেই নাগমহাশয়ের সহিত এক বিছানায় শুইতে রাজি হইলেন না । নাগমহাশয় মণ্ডপ ঘরে শুইতে গেলেন । মাঠাকুরাণী রাত্রা ঘরে শুইলেন ।

তাঁহার শুইতে না শুইতেই সেই জ্বীলোকটা আসিয়া নাগমহাশয়কে জড়াইয়া ধরিলেন । নাগমহাশয় বলিলেন, মা, তুমি সন্তানকে কি ভাবে ধরিয়াছ ? তুমি আমার মা । অন্ন সচ্চিদানন্দময়ী মা, আমাকে ছাড়িয়া দাও । আমি জগতের নারীদিগকে সচ্চিদানন্দময়ী মা বলিয়া দেখিতেছি । এই যে আমার জ্বীকে দেখিতেছ, আমি ইহাকে দেখি যেন সচ্চিদানন্দময়ী মা আমাকে বুকে করিয়া শুইয়া থাকেন । খাওয়ার সময় হইলে, সচ্চিদানন্দময়ী মা দয়া করিয়া আমাকে খাইতে দিতেছেন ।

মা ভগবতী বিনা আমি আর কিছু জানি না। ইহা বলিয়া নাগমহাশয় তাঁহার পদ ধরিলেন। গোলমাল শুনিয়া মাঠাকুরাণী মগুপ করে বাইয়া দেখিতে পাইলেন, দুজনাই দুজনার পা ধরিতেছেন। তিনি তাঁহাদিগকে ছাড়াইয়া দিলেন। স্ত্রীলোকটা নাগমহাশয়ের প্রতিবাসিনী ছিলেন। তিনি নাগমহাশয়ের ছোট ভগ্নির সমবয়সী। তিনি মাঠাকুরাণীকে বধুঠাকুরাণী বলিয়া ডাকিতেন। মাঠাকুরাণী নাগমহাশয়কে ছাড়াইয়া দিয়া তাঁহাকে বিস্তর গালাগালি দিলেন। মাঠাকুরাণী বলিলেন, আপনার লজ্জা নাই? আপনি কেমন ভক্তলোকের মেয়ে? ৪।৫টা ছেলে-মেয়ে হইয়াছে, স্বামী জীবিত আছে, তবুও মনের ভাব গোপন করিতে পারিলেন না? আপনি দেখিতেছেন, ইনি নিজের স্ত্রীর সহিত ভগবতী জ্ঞানে ব্যবহার করেন। ইহাকে নিকৃষ্ট ভাবে ধরিতে আপনার একবার ভয় হইল না? কুলে কালী দিতে সংসারে অগ্রলোক পাইলেন না? সাধ কত, যিনি নিজের স্ত্রী সচ্চিদানন্দময়ী মা বলিতেছেন, তাঁহার পাশে শুইবেন? আমি এখনই আমার স্বপ্তরকে সমস্ত কথা বলিয়া দিব। মাঠাকুরাণীর ক্রোধ দেখিয়া এবং নাগমহাশয়ের নিকট নিরাশ হইয়া, তিনি সেই স্থান হইতে চলিয়া গেলেন।

ঠাকুরদাদা ঘরের বাহির হইয়া, নাগমহাশয়কে মা সচ্চিদানন্দময়ী বলিতে শুনিয়া, কিঞ্চিৎ চুঃখিত হইলেন। তিনি বলিলেন, মেয়ের মাকে বলিব, ভাল ভাবে উহাকে না রাখিতে পারে, বাঁধিয়া রাখুক। সাপ লইয়া খেলা হইতেছে। নাগমহাশয় বলিতে লাগিলেন, ঠাকুর আমাকে কত পরীক্ষা করিতেছেন। অন্ন রাখুক!

ঠাকুর দাদা আবার শুইয়া রহিলেন । নাগমহাশয় মাঠাকুরাণীর সহিত শুইলেন । এমন অবস্থা কে কোথায় দেখিয়াছে ? নাগমহাশয় স্ত্রীকে সচ্চিদানন্দময়ীর মত দেখিতেন । অল্প রমণী তাঁহার সহিত পিচাশিনীর মত ব্যবহার করিলেও, তিনি তাঁহাকে ঘৃণা করিলেন না, সচ্চিদানন্দময়ী মা বলিলেন ! এ কি জীবের সাধ্য ? এক সময় নাগমহাশয় আমাকে বলিয়াছিলেন, যখন চন্দন ও বিষ্টায় এক জ্ঞান হইবে, তখন প্রতি ষটে ভগবান্ অমুভব IV. করিতে পারিবে । স্ত্রীলোকটার প্রতি তাঁহার ব্যবহার দেখিয়া আমার মনে হইল, ইনিই উপদেশ কার্যে পরিণত করিলেন ।

স্বামীকে এই কথা বলায়, তিনি অমনি বলিয়া উঠিলেন, আমি এখনই তাঁহাকে নমস্কার করি । তিনি কি আর মানুষ ? সাক্ষাৎ দেবী । ভগবতী বিনা ভগবানের অল্প কেহ পাগলিনী হয় না । যে কোন ভাবে হউক, সচ্চিদানন্দ সাগরে পড়িতে পারিলেই হইল । স্বামী ভাবে ভগবানে আসক্তি বেশী হয় । যে কোন ভাবেই হউক না কেন, যদি ভগবানে আসক্তি হয়, হৃদয়ের অন্তিম বাসনা ভঙ্গ হইয়া যায় । অলস্তু আশুনে যাহাই ফেল না কেন, সকলই ভঙ্গ হইবে । জীবের কর্ম যতই অস্বস্ত হউক না কেন, ব্রহ্মাগ্নির নিকট উহা অতি তুচ্ছ, মুহূর্ত্ত মধ্যে ভস্মীভূত হয় । ইহার প্রমাণ প্রত্যক্ষ করিতেছ । কামাতুরা রমণী কি কখনও ইন্দ্রিয়-ভোগলালসা চরিতার্থ না করিয়া, তাহা ভুলিয়া থাকে ? সে ইন্দ্রিয় মুখ ভোগ করিতে কি না করে ? লজ্জা ভয় ভুলিয়া গিয়া, সদসৎ বিচার ছাড়িয়া দিয়া, সুপথ কুপথ না ভাবিয়া যে প্রকারে হউক, ভোগ করিতে পারিলেই জীবন সার্থক বোধ করে । তখন তাহার পাত্রাপাত্র জ্ঞান থাকে না, যে কোন রূপে হউক, সেই বাসনা পূর্ণ

করিতে জীবন পণ করে । কামাতুরা রমণী কখনও পাগলিনী হয় না । পাগলিনীর মত কাজ করে—সদস্য বিচার থাকে না বলিয়া, তাহাকে অন্তঃ লোক পাগলিনীহইয়াছে বলে, তাহাকে পাগলিনী বলে না । এই জ্বীলোকটি নাগমহাশয় হইতে কোন শারীরিক সুখ পাইলেন না । সংসারে অনেক লোক ছিল । পরে তাহাদের কাছেও যাইতে পারিতেন ? তিনি সেইরূপ কোন চেষ্টা না করিয়া, নাগমহাশয়ের ভাব নিয়াই পাগলিনী হইলেন । কামভাবে নাগমহাশয়ের প্রতি এত আসক্ত হইয়াছিলেন যে, সেই আসক্তিতে সকল ভুলিয়া যাইয়া, নাগমহাশয়ের অন্তঃ পাগলিনী হইয়া রহিয়াছেন । কৈ, নাগমহাশয়ের কোন ভক্তত সকল ভুলিয়া, তাঁহার অন্তঃ পাগল হন নাই ? তুমি তাঁহার ভক্ত হইয়া, এই জ্বীলোকে পাগলিনী বলিতেছে ? আমি পতিত হইয়া, তাঁহাকে বার বার নমস্কার করি । সকল ভুলিয়া নাগমহাশয়ের অন্তঃ পাগলিনী হওয়া মহা তপস্তার ফল । স্বামীর কথাগুলি শুনিয়া, তাঁহার নিকট লজ্জিত হইলাম এবং তাঁহাকে বলিলাম, তুমি নাগমহাশয়ের প্রকৃত ভক্ত । তুমি নাগমহাশয়কে চিনিয়াছ । তুমি নাগমহাশয়ের গুণ অনুভব করিয়াছ । আমরা কেবল মুখে নাগমহাশয় নাগমহাশয় বলি । তিনি যে কি, তাহা একবারও ভাবি না । তাঁহার গুণ যে এত বড়, এক সময় তাহা চিন্তাও করি না । নাগমহাশয়কে ধরিলে যে কুভাব সুভাবে পরিণত হয়, তোমার কথায় আমার সেই জ্ঞান হইল । এতদিন আমি সেই জ্বীলোকের উপর বিষক্ত ছিলাম । আমি মনে করিতাম যে পাগলিনী, সে অকারণ নাগমহাশয়কে অনেক কষ্ট দিয়াছে । তোমার কথায় আজ তাঁহার গুণ দেখিতে পাইলাম । স্বামী হাসিতে হাসিতে বলিলেন, তোমরা

ভক্ত, ভগবানের সামান্য কষ্ট দেখিলে, তোমাদের হৃদয়ে ব্যথা লাগে । আমি পতিত, আমি জানি, যখন ভগবানকে পতিত উদ্ধার করিতে হয়, তখন তিনি কতক পরিমাণে বেগ পান । অগামাধাকে উদ্ধার করিতে যাইয়া, তাঁহাকে কলসির কাঁধার ব্যথাইতে হইয়াছিল । ইহা ভক্তদিগের নিকট ভাল লাগিবে না ।

স্বামীর কথা শুনিয়া, আমি বলিলাম, তোমার অহংকার করা উচিত নয় । নাগমহাশয় তোমার প্রশংসা করেন, তোমাকে স্নেহ করেন । তুমি কি করিয়া পতিত হইলে ? তিনি হাসিতে হাসিতে তোমাকে বীর পুরুষটী বলেন, তোমার কথা বহু প্রশংসা করেন । আজ তাহার ফল প্রত্যক্ষ অনুভব করিলাম । তুমি ব্যতীত কেহ এই জ্বীলোকের ব্যবহারের নিগূঢ় তত্ত্ব জানিতে পারে নাই । আমরা সকলেই তাঁহার নিন্দা করিয়াছি । অধিকুণ্ডে যে তৃণ কাষ্ঠ সকলই ভস্ম হইয়া যায়, একথা কেহ একবার চিন্তাও করিনাই । যখন স্বামী এই ব্যাখ্যা করিয়াছিলেন, তখন তাঁহার বয়স ২১বৎসর ছিল । ১৭বৎসর বয়সে তিনি নাগমহাশয়কে প্রথম দর্শন করেন । নাগমহাশয়কে দেখিয়াই ভাবিয়াছিলেন, উনি আমাদের মত মানুষ নন । নাগমহাশয় তাঁহাকে যেমন স্নেহ করিতেন, তেমন তাঁহার প্রশংসাও করিতেন । নাগমহাশয় তাঁহার সম্বন্ধে অনেক সময় আমার ও আমার পিতার নিকট হাসিতে হাসিতে বলিতেন, বীরপুরুষটীর মত বসিয়া থাকে,

জনক রাজা ছিলেন খাষি কিছুতে ছিল না ক্রুটি ।

একুল ওকুল হুকুল রেখে খেয়ে গেলেন দুধের বাটী ॥

নাগমহাশয় প্রকৃতপক্ষে বিষ্ঠা ও চন্দন এক দেখিতে পারিয়াছেন । নাগমহাশয় ছাড়া এমন জ্বীলোককে কে না বুঝা



করিয়াছে ? এই ঘটনা শুনিয়া গিরিশ বাবু বলিয়াছিলেন, নাগ-মহাশয়কে যে স্বামীভাবে ধরিয়াছিল, তিনি কি আর মানুষ ? আমি তাহাকে এই স্থান হইতেই নমস্কার করি । শ্রীকৃষ্ণ ব্রজে আসিলে কত জন তাঁহাকে ভগবান্ভাবে ধরিয়াছিল ? যে ভাবে হউক তাঁহাকে ধরিতে পারিলেই হয় । গোপীরা স্বামী ভাবে ধরিয়াই তাঁহাকে পাইয়াছিল । নাগমহাশয়ের নিলক্ষণ চরিত্র কি সহজে ধরা যায় ?

পাপ কাজে নাগমহাশয়ের বিঘাতীয়া ঘৃণা ছিল, কিন্তু তিনি পাপীকে কখন ঘৃণা করিতেন না । যদি কেহ পাপকাজ করিয়া তাঁহার আশ্রয় লইত, তিনি তাহাকেও আপন বলিয়া গ্রহণ করিতেন ; সান্তনা দিতে বলিতেন, পাপ না জানিয়া পাপ করিলে, ভগবান তাহা ক্ষমা করেন । জানিয়া পাপ করিলে ভগবান্ কত কল্পে তাহার অব্যাহতি দেন, তাহা ঠিক নাই । যাহা হইবার হইয়া গিয়াছে, আর যেন না হয় । অনুতাপে পাপের ক্ষয় হয় । 'অনুতাপ করিয়া মনে মনে ভগবান্কে বলিতে হয় । ভগবান্ বিনা কেহ ক্ষমা করার নাই । অস্তায় কাজ করি আমি, উদ্ধার করেন তিনি । ভগবান্ বিনা এজগতে কেহ কাহারও আপন নয় । ভগবান্ সকলেরই আপন । পথে পথে থাকিতে হয়, এলো মেলো করিলে ধর্ম হয় না । নাগমহাশয় মেয়ে পুরুষের মিশা মিশি একেবারেই পছন্দ করিতেন না । নাগমহাশয় বলিতেন, পুরুষের নাচ দেখা যেমন, জীলোকের নাটক যাত্রা দেখাও সেইরূপ দোষজনক । পুরুষের পক্ষে রমণী যেমন ধর্মপথের কাঁটা, জীলোকের পক্ষে পুরুষও তেমন নরকের পথ প্রদর্শক । জীলোকের ধর্ম ঘরে বসিয়া হয় । কোথায় গিয়া তাহাদের

ধর্ম হয় না । যে ভগবান্কে জানিতে পারে, তাহার কোন কথা নাই, যে ভগবান্কে জানে না, সে ঘরে বসিয়া পতিসেবা করিবে । পতি যাহা করিতে বলিবেন, তাহার তাহা করা উচিত । পতিকে জিজ্ঞাসা না করিয়া, কোন কাজ করিবে না । যাহাতে পতি সুখী হন, সে কাজ করিবে । যাহাতে পতি মনে কষ্ট পান, কদাচ তেমন কাজ করিতে নেই । পতির মনে আঘাত দিয়া কোন কথা বলিবে না । যদি পতি কর্কশ কথা বলেন, তখন মনে করিবে, আমারই দোষ হইয়াছিল, তাই তিনি কড়া কথা বলিয়া আমাকে বুঝাইয়া দিতেছেন । পতি জ্বীলোকের নারায়ণ । পুরুষ কঠোর তপস্তা করিয়া যে ফল লাভ করে, জ্বীলোকে ঘরে বসিয়া, পতিব্রতা ধর্ম পালন করিয়া সেই ফল পাইতে পারে । নাগমহাশয় সকলকে উপদেশ দিতেন । যাহার যাহা উপযোগী, তাহাকে তাহা বলিতেন ।

নাগমহাশয়ের খাওয়ার যত্ন দেখিয়া, কেহ মনে করিতে পারিত না, তিনি উহাকে ভাল বাসেন, আমাকে ভালবাসেন না । কেহ বলিতে পারিত না, নাগমহাশয় উহাকে ধর্ম উপদেশ দিলেন, আমাকে নিকৃষ্ট করিয়া কিছু বলিলেন না । নাগমহাশয় সকলের সমান ছিলেন । তিনি বলিতেন, ভগবান্ সকলের সমান । নাগমহাশয় জ্বীলোককে কখন ঘৃণা করিতেন না । পুরুষকে পুরুষের উপযোগী উপদেশ দিতেন, জ্বীলোককে তাহার উপযোগী উপদেশ বলিতেন । নাগমহাশয় সকলকে পরমপুরুষ পরমাশ্রম স্বরূপ দেখিতেন । যে উপায়ে পরমপুরুষকে জানা যায় তাহা সকলকে বলিতেন । পুরুষদেহ ধরিয়াছে বলিয়া যে তাঁহার আদর পাইবে এবং জ্বীদেহ ধারণ করিয়া যে তাঁহার অন্যদর লাভ

করিবে, নাগমহাশয় তাহা কখন দেখান নাই । একদিন হরপ্রসন্ন বাবুর স্ত্রী ও আমি নাগমহাশয়ের নিকট দাঁড়াইয়া আছি । নাগমহাশয় বলিলেন, কলিকালে মেয়েদের মুক্তি নাই । যে মুক্তি লাভ করিতে আশা করিবে, সে যেন পুরুষ হইয়া আসে । তাঁহার কথা শুনিয়া, আমার মনে হইল, হায় হায়, কেন স্ত্রীলোক হইলাম । নাগমহাশয়ের মত ভগবান্ আমাকে গ্রহণ করিলেন, আবার ছাড়িয়া দিবেন, মুক্তি লাভ করিতে পারিব না । নাগমহাশয়কে কোন কথা না বলিয়া, বিষাদিতা হইয়া বারান্দায় বসিয়া রহিলাম । তিনি ঘরে ছিলেন । আমাকে মলিনমুখে বসিতে দেখিয়া, আমার কাছে আসিলেন । সেখানে বিছানা ছিল । তিনি শুইলেন । আমি তাঁহার কাছে বসিয়া, তাঁহাকে লক্ষ্য করিয়া মনে মনে বলিলাম, ভগবন্, তবে কি হইবে ? নাগমহাশয় বলিলেন, যে পরমপুরুষকে জানে, সে মেয়ে নয়, পুরুষ । পরমাত্মা পরমপুরুষ । আত্মা পরমাত্মায় মিশিয়া যায় । সে পরমপুরুষে মিশিয়া যায় । সাবিত্রী প্রভৃতিকে পুরুষ বলিয়া ব্যাখ্যা করিতে হয় । যে পরমপুরুষকে জানে না, সে মেয়ে মানুষ । যাহার ধর্ম আছে, সে পুরুষ, আর যাহার ধর্ম নাই, সে মেয়ে লোক । সে আমার মুক্ত হইয়া থাকে । \*

নাগমহাশয়ের অমিয়-মাথা কথা শুনিয়া, আমি মনে মনে বলিলাম, তোমার কৃপায় যেন আমি সকল অবস্থায় তোমাকে মনে রাখিতে পারি । যদি নরকে থাকিলেও তুমি আমার মনে থাক, তাহা হইলে নরকেও আমি সুখ পাইব । আর বৈকুণ্ঠে থাকিরাও যদিও তোমাকে মনে না রাখিতে পারি, সেই বৈকুণ্ঠেও দুঃখের স্থান হইবে ।" সেই সময় হরপ্রসন্নবাবু, স্বামী প্রভৃতি একটা গান

করিতেছিলেন, ব্রহ্মা বিষ্ণু অচেতন, জীবকে কি তাঁকে জানতে পারে । নাগমহাশয় চুপ করিয়া শুইয়াছিলেন । গানের পদ শুনিয়া বলিলেন, শোন, ব্রহ্মা বিষ্ণু অচেতন, জীবকে কি তাঁকে জানতে পারে । আমি বলিলাম, সে কি রকম ? ব্রহ্মা বিষ্ণু কি করিয়া অচেতন হইলেন ? নাগমহাশয় বলিলেন, এখানে যেমন জালা আছে, অভাব আছে, বৈকুণ্ঠেও সেইরূপ অভাব আছে । তখন আমি নাগমহাশয়ের কথায় বুঝিতে পারিলাম, পরমব্রহ্মে লয় না হওয়া পর্য্যন্ত সমস্তই থাকে । নাগমহাশয় কখন বলিতেন, ব্রহ্মা বিষ্ণু শিব, তিনই জীব । তবে সাধারণ জীব ব্রহ্মা, বিষ্ণু শিবের শরণ লইয়া মহাশিবে লয় হইয়া যায় । পরমব্রহ্মের কোন রূপ নাই, কোন গুণ নাই, তিনি নিগুণ, নিলিপ্ত, অব্যয়, চিদানন্দ, সুধু অমূল্যের জিনিষ । তাঁহাকে কে ধরিবে ? জীব ব্রহ্মা বিষ্ণু শিবকে পূজা করিয়া মুক্তি লাভ করিবে । ধর্মপুস্তক, পুরানাদি যাহা দেখিতে পাও, সকলই সত্য । সকলই ভগবান্কে লাভ করিবার উপায় বলিয়া দেয় । এক সময় ভগবান্ বলিয়া ছিলেন, ভগবান্, ভক্ত, ভাগবত, তিনই এক, রূপ পৃথক । ভগবানের প্রতি ভক্তের প্রীতি চিন্তা করিলে, ভগবান্কে পাওয়া যায় । ভাগবত পাঠকরিলেও ভগবান্কে পাওয়া যায় । ভাগবতে ভগবানের গুণগরিমা লিখা আছে, তাহা পড়িলে ভগবানে মন যায় । ভক্তের সঙ্গ করিলে, ভক্তের মুখে ভগবানের মহিমা শুনিয়া, ভক্ত দেখিলেই সেই ভগবানের কথা মনে পড়ে । যে ভাবে হউক ভগবান্কে মনে করিলেই ভগবান্কে লাভ করা যায় । সুতরাং ছুইটাই ভগবানে পৌঁছিবাবার হেতু ।

নাগমহাশয় বলিয়াছিলেন, একদিন শঙ্কর গৌরীকে বলিলেন,

দেবি, আমি সর্বদা ভক্তের হৃদয়ে বাস করি। যে ভক্তকে ভাল বাসে, সে আমাকেই ভাল বাসে। যে ভক্তকে নিন্দা করে, সে আমাকেই নিন্দা করে। আমি জিজ্ঞাসা করিলাম, কি করিয়া ভক্ত চিনা যায়? নাগমহাশয় বলিলেন, সেই জ্ঞান শাস্ত্র পাঠ দর-করে। শাস্ত্র পাঠ করিলে জানা যায়, কে ভগবৎভক্ত। তিনি আরও বলিলেন, কোলগুরুরূপে ভগবানকে পাইলে, তাহার আর কিছু দরকার হয় না। কোলগুরু না পাইলে, কুলগুরুর প্রয়োজন। কুলগুরুর মন্ত্র জপ করিয়া, একদিন কোলগুরু লাভ করা যায়। কুলগুরু মন্ত্র দেয় কাণে, কোলগুরু মন্ত্র দেন প্রাণে। কিন্তু কুলগুরু ত্যাগ করিয়া, যা-তা বিশ্বাস করিয়া, কোলগুরু ধরিলে, বিপথগামী হইতে হয়। অনেকে ধর্মের জ্ঞান লাভ করিয়া, যাকে তাকে কোলগুরু বিশ্বাস করিয়া, পরে কাঁদিয়া পথ দেখিতে পার না। যাহা তাহার ছিল, তাহাও হারাইয়া বসে। ভাগবৎ পাঠ করিয়া, ভগবানে বিশ্বাস হইলে, কেহই বিপথগামী হইতে পারে না। যে ধর্ম যে আছে, সে সেই ধর্মে থাকিলে মঙ্গল। কুলগুরু সকলের আছে, কোলগুরু কেঁচ কাহার ভাগ্যে ঘটে। বিধি আছে, কুলগুরুর মন্ত্র নিলে, এক সময় কোলগুরু পাওয়া যায়।

আমি জিজ্ঞাসা করিলাম, ধর্ম পুস্তকে যাহা আছে, তাহা সমস্তই কি সত্য? নাগমহাশয় বলিলেন, হাঁ, সবই সত্য। আমি বলিলাম, বিষ্ণুপুরাণে আছে তারা সতী। চন্দ্র তারাকে হরণ করিয়া অনেক সময় তাহার নিকট রাখিয়া ছিলেন। সুতরাং তারা কি করিয়া সতী হইলেন? নাগমহাশয় বলিলেন, তারা অসতী হইয়াও ভগবানে প্রীতি থাকায় সতী হইয়াছে। অহল্যা, দ্রৌপদী, কুন্তি, তারা,

মনোদরী অসতী হইয়াও, ভগবানে প্রীতি থাকার সতীর শিরোমণি হইয়াছেন । ভগবান্ দেখিলেন, পঞ্চকন্ঠাকে ঘৃণা করিলে, তাহাকে ঘৃণা করা হয়, সেই জন্য ভগবান্ বিধি করিলেন, শয্যাত্যাগের পূর্বে পঞ্চকন্ঠাকে স্মরণ করিতে হইবে । প্রাতঃকালে পঞ্চকন্ঠাকে স্মরণ করিলে, ভগবানের কলঙ্ক মোচন হইবে । পঞ্চকন্ঠা কলঙ্ক অর্জন করা সত্যেও ভগবানে প্রীতি ছিল, তাই ভগবান্ তাহাদিগকে গ্রহণ করিলেন । নাগমহাশয় এই সব কথা বলিয়া বলিলেন, মা, ভগবান্ কলঙ্ক নিলেন সত্য, কিন্তু পঞ্চকন্ঠার খোঁটা যায় নাই, এখনও তাহাদের খোঁটা বর্তমান আছে । কেহ কর্মের দায় এড়াইতে পারে না । একবার পাপ করিলে, খোঁটা থাকিবেই । সতীত্ব তোমাদের রত্ন । তাহা একবার হারাইলে, লোকে তাহা বলিবেই ।

আমি বলিলাম, দ্রৌপদী কি করিয়া অসতী হইলেন । পাঁচ জন পাণ্ডব তাহাকে বিবাহ করিয়া ছিলেন । নাগমহাশয় হাসিতে হাসিতে বলিলেন, এক রমনীর পাঁচটা স্বামী থাকিলে, তাহাকে অসতী বলিবে । এক পতিতে নিষ্ঠা থাকিলে সতী হয় । আমি বলিলাম, আমি কি করিয়াছিলাম, বিবাহ করায় পাঁচ জন স্বামী হইয়া ছিলেন । তিনি যে কর্ণকে স্বামী রূপে আকাজ্ছা করিয়াছিলেন, সেই কারণে তিনি অসতী । নাগমহাশয় বলিলেন, ভগবান্ কাহার অহংকার সহ করেন না । যাহারই অহংকার হউক না কেন, তিনি তাহা চূর্ণ করিবেন । দ্রৌপদী মনের পাপে অসতী হন নাই । পাঁচটা স্বামী থাকা সত্বেও তাহার অহংকার ছিল, তিনি সতী । তাহার অহংকার নাশ করিবার জন্য ভগবান্ এই ব্যবস্থা করিলেন । ফল ছেড়া হইল । শ্রীকৃষ্ণ বলিলেন, মনের কথা বলিলে ফল ছোড়া লাগিবে । পঞ্চপাণ্ডব নিজদের মনের কথা

বলিলেন, ফল অনেক উঠিল। দ্রোপদী কর্ণের প্রতি আকাঙ্ক্ষার কথা না বলায়, ফল নাবিয়া পড়িল। দ্রোপদীকে সেই কথা বলিতে হইল। ফল বোটার লাগিল।

নাগমহাশয় বলিলেন, মা, মন এক ভগবানে কি থাকে? মনে কখন কি হয়, কে জানে? মনের একাগ্রতা হইলেত সমস্তই হইয়া গেল। পরমহংসদেবের পার্শ্বভক্তের মন ২২ ঘণ্টা ভগবানে থাকে, দুই ঘণ্টা ছুটি পাইয়া সে মন কোথায় চলিয়া যায়। স্বামী বলিলেন, ২২ ঘণ্টা ভগবানে মন থাকিলে ২ ঘণ্টার জন্য তাহা দর মন ঠিক থাকে মা? নাগমহাশয় বলিলেন, না। একবারে মুক্ত না হইলে, মন ঠিক হয় না। আমি বলিলাম, ২২ ঘণ্টা ভগবানে মন রাখা সহজ কথা নয়। নাগমহাশয় বলিলেন, সকলই তাঁহার দয়া। আমি জিজ্ঞাসা করিলাম, কি করিলে ভগবানের দয়া হয়? নাগমহাশয় বলিলেন, পথে পথে থাকিতে হয়। কেবল ভগবানের আলোচনা করিতে হয়।

ধ্যানমূলং গুরোর্মুর্তিঃ

পূজামূলং গুরুপদম্

মন্ত্রমূলং গুরোর্বাক্যম্

‡ মোক্ষমূলং গুরুকৃপা ।

ধ্যান করিবে তাঁহার রূপ, পূজা করিবে তাঁহার পদযুগল, মন্ত্র তাঁহার বাক্য, মোক্ষ তাঁহার কৃপা।

সংসার বৃক্ষমারুতাঃ পতন্তি নরকার্ণবে । ৬১

ধেনোদ্ধমিদং বিশ্বং তস্মৈ শ্রীগুরবে নমঃ ॥

সংসাররূপ বৃক্ষ চড়িয়া, ঘোরনরকসাগরে পড়িতেছে "ঐশ্বর্য" জীবকে যিনি কৃপা করিয়া ধরিত্তা রাখেন, আমি সেই শ্রীগুরুকে

নমস্কার করি। যিনি আমাকে নরক হইতে উদ্ধার করিতে পারেন, আমি তাঁহাকে নমস্কার করি। তিনি আমার গুরু। আমি নাগমহাশয়ের কথা শুনিয়া, তাঁহার মূর্তি দেখিয়া, হৃদয়ে অনুভব করিলাম যে, সাক্ষাৎ মুক্তিদাতা আসিয়া আমাকে উপদেশ দিয়া পথ দেখাইয়া দিতেছেন। আমি সংসাররূপবৃক্ষ অরোহন করিয়া ষোরনরকে পড়িতেছি, সাক্ষাৎ মুক্তিদাতা যেন আমাকে ধরিয়া উঠাইতেছেন। নাগমহাশয়ের মুক্তিদাতা মূর্তি দেখিয়া, তাঁহাকে উদ্ধারকর্তা মনে করিয়া, তাঁহার সীমাবদ্ধদেহ অথগু সচ্চিদানন্দ-রূপ বলিয়া অনুভব করিতে লাগিলাম এবং মনে মনে বলিতে লাগিলাম, তুমি জীব উদ্ধারের জগু চিদানন্দরূপ ধারণ করিয়াছ। তোমার দয়ার সীমা নাই। তুমি অসীম হইয়াও জীব উদ্ধারের হেতু সসীম দেহ ধারণ করিয়াছ। তোমার রূপ দেখিয়া মনে হয়, যেন তুমি সংসার-সন্তপ্ত-জীবগণকে মুক্তিদান করিতে আসিয়াছ। তুমি আমাকে বলিলে, তিনি নরক হইতে উদ্ধার করেন, আমি তাঁহাকে নমস্কার করি। আমি তোমাকেই নমস্কার করি। তুমি আমার গুরু। তুমি বিনা এ নরক হইতে উদ্ধার করিতে পারে, এমন কাহাকেও দেখিতে পাই না। তুমি বিনা কি কেহ ঠিক বুঝাইতে পারে ?

অনেক সময় আমার মনে হইত, আমি কোন মন্ত্র জানি না, পূজা জানি না, কি করিয়া ভগবানের পূজা করিব ? নাগমহাশয়-ত কখন মন্ত্র দিবেন না। আমি নাগমহাশয় ব্যতীত অন্য কাহার মন্ত্র গ্রহণ করিব না। নাগমহাশয় বিন্দু এ জগতে কাহাকে ভক্তি করিতে ইচ্ছা করে না। তাঁহাকে স্মরণ করিয়া, তাঁহার নাম লইয়া, তাঁহার পূজা করিব। নাগমহাশয়ের নামই আমার মন্ত্র।



আজ তিনি উপদেশের ছলে সমস্ত বুঝাইয়া দিলেন । তাই তিনি ভগবান্ । অন্ধকারে অন্ধবিদ্বাস লইয়া ঘুড়িয়া মরি, তাই আমরা জীব । যে দিন নাগমহাশয় আমাকে মন্ত্র, পূজাপদ্ধতি ও গুরুর বিষয় বুঝাইয়া দিলেন, সেই দিন হইতে মন্ত্রের অভাব হেতু আমার মনে যে একটা কষ্ট ছিল, তাহা দূর হইল ।

আমার পিতার গুরু উপাধিধারী পণ্ডিত । তিনি আমাকে বলিয়াছিলেন, তুমি এত অল্প বয়সে ধর্মের অনুষ্ঠান করিতেছ, তুমি দীক্ষা গ্রহণ করিবে না ? যে পর্যন্ত তুমি দীক্ষিত না হইবে, ততদিন ভগবানের ঘরে যাওয়ার অধিকারিণী নও । দীক্ষা গ্রহণ না করিয়া যে ভগবানের নিকট যাইতে চায়, সে ঠিকপথে যাইতে পারে না । আমি বলিলাম, কেন ? ভগবানের কাছে সকলেই সমান । যে যে ভাবে তাঁহাকে ডাকে, তাহার কাছে ভগবান্ সেই ভাবেই আসেন । তিনি পণ্ডিত ছিলেন, আমাকে বুঝাইলেন, শাস্ত্রে আছে—গুরু ভগবানের পথ দেখাইয়া দেন, তজ্জন্ম লোক ভগবানের ঘরে যাইতে পারে । যেমন আমি তোমার পিতার গুরু, তোমার পিতার পূজা করিতেছি, কারণ এই পূজার আমিই অধিকারী । যদি অন্য কাহার বাড়ী গিয়া পূজা আরম্ভ করি, সেই বাড়ীর কর্তা বলিবে, এই বেটা কোথা হইতে আসিয়া পূজা করিতে বসিল ? সেই বাড়ীতে অনধিকারী বলিয়া আমাকে ফিরিয়া আসিতে হইবে । সেরূপ দীক্ষা গ্রহণ না করিয়া, যদি কেহ ভগবানের ঘরে যাইতে চেষ্টা করে, অনধিকারী বলিয়া তাহাকে ফিরিয়া আসিতে হইবে । এই কথা শুনিয়া আমার অতিশয় চিন্তা হইল । ভাবিতে লাগিলাম, এখন কি করা যাইতে পারে ? নাগমহাশয়ত কিছুতেই মন্ত্র দিবেন না ।

আমার এক পিসী নিকটে ছিলেন, তিনি বলিলেন, কুলগুরু মন্ত্র নিলেই ত হইল । সে ত আরও ভাল কথা । আমি বিরক্তির সহিত বলিলাম, নাগমহাশয় বিনা এ জগতে আর কাহার নিকট মন্ত্র নিব না এবং নাগমহাশয়ও মন্ত্র দিবেন না, তাহা জানি ।

স্বামীর সাথে দেখা হইলে, লোকে যাহা বলে, তাহা বলিলাম । তিনি হাসিতে হাসিতে আমাকে বলিলেন, তুমি বড় মূর্খ । যে ঘরে যাওয়ার জন্ত মন্ত্র নিতে বলা হইতেছে, তুমি সেই ঘর পার হইয়া ভগবানকে দেখিতেছ । তোমার আবার মন্ত্রের দরকার কি ? আমি বুঝিতে পারি না, তোমার এ ভ্রম কোথা হইতে আসিল । যদি কেহ কুলগুরু হইতে মন্ত্র নেওয়ার কথা বলে, তুমি কিছু বলিও না । সেই ভার আমার উপর রাখিও । স্বামীর কথা শুনিয়া মন অনেক শান্ত হইল, কিন্তু সম্পূর্ণ শান্তি লাভ করিতে পারিলাম না । নাগমহাশয় সমস্ত জানেন । তিনি দয়া করিয়া সব বুঝাইয়া দিলেন ।

নাগমহাশয়ের কথার এমন প্রভাব ছিল, কোন বিষয়ে মনে দাগ লাগিলে, তাঁহার কথায় সেই দাগ উঠিয়া যাইত । একবার আমার এক পিসীর স্মৃতিকাবায়ু হওয়ার তিনি পাগলিনী হন । তাঁহার আরোগ্যের জন্ত এক ফকির দেখান হয় । সেই ফকির বলিল, কালাপাহাড় নামে এক ভূত আছে, সে তাহাকে ধরিয়াছে । কালাপাহাড় ভূতের কথা মনে করিয়া, আমাদের এত ভয় হইল, দিনের বেলায় একাকী ঘাটে কি পথে যাইতে পারিতাম না । সেই সময় আমার একটা ভাই বেড় মাसे মারা গেল । ফকির বলিল, কালাপাহাড় তাহাকে নিয়া গেল । তাহা শুনিয়া ভয়ের মাত্রা আরও বর্ধিত হইল । এত ভয় হইরাছিল, রাত্রিতে

প্রদীপ জালিয়া শুইয়া থাকিতে হইত । বাড়ীতে সকলেরই এক অবস্থা । পিতা এই সব দেখিয়া সকলকে সঙ্গে করিয়া দেওভোগ গেলেন । নাগমহাশয়কে দেখিয়া, আমরা সকলে শান্ত হইলাম । মা আর কখনও শোক পান নাই । দেড়মাসের ছেলে মারা যাওয়ার প্রথম শোকে একটু কাতর হইয়াছিলেন । নাগমহাশয়কে দেখিয়া তাঁহার শোক অনেক কমিয়া গেল । নাগমহাশয় আমার পিতাকে বুঝাইলেন, পূর্বজন্মে ঋণ করিয়া আসিলে, পুত্ররূপে সেই ঋণ শোধ করাইয়া চলিয়া যায় । পিতা বলিলেন, যে ঋণ আদায় করিতে আসিল, তাহার কি সুখ হইল ? আসা যাওয়ার যন্ত্রণাত ভোগ করিতে হইল । নাগমহাশয় হাসিতে হাসিতে বলিলেন, রাজকুমার, সংসারে আবার সুখ ! আসা যাওয়ার যন্ত্রণা ত আছেই, তাহার উপর যাহার যেমন কৰ্ম, তাহাকে তেমন ভোগ করিতে হয় । বুদ্ধিমান ব্যক্তি এই সমস্ত দেখিয়া ভগবানের শরণ লয় এবং কৰ্মবন্ধনের হাত হইতে মুক্তিলাভ করে । নাগমহাশয়ের স্নেহে, অমিয় মাথা কথায়, পিতা অনেক শান্তিলাভ করিলেন । আমরা তাঁহাকে দেখিয়া তাঁহার ভালবাসায় সব চিন্তার হাত এড়াইলাম । কেহ তাঁহাকে ভয়ের কথা বলিল না । তিনি সমস্ত জানিতেন । বাড়ী ফিরিয়া আসার সময়, নাগমহাশয় আমাকে বলিলেন । ওসব জুজুর ভয়, ওসব কিছু নয় । ফকিরের কথা সত্য নয়, উহারা কতই না বলে । ইহা হইয়াছে ছেলে-মানুষকে ভয় দেখান । তাঁহার কথা শুনিয়া আমার ভয় একবারে দূর হইল । বাড়ীতে আসিয়া, যে স্থানে দিনে যাইতে ভয় হইত, তথায় রাত্রিতেও একাকী যাইতে কোন শঙ্কা হইত না । যেমন ফিটকারী কিম্বা অন্য কোন শোধক দ্রব্য জলে দিলে, তাহা বিঘল

হইয়া যায়, নাগমহাশয়ের কথার মনের ময়লা সেইরূপ পরিষ্কার হইয়া গেল ।

নাগমহাশয় সাধুবেশধারী লোকদিগের উপর সামান্ত বিরক্ত থাকিতেন । তিনি সময় সময় বলিতেন, লোক সাধুর বেশ ধারণ করিয়া, অনেক সময় অনেক লোকের সর্বনাশ করে । একদিন তিনি স্বামীকে বলিয়াছিলেন, অনেকে বলে, বারদীর ব্রহ্মচারী খুব ভাল লোক, সাধু, সৰ্ব্বজ্ঞ । তাহা শুনিয়া, আমি তাহাকে দেখিতে গেলাম । তিনি আমাকে দেখিয়াই ক্রুদ্ধ হইলেন এবং অনেক অপ্রীতিকর কথা বলিতে লাগিলেন । আমি ভাবিলাম, এ কি হইল ? আমি আসিলাম সাধু দর্শন করিতে, লাভ লইলি গালাগালি । তখন পবমহংসদেবের কথা মনে পড়িল । তিনি বলিয়াছিলেন, আমাকে কোথায়ও সাধু দর্শন করিতে যাইতে হইবে না । যাহারা প্রকৃত সাধু, তাহারাই আমার নিকট আসিবেন । আমি যেমন তাহার আদেশ অবহেলা করিয়া এখানে আসিয়াছিলাম, তাহার সমুচিত শাস্তি পাইয়াছি । তাহার এক শিষ্য আমাকে বলিয়াছিল, ব্রহ্মচারী তাহাদিগকে আহার ও বিহার করিতে উপদেশ দেন । আমি বলিলাম, আহার ও বিহারত পশুর ধর্ম, কারণ তাহারা তাহা ছাড়া অণু ধর্ম জানে না । তাহা কি করিয়া মানবের ধর্ম হইতে পারে ? কোন একটা লোক পর-রমণীসংসর্গ করিয়া অতিশয় অনুতপ্ত হয় এবং ব্রহ্মচারীর নিকট সমস্ত কথা বলিয়া অত্যন্ত রোদন করে । তাহাতে ব্রহ্মচারী তাহাকে বলিলেন, তুমি বৃথা কান্না করিতেছ কেন ? নিজের পুণ্যখানা ও অপরের পায়খানা একই স্থান, মলমূত্র ত্যাগ করিবার সময়গা বৈতনয় ? তিনি এই প্রকার উপদেশ দিতেন ।

শুনা য়ার, নাগমহাশয় ব্রহ্মচারীকে দেখিতে যাওয়ার সময় কতক মিষ্টান্ন সঙ্গে লইয়া যান । তাঁহার রুক, জ্যোতিমান মূর্তি দেখিয়াই ব্রহ্মচারী অপ্রতিভ হন এবং অহুয়ার বশবর্তী হইয়া, নাগমহাশয়ের উপর প্রাধান্ত স্থাপন করিতে ইচ্ছা করিয়া, তাঁহাকে বলিলেন, তোর সাথে পয়সা আছে । ব্রহ্মচারী চারিদিকের কথা বলিতে পারিতেন বলিয়া তাহার খ্যাতি ছিল । নাগমহাশয় অস্বীকার করিলেন । ব্রহ্মচারী জিদ করিয়া বলিলেন, তোর কাপড়ে পয়সা বাঁধা আছে । নাগমহাশয় কাপড়খানা ছাড়িয়া দিলেন । কোথায়ও পয়সা পাওয়া গেল না । ব্রহ্মচারী কথঞ্চিত অপ্রস্তুত হইলেন । তাহার নিকটে কয়েকজন শিষ্য বসিয়াছিল । তিনি নাগমহাশয়ের আনীত মিষ্টান্ন নিকটবর্তী এক বাঁড়কে দেওয়ার জন্য এক শিষ্যকে বলিলেন । নাগমহাশয় বড়ই বিশ্বয়াপন্ন হইলেন । কাহাকে কিছু বলিলেন না । নাগমহাশয় যে পরমহংসদেবের নিকট যান, তাহা জানিতে পারিয়া, ব্রহ্মচারী পরমহংসদেবকে লক্ষ্য করিয়া শ্লেষ বাক্য প্রয়োগ করিতে লাগিলেন । এবার অক্রোধ নাগমহাশয়ের ধৈর্য্যচ্যুতি হইল, তাঁহার সমস্ত শরীর কাঁপিতে লাগিল ; তাঁহার ক্রোধ দেহবদ্ধ হইয়া ভৈরব বেশে তাহার সন্মুখে দণ্ডায়মান হইল । নাগমহাশয় তথায় দাঁড়াইলেন না, বেগে সেই স্থান পরিত্যাগ করিলেন । তিনি আর কখন সাধু দর্শন করিতে কোথায়ও যাইতেন না ।

আমাদের ভয়ের কথা শুনিয়া স্বামী বিক্রম ছলে অনেক কথা বলিলেন । আমি বলিলাম নাগমহাশয়ের কথায় সমস্ত বুঝিতে পারিলাম । তাহা না হইলে, কি করিয়া জানিব লোক এত মিথ্যা কথা বলে । আমাদের দেশে অনেকে ফকিরকে

ভাল বলে । স্বামী বলিলেন, সংসারের লোকের কথা শুনিতে নেই । তাহারা ভাল লোককে মন্দ বলে, আবার মন্দ লোককে ভাল বলে । দেখ না, নাগমহাশয় দেওভোগে আছেন, কতজন তাঁহার কাছে যায় ? আর এই সব লোকের নিকট কত লোক যায়, তাহাদিগকে কত আদর করে । তাই গৌরানন্দেব বলিতেন, কলিকালে বহু লোক কীর্তন করিবে । নাচিয়া গাইয়া শেষে নরকে যাইবে । মনে ভগবদ্ভাব নাই, লোক দেখাইয়া ভগবানের ভাব দেখাইবে, নানামত ব্যভিচার করিয়া, লোকের মাথা খাইবে । নাগমহাশয় বলিয়াছেন, সংসাবে পবমহংসদেবের ভক্ত ছাড়া ভাল সন্ন্যাসী বড় বিরল । যদি ফকির আব আসে, তুমি ইহাব কাছে যাইও না । সর্বদা নাগমহাশয়ের কথা মনে রাখিয়া কাজ করিও । আমি তোমাকে বেণী কি বলিব ? তোমার চেয়ে তাঁহার বিষয় অধিক জানি না । নাগমহাশয় এক সময় আমাকে বলিয়াছিলেন, মে স্বামী স্ত্রীকে শাসন না করে, সে স্বামীর যোগ্য নয়, আর পিতা পুত্রকে শাসন না করিলে পিতা নামের অযোগ্য । তোমার সংসারের জ্ঞান বড় কম । সকল সময় নাগমহাশয় সামনে থাকেন না, সমস্ত কথা তাঁহাকে বলিয়াও পারিবে না । সংসারের অনেক বিষয় আমাকেই বলিতে হইবে । নাগমহাশয়ের কথা মনে রাখিয়া সর্বদা কাজ করিও । অনেকেই মন্দ করিতে পারে, ভগবান্ বিনা কেহ ভাল করিতে পারে না । নাগমহাশয় দয়া করিয়া সর্বদা আমাদের মঙ্গল করিবেন । তিনি মেয়েদের হুকুম ভালবাসেন না । একদিন তাঁহার তম্বী গণকবাড়ী বেড়াইতে গিয়াছিলেন । তিনি তাহাতে বিরক্ত হইয়া, আমার কাছে নিজের তম্বীর নিন্দা করিলেন ।

নাগমহাশয় সারদাপিসীর বড় প্রসংশা করিতেন । তিনি বলিতেন, স্বামী সারদাকে দেখিতে পারে না, তবু সে কি করিয়া স্বামীর নিকট থাকিবে, সর্বদা সেই চেষ্টা করে । স্বামী বড় ভাল মানুষ ছিল না, অল্প পড়িয়া থাকিত, কিন্তু সারদা একদিনও তাহাকে একটি কৰ্কশ কথা বলে নাই । স্বামীর প্রতি এমন ভক্তি ছিল, সে কখনও তাহার উপর বিরক্ত হয় নাই । সে তাহার শত অবহেলা হাসিমুখে সহ করিয়াছে । একদিন নাগমহাশয় তাঁহার ভগ্নিপতিকে বলিয়াছিলেন, আপনাব বয়স ৫০ বৎসর হইল, এখনও আপনার জ্ঞান হইল না । আপনি একবারও ভাবেন না, পরে আপনার কি গতি হইবে । ভগ্নিপতি কোন উত্তর দিলেন না । তিনি এমন ভাব দেখাইলেন, যেন নাগমহাশয় ছেলে মানুষ, তাঁহার কথা শুনার যোগ্য নব । নাগমহাশয় আর কোন কথা বলিলেন না । তাঁহার ভগ্নীও কোন কথা বলিলেন না । সারদাপিসীর মত লোক বড় দেখিতে পাওয়া যায় না । তাঁহার প্রধান গুণ, তিনি কখনও পরের দোষ দেখেন না । স্বামীকে অবহেলা কবিত্তে দেখিলে, স্বীকৃত কথা বলে, কত ঝগড়া করে, কিন্তু সারদাপিসী কখনও তাহার সহিত ঝগড়া করেন নাই । নাগমহাশয় এই বিষয়ে সাক্ষ্য দিয়াছেন । আমবা শুনিয়াছি, তাঁহার স্বশ্র ও ননদিনী তাঁহাকে অনেক বক্তৃতা দিয়াছেন । তিনি একদিনের জন্তও তাহাদের নিন্দা করেন নাই । তাঁহাকে বিশেষভাবে মিত্তাগা কবিলে, তিনি অনিচ্ছার সহিত ছুই একটি কথা বলিতেন । সকল লোক একবাক্যে বলিয়াছে, সারদার মত সহ গুণ লোকের হব না । স্বামী যাহা ইচ্ছা হইয়াছে তাহা করিয়াছে, তিনি তাহাকে দেখিলেই সুখী । স্বশ্র ও ননদিনী

তাঁহাকে কি কষ্ট না দিয়াছে, তিনি একবারও তাহা মুখে আনেন না । তিনি তাহার মাতার গুণ পাইয়াছেন ।

শুনা যায়, নাগমহাশয়ের পিসীমা সময় সময় পাগলিনীর মত কাজ করিতেন । তিনি ও তাঁহার মাতা কলহ করিয়া সারাদিন খাইতেন না, নাগমহাশয়ের মাতা তাঁহাদের ভাত বাধিয়া সমস্ত দিন বসিয়া থাকিতেন । স্বশ্রু ও ননদিনী বগড়া করিয়া তাঁহাকে খাইতে বলেন নাই, তিনি নিজেও খাওয়ার কথা বলিতে লজ্জা পাইয়াছেন । সুতরাং সেদিন তাঁহারও খাওয়া হয় নাই । তাঁহাদের রাগ পড়িলে, তাঁহাকে খাইতে বলিতেন এবং তিনি খাইতেন । তজ্জন্ত সময় সময় স্বশ্রু ও ননদিনীর অনেক গালি খাইতেন । তাঁহারা বলিতেন, রান্না ভিন্ন হইয়াছে, তোমার ভাত তুমি লইয়া খাইবে, তাহাতে এত লজ্জা কেন ? তোমার সংসার, তোমার বাড়ী, তোমার ঘর, তোমার ছেলে মেয়ে লইয়া তুমি খাইবে, ইহাতে আবার জিজ্ঞাসা কেন ? এখন তুমি ছোট বৌ নও যে তোমাকে বলিয়া দিতে হইবে । এই সমস্ত কথা বলিলে কি হইবে ? নাগমহাশয়ের মাতা কখনও স্বশ্রু ও ননদিনীকে না বলিয়া খাইতেন না । তাঁহাদিগকে না বলিয়া সময় সময় ছেলে ও মেয়েকে খাইতে দিতেও লজ্জা বোধ করিতেন । তাঁহার স্বভাব এমন সুন্দর ছিল । তিনি সকল দিন কাজ করিতেন, মুখে একটা কথাও ছিল না । দেওভাগের লোক তাঁহাকে কত ধন্তবাদ দিত । তাহারা বলিত, মা ও মেয়ে বগড়া করে, বৌটার মুখে একটা কথাও নাই । সে সর্বদা সকলের সাথে হাসিমুখে কথা বলে । কখনও তাহাকে কোন বিষয়ে বিরক্ত দেখা যায় না । কাহাকেও কষ্ট কথা বলে না । সারদাপিসীকে এত শান্ত



দেখি নাই, তবে খাওয়া সব্বদে মাতার মত ছিলেন । যখন আমরা নাগমহাশয়কে দেখিতে গিয়াছি, সারদাপিসীকে সময় সময় দেওভোগে দেখিয়াছি । তিনি ভোরে উঠিয়া, নাগমহাশয়ের নিকট বসিয়া থাকিতেন । নাগমহাশয় বাজারে গেলে, সারদাপিসী সংসারের সামান্ত কাজ করিতেন । বাজার হইতে মাছ ও তরকারি আনা হইলে, তাহা কাঁটিয়া দিতেন । তিনি অনেক সময় বসিয়া সন্ধ্যা করিতেন । বেলা ১।১।০টার সময় তাঁহার সন্ধ্যা শেষ হইত । তখনও তিনি খাইতে যাইতেন না । যাহারা নাগমহাশয়কে দেখিতে যাইত, তাহাদের খাওয়া হইলে এবং নাগমহাশয় খাইলে পর তিনি খাইতে বসিতেন । তাহাও সকল সময় হইয়া উঠিত না । খাওয়া নিয়া বড়ই বিরক্ত করিতেন । মাতাঠাকুরাণী বলিয়াছেন, ছোট সময় হইতেই ভাই ও ভগ্নী খাইতে জানে না । ভাল জিনিষ ত খাইবেই না, ভাত খাইবে—তাহারও যেন সময় হয় না । যদি কখন ঘরে কোন ভাল জিনিষ নষ্ট হইয়া যায়, কেহ আর তাহা খায় না, ফেলিয়া দিতে হইবে, তখন তাহারা সেই জিনিষ খাইতে বসিবে । সারদাপিসী নাগমহাশয়কে অতিশয় ভাল বাসিতেন । কোন ভাল খাইবার জিনিষ পাইলে, নিজের সন্তানের মত নাগমহাশয়কে আদর করিয়া দিতেন । নাগমহাশয় যে সকল মায়িক সুখ ত্যাগ করিয়াছেন, তজ্জন্ত তিনি বড়ই দুঃখিতা ছিলেন । লোকের নিকট বলিতেন, আমার ভাই সকল সুখ ছাড়িয়াছেন । তিনি লোকেব মত খাইতে বসেন, কিন্তু কোন জিনিষ বড় খান না । সুখদ্যত তাঁহাকে দেখাইয়া দেওয়া যায় না, ভাতের নীচে ঢাকিয়া দিলে, তাহা হইতে সামান্ত খাইয়া, অবশিষ্ট রাখিয়া দেন ।

নাগমহাশয়ের উপর সারদাপিসীর হৃদয়ের অতিশয় টান ছিল ।

যখন নরেন্দ্র মারা যায়, সে নাগমহাশয়র মুখের দিকে তাকাইয়া ছিল। সারদাপিসী ছেলের সেই অবস্থার সময়ও কাঁদিয়া বলিলেন, ঠাকুরভাই, ও এই ভাবে তাকাইয়া রহিল কেন? নাগমহাশয় বলিলেন, ও তোর তৈল হুনের বোঝা বহিতে আসে নাই। কি ছিল, কোথায় গেল? উহার মত বাইতে পারিবি কি? তাহা শুনিয়া তাঁহার মনে হইল, এ ত আমার পুত্র ছিল না, শত্রু ছিল। শত্রু বাওয়ার সময় ঠাকুরভাইয়ের দিকে এই ভাবে তাকাইয়া রহিল। এখন ভাই একবৎসর ভাল থাকেন, ভাই আমার বাঁচিয়া থাকেন, তবেই যথেষ্ট। পুত্রের মৃত্যু সময়েও তিনি পুত্রশোক ভুলিয়া ভাইয়ের মঙ্গল চিন্তা করিয়া, ভাইকে ধরিয়া কাঁদিতে কাঁদিতে বলিলেন, ঠাকুরভাই, যাহা হইবার তাহা হইয়া গেল, আপনি সরিয়া দাঁড়ান। নাগমহাশয় তাঁহাকে সাহুনা দিয়া বলিলেন, ও যে সুখে গেল, উহার সুখ মনে করিয়া, তুমি সুখী হও। উহার মত ভাগ্য কতজনের হয়। সংসারে কেহ কাহার নয়। সকলকেই এক দিন সংসার ছাড়িয়া চলিয়া বাইতে হইবে। উহাকে ভুলিয়া, ভগবান্ রামকৃষ্ণদেবকে স্মরণ কর। তিনি তোমাকে সুখ দিবেন। নাগমহাশয় তাঁহার ভগ্নীকে কাঁদিতে দিতেন না। যখন তিনি কাঁদিতেন, নাগমহাশয় ভগবান্ সম্বন্ধে অনেক কথা বলিতেন।

নরেন্দ্রের মৃত্যুর পর আমরা দেওভোগে গেলে, সারদাপিসী কাঁদিয়া উঠিলেন। নাগমহাশয় তাঁহাকে সাহুনা দিয়া আমার দিকে তাকাইয়া বলিলেন, ভগবান্ ইহকালের সুখ দেখেন না, পরকাল দেখেন। পরমহংসদেবের বাটীতে রঘুবীরের পূজা হইত। তাঁহার এক ভাইয়ের ঘরে রঘুবীরের সেবা করিতেন।

মেরের বিবাহ হইল । পরমহংসদের দেখিলেন, মেরে স্বামীর বাড়ী গেলে, ভাল ভাবে রঘুবীরের সেবা হইবে না । তিনি কালীকে বলিলেন, মা, উহাকে বিধবা করিয়া দে, সে বাড়ীতে থাকিয়া রঘুবীরের সেবা করিবে । জামাই ওলাউঠা হইয়া মরিয়া গেল । পরমহংসদের তাহাকে রঘুবীরের পূজার জন্ত রাখিয়া ছিলেন । নাগমহাশয়ের কথা শুনিয়া সারদাপিসা শান্তি পাইলেন । তিনি সময়োপযোগী কথা বলিয়া জীবকে সাহুনা দিতেন । নাগমহাশয়কে দেখিলেও হৃদয়ের জ্বালা অনেক প্রশমিত হইত । যে হৃদয় পুত্রশোক ভুলিয়া নাগমহাশয়ের মঙ্গল কামনা করিল, নাগমহাশয়ের কাছে তাহাতে আর কত জ্বালা থাকিবে ? ছোটকাল হইতে নাগমহাশয়ের উপর সারদাপিসীর হৃদয়ের টান ছিল, তাই সংসারের সুখে ও দুঃখে অভিভূতা হন নাই । তাঁহার খাওয়া ও পরার বড় পেয়াল ছিল না ।

---

## শেষ ।

নাগমহাশয়ের নিকট বাহারা গিয়াছেন, তাহাদের মধ্যে আমার মত পাষণী কেহ ছিলেন না। তিনি আমাকে ঘুম হইতে জাগাইয়া কোলে নিলেন। কোলে নেওয়া সত্ত্বেও আমি তাঁহাকে চিনিলাম না, একবার নাগমহাশয়ের বিষয় চিন্তা করিলাম না। যত দিন তিনি আমাদের সাথে ছিলেন, একদিনও ভাবি নাই কি করিলে তাঁহাকে স্মৃতি করিতে পারিব। তিনি দয়া করিয়া সকল বিষয়েই আমাকে হৃদয় করিয়া দিয়াছেন। যে বৎসর তিনি শেষ দুর্গাপূজা করিলেন, প্রথম পূজার রাত্রিতে আমরা তাঁহার বাটীতে গেলাম। তখন তিনি শুইয়াছিলেন। আমাকে দেখিয়াই তিনি উঠিলেন। স্বামী তাঁহাকে নমস্কার করিলেন। তাঁহার দাড়াইয়া অল্প সময় কথা বলিলেন। নাগমহাশয় স্বামীকে বসিতে বলিলেন। স্বামী দক্ষিণের ঘরে বসিতে গেলেন। নাগমহাশয় আমার কাছে আসিলেন, স্নেহ করিয়া জিজ্ঞাসা করিলেন, মা, ভাল আছ ত? আমি ভাল আছি বলিয়া তাঁহার কুশল জিজ্ঞাসা করিলাম। মুখখানা একটু স্ফীত দেখা যাইতেছিল। নাগমহাশয় বলিলেন, হাড় মাসের খাঁচা, আর কতদিন থাকিবে। তাহা শুনিয়া আমার কি মে হইল, বলিতে পারি না; কোন উত্তর দিতে পুরিলাম না। কোন কথাও জাবিলাম না। তাঁহাকে বলিলাম, আপনি শুইয়াছিলেন, উঠিয়া আসিলেন কেন? আমার শুইয়া থাকুন। নাগমহাশয় বলিলেন, ভূমি ছুটি খাও গিয়া। আমি

বলিলাম, আসার সময় খাইয়া আসিয়াছি, এখন আর খাইব না । তিনি বলিলেন; অল্প দুটা খাইতে হইবে । আমি আর কিছু না বলিয়া রান্নাঘরে গেলাম । মাসী বলিলেন, আজ নাগমহাশয় খান নাই । দেখত, তুই বলিয়া খাওয়াইতে পারিস্ কিনা ? আমি নাগমহাশয়কে বলিলাম, আপনি খাইয়াছেন ? তিনি বলিলেন, না, না, আমি রাত্রিতে খাব না । আমি বলিলাম, পূজার দিন, অল্প দুটা খান । নাগমহাশয় বলিলেন, না, রাত্রিতে খাওয়া সহ হইবে না । তাঁহার কথায় আমি বুঝিলাম, রাত্রিতে খাইলে, তাঁহার অসুখ বাড়িবে । আমি চুপ করিলাম, আর কোন কথা বলিলাম না । তিনি মাসীকে বলিলেন, উহাকে দুটা খাইতে দিন্ । আমি চুপ করিয়া দাঁড়াইয়াছিলাম, নাগমহাশয় একটু সড়িয়া গেলেন । আমি বলিলাম, মাসীমা, আমি আসার সময় খাইয়া আসিয়াছি , আমাব একবারে খাওয়ার প্রবৃত্তি নাই । আমি এখন খাইব না ।

আমি প্রতিমা দেখিতে মণ্ডপঘরে গেলাম । নাগমহাশয় আবার দেখিতে আসিলেন, আমি খাইতে বসিয়াছি কি না । তিনি রান্নাঘরের সিঁড়ির নিকট গেলে, মাসী বলিলেন, সে খাইবে না বলিয়া চগিয়া গিয়াছে । আমি মণ্ডপঘরে দাঁড়াইয়া প্রতিমা দেখিতেছি, আমার মনে হইল, কেহ পিছন হইতে আমার কাপড়ের আচল ধরিয়া টানিতেছে । আমি ফিরিয়া তাকাইলাম । ছোট মেয়ে খাইতে না চাহিলে, মা যেমন জোর করিয়া ধরিয়া খাওয়াইতে নেন, সেইরূপ নাগমহাশয় মণ্ডপঘরের বাহিরে দাঁড়াইয়া, আমার আচল ধরিয়া টানিতেছেন । আমি তাঁহার নিকট আসিলে, তিনি বলিলেন, মা অল্প দুটা খাবে । আমি বলিলাম, আপনি কষ্ট স্বীকার করিয়া উঠিয়া আসিলেন কেন ?

আমার কুখা নাই। কাপড় ধরিয়া টানার আমার মনে ভয় হইয়াছিল। কিরিয়া নাগমহাশকে দেখিয়া বড় সুখ হইল। তিনি স্নেহের সহিত আমার দিকে ত্রাকাইয়া বলিলেন, মা, ভয় কি? আমি মনে মনে বলিলাম, আপনা হইতে ভয় কি? এমন সৌভাগ্য কাহার হইবে যে, সে আপনার স্নেহ লাভ করিতে পারিবে। আমার উপর আপনার অসীম দয়া, তাই আপনি মাতার মত স্নেহে আমার আচল ধরিয়াছিলেন। দেবতাগণ আপনাকে ধরিতে ব্যস্ত, আপনি তাহাদিগকে না ধরিয়া জীবকে ধরিলেন— তাহা কেবল আপনার গুণ। কাহার সাধ্য নাগমহাশয়ের কথা ফেলে। তিনি আমাকে খাওয়াইয়া শুইতে গেলেন। আমি পাষাণী, তাই নাগমহাশয়ের এমন স্নেহ ভুলিয়া, সংসারে মজিয়া আছি। কিম্বা আমি পাষণের চেয়েও কঠিন। যদি তিনি প্রস্তুতরথগুকে এমন স্নেহ করিতেন, তাহাতেও দাগ লাগিত, কিন্তু আমার রক্তমাংসের দেহ, আমার হৃদয়ে কোন দাগ লাগিল না।

নাগমহাশয় আমাকে সকল অবস্থায় স্নেহ করিতেন। সামান্ত একটু ধর্মের কথা বলিলে, তিনি তাহার প্রকাণ্ড ব্যাখ্যা করিয়া সুখী হইতেন। আমার ইচ্ছা হইল, অষ্টমী পূজার কাজ করিব। রক্তস্রা হইয়া চারি রাত্রি গিয়াছে। স্বামী বলিলেন, নাগমহাশয় এ অবস্থায় কোন পূজার কাজ করিতে দেন না। তিনি দুর্গাপূজা করেন, দুর্গাপূজার কাজ করিতে হইলে, একবার তাঁহাকে জিজ্ঞাসা করিয়া লও। চারি রাত্রি পর প্ৰান করিয়া পূজার কাজ করা বৈধ নয়, তবে তোমার ভক্তির উপর আমি হাত দিতে চাহি না। নাগমহাশয়কে জিজ্ঞাসা কর, তিনি বাহা বলিবেন, তাহা করিও।

আমি নাগমহাশয়কে জিজ্ঞাসা করিলাম, আমি স্নান করিয়া পূজার কাজ কবি গিয়া ? তিনি বাহিরে দাড়াইয়া ছিলেন, কথা বলিতে বলিতে আমাকে লইয়া বড় ঘরের বারান্দায় আসিয়া বসিলেন । আমি কোন সময় তাঁহাকে কোন কথা জিজ্ঞাসা কবিলে, তিনি তখনই তাহার উত্তর দিতেন । পূজার কাজের কথা কোন উত্তর দিলেন না দেখিয়া, আমি বুঝিতে পারিলাম, নাগমহাশয়ত সব জানেন, পাঁচ রাত্রে স্নান না করিয়া পূজার কাজ করিতে দিবেন না । এই কথা মনে হইলে, তিনি বলিলেন, যাহারা শাস্ত্র দেখিয়া কাজ কবে, তাহাবই ধন্য । মা তুমি ধন্য, যে হেতু শাস্ত্রের নির্দেশানুসাবে কাজ কবিতো তোমার প্রবৃত্তি হইয়াছে । আমি বলিলাম, ধর্ম পুস্তকে দেখিয়াছি, পাঁচ রাত্রি পূর্বে পূজার কাজ করিতে পারা যায় না, তবে আপনার কাছে সকলই পবিত্র । আপনাকে স্পর্শ করিলে কি আর অপবিত্রতা থাকে ! তাই পূজার কাজ কবিতো চাহিয়া ছিলাম । নাগমহাশয় বলিলেন, কেন, আমি বোঝ তাঁহার কাজ করিব । কেবল দুই দিন পূজার কাজ করিয়া কি বসিয়া থাকিব ? আমি রোজ তাঁহার পূজার কাজ করিব । মঙ্গলাকাজীর অমঙ্গল হয় না । আমি নাগমহাশয়ের দিকে তাকাইয়া, তাঁহার তদানিস্তন মূর্তি দেখিয়া, মনে হইল, তিনি আমার মঙ্গলের জন্য আমাকে তাঁহার পূজার কাজ কবিতো দিবেন । নাগমহাশয় আর কিছু বলিলেন না । আমি বুঝিতে পারিলাম, তিনি আমাকে কোন এক পূজা করিতে দিবেন, পাঁচ রাত্রি না গেলে পূজার কাজ করা বৈধ নয় । আমি হাসিতে হাসিতে তাঁহাকে বলিলাম, আপনি সময় সময় বলেন, আপনি কিছু জানেন না, আপনি কিছু নন । আমি কেবল

আপনাকে জিজ্ঞাসা করিয়াছিলাম, পান করিয়া পূজার কাজ করিব কি ? আপনি কোন উত্তর না দিয়া এই সমস্ত কথা বলিলেন । নাগমহাশয় হাসিলেন । আমি বলিলাম, আপনি সাক্ষাতে কিম্বা অসাক্ষাতে সকল দেখিতে পান, সব জানিতে পারেন । আপনার রূপায় আমবা তাহা প্রত্যক্ষ অনুভব করিতেছি । তিনি চুপ করিয়া বহিলেন । আমি তাঁহাকে দেখিতে লাগিলাম ।

বাজাবেব বেলা হইল । নাগমহাশয় বাজাব করিতে উঠিলেন এবং কোন্ কোন্ জিনিষ জানিতে হইবে, তাহা মাঠাকুরাণীকে জিজ্ঞাসা করিলেন । নাগমহাশয় বাজাবে যাইবার সময় আমাকে বলিলেন, মা, বাজাব হইতে আসি ৷ তিনি বাজাবে গেলেন । আমি মাঠাকুরাণীকে বলিলাম, আমি পূজার কাজ করিতে পারিব না । তিনি বলিলেন, তুমি ২৪ বাতি, ৬৪ পান ও ৬৪ পুৰো শুপারি গণিবা রাখ । তাঁহার কথা শুনিয়া আমার মনে হইল, নাগমহাশয় বণিয়াছেন, আমি বোজ তাঁহার কাজ করিব, অথচ পাঁচ বাত্রির পূর্বে পূজার কাজ করার বিধি দিলেন না । নাগমহাশয় ঠিক কথাই বলিয়াছিলেন, আমার বুঝিবার ভুল হইয়াছিল । সবই পূজার কাজ, একটা করিলেই হইল । পূজার কাছে বাতি দেওয়া, পান শুপারি দেওয়া, সকলই পূজার কাজ । নাগমহাশয়ের মুখ হইতে কখন মিথ্যা কথা বাহির হয় না । তিনি আমার জন্ত এমন ব্যবস্থা করিবেন, যাহাতে আমাকে রোজ পূজার কাজ করিতে হইবে । মনে হইয়াছিল, তাঁহাকে জিজ্ঞাসা করিব, কি করিয়া রোজ তাঁহার পূজার কাজ করা যায় । জানি না কেন, তাঁহাকে তাহা জিজ্ঞাসা করা হইল না । নাগমহাশয়



বাজার হইতে আসিলেন, আমি সমস্ত ভুলিয়া গেলাম । এবিষয়ে আর কোন কথাই হইল না । আমি নাগমহাশয়কে জিজ্ঞাসা করিলাম সন্ধিপূজার বাতি, পান ও শুপারি গণিয়া সাজাইয়া দিব ? তিনি হাসিতে হাসিতে বলিলেন, দাও । তাঁহাকে দেখিয়া মনের আনন্দে সন্ধিপূজার কাজ করিতে লাগিলাম । কাজ হইয়া গেল । মাঠাকুরাণী বলিলেন, যজ্ঞের ঞ্জ বেল-পাতা বাছিয়া দাও । আমি নাগমহাশয়কে জিজ্ঞাসা করিলাম, যজ্ঞের ঞ্জ বেল-পাতা বাছিয়া দিব কি ? তিনি বলিলেন, হাঁ, তাহা দাও । তাঁহার কথায় বুঝিলাম, পাঁচ রাত্রির পূর্বে ঞ্জ ছাড়া সকল জিনিষ পূজায় দেওয়া যায় । যজ্ঞের পাতা বাছিতে বসিলাম । ১০৮টা বেলপাতা খুঁজিয়া পাই না । একটা পাতা লইয়া নাগমহাশয়ের নিকট যাইয়া জিজ্ঞাসা করিলাম, এরকম পাতা কি যজ্ঞে দেওয়া যায় ? তিনি বলিলেন, তুমি যাও, আমি আসিতেছি । তিনি আসিয়া আমাকে পাতা দেখাইয়া বলিলেন, তাম্রবর্ণের পাতা যজ্ঞে দিতে নাই । যে পাতায় পোকা থাকে, সেই পাতার পোকা ফেলিও না । পোকা সমেত পাতা সড়াইয়া রাখিও । অন্তপাতা হইতে যজ্ঞের পাতা বাছিয়া দিও । তিনি সর্বদা লক্ষ্য রাখিতেন যেন কোন জীব কষ্ট না পায় । আমি যজ্ঞের পাতা না পাইয়া, পোকাকার বাসা ফেলিয়া দিয়া, পাতা লইয়া তাঁহাকে দেখাইলাম । তখনও তিনি বলিলেন, তুমি যাও, আমি যাইতেছি । নাগমহাশয় আমাকে বলিয়া দিলেন, পাতার পোকা ফেলিও না । তখন আমি বুঝিতে পারিলাম, পোকাকার বাসা ভাঙিলে পোকাকার কষ্ট হইবে, তাই দয়াময় দয়া করিয়া তাহাদিগকে জানাইয়া দিলেন, তাহাদের আর কোন ভয় নাই । তাহা না হইলে নাগমহাশয়ের উঠিয়া আসার

কোন দরকার ছিল না । যদি তিনি বলিয়া দিতেন, তাহা হইলেই যথেষ্ট হইত ।

নাগমহাশয় আমাকে কখন কর্কশ কথা বলেন নাই । ইতিপূর্বে তিনি কখন মুখ মলিন করিয়া আমার সাথে কথা বলেন নাই । নাগমহাশয় ও আমি পথে দাঁড়াইয়া কথা বলিতেছি । তিনি হঠাৎ মুখ মলিন করিয়া বলিতেছেন, ও কি করিতেছ ? ও কি করিতেছ ? আমি কিছুই বুঝিতে পারিলাম না । তিনি অঙ্গুলি দ্বারা পিপিলিকার দল দেখাইয়া, আমাকে বলিলেন, পায়েব নীচে পিপিলিকা পড়িয়াছে । তখন আমি বুঝিতে পারিলাম, তিনি পিপিলিকার কষ্ট সহিতে পারিতেছেন না । আমি সড়িয়া দাঁড়াইলাম । তিনি তাহাদের দিকে তাকাইয়া আমাকে বলিলেন, এই দেখ মা, উহাদের কি কষ্ট হইয়াছে, ভয়ে দল ভাঙ্গিয়া কে কোথায় পলাইবে, তাহার পথ পাইতেছে না । আমি মনে মনে বলিলাম, তুমি সমস্ত দেখিতে পাও, যে ভাবে চলিলে জীবের কষ্ট না হয়, সেই ভাবে চল । জীব কি কখন তোমার মত বিচার করিয়া চলিতে পারে ? বেল-পাতার পোকা ও পিপিলিকার প্রতি দয়া দেখিয়া অবাক হইয়া রহিলাম । কি করিব, যাহা করিয়া ফেলিয়াছ, তাহা ত আর না করা হইবে না । মনে মনে নাগমহাশয়ের নিকট ক্ষমা চাহিলাম । দয়াময়, তোমার নিকট সকলই সমান । আমি না জানিয়া দোষ করিয়াছি, আমাকে ক্ষমা কর । নাগমহাশয় মন জানেন । আমাকে আশ্বাস দিয়া বলিলেন, এই লও, যজ্ঞের পাতা নিয়া দাও । এমন ভাবে বলিলেন, আমি তাহাতে বুঝিতে পারিলাম, তিনি আমার দোষ গ্রহণ করেন নাই । আমি মনের আনন্দে যজ্ঞের পাতা ধুইয়া

আনিলাম । মহাষ্টমী নাগমহাশয়ের কাজে মহানুখে চলিয়া গেল ।

বৈকাল বেলায় হরপ্রসন্নবাবুর স্ত্রী ও নাগমহাশয়ের শালিব জামাতা আদিত্যবাবু নটবরবাবুদের বাড়ীতে প্রতিমা দেখিতে যাইবেন । হরপ্রসন্নবাবুর স্ত্রী আমাকে জিজ্ঞাসা করিলেন, আমি তাঁহাদের সহিত প্রতিমা দেখিতে যাইব কিনা । আমি বলিলাম, আমি নাগমহাশয়কে জিজ্ঞাসা করিয়া আসি । আমি নাগমহাশয়কে জিজ্ঞাসা করিলাম । তিনি বলিলেন, না, তুমি যাইও না । ভাঙ্গা নৌকায় যদি জল উঠে, মাঠের মধ্যে নৌকা ডুবিয়া যাইবে । পার্বতীকে জিজ্ঞাসা কর, আমি তাহার সঙ্গে না থাকিলে, সে নৌকা ডুবাইয়া দিত । চারিদিকে ধান ক্ষেত, সঁতার দিয়া উঠিবার জো নাই । আমি নৌকার জল না ফেলিয়া দিলে, ও কি মুঞ্চিলে পড়িত । আমি বলিলাম, আমি আপনার চেয়ে কি তাঁহাকে অধিক বিশ্বাস করি ? আমি নাগমহাশয়ের নিকট দাঁড়াইয়া আছি, হরপ্রসন্নবাবুর স্ত্রী আমার অপেক্ষা করিতে ছিলেন । তিনি অতিশয় বুদ্ধিমতী, আমার ভাব দেখিয়াই বুঝিতে পারিলেন, নাগমহাশয় আমাকে যাইতে মানা করিতেছেন । তিনি আমাকে বলিলেন, সন্ধ্যা হইয়া আসিল, আমি আজ যাইব না । তখন আমি বলিলাম, না যাওয়াই ভাল । নাগমহাশয় আমাকে যাইতে বারণ করিলেন । ভাঙ্গা নৌকার কথা বলিলাম না । তাঁহার দয়া স্মরণ করিয়া তাঁহাকেই দেখিতে লাগিলাম । মনে মনে বলিলাম, আমার উপর তোমার এত দয়া । অথচ ভাঙ্গা নৌকায় যাইবে, তাহাতে ভাল মন্দ কিছু বলেন না । আমাকে বারণ করিয়াও আবার ভাঙ্গা নৌকায় যে বিপদ হইতেছিল, তাহাও

স্বামীকে জিজ্ঞাসা করিতে বলিলে । আমাব প্রতি তোমার দয়ার সীমা নাই । আমি কখন খাইব, কখন শুইব, কখন উঠিব, সমস্ত জিজ্ঞাসা কর । ভাল ঘুম হইল কিনা, খোরে উঠিয়া মুখ ধইলাম কিনা, তাহাব অনুসন্ধান কর । যদি বলিয়াছি, মুখ ধুইয়াছি, জমনি হাসিয়া বলিয়াছি, এখন সত্যসুগ, সকলেই মনের আনন্দে ভগবান্কে স্মরণ করিতেছে । এখন অল্প কথা মনে আনিতে নে । ভগবান্কে মনে বাখিত হয় । আমি তোমাব কথা শুনিয়া, তোমাব কণায়, তোমাকে দেখি. আন হুমিই যে আমার ভগবান্, তাহা মনে করি । নাগমহাশয়কে দেখিতে দেখিতে মনে মনে এই সব কথা বলিলাম ।

পৰ্বদিন ঘুম হইলে উঠিয়া নাগমহাশয়ের নিকট গাইয়া বসিলাম । তিনি আমাক খাহতেছিলেন । আমি বলিলাম, আঃ আমি পূজার কাজ করিতে পারিব । আপনি বাজাবে গেলে, আমি স্নান করিয়া পূজাব কাজ করিতে গাইব । তিনি হাসিতে হাসিতে বলিলেন, মা, তাহাবা শাস্ত্র মানিয়া কাজ করে, তাহারাই ধন্য । কতক সময় পর তিনি বাজাব করিতে উঠিলেন । আমি স্নান করিয়া পূজার কাজ করিতে গেলাম । নাগমহাশয় বাজার হইতে ফিরিয়া আসিলেন । মাঠাকুরাণী বলিলেন, গোয়াল দধি দিয়া গিয়াছে । নাগমহাশয় জিজ্ঞাসা করিলেন, কেমন দধি দিয়াছে ? মাঠাকুরাণী বলিলেন, তাহা ঘবে রাখিয়া গিয়াছে । আপনি যাইয়া দেখুন । উপরের দধি ভাঙ্গিয়া যাওয়ায় কেবল জল দেখাইতেছে । সেদিন নাগমহাশয়ের বাড়ীতে বহুলোক খাইবে । নাগমহাশয় দধি দেখিয়া বলিলেন, এখন কি করি ? তৈয়ার করিয়া ভাল দধি দিতে বলিয়াছিলাম, কিন্তু গোয়াল অতিশয় ধার্মিক জিনিষ

দিয়াছে । কেবল জলই দেখা যাইতেছে । মাঠাকুরাণী বলিলেন, যখন আপনি জিনিষ আনেন, নগদ টাকা দেন । এবার তাহাকে আগারি টাকা দিতে বারণ করিলাম, আপনি শুনিলেন না । সে টাকা পাইয়া খারাপ জিনিষ দিয়াছে । নাগমহাশয় বলিলেন, পূজার বাজার । ছুঙ্কের দাম বেশী । গরীবলোক দেখিয়া কষ্ট পাই, তাই আগারি টাকা চাহিলে না দিয়া পারি না । মাঠাকুরাণী বলিলেন, যত টাকা আগারি চায়, আপনি তত টাকাই দিয়া ফেলেন । তাহার এরূপ করা কখনই উচিত হয় নাই । নাগমহাশয় বলিলেন, এখনও গোয়ালার নিকট অনেক টাকা পাওনা আছে । গরীব লোক দেখিলে বড় কষ্ট হয় । নাগমহাশয়ের পুরোহিত বলিলেন, গরীবকে একখানি টিনের ঘর করিয়া দিলেই হয় । তাহা হইলে গরীবের আরও সুখ হয় । লোকের কি আর ধর্ম-জ্ঞান আছে ? অল্প লোকের বাড়ীতে জিনিষ দিয়া, কতদিন যুড়িয়া, টাকা আদায় করিতে পারে না, সেই স্থানেও খারাপ জিনিষ দিতে সাহস করে না । আর তুমি জিনিষের দাম আগারি দেও এবং তাহার কাছে তোমার প্রাপ্য টাকাও আছে, তবুও সে এমন কাজ করে ? তোমার দয়া দেখিয়া, সে খারাপ জিনিষ দেয় । সে জানে, তুমি তাহাকে কিছু বলিবে না । সকলেই বলিতে লাগিল, আপনি কেবল পরের সুবিধা দেখিবেন, নিজের কৃতি স্বীকার করিয়াও পরের ভাল করিবেন । আপনাকে ভয় করিবে কেন ? মাঠাকুরাণী বলিলেন, আমি এই গোয়াল হইতে আর কোন জিনিষ নিব না । আপনি যে টাকা পান, তাহা সে খাইবে । নাগমহাশয়ের এত দয়া, এই সমস্ত কথা শুনিয়া

তিনি বলিলেন, পূজার বাজার । হুঙ্কের দাম বড় বাড়িয়াছে । মাঠাকুরাণী বলিলেন, আপনি আগেই দাম দিয়াছেন, হুঙ্কের দাম বেশী কিছা কমে আসে যায় কি ? নাগমহাশয় চুপ করিয়া রহিলেন । পুরোহিত বলিলেন, ছুর্গা চিরকালই এইরূপ করিল । মাঠাকুরাণী চুপ করিলেন । পুরোহিত নাগমহাশয়কে বড় ভাল-বাসিতেন । অনেক সময় নাগমহাশয় তাঁহার কথা রাখিতেন, প্রসাদ নেও বলিলে, নাগমহাশয় অমনি হাত পাতিতেন । আমরা দেখিয়াছি, তিনি পূজাশেষ হইলেই বলিতেন, ছুর্গা, আশীর্বাদ লও । নাগমহাশয় আশীর্বাদ লইতে যাইতেন । আশীর্বাদ দেওয়া হইলে বলিতেন, ছুর্গা, প্রসাদ লও । নাগমহাশয়কে প্রসাদ দিয়া আপনি খাইতে বসিতেন এবং বলিতেন, ছুর্গা, আমি খাইতে বসিয়াছি, তুমি খাইতে যাও । পুরোহিতের কথাবুঝারী নাগমহাশয় খাইতে যাইতেন ।

নবমী পূজা শেষ হইয়া গেল । পুরোহিত নাগমহাশয়কে প্রথমে প্রসাদ দিলেন । নাগমহাশয়কে খাইতে দেখিয়া, সারদা পিসীব মেয়ে তাঁহাকে প্রসাদ দিতে গেলেন । নাগমহাশয় বলিলেন, অত দিও না, অল্প প্রসাদ দাও । সারদাপিসী সামনে ছিলেন । তিনি বলিলেন, সে সন্দেশ খানা আপনার হাতে দিবে বলিয়া আশা করিয়া আসিয়াছে, সন্দেশ খানা নিন্ । নাগমহাশয় হাত পাতিয়া সন্দেশ খানা লইলেন । তৎপর সারদাপিসী বলিলেন, ঠাকুর ভাই, আমি আপনার হাতে একখানা সন্দেশ দিব । নাগমহাশয় তাহা হাত পাতিয়া লইলেন । সেই নবমী তিথিতে নাগমহাশয় অনেকের বাসনা পূর্ণ করিলেন । মাঠাকুরাণী সর্বদা তাঁহাকে খাওয়াইতেন । তিনি ও তাঁহার হাতে প্রসাদ দিলেন ।

নাগমহাশয় আমাকে প্রসাদ দিতে বলিলেন । সকলেই এজন্যেই মত দুর্গাপূজার সময় নাগমহাশয়কে দেখিয়া, নাগমহাশয়ের সঙ্গে পূজার আনন্দ অনুভব করিল । শুধু এই পাষণ্ড কিছু বুলিল না ।

আমার পিতা নবমী পূজার দিন নৌকা পাঠাতেন, তাহা পূর্বেই শির ছিল । নাগমহাশয় আমাকে স্নেহ করেন, পূজার সময় তাঁহা কাছে চলিয়া আসি, পিতা কিছু বলিতে পাবেন না । পিতা-মাতা আমাদের সুখে সুখা হইয়া, তাহাও নিকট আসিতে বলেন । তাহাবা মনে করেন, আমরা নাগমহাশয়ের সন্তান । নাগমহাশয় সুখী থাকিলে, সব দিকেই মঙ্গল । আমার বাপেব বাড়িতে দুর্গা পূজা হয় । দুর্গাপূজার সময় আমরা বাড়িতে না থাকাম, মা ও বাবার মন খলি নোধ হইত, অথ তাহাবা কিছু বলিতে পারিতেন না । তাহাদেব তচ্ছা আমরা পঞ্চমার থাকি । ২টার সময় নৌকা পাঠাইয়া দিলেন । নৌকা দেখিয়া নাগমহাশয় কেমন হইয়া গেলেন । তিনিই সব জানিতেন । আমি যে আর পরেব পূজায় তাহাকে দেখিতে পাইব না, এ নবমী যে আমার কাল নবমী হইবে, তাহা আমি বুঝিতে পারিলাম না । তিনি বালকের ভায় আমাকে জিজ্ঞাসা করিলেন, আজ কেন নৌকা পাঠাইল ? আমি বলিলাম, দশমী দিন আমাদেরকে নিজাকলসী ঘরে নিতে হইবে । এবার মা বাবার সাথে তাহা নিতে পারিবেন না । সস্ত্রীক না হইয়া এই কাজ করা যায় না । পুরা গঙ্গা নেয়, স্ত্রী কলসী কাকে করিয়া মণ্ডপ ঘর হইতে শোয়ার ঘরে যায় । নাগমহাশয় চুপ করিয়া রহিলেন ।

নবমীপূজা হইয়া গিয়াছে । নাগমহাশয় আমাকে বলিলেন, মা, তুমি থাকিতে যাও । আমি জিজ্ঞাসা করিলাম, আপনি

থাকেন না ? তিনি মাঠাকুরাণীকে কি বলিলেন । মাঠাকুরাণী  
 আমাকে বলিলেন, তাঁহার আসন পাতিয়া দাও । আমি  
 মহানন্দে নাগমহাশয়ের বসিবার জন্য আসন পাতিয়া দিলাম ।  
 মাঠাকুরাণী বলিলেন, তাঁহাকে খাইতে দাও । আমি আনন্দ-সাগরে  
 ভাসিতে ভাসিতে তাঁহাকে খাইতে দিতে গেলাম । আমাকে  
 ভাত লইয়া খাইতে দেখিয়া নাগমহাশয় আমার সঙ্গে  
 আসিয়া আমনে বসিলেন । তাঁহার সামনে ভাতের খালা  
 রাখিলাম । তিনি খাইতে আরম্ভ করিলেন । আমি দাঁড়াইয়া  
 দেখিলাম, তিনি এত অল্প খাওয়ার জিনিষ হাতে তুলিয়া মুখে  
 দিতেছেন, যদি কেহ তাহা লক্ষ্য করিয়া দেখে, সে মনে করিবে,  
 নাগমহাশয়ের খাওয়ার প্রবৃত্তি নাই । খাওয়ার জিনিষ সামনে  
 দেওয়া হইয়াছে, তাই ছুটি হাতে করিয়া মুখে দিতেছেন ।  
 খাওয়ার প্রবৃত্তি থাকিলে, লোক যেমন আগ্রহের সহিত খায়,  
 তাঁহাকে কখনও সেইরূপ আগ্রহের সহিত খাইতে দেখি নাই ।  
 নাগমহাশয়কে সেইরূপ খাইতে দেখিয়া, আমি মনে করিতে-  
 ছিলাম, তিনি কি খান, সমস্তই ত পড়িয়া রহিল ? এমন সময়  
 তিনি বলিলেন, মা, আমাকে দেওয়া হইয়াছে, তুমি খাইতে  
 যাও । আমি খাইতে যাইব । তখন সকল লোক খাইতে  
 বসিয়াছে । নাগমহাশয় আমাকে বলিলেন, আহার ও মৈথুন  
 গোপনীয় কাজ । আমি বলিলাম, কি করিয়া গোপনে আহার  
 করা যায় ? অনেক সময় লোকের সাথে বসিয়া খাইতে হয় ।  
 নাগমহাশয় বলিলেন, আহার গোপনে করিতে হয় । সেই দিন  
 তাঁহার বাড়ীতে অনেক লোক খাইতেছে । পুরুষের খাওয়া  
 হইয়া গিয়াছে । ত্রীলোকগণ উঠানে বসিয়া খাইতেছে । আমি



ভাবিতেছিলাম, কি করিয়া গোপনে খাইতে পারিব। আমি রান্না ঘরে গেলাম। যিনি রান্না করিয়াছিলেন, তিনি আমাকে দেখিয়া বলিলেন, সকলের খাওয়া হইয়া গেল, তুমি এতক্ষণ কোথায় ছিলে? আমি চুপ করিয়া রহিলাম। তিনি বলিলেন, ঘরের ঐ কোণে খাওয়ার স্থান করিয়া লও। আমি এখানে বসিয়া তোমাকে দিতে পারিব। যিনি বাহিরে ভাত দিতে-ছিলেন, তিনি বাহিরের স্ত্রীলোকদিগকে দধি ও ক্ষির দিতে গেলেন। তাঁহার কথা শুনিয়া, নাগমহাশয়ের কথা মনে পড়িল। ভগবন্, তুমি আমার জন্ত সমস্ত ঠিক করিয়া রাখিয়াছিলে। তোমার মুখ হইতে কি কখন বাজে কথা বাহির হইতে পারে? আমি ঘরের কোণে বসিয়া গোপনে খাইলাম এবং নাগমহাশয় কথার মাধুর্য্য অনুভব করিলাম।

মন সুস্থ নয়। সেদিন ফিরিয়া আসিতে হইবে। নাগমহাশয়ের সেদিনকার স্নেহ মনে করিয়া প্রাণ আকুল হয়, চক্ষের জলে বুক ভাসিয়া যায়। হা ভগবন্, কি করিলাম? তুমি সকল কাষেই প্রকারান্তরে বুঝাইয়াছিলে, তুমি আর বেশীদিন আমাদের সাথে বাস করিবে না, কিন্তু আমি কিছুতেই তাহা বুঝিতে পারিলাম না। যদি জানিতাম সেই নবমী আমার কাল নবমী হইবে, তবে কে নবমী দিন তোমাকে ছাড়িয়া আসিত? আমার জন্ত দেবীর নিদ্রাকলসো ঘরে নেওয়া বাকী রহিত না। শুনিয়াছি যখন আমার বাপের বাড়ীতে মেয়ে ছিল না, তখনও দেবীর পূজা হইয়াছে। বুঝা দুর্গাচরণ, তোমার স্নেহ মনে করিয়া, পিতামাতা আমাকে অপরিমিত স্নেহ করিতেন। নৌকা ফিরিয়া দিলে তাঁহারি কষ্ট পাইতেন মত। যদি জানিতে পারিতাম, এ জীবনে পূজার সময়

তোমার সহিত এই শেষ দেখা, তবে তোমার স্নেহ কেলিয়া কোন অবস্থায়ও চলিয়া আসিতাম না। বাবা, তোমার সেই স্নেহমূর্তি এখনও আমার চক্ষে ভাসিতেছে। কি করি? কোথায় গেলে তোমাকে আবার পাইব? তুমি পাসাণীর উপযুক্ত সাজা দিয়াছ। আমরা পাষণ বলিয়া, সেই দিন তোমাকে ছাড়িয়া আসিতে পারিলাম। অল্প যে কোন জীব তোমাকে এভাবে ছাড়িয়া আসিতে পারিত না।

সকল সময়েই ত আমনা গিয়াছি ও আসিয়াছি। সেদিন নাগমহাশয়ের ভিন্নমত ভাব দেখিলাম। আমি খাইয়া তাঁহার কাছে গিয়াছি, তিনি আমাকে বলিলেন, এত অল্প সময়ে কি খাইয়া উঠিলে? আমি বলিলাম, আমি ত আপনার মত হুঁটী করিয়া মুখে দেই না। অল্প সময়ে অনেক খাইয়াছি। নাগমহাশয় বলিলেন, আমি কত সময় বসিয়া পাই। তিনি আঁচাইতে গেলেন। আমি তাঁহার সঙ্গে গেলাম। তিনি মুখখানা মলিন করিয়া বলিলেন, দশমী দিন বৈকালে গেলে বিজয়া ( ভায়ান ) দেখিয়া যাওয়া যায়। অনেক লোক নৌকা ভাড়া করিয়া দশরা দেখিতে আসে। আমি বলিলাম, যদি আপনি বলেন, আমরা কাল সকালে যাইতে পারি। নাগমহাশয় বলিলেন, অনেকে নৌকা ভাড়া করিয়া দশরা দেখিতে যায়, তাই বলি, কাল গেলে হয় না? আমি বলিলাম, প্রতিমা ঘরে থাকিতে নিদ্রা কলসি বড় ঘরে নিতে হয়। নাগমহাশয় আর কোন কথা বলিলেন না। আমরা চলিয়া আসিব বলিয়া তিনি আমাদের সঙ্গে রহিলেন। সূর্য অস্তমিত প্রায়। মাঝি স্বামীকে জিজ্ঞাসা করিল, কখন যাইবেন? স্বামী বলিলেন, এখনই যাইব। তিনি নাগমহাশয়কে নমস্কার করিলেন। নাগমহাশয়

উহার দুইটি হাত ধরিয়া বলিলেন, আপনি উহাকে কষ্ট দিবেন না। নাগমহাশয়ের ভাব দেখিয়া উহার মনে হইল, তিনি আর বেশীদিন থাকিবেন না। যেমন মৃত্যু সময় মা কালের শিশুকে বাচ্চাকে সাক্ষাতে পান, তাহার হাতে দ্রবের ধনকে দিয়া যান, যেন শিশুর কোন কষ্ট না হয়, সেইরূপ নাগমহাশয়ের অতিশয় আদরের মেয়ে আমার হাতে দিয়া, সংসারে রাখিয়া গিয়েছেন, যেন তাহার কোন অঃ না হয়। নাগমহাশয় স্বামীর হাতে আমাকে দিয়া আমার কাছে আসছেন। তাহার খুঁটি তিন মত দেখিলাম। তিনি এমনভাবে লকাইলেন যেন আমি অনেক দূরদেশে বাইতেছি। আমি পাখানা, হাত কি, বুঝিতে পারিলাম না। নাগমহাশয়ের পানে চাহিয়া রহিলাম।

নাগমহাশয় মাঠাকুরাণীকে বলিলেন, এ কাপড়খানা উহাকে দাও। মাঠাকুরাণী আমাকে একখানা কাপড় দিলেন। নাগমহাশয় বলিলেন, মা, এ কাপড়খানা পরগে। আমার মনে হইল, নাগমহাশয়ের অর্থের অভাব। তিনি কোন লোক হইতে কিছু নেন না। এ কাপড়খানা মাঠাকুরাণীকে দিব। নাগমহাশয়ের কথা রাখিব, হ্যাঁ একবার পরিব। আমি নাগমহাশয়কে বলিলাম, আপনি একটু সড়িয়া যান, আমি কাপড় ছাড়িব। তিনি সড়িয়া গেলেন। কাপড়খানা একবার পরিয়া, মাঠাকুরাণীকে তাহা দিলাম। মাঠাকুরাণী নিতে রাজি হইলেন না। তিনি বলিলেন, একখানা কাপড় দিয়াছেন, তাহা আবার ফিরাইয়া দিতেছ? আমি কাপড় নিলে তিনি তিরস্কার করিবেন। আমি বলিলাম, আমার মা আপনাকে একখানা কাপড় দিয়াছেন, আপনি ইহা পরুন। মাঠাকুরাণী বলিলেন, এখন আমার কাপড়

পরিবার সম্বন্ধ নাই। আমি তাহা তোমার মাকে দিলাম। আমি বলিলাম, মা বলিয়া দিয়াছেন, বইনদিদিকে এই কাপড়খানা পনাইয়া আসিবা। মাঠাকুরাণী বলিলেন, না, এখন না। আমি বলিলাম, এখনই ত সময় আছে। আমি কাপড় ধরি, আপনি পকুন। আমার মার কাপড়খানা মাঠাকুরাণীকে জোর করিয়া পবাইয়া দিলাম। নাগমহাশয় যে কাপড়খানা দিয়াছিলেন, তাহা মাঠাকুরাণীকে দেখাইয়া ছুড়িয়া রাখিলাম এবং বলিলাম, তিনি আমাকে দিয়াছিলেন, আমি আপনাকে দিলাম। তিনি না দিলে আমি কোথায় পাইব? নাগমহাশয় আবার আসিয়া কাপড় দিবেন, এই ভয়ে ভাড়াভাড়ি ঘরের বাহির হইয়া আসিলাম। পথে নাগমহাশয়কে দেখিলাম। তিনি স্বামীর সহিত কথা বলিতেছেন। আমাকে দেখিয়া বলিলেন, মা, ও কাপড়খানা পরিলে না? নাগমহাশয় সব জানেন, বালকের মত স্বামীকে বলিলেন, আপনাকে পারিলাম না, উহাকে একখানা কাপড় দিয়াছি, ও নিল না। স্বামী মনে মনে বলিলেন, আমার প্রতি আপনার অপাব দয়া। আপনার নিকট কাপড় চাহি নাই। আপনি কেন কাপড়ের কথা বলেন। নাগমহাশয়ের সেদিনকার ভাব দেখিয়া, সকলেই মুগ্ধ হইয়া, তাঁহার দিকে তাকাইয়া রহিলাম।

নাগমহাশয় স্বামীর হাত ধরায়, স্বামী সকলই বুঝিতে পারিলেন। পাষাণীর জন্ত চলিয়া আসিলেন। নাগমহাশয় নৌকা পর্যাস্ত আসিলেন। একবার বলিলেন, হুগ্ধ না দিলে, আমাকে বাজার বাইতে হইবে। স্বামী বলিলেন, হুগ্ধ এখনই দিবে, আপনি কেন অথবা কষ্ট স্বীকার করিবেন? নাগমহাশয় বোধ

হয় আমাদের সাথে বাজার পর্যন্ত আসিতেন, আমরা তাহা বুঝিলাম না। নাগমহাশয় আমার দিকে তাকাইয়া বলিলেন, মা, লক্ষ্মীনারায়ণের মত থাকিও। ভগবানে মন রাখিও। সংসারে কিসের ভয়? তিনি আপন ভাবিয়া সমস্ত বলিয়াছিলেন, আমি পাষণ্ডী কিছুই বুঝিতে পারিলাম না, তাঁহার পানে চাহিয়া রহিলাম। যতদূর দেখা গেল, তাঁহাকে দেখিলাম। তিনি ডাকিয়া ডাকিয়া কত কথা বলিলেন। অদৃশ্য হইলে স্বামী বলিলেন, বোধ হয় তিনি আর বেনা দিন থাকিবেন না। আসার সময় আমি তাঁহাকে নমস্কাণ্ড করিলাম, তিনি আমার হুই হাত ধরিয়া বলিলেন, উহাকে কষ্ট দিবেন না। তাঁহাব ভাব দেখিয়া মনে হইল, তিনি আমাদের সহিত আর অধিক দিন খেলা করিবেন না। আমি বলিলাম, তিনি আমার জন্ম অনেক সময় অনেক কাজ করেন, অনেক সময় বলেন, আমি ত ভাবি স্নেহা চণ্ডী কখন কি কবিয়া বসে। এসব তাঁহার দয়া, অপাত্রে অষ্টৈতুক স্নেহ। স্বামী বলিলেন, হুইত পারে ইহাব জন্ম কোন কারণ আছে, কিন্তু আমার মনে ঘাড়া হইয়াছিল, তাহা বলিলাম।

নাগমহাশয় কি ভাবেন, জীব তাহা বুঝিতে পারে না। যদি স্বামীর কথা শুনিয়া দেওভোগ ফিরিয়া বাইতাম, পূজার কয়েকটা দিন তাঁহাকে দেখিতে পাইতাম। তিনি চক্ষে অঙ্গুলি দিয়া দেখাইয়া দিলেন, আমি কিছুই বুঝিতে পারিলাম না। স্বামী সব বুঝিতে পারিয়াও পামণীর সঙ্গে চলিয়া আসিলেন। আর ত জীবনে পূজার সময় নাগমহাশয়কে দেখিতে পাইলাম না। বাবা, তুমি সমস্ত জানাইয়া দিলে, আমি পাষণ্ডী, তাই কিছু

বুঝিতে পারিলাম না। এই নবমী আমার কাল নবমী হইল। বাবা, তোমার স্নেহ আমার ভাল লাগিল না। আমি পাপিনী, পাপসংসার আমার ভাল লাগিল। তোমার স্নেহ তোমার সঙ্গে চলিল। এখন সেই পিতা, সেই মাতা, সেই দুর্গাপূজার সকলই আছে, কেবল তুমি নাই। কৈ বাবা, তুমিত এখন আসিয়া সামনে দাঁড়াও না, পিতা-মাতা তোমার সময়ের মত আমার অভাব অনুভব করে না। যেমন তোমাকে ফেলিয়া চলিয়া আসিয়াছি, তাহার প্রতিফল বেশ পাইয়াছি। জীব হইয়া যেমন তোমায় অবহেলা করিয়াছি, এখন তাহার উপযুক্ত সাজা ভোগ করিতেছি। নবমীদিন যে ভাবে তোমাকে ছাড়িয়া আসিলাম, আমি নরাধম, আমার হৃদয় পানাগ, পশু পক্ষীও তোমাকে সেইভাবে ছাড়িয়া আসিতে পারিত না। তুমি আমাকে ভালবাসিতে, তজ্জন্ম স্বামী আমার মনের দিকে চাহিয়া তোমার নিকট হইতে চলিয়া আসিলেন। যখন তুমি তাঁহার হাতে ধরিয়াছিলে, তখনই তিনি সমস্ত বুঝিতে পারিয়াছিলেন। বুঝিলে কি হইবে, পাষণীর সাথে থাকিয়া কেহ সুখ পাইতে পারে না, কষ্টই তাহার লাভ।

আমি স্বামীর কথা শুনিয়া ঠিক বুঝিতে পারিলাম না। স্বামীকে বলিলাম, তিনি সব সময়েই আমাকে স্নেহ করেন, এবার নাগমহাশয়ের স্নেহ ভিন্ন মত দেখিলাম। নৌকা পুকুরের ঘাটে দেখিয়াই যেন কেমন হইয়া গেলেন। আমি তাঁহাকে খাইতে দিয়া নিজে খাইতে বসিলাম। আসিব মনে করিয়া অধিক খাইতে পারিলাম না। তাড়াতাড়ি সামান্য খাইয়া তাঁহার নিকট গেলাম। তিনি ও আমি বঁড় ঘরে বসিয়া কথা

বলিতেছি, মাঠাকুরাণী বলিলেন, তুমি দধি খাও নাই। তাহা খাইয়া যাও। নাগমহাশয় বলিলেন, কেন দধি খায় নাই? মাঠাকুরাণী বলিলেন, ও রান্না ঘরে যে খাইতে বসিয়াছিল, আমি তাগ দেখিতে পাই নাই। নাগমহাশয় বলিলেন, এখন দাও। আমি বলিলাম, অল্প দিবেন, আমার পেট ভরা। মাঠাকুরাণী দধি দিলেন। আমি তাহা পাইয়া, মুখ ধুইতে পুকুরের ঘাটে যাওয়া, তাড়াতাড়ি ফিবিয়া আসিতেছি। দেখিলাম, নাগমহাশয় আমার পিছনে যাওয়া পথে দাড়াইয়া আছেন। মহাভাবে তাহার চক্ষু দুইটি ঢুলুঢুলু করিতেছে। স্নেহমাথা দৃষ্টি দ্বারা আমাব হৃদয় টানিয়া নিতেছেন। আমাব যে সেইদিন চলিয়া আসিব, তাহা যেন একটা জঘন্য কাজ হইতেছে। নাগমহাশয় আমাদিগকে বাবণ করিতেছেন না, কিন্তু আমরা না আসিলে ভাল হইত। আমি তাঁহাকে জিজ্ঞাসা করিলাম, আপনি কেন আসিলেন? তিনি বলিলেন, তোমাদিগকে সুখে দেখিলেই আমি সুখী। আমি মনে মনে বলিলাম, দেখা দিয়া আমাকে সুখী করিতে আসিয়াছ? আমি যেন মন দিয়া তোমাকে সুখী করিতে পারি। তুমি আমাকে তোমার চিন্তা করিতে বলিয়াছ। নাগমহাশয় তাকাইয়া রহিলেন। আমাকে সঙ্গে করিয়া বড় ঘরে আসিলেন। জানি না, আজ নাগমহাশয়কে ছাড়িয়া আসিয়া কি ভীষণ কাজ করিলাম। এবার তাঁহার আর একটা কাজ দেখিলাম। সরলা দিদি একটা সন্দেশ দিলেন, নাগমহাশয় তাহা হাত পত্তিয়া লইলেন। পিসী আর একটা সন্দেশ দিলেন। বিনা আপত্তিতে তাহাও গ্রহণ করিলেন। তাঁহাকে প্রসাদ বলিয়া একটা সন্দেশ দেওয়া যায় না। স্বামী

এই সমস্ত কথা শুনিয়া, ভয় হৃদয় লইয়া বসিয়া রহিলেন ! কতক সময় পর তিনি বলিলেন, কপালে কি আছে, তাহা কে জানে ? তিনি সরলাকে বড় প্রশংসা করিতেন । তিনি বলিতেন, উহার বড় শুদ্ধ স্বভাব । নাগমহাশয়ের উপর তাহার ভক্তি আছে বলিয়াই তিনি তাহার এত প্রশংসা করিয়াছেন । ভগবান ভক্তের বাসনা পূর্ণ করিলেন । এখন তিনি কতকদিন থাকিয়া যান, তবেই হয় । আমি বলিলাম, তাঁহার কথা অনেক লোকের নিকট বলিও না ।

নাগমহাশয়ের কথা এভাবে বলিতেছি, নৌকা আমাদের পুকুরের ঘাটে লাগিল । পিতামাতা সকলেই নাগমহাশয়ের কথা জিজ্ঞাসা করিলেন । আমি বলিলাম, তাঁহাকে ভালই দেখিলাম । জানি না কেন, তাঁহার ভাব ভিন্নমত দেখিতে পাইলাম । পিতা বলিলেন, জ্যেষ্ঠামহাশয়ের অভাবে যে তিনি বেশীদিন সংসারে থাকেন, আমার বোধ হয় না । সকলেই বলে, এখন জীবের জ্ঞান যে কয়েক দিন ইচ্ছা হয়, তিনি থাকিবেন । তোমরা ভক্ত, তোমরা বুঝিতে পার । মা জিজ্ঞাসা করিলেন, বইন-দিদিকে যে কাপড়খানা দিয়াছিলাম, তাহা তাঁহাকে পরাইতে পারিয়াছিলে কি ? আমি বলিলাম, তিনি তোমার কাপড় পরিয়াছেন । নাগমহাশয় আমাকে একখানা কাপড় দিয়াছিলেন, আমি তাহাও মাঠাকুরাণীকে দিয়া আসিয়াছি । পিতামাতা তাহা শুনিয়া বলিলেন, ভালই করিয়াছ । তাঁহার দয়া থাকিলেই হয় । তাঁহা-দিগকে সকল কথা বলিলাম না । নাগমহাশয় যে স্বামীর হাত ধরিয়াছিলেন, তাহা গোপন করিলাম । সেই কথা কেবল স্বামীর ও আমার মনে রহিল । মন যেন কেমন করিতে লাগিল । মা



আমাকে খাইতে বলিলেন । আমি বলিলাম, আমি আর খাই না । তিনি অতিশয় বড় করিয়া খাওয়াইয়া দিয়াছেন, তাহাতে আর ক্ষুধা হইবে না । এখন আমি শুইয়া থাকিব । নাগমহাশয়ের স্নেহমূর্তি আমার হৃদয়ে জাগিতে লাগিল । বাড়ীতে আসিয়া আমার কিছুই ভাল লাগিল না । নাগমহাশয়ের বাড়ীতে উত্তরের ঘরে দুর্গাপূজা হয়, আমাদের বাড়ীতেও উত্তরের ঘরে দুর্গাপূজা হয় । নাগমহাশয়ের বাড়ার প্রতিমা লাল, আমাদের এখানেও লাল প্রতিমা । মণ্ডপের দিকে তাকাইলে মনে হয় নাগমহাশয়ের বাড়ীতেই আছি । সবই দেখিতে পাইতেছি, কেবল নাগমহাশয়কে দেখি না । মনে হইতে লাগিল, নাগমহাশয় এদিক হইতে আসিতেছেন, অগ্নিদিক হইতে আসিতেছেন, কিন্তু তাঁহাকে দেখিতে পাইতেছি না । আমি আর বসিলাম না । প্রতিমা নমস্কার করিয়া শুইয়া রহিলাম । নাগমহাশয়ের সমস্ত গুণ মনে পড়িতে লাগিল । আসার সময় তিনি বলিয়াছিলেন, এখানে আসিয়া সময়মত ঘুমাইতে পার না, পারিলে নৌকায় একটু ঘুমাইও, শরীর সুস্থ হইবে । নাগমহাশয় আমার এত বড় করিতেন, প্রতিমূর্ত্তে আমাকে সুখী করিতে চাহিতেন, আমার কষ্ট হইবে বলিয়া উদ্বেগ থাকিতেন ।

শুইয়া থাকিয়া নাগমহাশয়ের স্নেহ মনে করিতেছি, এমন সময় আমাদের বাড়ীতে আরত্রিক আরম্ভ হইল । ঢাকের বাত্ম শুনিয়া আমার মনে হইল যেন আমি দেওভোগে আছি, ঢাকের বাত্মের সঙ্গে যেন নাগমহাশয়ের কথা শুনিতেছি । আমার মনে হইতে লাগিল যেন নাগমহাশয় পূর্বের ঘরের বারান্দায় বসিয়া আছেন, উঠিয়া গেলেই তাঁহাকে দেখিতে পাইব । আবার ভাবিলাম, তিনি

মণ্ডপঘরের সামনে দাঁড়াইয়া প্রতিমা দেখিতেছেন । আমার মন দেওভোগে বিচরণ করিতেছে, হেম ও আমার বড় ভগ্নী আসিয়া বলিলেন, এক বৎসরের অল্প এই নবমী তিথি শেষ হইল, আরত্রিক দেখিবে না ? উঠ, আর দেরি করিও না । আমার বড় কষ্ট হইল । তাহারা আমার স্নুথের স্বপ্ন ভাঙ্গিয়া দিল । আমার মনে হইল, কোথায় দেওভোগ এবং দেহধারী দয়া, আমার দুর্গা-চরণ ! উঠিয়া গেলে ত আর নাগমহাশয়কে দেখিতে পাইব না । তাহাদিগকে বলিলাম, তোমরা যাইয়া আরত্রিক দেখ, আমি এখন যাইব না । তাহারা বলিল, পূজার সময় ত দেওভোগে স্নুথে ছিলে । অল্পবার প্রথম পূজা দেখিয়া যাও, দশমীর পর দিন আস । এবার কোন বিশেষ কাজের অল্প আসিতে হইয়াছে । আগামী বৎসর পূজার সব দিন তথায় থাকিতে পারিবে । তোমার এত কষ্ট কি ? তুমি মনে করিলেই জ্যেষ্ঠামহাশকে সকল স্থানে দেখিতে পাও । এখানে যে দুর্গা প্রতিমা, দেওভোগেও সেই দুর্গা প্রতিমা । আমার আলা কেহ বুঝিল না । তাহাদের অনেক অনুরোধে উঠিয়া প্রতিমা দেখিতে গেলাম । অল্প সময় থাকিয়া চলিয়া আসিলাম । কতক সময় পর স্বামী আসিয়া বলিলেন, আমি আরত্রিক দেখিয়া আসিলাম, তুমি দেখিলে না ? আমি বলিলাম, আমিও গিয়াছিলাম, অল্প সময় তাহা দেখিয়া চলিয়া আসিয়াছি । মনে হইয়াছিল, আমি যেন দেওভোগে আছি । আরত্রিকের বাস্তব শুনিয়া ভাবিয়াছিলাম, আমি নাগমহাশয়ের কাছে আছি, তিনি যেন কাশর বাজাইতে-ছিলেন এবং দেবীর সাক্ষাতে দাঁড়াইয়া তাঁহাকে দেখিতেছিলেন । বাস্তব যেন তাঁহার কথার মত শুনা যাইতেছিল । স্বামী বলিলেন,

হাঁ, ঘুমের ঘোরে আমারও মনে হইতেছিল যেন আমি দেও-  
ভোগে আছি। জাগিয়াও ধারণা হইতেছিল যেন তিনি কণা  
কহিতেছেন, ঘুরিয়া ঘুরিয়া সব দেখিতেছেন, বাহিরে গেলে  
ঠাঁহাকে দেখিতে পাইব। তাহা শুনিয়া আমি বলিলাম, আমি  
বাহিরে যাইয়া দেখিতে পাইলাম, দেবীর আনন্দিক হইতেছে,  
চাক বাজিতেছে, কাঁশর বাজাইতেছে, মণ্ডপের দিকে তাকাইয়া  
দেওভোগের প্রতিমার মত লাল প্রতিমা দেখিলাম; সবই  
দেখিতে পাইলাম, কিন্তু নাগমহাশয়কে কোথায় ও পাইলাম না।

আমি স্বামীকে জিজ্ঞাসা করিলাম, ভাদ্রা নৌকা লইয়া  
কি হইয়াছিল? তুমি কি রমক বিপদে পড়িয়াছিলে? স্বামী  
বলিলেন, নাগমহাশয় নটবরবাবুদের বাড়িতে প্রতিমা দেখিতে  
গিয়াছিলেন। ঠাঁহাকে না দেখিয়া আমার আর ভাল লাগিল  
না। প্রতিমা দেখার উপলক্ষ করিয়া, একটা নৌকা লইয়া  
চলিলাম। বাওয়ার সময় বেশ গেলাম। আসার সময় কতক  
দূর আসিয়াছি পর, নৌকায় এত জল উঠিতে লাগিল, জল  
ফেলিয়া কিছুই কমাইতে পারিতেছি না। যে জল উঠাইয়া ফেলি,  
তাহার অনেক গুণ অধিক জল উঠিতে লাগিল। নাগমহাশয় অল্প  
নৌকায় ছিলেন। আমার তরী ডুবু ডুবু, এমন সময় তিনি আমার  
নৌকায় আসিলেন। অল্প সময় মধ্যে তিনি নৌকার জল  
ফেলিয়া, তাহা আবার ভাসাইলেন। তিনি এ ভাবে জল  
ফেলিলেন, আমি কিছুই ঠিক করিতে পারিলাম না। আমার  
নৌকা ভাসাইয়া দিয়া, নাগমহাশয় ঠাঁহার নিম্নের নৌকায়  
গেলেন এবং আমার আগে আগে চলিলেন, আমি ভাদ্রা নৌকার  
পিছনে পিছনে আসিতে লাগিলাম। একবার নৌকা এমন ভাবে

চালাইলাম, নৌকার অগ্রভাগ তাঁহার পার লাগিয়া গেল । নাগমহাশয় বিরিয়া তাকাইয়া বলিলেন, আপনি আগে আগে চলুন । তাহাতে আমার মনে বড়ই সুখ হইল । তিনি দেখাইলেন, যখন আমি আমার জীবনতরী অর্দ্ধপথে ডুবাইতে বসিব, যখন আমি আমার কর্ণের বোঝা ফেলিতে ফেলিতে অশক্ত হইয়া হতশ্বাস হইব, কিন্তু মুখতাহেতু তাঁহার দিকে তাকাইব না, কিম্বা কাতর প্রাণে তাঁহার আশ্রয় চাহিব না, নাগমহাশয় নিজগুণে দয়া করিয়া আমার ভয় ডুবন্ত তরীতে আসিবেন এবং কৃপাপরবশ হইয়া আমার স্তম্ভীকৃত কৰ্ম ফেলিয়া দিয়া তাহা ভাসাইবেন । তিনি আরও দেখাইলেন, আমাকে ছাড়িয়া দিলে বিশ্বাস নাই । তিনি পথ দেখাইয়া দিলেও আমি কি করিয়া বসি, তাহা ঠিক নাই, তাই আমার দয়াল ঠাকুর আমার পিছনে রহিলেন । আমি যেখানেই যাই না কেন, তিনি আমার পিছনে থাকিবেন, আমি কোন অবস্থায় তাঁহাকে ছাড়িয়া আপন মনে একদিকে চলিয়া যাইতে পারিব না । এমন ঠাকুর কি কখন হয় ? এমন দেহবদ্ধদয়া কি অন্তত্বে সম্ভবে ?

আমি বলিলাম, তিনি আমাকে ভাঙ্গা নৌকায় যাইতে বারণ করিলেন, আবার বলিলেন, উহাকে জিজ্ঞাসা কর আমি সঙ্গে না থাকিলে, আজ কি মুন্সিলে পড়িত । সকলই তাঁহার দয়া, সমস্তই তাঁহার অহৈতুক কৃপা । আমরা মনস্থ করিলাম, আর পূজার সময় নাগমহাশয়কে ছাড়িয়া আসিব না । বিধাতা পরের পূজার আর নাগমহাশয়কে দেখিতে দিলেন না । মনের দুঃখ মনেই রহিল । এই নবমী আমাদের কাল নবমী হইল । •

নাগমহাশয় ভাঙ্গা নৌকার অল ফেলিয়া স্বামীকে যেমন বিপদ হইতে রক্ষা করিয়াছিলেন, সেইরূপ যদি কেহ বিপদে

পড়িয়া নাগমহাশয়ের স্বরণাপন্ন হইত, স্বামীর মত সেও বিপদ-সাগরেব পার পাইত । দীনবন্ধু চক্রবর্তী নামক এক ব্রাহ্মণ ছিলেন । ববিশাল জিলার তাঁহার বাটী ছিল । তিনি কোন কারণে বাটী হইতে চলিয়া আসেন । কাহাকেও তাহার কারণ বলেন নাই । লেখাপড়ার বেশ আগ্রহ ছিল । কতকদিন মুন্সীগঞ্জ থাকিয়া, পরেব বারা করিয়া পড়া চালাইয়াছিলেন । তৎপর যোগাব কবিয়া বি, এ, পর্যন্ত পড়েন । ঢাকায় পড়ার সময় স্বামীর সহিত তাহার ভাব হয় । স্বামীকে অনেক কথা বলিয়া कहিলেন, দেখুন, জীবনে অনেক কষ্ট পাইয়াছি । শরীরে অল্প ব্যাধি হইলে ভাবিতাম না । পার গোদ হইয়াছে, তাহা দেখিয়া সকলে আমাকে গোদা বলিবে, ইহা আমি সহ করিতে পারিব না । স্বামী বলিলেন, ভগবান্ সকলের কর্তা । ভগবান্ ব্যাধি দিলে কি করিবেন ? ভগবান্ ক বলুন, তাঁহার ইচ্ছায় তাহা ভাল হইয়া যাইতে পারে । তিনি স্বামীর কাছে অনেক কাঁদিলেন । স্বামীর মনে অতিশয় কষ্ট হইল । তিনি নাগমহাশয়ের অনেক দয়ার কথা বলিলেন । তিনি আরও বলিলেন, নাগমহাশয় মনেব কথা জানিতে পাবেন । আপনি যে ১৫ বৎসর বয়সে বাড়ী ছাড়িয়া, নিজে যোগাব কবিয়া বি, এ, পড়িতেছেন, বিবাহ কবেন নাই, আপনাকে দেখিলে নাগমহাশয় স্তম্ভী হইবেন । দীনবন্ধুবাবু বলিলেন, আপনি আমাকে আগামী শনিবারে লইয়া চলুন । স্বামী তাহা কবিলেন । নাগমহাশয়কে দেখিয়া তাঁহার ভক্তি বিখ্যাত হইল । মুখে কিছু বলিলেন না, মনে মনে সমস্ত হৃৎক নাগমহাশয়কে জানাইলেন । তিনি দীনবন্ধুবাবুকে স্নেহ করিতেন, বিবাহ করেন নাই বলিয়া তাঁহার প্রশংসা

করিতেন । নাগমহাশয়ের স্নেহে দীনবন্ধুবাবুর ভক্তি আরও বর্ধিত হইল । তিনি স্বামীর সঙ্গে কোন কোন শনিবার দেওভোগে যাইতেন । কয়েকদিন দেওভোগে আসিল তাঁহার পায়ের উপর যাহা ক্ষীত ছিল, তাহা কমিয়া গেল । তিনি অতিশয় আগ্রহের সহিত নাগমহাশয়কে দেখিতে আসিতেন ।

নাগমহাশয় যে বিপদ হইতে রক্ষা করিতেন, তাহা অনেকেই অনুভব করিত । তিনি কাহারও কষ্ট দেখিতে পারিতেন না । দূর সম্পর্কে আমার এক খুঁতাত বিমলাবাবু যখন নাগমহাশয়কে প্রথম দেখিতে যান, তিনি বাড়ী না চিনিয়া তাঁহার বাড়ী ফেলিয়া চলিয়া যাইতেছিলেন । নাগমহাশয় পথে দাঁড়াইয়া আছেন । ইহার পূর্বে বিমলাবাবু কখনও নাগমহাশয়কে দেখেন নাই, কিম্বা তাঁহার বাড়ীতে যান নাই । তাঁহার মহিমা শোনা ছিল, তাঁহার চেহারা কি রকম তাহা জানা ছিল । নাগমহাশয়কে দেখিয়াই তিনি চিনিতে পারিলেন । তাঁহাকে দেখিয়াই নারায়ণ বলিয়া মনে হইল । নাগমহাশয়ের বাড়ী ফেলিয়া যাইতেছিলেন, নাগমহাশয় তাহা জানিতে পারিয়া পথে দাঁড়াইলেন দেখিয়া তাহার বিশ্বাস জন্মিল, তিনি সমস্ত জানিতে পারেন । তিনি অনেক সময় নাগমহাশয়ের রূপ চিন্তা করিতেন, সুবিধা পাইলেই তাঁহাকে দেখিতে যাইতেন । তিনি সকল পথ নাগমহাশয়ের কথা ভাবিতেন এবং সেইদিন তাঁহাকে দেখিতে পাইবেন ভাবিয়া আত্মনির্ভর হইতেন । একদিন নাগমহাশয় হাসিতে হাসিতে তাহাকে বলিয়াছিলেন, আপনি এবং হরপ্রসন্ন সন্দেশের খালা হাতে নিয়া আসেন । বিমলাবাবু নাগমহাশয়ের পদস্পর্শ করিয়া নমস্কার করিতে সাহস পাইতেন না । তাহার মনে বড় কষ্ট

ছিল, তিনি তাঁহার পা ছুইতে পারিলেন না । একদিন ভক্ত-  
বৎসল নাগমহাশয় তাহাকে বলিলেন, শনিবার আসিবেন, কত  
কি দেখিতে পাইবেন । নাগমহাশয় বলিয়াছেন, বিমলাবাবু মহা-  
আনন্দে দেওভোগে গেলেন । সমাগত সকল লোক মিলিয়া কীৰ্ত্তন  
করিতেছিলেন । নাগমহাশয় হাতে তুরি দিতে দিতে সমাধিমগ্ন  
হইলেন । তাঁহাব পাছ'খানি বিমলাবাবুর দিকে পড়িল এবং তাহাব  
গায় লাগিল । বিমলাবাবু মনের আনন্দে আকাজকা পুরাইয়া তাঁহার  
চরণযুগল ধবিলেন । নটববাবু ও অন্যান্য ভক্তগণ সকলেই  
হৃদয়ের ঢুকা মিটাইয়া নাগমহাশয়কে ধরিতে লাগিলেন ।  
কতক সময় পর নাগমহাশয় প্রকৃতিস্থ হইলেন । ভক্তগণ মনের  
আনন্দে আবার কীৰ্ত্তন করিতে লাগিলেন ।

আমরা নাগমহাশয়েব সমাধি দেখি নাই । তাঁহার দেহে  
অস্বাভাবিক কিছু দেখি নাই । তাঁহাব চক্ষের জ্যোতি  
অলৌকিক ছিল, তাহা আমরা দেখিয়াছি । সকলেই তাহা  
দেখিয়াছে । শ্রীবুত অক্ষয়কুমার সেনেব শ্রীশ্রীবামরুঞ্চ পুঁথিতে  
নাগমহাশয়ের চক্ষের জ্যোতির কথা লেখা আছে । নটববাবু  
বলেন, একদিন তিনি তাঁহার পদযুগল কমনীয় অরুণবাগে রঞ্জিত  
দেখিয়াছেন এবং আর একদিন নাগমহাশয়কে সমাধিসাগরে  
নিমজ্জিত দেখিয়াছিলেন । নটববাবু বলিয়াছেন, একদিন  
সন্ধ্যার সময় নাগমহাশয় বলিলেন, তিনি সন্ধ্যা কবিবেন । হাত  
মুখ ধৌত করিয়া সন্ধ্যা করিতে বসিলেন । সমাধি হইল, এক  
ঘণ্টার উপর তাঁহার বাহ্যিক জ্ঞান ছিল না । নটববাবু নাগ-  
মহাশয়ের কৃপা পাইয়া নবজীবন লাভ করিয়াছেন । তাঁহার  
বাড়ী নাগমহাশয়ের বাড়ীর নিকটে ছিল । অনেক সময় নাগ-

মহাশয়কে দেখিতে পাইয়াছেন । আমরা নাগমহাশয়ের অলৌকিক কোন পরিবর্তন দেখিতে পাই নাই । তিনি যাহার নিকট যে ভাবে ইচ্ছা হইত দেখা দিতেন । তিনি বলিতেন, ভগবানের ইচ্ছা ব্যতীত একটা গাছের পাতাও পড়ে না । তাঁহার ইচ্ছানুসারে জীব তাঁহাকে দেখিতে পাইয়াছে । এক দিন রাত্ৰিতে স্বামী নাগমহাশয়ের কাছে বসিয়া আছেন । তিনি দেখিলেন, নাগমহাশয়ের দুইটা চক্ষু হইতে জ্যোতি বাহির হইতেছে । তাঁহার নয়নের তারকা বাতির মত জ্বলিতেছে । একদিন সন্ধ্যার পর আমি নাগমহাশয়ের নিকট বসিয়া আছি । তিনি কথা বলিতেছেন, হঠাৎ তাঁহার কথা বন্ধ হইল । আমি নাগমহাশয়ের দিকে তাকাইয়া দেখিতে পাইলাম, তাঁহার দুইটা চক্ষু হইতে তৈলের বাতির শিখার মত জ্যোতি বাহির হইতেছে । কতক সময় পরে একজন লোক আলো হাতে করিয়া, তুলায় আসিল । নাগমহাশয় আবার কথা বলিতে লাগিলেন । চক্ষের জ্যোতি আর দেখিতে পাইলাম না । নাগমহাশয়ের চক্ষের জ্যোতি যে ভিন্ন মত ছিল, অনেকেই তাহা বলিয়াছে । একদিন আমার মা বলিয়াছিলেন, ঠাকুরের চক্ষের মণি যেন তুলার মত দেখা যায় । তাঁহার চক্ষের জ্যোতি দেখিয়া, আমি বুঝিতে পারিলাম, মা অতিরঞ্জিত কথা বলেন নাই । মা নাগমহাশয়ের চক্ষের জ্যোতির কথা আমাকে বলায়, আমি মনে কবিয়াছিলাম, নাগমহাশয় কখন ভোজ বাজি দেখান না । মা কি বলিলেন ? মা'কে কোন কথা বলিলাম না । তাঁহাও কথার আমার সন্দেহ জন্মিল । আমি নাগমহাশয়ের চক্ষের জ্যোতি দেখিয়াছি পর, স্বামী ও সেইরূপ বলিলেন । তখন মার কথায় আমার সম্পূর্ণ বিশ্বাস হইল ।



নাগমহাশয়ের দেহে আর কোন অলৌকিক দৃশ্য দেখি নাই, তবে তিনি সাধারণ লোক হইতে পৃথক ছিলেন । উপবাস করিলে লোকের মুখ হইতে দুর্গন্ধ নির্গত হয় । নাগমহাশয় কত উপবাস করিয়াছেন, কোন দিনও তাঁহার মুখে দুর্গন্ধ পাই নাই । উপবাসী লোক কথা বলিলে, তাহার নিকটবর্তী লোক দুর্গন্ধ পায়, কিন্তু নাগমহাশয়ের গায় একটা সুগন্ধ ছিল । যাহা বা তামাক খায়, তাহারা তামাক না খাইলে, তাহাদের মুখে দুর্গন্ধ হয়, নাগমহাশয় অসুখের সময় তামাক খাওয়া ছাড়িয়া দিয়াছিলেন, কখনও তাঁহার নিকট কোন দুর্গন্ধ পাওয়া যায় নাই । যাহারা আমাশয় রোগ ভোগে, তাহাদের শরীর হইতে একপ্রকার ধারাপ গন্ধ বাহিব হয় এবং তিনি শেষ অবস্থায় যে ভাবে ছিলেন, অতুলোক হইলে, তাঁহার নিকটে ঘেঁষা যাইত না । কিন্তু দুর্গন্ধ দুবে থাকুক, নাগমহাশয়ের দেহ হইতে একটা সুগন্ধ আসিত । তাঁহার শরীরে সর্বদা একটা সুগন্ধ লাগিয়াই থাকিত, তাহা অনেকেই অনুভব করিয়াছে ।

একবার অগস্ত্যী পূজার সময় শবৎবাবু দেওভোগে ছিলেন । নাগমহাশয় উপবাসী আছেন । শবৎবাবু ভাবাবেশে তাঁহাকে জড়াইয়া ধরিলেন । নাগমহাশয় বলিলেন, আমার গায় দুর্গন্ধ আছে, সড়িয়া যান । শবৎবাবু হাসিতে হাসিতে বলিলেন, এই দুর্গন্ধের ত্রিতব একটা সুগন্ধ আছে, কেন সড়িব ? তিনি নাগমহাশয়কে ধরিয়া বহিলেন । কতকক্ষণ পরে শবৎবাবু তাঁহাকে ছাড়িয়া দিলেন । তিনি বলিলেন, দেবীর পূজা হইতেছে, তাহা দেখুন । শবৎবাবু অগস্ত্যী প্রতিমার দিকে তাকাইয়া, হাসিতে হাসিতে বলিলেন, কাকে রেখে কাকে দেখি, কে বেশী সুন্দর ।

নাগমহাশয় মূহ-মন হাসিতে লাগিলেন । শরৎবাবু নাগমহাশয়ের পানে দৃষ্টি রাখিলেন । তিনি ভগবান্ প্রতীমা হইতে নাগমহাশয়কে অধিক সুন্দর অনুভব করিয়া, অল্প স্থান হইতে চক্ষু উঠাষ্টয়া আনিয়া তাঁহাতেই লুপ্ত করিলেন । শরৎবাবুর কাজ দেখিয়া সকলেই তাঁহার মনোভাব বুঝিতে পারিল । শরৎবাবু নাগমহাশয়ের অশ্রুস্রব ভক্ত । আমি ছোট সময় শরৎবাবুকে একবার দেওভোগে দেখিয়াছিলাম ।

আমার এক পিসতুতো ভগ্নীর স্বামী মরিলে, তিনি নাগমহাশয়কে দেখিতে যান । যেমন বিধবা কন্যা পিতাকে দেখিয়া কাঁদে, সেইরূপ তিনি নাগমহাশয়ের কাছে কাঁদিতে লাগিলেন । নাগমহাশয় তাহাকে সাহসনা দিয়া বলিলেন, মা, কাঁদ কেন ? চারি বৃগেই এই ভাবে আসা যাওয়া হইতেছে । শাস্ত্রে আছে, স্বামীর জন্ত ভাল ভাবে থাকিয়া, স্বামীর চিন্তা করিয়া, পতিলোকে যাওয়া যায় । এ বেশে পতিব্রতা ধর্ম পালন করিতে হয় । তিনি কাঁদিতে কাঁদিতে বলিলেন, মামা, সকলই আপনার ইচ্ছা । যখন সংসার সাজান হইয়াছে, সকল মত দৃষ্টই দরকার । ছোট সময় যখন আমরা খেলা করিতাম, একটা পুতুলকে রাগীও একটিকে দাসী বানাইতাম । আপনিও সেইরূপ কাহাকে কোলে লইয়া, সুখী করিয়া, লক্ষ্মীর মত স্বামীর সহিত রাখিয়াছেন, আবার কাহাকে অশেষ দুর্গতিতে ফেলিয়াছেন । ভগবান্ সমস্ত লইয়া সংসার সাজান । নাগমহাশয় বলিলেন, মা, শ্রেষ্ঠ কণ্ঠাই বসিয়াছে । তাহার গুণ্ডধারিণী ভাল, তাহার বুদ্ধির অংশ হয় না । একদিন নাগমহাশয় ইহাকে বলিয়াছিলেন, শেকালিকা ফুল ভাল । শেকালিকা ফুলে ভগবান্ সুখী হন । সমস্ত ফুল গাছের কষ্ট,

অম্মাইয়া ছিঁড়িয়া আনিতে হয়, শেফালিকা আপনিই বড়িয়া পড়ে ।

আমি দুর্গাপূজার সময় নাগমহাশয়কে যে ভাবে ছাড়িয়া আসিলাম, অন্য কেহ এই ভাবে আসিতে পারিত না । কালীপূজার সময় দেওভোগে যাইয়া দেখিলাম, নাগমহাশয়ের অসুখ হইয়াছে । সকল দিন পায়খানার যাইতেছেন । তাঁহার আমাশয় হইয়াছে । মুখখানা ঈষৎ ফুলিয়াছে । পা দুইখানি ভারি হইয়াছে । এই শরীর লইয়া জল কানার মধ্য দিয়া বাজার করেন । মাঠাকুরাণী বলিলেন, এমত অসুখ লইয়া যাহা ইচ্ছা হয়, তাহা করেন কিছু বলিলে তাহা শোনে ন। যদি কার্তিক মাসে বুড়ো মানুষের শোঁত হয়, সে আর বেণীদিন এই সংসারে থাকে না । মাঠাকুরাণী ভয়ে কোন কথা বলিতে পারেন না । জল কানার বাজারে গিয়াছেনই, দুর্গাপূজার পর আর ঘরের ভিতর শোন নাই । খোলা মণ্ডপঘরে শুইয়া রহিয়াছেন । মাঠাকুরাণীকে কাছে শুইতে দিতেন না । একদিন তিনি এই অসুখের সময় নাগমহাশয়কে বলিলেন, আপনি খোলা ঘরে ঠাণ্ডার শুইয়া থাকিবেন, আর আমি সুস্থ শরীর লইয়া এই স্থানে শুইতে পারিব না, আমার কি হইবে ? নাগমহাশয় বলিলেন, তাহা হইবে না, তুমি ঘরে শুইবে । মাঠাকুরাণী বসিয়া রহিলেন । নাগমহাশয় তাঁহার ভগ্নীকে ডাকিলেন । পিসীমা তাঁহাদের নিকটে গেলেন । নাগমহাশয় বলিলেন, দেখ, আমি উহাকে ঘরে যাইয়া শুইয়া থাকিতে বলিলাম, সে গেল না । পিসীমা বলিলেন, কোনদিনও ত আপনি এই ভাবে থাকেন নাই । আপনার অসুখ, আপনি খোলাঘরে এভাবে থাকিবেন

কেন ? দিনের বেলায় অসুস্থ শরীরে জলকাদার রোজ বাজার করিবেন? কোন কথা বলিতে সাহস পাই না। ঘরের দরজা বন্ধ করিলেও কার্তিক মাসের হিম বেড়ার ভিতর দিয়া ঘরে যায় : আর আপনি খোলা মণ্ডপঘরে সারারাত থাকিবেন। আপনার অসুখ দিন দিন বাড়িয়া যাইতেছে। ভাল মানুষেরও এই হিম সহ হয় না। ভগ্নীর কথায় কোন কাজ হইল না। ভগ্নী মনে কষ্ট পাইয়া মাঠাকুরাণীকে বলিলেন, কোন দিনও ঠাকুরভাইয়ের ইচ্ছা ব্যতিরেকে কোন কাজ হয় নাই। আপনিই ঘরে গিয়া শোন। মাঠাকুরাণী নিক্রপায় হইয়া ঘরে শুইলেন। পিসীমা মনের কষ্টে ভাইয়ের নিকট নসিয়া রহিলেন। নাগমহাশয় তাঁহাকে প্রবোধ দিয়া বলিতে লাগিলেন, সংসার কতদিনের জন্ম ? সংসারে কেহ কাহারও নয়। সংসার ভুলিয়া, ভগবানে মন দে, মঙ্গল হইবে। নাগমহাশয়ের ভাব দেখিয়া পিসীমা সকল বুদ্ধিতে পারিলেন। চুপে চুপে কাঁদিতে লাগিলেন। লোক কোন অবস্থায়ও নাগমহাশয়ের দেহের সুখ ও দুঃখ বুঝিতে পারে নাট। কি করিয়াই বা পারিবে ? তাঁহার সুখ দুঃখ ছিল না ; তাঁহার দেহাত্মবোধ ছিল না। কতকগুলি কাজ দেখিয়া পিসীমা বুদ্ধিতে পারিলেন, নাগমহাশয় আর বেশীদিন এই সংসারে থাকিবেন না।

আমি এই সমস্ত কথা শুনিয়া পিসীমাকে বলিলাম, তিনি যে অসুস্থদেহে খোলা মণ্ডপঘরে শুইয়া থাকেন, আপনি তাহা বারণ করিতে পারেন নাই ? মাঠাকুরাণীত বলেন, তিনি তাঁহার কথা একেবারে শোনেন না। পিসীমা বলিলেন, ঠাকুরভাইকে কোন কথা বলিতে আমার সাহস হয় না। তিনি বধূঠাকুরাণীর

সহিত কোন অস্ত্র ব্যবহার করেন নাই। তবে কেন যে ঘরে শোন না, তাহা আমি বুঝিতে পারি না। আমি বলিলাম, তিনি কেন যে অর আমাশরে ভুগিতে ভুগিতে রোজ বাজার করিতেছেন, তাঁহার কি ইচ্ছা, তিনিই জানেন। কল্য রাত্রিতে আমি দেখিলাম, কালীপূজা হইতেছে, তিনি কাশর বাজাইয়া হিমের মধ্যে আম গাছের নীচে চক্ষু বুজিয়া বসিয়া আছেন। আমি দেখিতে পাইয়া তাঁহাকে ধরিয়া বলিলাম, আপনি হিমের মধ্যে গাছের নীচে বসিয়া ঘুমাইতেছেন? তিনি আমার দিকে তাকাইয়া বলিলেন, না। আমি বলিলাম, ঘরে বাইয়া বসুন। তিনি বলিলেন, এখন ঘবে যাইব না। পূজা শেষ হইলে যাইব। তাঁহাব সেই অবস্থা দেখিয়া আমার হৃদয়ে বড় কষ্ট হইল। তিনি অসুস্থ শরীর লইয়া বাহিরে গাছের নীচে চক্ষু মুদ্রিয়া বসিয়া বহিয়াছেন, অথচ তাঁহার ঘরে কত বিছানা আছে। কত লোক গিয়াছে, সকলেই ঘরের ভিতর বিছানায় বসিয়াছে। কি করি? উপায় নাই। তাঁহার ইচ্ছার উপর হাত নাই। আমি নিরুপায় হইয়া, বড় ঘবের বারান্দায় বসিয়া তাঁহার দিকে তাকাইয়া রহিলাম। মনে ছিল, আবার যদি তাঁহার চক্ষু মুদ্রিত দেখি, একবার জোড় করিয়া বলিব, আপনি এই ভাবে গাছের নীচে বসিয়া ঘুমাইতে পারিবেন না, ঘরে চলুন। তাঁহার এমন ইচ্ছা, যতক্ষণ আমি তাকাইয়া ছিলাম, তিনি আর চক্ষু মুদ্রিলেন না।

পূজা হইল। সমাগত সকল লোক খাইয়া শুইয়া রহিলেন। তৎ পর নাগমহাশয় মণ্ডবঘরের বারান্দায় শুইলেন। পর দিন দেখিতে পাইলাম ছই চক্ষু চল চল করিতেছিল। আমি কিছু বুঝিতে পারি-

লাম না । মনে করিলাম, হিমে বসিয়া থাকার ঠাঁহার জ্বর হইয়াছে, তাহা লইয়া জলকাদার বাষ্পার করেন ; স্তূতরাং মুখ খানা ও পা দুখানি ঈষৎ ফুলিয়াছে । ঠাণ্ডার সময় চলিয়া গেলেই তিনি ভাল হইবেন । আমি এইরূপ ভাবিতে ভাবিতে নাগমহাশয়র পানে চাহিয়া রহিলাম । আমার পিতা বলিলেন, আপনার জ্বর আশাশয় রোগ হইয়াছে, আপনি ঠাণ্ডা লাগান কেন ? নাগমহাশয় বলিলেন, তা কিছু নয় । সামান্য অসুখ । পিতা বলিলেন, আপনার পা দুখানা ও মুখ খানি ফুলিয়াছে, কি করিয়া সামান্য অসুখ মনে করিব ? নাগমহাশয় বলিলেন, 'ও সামান্য । পিতা আর কিছু বলিলেন না, মনে বুঝিতে পারিলেন, তিনি আর বেশী দিন থাকিবেন না । নাগমহাশয়র ভাব দেখিয়া সকলেই তাহা বুঝিতে পারিল, কেবল আমি পাষাণী বুঝিলাম না । মনে করিলাম, ঠাণ্ডা শেষ হইলেই নাগমহাশয় ভাল হইবেন । হৃদয়ে ঠাঁহার জ্বর একটু কষ্ট হইল না । একবার চিন্তা হইল, যদি তিনি লীলা সম্বরণ করেন, তবে কি সর্বনাশ হইবে ! আবার ভাবিলাম, তিনি জীবের কৰ্ম গ্রহণ করিয়া সর্বদা তাহা ভোগ করিতেছেন । ঠাঁহার সুখ নাই, দুঃখও নাই, কেবল লোক দেখান অসুখ । ঠাঁহাকে অসুস্থ দেখিয়াও মনের আনন্দে চলিয়া আসিলাম । একবার নাগমহাশয়কে জিজ্ঞাসা করিলাম না, লোকে যাহা বলিতেছে, তাহা সত্য কিনা । আসার সময় ঠাঁহাকে বলিলাম, আসি । নাগমহাশয় বলিলেন, না খাইয়া যাইবে কেন ? পিতা বলিলেন, এইদিন ঠাঁহার কি এক বিশেষ কাজ ছিল, না গেলে চলিবে না । নাগমহাশয় বলিলেন, সংসারে জীবের কেবল নানা মত বন্ধন । আমি মনে মনে বলিলাম, আপনার এত ভোগ হইল কেন ? নাগমহাশয় বলিলেন, প্রাক্তন

ভোগ । আমি ইতিপূর্বে কখনও নাগমহাশয়ের মুখে এমন কথা শুনি নাই । তিনি প্রকারান্তরে আমাকে জানাইয়া দিলেন, প্রাক্তন ভোগ আছে, তাই মনের আনন্দে তাঁহার নিকট হইতে চলিয়া যাইতেছি । অশ্রুতবার আসার সময় তিনি সঙ্গে আসিয়া পথে দাঁড়াইতেন, এবারও সেই ভাবে দাঁড়াইলেন এবং যতদূর দেখা গেল, তিনি তাকাইয়া রহিলেন । আমি পাষাণী তাঁহাকে পশ্চাতে রাখিয়া চলিয়া আসিলাম । হায় হায়, যিনি দেবতারও আরাধ্য, তাঁহাকে কিভাবে অবহেলা করিয়াছি । পিতা সমস্ত বুঝিয়াছিলেন, কার্যের গতিকে চলিয়া আসিলেন ।

কতক দিন পরে এক দিন পিতা নাগমহাশয়কে দেখিতে গেলেন । সে সময় তাঁহার অসুখ অত্যন্ত বাড়িয়াছে । পায়ে শৌখ নামিয়াছে, মুখ খানাও অনেক ফুলিয়াছে, আহার একেবারেই নাই । যে দিন ইচ্ছা হয়, সেই দিন হিঞ্চাসিক একমুঠা ভাত খান, অন্তর্দিন কিছুই খান না । তাহার উপর ৮।১০ বার পায়খানার যাজ্ঞিয়া আছে । এত অসুস্থ শরীর লইয়াও একটু বিশ্রাম করেন না । তিনি রীতিমত বাজারে যাইতেছেন, লোক গেলে তাহাদিগকে তামাক সাজিয়া দিতেছেন, সমস্ত কাজ করিতেছেন । এবার তাঁহার ভাবের অনেক পরিবর্তন দেখা গেল । পূর্বেও ভগবানের কথা বলিতেন, তবে লোকের কুশল মিস্ত্রাসা করিতেন, তাহাদের খাওয়ার অশ্রু যত্ন করিতেন । এখন সেই সকল কিছু নাই, ভগবানের কথা বলিতেছেন । যাহার ইচ্ছা খাইয়া আসে, যাহার ইচ্ছা হয়, না খাইয়া থাকে ; আগের মত কোন কথা বলেন না । সময় সময় বলেন, এই সংসারে কেন আসিয়াছিলাম ? কত জনের বা উপকার করিয়া গেলাম ? বহু জীব কি হইবে ?

বলাতে কি আর কাজ হয় ? পঞ্চভূতের ফাঁদে ব্রহ্ম পড়ে কাদে । একটা অজ্ঞান জীবের এত ছিদ্রত । একের দয়া বিনা জীব ছারখারে গেল । এই ভাব দেখিয়া পিতা মাঠাকুরাণীকে জিজ্ঞাসা করিলেন, ঠাকুর ভাইয়ের এভাব কতদিন যাবত হইয়াছে ? মাঠাকুরাণী বলিলেন, কালী পূজার পর আর আহার নিদ্রা নাই, লজ্জা সরম নাই । আমায় রোগ ভুগিতেছেন । হরপ্রসন্ন গোবিন্দভোগ চাউল আনিয়া দিয়াছিল । আমি তাঁহাকে বলিলাম, আপনার পেটে অসুখ । পেটের পক্ষে গোবিন্দভোগ চাউল ভাল । আপনাকে তাঁহা রান্না করিয়া দি ? এই কথা বলা মাত্র, তিনি পরার কাপড়খানা ফেলিয়া দিয়া হরকামিনী ও ননদিনীর কাছে গিয়া বলিলেন, আমার কিছু নাই, আমাকে ভিক্ষা দাও । আমি ভিক্ষা করিয়া খাইব এবং গাছের নীচে থাকিব । তাহারা লজ্জায় মাথা হেঁট করিয়া রহিল । তাহাদিগকে মাথা হেঁট করিয়া থাকিতে দেখিয়া, উলঙ্গ অবস্থায় রাস্তায় চলিলেন এবং বলিতে লাগিলেন, আজ হইতে ভিক্ষা করিয়া খাইব । এমন সময় ননদিনী বলিল, আপনি আসুন, আপনার খাওয়ার জিনিষ আমি দিব । অল্প সময় গাছের নীচে বসিয়া থাকিয়া বাড়ীতে আসিলেন । ঘরে যে চাউল ছিল, তাহা রান্না করিয়া দিলে, সেই ভাত খাইলেন এবং বলিলেন, আমার থাকিতে, আমি পরের জিনিষ কেন খাইব ? যখন কিছু না থাকিবে, তখন ভিক্ষা মাগিয়া খাইব, গাছের নীচে থাকিব । পিতা সব কথা শুনিয়া, নাগমহাশয়ের নিকট যাইয়া বসিয়া অনেকক্ষণ তাঁহাকে দেখিলেন । তিনি মনে মনে বলিলেন, সূখের হাট শীঘ্রই ভাঙিবে, তখন কি উপায় হইবে ? আসিবার সময় নাগমহাশয়কে বলিলেন,



আমাকে নিয়া দেখাইবেন । নাগমহাশয় ভাব দেখিয়া, বিস্মিত মনে বাড়ী আসিলেন ।

পিতা আমাকে নাগমহাশয়ের অনেক কথা বলিলেন, কোন কোন কথা গোপন করিলেন । আমি পিতাকে জিজ্ঞাসা করিলাম, স্মৃষ্টি মহাশয়কে পূর্বের চেয়ে ভাল দেখিলেন কি ? পিতা মলিন মুখে বলিলেন, দুই দিন পর আমার ছুটি আছে, সেই সময় তোমাকে লইয়া দেখাইয়া আনিব । আমি ভাবিলাম পিতার মুখ এত কাল হইল কেন ? অনেক সময় নাগমহাশয়ের অসুখ হয়, আবার তিনি ভাল হন । দুই দিন পরে গিয়াই তাঁহাকে দেখিতে পাইব, দুই দিন কোন মতে চলিয়া যাইবে । দুই দিন পর পিতা বলিলেন, মাগো, বাড়ী হইতে পাইয়া দেওভোগ যাইব । না খাইয়া গেলে ঠাকুর ভাই অসুস্থ শরীর লইয়া বাজারে যাইবেন । তোমরা যতক্ষণ ইচ্ছা ঠাকুরভাইকে দেখিও, না খাইয়া গেলে, খাওয়া দাওয়া করিতে অনেক সময় যায় । পিতার কথা মত আমরা মধ্যাহ্ন আহার করিয়া দেওভোগ গেলাম । তখন নাগমহাশয় একথানা ছেঁড়া মাছুরে বারান্দার এক কোণে বসিয়া আছেন । মুখখানা অনেক ফুলিয়াছে, পা দুখানা বেশ ভার হইয়াছে । তাঁহার সেই অবস্থা দেখিয়া মনে মনে বলিলাম, একি ? নাগমহাশয় বলিলেন, কিছু না । ভূমিষ্ঠ হইয়া প্রণাম করিয়া তাঁহার কাছে বসিলাম । নাগমহাশয় বলিলেন, কলিকাল, লিক্কই সিংহ হইয়া ঘারে কামড় দেয় । সংসারে কাহাকেও বিশ্বাস করিও না । সংসারে কত পাপ আছে । যে ভাবে আছে, সেই ভাবেই থাকিয়া যাইও । নাগমহাশয়ের কথা শুনিয়া, বিস্মিত মনে তাঁহার পানে চাহিয়া রহিলাম । ভাবিলাম কি উপায় হইবে ?

তিনি বলিলেন, তাই তোমাকে বলি মা, অভ্যাগ করিতে করিতে একদিন হইয়া পড়িবে । নাগমহাশয় আমাকে মনে মনে তাঁহার চিন্তা করিতে বলিয়াছিলেন । তাঁহার কথা শুনিয়া আমার মনে হইল, তাঁহাকে মনে রাখিলেই তাঁহার শ্রীচরণ পাইব । নাগ মহাশয়ের বাক্য বেদবাক্য স্বরূপ, তাহা কখনও মিথ্যা হইবে না । তিনি আমাকে বর দিলেন, আমার চিন্তা কি ? আমি তাঁহাকে পাইব । আমার এমন আনন্দ হইল যে, তখন নাগমহাশয়ের শারীরিক অবস্থা বুঝিতে পারিলাম না । মনে করিলাম, একবার পূজার সময় নাগমহাশয়ের এমন আশায় হইয়াছিল । সেই কথা তিনি নিজের আমাকে বলিয়াছিলেন । এক রাত্ৰিতে ৫০ বার পার্থানায়ে গিয়াছিলেন । কয়েকদিন পর তিনি ভাল হইলেন । এবারও সেইরূপ ভাল হইবেন । লোকে ভুল বুঝিতেছে । নাগ মহাশয়ের রাতুল চরণ লাভ করিব, তিনি এই বর দিলেন । তাঁহাকে দেখিয়া চলিয়া আসিব মনে করিয়া উঠিয়াছি, তিনি রুগ্নদেহ লইয়া পূর্বের মত আমার সঙ্গে উঠিলেন । মনে করিলাম, জীবের কৰ্ম লইয়া তাঁহার এত ভোগ, আর পায় হাত দিয়া নমস্কার করিব না । নাগমহাশয় ত সমস্ত জানেন, দয়া করিয়া উঠিয়া সঙ্গে সঙ্গে আসিলেন । আমি মাটিতে পড়িয়া নমস্কার করিলাম । নাগমহাশয় দাঁড়াইয়া রহিলেন ।

আমরা চলিয়া আসিলাম । প্রতিদিন নাগ মহাশয়ের অশ্রুত উত্তরোত্তর বর্ধিত হইতে লাগিল । খাওয়ার পূর্বেই ছিল না, অবশেষে হিষ্কার রস গুঁষধ বলিয়া খাইতে লাগিলেন । কোনদিন এক মুঠো ভাত খাইতেন, অল্পদিন বালার মণ্ড খাইতেন । এই অবস্থায়ও ধরে মল মুত্র ত্যাগ করিতেন না । রাত্ৰিকালে শয্যা

ত্যাগ করিয়া, বাহিরে আসিয়া বাহি ও প্রেত্রাব করিতেন । মাঠাকুরাণী মনে কষ্ট পাইয়া বলিতেন, আমি থাকিতে আপনি এত কষ্ট করিবেন কেন ? নাগমহাশয় বলিতেন, আমি আমার অন্ত কাহাকেও কষ্ট করিতে দিব না । যখন তিনি অত্যন্ত অসুস্থ অবস্থায় মল মূত্র ত্যাগ করিতে বাহিরে গিয়াছেন, মাঠাকুরাণী কাদিতে থাকিতেন, কিছু করিবার জো ছিল না । মাঠাকুরাণী অনেকদিন কাদিলেন, কিন্তু তাঁহার বাহিরে যাওয়া বন্ধ হইল না । যেদিন অবসন্ন শরীরে শয্যাশায়ী হইলেন, সেই দিনও ভোরের সময় বারান্দায় মল ত্যাগ করিয়া, নিজ হাতে তাহা ফেলিয়া দিলেন । মাঠাকুরাণী ইহা দেখিয়া, কপালে চাপড়াইয়া কাদিয়া বলিলেন, আপনি আমার সামনে মল ফেলিবেন, আমি তাহা সহ করিতে পারিব না । নাগমহাশয় মল ফেলিয়া দিয়া, হাত পা ধুইয়া, বিছানায় শুইলেন এবং মাঠাকুরাণীকে বলিলেন, এস, কত সেবা করিবে, কর । সেইদিন হইতে মাঠাকুরাণী তাঁহাকে খাওয়াইয়া দিয়াছেন, ইচ্ছামত সেবা করিয়াছেন, মল মূত্র হাতে করিয়া ফেলিয়াছেন ।

নাগমহাশয় আর উঠিলেন না, হাতে ধরিয়া কোন জিনিষ মুখে দিতেন না, আমরা এই সব কিছু জানি না । সেবার স্বামীর পরীক্ষা ছিল । তিনি বেশী যাইতেন না । ইহার দুই দিন পরে স্বামী আর মনোযোগের সহিত পড়িতে পারেন না । পড়া ফেলিয়া রাখিয়া নাগমহাশয়ের নিকট চলিয়া গেলেন । দেওভোগ যাইয়া দেখিতে পাইলেন, বদরান্দার এক কোণে চারিদিক ঘেঁষিয়া নাগমহাশয় শুইয়া আছেন । বাড়ী প্রবেশ করিয়াই তাঁহার মন হাহাকার করিয়া উঠিল । তিনি ভাবিতে লাগিলেন, এখানে

আসিলে নাগমহাশয়কে বসে দেখিতাম, তিনি হাসিয়া কাছে আসিতেন । আজ আসিরাছি, নাগ মহাশয় কাছে আসিলেন না । তিনি কোথায় তাহা দেখিতেও পাই না । স্বামী হুঃখিত অন্তঃকরণে বারান্দার অপর কোণে বসিয়া রহিলেন । নাগমহাশয়কে শুইয়া থাকিতে দেখিয়া কোন কোন লোক প্রভু প্রকাশ করিতে লাগিল । যে সমস্ত লোক নাগমহাশয়ের নিকট আসিত না, তাহাদের মধ্যে একজন স্বামীকে বলিল, কথা বলিতে নাগমহাশয়ের কষ্ট হয় । আমরা তাঁহার নিকট যাই না । স্বামীর প্রাণে বড় আঘাত লাগিল । তিনি ধীর স্থির । কখনও বেশী কথা বলেন না । এখনত বিষম সময় উপস্থিত । নাগমহাশয়কে শুইয়া থাকিতে দেখিয়াই তাঁহার প্রাণ উড়িয়া গিয়াছে । তিনি মনে করিলেন, তাঁহাকে বোধ হয় জনমের মত হারাইতে বসিলাম, নচেৎ তিনি এভাবে শুইয়া রহিলেন কেন ? কোন লোক কাটা ঘায় হুন দিল । কি করিবেন ? ভক্তের হৃদয় ভগবান্ টানিয়াছিলেন । স্বামী বিষম মনে সেই বারান্দার এক কোণে বসিয়া রহিলেন । লোকে চলিয়া গেলে পর তিনি নাগমহাশয়কে জিজ্ঞাসা করিলেন, আপনার কথা বলিতে কষ্ট হয় ? নাগ মহাশয় স্বাভাবিক স্বরে উত্তর করিলেন, না ; আপনি কেমন আছেন ? সকল ভাল আছে ত ? অন্তিম শব্দায় শায়িত হইয়াও তাঁহার দয়া দেখিয়া স্বামীর হৃদয় কাটিয়া যাইতে লাগিল । তিনি ২।১টা কথা বলিয়া চূপ করিয়া বসিয়া থাকিলেন ।

স্বামী সকল দিন নাগমহাশয়ের নিকট থাকিয়া ক্লিষ্ট মনে পঞ্চমার আসিলেন । আমাদের সমস্ত কথা বলিলেন । আমাদের যে সুখের খেলা শেষ হইয়া যাইতেছে, তাহা তিনি বুঝিয়াছিলেন ।

পরদিন আমাকে লইয়া দেওভোগ গেলেন । নাগমহাশয়কে শুইয়া থাকিতে দেখিয়া মনে করিলাম, হায়, হায়, কোথায় আসিলাম ? লোক বোধ হয় ঠিক বুঝিয়াছিল, আমি কি পাষণী, কিছুই বুঝিতে পারিলাম না । আমি দেওভোগ আসিলে বাহার পিছনে পিছনে থাকিতাম, যিনি আমাকে দেখিলে হাসিতে হাসিতে সম্মুখে আসিয়া দাঁড়াইতেন, আজ তিনি একবার তাকাইয়াও দেখিতেছেন না, ষারবন্ধ করিয়া শুইয়া আছেন । মাঠাকুরাণীব বান্ধব বিনা কেহ নাগমহাশয়কে দেখিতে পার না । আমার শরীর অবসন্ন হইয়া পড়িতে লাগিল । নাগমহাশয় ভাল থাকিলে, যে স্থানে দাঁড়াইয়া কথা বলিয়াছি, সেই সকল স্থানে ঘুড়িতে লাগিলাম । আমার বড় ভগ্নি আমার সাথে ছিলেন । তিনি আমার হুঃখে হুঃখিতা হইয়া আমার সঙ্গে থাকিয়া দেখিতে লাগিলেন, আমি কি করি । মনের হুঃখে আমাকে বলিতে লাগিলেন, কি করিবে ? দেখ, তিনি ভাল হন কি না । তাহা হইলে আবার তাঁহাকে দেখিতে পাইবে । হুই ভগ্নি হুঃখিত মনে বাহিরে বাহিরে ঘুড়িতে লাগিলাম । ভগ্নি মাসীব সহিত সংসারের কাজ করিতে লাগিলেন । শরৎবাবু আসিয়াছেন । সময় সময় নাগমহাশয়কে ধরিয়া দেখিয়া মলিন মুখে বাহির হইয়া আসেন ।

শরৎবাবু স্বামীকে অতিশয় স্নেহ করিতেন । স্বামীকে ডাকিয়া সামনে নিতেন । শরৎবাবু তাঁহাকে নাগমহাশয়ের ভক্ত বলিয়া বুঝিতে পারিয়াছিলেন । শরৎবাবু দেওভোগ বাওয়ার অন্ত্যস্ত লোকের প্রাধান্য রহিল না । স্বামীর কোন অসুবিধা থাকিল না । নাগমহাশয় চলিয়া যাইবেন, ভক্তগণ সকলেই বিষাদিত, সকলেই মনে করিতেছেন, আর কি নাগ

মহাশয়কে বসে দেখিব ? দিন একভাবে চলিয়া গেল। সন্ধ্যা হইল। প্রাণ কাঁদিয়া উঠিল। সকল দিন গেল, নাগমহাশয় একবার আসিয়া দেখা দিলেন না, একবার জিজ্ঞাসা করিলেন না, মা, খাইয়াছ কিনা। যখন তিনি ভাল ছিলেন, কতবার দেখা দিয়াছেন, স্নেহ করিয়া কত কথা বলিয়াছেন। স্নানের সময় হইলে তিনি বলিতেন, মা, স্নান করিয়াছ ? খাওয়ার সময় হইলে বলিতেন, মা, খাইয়া এস। যদি কখন আমাকে বাহিরে দাঁড়াইয়া থাকিতে দেখিতেন, তিনি বলিতেন, মা, ঘরে যাও। আজ আমি যে কোণে কোণে দাঁড়াইয়া রহিলাম, তিনি একবারও বলিলেন না, মা, ঘরে যাও। আজ স্নান না করিয়া রহিলাম, তিনি একবারও বলিলেন না, মা, স্নান কর। আজ খাওয়ার সময় চলিয়া গেল, তিনি বলিলেন না, মা, খাইলে না ? নাগমহাশয় কত দিনে উঠিয়া বসিবেন, আমি কত দিনে আবার নাগমহাশয়কে দেখিতে পাইব। সমস্ত ঠিক রহিয়াছে, কেবল নাগমহাশয় শুইয়া আছেন। যে দিকে তাকাই, সেই দিক যেন শূন্যময় দেখিতে লাগিলাম। যখন তিনি সুস্থদেহে ছিলেন, তখন আমি কেবল তাঁহার কাছে থাকিতাম। যখন নাগমহাশয় বাজারে যাইতেন, আমি একবার বাড়ীতে যাইতাম, আবার পথে আসিয়া দাঁড়াইতাম, ভাবিতাম তিনি কখন আসিবেন। আজ আর সেই আশা নাই।

যখন নাগমহাশয় শুইয়া থাকিতেন, মাঠাকুরাণীর আদরের সন্তানগণ সকলেই একবার নাগমহাশয়কে দেখিতে পাইয়াছেন। আমি একবারও দূর হইতে তাঁহাকে দেখিলাম না। তাঁহাকে কি আর বসে দেখিব ? নাগ মহাশয় বাজারে গেলে সময় কুরাইত না, আজ সকল দিন গেল, সেই নাগমহাশয়কে না দেখিয়া কি

করিয়া রহিলাম ? নাগমহাশয় আমাদেরকে স্নেহ করিতেন, মাঠাকুরাণীর তাহা সহ্য হইত না। কেন যে আমাদের উপর তাঁহার বিদ্ভাতীর হিংসা ছিল, তাহা জানি না। তিনি সময় সময় নাগমহাশয়কে বলিতেন, যে আমার আত্মীয়কে ভালবাসে না, আমি তাঁহার আত্মীয়কে ভালবাসিব না। কখন কখন শুনিয়াছি, নাগমহাশয়ের মাসীর মেয়েকে একবারে স্নেহ করিতেন না। যখন নাগমহাশয় বাড়ীতে দুর্গাপূজা, জগদ্ধাত্রী পূজা হইত কিংবা অন্য কোন বিশেষ কাজ আসিত, মাসী নাগমহাশয়ের বাড়ীতে থাকিতে পারিতেন। অন্তসময় তিনি থাকিলে, নাগমহাশয় বিরক্তি প্রকাশ করিতেন। মাতাঠাকুরাণী এই কথা বলিয়া লোকের নিকট বলিয়া কাঁদিতেন। ইহা কতদূর সত্য তাহা জানি না। কাহার মনে কি আছে, ভগবান্ জানেন। তবে আমি ষত দিন দেওভোগ গিয়াছি, কাজের সময় মাসীকে নাগমহাশয়ের বাটীতে দেখিয়াছি, অন্য সময় বড় দেখি নাই। ৮৭৫সর আমি নাগমহাশয়ের নিকট গিয়াছি। ৮৭৫সরের মধ্যে একদিনও মাসীকে নাগমহাশয়ের কাছে বাইতে দেখি নাই, একটা কথাও নাগমহাশয়কে বলিতে শুনি নাই। কাজের সময় ছাড়া আসিলে, মাসীকে নাগমহাশয়ের নিকট বাইতে দেখি নাই, কথা বলিতে শুনি নাই। তাঁহাকে মাঠাকুরাণীর নিকট দেখিয়াছি। তিনি ভগ্নীকে বলিয়া চলিয়া যাইতেন। বাওয়ার সময় নাগমহাশয়কে কিছু বলেন নাই। কেন যে এই ভাব দেখিয়াছি, তাহা জানি না। যে নাগমহাশয় প্রাণঘাতী বিষধর সর্পকে স্নেহ করিতেন, সর্পও নাগমহাশয়ের আদেশ অনুসারে নিজপথে চলিয়া যাইত, সেই নাগমহাশয়কে কে কি ভাবে দেখিয়াছেন, নাগমহাশয় জানেন, আর

বাহারা দেখিয়াছেন, তাঁহারা জানেন । যাহা হউক, রাবণ সীতা হরণ করিল, সেই পাপে বানী মরিল । আমিও সেইরূপ বিপাকে পড়িয়া জীবনে মরিলাম । মাঠাকুরাণী সময় বুঝিয়া ঝাদ সাধিলেন ।

সকল দিন চলিয়া গেল । একবারও নাগমহাশয়কে চক্ষে দেখিলাম না । রাত্র হইল । মাসী মেয়ে ও নাতি লইয়া অল্প বাড়ী গুইতে গেলেন । মাঠাকুরাণী ছেলেদিগকে লইয়া নাগমহাশয়ের কাছে রহিলেন । নাগমহাশয় বারান্দার গুইয়াছেন, ছেলেরা ঘরে গুইলেন । যখন নাগমহাশয়কে দেখিতে ইচ্ছা হয়, তাঁহাকে দেখিয়া ঘরে থাকেন । শরৎবাবু সময় সময় গান ও স্তব পাঠ করেন । স্বামী বারান্দার এক কোণে রাহলেন । তিনি বুঝিয়াছেন, আমরা নাগমহাশয়কে হারাইতে বসিয়াছি । আমার বড় ভগ্নী ও আমি বিষন্ন মনে রান্নাঘরে গুইলাম । বাহিরে একটা শব্দ হইল । তাহা শুনিয়া মনে হইল, যখন নাগমহাশয় ভাল ছিলেন, রাত্র হইলে খোঁজ নিতেন, আমি কোথায় । মাঠাকুরাণী ছেলেদিগর সঙ্গে ঘরে রহিলেন, বারান্দার দ্বার বন্ধ করিয়া দিলেন । কতক সময় পব আবার একটা শব্দ হইল, সকলেই গুনিতে পাইল । তখন মাঠাকুরাণী আমাদিগকে ডাকিয়া জিজ্ঞাসা করিলেন, আমরা কোথায় । নাগমহাশয় বারান্দার আছেন । ঘরে গেলে নাগমহাশয়ের নিকটে যাইব মনে করিয়া, মাঠাকুরাণীর কথা শুনিয়া, আমি উঠিলাম এবং ঘরের মধ্যে গিয়া, যে দিকে নাগমহাশয় গুইয়া আছেন, সেই দিকের বেড়া ঘেসিয়া বসিলাম । বড় ভগ্নী আমার সামনে বসিলেন । শরৎবাবু কখন পরমহংসদেবের কথা, কখন স্বামী বিবেকানন্দের কথা বলিতে লাগিলেন । তিনি বলিলেন, স্বামীজী বিবাহ একবারে পছন্দ



করেন না । কোন কোন লোককে বলিয়াছেন, যদি একবারে বিবাহ না করিয়া না পারিস্, তাহা হইলে ৬ মাস সংসার ছাড়িয়া, ব্রহ্মচারীব মত থাকিয়া, ভগবানের নাম করিস্ । স্বামী তথায় ছিলেন । তখন তাঁহার মন সংসার ছাড়া ছিল । ইহা শুনিয়া আমার মনে ভয় হইল । নাগমহাশয় স্নেহ করিয়া তাঁহাকে সংসারে রাখিয়াছিলেন, তিনি যে কি সর্বনাশ করিয়া বসেন, ঠিক নাই । আমার মনে এই কথা হওয়া মাত্র, নাগমহাশয় বানান্দা হইতে বলিয়া উঠিলেন, সকলেই ত আর স্বামী বিবেকানন্দ নর । নাগমহাশয়ের কথা শুনিয়া আমি মনে মনে বলিলাম, এখনও তোমার আমার উপর এত দয়া আছে ? মনে ভয় হওয়া মাত্র, এই কথা বলিয়া আমাকে সাধনা দিলে ? যদি স্বামী কখন সংসার ছাড়িতে চান, তখন তাঁহাকে এই কথা বলিব । উঠিয়া আসিয়া তোমার নিকট বসায়, তোমার স্নেহমাথা কথা শুনিতে পাইলাম । নাগমহাশয় বলিলেন, সকল অসহায়ই ভগবানের দয়া হইতে পারে । তাঁহার কথা শুনিয়া সকলে চূপ করিলেন । আমি ক্ষুধমনে নাগমহাশয়ের বেড়া ঘেসিয়া বসিয়া আছি । সকলেই ঘুমাইল ।

মা ঠাকুরাণী আমাকে ও আমার ভগ্নীকে বলিলেন, রান্নাঘরের দরজা ভাল করিয়া বন্ধ করিয়া শুইয়া থাক । আমরা নাগমহাশয়ের ঘর ছাড়িয়া চলিয়া আসিলাম । রান্নাঘরে শুইলাম । শুইয়া থাকিয়া নাগমহাশয়ের যত দয়া মনে করিতে লাগিলাম । মনে হইল, নাগমহাশয় মানব দেহ ধারণ করিলেও যুহুর্ভের তরে তাঁহার ভাল দেখা যায় নাই । দেহ ছাড়িতে মনস্থ করিয়া শুইয়া আছেন, এসময়ও মনে কথা হওয়া মাত্র উত্তর দিয়া

আমাকে সাহুনা দিলেন । কাহার সাথে ৮ বৎসর খেলা করিলাম ? মনে মনে নাগমহাশয়কে বলিতে লাগিলাম, দয়াময়, তোমাকে কি উঠিয়া আবার ঠাঁটিতে দেখিব ? আবার কি বসিয়া, স্নেহমাথা কথা বলিয়া, আমাকে উপদেশ দিবে ? আমি পাবাণী কি আবার তোমার কাছে বসিয়া, তোমার অমির-মাথা কথা গুনিতে পাইব ? বাবা, যদি তুমি উঠিয়া বস, ভাল কথা । নচেৎ আমি কি তোমাকে মনে রাখিতে পারিব ? আমার তাহা বিশ্বাস হয় না । আমার কাছে তোমার এমন কোন চিহ্ন নাই, বাহা তোমাকে মনে করিয়া দিবে । একবার তোমার দুইটা চুল নিয়া বাক্সে রাখিয়াছিলাম, ভোরে ও সন্ধ্যার সময় বাক্স হইতে খুলিয়া লইয়া নমস্কার করিতাম, আবার রাখিয়া দিতাম । তোমার ভক্ত বাড়ীতে গিয়া, বাক্স খুলিয়া, না জানিয়া তাহা ফেলিয়া দিলেন । আমি কিছুই জানিলাম না । স্বামী চুল দেখিতে পাইলেন না সত্য, ছোট বাক্সটা খুলিয়াই মনে কি একটা ভাব পড়িয়াছিল । তিনি তাকে তাকে রহিলেন, দেখিবেন, আমি খালি বাক্স নিয়া কি করি । আমি সন্ধ্যার সময় বাক্সটা নমস্কার করিলাম, স্বামী দাড়াইয়া তাহা দেখিলেন এবং আমাকে জিজ্ঞাসা করিলেন, উহাতে কি আছে ? আমি বলিলাম নাগ মহাশয়ের মাথার দুইটা চুল আছে, তুমি নমস্কার কর । স্বামী নমস্কার করিলেন, কিছু বলিলেন না । ঢাকা আসিবার সময় বলিলেন, তিনি তাঁহার চুল ফেলিয়া দিয়াছেন । আমি জিজ্ঞাসা করিলাম, কি ভাবে ফেলা হইয়াছে ? তিনি চুপ করিয়া রহিলেন । আমি বলিলাম, কবে দেওভোগ যাইব, কতদিনে নাগমহাশয়কে দেখিব ; গেলেই কি চুল পাইব ? কাপড়ে চুল দেখিলে স্তম্ভত

আনিতে পারিব । অস্তায় কাজ করিয়াছেন, স্বামী চুপ করিয়া  
রহিলেন । আমার মনের কষ্ট দেখিয়া বলিলেন, আবার যাইয়া  
চুল লইয়া আসিও । অনেক বার আসিয়াছি, জানি না কেন  
তোমার চুল নেওয়া হয় নাই । দয়াময়, আমার মত জীব কি  
তোমার চুল রাখিতে পারে ? এখনত তোমার ভক্তগণ আমাকে  
তোমার নিকট যাইতে দিবে না । আমি কি উপায়ে তোমার  
চিহ্ন রাখিব ? তোমার চিহ্ন না থাকিলে, আমার মন তোমাকে  
ভুলিয়া যাইবে । নাগমহাশয়কে মনে মনে এইরূপ বলিয়া ভাবিতে  
লাগিলাম, এখন কি হইবে ? নাগমহাশয় কি সত্যসত্যই  
আমাদিগকে ছাড়িয়া চলিলেন ?

রাত্রি ভোর হইয়া আসিল । শরৎবাবু ও মোক্ষদাবাবু স্তোত্র  
পাঠ করিতে লাগিলেন । তাহা শুনিয়া প্রাণ অস্থির হইল ।  
দিন রাত্র চলিয়া গেল, নাগমহাশয় একবার উঠিয়া বসিলেন না ।  
আমার এমন অনুজ্ঞাস্বরের পাপ ছিল, তাঁহাকে শোওয়া অবস্থায়  
একবার দেখিতে পাইলাম না । নাগমহাশয় স্মৃষ্টি না হইলে যে  
দেখিতে পাইব, এরূপ ভরসা নাই । আমার মনে হইতে লাগিল,  
পিতঃ, ভাল থাকিতে কত স্নেহ, কত যত্ন করিতে, এখন তোমার  
সেই স্নেহ, সেই যত্ন কোথায় ? পিতঃ, তুমি কত দিনে ভাল  
হইয়া আবার পূর্বের মত হাঁটিয়া বেড়াইবে ? তবেত আমার মত  
জীব তোমাকে দেখিতে পাইবে ? ভোর হইল । শয্যাভ্যাগ  
করিয়া বাবান্দার যে দিকে নাগমহাশয় গুইয়া আছেন, সেই  
দিকের ঘরের পিড়া খরিয়া দাঁড়াইয়া রহিলাম । এমন সময় মা-  
ঠাকুরাণী বাবান্দার দরজা খুলিলেন । হরপ্রসন্নবাবুর স্ত্রী ও  
মাঠাকুরাণী হাসিতে হাসিতে বাহিরে আসিলেন । তাঁহাদিগকে

হাসিতে দেখিয়া আমার মনে হইল, নাগমহাশয় বোধ হয় পূর্বের চেয়ে অঁজ ভাল আছেন । নাগমহাশয় মাঠাকুরাণীকে হিষ্কার রস আনিতে বলিয়াছিলেন । হিষ্কার রস লইয়া যাইতে দেড়ি দেখিয়া, নাগমহাশয় বলিলেন, বেলা হইল, উহা ভোরে খাওয়ার নিয়ম । মাঠাকুরাণী নাতি লইয়া আমোদ করিতেছিলেন, নাগ মহাশয়ের কথা শুনিয়া তিনি দৌড়িয়া তাঁহার নিকট গেলেন, নাগ-মহাশয় জিজ্ঞাসা কবিলেন, রস তৈয়ার হইয়াছে কি ? মাঠাকুরাণী বলিলেন, এখনই তাহা লইয়া আসিতেছি । নাগমহাশয় বলিলেন, এতক্ষণ কি করিতেছিলে ? নাগমহাশয়ের কথা শুনিতে পাইয়া আমার মনে বড় আশা হইল, তিনি আবার ভাল হইয়া বাহিরে আসিবেন এবং মদুণ প্রাণীর প্রাণ নীতল করিবেন । তিনি যেখানে গুইয়াছিলেন, আমি ঘরের সেইদিকেই রহিলাম । মাঠাকুরাণী নাগমহাশয়ের বিছানা রোদ্রে রাখিয়া আসিলেন । আমি নাগমহাশয়ের চুলের আশায় বিছানা দেখিতে লাগিলাম । তাঁহার এমন দয়া, পথে দাঁড়াইয়া বিছানার দিকে চাহিয়াছি, নাগমহাশয়ের শরীরের কাপড়ে একটি দাড়ি লাগিয়া রহিয়াছে দেখিতে পাইলাম । তাহা দেখিয়া, নাগমহাশয়ের দয়া স্বরণ করিয়া, দাড়িটা তুলিয়া লইয়া, কাপড়ের অঁচলে রাখিয়া রাখিলাম । চুল পাইলে যেক্ষণ সুখ হইত, দাড়ি পাইয়া তাহা অপেক্ষা অধিক সুখী হইলাম । দাড়িটা দেখিয়া মনে করিলাম, বাবা, তোমার চিহ্ন চাহিয়াছিলাম, তুমি অতিশয় ভাল চিহ্ন দিলে । তোমার চুল ও লোকের চুলে সামান্য তফাৎ মনে হইত, দাড়িটাতে খেত জ্বার আভা আছে । উহা তোমার রূপ মনে করিয়া দেয় এবং তোমার অনিয়মাণা মুখ পদ্ম হৃদয়ে আগ্রহক করে । তোমার

অভাবে যে তোমার দাড়িটা দেখিবে সে তোমার বর্ণ অনুভব করিতে পারিবে । আমার উপর তোমার অসীম দয়া । দয়াময় আমি তোমার কোনরূপ সেবা করিতে পারিলাম না, সংসারের ভাবনা ভাবিয়া তোমাকে কষ্ট দিয়াছি । তুমি সমস্ত অবস্থায় আমার উপর সদয় ছিলে । রুগ্নশয্যায় শুইয়াও আমার মনের কথার উত্তর দিলে, মনের বাসনা পূর্ণ করিলে । তোমাব দয়ায় তোমাকে পুনর্বার বসিতে দেখিব । দাড়িটা পাইয়া, অতিশয় সুখী হইয়া বড় ঘরে যাইয়া বসিলাম ।

নাগমহাশয়কে ঘেরিয়া রাখা হইয়াছে । কষ্ট হইবে বলিয়া কেহ তাঁর কাছে যায় না । তবে সময় সময় নাগমহাশয়ের ভক্তগণ তাঁহাকে দেখিয়া আসেন । যাহারা মাঠাকুরাণীকে স্নেহের সন্তান, তাহারা তাঁহাকে দেখিতে পারেন, অথচ তাহা মনেও করিতে পারে না । আমি বসিয়া রহিলাম । কেহ দরজা খুলিলে, আমি একবার তাঁহাকে দেখিব । আমাব অদৃষ্টানুসারে তখন কেহ দরজা খুলিল না । আমি রান্না ঘরে গেলাম । মাঠাকুরাণী আমাকে বলিলেন, তুমি থাকিবে যে, তিনি বলেন, হরপ্রসন্নের বধ কেন আসিল ? খুকী কেন আসিল ? তাহা শুনিয়া আমার প্রাণে বড় আঘাত লাগিল । তিনি এত স্নেহ করিতেন, আজ তিনি আমাকে এই কথা বলিলেন । আমি মনে করিলাম, আমি এই বাড়ীতে থাকিলে, বোধ হয় তাঁহার কোন অনুবিধা হইবে । আমি চলিয়া যাইব । মনে করি পাইয়া দাঁড়াইয়া আছি, এমন সময় মাঠাকুরাণী নাগমহাশয়ের ঘেরার দরজা খুলিলেন । আমি তাঁহাকে দেখিব ভাবিয়া তাড়াতাড়ি বড় ঘরের বারান্দায় গেলাম । তথায় যাইয়া দেখিতে পাইলাম, ঘরের

মধ্যে না গেলে তাঁহাকে দেখা যায় না। মাঠাকুরাণী দরজার সামনে বসিয়াছেন। নাগমহাশয়ের পথের বাটিগুলি পথে রাখিয়া দিয়া, আমাকে ঘরে বাইতে দেখিয়া, মাঠাকুরাণী বলিলেন, ঘরে বাইও না, তাঁহার খাওয়ার জিনিষে পা লাগিবে। নাগমহাশয়কে দেখিব, মনে মানিল না। যেখানে গেলে নাগমহাশয়কে দেখা যায়, উতলা হইয়া সেই স্থানে গিয়া দাড়াইলাম। মাঠাকুরাণী বিরক্তির সহিত বলিয়া উঠিলেন, বলিলাম পা লাগিবে, তুমি তাহা শুনিলে না। আমি বলিলাম, না, পা লাগিবে না। মাঠাকুরাণী সক্রোধে বলিলেন, উহা রাস্তায় রহিয়াছে, পা লাগে নাই? মাঠাকুরাণীর কর্কশ কথা শুনিয়া, নাগমহাশয় বলিলেন, এমত করিতে নেই। আমি এত খাইতে পারিব না। মাঠাকুরাণী তাঁহাকে খাওয়াইতে লাগিলেন। দরজায় একটু ফাঁক ছিল, আমি তাহার মধ্য দিয়া নাগমহাশয়কে দেখিতেছিলাম। নাগমহাশয়ের মুখখানা দেখিয়া আমার মনে হইল, তিনি চিদানন্দধন, তাই তাঁহার জ্যোতির্শয় মুখ। অসুখ হইলে লোকের কষ্ট হয়, তাঁহার মুখ হইতে হাসি ছুটিয়া পড়িতেছে। নাগমহাশয় চিত হইয়া শুইয়া ছিলেন। আমি মুখখানাই দেখিতে পাইয়াছিলাম। মাঠাকুরাণী তাকাইয়া দেখিলেন, আমি ফাঁকের মধ্য দিয়া নাগমহাশয়কে দেখিতেছি, অমনি তিনি তাহা বন্ধ করিয়া দিলেন। মাঠাকুরাণীর মনোবাসনা পূর্ণ হইল। আমি আমার ভারাক্রান্ত হৃদয় লইয়া বসিয়া রহিলাম।

কয়েক মুহূর্ত নাগমহাশয়ের জ্যোতির্শয় মুখপদ্ম দেখিয়াছিলাম। এই জনমের মত নাগমহাশয়কে দেখিলাম। কতটুকু সময় মনের কষ্টে নিজের অদৃষ্ট দেখিয়া স্বামীকে বলিলাম, আমি আজই

চলিয়া যাইব । স্বামী বুঝিতে পারিয়াছিলেন, নাগমহাশয় আর উঠিয়া বসিবেন না । হৃদয়ের ভাব তাঁহার মুখে প্রকাশ পাইতেছিল । তাঁহার মুখ অস্বাভাবিক মলিন হইয়াছিল । যখন আমি আমার যাওয়ার কথা তাঁহাকে বলিলাম, তিনি বুঝিয়াও বুঝিতে পারিলেন না, অবাক হইয়া আমার দিকে তাকাইয়া রহিলেন । আবার তাঁহাকে তাহা বলায় তিনি বলিলেন, কি বলিতেছ ? তৃতীয় বার সেই কথা বলায়, তিনি আমার মুখের দিকে চাহিয়া রহিলেন । তাঁহার মুখ দেখিয়া, আমার মনে হইল, এইজন্যই নাগমহাশয় আমাকে ক্লেপাচণ্ডী বলিয়াছেন । আমার কখনই হিতাহিত জ্ঞান ছিল না । স্বামী আর কোন কথা বলার পূর্বে আমি বলিলাম, আমাকে বাড়ীতে রাখিয়া, তুমি কল্য প্রাতে চলিয়া আসিও । আমার ভাব দেখিয়া, স্বামীর মুখ আরও মলিন হইয়া গেল । তিনি মনে করিলেন, আমি মানুষের কাজ করিতেছি না । তিনি কিছু বলিলেন না । নাগমহাশয় আমাকে অত্যন্ত স্নেহ করিতেন, তাঁহাকে শুইয়া থাকিতে দেখিয়া বোধ হয় আমার হৃদয় কাটিয়া যায়, তাই বাড়ীতে যাইতে চাহিতোঁছি । স্বামী ইহা মনে করিয়া সন্ধ্যার সময় জনমের মত আমাকে নাগমহাশয়ের নিকট হইতে লইয়া আসিবেন । তিনি আমার আসিবার কারণ জানিতেন না । তিনি মাঠাকুরাণীকে বড় ভক্তি করিতেন । সেই ভয়ে আমি তাঁহাকে কোন কথা বলিলাম না । তাহা শুনিলে, স্বামী নিশ্চয় বলিতেন, যে নাগমহাশয় তোমাকে এত স্নেহ করিতেন, যখন তিনি তোমাকে বলিলেন, তুমি এলে কেন, তুমি অবশ্যই কোন গুরুতর দোষ করিয়াছ । স্বামীকে ভয় করিলাম সত্য, একবার বিচার করিলাম না, তিনি নাগমহাশয় হইতে মাঠাকুরাণীকে

বেশী ভক্তি করেন না, নাগমহাশয়ের কথা হইতে মাঠাকুরাণীর কথা বেশী বিশ্বাস করেন না। নাগমহাশয় ষাঁহার হাত ধরিয়া বলিয়াছিলেন, উহাকে কষ্ট দিবেন না, যিনি নাগমহাশয়ের উপর জীবনের ভার অর্পণ করিয়াছিলেন, যিনি তাঁহাকে হৃদয়ে ধারণ করিয়া অনুভব করিতেছেন, ষাঁহাতে তাঁহার ইষ্ট হইবে, নাগমহাশয় আপনিই তাহা করিবেন, ষাঁহার এমন অটুট বিশ্বাস, তিনি কি মাঠাকুরাণীর কথায় আমাকে কষ্ট দিতে পারিতেন? আমার কর্ম্মানুযায়ী বুদ্ধি হইল। স্বামীকে কোন কথাই বলিলাম না, কখন শব্দ্যয় শুইয়া যে নাগমহাশয় স্নেহ করিলেন, তাহাও একবার বিচার করিলাম না। শেন অবস্থায়, আমার উপর নাগমহাশয়ের কম স্নেহ দেখিলাম না।

নাগমহাশয় শুইয়াছিলেন, মনের কষ্টে বারান্দা ঠেশ দিয়া বসিয়া আছি। মাঠাকুরাণী আমাকে ডাকিয়া বলিলেন, কাল বৈকালেও খাস্ নাই। আজ সকলে খাইল, তুই খাইলি না। মাছগুলি পড়িয়া রহিল, কেটে দে। নাগমহাশয় তাহা শুনিয়া অমনি বলিয়া উঠিলেন, কি, ও খায় নাই? আমি মনে মনে বলিলাম, স্বামী না খাইলে, আমি খাইব না। নাগমহাশয় বলিলেন, পাইলাম খালে, দিলাম গালে, পাপ-পুণ্য নাই কোন কালে। এখনই খাও।

দেওভোগ হইতে চলিয়া আসিবার সময় আমি মনের কষ্টে বড় ধরে যাইয়া, যেখানে নাগমহাশয় শুইয়া আছেন, সেই স্থানের দিকে তাকাইয়া রহিলাম। লোকের ভয়ে নাগমহাশয়কে কোন কথা বলিতে সাহস হইল না। নাগমহাশয় আপনিই পূর্বের মত বলিলেন, ধর্ম্ম যেন মন থাকে, স্বামীর প্রতি যেন ভক্তি থাকে।



আমি মনে মনে বলিলাম, যখন তুমি নিজগুণে বলিলে, ধর্ম্ম যেন মন থাকে, তোমার রূপায় আমার মন তোমাতে নিশ্চয়ই থাকিবে তুমিই আমার ধর্ম্ম, তুমিই আমার কর্ম্ম । তুমি বলিলে, স্বামীর প্রতি যেন ভক্তি থাকে, তোমার আশীর্বাদ বৃথা হইবে না । নাগমহাশয়কে মনে মনে ইহা বলিয়া নিদাক্ষণ ব্যথা লইয়া, জীবনের তবে নাগমহাশয় হইতে বিদায় লইলাম—অভিমান ভবে চলিয়া আসিলাম । নাগমহাশয় পাঁচটী কথা আমাকে বলিলেন । যাতা বা ঠাঁহার নিকটে গিয়াছিল, তাহাদিগকে এত কথা বলিয়াছেন কিনা জানিনা । আমি ততক্ষণ ছিলাম, ঠাঁহাকে কথা বলিতে বড় শুনি নাই । আমাকে নিকটে দেখিয়া, তিনি নিজগুণে ডাকিয়া ডাকিয়া কথা कहিয়াছেন । আমার এমনই প্রাক্তন ভোগ, নাগমহাশয়ের এত স্নেহ দেখিয়াও, মাঠাকুরাণীর কথা সত্য বলিয়া ভাবিয়া, অভিমানে চলিয়া আসিলাম । আসিবাব সময় যখন নাগমহাশয় বলিলেন, ধর্ম্ম যেন মন থাকে, স্বামীতে যেন ভক্তি থাকে, তখন যদি একবার বিচার করিতাম, তাহা হইলে কোন মতেই ঠাঁহাকে এই ভাবে ফেলিয়া আসিতে পারিতাম না । আমি ঠাঁহার সহিত এইরূপ ব্যবহাবই করিয়াছি । অথচ আমার প্রতি ঠাঁহাব স্নেহের সীমা ছিল না । আমার প্রতি ঠাঁহার অপরিমিত দয়া ছিল, তথাপি আমি ঠাঁহার কথা একবার ভাবি নাই ।

ছোট সময় নাগমহাশয়কে মনে রাখিয়াছি । তিনি হাসিতে হাসিতে বলিতেন, কাহার অন্তরে শিশুকালে ধর্ম্মভাব উদয় হয় ? ধর্ম্মনামে নাগমহাশয় আমার হৃদয়ে থাকেন । যে নাগমহাশয় দেহ ছাড়িয়া আমার হৃদয়ে থাকিবেন, তিনি কি বলিতে প্লাবেন,

খুকী অসিল কেন ? এখন মনে করি, যখন তিনি বলিলেন, স্বামীর প্রতি যেন ভক্তি থাকে, তখন যদি মন খুলিয়া স্বামীকে সকল কথা বলিতাম, স্বামী অবশ্যই আমাকে বুঝাইয়া দিতেন, নাগমহাশয় এই কথা বলিতে পারেন না। নিজেও বুঝিতাম না, যিনি আমার মঙ্গল করিবেন, তাহাকেও জিজ্ঞাসা করিতাম না। নিজেও কপাল লইয়া নিজে চলিয়া আসিতাম, একবার মনে করিতাম না, কি করিতেছি। যদি নাগমহাশয়ের স্নেহ স্বরণ করিয়া মনে করিতাম, স্বামীর হাতে আমাকে দিয়া গেলেন, একবার তাঁহাকে বলি, তাহা হইলে তিনি নিশ্চয় অবশিষ্ট দিন কয়েকটা নাগমহাশয়ের নিকট রাখিতেন। যেমন কৰ্ম করিয়া ছিলাম, নাগমহাশয় তেমন ফল দিলেন। জানি না, কোন্ মনে বিশ্বাস করিতাম, নাগমহাশয় আমাকে এইরূপ বলিয়াছেন। কয়েকটাদিন থাকিলে বেশী কিছু দেখিতাম না। আমার মনে এই কষ্ট রহিল, আমি নাগমহাশয়কে কি রকম বিশ্বাস করিতাম। অভিমানই জীবের যত দুর্গতির মূল। আসিবার সময় স্বামীর মুখ দেখিয়া মনে হইল যেন তাঁহার হৃদয় ফাটিয়া যাইতেছে।

আমার বড় ভগ্নী স্বামীকে বলিলেন, আপনিও ত নাগমহাশয়ের ভক্ত, আপনি কখন কাহাকে কিছু বলেন না। আমি চলিয়া আসিব মনে করিয়া, বড় ঘরে দাঁড়াইয়া, নাগমহাশয়কে বলিয়া ছিলাম, এখন আসি গিয়া ? তিনি বলিলেন, এস মা। এখন যাহার যাহার কৰ্ম সে সে দেখিয়া করিবে। এই কথা শুনিয়া, মাঠাকুরাণী বলিয়া উঠিলেন, তাঁর কথা বলিতে কষ্ট হয়, কে ওখানে গেল ? হরপ্রসন্নবাবুর স্ত্রী বাইয়া বলিলেন, এখানে লোক থাকিতে নিষেধ করিতেছেন। হরপ্রসন্নবাবু

আসিয়া বলিলেন, তোমরা তাঁহার কাছে যাও কেন ? দেখ না, আমরা যে অন্তস্থানে থাকি । আমি বলিলাম, আমি তাঁহার নিকট যাই নাই । ঘরে দাড়াইয়া ছিলাম । এখন চলিয়া যাইব, তাই তাঁহাকে বলিয়া চলিলাম । আমার কি এত বড় কপাল যে, আমি তাঁহার কাছে যাই । তিনি বিনদাকে এত ভালবাসিতেন, সেও একবার তাঁহার কাছে যাইতে পারে নাই । তাহার কথা শুনিয়া স্বামী বলিলেন, নাগমহাশয়কে দেখিতে গিয়াছন, তাঁহাকে দেখুন । এই সব দেখিতে হয় না, ভাবিতেও হয় না । ভগবান্ সকলের সমান, যে যেমন কন্ম করিবে, সে সেইরূপ ফল ভোগ করিবে । ভগবান্ তাহার অহংকার সূত্র করেন না । নাগমহাশয়েব চিন্তা করুন, মঙ্গল হইবে । স্বামীর কথায় ভয়ীর মনেব কষ্ট দূর হইল । আমাকে বাড়ীতে বাধিয়া, পরদিন ভোরে স্বামী নাগমহাশয়ের নিকট চলিয়া গেলেন ।

যে দিন আমরা দেওভোগ হইতে আসিলাম, সেই দিন আমার পিতা নাগমহাশয়কে দেখিতে গিয়াছিলেন । পিতা নাগমহাশয়কে দেখিতে যাইবেন, অন্নের তাহা ইচ্ছা নয় । পরৎ-বাবু ভিন্ন সকলেই মুখ গম্ভীর করিল । পিতা মনে করিলেন, যখন আসিয়াছি, তাঁহাকে দেখিয়া যাইব । পিতা নাগমহাশয়ের কাছে গেলেন । নাগমহাশয়ের মুখের উপর বুঁকিয়া অনেক সময় তাঁহাকে দেখিলেন । ইহার মধ্যে অগস্ত্য ভৌমিক নাগমহাশয়ের থাকার স্থানের নিকট দাঁড়াইয়া দাঁড়াইল । পিতা মনে করিলেন, আর দেখা হয় কি না হয়, মনের মত দেখিয়া লই । নাগমহাশয় বলিলেন, এখনই যাইবে ? পিতা বলিলেন, হাঁ । আপনার

শরীরে ব্যথা আছে ? নাগমহাশয় বলিলেন, শরীরের কোথায় কি আছে, তাঁহা জানি না । তুমি কি এখনই যাইবে ? পিতা কহিলেন, আপনি কথা বলিবেন না, আমি আপনাকে একটু দেখি । নাগমহাশয় আর কিছু বলিলেন না । পিতা আমাকে বলিলেন, ঠাকুরভাই আমাকে দেখিয়া কোনরূপ বিেষ ভাব প্রকাশ করিলেন না । জগৎকে ভৌমিকে প্রভৃতির ভাব যেন আমি তাঁহাকে না দেখিলেই ভাল । আমি ঠাকুরভাইকে সদয় দেখিয়া, কতক সময় তাঁহার পানে চাহিয়া, ঢাকা চলিয়া গেলাম । আসার সময় ঠাকুরভাই বলিলেন, এখনই যাইবে ? আমি ~~বলিলাম,~~ হাঁ । তিনি বলিলেন, এস । স্বামী চলিয়া গিয়াছেন । মন অস্থির হইতে লাগিল । কি করিব, কিছুই স্থির করিতে পারিতেছি না । নাগমহাশয় স্বামীকে টানিয়া নিয়াছেন, তিনি কি করিয়া অল্প স্থানে থাকিবেন ? কয়েক দিন নাগমহাশয়ের নিকটই রহিলেন ।

নাগমহাশয় শরৎবাবুকে বলিলেন, পত্রিকা দেখুন । একটা ভাল দিন বাহির করুন । শরৎবাবু পরের দশমী তিথি ভাল দিন বলিয়া তাঁহাকে বলিলেন । নাগমহাশয় বলিলেন, তবে ঐ দিন আমি যাত্রা করিব । শরৎবাবু তাহা শুনিয়া মাথায় হাত দিলেন । তিনি জানিতেন না, নাগমহাশয় চলিয়া যাওয়ার দিন ধাৰ্য্য করিবেন । তিনি সাক্ষরনয়নে বসিয়া রহিলেন ।

স্বামী বারান্দার কোণে বসিয়া আছেন । নাগমহাশয় বলিতেছেন, বেত কাটিতেই আসিয়াছিলাম, বেত কাটিয়া গেলাম ; পরের দীর্ঘ জীবন দিলাম । পরের বেত কাটিতে গিয়া শরীর ক্ষত-বিক্ষত করিলাম । তাহা শুনিয়া স্বামী মনে বড় কষ্ট

পাইলেন । তিনি ভাবিলেন, ভগবান্ কেন এই সংসারে আসেন ? সংসারে আসিয়া অশেষ পষ্ট সহিয়া যান । ভগবান্ জীব উদ্ধার করিতে আসেন । এ সংসারে না আসিয়াও ত জীব উদ্ধার করিতে পারেন । অথথা এই সংসারে আসিয়া, জীবের কর্মের বোঝা মাথায় নিয়া, জীবের মত তাহার কর্মভোগ করেন । নাগমহাশয়ের ত কোন কষ্ট দেখি নাই, কোন অবস্থায়ই তাঁহাকে কষ্ট দিতে পারিত না । তবে তাঁহার শরীরে অনেক ব্যাধির লক্ষণ প্রকাশ পাইত । তাহা শুধু জীবের কর্মগ্রহণের ফল । জ্বাভার তিনি মনে করিলেন, তাহা শুধু তাঁহার দয়া । তিনি আমাকে জানাইতেছেন, তিনি ভগবান্, পরের হুঃখের বোঝা মাথায় নিতে আসিয়াছেন ।

চারিদিন চলিয়া গেল, স্বামী ফিরিয়া আসিতেছেন না । আমার মনে হইতে লাগিল, কি হইল ? একদিন স্বামী নাগমহাশয়ের জ্ঞাত ঔষধ নিতে নারায়ণগঞ্জ গিয়াছিলেন । একটা জানা লোককে বলিয়া দিলেন, পঞ্চসার যাইয়া বলিও, যদি নাগমহাশকে দেখিতে ইচ্ছা থাকে, অনতিবিলম্বে চলিয়া আসিবে । সেই লোকটা সন্ধ্যার সময় আমাদের বাড়ীতে আসিয়া এই কথা বলিল । আমি মনে করিলাম, পরদিন প্রাতঃকালে দেওভোগ যাইব । স্বামী পরদিন প্রাতে আমাদের বাড়ীতে গেলেন । আমি জিজ্ঞাসা করিলাম, নাগমহাশয় কেমন আছেন ? তিনি বলিলেন, তিনি একটু ভাল আছেন । সকল দিন গেল । সন্ধ্যা হইয়াছে । স্বামী বলিলেন, আমার প্রাণ যেন কেমন করে । আমি এখনই দেওভোগ যাইব । আমি যতই অন্তকথা বলি, স্বামী ততই অস্থির হইতে লাগিলেন । কিছুতেই অন্তকথা শুনিতে চান না । তাঁহার মুখ নীলবর্ণ হইয়া গেল ।

এমন উতলা হইয়া বাড়ীর বাহির হইলেন, তিনি আমাকে একবার বলিলেন না, তুমি যাইবে কি ? আমি এমন পাষাণী, স্বামীকে উতলা দেখিয়াও তাঁহার সঙ্গে আসিলাম না । স্বামী চলিয়া আসিলে, আমি একটা জড় পদার্থের মত রহিলাম । স্বামী বলিয়া ছিলেন, যখন তিনি দেওভোগ হইতে আসিবেন, নাগমহাশয়কে বলিলেন, বাবা ! এখন আমি আসি ? নাগমহাশয় বলিলেন, যেমন ইচ্ছা । আমি তাহা গুনিয়া মনে করিয়াছিলাম, স্বামীকে আসিতে দেওয়া তাঁহার ইচ্ছা ছিল না । তিনি তাঁহার হৃদয় টানিয়াছেন, তাই স্বামী তাড়াতাড়ি চলিয়া গেলেন। ~~স্বামী~~ দেওভোগ যাইয়া দেখিতে পাইলেন, নাগমহাশয় পূর্বের মত নাই । তাহা দেখিয়া স্বামীর মন বড় অস্থির হইল ।

মাঠকুরাণী স্বামীর সাধে কথা বলিতেন না । সুতরাং মাঠকুরাণী নাগমহাশয়ের নিকট থাকায় তিনি নাগমহাশয়ের নিকট যাইতে পারিতেছেন না । দূর হইতে উঁকি মারিয়া তাঁহাকে দেখিতে লাগিলেন । রাত্রি অনেক হটল । মাঠকুরাণী, শরৎবাবু, জগবন্ধু ভৌমিক নাগমহাশয়ের নিকট আছেন । মাঠকুরাণী স্বামীকে নাগমহাশয়ের কাছে যাইতে বলিলেন । নাগমহাশয় বলিতে লাগিলেন, বাঁচাও, বাঁচাও । শেষে বলিলেন, আমাকে রাখ, আমাকে রাখ, । স্বামী ভাবিতে লাগিলেন, তাঁহার কত দয়া । জীব আব তাঁহাকে চক্ষে দেখিবে না, বাহার সৌভাগ্য আছে, তিনি তাঁহাকে অনুভব করিতে পারিবেন । তাই তিনি জীবকে বলিতেছেন, বাঁচাও, বাঁচাও ; আবার বলিতেছেন, আমাকে রাখ, জীব তুমি আমার কাছে আস, নিজকে বাঁচাও । জীব কি করিয়া নিজকে বাঁচাইবে ? তজ্জন্ত তিনি বলিলেন, আমাকে রাখ ।

যদি নিজকে বাঁচাইতে চাও, আমাকে রাখ । আমাকে না রাখিলে, তুমি বাঁচিবে না ।

জীবন-ধারণ অনেক রকম আছে । কুকর্ম করিয়াও ত লোক বাঁচে । সেই রকম জীবন ধারণ হইতে মরা অনেক ভাল, সুতরাং যদি প্রকৃত পক্ষে বাঁচিতে চাও, আমাকে রাখ । একুল ওকুল দুকুল বক্ষা পাইবে । নাগমহাশয়ের কথা শুনিয়া স্বামীর মুখ ও হৃৎকম্প সমান হইল । হৃৎকম্পের বিষয় আজ নাগমহাশয় আমাদের কাছে ছাড়িয়া চলিয়া যাইবেন । যাহাকে ইচ্ছায় হউক অনিচ্ছায় হউক একবার দেখিতে পাইতাম, আজ তিনি আমাদের চক্ষুর আড়ালে চলিলেন । এখন তাঁহার অহৈতুক কৃপা ব্যতিরেকে তাঁহাকে আর দেখা যাইবে না । মাদৃশ সংসারের জীবের জগৎ তিনি অদৃশ হইতেছেন । এত হৃৎকম্প ভিতর মুখের বিষয় নাগমহাশয় আমাদের কাছে ছাড়িয়া গেলে ও আমাদের ভুলিতে পারিবেন না । বাঁচাইয়া রাখিতে বলায়, নিজকে বাঁচাইয়া নাগমহাশয়কে রাখিতে বলিতেছেন । নাগমহাশয় উপভাস ছলেও মিথ্যা কথা বলিতেন না । তাঁহার বাক্য অনুসারে, ইচ্ছা করিলেও তাঁহাকে ভুলিতে পারিব না তিনি নিজ গুণে দয়া করিয়া আমাদের হৃদয়ে থাকিবেন । স্বামী নাগমহাশয়ের কথা প্রকৃত অর্থ বুঝিতে পারিলেন । অসুস্থ অবস্থায়ও নাগমহাশয়ের ভুল দেখা যায় নাই । তিনি মাঠাকুরাণীকে বলিলেন, তুমি ইচ্ছা করিলেই আমাকে রাখিতে পার । কতটুকু সময় পর বলিলেন, মুখের কথায় হয় না গো, মনটী চাই । নাগমহাশয়ের কথায় স্বামীর বিশ্বাস আরও দৃঢ় হইল । সকল কাজ মুখের কথায় হয়, মন না দিলে ভগবানকে রাখা যায় না । মাঠাকুরাণী বলিলেন, 'আমার সাবিত্রীর বর আছে, আমি স্বামী বাঁচাইতে

পারিব । নাগমহাশয় মাঠাকুরাণীর হাত ধরিয়া বলিলেন, এত শক্ত হইও না । স্বামী এক মনে তাঁহার কথা শুনিতেছেন এবং নিরাশ হৃদয়ে নাগমহাশয়কে দেখিতেছেন ।

রাত্র ভোর হইয়া আসিতেছে । নাগমহাশয় ধীরে ধীরে সমাধি মগ্ন হইলেন । এমন সময় নাগমহাশয়ের খস্তর বাটী হইতে কি এক ঔষধ আনিতে স্বামীকে বলা হইল । স্বামী দ্রুতগতিতে কিরিয়া আসিলেন । স্বামী সমাধি দেখিয়া গিয়াছিলেন, ঐ সমাধি মহাসমাধিতে পরিণত হইল । সকলেই শেষ কথা বুঝিতে পারিলেন । সকলেই নাগমহাশয়কে নমস্কার করিতে লাগিলেন । স্বামীর হৃদয় কাটিয়া বাইতে লাগিল, । এক মনে নাগমহাশয়ের দিকে চাহিয়া রহিলেন । দৈবাৎ তাঁহার পা শ্রীঅঙ্গে লাগিল । তিনি নাগমহাশয়কে নমস্কার করিলেন না । মনে মনে বলিলেন, বাবা, আমার পাপ হউক ক্ষতি নাই, তোমার পা স্পর্শ করিয়া আর তোমার কৰ্ম বাড়াইব না । জীবের কৰ্ম গ্রহণ করিয়াই তোমার দেহের এত ভোগ । আমার কৰ্ম লইয়া আমি থাকিব, তোমাকে স্পর্শ করিতে দিব না । সকলে নাগমহাশয়কে নমস্কার করিলেন, স্বামী চুপ করিয়া তাঁহার শয্যায় বসিয়া রহিলেন । সামান্য বেলা হইল । মাঠাকুরাণী বলিলেন, তিনি গৃহী ছিলেন, সকল কাজ গৃহীর মত করিয়া গেলেন । এখন গৃহীর মত আমাদের সকল কাজ করা উচিত । মাঠাকুরাণীর কথা শুনিয়া স্বামীর এক ভাব হইল, নিজে তাহা বুঝিতে পারিলেন না । যখন নাগমহাশয়কে বাহিরে আনা হইল, কে ধরিয়াছিল, তিনি কিছুই জানেন না । কতক সময় পর দেখিতে পাইলেন, তিনি নাগমহাশয়ের পা কোলে লইয়া বসিয়া আছেন । চিরবাহিত চরণবুগল হৃদয়ে ধারণ করিলেন ।



নাগমহাশয়কে দেখিতে দেখিতে বলিতে লাগিলেন, বাবা, কি ভাবে শুইয়া রহিলে ? আমরা কি লইয়া বসিয়া বহিলাম ! তোমাকে এই অবস্থায় দেখিয়াও আমার হৃদয় বিদীর্ণ হইয়া গেল না। কি ভাবে শুইয়া রহিলে ? বাবা, আর কি তোমার অমিয়মাথা কথা শুনিয়া তাপিত হৃদয় শীতল করিব ? আর কি তোমার স্নেহমাথা মধুর হাসি দেখিতে পাইব ? আর কি তোমার স্তনীতল পদতলে বসিয়া সংসারের জালা ভুলিয়া যাইব ? আর কি তোমার হৃদয়গ্রাণী ক্রভঙ্গি দেখিয়া ব্রহ্মকে স্মরণ করিতে পারিবাঁ ! এই কি জীবনে তোমার শেষ চরণস্পর্শ ? বাবা তুমি এক সময় বলিয়াছিলে, যেখনকার জল সেই স্থানে গড়ান, তাই কি তোমাকে এই অবস্থায় দেখিয়াও দেহে প্রাণ রহিল ? যেখনকার জল সেই স্থানে গড়াইবে ! হায়, তায়, বাবা, কি দৃশ্য লইয়া বসিয়াছি ? এ সময় ভক্তের হৃদয়ের ব্যথা বর্ণন করা দুঃসাধ্য। বেলা দুপ্রহর পর্যন্ত স্বামী চিরবাঞ্ছিত চরণকমল কোলে রাখিয়া, নাগমহাশয়ের অন্তিম স্নেহ, অনন্ত দয়া, অসীম গুণ মনে করিয়া অধীর হইতে লাগিলেন। মাঠাকুরাণী আলুলায়িত কেশে তাঁহার রাতুল চরণে শিরস্পর্শ করিতে লাগিলেন। শরৎ বাবু জানী, চুপ করিয়া হৃদয়ের ব্যথা হৃদয়ে পোষণ করিলেন। নাগমহাশয়ের দেবপূজিত মূর্তি রাখার অন্ত, ফটোগ্রাফার আনিতে নারায়ণগঞ্জে লোক পাঠাইলেন। প্রায় চারি ঘটিকার সময় ফটোগ্রাফার আসিল। নাগমহাশয়ের ছবি উঠান হইল। সকলে জোড় হাত করিয়া নাগ মহাশয়ের নিকট বসিলেন, স্বামীর হৃদয়ে তখনও ব্যথা লাগিয়াছিল, তিনি তাঁহার পায়ের কাছে আসিয়া, তাঁহার শ্রীমুখেব পানে চাহিয়া রহিলেন। হৃদয়ে নিদারুণ ব্যথা।

বাবা, তোমাকে কি ভাবে রাখিতেছি ? হায়, হায়, কি হইল ? হতাশ হইল নাগমহাশয়ের মুখের দিকে তাকাইয়া রহিলেন । নাগমহাশয়ের কাছে কি ভাবে থাকিতে হইবে, তাহার খেয়াল নাই । নাগমহাশয়ের পাশে স্বামীর ছবি তাহা তাহা বলিয়া দিতেছে ।

শেষসংবাদ পাইয়া স্বামী সারদানন্দ দেওভোগে গেলেন । তখন তিনি ঢাকাতে অবস্থান করিতেছিলেন । তিনি বলিলেন, এমন মহাপুরুষের দেহত্যাগ সহজে বুঝিতে পারিবে না । বার ষষ্ঠীর পূর্বে সংকার করিও না । যখন দেখিবে পায়ের বৃদ্ধ অঙ্গুলি নাড়া দিলে মাথা নড়ে, তখন জানিবে তিনি দেহত্যাগ করিয়াছেন । সকল দিন সমাধি রহিল । সক্যার অল্প পর অঙ্গুলি ধরিয়া নাড়া দেওয়া হইল, অমনি মাথা নড়িয়া উঠিল । ভক্তবৃন্দের মাথায় বিনা মেঘে বজ্রপাত হইল । হায়, হায়, আজ কি হইল ? আজ পৃথিবী শ্মশানে পরিণত হইল । বাবা দুর্গাচরণ, যাহারা তোমার কাছে যাইয়া মহাভাগ্যবান ছিলেন, আজ তাঁহারা অভাগা হইলেন । বসুমতি তোমার পদধূলি লইয়া মহাআনন্দিতা ছিলেন, মহাপুণ্যবতী বলিয়া, মহাভাগ্যবতী বলিয়া গরীয়সী ছিলেন, আজ সেই বসুমতী অভাগিনী হইয়া শ্মশানে পরিণত হইলেন । আজ আর সৌভাগ্যভরে মহীয়সী রহিলেন না । মহাসৌভাগ্যবতী এক মুহূর্ত্তে অভাগিনী হইলেন । মহাভাগ্যবান ভক্তগণ এক মুহূর্ত্তে অভাগা হইলেন । বাবা দুর্গাচরণ এক মুহূর্ত্তে সকলের হৃদয় দমিয়া দিলেন । হায়, হায়, কি সর্বনাশ হইল ! যাহারা মহাভাগ্যবান ছিলেন, তাঁহারা অভাগা হইয়া সমরোচিত কাজ করিতে প্রস্তুত হইলেন । কি সর্বনাশ হইল ! নাগমহাশয়কে আর দেখিবার

উপায় রহিল না। যাহার পদস্পর্শ করিয়া বসুমতি নিজেকে সর্বাপেক্ষা গরীয়সী মনে করিতেন, তাহার বক্ষে চিতা সজ্জিত হইল। নাগমহাশয়কে শ্মশানক্ষেত্রে নেওয়া হইল। স্বামী সকলের সহিত শ্মশানে গেলেন। ভক্তগণ হাত ভরিয়া সচন্দন পুষ্প বিষপত্র লইয়া, নাগমহাশয়ের দেবতাপূজিত চরণকমলে অঞ্জলি দিতে লাগিলেন। স্বামীর তখন বাহ্যিক জ্ঞান ছিল না। পরে তিনি দেখিতে পাইলেন, তিনি নাগমহাশয়ের রাতুল চরণের নিকট স্থান পাইয়াছেন এবং সকলে তাহার মাথার উপর দিগ্না পুষ্প বিষপত্রের অঞ্জলি দিতেছেন। নাগমহাশয়ের চরণে দিবেন বলিয়া দিনের বেলায় তুলসীপাতার মালা রাখিয়া রাখিয়াছিলেন, তাহা তাহার চরণে পরাইয়া দিলেন এবং তাড়া-তাড়ি জামার বুতাম খুলিয়া তাঁহার ভবভয়চরণ, আরাধ্য, সাক্ষাৎ মুক্তিপ্রদ চরণযুগল হৃদয়োপরি স্থাপন করিলেন। তাহার পর কি হইল তিনি জানেন না। সংজ্ঞালাভ করিলে, তিনি শুনিতে পাইলেন, তিনি গাইতেছেন, “তুমি যুগে যুগে অবতার ধরাভার বিনাশিতে।” এই এক পদই গান করিতে শুনিলেন। তাকাইয়া দেখিলেন, তিনি নাগমহাশয়ের একখানা চরণ ধরিয়া বসিয়া আছেন, সকল লোক হাতে গণ্ডস্থল রাখিয়া একটু দূরে বসিয়া আছে। চারিদিকে তীব্র আলো। এত আলোর ভিতরে লোকদিগকে হীনশ্রুত দেখিলেন; তাহাদিগকে ভাল করিয়া দেখা যাইতেছে না, যেন কোন এক পাতলা আবরণে তাহারা আবৃত। এই সব দেখিয়া তিনি কিছুই বুঝিতে পারিতেছেন না। অবশেষে বুঝিলেন, কোথায় কি লইয়া বসিয়া আছেন। তিনি হৃদয়ে পাষণ রাখিয়া নাগমহাশয়কে ছাড়িয়া চলিয়া

আসিলেন। লোকগণ ধরাধরি করিয়া নাগমহাশয়কে শ্মশানে চড়াইল। হরি হরি, সকল শেষ হইয়া গেল। ১৩০৬ সালের ১০ই পৌষ বুধবার দশমী তিথীতে ৫৩ বৎসর বয়সে আনন্দের হাট ভাঙ্গিয়া ফেলিলেন, নাগমহাশয় সোণার অঙ্গে ছাই মাখিলেন।

স্বামী নাগমহাশয়েব পা ছাড়িয়া দিয়া যে বিছানায় নাগমহাশয় অন্তিমশয্যা করিয়াছিলেন, তাহা ধরিয়া পড়িয়া রহিলেন। লোক নাগমহাশয়কে লইয়া গিয়া যে এমন নির্দয় কাজ করিল, তিনি তাহা কিছুই জানিতে পারিলেন না। চক্ষু মেলিয়া দেখিতে পাইলেন, সকল শেষ হইয়া গিয়াছে, নাগমহাশয়ের কোন চিহ্ন নাই। হৃদয়ে বিবম আশ্চর্য জলিয়া উঠিল। তিনি ভাবিতে লাগিলেন, হায়, হায়, লোক কি নির্দয়, কেমন নিশ্চয়! যিনি লোকের সহিত কথা বলিতে সর্বদা হাসিতেন, ঠাঁহার স্নেহে বিবধর সর্প হিংসা ভুলিয়া যাইত, আজ সেই নাগমহাশয়কে কি করিয়া দৃষ্টির বাহির করা হইল? বাবা, আমার মনে হইয়াছিল, এই যজ্ঞে এই দেহ আহুতি দিব, কি হইয়া পড়িয়া রহিলাম, কিছু জানিতে পারিলাম না। বাবা, আর কাহার মুখ তাকাইয়া রহিব! তুমি তোমার চিহ্ন লোপ করিয়া কোথায় চলিয়া গেলে! আর এ জীবন রাখিয়া কি প্রয়োজন? কিন্তু ঠাঁহার জন্ম কি আর জীবু প্রাণ দিতে পারে? তবে ঠাঁহার মহাভাব স্পর্শ করিয়া, সময়ের জন্ম সমস্ত ভুলিয়া, স্বামী কয়েকদিন ঠাঁহার ভাবেই ছিলেন, সংসারের কোন বিষয়ে মন ছিল না; এমন কি কোন সময় চিন্তা করিয়া নাম বলিতে হইয়াছিল।

## তৎপর ।

নাগমহাশয় চলিয়া গেলেন । পরদিন স্বামী সারদানন্দ দেওভোগে গেলেন । বাহা হইবার হইয়া গিয়াছে, আর কি দেখিবেন ? শরৎবাবু ও স্বামী ৩।৪ দিন দেওভোগে ছিলেন । ঘুড়িয়া ঘুড়িয়া শ্মশান দেখিলেন । তৃতীয় দিবস আমার পিতা তথায় ~~গেলেন~~ পথে শরৎবাবুর সাথে দেখা হইয়াছিল । তিনি পিতাকে বলিলেন, সমস্ত ফুরাইয়া গিয়াছে । আপনার জামাতা বাড়ীতে আছে, বাড়ীতে যান । পিতার শিরে বিনা মেঘে বজ্রপাত হইল । তিনি নাগমহাশয়কে অতিশয় অসুস্থ দেখিয়া মফঃস্বলে গিয়াছিলেন । তিনি তাহা মনে করিয়া অনুতাপ করিতে লাগিলেন । তিনি ভাবিতে লাগিলেন, জীবনে অনেক টাকা উপাজ্জন করিতে পারিব, ঠাকুরতাইকে ত আর দেখিতে পাইব না । ঠাকুরতাই, আপনি এই পাপীকে ছাড়িয়া কোথায় গেলেন ? সেই দিন জীবনের মত আপনাকে দেখিয়া আসিলাম । ভক্তের জোর আছে, ভক্ত চাহিলে আপনি তাঁহাকে দেখা দিবেন । আমার মত সংসারদগ্ধ জীব আপনাকে একবারে হারাইল । সংসারের জালয়ি জলিয়া আপনার নিকট আসিয়াছি, আপনার স্নেহ মাথা কথা শুনিয়া, আপনার চিরশান্তিময় মুখ দেখিয়া, সব ভুলিয়া শান্তি লাভ করিয়াছি । এখন আর কাহার কাছে বাইব ? কে সাহায্য করিবে ! আমি এমত হতভাগ্য, শেষ সময় নিকটে থাকিয়া, আপনাকে দেখিতে পাইলাম না । আপনি আমাকে জ্ঞাতিতাই বলিয়া, নিজের ছোট ভাইয়ের মত স্নেহ করিতেন ; শেষ সময়

আপনার জ্ঞাতির কাজ করিতে পারিলাম না । আমার মত সংসারগত জীব আপনাকে ছুইতে পারে না । তাই আমাকে সড়াইয়া দিলেন । যে দিকে তাকাই সকলই দেখিতে পাই, শুধু আপনাকে দেখি না । ঠাকুর ভাই, সমস্ত দিক শূণ্যময় বোধ হইতেছে । আমি সংসারক্লিষ্ট জীব কোথায় যাইব ? কে আমাকে আপনার মত সাধনা করিয়া হৃদয়ের জ্বালা দূর করিবে ? সংসারের জীব সংসারে দগ্ধ হইয়া থাকিতেই হইবে । আপনি যে এত শীঘ্র সর্বনাশ করিয়া চলিয়া যাইবেন, তাহা বুঝিতে পারি নাই ; তাই আপনাকে ছাড়িয়া মফঃস্বলে গিয়াছিলাম । দেব ! আমাকে কি মনে রাখিবেন ? অস্ত্রে কি ঐ রাজ্য চরণ পাইব ? পিতার মনে নানা মত কথা উঠিতে লাগিল । তিনি স্বামীর নিকট যাইয়া, তাঁহাকে বলিলেন, তুমি কবে যাইবে ? স্বামী বলিলেন, শরৎবাবু যে কয়েক দিন আছেন, তাঁহার সঙ্গে থাকিব মনে করিয়াছি । এদিকে মাঠাকুরাণী কি ভাবে থাকিবেন, তাহাও দেখিতে হইবে । পিতা বলিলেন, তুমি আজ আমার সঙ্গে চল । আমি বুঝিতে পারি না, মেয়েকে কি ভাবে এই কথা বলিব । সে ইহা শুনিলে কি করিবে, তাহা জানি না । তুমি চল, আমার কোন বুদ্ধি জুটিতেছে না । যদি তুমি থাকিতে না পার, কাল চলিয়া আসিবে । পিতা মাঠাকুরাণীকে বলিলেন, আমি পার্বতীকে সঙ্গে লইয়া যাইতে চাহি । আমি জানি না মেয়েকে কি বলিব ; ইহা বলিলে, সে কি করিবে । পার্বতী সামনে থাকিলে ভাল হয় । মেয়ে ঠাকুরভাইকে যে ভাবে দেখিত, এই কথা শুনিলে সে কি করে ঠিক নাই । মা ঠাকুরাণী কাঁদিয়া উঠিলেন । স্বামীকে বলিলেন, উহাকে লইয়া আসিবেন । হা অদৃষ্ট, মাঠাকুরাণী আমাকে



স্বামী বলিলেন, পাগলের মত কাজ করো না । আমি বলিলাম, যদি তুমি আমাকে ছাড়িয়া না দেও, আমি বাবাকে ডাকিব । দেখিব তুমি এ অবস্থায় কি করিয়া ধরিয়া রাখিতে পার । আমি পিতাকে ডাকিলাম । স্বামী তাঁহাকে ধরে যাইতে বারণ করিলেন । তখন আমার হৃদয়ের স্পন্দন বন্ধ হইয়া আসিতে লাগিল । আমি কাঁদিতে লাগিলাম । বাবা, তুমি কোথায় গেলে ? আমি এই প্রাণ আর রাখিব না । তোমার অভাব সহ্য করিতে পারিব না । পাপ পুণ্য মানিব নাই । যে ভাবে হুক এদেহ নাশ করিব । বাবা, তুমি কোথায় গেলে ? আমি আর কিছু বলিতে পারিলাম না । হৃদয় ভার বোধ হইতে লাগিল । তখন স্বামী বলিতে লাগিলেন, যিনি ঘামাচির সামান্য কষ্ট পাইব বলিয়া, স্নেহের সহিত ঔষধ বলিয়া দিতেন, যিনি ১৫ দিন অতীত হইলে ডাকিয়া নিতেন, লোকের নিকট বলিতেন, কৈ পার্বতী আসে না, যিনি মলিন মুখ দেখিলে, হাসিয়া অমৃতমাধা কথা বলিয়া হৃদয়ের জ্বালা দূর করিতেন, তিনি আমাদের ছাড়িয়া চলিয়া গিয়াছেন । এখন অগ্নিতে গাত্রদাহ হইলে কেহ দেখিবে না । যদি আমরা তাঁহাকে ভালবাসিতে জানিতাম, তাহা হইলে তিনি ছাড়িয়া যাইবার পূর্বেই চলিয়া যাইতাম । এখন যেমন কন্দ তহা ভোগ করিতে রহিলাম । যদি তাঁহার প্রতি আমাদের একচুল মন থাকিত, তিনি কখন আমাদের এই ভাবে ছাড়িয়া চলিয়া যাইতে পারিতেন না । তাঁহার দয়া মনে করিয়া দেখ, তিনি কখন এমন নির্দয় হইতে পারিতেন না । তাঁহার দয়ার সীমা ছিল না । অসীম দয়া ছিল বলিয়া, তিনি আমার মত জীবকে স্নেহ করিয়া-ছিলেন । আমি পাষণ হইয়া দাঁড়াইয়া সব দেখিয়া স্থির



রহিলাম । আর কি তাঁহাকে দেখিতে পাইব ? তাঁহাকে জীবনের মত ছাড়িয়া আসিলাম ।

স্বামীর কথা শুনিয়া আমি বলিলাম, তোমরা কি সর্বনাশ করিয়াছ । সমাধি হইলেও ২৪ দিন দেহে জীবন থাকে । ২৪ দিন না দেখিয়া কি করিয়া এমন সর্বনাশ করিলে ? তখন স্বামী সকল কথা বলিলেন । যখন বৃদ্ধ অঙ্গুলী ধরিয়া নাড়া দিলে মাথা নড়িয়া উঠিল, তখন সব শেষ হইল । আমি পাষণ, তাই তিনি এসময় আমাকে তাঁহার সাক্ষাতে রাখিলেন । তুমি কখনও তাঁহার এ অবস্থা দেখিতে পারিতে না । তিনি তাঁহার স্নেহের মেয়েকে স্নেহ করিয়া সরাইয়া রাখিলেন । এদৃশ্য কি তোমার মত ভক্ত দেখিতে পারে ? যখন তিনি এই সংসারে ছিলেন, তিনি প্রতি মুহূর্তে তোমার সুখ দেখিয়াছেন । চলিয়া যাওয়ার সময়ও তাহা দেখিলেন । এ দৃশ্য দেখিয়া কি এই পাগল ঠিক থাকিতে পারে ? এ সময় কে এই পাগলকে ধরিয়া বাধিবে ? তিনি শেষ মুহূর্ত পর্যন্ত তোমার উপর দয়া প্রকাশ করিয়া গেলেন । তিনি নিজগুণে আমাকে স্নেহ করিয়াছেন । আমার হৃদয় পাষণ নির্মিত, তাই তাঁহার অন্তিম শব্দা দেখিতে পারিলাম । তাহা দেখার নয় । তোমার হৃদয় কি তাহা করিতে পারে ? তাঁহার ব্যবস্থার উপর কেহ হাত দিতে পারে না ।

আমি বলিলাম, তুমি আমার হৃদয় জান না । যদি ভগবানের মত আমার হৃদয় জানিতে পারিতে, দেখিতে পাইতে আমি কি পাষণী, তোমার মুখে এই নিদাক্ষণ বাণী শুনিতে পাইলাম, হৃদয়ে একটু দাগ লাগে নাই । হায়, হায়, বাবা হর্গাচরণ, এই পাষণীর জন্য কি তুমি সংসার ছাড়িলে ? আমি অনেক সময় তোমাকে

অনেক আলা দিয়াছি, অনেক সময় তোমাকে অকারণ অনেক  
 কষ্ট দিয়াছি। বাবা দুর্গাচরণ, আমরা গেলে, সময় মত  
 তোমার খাওয়া হয় নাই, সময় মত তুমি শুইতে পার নাই,  
 ইচ্ছা হইলেও আমার জন্ত বসিতে পার নাই। তুমি শান্ত  
 হইয়াও, অশান্তের মত ঘুরিয়াছ। একবার বাজার করিয়া আবার  
 বাজার করিয়াছ। তুমি বাজার হইতে আসিয়া, মাঠাকুরাণীর  
 দিকে চাহিয়াছ, তিনি কি বলিবেন। দোষ না করিয়াও, তুমি  
 দোষীর মত তাকাইয়া রহিয়াছ। দেখিয়াছ মাঠাকুরাণী রাগ  
 করিয়াছেন কি না। মাঠাকুরাণীর রাগ দেখিয়াও, আমরা মনে  
 কষ্ট পাইব বলিয়া চুপ করিয়া রহিয়াছ, কোন কথা বল নাই।  
 যখন তুমি শত চেষ্টা করিয়াও তাঁহাকে সুখী করিতে পার নাই,  
 এখন তিনি তোমাকে কর্কশ কথা বলিয়াছেন, তুমি আমাদের জন্ত  
 তাঁহার উপর রাগ করিয়া, আমাদের নিকট চলিয়া আসিয়াছ।  
 আমরা যেন তোমাকে দেখিয়া, তোমার স্নেহে সব ভুলিয়া যাই।  
 আমাদের স্মৃতি দেখিয়া, তুমি আমাদের সঙ্গে স্মৃতি হইয়া  
 রহিয়াছে। বাবা দুর্গাচরণ, আমরা স্বার্থপর জীব, নিজের স্বার্থ ই  
 দেখিয়াছি একদিনের ভরেও তোমার সুখ দেখি নাই। তুমি  
 পৃথিবীর চেয়ে অধিক সহ্য করিয়াছ, আর বোধ হয় আমাদের তাপ  
 সহ্য করিতে ইচ্ছা হইল না। সেই জন্ত কি আমাদের কাছে  
 চলিয়া গেলে? হায়, হায়, তোমার অভাব শুনিলাম, এখনও হৃদয়  
 বিদীর্ণ হইয়া গেল না। তুমি কি সর্বনাশ করিয়া চলিয়া গেলে?  
 কোথায় যাইব, কোথায় গেলে তোমাকে দেখিতে পাইব? বাবা  
 দুর্গাচরণ, স্বপ্নে দেখাইয়া, তোমার কাছে লইয়া গেলে, হাসিতে  
 হাসিতে অনেকবার বলিলে, কি দেখিয়াছিলে? আমি বলিলাম, আমি

মুখে এই কথা বলিতে পারিব না। আমি যেন আপনার ও অবস্থা না দেখি। তখন তুমি হাসিয়া বলিয়াছিলে, ভগবান্ সঙ্ক্ষে স্বপ্নে যাহা দেখা যায়, তাহা সত্য, অল্প স্বপ্ন কল্পনা মাত্র। তোমার কথা শুনিয়া, অতিশয় সুখী হইয়া বলিয়াছিলাম, আমি যেন আপনার ও অবস্থা দেখি না। বাবা দুর্গাচরণ, তখন তুমি হাসিয়া বলিয়াছিলে ভগবান্ হৃদয়ের জিনিষ, তাঁহাকে হৃদয়ে পাওয়া যায়। তখন আমার জ্ঞান হইল না যে, তুমি এই সর্বনাশ করিয়া চলিয়া যাইবে। তাই আমাকে বলিয়াছিলে, কোন স্থানে নৌকা করিয়া গেলে ভগবান্কে পাওয়া যায় না। তোমার ও অবস্থা দেখিব না মনে করিয়া সুখী হইলাম, তুমি সম্বোধনযোগী উপদেশ দিলে। আমার একবারও মনে হইল না, যদি আমার অসাক্ষাতে ঐ অবস্থা হয়, আমি দেখিব না সত্য, কিন্তু শুনিতে পাইবে। তখন ত তোমার অভাবে এই জগতে থাকিতে হইবে। আমি কি করিয়া তোমাকে হৃদয়ে খুঁজিব। তখন যদি এইরূপ বুদ্ধি হইত, দয়াময়, তুমি দয়া করিয়া এমন কথা বলিয়া যাইতে, সেই কথায় আজ তোমার অভাব শুনিতে হইত না। আমি কিছু বুঝিলাম না, তুমিত সকল বলিয়াছিলে। বাবা, তুমি বলিয়াছিলে, তাঁহাকে হৃদয়ে খুঁজিতে হয়, জীবের কি সাধ্য যে তোমাকে হৃদয়ে খুঁজিবে? কত সময় হইল, শুনিতে পাইয়াছি, তুমি বলিয়া গিয়াছ; কে হৃদয়েত তোমাকে খুঁজিলাম না। হৃদয় খুঁজিলে, তুমি হৃদয়ে দেখা না দিয়া থাকিতে পারিতে না। বাবা, তুমি স্নেহে বশীভূত হইয়া বলিয়াছিলে, তাঁহাকে হৃদয়ে পাওয়া যায়, কিন্তু আমি কি তোমার ভেদন ভক্ত? যদি আমি সেইরূপ ভক্ত হইতাম, এই সময় মধ্যে তোমাকে হৃদয়ে দেখিতে পাইতাম। আমি পাষণী, নচেৎ কি

করিয়া তোমার অভাব গুনিয়া প্রাণ ধারণ করিয়া রহিলাম ? তুমি যে উপায় বলিয়া দিয়াছিলে, সেই উপায়ে তোমাকে হৃদয়ে পর্য্যন্ত খুঁজিতেছি না । স্বামী বলিলেন, আমি তোমার এই অবস্থা দেখিতে পারিতাম না । তোমার স্নেহহেতু স্বামী আমাকে তোমার স্নেহের উপযুক্ত ভক্ত মনে করিয়াছেন । তুমি এবার বাঘ ভাল্লুকের মধ্যে আসিয়াছিলে । একটা মেয়ে তোমার উপযুক্ত ভক্ত ছিল । শিলাপিলা-রূপে তোমাকে পাইয়া, তোমার শিলাপিলারূপ না দেখিয়া, ধৈর্য্য ধরিতে পারিল না তোমাকে না দেখিলে, সে এমনভাবে খুঁজিত, তুমি শিলাপিলারূপে তাহাকে দেখা না দিয়া থাকিতে পারিতে না । তোমাকে পিলাপিলারূপে দেখিয়া, হৃদয়ে রাখিত, সে তোমাকে হৃদয়ে খুঁজিতে পারিত । বাবা, তোমাকে হৃদয়ে খোঁজা কি আমার মত পাষণীর কাজ । যে তোমার শিলাপিলারূপ পাষণমূর্ত্তি দেখিয়া তোমাকে এত ভালবাসিয়াছে, যদি সে তোমার এরূপ দেখিতে পাইত, তোমার এমত স্নেহ লাভ করিত, মুহূর্ত্ত মধ্যে হৃদয়ে খুঁজিয়া তোমাকে দেখিয়া, তোমার সঙ্গে চলিয়া যাইত । তোমার অভাব গুনিয়া, দেহ ভার বহন করিত না । হায়, হায়, কি হইল ? এত অল্প সময়ে সব শেষ করিয়া ছাড়িয়া গেলে ! বাবা তুমি আমায় বলিয়াছ, কেপাচণ্ডি কখন কি করিয়া বসে, আমি তাহা জাৰি । এখন তোমার সেই ভালবাসা কোথায় রহিল ? এখন কে তোমার কেপাচণ্ডীকে দেখিবে ? বাবা, কি করিব ? কোথায় যাইব ? কে তোমাকে দেখাইয়া বলিবে, এখনও তুমি যাও নাই । হায়, হায়, তোমার অভাবে কি করিয়া সংসারে থাকিব ? এক মাস তোমাকে দেখিতে না গেলে, মনে হইত, কতদিন হইল তোমার অমিয়মাথা মুখকমল দেখিতেছি না । এখন যে কত মাস

কেন, কত বৎসর তোমাকে না দেখিয়া থাকিব, তাহার অবধি নাই । কি সর্বনাশ হইল । তোমার দেখা এখন আর সীমার মধ্যে বহিল না । বাবা, আমি জীব, জীবের মত হাবুডুবু খাইতেছি, কুল দেখিতে পাইতেছি না । এত স্নেহ করিয়া, কি করিয়া একবারে অসীমের মধ্যে চলিয়া গেলে ?

স্বামী মনের কথা বুঝিলেন না । মুখ হইতে একটা শব্দ বাহির হইল । তিনি বলিলেন, উচ্চৈঃস্বরে কাঁদিতে নেই । ভগবান্ হৃদয়ের জিনিষ, তাঁহাকে হৃদয়ে রাখ । চিৎকার কবিয়া কাঁদিলে, হৃদয়ের ভাব বাহির হইয়া যায় । আমি চুপ করিলাম । স্বামী মনে মনে কি বুঝিলেন, সকল রাত আমাকে উঠিতে দিলেন না । একবারে ধরিয়া রাখিলেন এবং বলিলেন, তিনি তোমাকে বলিয়া ছিলেন, মৃত্যুআকঙ্ক্ষা পাপ । নাগমহাশয় আত্মহত্যা বড় ঘৃণা করিতেন । এজগতে আমরা তাঁহাকে হারাইয়াছি, এমন কোন কাজ করিও না, বাহাতে তিনি পরজগতে ঘৃণা করিয়া চরণপাশে স্থান না দেন । আমি বলিলাম, কি কবিব, স্থির করিতে পারি না । যিনি এত স্নেহ করিতেন, একদিনের তরেও তাঁহার কষ্ট বুঝি নাই । গোপনে ভাল ছিলেন, আমরা দেওভোগ খাইয়া তাঁহাকে অনেক যন্ত্রণা দিয়াছি । আমার মনে হয়, তাঁহাকে ত্যক্ত করিয়াছি বলিয়া তিনি এত শীঘ্র চলিয়া গেলেন । আমরা ত্যক্ত না করিলে, বোধ হয় তিনি আর কতক দিন থাকিতেন । স্বামী বলিলেন, সকলই তাঁহার ইচ্ছা । তিনি বাহা বলিয়া গিয়াছেন, হৃদয়ে ধারণ করিয়া তদনুসাবে কাজ করিয়া যাও, অস্তে তাঁহার শ্রীচরণে স্থান পাইবে । তিনি বলিয়াছিলেন, পথে পথে থাকিলে, একদিন তাঁহার দয়া হয়, এলো মেলো করিতে হয় না । নাগ-

মহাশয় তোমাকে ভালবাসিতেন, তাঁহার কথামত কাজ কর, তাঁহাকে পাইবে। তোমার চিন্তা কি ? আমরা তাঁহাকে হাবাইলাম। স্বামীর কথা শুনিয়া চূপ করিয়া রহিলাম।

সকল ব্যক্তি কি রকম লাগিল, তাহা বুঝিতে পারিলাম না। ভোরে উঠিয়া বাহিরে গেলাম। যদিকে তাকাই, সেই দিক যেন বলিয়া দিতেছে, নাগমহাশয় আমাদের কাছে ছাড়িয়া গিয়াছেন। আকাশের দিক তাকাইলাম, মনে হইল, তাঁহাকে না দেখিতে পাইয়া আকাশ কাঁদিতেছে। বৃক্ষলগ্নাদি বলিয়া দিতেছে, তিনি কেথায় গেলেন। পশুপক্ষীর রব শুনিয়া মনে হইতে লাগিল, তাহারা অভাব অনুভব করিয়া আকুল প্রাণে চারি দিকে চাহিতেছে। সকলেই তাঁহাব জন্ত কাঁদিতে দেখিয়া আমার প্রাণ হাতাকাব করিয়া উঠিল। আমি বাগানে যাইয়া কাঁদিতে ছিলাম, স্বামী শব্দ পাইয়া, ডাকিয়া আনিয়া বলিলেন, উচ্চৈঃস্ববে কাঁদিও না, হৃদয়ের ভাব বাহির হইয়া যাইবে। তাঁহাকে মনে রাখিতে হয়। আমি কাঁদিতে কাঁদিতে স্বামীকে বলিলাম, তুমি ৬মাস পূর্বে আমাকে বলিয়াছিলে, পৃথিবীতে কি একটা বিশেষ অমঙ্গল হইবে। আকাশের দিকে তাকাইলে তোমার মনে হইত, চন্দ্র-সূর্য যেন কাঁদিতেছে—সূর্যের প্রাণ আর তেমন নাই, চন্দ্রের সৌন্দর্য্য কমিয়া গিয়াছে। আজ বাহিরে আসিয়া তাহা অনুভব করিলাম। যে দিকে তাকাই সেই দিকেই দেখিতে পাই, সকলেই যেন তাঁহার জন্ত কাঁদিতেছে। যখন তিনি ছিলেন, যদি তোমার এই কথা তাঁহাকে বলিতাম, তবে ইহার অর্থ বুঝিতে পারিতাম। হায়, হায়, তিনি আমাদের কাছে ছাড়িয়া গিয়াছেন। এখনও মনে হয়, আমি দেওভোগ গেলে তাঁহাকে দেখিতে পাইব। তিনি বলিলেন, শাস্ত হও। দেওভোগ

গেলে আর তাঁহাকে দেখিতে পাইবে না। ঐ চন্দ্রবদন আর আমাদের তাপিত প্রাণ নীতল করিবে না। তিনি বলিয়াছেন, তাঁহাকে হৃদয়ে খুঁজিতে হয়। স্বামী আমার ভাব গতিক দেখিয়া, তাঁহার নিকট বসাইয়া রাখিলেন। স্বামীর ভুল বিশ্বাস ছিল, আমি তাঁহার অভাবে মরিব। জীব কি কখন তাঁহাব জন্ত প্রাণ দিতে পারে !

আমার সব্ব কনিষ্ঠ ভ্রাতা, নারায়ণ কুমার তখন হইয়াছিল। ২৫ দিন পর নাগমহাশয় চলিয়া গেলেন, মাতা তাহা শুনিয়া কাঁদিয়া বহিতে লাগিলেন, তিনি কাহাকেও কষ্ট দেন নাই। চলিয়া যাইবার সময়েও তিনি আমাকে আতুর ঘরে রাখিয়া গেলেন না। হা ঠাকুর, তুমি চলিয়া গেলে? এমন ঠাকুর আর হইবে না। আমার বড় ভগ্নী আমাকে সাহায্য করিয়া, মাথায় তৈল দিলেন। ঘরের বাহির হইতে কেমন বোধ হইতে লাগিল। কাহাকে কিছু বলিলাম না। চুপ করিয়া বসিয়া রহিলাম। বিছানার নিকট ভাত আনিয়া দিলেন। স্বামী অনেক বলিয়া আমাকে খাওয়াইলেন। জীব কি আর তাঁহার জন্ত না খাইয়া পারে! যখন দুগ্ধ পান করিতে বলিলেন, তখন আর সহ হইল না। আমি বলিলাম, মনে করিয়া-ছিলাম, নাগমহাশয় দুগ্ধ খাইলে, আমি তাহা খাইব। স্বামী বলিলেন, তিনি দেহ ধরিয়া থাকিলে ভিন্ন কথা ছিল, এখন না খাইয়া পারিবে না। অনেক পীড়া-পীড়ি করিয়া দুগ্ধ খাওয়াইলেন। দুগ্ধ খাইয়া কাঁদিতে কাঁদিতে স্বামীকে বলিলাম, আমার উপর তাঁহার এত দয়া ছিল, যেদিন জনমের মত তাঁহাকে দেখিয়া আসিলাম, সেই দিন তিনি আমাকে শুনাইয়া ছুই কিছুক দুগ্ধ চাহিয়া খাইলেন। যদি তিনি আমাকে জানাইয়া ছুই কিছুক দুগ্ধ না খাইতেন,

আজ আমার অনুতাপের সীমা থাকিত না । আমি তাঁহার অসুখেব কথা শুনিয়া তাঁহাকে দেখিতে গেলে, মাঠাকুরাণী বলিয়াছিলেন, তাঁহার অসুখ, দুধ দিলে তিনি খান । ধরচের অভাবে সকল দিন তাঁহাকে দুধ দেওয়া যায় না । আমি এই কথা পিতাকে বলিলাম । পিতা মাঠাকুরাণীকে পাঁচটা টাকা দিতে গেলেন, তিনি তাহা নিলেন না । পিতা ও আমি মনে কষ্ট পাইয়া চলিয়া আসিলাম । কোন উপায় নাই, কারণ নাগ-মহাশয় কাহার হইতে কিছু গ্রহণ করেন না । মাঠাকুরাণী টাকা লইলেন না । আর কাহাকে টাকা দিব ? তখন মনে মনে বলিলাম, বিশ্বব্রহ্মাণ্ড তোমার জিনিষ খাইয়া জীবন ধারণ করিতেছে, আর তোমার দুগ্ধ খাইতে পযসা হয় না । যখন তুমি দুগ্ধ খাও না, আমিও আর তাহা খাইব না । এই দেড় মাস হয় দুগ্ধ খাই না । তুমি ভিন্ন এই কথা কাহাকেও বলি নাই । মাতা ও ভগ্নী কি মনে কবেন জানি না । কি ভাবিয়া তোমার কাছে আমাকে দুগ্ধ দিলেন, বুঝিতে পারিলাম না । দুগ্ধ খাইয়া মনে হইল, এই জন্ত নাগমহাশয় শুইয়া শুইয়া আমাকে জানাইয়া, দুই ঝিনুক দুগ্ধ খাইয়াছিলেন । স্বামী বলিলেন, তাঁহার দয়ার কি শেষ আছে ? আমরা পাষণ, তাহা বুঝিতে পারি না । যদি মামুষ হইতাম, তাহা হইলে কি তাঁহাকে ভুলিয়া এই ভাবে থাকিতে পারিতাম । স্বামীর কথা শুনিয়া, আবার তাঁহাব গুণ, তাঁহার অপরিমিত স্নেহ মনে পড়িতে লাগিল । বাবা, এত স্নেহ করিয়া, কি করিয়া ফেলিয়া গেলে ? খাইবার সময় একবার এই জীবের কথা মনে করিলে না ? জালাসুখ সংসার ছাড়িয়া, তোমার সুখময় স্থানে চলিয়া গেলে । যখন তুমি



ছিলে, একদিনও ভাবিতে পারি নাই, তুমি এমন কাজ করিতে পারিবে। হৃদয়ের ব্যথা হৃদয়েই রহিল। আব কোন কথা বলিতে পারিলাম না।

বিকাল বেলা স্বামী মাঠাকুরাণীর জন্ত ফল আনিতে গেলেন। আমি বড় ঘরে গেলাম। পিতা আমার দিকে চাহিয়া বলিলেন, মাগো, হুই দিনে তোমার চক্ষু ও মুখ কি হইয়া গেল? ভগবান্ ভক্তের নিকট হইতে কখন বাইতে পারেন না। যখন তোমবা মনে কর, তাঁহাকে দেখিতে পাও। কষ্ট হইল আমাদের। আমি বলিলাম, বাবা, নাগমহাশয়ের জন্ত কি জীব প্রাণ দিতে পারে? পিতা চুপ করিয়া মলিন মুখে বসিয়া রহিলেন। স্বামী ফল লইয়া আসিয়া আমাকে বলিলেন, তিনি পরদিন দেওভোগ যাইবেন। তাহা শুনিয়া আমার চক্ষের জল পড়িতে লাগিল। মনে হইল, কি দেখিতে দেওভোগ যাইবে? স্বামী আমার মুখের দিকে তাকাইয়া রহিলেন, কি যেন বলিবেন, আমার ভাব দেখিয়া বলিতে সাহস পাইতেছেন না। আমি তাঁহার ভাব দেখিয়া বিজ্ঞাসা করিলাম, মা, তোমার সাথে কথা বলিয়াছেন কি? স্বামী বলিলেন, যখন নাগমহাশয় বলিলেন, বাঁচাও বাঁচাও, রাখ রাখ, আমি সব বুঝিতে পারিয়া পরদার নিকট নিরাশ হইয়া বসিয়াছিলাম। মাঠাকুরাণী তাহা দেখিতে পাইয়া, আমাকে ডাকিয়া বলিলেন, মধ্যে আসুন। এই কথা শুনিয়া, আমার বুক ফাটিয়া বাইতে লাগিল। বাবা, এখন তুমি কোথায়? মা তোমার সন্তানের সাথে কথা বলিয়াছেন, আদর করিয়া তোমার সামনে লইয়া গিয়াছেন। তুমি কতমধুর বচন বলিয়াও মাঝে শাস্ত করিতে পার নাই। স্বামী বলি-

লেন, সকলই তাঁহার দয়া। অল্প সময় দূরে বসিয়া মনে করিয়াছি, এক সময় তাঁহাকে দেখিতে পাইব। সেইদিন যখন নাগ মহাশয় বলিলেন, বাচাও, বাচাও, রাখ, রাখ, আমি বুঝিতে পারিলাম, আমাদিগকে দয়া করিয়া ইহা বলিয়া যাইতেছেন। যতদিন তিনি রহিলেন, সাক্ষাতে অসাক্ষাতে সমভাবে দয়া করিয়াছেন। আমাদিগকে ছাড়িয়া যাইবার সময় ও বিশেষ করিয়া ছুষ করিয়া দিতে বলিলেন, নিজকে বাঁচাইয়া আমাকে রাখ। সেই সময় প্রাণ ছটফট করিতে লাগিল, আর দূরে থাকিতে পারিলাম না। মা না ডাকিলে কি যেকরিতাম, জানিনা। তিনি আমাকে দয়া করিয়া সব সময় সকল অবস্থায় ধরিয়া রাখিয়াছিলেন। সেদিন তোমাকে লইয়া দেওভোগ হইতে আসি, সেই রাত্রে তিনি শরৎবাবুকে তীর্থের নাম কবিত্তে বলিয়াছিলেন। শরৎ বাবু তীর্থের নাম করিতে লাগিলেন, তিনি তাহা যেন প্রত্যক্ষ দেখিয়া বর্ণনা করিলেন, ইহাই কেবল শুনিতে পারি নাই। তাহা ছাড়া তিনি সকল দিন দয়া করিয়া তাঁহার কাছে রাখিয়াছিলেন।

স্বামী হঠাৎ বলিলেন, মা তোমাকে লইয়া যাইতে বলিয়াছেন। তাহা শুনিয়া আমার দম ফাটিয়া যাইতে লাগিল। বাবা হুর্গাচরণ, এখন তুমি কোথায়? যে আমি দেওভোগ গেলে, তোমাকে মাঠাকুরাণীর কাল মুখ দেখিতে হইত, কর্কশ কথা শুনিতে হইত, আজ সেই মা আমাকে তোমা ছাড়া দেওভোগ কেমন দেখায়, তাহা দেখিতে যাইতে বলিয়াছেন। বাবা! তুমি এখন কোথায়? স্নেহের পার্শ্বতীর আদর-যত্ন করার জন্য শত খোঁসামুদি করিয়াছ, কিছুতেই তোমার মনের মত মাকে করিতে

পার নাই। তোমার স্নেহ পাওয়ায় তোমার সন্তানের কোন কষ্ট হয় নাই, সন্তানের উপর তোমাব এমনই স্নেহ ছিল। মা তোমার মত স্নেহ করিলে, সন্তান কতই না সুখ অনুভব করিত। মা স্নেহটুকু করেন নাই বলিয়া, সদানন্দ হইয়াও অনেক সময় নিরানন্দ হইতে। বাবা, তোমার যত্নেব কোন ক্রটি ছিল না, মা যত্ন করেন না বলিয়া তোমার দুঃখ হইত। তোমাব অভাবে মা তোমার সন্তানের যত্ন করিলেন, তাঁহার সহিত কথাও বলিলেন; আমাকেও যাইতে বলিলেন। এখন তুমি কোথায়? বাবা, এখন আমি কি দেখিতে দেওভোগ যাইব? স্বামী আমার ভাব দেগিয়া হৃদয়ে অতিশয় কষ্ট পাইলেন। তিনি মনে করিলেন, দেওভোগ গেলে ষাঁহার পিছনে থাকিত, এখন কেন মুখে বলিব তাঁহার শ্মশান দেখিতে চল। আমার পাষণ হৃদয় সব সহ করিতে পারে, ও কি তাঁহার শ্মশান দেখিয়া ঠিক থাকিতে পারিবে? তিনি হাতে ধরিয়া বলিয়াছিলেন, উহাকে কষ্ট দিবেন না, এসময় উহাকে দেওভোগ লইয়া যাওয়া প্রাণে মারা। মা আমার পাষণ হৃদয় দেখিয়া, বোধ হয় আমাকে এমন নির্দয় কাজ করিতে বলিলেন। যিনি বাজারে গেলে, পথে দাঁড়াইয়া থাকিত, এমন ভক্তকে কি করিয়া শ্মশান দেখাইব। তবে যখন সংসারে রহিল, একদিন শ্মশান দেখিতে হইবেই। এখন গেলে যদি মার কাজ হয়, এখন যাওয়াই বরং ভাল।

স্বামী এইরূপ আক্ষেপ করিয়া আমাকে তাহা বলিলেন। আমি তাঁহার মুখের দিকে তাকাইলাম। দেখিলাম, তাঁহার দুইটা চক্ষু ছলছল করিতেছে। তাবে বলিয়া দিতেছে, তোমাকে কি দেখাইতে দেওভোগ নিয়া যাইব। তিনি বলিলেন, আমি পূর্বেই জানি,

এখন তোমাকে দেওভোগ বাইতে বলিলে, তুমি কষ্ট পাইবে । কি করি ? নাগমহাশয় আমাদেরিগকে ছাড়িয়া চলিয়া গেলেন । অনেক দিন এই সংসারে থাকিতে হইবে । যদি আমাদের সুকৃতি থাকিত, আমরা তাঁহাকে রাখিয়া চলিয়া বাইতে পরিতাম । যখন তাহা হইল না, এখন বুঝিতে হইবে, আমাদের অনেক ভোগ করিতে হইবে । যখন তাঁহার অভাবে জীবন রহিল, সংসারে অনেক প্রাক্তন ভোগ আছে । এখন আর তিনি নাই যে, যাহা ইচ্ছা হইবে ; তাহা করিতে পারিব । এখন আমাদেরিগকে প্রত্যেকটা কাজ বিচার করিয়া করিতে হইবে । যখন তাঁহার অভাবেও এজগতে রহিলাম, একদিন দেওভোগ বাইতে হইবে । মা আমাকে লইয়া বাইতে বলিয়াছেন, চল । নাগমহাশয় চলিয়া গেলেন, একদিনের তরেও তাঁহার কোন সেবা করিতে পারিলাম না । মা রহিলেন, সামান্য সেবা কবিত্তে পারিলে বহুভাগ্য মনে কবিব । তোমাকে বেনী কি বলিব ? আমি তোমার চেয়ে তাঁহাকে বেনী জানি না । মা তাঁহার চিহ্ন রহিলেন । মার সেবা করিলেই তাঁহার সেবা হইবে । স্বামীর কথা শুনিয়া দেওভোগ বাইতে রাজি হইলাম সত্য, মনে আশুনা জ্বলিতে লাগিল । আগে দেওভোগ যাওয়ার কথা হইলে, মনের আনন্দহেতু সময় ফুরাইতে চাহিত না । এখন দেওভোগ বাইতে মনের আনন্দ দূরের কথা, হৃদয়ে জ্বালা উপস্থিত হয় । স্বামীর মনে নিদারুণ ব্যথা, আমাকে কি দেখাইতে দেওভোগ নিবেন । আমার মনেও অসহনীয় জ্বালা, আমি কি দেখিতে তথায় বাইব ।

সেই রাত্ৰিতে আর যাওয়া হইল না । উভয়ই মনের হৃৎখে শুইয়া রহিলাম । পিতা, মাতা, ভগ্নিগণ অনেক অকুরোধ করিলেন,

খাইতে প্রবৃত্তি হইল না । পিতা স্বামীকে বলিলেন, দেওভোগ ত লইয়া চলিলে, সাবধানে থাকিও । রাত্র ভোর হইল । প্রাণ কাঁদিয়া উঠিল । বাবা দুর্গাচরণ, যে দেওভোগে হাসিয়া যাইতাম, আজ সেই দেওভোগে কাঁদিয়া যাহতে হইল । আমি যে কি পাষণী, তাহা অত্রে জানিল না । পিতা ও মাতা মনে করিলেন, নাগমহাশয়কে দেওভোগে না দেখিয়া, আমি না জানি কি করিয়া বসি । পিতা স্বামীকে অনেক সাবধান করিয়া দিলেন । আমরা রওনা হইলাম । পথে মনে করিতে লাগিলাম, দেওভোগ যাইয়া দেখিতাম, নাগমহাশয় বারান্দায় বসিয়া থাকিতেন । আমাকে দেখিলে হাসিতে হাসিতে উঠিয়া আসিতেন । আজও বোধ হয় তাঁহাকে সেইরূপ বারান্দায় বসি দেখিতে পাইব । বাড়ীর নিকট যাইয়া কি ভাব হইল, বলিতে পারি না । বাড়ী গেলাম, লক্ষ্য রহিল, নাগমহাশয় যেখানে বসিয়া থাকিতেন । দূর হইতে সেই স্থান দেখিলাম । বারান্দা পড়িয়া রহিয়াছে, তিনি নাই । মাঠাকুরাণী আমাকে দেখিয়া কাঁদিয়া কাঁদিয়া বলিলেন, মাগো, কি দেখিতে আসিলি ? এ পোড়া মুখ আর দেখাইব না । যেখানে তিনি বসি থাকিতেন, আমি সেইখানে পড়িয়া রহিলাম । আমি বলিলাম, মাগো, এখানে না তিনি বসিয়া থাকিতেন ? এখন তিনি কোথায় গেলেন ? আমি কাহার কাছে আসিলাম ?

আমার সঙ্গে আমার এক পিসী ছিলেন । তিনি আমাকে ধরিয়া রহিলেন । নাগমহাশয়ের চিহ্ন মনে করিয়া মা ঠাকুরাণীকে জড়াইয়া ধরিলাম । মাঠাকুরাণী বলিলেন, এ পোড়া মুখ আর দেখাইব না । আমার শব্দ পাইয়া, মাসী কাঁদিয়া 'উঠিলেন ।' বাবাগো, 'তোমার পঞ্চসারের পুকী আসিয়াছে, তুমি কোথায় ?

ঠাহার কুন্না শুনিয়া আমার প্রাণ আরও আকুল হইয়া উঠিল । উঠিয়া যাইয়া ঠাহাকে বলিলাম, মাসী মা তিনি কি বাজারে গিয়াছেন ? আমি আসিলে ত তিনি কোন স্থানে থাকিতেন না । তিনি আমাকে ফেলিয়া শুধু বাজারে যাইতেন । আমি পথে দাঁড়াইয়া থাকিতাম, হাসিতে হাসিতে বলিতেন, মা, এ ভাবে কেন দাঁড়াইয়াছ ? এত সময় হইল আমি আসিয়াছি, কাদিতেছি, আসিয়া জিজ্ঞাসা করিলেন না, মা, তুমি কাদ কেন ? আগে পথে দেখিলে, তিনি বলিতেন, মা, তুমি এখানে কেন ? বাড়ীতে এস । যদি আমি আসিয়া ঠাহাকে বাড়ীতে না দেখিতাম, মনে করিতাম, তিনি বাজারে গিয়াছেন । মাসী মা বলিলেন, তোমার জ্যেষ্ঠা ওখানে শুইয়া আছেন । মনের কি গতি হইল, উদ্ধ্বাসে শ্মশানে চলিয়া গেলাম । দেখিলাম, ঠাহার কোন চিহ্ন নাই । কতকটা স্থান বাঁশের বেড়া দিয়া ঘেরিয়া রাখিয়াছে । তাহা দেখিয়া বলিলাম, বাবা, তুমি এখানে শুইয়া রহিয়াছ ? পাপিনীর তাপে বোধ হয় ঠাণ্ডা মাটিতে শয্যা পাতিয়া শুইয়া আছ ? কি দেখিতে আসিলাম । বাবা হর্গাচরণ, তুমি উঠিয়া এই পাপিনীকে দেখা দাও ! বাবা, আমি কোন স্থানে একাকী দাঁড়াইয়া থাকিলে, তুমি সকলকে ফেলিয়া আমাকে খুঁজিতে যাইতে । যে পর্য্যন্ত আমি বাড়ীতে জানিতাম না, তুমি আমার সঙ্গে দাঁড়াইয়া থাকিতে । আজ আমি একাকী তোমার জন্ত ভয়ঙ্কর স্থানে বসিয়া আছি, একবারও ত আসিয়া সামনে দাঁড়াইলে না । তোমার এত আদরের হইয়া, তোমার এই ভীষণ দৃশ্য দেখিতে হইল ? বাবা, যখন তুমি আদর করিয়াছ, তোমার স্নেহমাখা হাসি দেখিয়া মনে করিয়াছিলাম, তোমার এই আদর চিরকালই থাকিবে । সমস্ত

আশা ভাঙ্গিয়া, সর্বনাশ করিয়া, কোথায় চলিয়া গেল, কিছু জানিতে পারিলাম না। বাবা, এক সময় তুমি বলিয়াছিলে, মা, যাহার নাশ নাই তাহাকে ধরিতে হয়; দুইদিন পর আসিয়া দেখিবে, এই দেহ পুড়িয়া গিয়াছে, সব শেষ হইয়া গিয়াছে। ছাই পড়িয়া রহিয়াছে। তখন আমি তোমার স্নেহে ভুলিয়া তোমার কথা নিগূঢ়তর বুক্তিতাম না। সত্যময়, তোমার কথা বেদবাক্য। বাবা, তুমি এমন করিয়া লুকাইলে, কেহ দেখিতে পাইল না। বাবা দুর্গাচরণ, তুমি কোথায় গেলে? একবার দেখা দেও। দূরে দাঁড়াইয়া দেখিব, আর তাপ দিব না। তোমার গায় আর তাপ লাগিবে না। স্থানে যাইয়া প্রাণ যে কিরূপ হইল, বসিয়া রহিলাম। মুখ ঘুরাইয়া তাকাইয়া দেখিলাম, স্বামী মলিন মুখে দাঁড়াইয়া আছেন। জানিনা তিনি কি বলিতে চাহিয়া ছিলেন।

স্বামী সারদানন্দ ঢাকা হইতে আসিলেন। সকলেই তাঁহার নিকট গেলেন। নাগ মহাশয়কে না দেখিয়া আমার প্রাণ আকুল হইয়া উঠিল। যে দিকে তাকাই, সেই দিকেই নাগমহাশয়ের কথা মনে করিয়া দেয়। আমি দেওভোগ গেলে, সব সময় তাঁহার পিছনে থাকিতাম। আমার মনে হইতে লাগিল, নাগমহাশয় যেন আমার সঙ্গে ঘুরিতেছেন। এক স্থানে যাইয়া দেখিতে পাইলাম, অসুখের সময় নাগমহাশয় যে থুথু ফেলিয়া ছিলেন, একটা নারিকেলের খোলে তাহা পড়িয়া রহিয়াছে। তাহা দেখিয়া প্রাণ কাঁদিয়া উঠিল। বাবা, আমার দেখার জন্য থুথু রাখিয়া গিয়াছ? মহা প্রসাদ বলিয়া খাইব মনে করিয়া ধরিতে গেলাম। কি এক ভাব হইল, থুথু দেখিয়া তাঁহার অনন্ত গুণ

মনে পড়িল। লক্ষ করিয়া দেখিলাম, সাধারণ লোকের খুঁ হইতে ইহার বর্ণ ভিন্ন ছিল, যেন ইহা হইতে একটা জ্যোতি বাহির হইতেছে। সেই জ্যোতি নাগমহাশয়ের শরীরের আভা মনে করিয়া দিতেছে। জ্যোতিতে মোহিত হইয়া রহিলাম। কৰ্মভোগ করিতে হইবে, তাহা আর মুখে তুলিয়া দেওয়া হইল না।

কতক্ষণ খুঁ দেখিয়া, অন্য স্থানে যাইয়া দেখিলাম, একটা মাটির ঘটে নাগমহাশয়ের মল পড়িয়া রহিয়াছে। প্রাণ আরও কানিয়া উঠিল। বাবা, তুমি যে মল ত্যাগ করিয়াছ, তাহাও পড়িয়া রহিয়াছে, কেবল তোমার দেহ নাই। বাবা-ছুর্গাচরণ, কোথায় গেলে তোমাকে দেখিতে পাইব ? আমি আর ত থাকিতে পারি না। তোমার সব পড়িয়া রহিয়াছে, শুধু তুমি নাই। তৎপর পাগলের মত, যে পথ দিয়া তিনি নটবরবাবুদের বাড়ী যাইতেন, সেই পথে চলিয়া গিয়া, একটা ছাড়া বাড়ীতে দাড়াইয়া বলিতে লাগিলাম, বাবা ছুর্গাচরণ, একবার দেখা দেও। আমি পথে দাড়াইয়া থাকিলে, তুমিত বলিতে, এভাবে দাড়াইয়া কেন ? বাড়ীতে যাও। একাকা ছাড়া বাড়ীতে দাড়াইয়া আছি, একবার আসিয়া বারণ করিয়া যাও। বাবা, তোমাকে না দেখিয়া, তোমার বাড়ীতে আর থাকিতে পারিলাম না। তোমার সেই বাড়ী, সেই ঘর, সেই পথ, সকলই পড়িয়া রহিয়াছে, কেবল তুমি নাই। তুমি যে একখানা ছেঁড়া চটে বসিতে, তাহাও পড়িয়া রহিয়াছে, তুমি যে তামাক খাইতে সেই হুঁকাটা পড়িয়া রহিয়াছে, তোমার তামাকের বাটিতে তামাক আছে, একবার আসিয়া চটে বসিয়া, হুঁকাটাতে তামাক খাও। বাবা, যে দিকে তাকাই সর্বত্র তোমার চিহ্ন দেখিতে পাই, শুধু তোমাকে দেখিতে পাইনা। বাবা,



তোমাকে দেখিব মনে করিয়া, সকল জায়গায় তোমাকে খুঁজিয়াছি, কোথায়ও তোমাকে দেখিতে পাইলাম না। বাবা হুর্গাচরণ, তুমি যে আমগাছটার নাচে বসিয়া তামাক খাইতে, সেই গাছের নাচে কতবার গেলাম, যথায় তুমি বসিয়া থাকিতে, সেই স্থানে লক্ষ্য করিয়া দেখিলাম, শুষ্ঠ স্থান পরিয়া রহিয়াছে,—তুমি নাই। মাথা নত করিয়া দাড়াইয়া থাক, তুমি বোধ হয় বাজার করিতে গিয়াছ, আসিয়া আমাকে ডাকিবে, কতটুকু সময় ওভাবে থাকিয়া, যে পথে বাজারে যাহতে সেই পথে তাকাইয়া দেখিলাম, তুমি আসিতেছ কি না। হায়, হায়, কত বুদ্ধি করিলাম, কোন বুদ্ধি দ্বারা তোমাকে দেখিতে পাইলাম না! কি করি! আর ত তোমাকে না দেখিয়া থাকিতে পারি না। বাবা, তুমি আমাকে এত ভালবাসিতে, এত স্নেহ করিতে এখন কি করিয়া এভাবে রহিলে? তুমি কখন আমার মলিন মুখ দেখিতে পারিতে না, এখন আমার চক্ষের জল দেখিয়া কি তোমার দয়া হয় না? হায়, হায়, তুমি এই ভাবে ভুলিয়া রহিলে! আমি এমন পাবানী ছিলাম, তোমার এমন স্নেহেও হৃদয়ে সংসারের জ্বালা আসিত। একবার তোমার সন্তান ঢাকা চলিয়া গেলেন, আমি মলিন মুখে বসিয়া ছিলাম, তুমি সকল ছাড়িয়া আমাব কাছে আসিয়া বলিলে, আমাকে প্রবোধ দিয়া কহিলে, কলেক্স ছুটি হইলে আসি'ব। সংসারের জ্বালা দূর করিতে কাছে আসিয়াছিলে, এখন যে তোমার জন্ত কাঁদিতেছি, তাহা দেখিয়া তোমার কি এক বারও দয়া হয় না? বাবা, আব পারি না, যেখানে দাড়াইয়া তুমি আমার সাথে কথা বলিতে, সকল স্থান দেখিয়া আসিলাম; তোমাকে কোথায়ও দেখিতে পাইলাম না। বাবা, যেদিকে তাকাই মনে হয়

যেন সকলেই তোমার অভাবে কাঁদিতেছে, সকলেই আমার মত তোমাকে খুঁজিতেছে, কেহই তোমাকে পাইতেছে না । বল দেখি বাবা, কোন্ পথে গেলে. তোমাকে পাইব ? তুমি এত স্নেহ করিয়া কি করিয়া লুকাইলে ; জীবনে কি আর সত্যই তোমাকে দেখিব না ? যখন বুঝিতে পারিলাম, এ ভাবে খুঁজিলে তাঁহাকে পাইব না, তখন কি এক অবস্থা হইল, দাড়াইয়া রহিলাম । মনে হইল, বাবা, কোথা হইতে একবার দেখা দাও, আমি তোমাকে ধরিব না, দূর হইতে একবার মাত্র দেখিব । তখন দেখিলাম, তিনি যেন আমার কষ্ট দেখিয়া, মুখখানা মলিন করিয়া চক্ষুধারী আমাকে বাড়ীতে আসিতে বলিলেন এবং হৃদয়ে খুঁজিতে বলিলেন । কোথায় যে তাঁহাকে দেখিলাম, তাহা বলিতে পারি না । মনে হয় যেন তাঁহাকে চক্ষুর সামনে শূন্যে দেখিলাম । আমি তাঁহাকে ওভাবে দেখিয়া বাড়ীতে আসিলাম ।

ব্রাহ্মমণ লইয়া আবার বারান্দারদিকে তাকাইলাম, বিশ্বাস তথায় নাগমহাশয়কে বসিয়া থাকিতে দেখিব । বারান্দা সেইভাবেই পড়িয়া আছে, তাঁহাকে হারাইয়া কাঁদিতেছে । অনেক সময় তিনি রান্নাঘরের নিকট দাড়াইয়া আমার সাথে কথা বলিতেন, দেখিব আশা করিয়া রান্নাঘরের দিকে তাকাইলাম, সেই রান্নাঘর দাড়াইয়া রহিয়াছে, তিনি নাই । হায়, কি হইল ! সত্য সত্যই তাঁহাকে জনমের মত হারাইলাম ? স্নানের সময় আসিল, মনে হইল, বাবা, আজ এত সময় হলো আসিয়াছি, একবার আসিয়া বলিলে না, মা তুমি স্নান করিয়াছ কি ? আমার উপর তোমার দয়ার শেষ ছিল না । তুমি আমাকে এত স্নেহ করিতে, ঘুম হইতে উঠা আরম্ভ করিয়া, পুনরায় শোয়া পর্য্যন্ত আমার খোঁজ করিতে

সকল কাজেই ভগবানকে মনে করিতে বলিতে । মুখ ধুইয়া তোমার নিকট গেলে, তুমি বলিতে, এখন সত্যযুগ ভগবানকে স্মরণ করিতে হয় । এই অমিয়মাথা কথাটা বলিয়া তুমি বসিয়া থাকিতে, আমি তোমাকে দেখিতাম । সকাল বেলা এইভাবে যাইত । স্নানের সময় স্নান করিতে বলিতে, খাওয়ার সময় খাইতে বাইতে বলিতে, সন্ধ্যা হইলে আমি কোথায় রহিয়াছি, তাহা দেখিতে । এখন সেই স্নেহের কি হইল ? আজ সকল দিন চলিয়া গেল সন্ধ্যা হইয়া আসিতেছে, একবারও অিজ্ঞাসা করিলে না । মাঠাকুরাণী সময় মত স্নান করিতে, খাইতে বলিলেন, তাহাতে আমার হৃদয় বিদীর্ণ হইয়া যাইতে লাগিল । সন্ধ্যা হইয়া আসিলে, আমাকে ফাঁপর করিতে লাগিল । যেখানে তিনি বসিয়া থাকিতেন, সেইস্থানে বসিয়া গাছ-গুলির দিকে তাকাইয়া রহিতাম । গাছের শব্দ শুনিয়া, মনে হইল, তাহারাও তাঁহাকে হারাষ্টয়া কাঁদিতেছে । আমিও তাঁহাকে হারাষ্টয়া কাঁদিতেছি !

আমার গলা দিয়া রক্ত পড়িল । গলা দিয়া রক্ত পড়া মাত্র নাগমহাশয় সৈন্ধব নুনের জল খাইতে বলিয়াছিলেন । রক্ত দেখিয়া মনে হইল, বাবা দুর্গাচরণ, তুমি পাষণীর দেহের অন্ত ঔষধ ব্যবস্থা কেন করিয়াছিলে ? এ দেহ হইতে কি হইবে ? তুমি তাহাকে এত দয়া করিতে, সে তোমার অভাবে প্রাণ রাখিল ! দয়াময়, কেন যে এ পাষণীর প্রতি তোমার এত দয়া ছিল, জানি না । বাবা দুর্গাচরণ, তুমি তাহাকে শিলাপিলারূপে দেখা দিয়াছিলে, সে তোমার দয়ার উপযুক্ত পাত্রী ছিল । সে শিলাপিলার পাষণরূপ না দেখিয়া, এমন ভাবে খুঁজিত, তুমি তাহাকে দেখা না দিয়া পারিতে না । আর আমি তোমার এমন দয়ার মূর্তি খুঁজিয়া বাহির

করিতে পারিলাম না । বাবা দুর্গাচরণ, তুমি বলিয়া গিয়াছিলে, তোমাকে হৃদয়ে খুঁজিতে হয় । তুমি আমার হৃদয়ে আছ, আমি মোহে এমন অন্ধ হইয়াছি, তোমাকে দেখিতে পাঠিতেছি না । তোমার কথা অবহেলা করিয়া, বাহিরে খুঁজিতেছি । আমি তোমার যেমন স্নেহ পাইয়াছি, যেমন মধুমাখা কথা শুনিয়াছি, যদি পাবাগও তোমার এখন স্নেহ পাইত, সে সমস্ত ভুলিয়া তোমাকে হৃদয়ে খুঁজিয়া বাহির করিত । আমার রক্ত-মাংসের পিণ্ড কখনও বিদীর্ণ হইবে না । বাবা দুর্গাচরণ, এমন হৃদয়শূন্য জীবে কেন তোমার অসীম স্নেহ ছিল, জানি না ! তোমার বাড়ীর গাছগুলি আমার চেয়ে তোমাকে বেশী ভালবাসে । উহারা সুধু তোমার বাতাস পাইয়া সুখ অনুভব করিয়াছিল । তোমার স্নেহমাখা কথা শুনে নাট । তোমার পরমব্রহ্মরূপ স্পর্শ করিতে পারে নাই । তোমার বাতাস পাইয়া, তাহারা তোমাকে এত ভালবাসিত । আমি তোমার স্নেহ পাইয়া, অমিয় মাখা কথা শুনিয়া, তোমাকে স্পর্শ করিয়া কি হইয়া রহিলাম ? হার, হার, সত্য সত্যই কি তোমাকে এই জগতে হারাইলাম ! আমি এখনও আশে পাশে তাকাইয়া থাকি, এই বোধ হয় তুমি আসিলে । বাবা দুর্গাচরণ, এত স্নেহ দেখাইয়া এই ভাবে ছাড়িয়া চলিয়া গেলে ! তোমার ত সব জানা ছিল । তুমি কেন এই নিকৃষ্ট জীবকে স্নেহ করিয়াছিলে ? আবার জনমের মত অদৃশ্য হইয়া চলিয়া গেলে ! মাঠাকুরাণীকে বলিলাম, আমাকে একটু সৈন্ধব দুগ দিন । তিনি আমাকে বিজ্ঞাসা করিলেন, গলা দ্বিগা রক্ত পড়িল কি ? আমি বলিলাম, হাঁ । মাঠাকুরাণী তাহা শুনিয়া হঃখিতা হইলেন । আমি অস্ত্রদিকে চলিয়া গেলাম । যদি নাগমহাশয় দেখিতেন, আমার

গলা দিয়া রক্ত পড়িলে মাঠাকুরাণী দুঃখিতা হইয়াছেন, তিনি কত স্নেহী হইতেন ।

রাত্রি আসিল । মাঠাকুরাণী বড় ঘরে শোয়ার জন্য বিছানা করিলেন, কারণ নাগমহাশয় আমাকে কখনও অন্য বাড়ীতে শুইতে দিতেন না । মাঠাকুরাণীর বিছানা একটু দূরে করিলেন । আমি দুই বিছানা একত্র করিলাম । মাঠাকুরাণী বলিলেন, আমার বিছানার সহিত তোমার বিছানা লাগাইও না । আমি কিছু বুঝিলাম না । হরপ্রসন্নবাবু বারান্দায় ছিলেন । তিনি বলিলেন, যখন মা মর্না করিতেছেন, মানিতে হয় । তখন আমি তাঁহার কথা বুঝিতে পারিলাম । হরপ্রসন্নবাবু স্বামীকে ছোট ভাইয়ের মত স্নেহ করেন । তাঁহার কথা শুনিয়া, আমার মনে হইল, যিনি আমার ইষ্ট ব্যক্তিরেকে অন্য জানিতেন না, তিনি আমার অনিষ্ট করিবেন না । মনের কথা মনে রহিল । সকল রাত নাগমহাশয়ের গুণগ্রাম মনে পড়িতে লাগিল । বাবা, কোথায় আসিলাম ! দেওভোগ আসিয়াও তোমাকে একবার দেখিলাম না । দিন রাত্রি চলিয়া যাইতেছে । একটু ঘুম আসে, আবার জাগিয়া উঠি । রাত্রি ভোর হইল । আবার তাঁহার কথা মনে পড়িল, তাঁহার নিয়ম হৃদয়ে জাগিল । তাঁহার নিয়ম মনে করিয়া মাঠাকুরাণীর নিকট বসিলাম । আশা ছিল, নাগমহাশয়ের কথা শুনিব । মাঠাকুরাণী কতকগুলি কুলোকেয় নাম করিয়া, তাহাদের দোষের কথা বলিতে লাগিলেন । তাহা শুনিয়া আমার মনে বিষম আঘাত লাগিল । মনে মনে নাগমহাশয়কে স্মরণ করিয়া বলিতে লাগিলাম, বাবা দুর্গাচরণ, কি শুনাইতেছ ? সকাল বেলা তোমার কাছে বসিলে মনে একটা বাজে কথা

উঠিলে, আমি বলিয়া দিতে, এখন সত্য যুগ, অল্প কথা মনে আনিতে নেই, ভগবানকে চিন্তা করিতে হয় । মনের কথা দূরে গেল, মাঠাকুরাণী নিজেরই অল্প কথা বলিতেছেন । বাবা, তুমি চলিয়া যাওয়ার পর এখনও ১০ দিন হয় নাই । আমি মনে করিয়াছিলাম, মাঠাকুরাণী তোমার অল্প ব্যাকুলা হইয়া ভোরের সময় কাঁদিবেন । তাঁহাকে শ্রবণ করিয়া চুপ করিয়া রহিলাম ।

হরপ্রসন্নবাবু ঘরের বারান্দায় শুইয়া ছিলেন । তিনি 'অয় গুরু' বলিয়া উঠিলেন । তখন মাঠাকুরাণী বলিলেন, সকালে কি করিতেছি ? তাহা শুনিয়া আমার মন বড় বিরক্ত হইল । কোথায় মাঠাকুরাণী নাগমহাশয়ের নিয়ম অটুট ভাবে পালিবেন, তাহা না করিয়া তিনি সেই নিয়ম লঙ্ঘন করিতেছেন । যেখানে ভোরেই তাঁহার নিয়ম ভঙ্গ হয়, সেই স্থানে থাকিয়া কি লাভ ? কাহাকেও কোন কথা বলিলাম না । মন কি রকম হইয়াগেল । বেলা হইল । নাগমহাশয়কে মনে করিয়া সকল বাড়ী ঘড়িতে লাগিলাম । কোন স্থানেই তাঁহার দেখা পাইলাম না । স্বামীর কথা মনে হইল । তিনি বলিয়াছিলেন নিজ নিজ কর্ম লইয়া রহিলাম । বিনা সাধনে নাগমহাশয়কে এ জীবনে আর পাইব না । স্বামী বলিলেন, তিনি সেই দিন বৈকালে ঢাকা যাইবেন, তাহা শুনিয়া প্রাণটা কেমন করিয়া উঠিল, কিছু বলিলাম না । তিনি মাঠাকুরাণীকে অতিশয় ভক্তি করেন । স্বামীর কথা আমি মাঠাকুরাণীকে তাঁহার চিহ্ন বলিয়া ধরিয়া ছিলাম । সকালে উঠিয়াই মাঠাকুরাণী তাঁহার নিয়ম লঙ্ঘন করিলেন দেখিয়া মন একবারে কেমন হইয়া গেল । তখন স্বামীকেই তাঁহার চিহ্ন মনে হইতে লাগিল । নাগমহাশয় স্বামীকে বড় ভাল বাসিতেন । স্বামী তাঁহাকে আপন বলিয়া ভাবিতেন ।

তিনি সাধ্যমত নাগমহাশয়ের নিয়ম পালন করিতেন । মনের গতিক দেখিয়া তিনি সাহায্য করিলেন । গলা দিয়া অনেক রক্ত পড়িতে লাগিল, বুকে ব্যথা হইল । আমার এই অবস্থা দেখিয়া, স্বামী আমাকে দেওভোগ রাখিতে ইচ্ছা করিলেন না । তাঁহার মুখ বিবর্ণ হইয়া গেল, কাহাকেও কিছু বলিলেন না । মাঠাকুরাণী আমার অসুখ দেখিয়া স্বামীকে বলিলেন, আজ উহাকে নিয়া যান, ভাল হইলে কাজের সময় নিয়া আসিবেন ।

মাঠাকুরাণীর আদেশ পাইয়া, স্বামী আমাকে লইয়া চলিয়া আসিলেন । আসার সময় বাড়ীরদিকে ফিরিয়া তাকাইয়া স্বামীকে বলিলাম, দেখ, অল্প দিন তুমি ও আমি চলিয়া আসিতে থাকিলে, যত দূর দেখা যাইত, নাগমহাশয় তাকাইয়া থাকিতেন । আজ তিনি কোথায় ? তুমি আমাকে লইয়া একাকী ষ্টেশনে আসিলে, তিনি সঙ্গে আসিতে চাহিতেন । আজ সঙ্গে আসা দূরের কথা, একবার তাকাইয়াও দেখিলেন না । স্বামী মলিন মুখে সকল কথা শুনিলেন, কোন কথা বলিলেন না । রাত্রে পঞ্চসার আসিলাম । স্বামী বলিলেন, পরীক্ষা সামনে, এখন পড়িতে হইবে । যাহা হইবার হইয়া গেল । আমি মাঠাকুরাণীর কথা শ্রবণ করিয়া বলিলাম, তিনি ভাল কাজ করিলে সুখী হইতেন, অন্টার করিলে দুঃখিত হইয়া তাহা হইতে বিরত করিতেন । যখন তিনি ছাড়িয়া গেলেন, এখন সকল দিক দেখিয়া চলিতে হইবে । তাঁহার অল্প কাহার প্রাণ গেল না । এখনও যতটুকু তাঁহার কথা বলি, কেবল নিজের সুখের জন্য । সংসারের জীব সংসারের কাজ করিতেই হইবে । তিনি বলিয়াছেন, গলায় ঢোল পড়িয়াছে, বাজাইলেই সিদ্ধি । স্বামী মনের

ভাব কিছুই বুঝিলেন না । এই কথার তাঁহার অভাব বুঝিলেন । স্বামী হুঃখিত অন্তঃকরণে বলিলেন, সংসারের কাজের অন্তই রাখিয়া গেলেন । ১৫ দিন গেলে ইচ্ছায় হউক আর অনিচ্ছায় হউক, একবার দেওভোগ যাইয়া, তাঁহাকে দেখিয়া, তাঁহার অমৃতোপম কথা শুনিয়া, তাপিত প্রাণ শীতল করিয়া আসিতাম । দেওভোগ না যাইয়া যদি সংসার লইয়া মজিয়া থাকিতাম, তিনি নিজে ডাকিয়া নিতেন । এখন আর কে ডাকিয়া নিবে ? যত কাল জীবিত থাকিব, সংসারের বোঝা টানিতে হইবে, তুমি তাহা বুঝিতে পারিয়াছ ত ? এখন আর কেহ দেখার নাই, নিজে বুঝিয়া কাজ করিয়া চলিবে । তাঁহার গুণ বলিয়া মুখে হুঃখে রাত কাটিয়া গেল ।

সকালে চলিয়া আসিবার সময় স্বামী বিষণ্ণমনে কি বলিবেন মনে করিয়া আমার দিকে তাকাইয়া রহিলেন । তাঁহার মুখ দেখিয়া আমার মনে হইল, কাল মুখ করার সময় চলিয়া গিয়াছে । আর কি বাকি আছে ? তাঁহাকে কিছু না বলিয়া, আমি তাঁহার দিকে চাহিয়া রহিলাম । আমার ভাব দেখিয়া স্বামী বলিলেন, তিনি আমাদিগকে ছাড়িয়া চলিয়া গিয়াছেন । পূর্বে সকলেই মনে করিয়াছি, তিনি গেলে কি ভাবে থাকিব ? এখন সেই ভাব কাহারও নাই । তবে জানিবা, তোমার বন্ধনের কারণ আমি, আমার বন্ধনের কারণ তুমি । আমি তাঁহার দেহের এক অংশ আনিয়াছি, এই লও । তুমি পূজা করিও । বড় যতনের জিনিষ, যতনে রাখিও, দেখিও তাঁহার যেন অক্ষত না হয় । ইহা দেখিয়া তোমার প্রাণে সুখ হইবে না । আমার হৃদয় পাষণে নিশ্চিত, উজ্জ্বল ভগবান্ আমাদ্বারা এই মূব কাজ করাইলেন । নাগ-



মহাশয়ের শরীরের অংশ দেখিয়া আমার চক্ষে জল আসিল । মনে হইল, বাবা, তোমার সোণার দেহ কে এমন করিল ? আর তুমি কিরূপে আমার কাছে আসিলে ? স্বামী বলিলেন, দেখিও, পূজা করিয়া অতিশয় সাবধানে রাখিয়া দিও : ফুল, বেলপাতার সঙ্গে রাখিও না । আমি জিজ্ঞাসা করিলাম, ইহা কোথায় রাখিব ? স্বামীর চক্ষু ছল ছল করিতে লাগিল, কোন কথা বলিতে পারিলেন না । কতক সময় পরে বলিলেন, আমাকে জিজ্ঞাসা করিতেছ, ইহাকে কোথায় রাখিবে ? তাঁহাকে হৃদয়কন্দরে রাখ । নয়নজলে চরণগুণল ধোয়াইও, কেশদামে তাহা মুছাইয়া দিও । প্রাণ ভরিয়া ভক্তিকুমুমাঞ্জলি দিও এবং নয়ন ভরিয়া তাঁহাকে দেখিও । ইহাই তাঁহার উপযুক্ত । যদি তাহা না পার, একটা নূতন কোটা আন, আমি তাহাতে রাখিয়া দিব । আমার একটা নূতন কোটা ছিল । স্বামী তাহাতে নাগমহাশয়ের শরীরের অংশ রাখিয়া দিলেন । আমি বলিলাম, তিনি থাকতে কোটাটা সুন্দর দেখিয়া কিনিয়াছিলাম, তখন স্বপ্নেও মান করিতে পারিয়াছিলাম না, এই কোটা এই কাজে লাগিবে । সোণার দেহ কি হইয়া গেল !

স্বামী বলিলেন, নাগমহাশয় তোমাকে বলিয়া গিয়াছেন, আমি রোজ তাঁহার পূজা করিব, তাই তিনি এইরূপে তোমার কাছে আসিলেন । তুমি এখন রোজ তাঁহার পূজা কর । তাঁহাকে স্মরণ করিয়া, তাঁহাকে হৃদয়ে ধারণ কর । তিনি এইরূপে তোমাকে দেখিবেন । তিনি বলিয়াছেন, আমি ভাবি ক্ষেপাচণ্ডী কখন কি করিয়া বসে । তিনি তোমাকে এত স্নেহ করিতেন । তিনি দেখিলেন, তিনি আর থাকিতে পারেন না, কে ক্ষেপাচণ্ডীকে দেখিবে ? সুতরাং তিনি ক্ষেপাচণ্ডীকে শাস্ত রাখার জন্য

পূজার বিধি করিয়া এই রূপে আসিলেন । স্বামীর কথা শুনিয়া বলিলাম, এখন তিনি বলিয়াছিলেন, আমি রোজ তাঁহার পূজা করিব, রোজ পূজার কাজ করিব, এক দিন পূজার কাজ করিয়া কি বসিয়া থাকিব, তখনই আমি বুঝিতে পারিয়া ছিলাম, আমি রোজ তাঁহার পূজার কাজ করিতে পারিব । কি ভাবে যে তাহা করিব, ইহা জানিতাম না । চন্দ্র সূর্যের গতি রোধ হইতে পারে, তথাপি তাঁহার বাক্য মিথ্যা হইতে পাবে না । স্বামী বলিলেন, তাঁহার কথা অনুসারে তোমার পূজা আসিল । তাঁহার কথা রাখ । তিনি তোমার মঙ্গলের জন্য, স্নেহের সহিত তোমাকে এই কথা বলিয়া গিয়াছেন । ঘরে বসিয়া তাঁহার পূজা কর, তাহা দেখিয়া তিনি সুখী হইবেন । স্বামীর কথা শুনিয়া, নাগমহাশয়ের শরীরের অংশ হাতে নিলাম । স্বামী বলিলেন, ইহাকে স্পর্শ করিয়া কোন অসার চিন্তা করিও না ।

নাগমহাশয় চলিয়া গেলেন পর স্বামীর মন কেমন হইয়া গেল । যখন তিনি ছিলেন, স্বামী দেওভোগ হইতে আসিয়া ২১৩ দিন স্নান করিতেন না, কারণ নাগমহাশয়কে নমস্কার করিয়া, তাঁহার পদধূলি মাথায় দিয়াছেন, স্নান করিলে তাহা ধুইয়া যাইবে । ২১৩ দিন পর স্নান করিতেন এবং ভাবিতেন, আবার দেওভোগ যাইয়া, তাঁহার পদধূলি মাথায় দিব । ৭১৮ দিন হইল নাগমহাশয় চলিয়া গিয়াছেন, স্বামী তাঁহার চরণকমল হৃদয়ে ধারণ করিয়াছেন, মস্তকে রাখিয়াছেন, এ জনমের মত আর ত তাহা পাইবেন না । ইহা ভাবিয়া তিনি স্নান করেন না । আমিও খেয়াল করিয়া কিছু দেখি নাই । যখন আমার হাতে নাগমহাশয়ের শরীরের অংশ দিয়া, আমার সাথে কথা বলিতেছেন, আমি দেখিতে পাইলাম,

ঠাঁহার মাথার চুলগুলি অতিশয় রুক্ষ হইয়াছে । আমি জিজ্ঞাসা করিলাম, তুমি কতদিন স্নান কর না ? স্বামী বলিতে লাগিলেন, ও পদধূলি আর কি পাইব ? স্নান করিলেই ত উহা ধুইয়া যাইবে । যতদিন স্নান না করিলে চলে, ততদিন স্নান করিব না । শরীর স্নান রাখার জন্য স্নানের প্রয়োজন, যদি তাহা না করিলে কোনরূপ অসুবিধা বোধ না হয়, তবে স্নান করার দরকার কি ? আমি বলিলাম, তিনি আমাকে বলিয়াছেন, স্বাস্থ্যরক্ষা পরমধর্ম । দেহে জ্বালা থাকিলে, ভগবানে মন যায় না । দেহে জ্বালা থাকিলে, সমাধি হয় না । যাহাতে দেহ ভাল থাকে, সেই ভাবে থাকিতে হয় । তোমাকে নাগমহাশয়ের কথা বেশী কি বলিব ? তুমি আমার চেয়ে ঠাঁহাকে কম জান না ।

স্বামী মাথা হেঁট করিয়া চুপ করিয়া রহিলেন । ঠাঁহার মুখ দেখিয়া মনে হইল, তিনি ভাবিতেছেন, স্নান করিলে পদধূলি ধুইয়া যাইবে, যদি পদধূলি ধুইয়া যায়, তবে দেহ কি স্নান থাকিবে ? যখন ঠাঁহাকে যাঁতে দেখিয়া, ঠাঁহার সাপে মন গেল না, তখন এমন কি আর ঠাঁহাতে থাকিবে ? আমি ঠাঁহার ভাব দেখিয়া বলিলাম, তুমি আমাকে বলিয়াছ, তোমার বন্ধনের কারণ আমি, আমার বন্ধনের কারণ তুমি । যখন ঠাঁহার নিয়মবদ্ধ হইয়া রহিলাম, ঠাঁহার নিয়মানুসারে সকল কাজই করিতে হইবে । নাগমহাশয় বলিয়াছেন, পথে পথে থাকিতে হয়, এলোমেলো করিতে হয় না । এখন যদি তুমি স্নান না করিয়া শরীর অসুস্থ কর, তাহা তোমার ঠিক কাজ হইবে না । স্বামী বলিলেন, আমি কোন অসুবিধা বোধ করি না । আমি বলিলাম, ঠাঁহার পদধূলি মাথায় রাখিয়া অসুস্থ করিতেছে, তাই অসুবিধা

বোধ হইতেছে না । যতদিন তাঁহার পদধূলি মস্তকে থাকিবে, ততদিন কোন কষ্ট অনুভব করিবে না । সকল সময় মন আর এমন ভাবে তাঁহাকে স্মরণ করিবে না, কয়েক দিনের ভিতর বি, এ, পরীক্ষা দিবে, পড়িতে বাইতেছে । পড়ার সময় কোন মতেই তাঁহাতে এভাবে মন থাকিবে না । লোকের সঙ্গে মিশিবে, এভাবে রহিবে না । একবার স্নান ছাড়িয়া দিলে, ইচ্ছা করিলেও সহজে তাহা করিতে পারিবে না । হঠাৎ অনুশ্র হইবে । আমার কথা শুনিয়া, স্বামী কতক সময় চিন্তা করিলেন । অবশেষে তিনি স্নান করিতে স্বীকৃত হইলেন । তিনি স্নান করিয়া, যুগ কাল করিয়া বলিলেন, এতদিন মনে করিয়াছিলাম, তাঁহার পদধূলি আমার মস্তকে আছে, দেবতার আরাধ্য পদ আমার হৃদয়ে আছে, আজ হইতে সেইটুকুও শেষ হইয়া গেল । আর কি পদধূলি পাইব ? যখন তিনি ছিলেন, দেওভোগ হইতে আসিয়া ২।৩ দিন স্নান করি নাই, ভয় ছিল পদধূলি ধুইয়া বাইবে । যেদিন স্নান করিতাম, মনে হইত, আর কয়েকদিন পর দেওভোগ গিয়া তাঁহার পদধূলি মাথায় ও কপালে মাথিব । আজ কি মনে করিব ?

আমি বলিলাম, তুমি দেবতার আরাধ্য চরণযুগল হৃদয়কমলে ধারণ করিয়াছিলে । ওচরণ স্পর্শ করিয়া ধূলি পড়িয়া যার, বাহার অদৃষ্ট ভাল, সে তাহা অবনতশিরে ধারণ করিয়া জীবন সফল করে । ঐ পদ স্পর্শ করিয়াছিল বলিয়া ধূলির এত মাহাত্ম্য । তোমার দেহ তাঁহার পদধূলির মত হইয়া রহিয়াছে । দেবতা যে চরণ ধ্যানে পায় না, তুমি সেই চরণ হৃদয়ে ধারণ করিয়াছ, ঐ বক্ষই তাঁহার পদধূলির সমান । কত ধূলি ত পড়িয়া আছে, কে তাহার আদর করে ? ও চরণ স্পর্শ করিলে দেবগণও আদর

করেন । ভগবানের চরণ হৃদয়ে ধারণ করায় তোমার দেহ তাঁহার পদধূলি হইয়া রছিল । আমাদের পাপদেহধারণ বিড়ম্বনা মাত্র । স্বামী বলিলেন, যে চরণ বক্ষে ধারণ করিয়াছিলাম, তাহা এখনও অনুভব করিতেছি । আমার মনে হয়, তাঁহার পা দুখানা আমার হৃদয়ে আছে । স্নান করিলে কাপড়ের ও মাথার ধূলি ধুইয়া যাহবে, এই মনে হইতেছে ।

যখন নাগমহাশয় আমাদের মধ্যে ছিলেন, তখন স্বামী প্রাতে উঠিয়া নিয়মমত তাঁহার ধ্যান করিতেন, তাঁহার নাম জপ করিতেন । তৎপর একটা গান করিতেন, বৃকে ও কপালে তাঁহার নাম লিখিতেন । তিনি চলিয়া গিয়াছেন পর, পূর্বের মত সকালে ও সন্ধ্যায় নাগমহাশয়ের ধ্যান করেন, একটা গান করেন, বৃকে হাত বুলাইয়া কপালে মাথেন এবং তাঁহার নাম লিখেন । একদিন আমি তাঁহাকে বৃকে হাত বুলাইয়া কপালে মাথিতে দেখিয়া জিজ্ঞাসা করিলাম, এ কি করিতেছ ? স্বামী বলিলেন, এই বক্ষে নাগমহাশয় পা দিয়াছিলেন । এখনও সেই পদযুগল বক্ষে বিরাজ করিতেছে । তাহা হইতে ধূলি আনিয়া কপালে মাথি । তৎপর তাঁহার নাম লিখি । একদিন আমি নাগমহাশয়কে জিজ্ঞাসা করিয়াছিলাম, আমার কি করা উচিত ? তিনি হাসিতে হাসিতে বলিলেন, গান করিতে হয় । আমি বলিলাম, সকল দিনই গান করিব ? তিনি আবার হাসিতে হাসিতে বলিলেন, প্রাতে একটা গান করিবেন । তিনি তোমাকে অনেক করিতে বলিয়াছেন, আমাকে সুধু প্রাতে একটা গান করিতে বলিলেন । তিনি জানিতেন, আমি কি অপদার্থ । আমি সকল দিন 'তাঁহাকে স্মরণ করিতে পারিব না । সাধন ভজনে মন যাইবে না । আমার

ভক্তিশূন্য হৃদয়, বিশ্বাসহীন মন । তাই নিজের মান নিজে রাখিলেন । সকল দিনের মধ্যে একটা গান করিতে বলিলেন । এই জন্তই তিনি ভগবান্ ছিলেন । জীবের কাজে ভুল হয়, শিবের কাজে কি কখন ভুল আছে ? আজ পর্যন্ত স্বামী বুকে হাত ব্লাইয়া কপালে পদধূলি মাখেন, পরে তাঁহার নাম লিখেন । তাহা দেখিলে আমার মনে হয়, এখনও যেন স্বামী অনুভব করিতেছেন, তাঁহার মোক্ষদ্রবণ তাঁহার বক্ষে বিদ্যমান আছে । নাগমহাশয় স্বামীকে সকলের তোলা মাখন বলিয়াছেন । নাগমহাশয় যে কে, স্বামী তাঁহাকে দেখিয়াই বুঝিতে পারিয়াছিলেন । তাঁহার একটা মহৎগুণ, তিনি কখনও নাগমহাশয়কে কোন বিষয়ে কষ্ট দেন নাই । সকল সময় নাগমহাশয়ের মুখের দিকে চাহিয়া থাকিতেন । তাঁহার দৃঢ় বিশ্বাস ছিল, যাহাতে তাঁহার মঙ্গল হইবে, নাগমহাশয় আপনিই তাহা করিবেন । কোন কথা বলিয়া তাঁহাকে যন্ত্রণা দেন নাই, সাক্ষাতে কিম্বা অসাক্ষাতে, সকল সময় তাঁহার দিকে তাকাইয়া কাজ করিতেন । যে কাজ অন্ত্যম মনে করিতেন, যে কাজ নাগমহাশয় বিরক্ত হইবেন ভাবিতেন, প্রাণান্তেও সেই কাজ করিতেন না । তাহাব প্রমাণ, যখন আমি কুচিন্নামোড়া হইতে চলিয়া আসিলাম, আমাকে কর্কশ কথা বলিলে, তিনি মনে কষ্ট পাইবেন, সেই জন্ত আমাকে একটা কথাও বলিলেন না । স্বামী ভিন্ন আমরা প্রায় সকলেই নাগমহাশয়কে অনেক কষ্ট দিয়াছি ।

নাগমহাশয় ছাড়া স্বামীর কিছু ছিল না । যখন তিনি বেও-  
ভোগে আসিতেন, একমনে নাগমহাশয়কে দেখিতেন । তাঁহাকে

কোন কথা বলিতেন না । যদি কোন বাসনা হইত, মনে মনে নাগমহাশয়কে বলিতেন । অন্তর্যামী নাগমহাশয় তাহা জানিয়া পূর্ণ করিতেন । নাগমহাশয় স্বামীর উপর বড় সুখী ছিলেন । সময় সময় হরপ্রসন্নবাবুকে বলিতেন, পার্বতী ছেলেটা বড় শাস্ত । ভগবানের সুখ দুঃখ নাই সত্য, তিনি জীবের অনন্ত দোষ ক্ষমা করেন । কিন্তু যখন তিনি দেখিতে পান, জীব সীমা অতিক্রম করিতেছে, তাহাকে একবার ছুষ্ করিয়া দেন । আমার কোন গুণ ছিল না । নাগমহাশয় নিজগুণে আমাকে এত স্নেহ করিয়াছেন । যে তাহা দেখিয়াছে, সেই হৃদয়ে অনুভব করিয়াছে, আমার উপর নাগমহাশয়ের অসীম স্নেহ প্রকাশ পাইত । আমি হৃদয়হীন জীব, স্নেহ পাইয়া মনে করিতাম, এই সুখে চিরদিন যাইবে । একবারও নাগমহাশয়ের দিকে তাকাই নাই । যাহা ইচ্ছা হইত, অবিচারিত চিন্তে তাহা করিয়াছি । এমন কি, সে নাগমহাশয় নিজে দুঃখ পাইয়া, আমাকে সুখী করিতে চেষ্টা করিয়াছেন, মাঠাকুরাণীর এক কথায় সেই নাগমহাশয়ের উপর অভিমান করিয়া চলিয়া আসিলাম । একবার চিন্তা করিলাম না, আর কি তাঁহাকে দেখিব ? যিনি স্নেহ করিয়া নিজগুণে আমাকে কোলে নিয়াছেন, তিনি এমন কথা বলিতে পারেন না । নাগমহাশয় জীবের কৰ্ম ও অভিমান দেখিয়া জনমের মত আমাকে সড়াইয়া দিলেন । যিনি তাঁহার মুখের দিকে তাকাইয়া, জীবনের ভার তাঁহার চরণে অর্পণ করিয়া বসিয়াছিলেন, নাগমহাশয় গতদিন ছিলেন, ততদিন তাঁহাকে সামনে রাখিয়াছিলেন । এমন কি, শেষ দিন আমার নিকট হইতে অস্থির করিয়া লইয়া গেলেন । আমি পড়িয়া রহিলাম । ইহার কারণ আর কিছু নয়, নাগমহাশয় তাঁহার প্রকৃত সন্তানকে টানিয়া

নিলেন । নিকৃষ্ট অভিমানী জীবকে সড়াইয়া দিলেন । ভগবান সমস্ত সহ করেন, অভিমান সহেন না ।

স্বামীর কাজ দেখিয়া, মাঠাকুরাণীও বলিলেন, আপনি জন্মজন্মান্তরে পুত্র ছিলেন, পুত্রের কাজ করিলেন । নাগমহাশয় মাঠাকুরাণীকে বলিয়াছিলেন, মেয়ে হইলেও এই, জামাই হইলেও এই । তুমি কাঁদ কেন ? পরের পুত্রে পুত্রবতী ভাগ্যবতী যশোদা । যখন মাঠাকুরাণী কাঁদিয়া নাগমহাশয়েব কথা বলিলেন, তাহা শুনিয়া, স্বামীর সমস্ত গুণ মনে পড়িল । তিনি চলিয়া গেলেন পর, স্বামীর এমন হইয়া ছিলেন, কাহাকে কিছু বলিতেন না । কোন দিনও তিনি ধর্ম বিষয়ে কিছু বলেন নাই । আমি স্বামীকে দেখিয়া, তাঁহার কাছে থাকিয়া অনুভব করিয়াছি, নাগমহাশয় ছাড়িয়া গেলে তাঁহার হৃদয় হইতে যেন সব চলিয়া গিয়াছিল । থাকিতে হইবে থাকিতেন, খাইতে হইবে খাইতেন, পড়িতে হইবে পড়িতেন । মনে হইত, তিনি যেন সর্বদা নাগমহাশয়েব অভাব অনুভব করিতেন । রাত্রে শুইয়া থাকিতেন, কখন ঘুমাইতেন, কখন নাগমহাশয়কে চিন্তা করিয়া অধীর হইতেন, তাঁহার ভাব দেখিয়া মনে হইত, তিনি কি করিয়া নাগমহাশয়ের নিকট বাইতে পারিবেন, সেই চেষ্টা করিতেছেন । আমি পাষণী, নাগমহাশয়ের এত স্নেহ পাইয়াও, তাঁহাকে ভুলিয়া রহিলাম । স্বামী আমাদের মত লোক দেখাইয়া কখনও নাগমহাশয়কে ভক্তি করিতেন না, অথচ ভালবাসিতেন । নাগমহাশয় থাকিতেও যেমন তাঁহার মন ও মুখ এক ছিল, তিনি চলিয়া গেলেও তাহা সেইরূপ রহিল । শেখনবমীপূজার দিন গোয়াল নাগমহাশয়ের বাটীতে খরাপ দধি দিয়াছিল, নাগমহাশয় ঔর্দ্ধৈহিক ক্রিয়ার সময় সেই গোয়ালি



জিনিষ দিতে স্বামীর মনে আঘাত লাগিল । মাঠাকুরাণী অণ্ড গোয়ালী হইতে দধি লইলেন । স্বামী বিক্রমপুর হইতে নৌকা ভাড়া করিয়া গোয়ালী সহ কীর নিয়া গেলেন । হৃদয়ে নিদারুণ ব্যথা । মনের বেদনা মনে রাখিয়া, নিয়মমত নাগমহাশয়ের সকল কাজ নিজে দেখিয়া করিলেন । তখন তিনি বিএ পড়েন, নিজের টাকা ছিল না । আমাৰ মাতাকে বলিলেন, আপনার হাতে টাকা থাকিলে এখন আমাকে দেন, পরে পাইবেন । মাতা বলিলেন, টাকা পবে দিতে না পারিলেই বা কি ? সংসারে পিতা মাতার শ্রদ্ধে লোকে কত করে, কে এমন কার্য্য করিতে পারিবে ? স্বামী মাতার নিকট হইতে টাকা ধার করিয়া, সাধ্যমত মাঠাকুরাণীকে ফল ও অণ্ডাদ্রব্য দিয়াছিলেন । ঔদ্ধৈহিক ক্রিয়ার সময় কীর ও সামান্য টাকা মাঠাকুরাণীকে দিয়া সংসারের হিসাবে জনমেব মত নাগমহাশয়ের কাজ শেষ করিয়া রাখিলেন । নাগমহাশয়ের কাজ শেষ হইয়া গেল, স্বামীর মনে হইল, এই কয়েক দিন তাঁহার কাজের উপলক্ষ করিয়া, নানা কাজ করিয়াছি, আজ তাহাও শেষ হইয়া গেল । এখন নিজের কর্ম্ম লইয়া সংসারের জীব সংসারে রহিব ।

নাগমহাশয় গিয়াছেন পর মাঠাকুরাণী কোন কাজের প্রস্ত কলিকাতা আসিয়াছিলেন । বেলুড মঠে ঘাইয়া স্বামী সারদা নন্দ প্রভৃতির সাথে দেখা করিলেন । তাঁহারা বলিলেন, আমরা আপনাকে দেখিয়া নাগমহাশয়ের অভাব সহ করিতে পারিব না । আপনি সৰু লাল পেড়ে কাপড় পড়িবেন, হাতে সোনার বালা দিবেন । মাঠাকুরাণী তাঁহাদের কথা শিরোধার্য্য করিলেন । কলিকাতা হইতে দেশে ঘাইয়া, সোনার বালা তৈয়ার করাইয়া

আনিলেহু । নাগমহাশয়ের ঔর্দ্ধদৈহিক ক্রিয়ার পর, তাঁহার সমাধি স্থানে নাগমহাশয়ের ফটোর পাশ্বে বালা রাখিয়া, নাগমহাশয়কে নমস্কার করিয়া, সমাগত সকল ভক্তকে জিজ্ঞাসা করিলেন, বালা কি হাতে দিব ? যাহার যাহা মত ছিল, তিনি তাহা বলিলেন । হরপ্রসন্ন বাবু বলিলেন, যদি বালা হাতে দাও, চির কাল হাতে রাখিতে হইবে । ও এই বলে, সে তাবলে বলিয়া দুই দিন এই ভাবে, চারি দিন অন্ত ভাবে থাকিতে পারিবে না । মাঠাকুরাণী বলিলেন, আমিও সকলকেই জিজ্ঞাসা কবিতাম । আমাকে জিজ্ঞাসা করিলেন, তুমি কি বলিস্ ? আমি চূপ করিয়া রহিতাম । তিনি আবার জিজ্ঞাসা করিলেন । আমাকে চূপ করিয়া থাকিতে দেখিয়া স্বামী একটু বিরক্ত হইলেন এবং আমার দিকে তাকাইলেন । আমি মাঠাকুরাণীকে বলিতাম, আপনি যাহা ভাল বোধ করেন, তাহা করুন । মাঠাকুরাণী স্বামীর মত জিজ্ঞাসা করিলেন । স্বামী তাঁহাকে অতিশয় ভক্তি করিতেন । তিনি বলিলেন, দিলে ভালই হয় । মাঠাকুরাণী নাগমহাশয়ের ফটো নমস্কার করিয়া হাতে বালা পরিলেন । লাল পেড়ে কাপড় পরিধান করিলেন । হরপ্রসন্নবাবু ভক্তিভরে মাঠাকুরাণীকে বলিলেন, মা, তুমি বাবাকে রাখিলি । স্বামী মাকে কিছু বলিলেন না, আমাকে নির্জনে বলিলেন, মাঠাকুরাণী বালা পরায় তাঁহার অত্যন্ত সুখ হইয়াছে । মাঠাকুরাণীকে দেখিলেই প্রাণ কাঁদিয়া উঠিত, এখন তাহাকে দেখিলে মনে হয়, নাগমহাশয় জীবিত আছেন । আমি বলিতাম, বতটুকু সময়ের জন্য ? তিনি বলিলেন, মুহূর্তের তরেও চক্ষুর তৃপ্তি হইবে । তুমি বোধহয় এই জন্য চূপ করিয়া ছিলে ? আমি বলিতাম, হা । আমার মনে হইয়াছিল, আপনার হাতে বালা দেখিলে কি মান করিতে পারিব, তিনি

আছেন ? ইহা ভাবিয়া উত্তর দিলাম, আপনার যাহা ভাল বোধ হয়, তাহা করুন । স্বামী বলিলেন, তোমার মত ভক্তের মনে কি করিয়া এমন ভাব হইল, বুঝিতে পারি না । পূর্বে মাকে দেখিলেই নাগমহাশয়ের অভাব মনে হইত, এখন একটু ভাল হইল ? স্বামীর ভক্তি দেখিয়া, আমি চূপ করিয়া রহিলাম । নাগমহাশয় চলিয়া গেলে স্বামীর হৃদয়ে কেমন একটা ভাব হইয়াছিল । যখন আমার কাছে থাকিতেন, মন খুলিয়া নাগমহাশয়ের কথা বলিতেন । আমার কাছে সব সময় থাকিতে পারিতেন না । অনেক সময়ই অগ্রস্থানে থাকিতেন । যখন পড়িতে বসিতেন, নাগমহাশয়ের ফটো বুকে ঝুলাইয়া রাখিতেন, বুকে লইয়া শুইতেন । যদি কখন কোন কারণে ফটো বুকে রাখিতে পারিতেন না, তিনি অনুভব করিতেন, বুকের মধ্যে অতিশয় জ্বালা হইয়াছে । তাঁহার ফটো ধাবণ করিলেই হৃদয় ঠাণ্ডা হইয়া যাইত । যতদিন পর্যন্ত পড়িয়াছিলেন, সেহ ভাবেই থাকিতেন । পড়া শেষ হইলে, যখন কাজ পাইয়া, আমাকে লইয়া গেলেন, আবার মন খুলিয়া সকল কথা বলিতে আরম্ভ করিলেন ।

নাগমহাশয়ের শেষ অবস্থায় স্বামী শরৎবাবুকে কয়েকদিন দেওভোগে দেখিয়াছিলেন । তখন সকলেই বিষাদিত মনে থাকিতেন । তাঁহার সাথে নাগমহাশয়ের কোন কথা হয় নাই, সকলেই নাগমহাশয়ের অসুখের কথা চিন্তা করিতেন । শরৎবাবু স্বামীকে অতিশয় স্নেহ করিতেন । স্বামী নিজনে চূপ করিয়া বসিয়া থাকিলে, শরৎবাবু তাঁহাকে ডাকিয়া সামনে রাখিতেন । তিনি যেমন মহান, তাঁহার সকল কাজই তেমন উদার ছিল । কাহারও প্রতি তাঁহার ঘেব ছিল না । তিনি মনে করিতেন, নাগ-

মহাশয় সকলেরই সমান । নাগমহাশয় কাহার আপন, কাহার পর  
নন । নাগমহাশয় বাহাকে দয়া করিয়াছেন, তিনিই শরৎবাবুর  
আপন । শরৎবাবুর ভাবগুলি দেখিলে, নাগমহাশয়ের উপযুক্ত  
ভক্তি বলিয়া মনে হয় । নাগমহাশয়ের কথা তাঁহার মত কেহ জানে  
না । নাগমহাশয়েব জীবনী বাহির করিয়া জগতে অশেষ মঙ্গলসাধন  
করিয়াছেন ।

যখন নাগমহাশয় আমাদের মধ্যে ছিলেন, তখন শরৎবাবুর সঙ্গে  
আমার কোন কথা হয় নাই । কলিকাতা আসিয়াছি পর, অনেক  
দিন তাঁহার সহিত দেখা হইয়াছে । তিনি নাগমহাশয়ের জীবনী  
লিখার সময় তাঁহার বিষয়ে অনেক কথা বলিয়াছেন । একদিন  
বলিলেন, তিনি নাগমহাশয়েব আদেশ অনুসারে তাঁহার জীবনের  
কয়েকটা ঘটনা লিখিতে আরম্ভ করিয়াছেন, তজ্জন্ত ষতটা লোক  
ধরিতে পারিবে, তিনি ততটা লিখিয়া যাইবেন । বাহার ভিতর  
ভগবৎ ভাব আছে, সে পড়িয়াই তাহা ধরিতে পারিবে । শরৎবাবুর  
এই কয়েকটা কথা বেদের জ্ঞান সত্য । নাগমহাশয়ের বিষয়ে  
বাহা লিখিয়াছেন, সাধারণ লোক তাহা আগ্রহের সহিত পড়িবে,  
নাগমহাশয়ের দেব চরিত্র দেখিয়া অবাক হইবে । আর  
যিনি নাগমহাশয়কে মহাপুরুষ কিম্বা ভগবান্ বলিয়া মানেন,  
তিনিও অবাক হইয়া শরৎবাবুকে ধন্যবাদ দিবেন । তিনি সব কথা  
লিখিয়া গেলেন, কাহার নিকট উপহাসাস্পদ হইলেন না । সকলেই  
আগ্রহের সহিত নাগমহাশয়ের পুতচরিত্র গ্রহণ করিলেন । ইহা  
না হইবে কেন ? যিনি নাগমহাশয়ের জন্ত প্রাণ দিতে গিয়া-  
ছিলেন, তিনি কি আর সাধারণ মানুষ ? যদি তিনি নাগমহাশয়ের  
বিষয় জগতকে না বুঝাইতে পারেন, তবে আর কে পারিবে ?

আশ্চর্যের বিষয় এই, এই জীবনী পাঠ করিয়া যিনি নাগমহাশয়কে মহাপুরুষ কিম্বা ভগবান্ বলিয়া জানেন, যিনি দেখিতে পাইবেন, জীবনীতে সেইভাবে পবিস্ফুট হইয়াছে এবং যিনি তাঁহাকে সাধু বলিয়া ভাবেন, তিনিও তাঁহার দেবচবিত্রের মাধুৰ্য্য অনুভব করিবেন । সকলেই স্তুখী হইয়া এই জীবনী পাঠ করিতেছেন । ধন্য নাগমহাশয় ! ধন্য তাঁহার ভক্ত !

নাগমহাশয়ের জীবনী লিখিয়া ছাপাইবার পূর্বে শরৎবাবু ইহার কতক অংশ আমাদিগকে পড়িয়া শুনাইয়াছিলেন । স্বামী বলিলেন, দাদা, তাঁহার জীবনী এইভাবে লিখিলেন ? শরৎবাবু জিজ্ঞাসা করিলেন, তুমি বল কি ভাবে লিখিব । সুরেশবাবু সেই সময় উপস্থিত ছিলেন, তিনি বলিলেন, যেভাবে লিখিলে ভাল হয়, আপনি বলুন । স্বামী বলিলেন, আমি কি বলিব ? শরৎবাবু হাসিতে হাসিতে বলিলেন, আমি পণ্ডিত বলিয়া যাই, তোমরা বসিয়া শুনিতে থাক । স্বামী চুপ করিলেন । তখন আমরা বেলুড মাঠে যাইতেছিলাম । নৌকায় মাঠাকুরাণী, আমার পিতা-মাতাপ্রভৃতি অনেক লোক ছিলেন । আমি লজ্জা পাইয়া কিছু বলিলাম না । বাড়িতে আসিয়া শরৎবাবুকে একথানা চিঠি লিখিলাম । তাহাতে জিজ্ঞাসা কবিলাম, নাগমহাশয় ভগবান্ ছিলেন । ভগবান্ স্বীকার করিয়া তাঁহার বিনয় লিখা যায় কি না । তিনি উত্তর দিলেন, তোমরা মায়ের জাতি, কিছু বুদ্ধিতে পাব না । অগতঃ যে ভাবে নাগমহাশয়কে ধরিতে পারিবে, আমি সেই ভাবেই লিখিয়া যাইব । তবে যাহার ভিতর ভগবৎভাব আছে, সে পড়িলেই তাহা ধরিতে পারিবে । জীবনী বাহির হইলে, স্বামী তাহা পড়িয়া বলিলেন, নাগমহাশয়ের জীবনী বড়ই সুন্দর হইয়াছে । প্রত্যেকটা চিত্র

বলিয়া দিতেছে, নাগমহাশয় ভগবান্, কিছু ভাষা তাহা বলিতেছে না । এমন কোশলে লেখা হইয়াছে, গিনি নাগমহাশয়কে ভগবান্ বলিয়া জানেন, তিনি এই পুস্তক পড়িলে, নাগমহাশয়কে স্মরণ করিয়া ভগবৎভাবে অনুভব করিবেন । যে তাঁহাকে ভগবান্ বলিয়া না মানে, সে ইহা পাঠ করিয়া শিহরিয়া উঠিয়া বলিবে, মানুষ কি এমন থাকে ? এমন আদর্শ লোক কখন দেখি নাই । নাগমহাশয়ের সম্পূর্ণ জীবনী পাঠ করিয়া বুঝিতে পাবিলাম, শরৎবাবু সে বলিয়া-ছিলেন, আমি পণ্ডিত বলিয়া বাই, তোমরা বলিয়া শোন, এই কথাটি সত্য । জীবনী পাঠ করিয়া দেখিতে পাইবে, তিনি কি ভাবে নাগমহাশয়কে অঙ্কিত করিয়াছেন । বইখানা আমার এত ভাল লাগে, যতই পাঠ করি, ততই নাগমহাশয়ের ভাব অনুভব করিতে পারি । আজকাল অনেকেই অনেককে মহাত্মা বলিয়া লেখে । শরৎবাবু সেইভাবে কিছু লেখেন নাই । এমন সুন্দর ভাষা, কেবল ‘নাগমহাশয়’ লিখিয়া যে যেমন, তাহাকে সেই ভাবে বুঝাইয়াছেন । উপরে যে সাধু নাগমহাশয় লিখিয়াছেন, তাহার এক বিশেষ তাৎপর্য আছে । যখন শরৎবাবু নাগমহাশয়কে ভগবান্ বলিয়া লিখিবেন না, সাধু শব্দ প্রয়োগ করায় নাগমহাশয় অন্য হইতে পৃথক হইলেন । তিনি নাগমহাশয়ের ভক্ত, মহাজ্ঞানী । কাহার সাধা তাঁহার কাজে ভুল দেখায় ? স্বামীর কথা শুনিয়া নাগমহাশয়ের জীবনী পাঠ করিয়া দেখিতে পাইলাম, শরৎবাবু প্রকারান্তরে নাগমহাশয়কে ভগবান্ বলিয়া লিখিয়াছেন, আমি না বুঝিতে পারিয়া তাঁহাকে চিঠি লিখিয়াছিলাম । তিনি কেমন সুন্দর ভাবে নাগমহাশয়কে বুঝাইলেন ।

শরৎবাবুর স্ত্রী নাগমহাশয়কে ভক্তি করেন । একদিন আমি

তাঁহার বিষয় নাগমহাশয়কে জিজ্ঞাসা করিয়াছিলাম । তিনি বলিলেন, মেয়েটী বড় ধন্য । যেমন ঠাঁড়ি, তেমন সর। নাগমহাশয় তাঁহার সাক্ষী দিয়াছেন, তাঁহার কথা আর বেণী কি বলিব ? শরৎবাবুর স্ত্রী বড় শাস্তস্বভাবা । শশুর ও শশু তাঁহাকে যেখানে রাখিতেন, তাঁহাকে সেই স্থানে থাকিতে হইত, ইচ্ছা হইলেও দেওভাগ গিয়া নাগমহাশয়কে দেখিতে পারিতেন না । নাগমহাশয় তাঁহার মন জানিয়া, নিজগুণে তাঁহার মনোবাঞ্ছা পূর্ণ করিলেন । তিনি শরৎবাবুর বাড়ীতে গিয়াছিলেন । শরৎবাবুর স্ত্রী রাগা করিয়া মনের আনন্দে নাগমহাশয়কে খাটতে দিয়াছিলেন । নাগমহাশয় তাঁহার প্রদত্ত খাণ্ড গ্রহণ করিয়াছেন দেখিয়া, তিনি এত সুখী হইয়াছিলেন যে, এখনও তাঁহার সেই কথা জাজ্জল্যমান মনে রহিয়াছে । অল্প কয়েকদিন হইবে, আমার সহিও তাঁহার দেখা হইয়াছিল । তিনি আমাকে দেখিবামাত্র হাসিতে হাসিতে বলিলেন, নাগমহাশয় আমাদের বাড়ীতে গিয়াছিলেন । আমি রাগা করিলাম, তিনি খাটিলেন । ইহা শুনিয়া আমার মনে হইল, তিনি নাগমহাশয়কে খাণ্ডাটয়া যে সুখ পাইয়াছিলেন, এখনও তাহা নেন তাঁহার হৃদয়ে জাগিয়া রহিয়াছে । নাগমহাশয় তাঁহাদের বাড়ীতে দুই দিন ছিলেন । নাগমহাশয় ভক্তের হৃদয়ে থাকিবেনই, যে তাঁহাকে একদিন দেখিয়াছে, সে তাঁহাকে মনে করে । নাগমহাশয় সকলের আপন ছিলেন, কেহ তাঁহাকে পর মনে করে নাই ।

নাগমহাশয়ের উপর সারদাপিসীর টান থাকায়, তিনি মাঠাকুরাণীকে ভাল বাসেন । নাগমহাশয় আমাদের চকুর অন্তরালে গেলে, যে লোক নাগমহাশয়কে ভক্তি করিতেন,

সারদাপিসী তাহার উপর বড় সুখী হইতেন । স্বামী ভক্তির সহিত ঋগাকুরাণীকে টাকা দেন, তাগাতে তিনি তাঁহার উপর বড়ই সন্তুষ্ট । তিনি লোকের নিকট বলেন, পার্বতী আমার ভাইয়ের পুত্র । সে পুত্রের কাজ কবিয়াছে । তিনি একবার আমাদিগকে দেখিতে পঞ্চসার আসিলেন । স্বামী কোন কাজ উপলক্ষে বাড়ীতে গিয়াছিলেন । তাঁহাকে দেখিবার জন্ত চারিদিন পঞ্চসার রহিলেন । শেষদিন তাঁহার ননদিনী তাঁহাকে লইয়া গেলেন । তিনি মাণ্ড্যাব সময় কাঁদিতে কাঁদিতে বলিলেন, পার্বতীকে দেখিতে পাইলাম না । পার্বতী আমার ভাইয়ের পুত্র । পার্বতীকে দেখিলে, আমার ভাইয়ের কথা মনে হয় । ভাইত বিবাহ করিয়া বধকে কোন সুখ দেন নাই । ভাইয়ের অভাবে বধু যে একদিন ঘবে বসিয়া খাইবেন, ভাই তাহার যোগার রাখিয়া যান নাই । পার্বতী ভাইয়ের পুত্র ছিল । ভাই তাহাকে বধকে দিয়া গিয়াছেন । সে বধকে মায়ের মত রাখিয়াছে । পার্বতী বাচ্চিয়া থাকুক, আমার ভায়ের নাম থাকুক । ভাতৃবধর উপর ননদিনীর স্নেহ দেখিয়া সকল লোক তাঁহার দিকে চাহিয়া রছিল এবং বলিল, এমন না হইলে কি আর নাগমহাশয়ের সহোদরা হইতে পারেন ? ভাতৃবধর সুখে দুঃখে কোথায় ননদিনী সুখী ও দুঃখী হয় ? সংসারের লোকের মত হইলে, তিনি মনে করিতেন, কেহ আমাকে নাগমহাশয়ের ভগ্নী বলিয়া দেখিতে আসে না । তাহার বধকে কত যত্ন করে, আমার দিকে মুখ তুলিয়াও তাকায় না । আমি কেন উহাদিগকে দেখিতে যাইব ? ভাতৃবধর সুখে মান অপমান সমান বোধ করিয়া, ননদিনী উহাদিগকে দেখিয়া সুখী । ধন্ত নাগমহাশয় !, ধন্ত তাঁহার সহোদরা !!



নাগমহাশয়ের উপর সারদাপিসীর এত টান যে, দেওভোগ গেলেই তিনি নাগমহাশয়ের অভাব অনুভব করেন । তিনি বলেন, দেওভোগ গেলে এখন আমার মন টিকে না : যেখানে বসিয়া ঠাকুর উপদেশ দিতেন, এখন সেই সব স্থান পড়িয়া রহিয়াছে । কেবল ঠাকুর নাই, ঠাকুরের মিলে কথা নাই । সমস্ত দেখিতে পাই, আর প্রাণ জলিয়া উঠে । সেই বকম মিলে স্বরই কোথায় শুনিতে পাই না । বধঠাকুরাণী আমার যথেষ্ট যত্ন করেন, আমার মন ঐ বাড়ীতে থাকিতে চায় না । নাগমহাশয়ের ভক্তদেরও সারদাপিসীর এত তাঁহাব উপর ভালবাসা দেখিতে পাই না । আমি একরাত্রি তাঁহার সহিত শুইয়া ছিলাম । রাত্রি ভোর হইলে, তিনি শুইয়া থাকিয়া বাবুধাব বলিতে লাগিলেন, ‘মুখেতে বল মন শ্রীদুর্গা নাম’ । তাঁহার দুই গণ্ড ভাসাইয়া চক্ষুর জল পড়িতে ছিল । অনেককাল শ্রীদুর্গানাম উচ্চারণ করিয়া বলিতে লাগিলেন, ‘তাই আমাকে দুর্গানাম দিয়া গিয়াছেন । আমার ভাইয়ের এমন নাম, সকলেই প্রাতে উঠিয়া দুর্গা দুর্গা বলিবে । তাহার আমার ভাইকে স্মরণ করিবা, দুর্গা দুর্গা বলিয়া উঠিতেছে । সংসারের লোক আমার ভাইয়ের নাম নিয়া উঠিবে । তাই নিজ নাম জগতে রাখিয়া গেলেন ।

সারদাপিসী ভোরে উঠিয়া নাগমহাশয়কে স্মরণ করিয়া কেবল দুর্গা দুর্গা বলেন । যখন তিনি আমাদের বাড়ীতে চারিদিন ছিলেন, তিনি প্রাতঃকালে কেবল দুর্গা দুর্গা বলিতেন । তাহা শুনিলে নাগমহাশয়ের কথা মনে পড়িত । নাগমহাশয় বলিয়াছেন, প্রাতঃকাল সত্যযুগ, এসময় ভগবান্কে স্মরণ করিতে হয় । পিসী গোপনে নাগমহাশয়ের কথা হৃদয়ে রাখিয়া পালন

করিতেছেন । তিনি কখনও কোন কথা বলেন না, কেবল একদিন নাগমহাশয়ের কথা মনে করিয়া কাঁদিতে কাঁদিতে বলিয়াছিলেন, যখন শত্রু ( নরেন্দ্র ) মরিবার সময় ঠাকুর ভাইয়ের মুখের দিকে এক দৃষ্টিতে চাহিয়া রহিল, তখনই আমার মনে হইল, সে ঠাকুর ভাইকে ডাকিতেছে ।

নাগমহাশয় চলিয়া গিয়াছেন পর আমার এক পিসীর দেহত্যাগ হয় । তিনি বয়সে নাগমহাশয়ের ছোট ছিলেন । মৃত্যুর সময় তাঁহার ভাব দেখিয়া সকলেই অবাক হইল । ৮ দিনের জরে তিনি মারা যান । মৃত্যুর দুই দিন পূর্বে তাঁহার চৈতন্য লোপ হইল । যে দিন তাঁহার মৃত্যু হইবে, সেদিন প্রথমে গুণ্ডু বলিয়া, থুথু ফেলিয়া নিজ জিহ্বা দংশন করিয়া কধির বাহির করিতে লাগিলেন । যাহারা তাঁহার সাক্ষাতে ছিলেন, তাঁহারা কোন মতেই তাঁহাকে তাহা হইতে বিরত করিতে পারিতেছেন না । বিকারগ্রস্ত রোগীর মুখেও হাত দিতে কাহার সাহস হইল না । কিছুক্ষণ পর কেবল কাদা বলিতে লাগিলেন । তৎপর আগুন বলিয়া ভয়ে অস্থির হইয়া পড়িলেন । শত লোকের শত কথা তাঁহার কাণে পৌঁছাইতোহু না । তিনি নিজ মনে যাহা ইচ্ছা হইতে ছিল, তাহা বলিতে লাগিলেন । ভয়ে জড় সড় হইয়া কাঁদিতেছিলেন, হঠাৎ বলিলেন, ঠাকুরভাই, এসেছেন, ঘরে আসুন, বসুন । কোথা হইতে আসিলেন ? নিকটবর্তী লোক অবাক হইয়া তাঁহার কথা শুনিতে লাগিলেন । তাঁহারা চারিদিকে তাকাইয়া ‘কোথার দুর্গা’ বলিতে লাগিলেন । তাঁহাদের ভাই দুর্গা যে এখন সাধনার ধন হইয়াছেন, তাহা তাঁহারা ভুলিয়া গিয়াছেন । নৌকা করিয়া দেওভোগে গেলে দুর্গাকে দেখিতে পাইতেন, এখন

আর তাহা হওয়ার জো নাই । এখন দুর্গাকে দেখিতে হইলে, প্রাণপাত সাধনা করিতে হয় । তাঁহারা চারিদিকে তাকাইলেন, দুর্গাকে দেখিতে পাইলেন না । যিনি দেখিতে পাইয়াছেন, তিনি মানসিক নয়ন ভরিয়া তাঁহার মুখ-কমল দেখিতে লাগিলেন । তাঁহাকে কি বলিলেন, কেহ শুনিল না । আমার পিসী একবার হাসিয়া আবার কাঁদিয়া, শিঙছেলের হাসি ও কাঁদার মত করিয়া, দেহ ছাড়িয়া কোথায় চলিয়া গেলেন । সকলে বলিতে লাগিল, নারায়ণ আসিয়া উহাকে লইয়া গেলেন । আমার ঐ পিসীর ঘরের লোক নাগমহাশয়কে নারায়ণ বলিতেন । তাঁহার বড় শ্মিগণ তাঁহাকে নমস্কার দিতেন না ।

মৃত্যুসময় পিসীর মুখ হইতে এত হাসি বাহির হইতে লাগিল, লোক স্তম্ভিত হইল । কোথায় গেল জিহ্বার দংশন, রক্তপাত, কাঁদা ও আশ্রু । কেবল হাসি, বনের কুমুম হইতে হাসি চুরি করিয়া, নাগমহাশয়ের চরণে অর্পণ করিয়া, হাসিতে হাসিতে ইহ-ধাম ত্যাগ করিলেন । কোথায় গেলেন, যিনি অসময়ে তাঁহার নিকট আসিয়া সকল জালা দূর করিয়াছিলেন, তিনি জানেন । আমার পিতা বলিলেন, মৃত ব্যক্তির মুখে এমন হাসি কখনও দেখি নাই । আমি বলিলাম, উনি আমাকে বলিয়াছেন, তিনি নাগমহাশয়কে এক দিন পাওয়াইয়া ছিলেন । যদি বিহুরের এক মুষ্টি খুদের বিনিময়ে দিব্যভবন পাওয়া যায়, তাহা হইলে নাগমহাশয়কে তৃপ্ত করিয়া পাওয়াইলে, তাঁহার রূপায় তাঁহার সাক্ষাৎ পাইবে ইহা আর বেশী কি ?

## পূজা ।

আমি কয়েক দিন নির্জনে, ঘরে দরজা বন্ধ করিয়া নাগ-মহাশয়ের পূজা করিতাম। নাগমহাশয়ের শরীরের যে অংশ আনা হইয়াছিল, আমি তাহাই পূজা করিতাম। একদিন স্বামী কথার কথায় আমার মাতাকে বলিলেন, নাগমহাশয়ের শরীরের অংশ আছে, নমস্কাব করিবেন। তাহা শুনিয়া মূ স্মুখী হইয়া তাঁহাকে নমস্কার করিলেন এবং আমাকে বলিলেন, পরের ছেলে হইলে হইবে কি, জামাকা আমার প্রতি সদয় হইয়াছেন। তিনি নাগমহাশয়ের শরীরের অংশের কথা বলিলেন, তুমি বল নাই। মা আমাকে বুঝাইলেন, আমি তাঁহাকে কোন কথা বলি না। তৎপর পূজা করার সময়, মা ভাত ছাড়া অন্যান্য জিনিস নাগ-মহাশয়ের উদ্দেশে দিতেন। আমার পূজা শেষ হইলে, মাও তাঁহার পূজা করিতেন। যখন স্বামী চাকরি লইয়া স্বাধীন হইলেন, আমরা ভাত দিয়া তাঁহার পূজা করিতে আরম্ভ করিলাম। যখন বাহা থাওয়া হইত, তাহা পূর্বে নাগমহাশয়কে খাইতে দিয়া, প্রসাদ লইতাম। আমি পূজা আরম্ভ করিরাই বলিলাম, আমাদের কি সাধ্য তাঁহার পূজা করি। তিনি নিজগুণে বলিয়াছিলেন, আমি রোজ তাঁহার পূজা করিব, রোজ তাঁহার কাজ করিব; একদিন কাজ করিয়া কি বসিয়া থাকিব? নচেৎ আমাদের মত

- মানুষ কি তাঁহার পূজা করিতে পারে? স্বামী বলিলেন, অপাত্রে বলিয়া, আমার উপর তাঁহার কত দয়া ছিল। তিনি আমাদের

অন্য কি না করিলেন? পূজা করিলে ভগবানের উপর যেমন মন যায়, অন্য কোন কাজে সেইরূপ হয় না। তাহার কারণ এই, অন্য কাজে ফাঁকি দেওয়া যায়। তাঁহার চিন্তা কি ধ্যান করিতে বসিলে, মনটা অন্য দিকে চলিয়া যায়। চক্ষু বুজিয়া বসিয়া রহিলাম সত্য, মন যতটা পারে ফাঁকি দিয়া নেয়। পূজা করার সময় মন ফাঁকি দেয়, কিন্তু ততটা পারে না।

পূজা হইবে, রান্না করিতে গেলে খেয়াল রাখিতে হইবে, কোন জিনিষ যেন পায় না লাগে। যত কাজ করিবে, সমস্ত কাজেই ইচ্ছায় হউক, অনিচ্ছায় হউক, একবার তাঁহাকে ভাবিবে। রান্না হইয়া গেল, পূজার ভাত নিতে যাহবে, লক্ষ্য করিয়া খালাখানা দেখিবে, মনে হইবে, পূজার ভাত দিব, খালা পরিষ্কার হওয়া চাই। জল দিতে যাঁইবে, জল ভরিতে গিয়া দেখিবে গ্লাসটা পরিষ্কার কি না। পূজার সমস্ত জিনিষ লইয়া, যখন পূজা করিতে বসিবে, ফুল, বিষ্ণুপত্র, তুলসী, চন্দন ও অগ্ন্যাগ্ন পূজোপহার, একটা করিয়া হউক, কিম্বা হাত ভরিয়াই হউক, পূজায় মন না থাকিলেও ভগবানের চরণে দিতে হইবে। ইহা হইতে পারে না যে, পূজা আরম্ভ করিয়া শেষ পর্য্যন্ত কাহার মন বাজে কথায় অথবা অন্যায় চিন্তায় নিযুক্ত থাকে। কোন সময় মন বাহিরে চলিয়া যাইতে পারে সত্য, কিন্তু অনিচ্ছা সত্ত্বেও ইন্দ্রিয়গণ মন দিয়া তাঁহার রূপ দেখিবে এবং তাঁহার চরণে অঞ্জলি দিবে। পূজা হইলে পর, তাঁহাকে স্মরণ করিয়া প্রত্যেকটা জিনিষ দেখাইয়া বলিতে হইবে, ভগবন্, তোমাকে খাইতে দেওয়া হইয়াছে, প্রভু, তুমি দয়া করিয়া খাও, এই বলিয়া তাঁহার রূপ চিন্তা করিয়া অগ্নু ৩৩ করিতে হইবে, 'তিনি' আসিয়া, যাহা দেওয়া হইয়াছে, তাহা খাইতেছেন।

এমন ভাবে মন রাখিতে হইবে, যেন তুমি অনুভব করিতেছ, তিনি হাতে ধরিয়া মুখে দিতেছেন । পূজা করিতে বসিয়া এই ভাবে তাঁহাকে খাইতে দিবে, মন খুব কম সময় বাজে চিন্তা করিতে পারিবে । আমার মতে, ভগবানকে মনে রাখিতে হইলে, পূজাই শ্রেষ্ঠ উপায় । পূজার সময় যে ভাবে হউক ভগবানে মন রাখিতে হইবে ।

সংসারের সকল কাজই করিতে হইবে । না খাইয়া থাকিতে পারিবে না । অন্ততঃ নিজের খাওয়ার জন্য সমস্ত কাজ করিতে হইবে । তবে তাঁহার পূজা থাকিলে, সংসারের কাজ করিতে গিয়াও প্রত্যেকটা কাজে তাঁহার কথা মনে পড়িবে । ভোরে উঠিয়াই পূজার ঘর পরিষ্কার করিতে হইবে, পূজার বাসন ধুইতে হইবে । ঠাকুর শুইয়া রহিলেন, তাঁহাকে উঠাইয়া একছিন্দুম তামাক দিতে হইবে । তাঁহাকে তামাক দিয়া, ফুল-চন্দন প্রভৃতি একত্র করিয়া পুষ্পপাত্র সাজাইতে হইবে । রান্না করিতে গেলে, মনে হইবে রান্না করিয়া পূজা করিব এবং তাহার পর খাইব । আফিসের তাড়াতেও তাঁহার কথা মনে পড়িবে । রান্না হইলে, পূজার সমস্ত ঠিক করিয়া, পূজা করিবে, তৎপর যাহার যে কাজ তাহা করিতে পারিবে । যাহার বিশ্রাম করিবার অবসর আছে, সে বিশ্রাম করিবে । বিকাল বেলা মনে পড়িবে, ঠাকুর শুইয়া আছেন, তাঁহাকে উঠাইতে হইবে, জল খাবার কিছু দিতে হইবে । তাঁহাকে উঠাইয়া খাবার দিয়া, তাঁহার জন্য আবার রান্না করিতে হইবে । সন্ধ্যা হইলে, অমনি মনে হইবে, তাঁহার সাক্ষাতে ধূপ, বাতি দিতে হইবে । আরত্রিক হইলে, জপ ধ্যান করিতে বসিবে । খাওয়ার সময় হইলে, আবার মনে পড়িবে, অন্নব্যঞ্জনাদি দিয়া

তাঁহার পূজা করিব । এইরূপে সকল দিন পূজার কাজে নিয়োজিত থাকিবে । ইচ্ছায় হউক, অনিচ্ছায় হউক, মন কতক সময়ের জন্য সংসারের চিন্তার ভিতরে তাঁহার বিনয় ভাবিবে । তাঁহাকে ভাবিলে সংসারের ভাবনা কমিয়া যাইবে, কারণ যথা রাম, তথা নাহি কাম, যথা কাম, তথা নাহি রাম, দিবস রজনী নাহি এক ঠাম ! আবার খাইতে বসিলে, জন কি ভাত পড়িলে মনে হইবে, তাঁহার প্রসাদ যেন পায় না লাগে । খাওয়ার সময় পয্যন্ত তাঁহাকে মনে রাখিতে পারিবে । ঠাকুরঘরে আসিয়া শোবার সময় একবার তাঁহাকে নমস্কাব করিতে হইবে । এইরূপে প্রাতঃকালে উঠা হইতে আবার শোয়া পয্যন্ত, ইচ্ছায় হউক, অনিচ্ছায় হউক, সব কাজেই তাঁহাকে মনে করিতে পারিবে । যদি পূজা না থাকিত, সকল কাজেই করিতে হইত, সকলদিন ভূতের বেগার দিতে হইত, সন্নতানের পায় মাথা কুটিতে হইত । আমরা কি আর তাঁহাকে স্মরণ করিতাম ? সকালে উঠিতাম, ইয়ারকি দিতাম, রান্না হইলে খাইতাম, অফিসে চাশিয়া খাইতাম । এই ভাবেই দিন কাটিত ।

নিয়ম থাকা ভাল । পূজা করায় সংসারের সকল কাজেই ভগবানকে স্মরণ করিতে পারিবে । জীব কখনও না ঠেকিলে তাঁহাকে স্মরণ করে না । পূজা আছে বলিয়াই, একটা ঠেকা আছে । পূজা না করিয়া খাইতে পারিব না । ক্ষুধার কাতর হইলে, ইচ্ছায় হউক, অনিচ্ছায় হউক, খাওয়ার পূর্বে ফুল-বিল্বপত্রাদি পূজোপকরণ লইয়া পূজা করিতে হইবে । পূজা না করিলে উপায় নাই । স্মরণ পূজার যেমন ভগবানে মন যায়, সংসার-দগ্ধ জীবের মন আর অন্য কোন রকমে সেইরূপ যায় না ।

৫৮

নাগমহাশয়ও বলিয়াছেন, নিয়ম থাকা ভাল। এক দিন তিনি বলিয়াছিলেন, এক মুসলমান সন্ধ্যার সময় পীরের ঘরে বাতি দিত। একদা সঙ্গদোষে সে এক বেগ্নাবাড়ী যায়। ইহাই তাহার জীবনে প্রথম পাপপথে যাওয়া। নানারূপ কথাবার্তা বলিয়া, যখন রমণীর সঙ্গ করিতে যাইবে, সন্ধ্যা হইল। তাহা দেখিয়া পীরের ঘরে বাতি দেওয়ার কথা মনে পড়িল। তৎক্ষণাৎ সে উর্দ্ধ্বাসে ছুটিয়া আসিয়া বাতি দিল। পীরের ঘরে বাতি দেওয়ার তাহার চৈতন্য হইল। সে ভাবিতে লাগিল, সে কি জঘন্য কাজ করিতেছিল। আজ পীর তাহাকে রক্ষা করিয়াছেন। নাগমহাশয় বলিলেন, সন্ধ্যার সময় পীরের ঘরে বাতি দেওয়া নিয়ম করিয়াছিল বলিয়া মুসলমানটী পাপ কাজ সম্পন্ন করিতে পারিল না। সুতরাং নিয়ম রাখা ভাল। যদি কেহ ভগবানের জন্ত পাজলে নাবে, ভগবান্ তাহার জন্ত গলাজলে নাবেন। প্রতি-সন্ধ্যায় পীরের ঘরে একটা বাতি দিয়া, যদি লোক নরকে পড়িয়া উঠিয়া যায়, তবে আমরা এমন ভগবানকে নিয়ম মত পূজা করিয়া, তাঁহার চরণে স্থান পাইব না কেন ?

স্বামীর ভক্তিপূর্ণ কথা শুনিয়া আমি বলিলাম, নাগমহাশয় সাধে কি তোমার এত প্রশংসা করিয়াছেন। নাগমহাশয় হাসিতে হাসিতে বলিতেন, বীর পুরুষটী। উহাকে নারায়ণের মত দেখিবে। কোন কথা মনে উঠিলে উহাকে বলিবে। এক সময় আমার মন অকারণে নানা বিষয়ে ঘুরিত ; তাঁহাতে মন স্থির রাখিতে পারিতাম না। আমি তাঁহাকে এই কথা বলিলাম। নাগমহাশয় বলিলেন, তোমার চিন্তা কি ? উহার কাছে বল। আমি তোমার নিকট সকল কথা বলিলাম, তুমি তাঁহাকে তাহা



বলিতে বলিলে । তখন আমার জ্ঞান হইল, তিনিই ত আমার মুক্তিদাতা । আমি তাহা ভুলিয়া অনর্থক চিন্তা করিতেছিলাম । তিনি আমাকে নিষেধ দেখিয়া, তোমাকে সকল কথা বলিতে বলিয়াছিলেন । তিনি সব জানিতেন । তিনি দেখিলেন আমি অতিশয় মূর্খ, পথে পথে বাথার জন্ত একজনকে দেখাইয়া যাওয়া দরকার । আমার অভাবে অ/নক দিন থাকিতে হইবে, তখন নিষেধের জায় কাজ করিলে, কে দেখিবে ? তোমার ভক্তিপূর্ণ কথা শুনিয়া, তাঁহাব সকল কথা শ্রবণ পথে আসিতে ছ । যিনি নবক হইতে উদ্ধার করেন, তিনি নারায়ণ । যিনি নারায়ণ পাইবার পথ দেখাইয়া দেন, তিনিও নারায়ণ । তোমার ভক্তিপূর্ণ পূজাব বিধিতে অনেকের মঙ্গল হইবে । তুমি সত্য বলিয়াছ, জাব কি না ঠেকিলে, ইচ্ছা করিয়া তাঁহাব পূজা করে, কিম্বা তাঁহাকে মনে কবে ? নাগমহাশয় বলিয়াছেন, পাঁচ ইন্দ্রিয় পাঁচটা সুখেব জন্ত লাগায়িত । চক্ষু রহিয়াছে কোথায় সুন্দর বস্তু দেখিবে, নাসিকা চায় কোথায় সুগন্ধ পাইবে, কর্ণ উৎকর্ণ থাকে কোথায় কে প্রশংসা কবে, জিহ্বা সুস্বাদ লইতেই বাস্তু, হৃৎ সুস্পর্শেব জন্ত পাগল । জীব পঞ্চ ইন্দ্রিয়ের তাড়নার উদ্ধাশাসে বিষয় হইতে বিহ্বাস্তরে দৌড়াইতেছে । যখন যেইটা সুবিধা পায় ভোগ করে । তাহার মন মুহূর্তের তরেও ভগবানেব জন্ত লাগায়িত হইতে পারে না । নাগমহাশয় এই সব জানিয়াহ আমাকে বলিয়াছিলেন, একদিন পূজাব কাজ করিয়া কি বসিয়া থাকিব ? আমি রোজ তাঁহার পূজা করিব । তিনি ভগবান, তাই এক কপায় আমাকে বুঝাইয়াছিলেন । তিনি আমাদের মঙ্গলের জন্ত তোমার মুখ হইতে ভক্তিপূর্ণ পূজার বিধি বাহির করিলেন ।

আমাদের উপর তাঁহার অসীম দয়া । তাঁহাকে মনে রাখার জন্য পূজা দিয়া গেলেন । নিয়মের অধীন না থাকিলে, আমি কি তাঁহাকে মনে রাখিতে পারিতাম ? স্বামীর পূজার বিধি শুনিয়া অতিশয় সুখী হইলাম । কাজেও তাহা হইল । প্রাতে উঠা অবধি শোয়া পর্যন্ত সকল কাজেই আমার দয়ালু দুর্গাচরণের কথা মনে পড়িতে লাগিল । সাংসারের সকল কাজ তাঁহাকে মনে করিয়া দিতে লাগিল ।

এই ভাবে পূজা করিতেছি । এক দিন স্বামী নাগমহাশয়ের শরীরের অংশ খুলিয়া ধূপ দিয়া আবার অতিশয় যত্ন করিয়া কোটার ভরিয়া রাখিয়া দিলেন । তাহা দেখিয়া আমার মনে হইল । যখন জন্মিয়াছি, এক দিন মরিতে হইবে । যাহার নাশ নাই, তিনি দেহ ধারণ করিয়া দেহ শেষ করিয়া চলিয়া গেলেন । জীবের ত কোন স্থিরতাই নাই । আসা যাওয়া স্বাভাবিক । আমাদের অভাবে কে এমন অমূল্য জিনিষ যত্ন করিয়া রাখিবে ? স্বামী পূজা করিয়া উঠিলেন, আমি তাঁহাকে ইহা বলিলাম । তাহা শুনিয়া, তিনি বলিলেন, তোমার এই ভাব ভাল নয় । আমি দেখিতে পাই, এভাবে সংসারে আরও বন্দিনী হইবে । কি ছিলে, কি হইয়াছ । যাহা হউক, নাগমহাশয় আমাকে সন্তান বলিয়া অতিশয় স্নেহ করিতেন, তাই আমার প্রতি তোমার মন ঘুড়াইয়া রাখিয়া গেলেন । যত দিন জীবিত থাকিব, তুমি আমাকে তাঁহার কথা শুনাইবে । ইচ্ছা করিলেও আমি তাঁহাকে ভুলিতে পারিব না । উভয় উভয়ের কথা শুনিয়া তাঁহাকে স্মরণ করিয়া, বিনা ঝগাটে সংসারে থাকিব । তোমার ভাবানুসারে দেখিতে পাই, ভগবান্ তোমাকে সন্তান দিবেন ; সন্তান হইলে আরও

বন্ধনের কারণ হইবে । যখন সংসারের কোন ভাব ছিল না, তাঁহাকে ভালবাসিতে, মনে করিয়া দেখ, কত সুখে ছিলে ; কোন চিন্তা ছিল না, ভাবনা হৃদয়ে স্থান পাইত না । কর্মভোগ আছে, আমাকে ভালবাসিয়া, ধীরে ধীরে সংসারের সকল ভাব আসিল । সেই সুখ, সেই স্বাধীনতা আর রহিল না । এমন কি তাঁহার সাক্ষাতে বসিয়া থাকিয়াও আমার অভাব অনুভব করিতে । তিনি মনের ভাব জানিয়া সাস্তুনা করিয়া বুঝাইতেন, কলেজ ছুটি হইলেই আসিবে । যখন আমি তোমাকে নাগমহাশয়ের নিকট রাখিয়া ঢাকা যাইতাম, তোমার ভাব দেখিয়া আমার কষ্ট হইত । তুমি তাঁহাকে ছাড়া আর কিছু জানিতে না, সেই তুমি তাঁহার নামনে বসিয়া আমার অভাবে কষ্ট পাও । তাঁহাকে চক্ষে দেখিয়া আমাকে ভুলিতে পাব নাট । পরের মুহূর্ত্তে মনে করিতাম, সকলই তাঁহার ইচ্ছা । আমার সুখের জগুই তিনি এভাবে তোমার মন গুড়াইয়া দিয়াছেন । তাঁহার দয়ার হেতু নাই । তুমি আমাকে পাইয়া, নাগমহাশয়কে ভুলিয়া সংসার রহিয়াছ । তোমার পূর্বের ভাব থাকিলে নাগমাশয় চলিয়া গেলে কখনও এই ভাবে থাকিতে পারিতে না । যাহা হউক, সকলই তাঁহার ইচ্ছা । তিনি প্রতিমুহূর্ত্তে দেখিতেন, কিসে আমাদের সুখ হয় । নাগমহাশয় অনেক সময় হাসিতে হাসিতে বলিতেন, বাহার একুল আছে, তাহার ওকুলও আছে ।

আরও নাগমহাশয়ের দয়া দেখ । তিনি আমার হাত ধরিয়া বলিয়া গিয়াছেন, উহাকে কষ্ট দিবেন না । ইহা শুধু তাঁহার দয়া । আমি তোমাকে ছাড়িতে পারিতাম না । আমাকে সংসার করিতেই হইত । ভাল মন্দ কর্মের দায়ী হইয়া

বিশেষরূপে বন্দী হইতাম, কিন্তু তিনি দয়া করিয়া আমার হাত ধরায়, সকলই আমার গৌরবের বিষয় হইল। দৃঢ় বিশ্বাস হইল, আমি তাঁহার কথায় সংসারে আছি। তাঁহার রূপায় পাপ কাজ করিতে পারিব না। তিনি আমাকে কুস্থানে রাখিলেন না। তিনি যে স্থানে রাখিয়া গেলেন, সেই স্থান স্বর্গ। সে কয়েক দিন হয় স্বর্গস্থ ভোগ করিব, পরে তাঁহার রাতুল-চরণে স্থান পাইব। মতদিন জীবিত থাকিব, দুইজনে স্বাধীন-ভাবে তাঁহার কথা বলিব, তাঁহার পূজা করিব, সুখে রহিব। সন্তান হইলে, নানামত চিন্তা, নানা রকম কাজ করিতে হইবে, এই স্বাধীনতা থাকিবে না। আমাকে লইয়া বন্দিনী হইয়াছ, তখন ইহা অপেক্ষা অধিক বন্দিনী হইতে হইবে। যাহাকে দেবতাগণ খুঁজিয়া মন্ত্র করিতে পারেন না, জীব তাঁহাকে কি যত্নে রাখিবে? তিনি আমাদের কাছে রহিলেন, ইহা শুধু তাঁহার দয়া। তিনি ইচ্ছা করিলে এই মুহূর্ত্তে চলিয়া যাইবে পারেন। তাঁহার মন্ত্রের অভাব, না থাকার অভাব?

স্বামীর কথা শুনিয়া আমি বলিলাম, সন্তানের দ্বারা লোক বন্দী হয়, তাহা আমি জানি। সন্তান হইবে মনে করিয়া, আমি এই কথা বলি নাই। জানি না কেন তোমাকে কোটা খুলিতে দেখিয়া, এই কথা মনে হইল। তোমার কথা শুনিয়া নাগমহাশয়ের কথা মনে পড়িল। তোমাকে তাহা বলিয়াছি, তোমার মনে আছে কিনা জানি না। একদিন দুর্গাপূজার সময়, নাগমহাশয় একটা আণ্ডনের পাতিল হাতে করিয়া আমাকে বলিলেন, আণ্ডন দাও। আমি আণ্ডন আনিতেছি, একজন লোক হরপ্রসন্নবাবুর স্ত্রী মনে করিয়া আমাকে খোকার মা বলিলেন। আমি তাঁহার দিকে

তাকাইয়া বলিলাম, আমি খোকার মা নই । নাগমহাশয় হাসিতে হাসিতে বলিলেন, এবুড়ার মা । আমি পাতিলে আগুন দিতেছি । নাগমহাশয়কে সামনে দেখিয়া, আমার মনে হইল, তাঁহার সামনে আগুন দিব না । তিনি একটু সড়িয়া দাড়াইলেন । আমি পাতিলে আগুন রাখিলাম । তিনি আবার হাসিতে হাসিতে বলিলেন, ও খোকার মা না, বুড়ার মা । তাঁহার কথা শুনিয়া আমার মন কেমন হইয়া গেল । তাঁহার বাক্য বেদবাক্য, কখনও মিথ্যা হইবে না । তিনি একবার বলিয়া শেষ করিলেন না । এক কথা ছইবার বলিলেন । তিনি কেন ছইবার বলিলেন ? স্বামী কি ভাবিতে লাগিলেন, জানি না । তিনি চুপ করিয়া রহিলেন । ভগবানের কি ইচ্ছা, জীব তাহা কি করিয়া বুঝিবে ? সেই স্নানেই ঋতু বন্ধ হইল । তখন স্বামী বলিলেন, তোমার কথা শুনিয়াই আমার মনে হইয়াছিল, ভগবান্ সন্তান দিবেন ।

কালক্রমে দুইটা পুত্র হইল । স্বামী নাগমহাশয়কে স্মরণ রাখিতে, একটীর নাম রাখিলেন দুর্গদাস, অপরটীর নাম দুর্গাপদ । তাহারা বড় হইয়া নাগমহাশয়ের অনেক মাহাত্ম্য দেখিয়াছে । সংসার করিতে হইলে, সকল সময় সকল জিনিষ ঘরে রাখা যায় না, তাহা সকলেরই জানা আছে । স্বামী অফিস হইতে আসিয়া মিশ্রির সরবৎ পান করিতেন । বিকাল বেলা ঠাকুর তুলিয়া এক গ্লাস সরবৎ দিতাম এবং স্বামীর জন্ত রাখিতাম । একদিন এমন হইল, ঘরে একটা পয়সা ছিল না । মিশ্রি আনা হয় নাই । স্বামী অফিসে ছিলেন । ঠাকুর উঠাইবার সময় হইল, কি করি ? জল খাওয়ার জিনিষের সাথে এক গ্লাস জল দিয়া ঠাকুর পূজা করিলাম । স্বামী আসিলেন । খাবারের থালা তাঁহার সামনে রাখিয়া

বলিলাম, আজ মিশ্রি আনিতে পারি নাই, সব্বৎ হয় নাই । স্বামীকে খাইতে দিয়া, আমি কোন কাজ বশতঃ অত্র চলিয়া গেলাম । তিনি জল পান করিতে করিতে আমাকে ডাকিলেন । হাতের কাজ ফেলিয়া গেলাম । তিনি হাসিতে হাসিতে বলিলেন, একটু জল পান করিয়া দেখ । আমি দ্বিজ্ঞাসা করিলাম, কেন ? স্বামী বলিলেন, আগে পান কর, পরে বলিব । আমি সেই জল সব্বতের চেয়ে বেশী মিষ্ট অনুভব করিলাম । তিনি বলিলেন, 'এই কি জল ? ইহা এই রকম মিষ্ট হইল কি করিয়া ? তুমি কোন মিষ্টে দিয়াছিলে কি ? স্বামীর মুখ গম্ভীর হইল । তইজনে নাগমহাশয়কে স্মরণ করিতে লাগিলাম । গ্লাসেব অবশিষ্টজল বিশেষরূপে লক্ষ্য করিয়া দেখিলাম । উহার রং জলের মত নয় । মনে হইল কোন জিনিষ জলে পড়িয়াছে । নিকটে কিছুই দেখিতে পাইলাম না । গ্লাসে যেমন জল দিয়া ছিলাম, তেমনই রহিয়াছে । নাগমহাশয় জল মিষ্ট করিলেন । স্বামী তাঁহার দগা দেখিয়া ভাবের ঘোরে অবশিষ্ট জলটুকু খাইলেন । তুর্গাপদের বয়স ৪৫সর ছিল, সে বিশেষ কিছু বুঝিল না, কেবল আমাদের দিকে চাহিয়া থাকিল । তাহা দেখিয়া, আমার মনে কষ্ট হইল । স্বামীকে বলিলাম, উহারা এমন ভগবানকে দেখিতে পাইল না । আমরা এক সময় তাঁহাকে দেখিয়াছি, মহাপ্রসাদ খাইয়াছি । উহাদিগের জন্ত এমন প্রসাদ রাখা উচিত ছিল । স্বামীর খেয়াল হইল । তিনি বলিলেন হাঁ, রাখা উচিত ছিল । এগন আর কি করি ? বাহা করিয়াছি, তাহা আর না হইবার নয় । আমরা এই কথা বলিতেছি, এমন সময় তুর্গাদাস বেড়াইয়া আসিল । সে বলিল, মা কি হইয়াছে ? আমি সমস্ত কথা বলিলাম । তখন তাহার বয়স

৮ বৎসর, সে বিশেষ কিছু বুঝিল না । কেবল বলিল, আমাকে দিলে না ? স্বামী বলিলেন, ভাল ভাবে তাঁহার ছবির চিত্তা কর, তিনি দয়া করিয়া কলের জল স্ফুট করিয়া দিবেন ।

সন্ধ্যার সময় ঠাকুরকে ধূপ বাতি দিয়া সকলেই তাঁহার ধ্যান-জপ করিতে বসিতাম । আমাদের ভাব দেখিয়া, ছেলেরা কি একটা বুঝিল । তাহারাও আমাদের সঙ্গে চক্ষু মুদ্রিয়া বসিত । তাহাদের বিশ্বাস দৃঢ় করিতে আমরা তাহাদিগকে বলিলাম, দেখেছ, তাঁহার ইচ্ছায় কলের জল মিলে হইল । তিনি ইচ্ছা করিলে দেখাও দিতে পারেন । ছেলেরা মনে কি বুঝিল, তাহা জানি না । তাহাব পর হইতে তাহারা রীতিমত আমাদের সঙ্গে ধ্যান-জপ করিতে বসিত, মনোযোগের সহিত তাঁহার পূজা করিত । কতক দিন পর আবার বিশেষ কারণে খাবারের সহিত এক গ্লাস জল দিয়া বিকাল বেলা ঠাকুর তুলিলাম । লোভ পাইয়াছি কিনা ? সেই দিন পূজা করিয়া উঠিয়াই জলের প্রতি লক্ষ্য করিলাম । দেখিতে পাইলাম, জল ঈষৎ লাল হইয়াছে । তাহা হইতে সত্ত্বপ্রযুক্তিত গোলাপের গন্ধ বাহির হইতেছে । ঘরে গোলাপ ফুল ছিল না । জল দেখিয়া নাগমহাশয়ের দয়ার কথা মনে পড়িল । আমি মনে বলিলাম, বাবা, যখন তুমি সংসারে ছিলে, আমাকে স্নেহ করিয়া কত দেখাইতে, তোমার অণু ভক্ত তাহা ধারণা করিতে পারে না । সংসার ছাড়িয়া গিয়াও পাষণীকে স্নেহ করিয়া, অসম্ভব সম্ভব করিয়া দেখাইতেছ । বাবা, তাই একদিন তোমার সন্তান আমাকে বলিয়াছিলেন, সকলের শেষ আছে, ভক্তিরও শেষ আছে । ভগবানের দয়ার শেষ নাই । বাবা, তোমার সন্তানের

মুখ হইতে যাহা বাহির হয়, প্রকারান্তরে তোমারই বাক্য ।

স্বামী ফিরিয়া আসাব অপেক্ষা করিতে লাগিলাম । কখন তিনি আসিবেন, কখন তাঁহাকে নাগমহাশয়ের মহিমা বলিয়া সুখী হইব । স্বামী আসিলেন । হাত-মুখ ধোয়া হইলে, জলেব গ্লাস তাঁহার হাতে দিয়া বলিলাম, আজ জল পান করিবা দেখ, ইহা কেমন হইয়াছে ? তিনি হাসিতে হাসিতে বলিলেন, কেন, আজও কি তিনি কলের জল মিষ্ট করিয়া রাখিয়াছেন ? স্বামী তাহা পান করিবা বলিলেন, আজ কলের জল পরবৎ করিয়া শেষ হয় নাই, ইহা হইতে প্রস্ফুটিত গোলাপের গন্ধ বাহির হইতেছে । তাঁহার কত দয়া ! আমাদের উপর তাঁহার এমন রূপা ॥ তুমি ঠিক বলিয়াছিলে, ভগবান্ গুণ দেখিয়া ধরেন না, আবার দোষ দেখিবা ছাড়িয়া দেন না । নচেৎ আমাদের মত অপারে এখনও তাঁহার এত দয়া কেন ? তুমি ইহা পান কর এবং ছেলেদিগকে দাও । সেই দিন সকলেই ইচ্ছামত তাঁহার প্রসাদ নিলাম । নাগমহাশয়ের দয়ার যে অনেক হইতে পারে, তাহা বিধদভাবে ছেলেদিগকে বলিলাম । তাহা শুনিয়া তাহাদের দৃঢ় বিশ্বাস হইল, নাগমহাশয় ইচ্ছা করিলে সমস্তই করিতে পারেন । দুর্গাদাস মিষ্ট জল খাইয়া আমাকে জিজ্ঞাসা করিল, মা, তিনি কোথায় মিষ্ট পাইলেন ? আমি বলিলাম, তাঁহার ইচ্ছায় সকল হইতে পারে । এই জন্তই তোমাদিগকে বলি, মখন চক্ষু বুজিয়া তাঁহার নাম করিতে বসিবে, ফটোতে যেক্রপ দেখিতে পাও, সেই রূপ মনে রাখিও, তাহা হইলে তিনি দেখা দিবেন । তিনি ইচ্ছা করিলে মানুষরূপে দেখা দিতে পারেন ।



আমার কনিষ্ঠ ভ্রাতা নারায়ণকুমার যে দিন ভূমিষ্ট হয়, সেই দিন নাগমহাশয় শব্দাশায়ী হইলেন । যে দিন সে আতুর ঘর হইতে বাহির হইল, সেই দিন ঠাকুর চলিয়া গেলেন । তজ্জন্ম আমি নারায়ণকে ভালভাবে দেখিতে পারিতাম না । এমন কি ছোট সময় তাহাকে কোলে নিতাম না । সময় সময় মা ও ভগ্নি-দিগকে বলিতাম, এ বড় হতভাগা । পিতা তাহা শুনিয়া আক্ষেপ করিয়া মুখ মলিন করিতেন । তাহার বয়স দেড় বৎসর হইল, আধ-আধ কথা বলিতে পারিত । আমরা যখন ঠাকুরের পূজা করিতাম, সে তাকাইয়া সমস্ত দেখিত । আমরা ঘরের বাহিরে আসিলে, সে ঠাকুরঘরে যাইয়া, দরজা বন্ধ করিয়া দিত । কতটুকু সময় ঘরে থাকিয়া বাহিরে যাইয়া, স্বামীকে বলিত, আমি শ্রীহর্গাচরণের লগে উরা উরি ( সঙ্গে ছড়া ছড়ি ) করিয়া আসিলাম । শ্রীহর্গাচরণ আমাকে এ ভাবে ফেলিতে পারে না, ওভাবে ফেলিতে পারে না, আপনি আমাকে ফেলিতে পারেন । তাহা শুনিয়া স্বামীর চক্ষু তুলু তুলু করিত । তিনি একদিন আমাকে বলিলেন, ওকি বিস্ময়কর কথা বলে । সে যে ভাবে বলে, মনে হয় যেন তাঁহাকে প্রত্যক্ষ দেখিয়া, ছড়াছড়ি করিয়া আসিল । তাঁহাকে না দেখিয়া, দেড় বৎসরের ছেলে বানাইয়া এমন কথা বলিতে পারে না । জীবের উপর তাঁহার অসীম দয়া । কাহাকে কি ভাবে দয়া করিবেন, কে জানে ? আমি স্বামীকে বলিলাম, আশ্চর্যের বিষয় এই, সে এই কথা তোমাকে বলিতে গেল কেন ? আমাকেও ত বলিতে পারিত, মাতার নিকটও ত বলিতে পারিত । বাড়ীতে ত অনেক লোকই আছে । সে কাহার কাছে কোন কথা, বলে না । তিনি বলিলেন, যদি

সে আর বড় হইত, মনে করিতাম, আমার মন রক্ষা করিতে মিথ্যা কথা বলিতেছে। এমন শিশু, ভালমত কথা বলিতে পারে না। সে কি করিয়া এমন মিথ্যা কথা বলিবে? নারায়ণ কুমার ৪।৫ দিন এই কথা বলিয়াছে। আমার কথা শুনিয়া ছেলের বিখাস হইল, নাগমহাশয় ইচ্ছা করিলে দেখা দিতে পারেন, তিনি সকল করিতে পারেন। তিনি ভগবান। লেখা-পড়া করার মত তাঁহার পূজা ও তাঁহার নামজপ দৈনিক কাজ মনে করিত। ভগবানের রূপায়, আমাদিগকে যেমন তাঁহার ধ্যান ও নাম জপ করিতে দেখিত, ছেলেরা তেমন করিতে আরম্ভ করিল। ছুটির দিনে যদি পূজা করিতে দেরি হইত, তাহারা ১২।১ টা পর্যন্ত না থাইয়া থাকিত।

যখন নাগমহাশয় আমাদের মধ্যে ছিলেন, তাঁহার কাছে বড় স্নেহে ছিলাম। ছাড়িয়া যাইবার সময় তিনি দয়া করিয়া তাঁহার পূজা দিয়া গেলেন, তাই ছেলেরিগকে সহজে তাঁহার কথা বুঝাইতে পারিলাম। নচেৎ আমরা কোন মতে তাহা-দিগকে এত সহজে তাঁহার বিষয় বুঝাইতে পারিতাম না। তিনি আমাদের কাছে থাকার সময় স্নেহ করিয়া অনন্ত সুখ দিয়াছেন, যখন দেখিলেন আমাদের কর্মদোষে তাঁহাকে হারাইতে চলিয়াছি, পরে আমরা থাকিব, যাহাতে আমাদের কষ্ট আসিতে না পারে, সেইরূপ ব্যবস্থা করিয়া গেলেন। তাঁহার পূজা করিয়া আমরা যে কত সুখে আছি, আমরা বুঝিতেছি। তাঁহার পূজা করিয়া সে কত নিপদ হইতে রক্ষা পাইতেছি, তাহা আমরা জানি। যাহারা আমাদিগকে জানেন, তাহারাও তাহা বেশ বুঝিতে পারেন। তাঁহার পূজা করার ইচ্ছা করিলেও তাঁহাকে একবারে

ভুলিয়া থাকিতে পারি না। যে কাজ তাঁহাকে মনে করিয়া দেয়, সেই কাজই কাজ, অন্য কাজ ভূতের বেগার দেওয়া। আমাদের আশা, অগত নাগমহাশয়কে ভগবান্ বলিয়া মানুক, তাঁহার পূজা করুক ; যে তাঁহার পূজা করিবে, সে ইহকাল ও পরকালে সুখে থাকিবে। অন্য লোকে তাঁহার পূজা করিলে আমরা সুখী হই। এ অবস্থায় যদি নিজের সম্বন্ধে তাঁহাকে না জানিত, কত অশান্তি পাইতাম। সেই অশান্তি ঘটাইবার জন্য তিনি আমাদের পূজা দিয়াছেন। তাহাকে বুঝাইবার জন্য কলের জল সরবৎ বানাইয়া দিলেন। এই অস্বাভাবিক ঘটনা দেখিয়া, ছেলেরা নাগমহাশয়ের অসীম ক্ষমতা বুঝিল এবং তাঁহার শরণাপন্ন হইল। পূজা করিয়া আমরা সকল বিপদ হইতে রক্ষা পাইয়া আছি। নাগমহাশয় আড়ালে থাকিয়া, দয়া করিয়া, আমাদের যে ধরিয়া রাখিয়াছেন, তাহা আমরা সর্বদা অনুভব করিতেছি। ভোরের সময় ঠাকুর উঠাইয়া, তাঁহাকে এক ছিন্দু তামাক দিয়া, স্বামী এমন আনন্দ অনুভব করেন ; তাঁহার মনে হয় যেন নাগমহাশয় তাহা হাত পাতিয়া গ্রহণ করেন ও সেবন করেন। নাগমহাশয় যে ভাবে গায় চাদর রাখিতেন, সেই ভাবে চাদর জড়াইয়া বসিয়া তামাক খাইতে দেখিয়া স্বামী তাঁহার পায় মাথা রাখার মত করিয়া তাঁহার বিছানায় পড়িয়া নমস্কার করেন। যদি কোন বিশেষ কারণ বশতঃ প্রাতে ঠাকুর উঠাইয়া তামাক না দিতে পারেন, সেই দিন স্বামী বড় অশান্তি পান, অকারণ কোন একটা যন্ত্রণা আসিয়া উপস্থিত হয়। সেই ভয়ে ইচ্ছায় হউক অনিচ্ছায় হউক, স্বামী প্রাতে তাঁহাকে উঠান ও তামাক দেন। যদি আমি সকাল বেলা উঠিয়া

ঠাঁহার ধ্যান ও নাম জপ না করিয়া কোন কাজে হাত দেই, কাজ ত সফল হয় না, দেহ অসুস্থ হইয়া পড়ে । সুতরাং যন্ত্রণার হাত এড়াইতে, ইচ্ছায় চউক অনিচ্ছায় হউক অল্প সময়ের জগ্ৰ ঠাকুরের নাম করি, ঠাঁহার উপদেশ মনে করি ।

ছেলেরা বড় হইল । দুর্গাদাস সকালে উঠিয়া ঠাঁহার হঁকার জল ভরিয়া দিত । কয়েক দিন কি হইয়াছিল, সেই হঁকার জল না ভরিয়া, ঠাঁহার নাম লইয়া পড়িতে বসিত । ৩।৪ দিন এই গাবে গেল । বৈকালে বেড়াইতে বাইয়া কেবল ব্যথা পাইয়া আসে । চতুর্থদিন এমন হইল, চলন্ত ট্রামে উঠিয়া, লাফাইয়া নামিতে বাইয়া, পড়িয়া গেল, শরীরের অনেক স্থানে ক্ষত হইল । অনেক রক্তপাত হইল । তাহা দেখিয়া আমি বলিলাম, কোন গুয় নাই । ভগবান্ রক্ষা করিয়াছেন, নচেৎ ট্রামের নীচে পড়িলে, রক্ষা ছিল না । দুর্গাদাসকে সাঙ্গনা করিয়া আমি ভাবিতে লাগিলাম, কেন এমন হইতেছে । আমার সন্দেহ হইয়াছিল, সে নিশ্চয় প্রাণীহত্যা করিয়াছিল, নতুবা এই রকম সাজা পাইবে কেন ? উহাকে তাহা জিজ্ঞাসা করিলাম । সে অস্বীকার করিল । তখন আমার মনে পড়িল, সে চারিদিন যাবত ঠাকুরের হঁকার জল গুরে না ; তাই এমন হইয়াছে । স্বামীকে তাহা বলিলাম । ঠাকুরের দয়া দেখিয়া উভয়ে সুখী হইলাম । আমা-  
দের মনে হইল, ভগবান্ কান ধরিয়া ঠাঁহার কাজ করাইয়া নিবেন । ইহার পর দুর্গাদাস রোজ ঠাঁহার হঁকার জল ভরিয়া রাখে । দুর্গাপদ বড় হইয়া ঠাকুরের হঁকার জল ভরিতে চাহিল । আমি নিয়ম করিলাম, দুর্গাদাস হঁকার জল ভরা ছাড়িয়া দিয়া, কেবল কষ্ট পাইয়াছে, সে রোজ তাহা করিবে । দুর্গাপদ-সদ্যার

সময় তাঁহাকে ধূপ বাতি দিবে । সেই দিন হইতে সে সন্ধ্যা হইলে বাড়ীতে আসিয়া ঠাকুরকে ধূপ বাতি দেয় । বেড়াইতে যাইয়া, খেলার মত হইয়া, দুর্গাপদও ২।৩ দিন ধূপ বাতি দেওয়া বন্ধ করিয়াছিল । সে দুর্গাদাসের মত ব্যাথা পাইতে লাগিল । তৃতীয় দিন এমন ভাবে আঘাত লাগিল যে, অল্পের অল্প শীতের চক্ষু বাচিল । ডাঙা খেলার গুটি ছুটিয়া আসিয়া, চক্ষের উপর পাতায় পড়িল । কপাল ফুলিয়া উঠিল । তাহাকে সাহসনা দিয়া বলিলাম, সন্ধ্যার সময় ঠাকুরের ধূপ বাতি দেওয়া ছাড়িয়া দিয়াছ, সেই পাপে এই কষ্ট পাইলে । নাগমহাশয় কান ধরিয়া সকলকে কাজ করাইয়া নিতেছেন দেখিয়া, আমরা বড় সুখী হইলাম । সেই দিন হইতে, দুর্গাপদ সন্ধ্যাকালে ঠাকুরের ধূপ বাতি দেয় । পরীক্ষা কিম্বা অল্প কোন বিশেষ কাজ থাকিলেও সন্ধ্যার সময় কোথায়ও থাকে না ।

সন্তান দুইটি সম্পদে বিপদে নাগমহাশয়কে স্মরণ করে । তাহারা নাগমহাশয়কে ভগবান্ বলিয়া মনে করিয়া, অনেক কাজে সাফল্য লাভ করিয়াছে । উহারা নাগমহাশয়কে দেখে নাই, উদ্দেশে তাঁহাকে স্মরণ করে । সময় সময় মনে প্রাণে ফটোতে তাঁহার ছবি দেখে । নাগমহাশয়কে ভগবান্ জ্ঞান করিয়া ভক্তি করে । ইহাতে আমরা উভয়ই অতিশয় সুখী, কারণ আমরা ও নাগমহাশয়কে ভগবান্ বলিয়া মনে করি । তাহারা যে তাঁহাকে ভগবান্ বলিয়া পূজা করে, ইহা অপেক্ষা আমাদের সুখের বিষয় সংসারে নাই । নাগমহাশয় সময় সময় বলিতেন, সঙ্গুণে রংধরে । তাঁহার উপর ছেদেরের ভক্তি দেখিয়া, আমি বলিলাম, নাগমহাশয় সকল প্রাণীকে স্নেহ করিতেন । তোমরা কখনও

প্রাণী হত্যা করিও না । প্রাণীহত্যা করিলে, নাগমহাশকে অবজ্ঞা করা হইবে । তিনি কষ্ট হইবেন ; কারণ কেহ নাগমহাশয়ের আপন কিছা পর নাই । সকলই তাঁহার সমান । তিনি সকল দেখিতে পান, সকল শুনিতে পান । এমন কি তিনি পিপিলিকার পায়ের শব্দও শুনিতে পান । অতলজলে ডুবিয়া থাকিলেও নাগমহাশয় দেখিতে পান । তোমরা মনে করিও না, আমার অসাক্ষাতে প্রাণীহত্যা করিলে, তাঁহার দৃষ্টি এড়াইতে পারিবে । আমি দেখিব না সত্য, কিন্তু তিনি দেখিতে পাইবেন । তোমরা প্রাণীকে যেরূপ কষ্ট দিবে, নাগমহাশয়ের নিয়মামুসারে তোমরা সেইরূপ কষ্ট পাইবে । তিনি যে কাজে বিরক্ত হইতেন, কদাচ সেই কাজ করিও না । মিথ্যা কথা, কুলোকের সঙ্গে মিশা নাগমহাশয় ভালবাসিতেন না । তোমরা যতদূর পার, নাগমহাশকে মনে রাখিবে এবং তাঁহার নিয়মের অধীন থাকিবে । যদি তিনি তোমাদের উপর সদয় থাকেন, তোমাদের কোন কষ্ট হইবে না, কিন্তু যদি অন্যায় করিয়া তাঁহাকে বিরক্ত কর, তোমাদের সুখ হইবে না । নাগমহাশয়ের কৃপায় ছেলেরা নাগমহাশয়ের উপদেশ গ্রহণ করিল ।

যখন নাগমহাশয় আমাদের মধ্য ছিলেন, তাঁহার সকল কাজ অলৌকিক দেখিয়াছি । এখন তাঁহার পূজার তিন মত মাহাত্ম্য দেখিতেছি । এক হাঁড়িতে ভাত রাখা হয়, এক কড়াইয়ে তরকারী রাখা হয় । নাগমহাশয়ের প্রসাদের ভাত ও তরকারির যে রূপ সুস্বাদু হয়, হাঁড়ির অন্য ভাত কিছা অবশিষ্ট তরকারির স্বাদ সেই রূপ হয় না । আমরা উহা অনেকবার পরীক্ষা করিয়া দেখিয়াছি । যখন কলের জল সুমিষ্ট সরস হয়, সেই-তুলনায়

ইহা নিশ্চয়ই সামান্য । নাগমহাশয়ের আরও মহিমা দেখিয়াছি, যে স্থানে তাঁহার পূজা হয়, কখন কখন সেই স্থানে এমন সুগন্ধ বাহির হয়, অথু কোন সুগন্ধের সহিত তাহার তুলনা হয় না । নাগমহাশয়ের শরীরের অংশ যে বাস্কে রাখিয়াছি, গভীর রাত্রিতে তাহার ভিতর গড় গড় শব্দ হইত । আমরা সেই শব্দ অনেকবার শুনিয়াছি । এখন পর্য্যন্ত ছেলেরা তাহা শুনে নাই । তাহাদের ভাগ্যে বোধহয় শুনা হইবে না, কারণ তাহারা বড় হইয়াছে পর আর সেই শব্দ শুনিতে পাই না । কদাচিৎ গভীর রাত্রিতে আস্তে আস্তে দুই একটা শব্দ হয় । তিনি ধরা না দিলে, জীব কি তাঁহাকে ধরিতে পারে ? নাগমহাশয়ের অপার মহিমা । স্বামী তাঁহার শরীর অংশ যতটুকু আনিয়াছিলেন, এখন উহা ততটুকু নাই, সামান্য বড় হইয়াছে । যখন ছেলেরা ছোট ছিল, তাহা বাড়িয়া ছিল । তাহারা বড় হইয়াছে পর, আর বাড়ে নাই । স্বামী কখন কখন কোটা খুলিয়া তাহা দেখেন, ধূপ দেন, সকলের কপালে ঠোঁয়াইয়া নমস্কার করান, তখন আমরা সকলেই দেখিতে পাই । কয়েক বৎসর যাবৎ দেখিতেছি, তাহা এক ভাবেই আছে । আমরা নাগমহাশয়ের শরীরের অংশ পূজা করি । তাহা আনা হইলে, এক সময় উহা এমন ভাবে বদ্ধিত হইতেছিল, আমরা তাহা দেখিয়া মনে করিতাম, শীঘ্রই বড় কোটার দরকার হইবে । একবার আমি হাসিতে হাসিতে বলিয়া ছিলাম, দিন দিন বড় হইলে কোন্ কোটার রাখিবে ? আবার বলিলাম, যখন তিনি অনুগ্রহ করিয়া আসিয়াছেন, নিম্নগুণে আমাদের কাছে থাকিবেন । তিনি দয়া করিয়া আমাদেরকে জানাইতেছেন, তিনি আমাদের নিকট আছেন । আমরা অকৃতজ্ঞ সম্ভান, তাই তিনি নিম্নগুণে কৃপা-

প্রকাশ করিতেছেন । আমাদের উপর তাঁহার দয়ার কি সীমা আছে ? কেমন করিয়া তাঁহার শরীরের অংশ বড় হয়, তাহা দেখি নাই । কোটাতে রাখিয়াছি, কোটা খুলিয়া দেখিয়াছি, তাহা যেমন ছিল, তখন তেমন নাই, ইহা অপেক্ষাকৃত একটু বড় হইয়াছি । এই কথাতে অবিশ্বাসের কিছু দেখিতে পাই না । কারণ, যদি মুনি দুর্কাসার বাক্যে পুরুষের পেটে মুসল হইতে পারে, সাক্ষাৎ ভগবানের অংশ কোটায় থাকিয়া বাড়িবে, ইহা অশ্চর্যের বিষয় কি ? ভগবান্ অনন্ত, তাঁহার কাজ অনন্ত, তিনি অনন্তরূপে লীলা করিতেছেন । কে জানে, তিনি কোথায় কোনরূপ লীলা করিবেন ? তাঁহার লীলা বুঝা ভার । তিনি নিজস্বগে যাহাকে যে ভাবে দেখাদেন, সে সেই ভাবে তাঁহাকে দেখিতে পার । সকলই তাঁহার ইচ্ছা ।

একদিন পূজা করিয়া উঠিয়াছি, এমন সময় একটা সুগন্ধ বাহির হইল, সেই সোরভে মন প্রাণ অকর্ষণ করিতে লাগিল । মুহূর্ত্ত পরে মনে হইল, ইহা নাগমহাশয়ের দেহে যে সুগন্ধ ছিল, তাহার মত । অমনি ছেলেরিগকে ডাকিয়া বলিলাম, তোরা শীঘ্র এখানে আয়, নাগমহাশয়ের দেহে যে সুগন্ধ ছিল, তাহা পাবি এখন । শুনামাত্র ছেলেরা চলিয়া আসিল, দুর্ভাগ্য বশতঃ সেই গন্ধ পাইল না । তাহার আসিলেই তাহা লোপ পাইয়া গেল । ছেলেরা হাসিতে হাসিতে আমাকে বলিল, মা, ঠাকুর ত বড় দুষ্ট । তিনি তোমার নিকট আসিয়া ছিলেন, আমাদিগকে দেখিয়া চলিয়া গেলেন । আমি বলিলাম, তোমাদের অদৃষ্টে নাই, তাঁহাকে দেখিতে পাইলে না । ঠাকুরকে ভক্তি করিয়া নমস্কার কর, একদিন তাঁহাকে দেখিতে পাইবে । তাঁহার ইচ্ছা ব্যতিরেকে,



তাঁহাকে কেহ দেখিতে পায় না। আমি তাঁহাকে দেখিতে পাই নাই, কেবল গন্ধ পাইয়া ছিলাম। তাহাও কম নয়। যাহান বাতাসে জীব পবিত্র হয়, তাঁহার গন্ধ আশ্রাণ করিতে পারিলে, জীবের হৃদয়-গ্রন্থী আপনাই খুলিয়া যায়। অনেক দিন গত হইয়া গিয়াছে, আমি সেই আশ্রাণ ভুলিয়া ছিলাম, তাই তিনি দয়া করিয়া পাবনীব হৃদয়ে সেই গন্ধ জাগাইয়া দিলেন। তাহাব পর আর একদিন পূজা করার সময় নাগমহাশয়েব শবীবের গন্ধ পাইলাম। পূজা শেষ হইল পরও কতটুকু সময় তাহা ছিল। সেই দিন আর ছেলোদিগকে ডাকিলাম না। নিজেই তাহা অনুভব করিলাম। এক রবিবার স্বামী ও আমি শুইয়া আছি, নাগমহাশয়েব সৌরভে ঘব আমোদিত হইল, ছেলোদিগকে ডাকিলাম, তাহাদের পোছিবায় পূর্বেই তাহা লোপ পাইল। তাহারা দৌড়াইয়া আসিয়া তাহা পাইল না। স্বামীকে জিজ্ঞাসা করিলাম, তিনি সেই গন্ধ পাইয়াছেন কি না। স্বামী হাসিতে হাসিতে বলিলেন, আমি পাইয়াছি। তুমি পাগলিনী, তুমি তাঁহার গায়ের গন্ধ পাহরাছ বলিয়া সকলেই তাহা পাইবে।

আমরা অনেক সময় নাগমহাশয়েব মাহাত্ম্য অনুভব করিতেছি। যে তিথিতে নাগমহাশয় আমাকে দেখিতে পঞ্চসার গিয়াছিলেন, সেই তিথিতে একবার পূজা করিয়া চরণামৃত নিতেছি, এক মধুর স্বাদ পাওয়া গেল। তাহা হইতে তাঁর আতরের গন্ধ বাহির হইতেছে। যে বেলপাতা ও ফুল কোটার উপর ছিল, তাহাতেও আতরের গন্ধ ছিল। এমন সুন্দর আতরের গন্ধ জীবনে কখনও পাই নাই।

পূজার ফুল ও বেলপাতাও কত মাহাত্ম্য। যখন ঈর্গাদাসের বয়স তিন মাস, এক রাত্ৰিতে সে বিকট চিৎকার করিয়া উঠিল

এবং ঘুমের মধ্যে কেবল শিহরিয়া উঠিতে লাগিল । বাড়ীর সকলে বিপদ গণিতে আরম্ভ করিল । পিতা মলিন মুখে বলিলেন, গভীর রাত্ৰিতে কি করা যায় ? আমি বলিলাম, কি করিবেন ? যদি সে ভয় পাইয়া থাকে, আমি নাগমহাশয়ের ফটো উহার চক্ষের উপর ধরি, কোন মতে তাঁহার ছবি একবার দেখিলেই ভাল হইয়া যাইবে । আমি নাগমহাশয়কে নমস্কার করিয়া, তাঁহার ছবি দুর্গাদাসের চক্ষের উপর ধরিলাম । প্রথমতঃ সে তাকাইল না । অনেক সময় পর একবার ছবির দিকে চাহিল । আরও ২।৩ বার তাকাইয়া সহজ অবস্থায় আসিল । শান্ত ভাবে ঘুমাইয়া রহিল । তাহা দেখিয়া পিতা অতিশয় সুখী হইলেন । তাঁহার মহিমা দেখিয়া তাঁহাকে নমস্কার করিলেন । সেদিন দুর্গাদাস ভাল হইল সত্য, অনেক রাত্ৰিতে সে চিৎকার করিয়া উঠিত । নাগমহাশয়ের নাম করিলে সে শান্ত হইত । যত দিন কথা বলিতে পারিত না, আমি নাগমহাশয়ের নাম করিতাম । জ্ঞান হইলে আমি তাহাকে ঠাকুরের নাম করিতে বলিতাম । ঠাকুরের নাম বলিয়া ভাল হইয়া থাকিত । বয়সের সঙ্গে সঙ্গে এই দোষ বাড়িতে লাগিল । বড় হইলে, সে চিৎকার করিয়া, কাঁপিতে কাঁপিতে বিছানা হইতে উঠিয়া, ঘরের বাহির হইয়া যাইত । একদিন আমরা ঘুমাইয়াছি, দুর্গাদাস চিৎকার করিয়া সকল ঘর ঘড়িতেছে । আমি জাগিয়া তাহার কাণে ঠাকুরের নাম বলিতে লাগিলাম । ঠাকুরের নাম বলায়, সে পাগলের মত আমাকে মারিতে আসিল । স্বামী জোর করিয়া ধরিয়া শোরাইয়া রাখিলেন এবং ঠাকুরের নাম বলিতে লাগিলেন । দুর্গাদাস অনেক সময় পরে শান্ত হইল । ইহার পর এমন হইল, চিৎকার করা মাত্র ঠাকুরের নাম না করিলে,

সে সহজে শান্ত হইত না । তাহাকে প্রকৃতিস্থ করিতে অনেক সময় লাগিত ।

দুর্গাদাসের এই অবস্থা দেখিয়া অন্যান্য লোক বলিতে লাগিলেন, ইহা ভাল নয় । ছেলের বার বৎসর বয়স হইয়াছে, তুমি আর কত দিন তাহাকে চক্ষুর সামনে রাখিতে পারিবে ? তোমাদের অসাক্ষাতে কখন বাহির হইয়া যাইবে, কেহ জানিবেও না । স্বামী এক সিদ্ধাইকে জানিতেন । সেই সিদ্ধাই বলিলেন, অষ্ট ধাতুর একটি তাবিজ শনিবার কিম্বা মঙ্গলবারে তৈয়ার করিয়া আনিবেন, আমি ঔষধ দিব । তাহা শুনিয়া আমি স্বামীকে বলিলাম, অত গোলমাল কে করিবে ? এক কাজ করা যাউক, দুর্গাদাস শুইতে যাওয়ার পূর্বে ঠাকুরকে ননঙ্কার করিয়া ঠাকুর পূজার ফুল কিম্বা বেলপাতা দ্বারা বুকে ঠাকুরের নাম লিখিয়া, ফুল কিম্বা বেল পাতা মাথায় রাগিয়া শুইয়া থাকুক । আমার বিশ্বাস ইহাতে সে ভাল হইয়া যাইবে । তদনুসারে সে ঠাকুরের নাম লিখিয়া শুইতে লাগিল । তাহার আর কোন রোগ নাই । সে ভাল হইল, এখন তাহার বয়স ২০বৎসর, সে এক দিনও আব চিৎকার করিয়া উঠে নাই । আমরা নাগমহাশয়ের পূজার মাহাত্ম্য দেখিয়া, তাঁহার দয়া স্মরণ করিয়া মোহিত হইলাম । স্বামী বলিলেন, নাগমহাশয়ের কি দয়া ! আমরা ইচ্ছা করিয়া তাঁহার পূজা করি না । পূজা না করিলে যন্ত্রণা পাইব, বিপদে পড়িব ভাবিয়া যে তাঁহার পূজা করি, অনিচ্ছায় সহিত যে ফুল বেলপাতা দেওয়া হয়, তাহাও তিনি গ্রহণ করেন । সেই ফুল কিম্বা বেলপাতা দ্বারা দুর্গাদাস ভাল হওয়ার তাহার প্রমাণ হইল । যদি আমরা ভক্তি ভাবে তাঁহার পূজা করিতাম, তাঁহাকে নিশ্চই সর্বদা দেখিতে পাইতাম ।

নাগমহাশয়ের শরীরে সুগন্ধ তাঁহার স্নেহ আবার হৃদয়ে জাগাইয়া দিল । যখন নাগমহাশয় ছিলেন, তাঁহার স্নেহমাখা অট্টহাসির কথা বলিয়া আনন্দিত মনে হাসিয়াছি । এখন সেই স্নেহ মনে হইলে হা হতোস্মি করি ! বাবা দুর্গাচরণ, তোমার এমন স্নেহ পাইয়া, কি করিয়া তোমাকে ২৩ বৎসর ভুলিয়া রহিলাম । তোমার স্নেহে তোমাকে দেখিয়া নিজের অবস্থা বুঝিতে পারি নাই এখন সেই ফল ভোগ করিতেছি । তোমার দয়ার শেষ নাই, তুমি দয়া করিয়া আরালে থাকিয়া আমাদের স্নেহের সহিত দেখিতেছ । আমাদের এমন কর্ম, তোমার এত দয়া থাকিতেও তোমাকে পূর্বের মত দেখিতেছি না । বাবা দুর্গাচরণ, তুমি আমাদের পাষণ্ড জনিয়াও দয়া করিয়া পূজা করাইতেছ । পূজা করিতে হইবে বলিয়া, তোমাকে ইচ্ছায় কিবা অনিচ্ছায় একবার মনে করিতেছি । যখন পূজার কাজ করি, ফুল, চন্দন, তুলসী পাতা পুষ্পপাত্রে রাখি, কোন কোন দিন বিশেষ আকারের তুলসী পাতা দেখিয়া নাগমহাশয়ের বামপদের কনিষ্ঠ অঙ্গুলিটা মনে করি ।

ছোট বেলায় যখন আমার বয়স ৮।৯ বৎসর ছিল, যখন আমি দেওভোগ যাই নাই, নাগমহাশয়কে দেখি নাই, সে সময় নাগমহাশয়ের কেমন একটা ভাব হৃদয়ে জাগিয়াছে । তাঁহাকে দেখিয়া মনে হইল, এই কি সেই খেত জবার আভা, বাহা আমার হৃদয়ে গুপ্তভাবে জাগিয়া ছিল ? ভয় পাষ্টয়া, নাগমহাশয়ের নিকট যাইয়া, তাঁহাকে দেখিয়া শান্তি পাইয়া তাঁহাকে মনে করিয়া তুলসীতলা বসিয়া থাকিতাম, তখন কেখন কখন এমত • তুলসীপাতা পাইতাম, বাহার মাথা খেঁত, যেন দুইটা পাতা জোড়া লাগিয়াছে । তাহা দেখিয়া নাগমহাশয়ের বামপদের

কনিষ্ঠ অঙ্গুলির কথা মনে পড়ায় বিশেষ লক্ষ্য করিয়া দেখিতাম । কাহাকে কোন কথা বলিতাম না । আমার মনে হইত নাগমহাশয়ের পদচিহ্ন তুলসীপাতায় আছে । একদিন রাত্ৰিতে স্বামীকে জিজ্ঞাসা করিলাম, তাঁহার বামপদের কনিষ্ঠ অঙ্গুলি দুইটা অঙ্গুলি একত্র হওয়ায় জোড়ার মত দেখায় কেন ? তিনি বলিলেন, ভগবান্ জীবের উপর দয়া করিয়া সংসারে আসিয়াছেন । তিনি চলিয়া গেলে, যদি আমরা তাঁহাকে মনে রাখিতে না পারি, তজ্জন্ম তিনি একটা অঙ্গুলি বেশী আনিয়াছেন । সমস্ত ভুলিয়া গেলেও, ঐ জোড়া অঙ্গুলি সহ পা থানা মনে পড়িবে । তাঁহার কথা শুনিয়া আমার মনে বড় সুখ হইল । তিনি সত্য কথা বলিয়াছেন । অঙ্গুলিটা ভিন্ন মত হইয়াছে বলিয়াইত আমরা আলোচনা করিতেছি । উহা ভিন্ন মত হওয়ায় সকলেই একবার দেখিয়া অঙ্গুলিটা মনে রাখে । স্বামীকে নাগমহাশয়ের পায়ের অঙ্গুলির মত জোড়া তুলসীপাতার কথা কখনও বলি নাই । নাগমহাশয় চলিয়া গিয়াছেন পর যখন ফুল চন্দন তুলসীপাতা দ্বারা তাঁহার পূজা করি, একদিন সেইরূপ তুলসীপাতা লইয়া স্বামীকে দেখাইয়া জিজ্ঞাসা করিলাম, বল দেখি, এইরূপ কি ছিল ? স্বামী আগ্রহের সহিত পাতাটা হাতে নিয়া দেখিয়া বলিলেন, নাগমহাশয়ের বাম পদের কনিষ্ঠ অঙ্গুলি এইরূপ ছিল । পাতাটা দেখিলে নাগমহাশয়ের পায়ের কথা মনে হওয়ায় স্বামীর ও আমার মন এক হইয়া গেল । পূজা করিতে বসিয়া, ঐরূপ তুলসীপাতা পাইলে তাঁহার বাম পদের কনিষ্ঠ অঙ্গুলি কল্পনা করিয়া চন্দন সহ অঞ্জলি দেই । নাগমহাশয়ের এত দয়া, আমরা যে ভাবে অঞ্জলি দেই না কেন, তিনি নিজগুণে তাহা গ্রহণ করেন ।

আমার মাতার শরীরে এমন ষা হইয়া ছিল, সর্বাস্ত গলিতে লাগিয়া ছিল। ডাক্তার ও কবিরাজের ঔষধে উপকার না পাওয়া, তিনি এক সিদ্ধাইয়ের নিকট যান। সেই সিদ্ধাই মাকে বলিল, পাঁচ মাস কোন ঔষধ খাইবে না। ঔষধের পরিবর্তে যেখানে নারায়ণের চরণামৃত পাইবে, তাহা খাইবে এবং ঘায় দিবে। যে অঙ্গে চরণামৃত দিতে পারিবে না, তথায় জল নেকড়া দিবে। পাঁচ মাস ঔষধ খাইতে পারিবেন না শুনিয়া, মা ভয় পাইলেন। অতঃপর কোন উপায় ছিল না। ডাক্তার ও কবিরাজের ঔষধে কোন ফল হয় নাই। নিরুপায় হইয়া নাগমহাশয়ের পূজা করিয়া, চরণামৃত খাইতে এবং সর্বাস্তে মাখিতে লাগিলেন। যে স্থানে চরণামৃত দেওয়া অসম্ভব, তথায় জল নেকড়া দিলেন। ষা শুকাইয়া গেল। সকল লোক মাকে ভাল হইতে দেখিয়া, সিদ্ধাইকে বিশেষ ক্ষমতাশালী মনে করিল। স্বামী তাহা শুনিয়া বলিলেন, সিদ্ধাইয়ের ক্ষমতা আছে, ভাল করিয়াছে। কিন্তু তিনি ভাল হইলেন, নারায়ণের চরণামৃত শরীরে মাখিয়া ও খাইয়া। নাগমহাশয়ের চরণামৃত নিতে বলা হয় নাই। যাহার চরণামৃত লইয়া তোমার মা ভাল হইলেন, তিনি নারায়ণ।

নাগমহাশয় এখনও আড়ালে থাকিয়া আমাদের সকল বিপদ হইতে রক্ষা করিতেছেন। আমি তাহা প্রত্যক্ষ অনুভব করিয়া থাকি। এক সময় আমার খুব অসুখ হইয়াছিল। অনেক কাল প্লীহা ও লিবারের জ্বর ভোগ করিয়াছি। অসুখ হেতু সময় সময় খাত্তু বন্ধ হইত। একবার নয় মাস হইয়া ষাইতেছে, পেট ক্রমশঃ ফুলিয়া উঠিতেছে। ষড় বড় ডাক্তার দেখান হইল। কেহ বলিতে পারিল না যে, আমার নয় মাসের গর্ভে একদিন

আমার শরীর অবসন্ন হইয়া পড়িতে লাগিল । আমার মনে বড় ভয় হইল । মাঠাকুরাণীর শাপের কথা বার বার মনে পড়িতে লাগিল । আমি নাগমহাশয়কে স্মরণ করিয়া কান্দিতে লাগিলাম । শেষ রাত্রে সামান্য প্রসব ব্যথা বোধ হইল । নাগমহাশয়ের রূপায় অতিশয় অসুস্থ শরীরে একটা কন্যা প্রসব হইল । প্রসব বেদনা অনিত কষ্ট একবারেই অনুভব করিলাম না । তাহা দেখিয়া পাড়ার রমণীগণ স্তম্ভিত হইলেন । আমি নাগমহাশয়ের দয়া স্মরণ করিয়া, মনের আবেগে বলিলাম, আমাদের যে ঠাকুর আছেন, তিনি সর্বদা আমাদের রক্ষা করিতেছেন । প্রসব ঘটনা যে কত কষ্টপ্রদ, তাহা সকল রমণীই জানেন । আমার এই কথাটা তাহাদের প্রাণে লাগিল । যে সকল রমণী আমার নিকট আসিতেন, তাহারা প্রথমই নাগমহাশয়ের ছবি প্রণাম করিতেন । কেহ কেহ বলিতেন, তোমাদের এমন প্রত্যক্ষ ঠাকুর, তোমাদের আবার ভয় কি ?

---

## নাগমহাশয় কি জীব ?

নাগমহাশয় দরিদ্রের ঘরে জন্মিয়া ছিলেন। তাঁহার বাহা ছিল, তাহা লইয়া জীবকে ভালবাসিতেন। ছোট সময় মুখের গ্রাস অপরকে দিয়া, সুধুমুখে বসিয়া থাকিতেন। কুকুর বিড়াল ডাকিলে, তিনি মনে করিতেন, তাহাদের ক্ষুধা পাইয়াছে। জীবের কষ্ট নিজের কষ্ট বলিয়া অনুভব করিতেন, নিজের শুভাব ভুলিয়া যাইতেন। কিশোর বয়সে অশ্রাণ লোকের সাথে মাছ ধরিতে যাইতেন, মাছ ধরিয়া আনিয়া নিজের পুকুরে ছাড়িয়া দিতেন। মাছের কষ্ট দূর করিতে নিজে অসহনীয় কষ্ট স্বীকার করিতেন। যৌবনকালে পক্ষীসকলের চিৎকার, আহত পক্ষীর সজল নয়ন, তাঁহার হৃদয় বিদীর্ণ করিলে, তিনি কোন কথা না ভাবিয়া, প্রাণঘাতী বন্দুকের সম্মুখীন হইলেন। ধীবর-করগত মৎস্যের উল্ক্ষন তাঁহার হৃদয় অভিভূত করিল। বৃদ্ধ বয়সে যতদিন তিনি দেওভোগে ছিলেন, প্রাণপাত যাতনা স্বীকার করিয়া পুকুর হইতে পুকুরান্তরে মৎস্য ধরিয়া লইয়া যাইতেন; মেহের দিকে না চাহিয়া, অবিরত পরিশ্রম করিয়া, বাহারা তাঁহার বাড়ীতে যাইত, তাহাদের সেবা করিতেন; দুর্দমনীয় শূলের ব্যথায় ধরাশায়ী হইয়াও লোকের সেবা হইবে না ভাবিয়া মলিন হইতেন। যিনি এই সমস্ত করিয়াছেন, সেই নাগমহাশয় কি জীব ?

নাগমহাশয়ের বয়স ১৮ বৎসর। তাঁহার প্রথম জীব বয়স ১৫ বৎসর। আমরা সকলেই নিজকে জানি। তাঁহার এই জীব



ননদিনীকে দ্বিজ্ঞাসা করিতেন, উনি কেমন মানুষ ? নাগমহাশয়ের ঠাকুর মা অসুস্থ হইলে, তিনি নিজ হাতে মল মূত্র ফেলিয়া তাঁহার সেবা করিয়াছিলেন । তাহা দেখিয়া, মাঠাকুরাণী বলিয়াছিলেন, তাঁহার সংসারের সকল জ্ঞানই আছে, তবে এমন কেন ? যখন নাগমহাশয় দ্বিতীয় বার দার পরিগ্রহ করেন, তখন তাঁহার বয়স ২৪ বৎসর, মাঠাকুরাণী যুবতী । দুইজন একত্র থাকেন, এক বিছানায় এক বালিশে শোন, মনে কোন বিকারের লক্ষণ দৃষ্ট হয় নাই । মাঠাকুরাণী বলেন, তিনি অগ্নি বৃকে করিয়া রহিয়াছেন, একদিনের তরেও দগ্ধ হন নাই । স্ত্রী স্বামীর নিকট অনেক আশা করে, অনেক রকম কথা বলিতে চায় । নাগমহাশয় প্রত্যেক কথার উত্তরে ভগবানের প্রতি লক্ষ্য করিতে বলিয়াছেন । তিনি সর্বদা ভগবানের কথা বলিয়াছেন কিম্বা ভাগবত পাঠ করিয়া স্ত্রীক শুনাইয়াছেন । যুবতী স্ত্রীর তাহা কেন ভাল লাগিবে ? সময়ে সব হয় । সময়ানুসারে তিনি রক্তমাংসের দেহের সুখভোগ করিতে আকাজ্জক করিয়াছেন । নাগমহাশয় কিছুতেই তাঁহার সেই বাসনা পূর্ণ করিতে পারিলেন না । দেবতা চিরকালই দেবতা । তিনি অক্ষত দেহে পরীক্ষা উত্তীর্ণ হইলেন । তিনি মাঠাকুরাণীর মন অল্পদিকে নিতে চাহিয়া নিজ মস্তক পাষাণে আঘাত করিয়াছেন, বস্ত্রপাত করিয়াছেন, মাঠাকুরাণীর মন ধোরে নাই । মাঠাকুরাণী প্রাণপাত করিতে রাজি হইলেন । প্রাণ দিয়া প্রাণ পাঠলেন । তিনি নাগমহাশয়ের আশীর্বাদে নূতন জীবন পাইলেন, তাঁহার যথার্থ সহধর্মিণী হইলেন । তখন নাগমহাশয়ের বয়স ২৮।২৯ বৎসর । যিনি ইহা করিতে পারিয়াছেন, সেই নাগমহাশয় কি জীবৎ

নাগমহাশয় বলিয়াছেন, যে সন্দেশ খায় নাই, সে বলিতে পারে না, সন্দেশের কেমন আশ্বাদ। সুতরাং সে খাইতে চায় না। জীব কোতুহলপরবশ হইয়া কি না করে? যাহা সে জানে না, যাহার কথা কোন দিন শুনে নাই, তাহার অনুসন্ধানেও অগ্রসর হয়। যাহা তাহার সম্মুখে অবস্থিত, যাহার বিষয় লোক এত জানে, তাহা সে ভোগ করিতে চাহিবে না কেন? বিহার জাবের সাধারণ ধর্ম। দেবতাদেরও সঙ্গমের ইচ্ছা হয়। উদ্বেলিত মনের পাত্রাপাত্র জ্ঞান থাকে না। বসন্ত সখার অব্যর্থ লক্ষ্য কেহ এড়াইতে পারে না, কুমুমপেলব সম্মোহন সকলের হৃদয়তন্ত্রিতে ঝঙ্কার উঠায়, তাহা কাহারও দোষ নয়। রক্তমাংসের শরীরে তাহা সম্ভবে। সুরম্যভবন যাহার শ্মশান, হাড়ের মালা যাহার অঙ্গে মণিমুক্তা খচিত আভরণের স্থান অধিকার করিয়াছে, চিতাভস্ম যাহার অঙ্গরাগ, ধ্যানস্তিমিত-লোচন যাহার সৌন্দর্য্য, পরমাত্মাসপ্নমে যাহার আনন্দ, সেই দেবদেব মহাদেব মোহিনী মূর্ত্তি দেখিয়া অধৈর্য্য। পঞ্চমুখে বেদ পাঠ করিয়াও যাহার হৃদয়ের তৃষ্ণা মিটে না, অনন্ত ব্রহ্মাণ্ড সৃষ্টি করিয়া, গুরে গুরে মানব, পশু, পক্ষী, কীটপতঙ্গ প্রভৃতি দ্বারা তাহা সুসজ্জিত করিয়া যাহার অভিলাষ পূর্ণ হয় নাই, যিনি সয়ঙ্ক, অগংঘোনী, সেই ব্রহ্মা মন্যশরাদ্বাতে স্বায় মানস কণ্ঠার পশ্চাৎ দোড়াইয়া ছিলেন। ভগবান্ বিষ্ণু ত স্বয়ং কন্দর্পদেব। অঘটন ঘটয়ান্ মারকার্গুক যে খাইতে পারে এমন স্থান নাই। তাহার লক্ষ্য অব্যর্থ। কিন্তু নাগমহাশয় কামপিড়িতা সুনন্দরী যুবতী স্ত্রী বুকে লইয়া শুইয়াছেন। মদন তাহাকে শিশু ভাবিয়া, বাৎসল্য স্নেহে অভিভূত হইয়া, মুখ কিরাইয়া চলিয়া গিয়াছেন।

নাগমহাশয় যে শিশু, সেই শিশুই রহিয়াছেন । জীব কি এমন শিশু হইতে পারে ? এই নাগ মহাশয় কি জীব ?

দেবাসুরের সংগ্রাম ত লাগিয়াই আছে । দেবতা পরাজিত, ধ্বস্ত বিধ্বস্ত হইয়া, ধন বাতীঘর ছাড়িয়া পালাইয়া যান, তখন অবশ্য হন । ভগবান অবতীর্ণ হইয়া, অসুর বধ করেন, দেবতাদিগকে স্বপদে স্থাপন করেন । ইহাই হইল দেবাসুর সংগ্রাম । কাম বড় অসুর । কামের মত অসুর আর দেহীর নাই । এ অসুরকে কেহ বশে আনিতে পারে না । বধ করাত সুদুঃসম্ভব !, নাগমহাশয় এই অসুরকে পরাজয় করিয়া, তাহার অস্তিত্ব শূন্য করিলেন । সে তাঁহার দেহে ত স্থান পাইলই না, সহধর্মিনীর দেহেও তাহাকে বিনাশ করিলেন । যিনি ইহা করিয়াছেন, সেই নাগ মহাশয় কি জীব ?

ভগবান্ বামরুক্ষ বলিয়াছেন, একটা স্থান প্রাচীর দ্বারা বেষ্টিত ছিল । একটা লোক কৌতূহল পূর্বক হইয়া যে কোনমতে হউক, প্রাচীরের উপর যাইয়া উঁকি মারিলেন এবং হো হো করিয়া প্রাচীরের ভিতর লাফাইয়া পড়িলেন । তাহাকে সেই ভাবে পাড়তে দেখিয়া, আর একজন লোক প্রাচীরের উপর উঠিলেন, তিনিও সেইরূপ লাফাইয়া পড়িলেন । ক্রমে আরও কয়েকটা লোক প্রাচীরের উপর উঠিলেন এবং অপর পারে পড়িলেন । একটা লোক প্রাচীরের উপর উঠিয়া, বেশ করিয়া ডাকাইয়া, তাড়াতাড়ি নামিয়া আসিলেন এবং চাবিধারের লোকদিগকে ডাকিয়া বলিতে লাগিলেন, তোরা কে দেখিবি রে আর । আনন্দের খনি পাইয়া, কে লুটিয়া নিবি আর । অনন্ত আনন্দের খনি পাইয়া দয়াপরবশ হইয়া, অসীম ক্লেদ স্বীকার করিয়া, যিনি নামিয়া

আসিলেন এবং সংসারাবদ্ধ জীবদিগকে ডাকিতে লাগিলেন, ইনি দয়ালু ভগবান্। নাগমহাশয় পরমহংসদেবের নিকটে গেলেন এবং আনন্দের ধনি পাইলেন। মনের মত আনন্দ লুটিতে লুটিতে আনন্দে বিলীন হইতে পারিতেন। তিনি তাহা না করিয়া, জীবের মঙ্গল সাধন কারতে, তাহাদিগকে অমৃতের অধিকারী বানাইতে সংসাররূপ নরককুণ্ডে ঝাঁপ দিলেন, ইচ্ছা পতিত, বিপথ-গামী মানব ধরিয়া তুলিবেন। যিনি জীবের জন্ত জৈদৃশ মুখ ত্যাগ করিয়াছিলেন, সেই নাগমহাশয় কি জীব ?

পরমহংসদেব কাহাকে বলিতেন, কাঠের পুতুলকেও জ্বালোকের ছবি দেখিবি না। তোদের খাहा ইচ্ছা, তা কর, কিন্তু জ্বালোকের ত্রিসীমানায় ঘাস্ না ; এক হাত পুক্ গদিতে বসাইব। অথচ তিনি নাগমহাশয়কে সংসারে থাকিতে বলিলেন। নাগমহাশয়ের যুবতী জ্ঞী ঘরে আছে, তাঁহার কাছে থাকিলে কোন দোষ হইবে না। নাগমহাশয় পাকাল মাছের মত সংসারে থাকিবেন। সংসার তাঁহাকে স্পর্শ করিতে পারিবে না। যিনি সংসারে এমন ভাবে নির্লিপ্ত রহিয়াছিলেন, সেই নাগমহাশয় কি জীব ?

পরমহংসদেব আরও বলিয়াছেন, কালীর ঘরে যত সাবধানেই থাক না কেন, গায় কালী লাগিবেই। নাগমহাশয় আত্মন্য কালীর ঘরে রহিলেন, সত্ত্বাত তুষারধবল দেহ লইয়া ঘরের বাহির হইলেন, বিন্দুমাত্র কালী গায় লাগিল না। যিনি এমনভাবে সংসারে রহিলেন, সেই নাগমহাশয় কি জীব ?

পরমহংসদেবের আমলকি দ্বারা মুখ পরিষ্কার করিতে ইচ্ছা হইল। সেই সময় আমলকি পাওয়া যায় না। তখন তাঁহার নিকট অনেক লোক ছিলেন, পরমহংসদেব কাহাকেও আমলকি আনিতে

বলিলেন না । নাগমহাশয় তাঁহার নিকট গেলে, আমলকি দ্বারা মুখ ধোয়ার ইচ্ছা প্রকাশ করিলেন । নাগমহাশয় কোথা হইতে একটা আমলকি আনিয়া দিলেন । পরমহংসদেব তাঁহার অসাধারণ শক্তি জানিতেন, লোকের নিকট তাহা ব্যক্ত করিলেন । ঐহাংর এমন শক্তি ছিল, সেই নাগমহাশয় কি জীব ?

অনন্তকাল ধাবৎ সৃষ্টি হইয়াছে । অনন্তকাল ধাবৎ দেবপূজা হয় এবং চিরকালই প্রসাদ লওয়া হয় । নাগমহাশয় পরমহংসদেবের প্রসাদ পাইয়া, ঐহাংর উপর প্রসাদ দেওয়া হইয়াছিল, সেই পাতা সমেত প্রসাদ খাইলেন । বিন্দুমাত্র প্রসাদ ফেলিলেন না । যিনি এমনভাবে প্রসাদ লইলেন, সেই নাগমহাশয় কি জীব ?

পরমহংসদেবের নিকট অনেক সিদ্ধাই গিয়াছেন । অনেক সিদ্ধাই তাঁহার উপর প্রাধান্য স্থাপন করিতে চাহিয়াছেন, কেহ পারেন নাই । পরমহংসদেব কাহারও প্রভূত ক্ষমতা স্বীকার করেন নাই । নাগমহাশয়কে তাঁহার ব্যাধি সারাইতে বলিলেন । সদাসত্যবাক্শীল তাহা ভাল করিয়া দিতে পারেন বলিয়া নিজ শরীরে তাহা গ্রহণ করিতে অগ্রসর হইলেন । পরমহংসদেব তাঁহাকে ত্রাহা করিতে মানা করিলেন । যিনি নিজ শরীরে অপরের রোগ আনিতে পারেন, সেই নাগমহাশয় কি জীব ?

আমার বয়স ষাট বৎসর । কি এক ভয় পাইলাম, ফিটের উপর কিট হইতে লাগিল । কখন দম ছাড়িতে পারিতাম, কখন তাহা পারিতাম না । পিতামাতা সাক্ষরনে আমার দিকে তাকাইয়া আছেন এবং মনে করিতেছেন, এই দমই শেষ হইবে । নাগমহাশয় কোথা হইতে আসিলেন, আমি তাঁহাকে ভিজ্জাসা করিলাম, আপনি কোথা হইতে আসিয়াছেন, দেওভোগ হইতে,

কিষ্কা কুলিকাতা হইতে ? তিনি আমা দ্বারা কি এক মানসিক যজ্ঞ করাইলেন । আমি নবজীবন পাইলাম । আজও পিতামাতা তাহা মনে করিতে পারেন, আমি কি বলিয়াছিলাম এবং কি করিয়াছিলাম । যিনি এইভাবে আমাকে রক্ষা করিলেন, সেই নাগমহাশয় কি জীব ?

নূতন জীবন পাইয়া, তুলসীতলা বসিয়া, যখন নাগমহাশয়ের কথা মনে করিতাম, তিনি দেখা দিতেন, আপনা ভুলিয়া গিয়া তাঁহাকে দেখিতাম এবং সময় সময় কত কথাই না বলিয়াছি । যিনি ইহা করিতে পারিতেন, সেই নাগমহাশয় কি জীব ?

কখন হঠাৎ নাগমহাশয়কে দেখিয়া সম্মিপবর্তী আত্মীয়স্বজনকে জিজ্ঞাসা করিয়াছি, জ্যেষ্ঠামহাশয় কি এখানে আসিয়াছেন ? তখন আমার বয়স ১২ বৎসর, বিবেচনার শক্তি ছিল না, বিচার করিবার ক্ষমতা ছিল না । তাহারা ঃদিকে ওদিকে তাকাইয়াছে, হতাশমনে আপনার কাজ করিয়াছে । যিনি এইরূপ দেখা দিয়াছেন, সেই নাগমহাশয় কি জীব ?

একবার স্বামী নাগমহাশয়কে তাহাদের বাড়ীতে দেখিয়া, কয়েক দিনের জ্ঞান বাহুজ্ঞান হারাইয়া ছিলেন । সংসারের তাণ্ডব নৃত্য তিনি দেখিতে পান নাই । ভীষণ কলবর তাহার কর্ণ কুহরে পশিতে পারে নাই । তিনি আপন মনে পড়িয়া থাকিতেন এবং সর্বদা নাগমহাশয়কে দেখিতেন । যিনি এই ভাবে দেখা দিতে পারেন এবং যাহাকে দেখিলে জীবের হৃদয়-গ্রন্থী ছিড়িয়া যায়, সেই নাগমহাশয় কি জীব ?

বড় হইয়া যখন আমি হৃদয়ে জালা পাইতাম, যখন সংসারের জালায় জলিতে লাগিতাম, নাগমহাশয়ের নিকট তাহা বলিয়া

শান্তি পাইতাম । জ্ঞানা হৃদয় ছাড়িয়া চলিয়া যাইত । এমন কি  
দূরে থাকিয়াও যদি ত্রিতাপে অভিভূত হইতাম, তাঁহাকে স্মরণ  
করিয়া, তাঁহারে উদ্দেশে সকল কথা বলিয়া আনন্দ অনুভব  
করিয়াছি, বিমলানন্দ পাইয়াছি । তাঁহার সাক্ষাতে কিম্বা অসা-  
ক্ষাতে কোন অবস্থায় আমাকে জ্ঞানায় জড়িত করিতে পারে  
নাই । তাঁহার অসীম দয়ায় আমি কোন ভাবেই অশান্তি  
ভোগ করি নাই । যাহাকে বলিলে অথবা যাহাকে মনে করিলে  
ত্রিতাপের হাত হইতে অব্যাহতি পাওয়া যায়, সেই নাগমহাশয়  
কি জীব ?

নাগমহাশয় বলিতেন, কুলোকেস সঙ্গ মিশা, কুলোকেস  
চিন্তা করা দোষ । যদি আমি লোকেস সাথে বেশী মিশামিশি  
করি, কিম্বা অনেক সময় বসিয়া মায়াপুরাণ বলি, আমার  
মনে ঘোর অশান্তি আসে, শরীর বড়ই অসুস্থ হয় । নাগমহাশয়ের  
শরণাপন্ন হইয়া, তাঁহার রূপ চিন্তা করিলে, এদায় হইতে রক্ষা  
পাই । তখন আমার মনে হয়, তিনি দয়া করিয়া, আমাকে  
হঁস করিয়া দিতে শাসন করিতেছেন । তাঁহার নিকট নতশিরে  
ক্ষমা চাই । তাঁহার দয়া দেখিয়া মনে হয়, তিনি আমাকে  
প্রতিপদে ধরিয়া রহিয়াছেন । যিনি এই প্রকার ধরিয়া থাকেন,  
সেই নাগমহাশয় কি জীব ?

নাগমহাশয়কে কোন কথা বলিতে হইত না । কোন  
কথা মনে উঠা মাত্র, তিনি তাহার জবাব দিতেন । ইহা স্বামী  
ও আমি সর্বদা অনুভব করিয়াছি । অগ্ন লোক কতদূর জানেন,  
আমি তাহা জানি না, কারণ আমি কাহার সহিত মিশিবার  
অধিকারিণী নই । আমি প্রতি কথার উত্তর পাইয়াছি । স্বামীও

বলেন, নাগমহাশয় মন জানিয়া তাহার ব্যবস্থা করেন। যে দিন নাগমহাশয় আমাদের কাছে সন্দেশ খাওয়ার ব্যাখ্যা করিলেন, স্বামী মনে করিয়াছিলেন, হইতে পারে, তিনি রমণীর সংসর্গ করেন নাই, তাহা বলিয়া কি স্বীকার করিতে হইবে, তাঁহার সহবাসের ইচ্ছাও হয় নাই? নাগমহাশয় আমনি বলিয়া উঠিলেন, যদি হইত তবে বলিতাম। একবার নয়, তিনবার এই কথা বলিলেন। তিনি সেই সময় যাহা বলিয়াছিলেন, তাহার সহিত শেষ কথা মিলিল না। সুতরাং আমি কিছুই বুঝিতে পারিলাম না, তাঁহার মুখপানে চাহিয়া রহিলাম। এ রকম অনেক কথা আছে, দ্বিকুক্তি করিয়া লাভ নাই। তিনি মনের কথা জানিতেন, তাহার কোন সন্দেহ নাই। গিরিশবাবুর মনে হইয়াছিল, কি ভাব নাগমহাশয়কে কই মাছের ডিম খাওয়াইবেন, আমনি নাগমহাশয় হাত পাতিয়া গিরিশবাবুর নিকট ডিম চাহিলেন। যিনি মনের কথা জানিতে পারিতেন, সেই নাগমহাশয় কি জীব?

একদিন স্বামী ও আমি ব্রহ্ম বিষয়ে আলাপ করিয়াছিলাম। স্বামী বক্তা, আমি শ্রোতা। তিনি ব্যাখ্যা করিতে করিতে বলিলেন, জীবে ও শিবে কোন তফাৎ নাষ্ট, কেবল বিকাশের পার্থক্য। আমি বহু প্রশ্ন করায় অবশেষে তিনি বলিলেন, আমাতে ও শিবে কোন পার্থক্য নাই। সেই দিন আমরা দেওভোগ গিয়াছিলাম। তখন দুর্গাপূজা হইতেছিল। পরদিন স্বামী দুর্গাদেবীর চরণে অঞ্জলি দিয়া নাগমহাশয়কে নমস্কার করিতে গিয়াছিলেন। নাগমহাশয় তাঁহার সর্বস্ব। নাগমহাশয় একটু সড়িয়া গিয়া বলিলেন, আপনাতে ও আমাতে



তফাৎ কি ? স্বামী তাঁহার রাতুল চরণ স্পর্শ করিলেন, কিন্তু  
বৃষ্টিতে পারিলেন, নাগমহাশয় তাঁহার কথার শোধ নিলেন ।  
কোথায় দেওভোগ, আর কোথায় পঞ্চসার । পঞ্চসারে এক  
ঘরের কোণে বসিয়া যে কথা হইয়াছিল, তিনি তাহা শুনিয়া  
ছিলেন । যিনি এইরূপ সর্বজ্ঞ, সেই নাগমহাশয় কি জীব ?

স্বামী দেওভোগ ঘাইবেন । রাস্তা চিনেন না । নাগমহাশয়কে  
দেখিতে প্রাণ আকুল হইল । কোন বিবেচনা না করিয়া মুক্তিগঞ্জ  
হইতে রওনা হইলেন । তখন তিনি ঠাকুর কুলে পড়িতেন । সন্ধ্যার  
সময় নারায়ণগঞ্জ পৌছিলেন । তিনি পথ জানিতে চেষ্টা করিলেন,  
চেনা লোকের নিকট গেলেন, কোন ফল হইল না, কেহ সাহায্য  
করিল না । হতাস হইয়া নাগমহাশয়ের শরণাপন্ন হইলেন, তাঁহাকে  
স্বরণ করিয়া রওনা হইলেন । অন্ধকার রাত্র । পাড়ার পথ,  
চারিদিকে অন্ধল । নাগমহাশয় টানিতেছেন প্রেম-ডোর বেধে  
হৃদি । দেওভোগ গেলেন । নাগমহাশয়কে দেখিলেন । শুনিতে  
পাইলেন, নাগমহাশয় বলিতেছেন, মনে করিয়াছিলাম, ষ্টেশনে  
ঘাইব । যাওয়া হইল না । যিনি সর্বদশা, সেই নাগমহাশয়  
কি জীব ?

একদিন স্বামী দেওভোগ গিয়াছেন । একটা গোথরো সাপ  
নাগমহাশয়ের ঘরে ঘাইতেছে । মা ঠাকুরাণী ঘরের ভিতর ছিলেন ।  
তিনি ভয়ানক হইয়া সাপ তাড়াইতে লাগিলেন এবং সকলকে  
ডাকিলেন । সাপ কোন বাধা মানিতেছে না, ঘরে ঢুকিবেই ।  
সকলে সাপ মারিতে গেল । তখন নাগমহাশয় কোথায় ছিলেন ।  
বাটীতে আসিয়া, সকলকে উতলা দেগিয়া, তিনি সাপের কাছে  
গেলেন, বিনয়ের সহিত বলিলেন মা, মনসা দেবা, আপনি আপনার

পথে চলিয়া যান, দরিরের কুটিরে আপনার স্থান হইবে না। সাপ আর ঘরের দিকে গেল না। মস্তক হেঁট করিয়া জঙ্গলে চলিয়া গেল যিনি বিধধর সাপের সহিত এমত ব্যবহার করিতে পারিয়াছেন, সেই নাগমহাশয় কি জীব ?

একবার আলমবাজারে পরমসংসদেবের উৎসব হইতেছিল। একটা কেউটে সাপের বাচ্চা সেইস্থানে উপস্থিত হইল। হুলুহুল পড়িয়া গেল, মার মার রব উঠিল। নাগমহাশয় তাহার নিকট যাইয়া, পথ দেখাইয়া চলিলেন, নাগশিশু তাহার অনুসরণ করিল। যিনি সমগ্র জগতকে ব্রহ্মের বিকাশ বলিয়া দেখিতে পারিতেন, সেই নাগমহাশয় কি জীব ?

মুনিঋষিগণ ধ্যানে বসিয়া সমস্ত জানিতে পারিতেন, পুরাণে তাহা পড়িতে পাই। ধ্যান করিতে না বসিয়া কিছু জানিতে পারিতেন না। নাগমহাশয়কে দেখিয়াছি, কত লোকের সেবা করিতেছেন, কত লোকের সাথে কথা বলিতেছেন, কিন্তু সর্বদা লোকের মনের কথা উত্তর দিতেন। কি সাক্ষাতে, কি অসাক্ষাতে সকল অবস্থায় লোকের কথা জানিতে পারিতেন। যিনি মনে বসিয়া মন দেখিতে পারিতেন, সেই নাগমহাশয় কি জীব ?

আমরা দেখিয়াছি, যখন কীৰ্ত্তন হইতে থাকিত, নাগমহাশয়ের ডঙ্কগণ ভাবে অভিভূত হইয়া গান করিতেন, নাগমহাশয়ের চক্ষু ঢুলু ঢুলু করিত এবং তিনি তামাক লইয়া খুটিনাটি করিতেন। কখন বলিতেন, তামাক খাইব, তামাক খাইব, যেন বাসনার অন্তরায় ভেদ করিয়া সমাধি আসিয়া না পড়ে। তিনি জানিতেন, সমাধি কত সুখকর। যিনি জীবসেবা করিবেন বলিয়া সমাধি-মলিনে ডুবিতে চাহিতেন না, সেই নাগমহাশয় কি জীব ?

নাগমহাশয় বলিয়াছেন, একদিন তিনি মা'র ( রামকৃষ্ণভক্ত জননী ) নিকট গিয়াছেন । মা তাঁহাকে ৫ বৎসরের শিশুর মত কোলে বসাইয়া খাওয়াইতে লাগিলেন । তিনি স্বচ্ছন্দে মা'র কোলে বসিয়া শিশুর মত ছুটি ছুটি কবিয়া খাইলেন । জগৎজননী আদব করিয়া তাঁহাকে খাওয়াইয়া দিলেন । নাগমহাশয় তাঁহাকে জিজ্ঞাসা করিলেন, মা, আপনি সন্ন্যাসীদেব সাথে কথা বলেন না কেন ? তিনি বলিলেন, তাঁহাদের সহিত কথা বলিতে তাঁহার লজ্জা বোধ হয় । নাগমহাশয় বলিলেন, তাঁহাবা আপনাব সন্তান, তাঁহাদের সহিত কথা না বলায় তাঁহাবা মনে কষ্ট পায় । জগদম্বা আর কিছু বলিলেন না । যিনি এমন শিশু হইয়া মাতৃকোলে বসিয়া খাইলেন, সেই নাগমহাশয় কি জীব ?

কোন একটা লোককে জানি । তিনি যৌবনকালে বড়ই উচ্ছৃঙ্খল ছিলেন । পঞ্চমকাবে তাঁহার বড়ই রাত ছিল । বিধাতার নিয়মানুসারে তিনি জেলে গেলেন । জেল হইতে বাহিব হইয়া নাগমহাশয়ের আশ্রয় লইলেন । তাঁহাতে মন প্রাণ বিকাইয়া বসিলেন । নাগমহাশয় তাঁহাকে তাঁহাব চরণতলে স্থান দিলেন, তাঁহার দিব্যচক্ষু ফুটিয়া গেল । তিনি অপার আনন্দসাগরে নিমজ্জিত হইলেন । এখন দশ জন তাঁহার আশ্রয় পাইয়া তপ্তজীবন নীতল করিতেছে । যিনি জীবনের গতি ফিরাইয়া দিতে পারেন, উচ্ছৃঙ্খল জীবকে ভ্রাণ কবিত্তে পারেন, সেই নাগমহাশয় কি জীব ?

শবৎবাবু নাগমহাশয়ের বিরহে দালানের ছাদ হইতে লাফাইয়া পড়িয়া প্রাণে দিতে গিয়াছিলেন, গুণিতে পাইলেন কে যেন ধলিলেন, নাগমহাশয়কে কল্যা দেখিতে পাইবে । পরদিন তিনি নাগ-

মহাশয়কে দেখিলেন । যিনি আকাশবাণীর সহিত অবিলম্বে দূরদেশে পৌঁছিতে পারিতেন, সেই নাগমহাশয় কি জীব ?

এক সময় আমি আত্মহত্যা করিতে চাহিয়া ছিলাম । নাগমহাশয় আমাকে তাহা হইতে বিরত করিলেন ; তিনি জানাইলেন প্রাণনাশ করিও না, ভগবানের দেখা পাইবে । যিনি এই রূপ আমাকে দেখা দিয়াছিলেন এবং আশস্ত করিয়াছিলেন, সেই নাগমহাশয় কি জীব ?

ঐহার পুতলীলা অবসান হইতে বসিল, নাগমহাশয় আনন্দের হাট ভাঙিতে ইচ্ছা করিয়া শরৎবাবুকে পঞ্জুকা দেখিয়া দিন ধার্য করিতে বলিলেন । শরৎবাবু ভাল দিন দেখিলেন । নাগমহাশয় বলিলেন, সেইদিন তিনি শরীর ছাড়িবেন । সকলের শিরে বজ্রপাত হইল । পবিত্র দিন দেখিয়া মহাঘাতা করিলেন । যিনি দিন দেখিয়া শরীর রাখিতে পারেন, সেই নাগমহাশয় কি জীব ?

---

## উপদেশ ।

নাগমহাশয় সর্বদা পথভ্রান্ত জীবকে উপদেশ দিতেন । তিনি কথাগুলো যাহা বলিতেন, তাহার কয়েকটা উপদেশ নিম্নে সন্নিবেশিত করিলাম ।

১ । যাহা রাম তাহা নাহি কাম,  
যাহা কাম তাহা নাহি রাম,  
দিবস রজনী নাহি এক ঠাম ।

২ । মুক্তিমিচ্ছন্তি চেৎ তাত  
বিষয়ান্ বিষবৎ ত্যজ ।

৩ । বিদ্যারূপে দিয়া জ্ঞান  
কাকে কর পবিত্রাণ,  
আবার অবিদ্যায় আবৃত করে মোহ গর্ভে টেন ফেল ।

৪ । পদে পদে অপরাধ,  
ক্রমা কর রঘনাথ ।

৫ । জানায় মানায় না ।

৬ । ফল ফলাচ্ছ ফলা গাছে ।

৭ । মেয়ে না মায়  
সব নিল খাটুয়া ।

৮৭ ভগবান্, ভাগবত ও ভক্ত, রূপে প্রভেদ, তিন  
সমান ।

- ৯ । পাটলাম থালে দিলাম গালে  
পাপ পুণ্য নাই কোন কালে ।
- ১০ । ভগবান দয়াবান ।
- ১১ । বাথে কষ মাঝে কে ?  
মাঝে কষ বাথে কে ?
- ১২ । আছে বস্তু নিয়া বিনাব ।
- ১৩ । হাতে দৈ, পাতে দৈ, তব বলে কৈ কৈ ?
- ১৪ । মঙ্গলাকাঙ্ক্ষী বখনও অমঙ্গল হয়না ।
- ১৫ । পিতাব নিকট কটী চাহিলে, তিনি কখন পাথর  
দেন না ।
- ১৬ । ভগবানের নিকট যে যাতা চাষ, সে তাহা পায়, তিনি  
কাহাকেও বঞ্চনা কবেন না ।
- ১৭ । পথে পথে থাকিলে, এক দিন ভগবানের দয়া আসিয়া  
পরে ।
- ১৮ । এলো মেলো কনিলে ধর্ম হয় না ।
- ১৯ । ধ্যান কবে কোণ, বনে ও মনে ।
- ২০ । মানুষের কি সাধ্য আছে, সে ভগবান লাভ কবে ।  
তিনি দয়া করিয়া দেখা দেন, তাই মানুষ তাঁহাকে দেখিয়া  
কৃতার্থ হয় ।
- ২১ । সংসারের গুরু মন্ত্র দেন কাণে,  
জগৎ গুরু মন্ত্র দেন প্রাণে ।
- ২২ । কুলোকের সাথে মিশা ও কুলোকের চিন্তা করা দোষ ।
- ২৩ । প্রাতঃকাল সত্যযুগ । এসময় ভগবানকে মনে রাখিতে  
হয় । গাণ্ডপক্ষিগণও এসময়ে মনের আনন্দে গান করবে ।

২৪ । আমরা যে পেয়ে আছি, ইহা ভগবানের  
অসীম দয়া । কতলোক না খাইয়া মরা যাইতেছে ।

২৫ । সকলের মধ্যে এক আত্মা বিরাজ করিতেছেন ।

২৬ । ভগবানের রূপার শেষ নাই ।

২৭ । মথা নাই কাম, তথা স্মরে রাম ।

২৮ । ভগবানের ইচ্ছা ব্যতীত একটা গাছের পাতাও  
পড়ে না ।

২৯ । ধর্মই ধার্মিকের সহায় ।

৩০ । যিনি ভগবানকে জানেন, শিশু হইলেও তিনি সকলের  
সম্মানের যোগ্য ।

৩১ । তাঁহাকে ( ভগবানকে ) সর্বদা মনে রাখিতে হয়, মনের  
সুখ ও দুঃখ তাঁহার কাছেই বলিতে হয় ।

৩২ । ভগবান্ সকলের আপন । তাঁহা হইতে অধিক আপন  
আর কেহ হইতে পারে না ।

৩৩ । ভগবানের দয়া অহৈতুক । তাঁহার দয়ার কোন কারণ  
নাই । তাঁহার দয়ার কাণ্য কারণ সূত্র পাওয়া যায় না ।

৩৪ । হে ভগবন্ । আমি নিরু কর্মের দায়, নিজে গ্রেস্তার  
হইয়াছি, তুমি দয়া করিয়া উদ্ধার না করিলে আমার অব্যাহতি  
নাই ।

৩৫ । সে ভগবানকে এক মুহূর্তের তরেও দেখিয়াছে, সে  
কখনও এজীবনে তাঁহাকে ভুলিতে পারিবে না ।

৩৬ । জপ তপ কর কিন্তু মরতে পারুলে হয় ।

৩৭ । সারা জীবন জপ তপ করা কেবল শেষ সময়ে  
ভগবানকে মনে করার অঙ্গ ।

৫৮৪ ভগবান্‌ই সার আর সকল অসার ।

৩৯ । তোতা পাখী সারা দিন হরে কৃষ্ণ হরে কৃষ্ণ বলে,  
বিড়াল ধরিলে ট্যাঁ ট্যাঁ করিতে থাকে । জীবও সমস্ত জীবন  
হরি হরি বলে, শেষ কালে আত্মীয় স্বজন মনে করে ।

৪০ । সত্যের আঁট থাকা দরকার । সত্যের আঁট থাকিলে  
কেহ কষ্টে পরে না ।

৪১ । যখন ভগবান্‌ যাহাকে যে ভাবে রাখেন, তাহাকে সেই  
ভাবেই থাকিতে হয় ।

৪২ । মাত্র দুই দিনের দেখা ।

তাকে বলে প্রাণসখা ॥

৪৩ । মানবের জীবন চক্ষুর পলক ।

৪৪ । ব্রহ্মাবিকু অচেতন, জীব কি তাকে বুঝতে পারে ।

৪৫ । পিতামাতা এ জগতের দেবতা ।

৪৬ । দেব, দ্বিজ, গুরুমন্ডে বিশ্বাস থাকা উচিত ।

৪৭ । বিপদে পড়িয়া তাঁহার স্মরণাপন্ন হইলে অনারাসে  
বিপদ হইতে উদ্ধার পাওয়া যায় ।

৪৮ । ভগবান্‌ বহু রূপী, তাঁহার রূপের শেষ নাই ।

৪৯ । ভগবানের কৃপা ব্যতিরেকে মুক্তি লাভ হয় না ।

৫০ । মানব জীবনের লক্ষ্য ভগবান্‌ লাভ । মানব মায়াপাশে  
বদ্ধ হইয়া, লক্ষ্যভ্রষ্ট হইয়া, অনেক যন্ত্রনা পায় ।

৫১ । যথা নেত্র পড়ে ।

তথা কৃষ্ণ ফুরে ॥

৫২ । সাপ হরে কাঁট তুমি,

ওঝা হরে ঝাড় ।



হাকিম হয়ে হুকুম দাও,  
প্যাঁদা হয়ে মার ॥

৫৩ । আল্লা কি করছেন ?

তিনি বডকে ছোট করিতেছেন, ছোটকে বড় করিতেছেন ।  
ঠাঁহার বাহা ইচ্ছা তাহা হইতেছে, তিনি স্বাধীন ।

৫৪ । ঠাঁকে পাবে কবে ?  
আমি যাব যবে ।

৫৫ । পুরাণাদি সকলই সত্য, কিছুই মিথ্যা নয় ।

৫৬ । সকলই তোমার ইচ্ছা, ইচ্ছাময়ী তারা তুমি ।  
তোমার কৰ্ম তুমি কর, ভ্রমে বলে করি আমি ।

৫৭ । দিনমে মোহিনী, রাত্বে বাধিনী,  
পলক পলক লৌ চোনে ।  
ছনিয়া ভরকে ভাউড়া হোকে,  
ঘরু ঘরু বাধিনী পোষে ॥

৫৮ । চক্ষু দিতেছিলেন রামচন্দ্র, মাথা দিতেছিলেন পরমহংস-  
দেব । জগদস্থার শ্রীচরণে আত্মসমর্পণ করিলে, ঠাঁহার দর্শন  
পাওয়া যায় ।

৫৯ । তুচ্ছং ব্রহ্মপদং পরবশুঙ্গঃ কুতঃ ।

৬০ । হনুমান একসময় বলিয়াছিল, কো রামঃ ।

৬১ । সে বড় বিষম ঠাই ।  
শুরু শিম্যে দেখা নাই ॥

৬২ । কাম ছাড়লে রাম ।  
রতি ছাড়লে স্ত্রী ॥

৬৩ ।\* আমন্ করুকে করে ধ্যান,  
সংসারী হোকে বাতায় জ্ঞান,  
সন্ন্যাসী হোকে কুটে ভগ,  
এহি তিনি কলিকা ঠগ ।

৬৪ । মহাপ্রভু বলে শুন নিতানন্দ ভাই ।  
কলির জীবের সুখ কোন কালে নাই ॥

৬৫ । তাঁহাকে খুঁজে পাওয়া যায় না । তিনি হৃদয়মধ্যে  
বিরাজ করেন ।

৬৬ । বনে গেলেই কি তাঁহাকে পাওয়া যায় ? যদি তিনি  
দয়া করিয়া দেখা দিতে চান, তিনি কি আমার বাড়ী চিনেন না ?

৬৭ । যদি কেহ হবিদ্যান্ন করিয়া হরিনাম না করে, তাহার  
সেই খাণ্ড গোমাংসের সমান । আবার গোমাংস খাইয়া হরিনাম  
করিলে, হবিদ্যান্নের তুল্য হয় ।

৬৮ । মনমে চাঙ্গা, কোঠবামে গঙ্গা ।

৬৯ । ঈশ্বর সূর্য্যের গায় স্বতঃপ্রকাশ ।

৭০ । আপনারে আপনি দেখ, যেওনা মন কারো ঘরে, যা  
চাবে, এখানে পাবে, খোঁজ নিজ অন্তঃপুরে ॥

৭১ । জীব যখন শিব হয়, শিব যখন শব হয়, মা সচ্চিদানন্দ-  
ময়ী তখন হৃদয়-কমলে নাগেন ।

৭২ । ঘৃণা লজ্জা ভয় ।

তিন থাকতে নয় ॥

৭৩ । আহার নিদ্রা মৈথুন ভয় ।

যত বাড়ায় তত হয় ॥

- ৭৪ । মানুষ শব্দের অর্থ—মান+হঁষ ।
- ৭৫ । বাহা হইবাব হবেই, তবু হঁষ করিয়া বলা ভাল ।
- ৭৬ । মানুষ সমস্ত ঠিক ঠিক করে, কেবল মাত্র একটা ভুল, সে ভাবে সে কর্তা ।
- ৭৭ । যদি কলিকালে যুক্তি চাও, এক বিশ্বাস কর ।
- ৭৮ । এখানেও যা, বৈকণ্ঠেও তা । এখানে হিংসা ঘেঁষ, কলহ, সেখানেও তাই ।
- ৭৯ । অভ্যাসাৎ যায়তে সিদ্ধিঃ ।
- ৮০ । অভ্যাসদ্বারা সমস্তই করা যায় ।
- ৮১ । এই যে আমগাছ আছে, ইহাকে যদি চালিতা গাছ বলা হয়, কখনই তাহা বিশ্বাস করিবে না, কারণ ইহা আমগাছ, এই অভ্যাস লাগিয়া বহিয়াছে ।
- ৮২ । ভগবান্ই কেবল দোষ ক্ষমা করিতে পারেন ; দোষ করিলে তাঁহার কাছেই ক্ষমা চাওয়া উচিত ।
- ৮৩ । একবার আমার পিতাকে বলিয়াছিলেন, রাজকুমার, তুমিত জান না, না জানিয়া ঘুরিয়া আসিলে । গাঁহারা জানিতে পারেন, তাঁহারাও প্রাক্তন থণ্ডাইতে পারেন না ।
- ৮৪ । আমার কর্মদ্বারা আমি বদ্ধ, আমার কর্মদ্বারা আমি মুক্ত হইব, কে ধরে ?
- ৮৫ । ভগবানের নিকট মেয়ে ও পুরুষে কোন প্রভেদ নাই । সকলই তাঁহার সমান ।
- ৮৬ । মেয়েও পুরুষ বলিয়া আত্মায় কোন ছাপ দেওয়া নাই ।
- ৭৭ । যদি কলিকালে যুক্তি চাও, পুরুষ হইয়া জন্মগ্রহণ কর ।
- ৮৮ । যে ভগবানের নাম করে না, সতত কুকাজে রত, সে

মেয়ে মানুষ । আর যে সর্বদা ভগবানকে মনে করে, সাধু সংসঙ্গ করে, সে পুরুষ ।

৮৯ । মেয়েদের কোথায় গিয়াও ধর্ম হয় না । তাহাদের ধর্ম হয় ঘরে বসে ।

৯০ । আমি সহস্র কোটা পাপ করিয়াছি, আমি ব্রহ্মপদ লইব, ধরিবে কে ?

৯১ । যে তাঁকে চায়, সে তাঁকে পায় ।

৯২ । ঠাকুর ( পরমহংসদেব ) বলিতেন, মেয়ে ভক্ত কেঁদে গড়াগড়ি দিলেও তাহাকে বিশ্বাস করিতে নেই ।

৯৩ । পুরুষের পক্ষে রমণী যেমন ধর্মপথে কণ্টক, রমণীর পক্ষে পুরুষও তেমন ধর্মবিরোধী ।

৯৪ । যাহাকে একটা কথা বলিতে হয়, তাঁহার কথা আগে শুনিতে হয় ।

৯৫ । প্রাণন ভোগ কেহ থণ্ডাইতে পারে না ।

৯৬ । বৃক্ষাদি সম্বন্ধে তিনি বলিয়াছেন, ইহারা কর্মের দায় বৃক্ষ হইয়া দাড়াইয়া আছে, সময়ে ইহারাও মানুষ ছিল ।

৯৭ । আজ যে পুত্র এত আদরের, যদি সে কাল শুকর হইয়া ঘোঁ ঘোঁ করিয়া আসে, পিতা লাঠি শেঁটা লইয়া তাড়াইতে দৌড়িয়া যান ।

৯৮ । স্বাস্থ্য রক্ষা পরম ধর্ম । দেহে জালা থাকিলে সমাধি হয় না ।

৯৯ । জীব তিন রকম, বদ্ধ, মুক্ত ও মুমুকু । বদ্ধজীব নিজেও ভগবানের নাম নেয় না, অপরকেও তাহা নিতে দেয় না । মুক্ত জীব সর্বদা সচ্চিদানন্দ সাগরে সন্তরণ করে । মুমুকুজীব

ভগবানের দিকে চাহিয়া থাকে এবং তাঁহার দয়া হইলে ধন্য হইয়া যায় ।

১০০ । বন্থা আসিলে ডোবা পুকুর ডুবিয়া যায়, সমস্ত এক হইয়া যায় । সেইরূপ ভগবান আসিলে সকলেই অসীম সুখ পায় ।

১০১ । ভগবানকে খুঁছিয়া আনিতে হয় না । তিনি নিজগুণে দয়া করিয়া আসিয়া দেখা দেন ।

১০২ । মানুষের বাহিরেব আকার এক হইলেও, ভিতরে তাহা হইলে দেখা যায়, কেহ বাঘ, কেহ তল্লুক হইয়া খাপ্ পাতিয়া বসিয়া আছে ।

১০৩ । মাযের দণ ছেলে, তিনি কাঠাকে চুম্বি দিয়া ভলাইয়া রেখেছেন, কাঠাকে এটা ওটা দিয়া মত্ত ক'রে রেখেছেন, আর অশান্ত ছেলেকে কোলে ক'র বসে আছেন । কিন্তু যেই কোন অশান্ত ছেল সমস্ত ত্যাগ করিয়া, মা মা বলিয়া কাঁদিয়া উঠে, মা অমনি তাহাকে কোলে স্থান দেন ও শান্ত করেন । সেইরূপ এই সংসারেও যে মানুষ সকল খেলা ছাড়িয়া দিয়া মার অন্ত আকুল হয়, চিন্ময়ী মা তাহাকে কোলে তুলিয়া লন ।

১০৪ । ছোট বাসনা গুলি পূর্ণ করিতে হয়, বড় বড় বাসনা যুক্তি দ্বারা মন হইতে দূর করিয়া ফেলিতে হয় ।

১০৫ । দেখিয়াছি পরমহংসদের জালা নাই । তিনি বলিয়াছেন, আমার জালা নাই । আমার নিকট আর কেহ বলিয়া যাইতে পারিবে না, তাহার জালা নাই ।

১০৬ । ভগবানের কৃপা হইলে জাগার হাত এড়ান যায় ; নচেৎ নয় ।

১০৭। ভগবান্ বাহাকে দেখা দেন, ভক্তি বিশ্বাস প্রভৃতি গুণ সকল আপনিই আসিয়া উপস্থিত হয় ।

১০৮। মায়ের কাছে বাহার জালা যায় না, তাহার জালা আর কোথায়ও যাইবে না ।

১০৯। এহ সংসারে আপন বলিতে কেহ নাই । বাহাকে এত আপন ভাবা যায়, সেও বিরূপ হইয়া - দাঁড়ায় । ভগবান্‌ই জীবের একমাত্র আপন । তিনি সকল অবস্থাতেই আপনার মত সঙ্গে থাকেন ।

১১০। ভগবান্ মঙ্গলময় ।

১১১। রাবন নাগকন্যা, দেবকন্যাও উপভোগ করিল, শেষে ভগবানের চরণেও স্থান পাইল ।

১১২। জনক রাজা চতুর ছিলেন, কিছুতে ছিল না ক্রটি । একুল ওকুল দুকুল রেখে খেয়ে গেলেন দুধের বাটি ।

১১৩। প্রতি দেহে ভগবান্ বর্তমান থাকিলেও কুলোকের সাথে মিশিতে হয় না ।

১১৪। আজ বাহাকে গুরু বলিয়া মানিলাম, আজ বাহাকে ভগবান্ বলিয়া পূজা করিলাম, যদি তিনি ভগবান্ নাও হন, তাহাতে দোষ কি ? অনন্তজীবন চলিয়া গিয়াছে, এক জীবনও না হয় চলিয়া গেল ।

১১৫। ত্রিসন্ধ্যা যে বলে কালী,

পূজা সন্ধ্যা সে কি চায় ?

সন্ধ্যা তার সন্ধ্যানে ফিরে ।

তবু সন্ধান নাহি পায় ।

১১৬। অনন্তমনে ভগবানের দিকে চাহিয়া থাকিতে হয়, সময় হইলে তিনি আপনিই দয়া করেন ।

১১৭। ঈশ্বরকে খুঁজিতে হয় না, দয়া করিতে ইচ্ছা হইলে, তিনি নিজে আসিয়া দয়া করেন ।

১১৮। একদিন মহম্মদ ঘুমাইয়া আছেন । তাঁহার শত্রুগণ তাঁহার চারিদিকে বেষ্টন করিয়া দণ্ডায়মান । একজন তাঁহাকে নিদ্রিতাবস্থায় হত্যা করিতে চাহিয়াছিল । পরে নিদ্রারিত হইল, তাঁহাকে জাগরিত করিয়া মারা হইবে । তদনুসারে জাগান হইল । অপর একজন মহম্মদকে জিজ্ঞাসা করিল, কে তাঁহাকে রক্ষা করিবে ? মহম্মদ বুকের কাপড় ফেলিয়া দিয়া, সমস্ত বুক পাতিয়া বলিলেন, আল্লা আমাকে রক্ষা করিবেন । এই কথা বলা মাত্র, তাঁহার শত্রুর হস্তস্থিত বস্ত্রম খসিয়া পড়িল এবং শত্রুগণ কাষ্ঠ পুত্রলিকার মত দাঁড়াইয়া রহিল ।

১১৯। যিশু পেরেকবদ্ধ হইয়া বলিয়াছিলেন, ভগবন, ইহাদের দোষ গ্রহণ করিও না, কারণ ইহারা জানে না, ইহারা কি করিতেছে ।

১২০। ভীষ্মদেবের দেহায়ুর্বৃদ্ধি ছিল না । তিনি ৬ মাস সময় শরশয্যা় রহিয়াছিলেন, তাঁহার বিন্দু মাত্রও কষ্ট হইল না ।

১২১। একগতে কোলগুরু বিরল । বাহার ভাগ্যে কোলগুরু জোটে, তাহার মত ভাগ্যবান্ এই পৃথিবীতে নাই ।

১২২। এই জীবন ক্ষণস্থায়ী । জীব ইহা জানিয়া শুনিয়া ইহাতে ভুলিয়া থাকে, ইহা অপেক্ষা আশ্চর্যের বিষয় কি ?

১২৩। কৃত অভ্যাস আমাদিগকে বিপদ হইতে রক্ষা করিতে সক্ষম ।

১২৪ ।

দেখাই দীক্ষা ।

শুনাই শিক্ষা ॥

১২৫ । সখি, যতকাল থাকি, ততকাল শিখি । ,

১২৬ । পুবাণাদি সকলই সত্য, কিছুই ভুল নয় । পরমহংস-  
দেব বলিতেন, তাও বটে, তাও বটে ।

১২৭ । একজন বলিয়াছিলেন, অত বৎসর পর গঙ্গা মর্ত্যধাম  
ত্যাগ করিবেন । তাহা শুনিয়া নাগমহাশয় বলিলেন, আমি এই  
কথা বিশ্বাস করিতে পারি না । পতিতপাবনী গঙ্গা এই জগৎ  
ত্যাগ করিতে পারেন না । যদি কোন মহাপুরুষ, যিনি গঙ্গাকে  
অনুভব করিয়াছেন, বলেন যে, হা, গঙ্গা সত্যই এ ধরাধাম ত্যাগ  
করিয়াছেন, তবে তাঁহাব কথা বিশ্বাস যাইব ।

১২৮ । কামভাব থাকিলে রাধাকৃষ্ণপ্রেমের মাধুর্য উপলব্ধি  
হয় না । মায়াযুক্ত হইলে রাধাকৃষ্ণপ্রেম বুঝা যায় ।

১২৯ । মহাপ্রভু বলিতেন,—

রমণীর কোল,

সিংমাছের ঝোল,

বোল হরিবোল ।

১৩০ । হরি বল, কাপড়ও তোল । ঈদৃশ মতাবলম্বী  
লোকের কোন দিন ভাল হয় না । তাঁহাতে সম্পূর্ণ বিশ্বাস না  
হইলে, জীবের মুক্তি হয় না ।

১৩১ । একই ভগবান্ সর্ব্ব ঘটে বিরাজ করিতেছেন । ,

১৩২ । ব্রহ্ম সত্য, জগৎ মিথ্যা ।

১৩৩ । সচ্চিদানন্দময়ী মা পথ • ছাড়িয়া না দিলে, কেহ  
মায়ার হাত এড়াইতে পারে না ।



১৩৪ । ভগবান্ ও ঠাহাব ভক্ত কাহাব দোষ গ্রহণ কবেন না, কারণ গুণগ্রাহী জনার্দন ।

১৩৫ । গলায় পরেছে ঢোল, বাজালেই সিঁঝি ।

১৩৬ । ভগবানে প্রীতি থাকায়, পঞ্চকন্ঠা অসতী হইয়াও সতীর শিরোমণি ।

১৩৭ । পাশবদ্ধ ভবেৎ জীবঃ ।

পাশমুক্ত সদা শিবঃ ॥

১৩৮ । মায়াকে চিনিলে মায়া আপনিই পালায় ।

১৩৯ । সিদ্ধি ও সিদ্ধাই প্রশসাংব মোগ্যনয় । সিদ্ধি ধন্য-পথের অন্তঃরায় । লোক সিদ্ধিলাভ কবিলে, তাহাতে ভুলিয়া থাকে, ভগবানকে চায় না ।

১৪০ । যত্র জীব তত্র শিব ।

যত নারী তত্র গৌবী ।

১৪১ । হ'তে হ'তে যাত্রা হয় । এই সংসাবে কেহ কিছু কবিতে পারে না, সকলই ভগবানের ইচ্ছা ।

১৪২ । পিতার নিকট সন্দেশ চাহিলে, পিতা পুত্রকে চিট্‌গুড় দেন না ।

১৪৩ । পরমহংসদেবের উপদেশ আছে, কুলোককে খাওয়াইলে পাপ হয় । সে মেস্থানে ভোজন করে, তিন হাত মাটি খুঁড়িয়া ফেলিতে হয় । নাগমহাশয়ের কোন এক ভক্ত এ বিষয়ে তাঁহাকে জিজ্ঞাসা করিলেন, তবে কি কবিয়া এই সংসারে অতিথিসৎকার করা যায় ? তিনি বলিলেন, সংসারে ওসব বিচার করিয়া চলা যায় না । সকলকে ভগবান্ বলিয়া মনে করিলে পর, তাহা হইতে অমঙ্গল আসিতে পারে না ।

- ১৪৪ । মঙ্গলময় হইতে অমঙ্গল আসে না ।
- ১৪৫ । আমি রমণী মাত্রেই সচ্চিদানন্দময়ী মাকে দেখিতে পাই ।
- ১৪৬ । আমি পশুবোণীকে মাতৃযোনীর মত দেখি ।
- ১৪৭ । Similia Simi libus ( utantur , সদৃশং সদৃশেন  
শাম্যতে । বিষম্ব বিষমৌলধম্ ।
- ১৪৮ । মনে বলে পাপকর্ম্ম করিব না আর ।  
স্বভাবে করায় কর্ম্ম, কি দোষ আমার ॥
- ১৪৯ । কুমতি স্মৃতি  
সবই মা ভগবতী ॥
- ১৫০ । বনের শাপে খায় না, মনের শাপে খায় ।
- ১৫১ । যাত্রার মেমন ভাব, তাহার তেমন লাভ ।
- ১৫২ । যে হাসিতে শিখে সে হাসে, যে কাঁদিতে শিখে, সে  
কাঁদে ।
- ১৫৩ । এই হাসি এই কারা ।  
বলে গেছে রামসরা ॥
- ১৫৪ । দোষ করিলে কাতর প্রাণে ভগবানের নিকট ক্ষমা  
চাহিতে হয় । তিনিই কেবল আমাদের দোষ ক্ষমা করিতে  
পারেন ।
- ১৫৫ । পাপ ও পায়রা কখনও গোপনে থাকে না । সমস্ত  
প্রকাশ পাইবে ।
- ১৫৬ । অমিয়া বার  
ঘরে বসিয়া তের,  
যদি কুরিতে পার ।

- ১৫৭ । ভগবানে মন থাকিলে চতুর্ভুজ ফল লাভ হয় ।
- ১৫৮ । কাচ লাগান আলমারির ভিতর জিনিষ সকল যেমন  
অনায়াসে দেখা যায়, আমি সেইরূপ সকলের হৃদয় দেখিতে পাই ।
- ১৫৯ । আয়স্কান্ত পরস্কান্ত মণিমুক্তা আদি,  
শ্মশানের ধুলার মত ত্যাগ করিতে পারি,  
কিন্তু রত্না ত্রিলোভমা যদি মোরে ছলে,  
রক্ষের রূপায় আমি তবে যাই তরি ।
- ১৬০ । যুবতী কণ্ঠার সহিত পিতাও নির্জনে থাকিবে না ।
- ১৬১ । যত দিন পুড়ে শ্মশানে না পড়ে ছাই,  
তত দিন সতীত্বের বিশ্বাস নাষ্ট ।
- ১৬২ । পূজা, ধ্যান, জপ, সকলই শেষমুহুর্ত্তে ভগবৎভাব  
জাগাইবার জন্ম ।
- ১৬৩ । একজ্ঞান জ্ঞান, বহুজ্ঞান অজ্ঞান ।
- ১৬৪ । যার যেমন ভাব, তার তেমন লাভ, মূলতে প্রত্যয় ।
- ১৬৫ । ভগবানের নিকট সে যাচা চায়, সে তাহা পায় ।
- ১৬৬ । জানায় মানায় না ।
- ১৬৭ । সংসারীর বেদান্তজ্ঞান সম্পূর্ণ অনুপমোগী ।
- ১৬৮ । ভগবান্কে বিশ্বাস করিলে, কাহার উপর মন প্রাণ  
সমর্পণ করিলে, তিনি দয়া করেন ।
- ১৬৯ । পুরাণ তত্ত্বাদি সকলই সত্য, কিছুই ভুল না ।  
সকল ইহাতেই মঙ্গল আসিতে পারে ।
- ১৭০ । কাহাকেও সুপুণ্ড্র গাঠিতে হইবে না । কাহার  
আজ, কাহার বা কাল, কাহার ছই দিন পর ডাক পরিবে ।  
সকলেই সচ্চিদানন্দময়ীর প্রকাণ্ড অনাগারে স্থান পাইবে ।

- ১৭২ । যাদৃশী ভাবনা যন্ত, সিদ্ধিভবতি তন্ত তাদৃশী ।
- ১৭৩ । ভূমিত ঠাকুর ঠাকুর বল ; ঠাকুর “ভূমি” বলিলেই  
হইল ।
- ১৭৪ । পঞ্চভূতের ফাঁদে, ব্রহ্ম পড়ে কাঁদে ।
- ১৭৫ । ভগবান্ রুষ্ট হলে, গুরু রক্ষা করিতে পারেন, কিন্তু  
গুরু রুষ্ট হইলে, কেহ রক্ষা করিতে পারে না ।
- ১৭৬ । সংসারের কথাবার্তা কাক কোন্দল বৎ ।
- ১৭৭ । যতপি আমার গুরু গুরি বাড়ী যায় ।  
তথাপি আমার গুরু নিত্যানন্দ রাম্ ॥
- ১৭৮ । বিশ্বাসে মিলিবে রক্ষা, তর্কে বহু দূর ।
- ১৭৯ । লিঙ্গই সিংহ হইয়া ঘাড় কামড়ায় ।
- ১৮০ । যে যাবে রাখে, সে তারে রাখে ।
- ১৮১ । মনের একাগ্রতার জন্যই যুগযুগান্তনব্যাপী তপস্বী ।
- ১৮২ । মরিবার সময় মনে যে ভাব হয়, সেই ভাব লইয়াই  
পরজন্মগ্রহণ করিতে হয় ।
- ১৮৩ । বিপদই সম্পদ ।
- ১৮৪ । যাহারা শাস্ত দেখিয়া চলে, তাহারাই ধন্য ।
- ১৮৫ । ভগবান্ দুই হাত দিয়াছেন, দুই হাত ভরিয়া  
ভগবানের অঞ্জলি দিতে হয় ।
- ১৮৬ । আমি কেন তিন দিন তাঁহার পূজা করিব ? আমি  
রোজ তাঁহার পূজা করিব ।
- ১৮৭ । শ, ষ, স ;-না শ—নাশ । বর্ণমালাতে শ তিনটি ।  
যত পার সহিয়া যাও ।
- ১৮৮ । মায়াপুবাণ ত্যাগ করিতে হয় ।

১৮৯ । কেহ কেহ সিদ্ধিলাভ কথিয়া সাধনা করে, যেমন  
লাউ কোমরের আগে ফুল, পরে ফল ।

১৯০ । ভগবানের দয়া হইলে জন্মজন্মান্তরেব কৃতকর্মের  
শেষ হয় ।

১৯১ । মায়াকে চিনিলে পব আর মায়া থাকে না ।

১৯২ । ব্রহ্ম হইলে সমস্ত ভাষাইয়া দেয়, খাল, বিল, থানা,  
ডোবা সকলই ডুবিয়া যায় । ভগবানের অবতাব হইলে, সকলেই  
তাঁহার কুপায় সুখে থাকে ।

১৯৩ । প্যান কব্‌ব কোনে, বনে ও মনে ।

১৯৪ । চাবা গাছে বেড়া । ছোট বেলায় ভগবৎভাব  
লাভ ।

১৯৫ । প্রাতঃকালে তোলা মাখন যেমম জলে মিশে না, সেই  
রূপ ছোট কালে ভগবৎপবারণ হইলে আর মায়াতে বদ্ধ হয় না ।

১৯৭ । কলিকালে বহুলোক কীর্তন করিবে ।

নাটিয়া গাইয়া শেষে নরকে যাইবে ॥

১৯৮ । প্রতিষ্ঠা শুকবীবিষ্টা ।

১৯৯ । লোকের ভাল ও মন্দ কাককোনলবৎ মনে করিবে ।

২০০ । যে ঘরে লোক জাগিয়া থাকে, তথায় চুরি হয় না ।

২০১ । গুরু কৃষ্ণ বৈষ্ণব তিনের দয়া হল ।

একের দয়া বিনা জীব ছাড়থারে গেল ॥

২০২ । মরবে নারী উড়বে ছাই ।

তবে নারীর গুণগাই ॥

২০৩ । যাহার এখানে আছে, তাহার ওখানে আছে ।

যাহার এখানে নাই, তাহার ওখানেও নাই ।

২০৪ । প্রদীপের স্বভাব আলো দেওয়া । কেহ আলোতে বসিয়া ভাগবত পাঠ করিতেছে, কেহ, ভাত রান্ধিতেছে, কেহ জল বুনিতেছে ।

২০৫ । কাঁচা মাটিতে গড়ন চলে ; একবার তাহা পুড়িলে, শত চেষ্টায়ও তাহার পরিবর্তন হয় না ।

২০৬ । মূলোপেলে মুলোর ঢেকুর উঠে । যাহাব হৃদয়ে যে ভাব আছে, তাহা আপনিই বাহির হইয়া পড়ে ।

২০৭ । পানকোড়ি জলে থাকে, তাহার গায় জল লাগে না, সেইরূপ মুক্তপুরুষ যেখানেই পাড়িয়া থাকুন না কেন, তাঁহার কোন আশঙ্কি হয় না ।

২০৮ । চিনিতে বালি মিশাইলে, পিপীলিকা বালি ফেলিয়া রাখিয়া চিনি খায়, সেইরূপ ভগবৎভক্ত সদসতের ভিতর থাকিয়াও সম্ভাবে বিভোর থাকে ।

২০৯ । মেয়ে হিজড়ে, পুরুষ খোজা ।

তবে হবে কর্তাভঙ্গা ॥

২১০ । পতঙ্গ আলো ভালবাসে । আলো দেখিলেই তাহাতে পড়ে, কোন বাধা মানে না । সেইরূপ ভক্ত ভগবানের নিকট চলিয়া যায়, সংসারের শত বাধা তাহাকে বাধিয়া রাখিতে পারে না ।

২১১ । অমৃতকুণ্ডে যে ভাবে হউক পড়িলেই হইল ।

২১২ । কাক বড় বুদ্ধিমান, আগেই খায় শু ।

২১৩ । ভগবানে তন, মন ও ধন দিতে হয় ।

২১৪ । সংসার কেমন ? যেমন অমড়া । শস্ত্রের সাথে খোঁজ নাই, হাড়র আর চামড়া, খেলে হয় অম্বলশূল ।

২১৫ । মানবজীবন লাভ করিয়া যে ভগবান্ লাভের চেষ্টা  
কবে না, তাহার জন্মগ্রহণ কষ্ট মাত্র সার ।

২১৬ । এক সময় নারদ বলিয়াছিলেন, হে ভগবন্, তোমার  
লীলা রূপ দেখিতে চাই না, তোমার নিত্যরূপ অনুভব করিতে চাই ।

২১৭ । নারদ রামকে বলিয়াছিলেন, তুমি বাষণ বধ করিবে  
বলিয়া, তাহা আজ করিতে পারিবে না ।

২১৮ । ভাবের ঘবে যেন চুরি না হয় ।

২১৯ । মানুষ ব্রহ্মকে না জানিলে, সংসার ছাড়িতে পারে  
না । জলোকা যখন একটি অবলম্বন গ্রহণ করিয়া, অগ্রবস্ত  
ছাড়িয়া দেয়, সেইরূপ জীব ভগবানের বিমল মুখ পাইলে,  
সংসারানন্দ ভুলিতে পারে ।

২২০ । মহাশক্তি মহামায়ার দয়া না হইলে, কেহ মায়ার  
হাত এড়াইতে পারে না ।

২২২ । বুঝি তাও বটে, বুঝি তাও বটে ।

২২৩ । যত মত, তত পথ ।

২২৪ । আমি মলে যুচিবে জঞ্জাল ।

২২৫ । এ সংসারে ধোকার টাটি ।

২২৬ । অন্তর্চিন্তা চমৎকারা ।

কালিদাস হয় বুদ্ধিহারা ॥

২২৭ । যে ভগবানকে ধবে, তাহার পা বেতালে পড়ে না ।

২২৮ । দেহ জানে আর জানি আমি, মন তুমি আনন্দে রহ ।

২২৯ । কালকালে নানদীয় ভক্তিই শ্রেষ্ঠ ।

অনেক সময় নাগমহাশয় 'এই কয়েকটি গান বলিতেন ।

তাঁহাকে কখনও গান করিতে শুনি নাই ।

গয়াগঙ্গা প্রভাসাদি কাশী কাঞ্চি কেবা চায় ।  
 কালী কালী কালী বলে আমার অজ্ঞপা যদি ফুরায় ॥  
 ত্রিসন্ধ্যা যে বলে কালী, পূজা সন্ধ্যা সে কি চায় ॥  
 সন্ধ্যা তার সন্ধ্যানে ফিরে তবু সন্ধান নাহি পায় ॥  
 দয়া ব্রত দান আদি আর কিছু না মনে গয় ।  
 মদনের বাগযজ্ঞ ব্রহ্মময়ীর রাজা পায় ॥

আপনাতে আপনি থাক মন যেরোনাক কারুণ্যে ।  
 যা চাৰি এখানে পাবি খোঁজ নিজ অন্তঃপুরে ॥  
 পবনধন এই পরশমণি অসংখ্য ধন দিতে পারে ।  
 কত মণি পবে আছে চিন্তামণির নাচ ছয়ারে ॥

সকলি তোমার ইচ্ছা ইচ্ছাময়ী তারা তুমি ।  
 তোমার কৰ্ম্ম তুমি কর, লোকে বলে করি আমি ।  
 পঙ্কে বদ্ধ কর করো, পঙ্কে লজ্বাও গিরী ।  
 কাবে দেও মা ইঞ্জর পদ, কারে কর অধোগামী ॥

দে মা আমার পাগল কর ।

কাজ নাই আমার জ্ঞান বিচারে ॥

শক



কে জানে কালী কেমন ।

যড় দশনে না পাখ । শন ॥

কালী পদু বনে হংস সনে হংসীরূপে করে রমণ,  
 মূলাধারে সহস্রারে সদা যোগী করে মনন ।  
 আত্মারামের আত্মাকালী প্রমাণ প্রণবের মতন,  
 তিনি ঘটে ঘটে বিরাজ করেন, ইচ্ছামযীর ইচ্ছা যেমন ।  
 মায়ের উদর ব্রহ্মাণ্ড ভাণ্ড প্রকাণ্ড তা জান কেমন,  
 মহাকাল জেনেছে কালীর মর্ম, অণু কেবা জানে তেমন ।  
 প্রসাদ ভ্রাষে, লোকে হাসে, সন্তরণে সিদ্ধু তরণ,  
 আমার মন বুঝেছে, প্রাণ বুঝেনা, ধর্কের শলী হয়ে বামন ॥

৮

---

## পারিশিষ্ট ।

এক দিন ৩।৪ জন বৈষ্ণব নবদ্বীপ হইতে নারায়ণগঞ্জে আসিয়া-  
ছিলেন । তাঁহারা দেওভোগ চিনেন না । জাহাজ হইতে অবতরণ  
করিয়া সমাগত লোকদিগকে জিজ্ঞাসা করিতে লাগিলেন,  
দেওভোগ কোথায় ? দীনদয়াল নাগ কে ? তাঁহার ঘরে ভগবান্  
অবতীর্ণ হইয়াছেন । তোমরা তাঁহাকে কি জান ? নাগমহাশয়  
গোপনে থাকিতেন । কোন কোন লোক তাঁহাকে মহৎব্যক্তি  
বলিয়া জানিত ; কেহই তাহাকে তখন ভগবান্ বলিয়া জানিত না ।  
তাঁহার উপর, যাহারা তাহাদিগকে ধেরিয়া দাঁড়াইয়াছিল, তাহারা  
নৌকার মাঝি । ভাড়ার অল্প লোক খুঁজিতে নদীর তীরে উঠিয়াছে ।  
তাঁহারা কি করিয়া নাগমহাশয়কে জানিবে ? আমাদের বাড়ীর নিকট  
একঘর মাঝি বাস করিত । তাঁহারা আমাদের স্ত্রে নাগমহাশয়কে  
চিনিত । তাঁহারা তাঁহাকে অতিশয় মাগু করিত, তাঁহাকে  
বিশেষ ক্ষমতাপন্ন সংলোক বলিয়া জানিত । তাঁহাদের একজন  
মাঝি দেওভোগে নাগমহাশয়দের বাড়ী চিনে বলায়, বৈষ্ণবগণ  
অত্যন্ত সুখী হইলেন, নিজেদের পরিশ্রম সফল হইয়াছে মনে  
করিয়া তাহাকে সঙ্গে করিয়া নাগমহাশয়কে দেখিতে চলিলেন ।  
তাঁহারা সেই মাঝীকে বলিলেন, তাঁহাদের মাইত্রী স্বপ্নে দেখিয়াছেন,  
নারায়ণগঞ্জের নিকটে দেওভোগ গ্রামে দীনদয়াল নাগের ঘরে  
মহাপ্রভু জন্মগ্রহণ করিয়াছেন । তাই মাইত্রী দীনদয়াল নাগকে  
দেখার অল্প তাহাদিগকে পাঠাইয়া দিয়াছেন ।

বৈষ্ণবগণ মনের আনন্দে দেওভোগ চলিলেন । নাগমহাশয়ের  
 'বাড়ীতে গেলেন । সেই সময় নাগমহাশয় বাড়ীতেও ছিলেন ; কিন্তু  
 কোথায় যে চলিয়া গেলেন, কেহ দেখিল না । যে পর্যন্ত তাহারা  
 নাগমহাশয়ের বাড়ীতে ছিলেন, তাঁহাকে কেহ দেখিতে পাইল না ।  
 ৩৪ দিন দেওভোগে থাকিয়া, তাহারা কাঁদিতে কাঁদিতে নিজ  
 অদৃষ্টকে দোষী করিয়া চলিয়া গেলে, নাগমহাশয়কে বাড়ীতে দেখা  
 গেল । সেই অবধি সেই মাঝীব বাড়ীর লোক তাঁহাকে নারায়ণ  
 বলিয়া জানিত, সুখে ও দুঃখে তাঁহাব আশ্রয় নিত ।











